



6

37-a

4



Ex Bibliotheca
majori Coll. Rom.
Societ. Jesu

6-37-2-4


~~23-a~~ 17

23-8-27
23
a
27

Lutetiae
pariforum
ao 186
p. 6. W.
40 p. h.







LES LETTRES

D'ESTIENNE PASQUIER

CONSEILLER ET ADVOCAT

GENERAL DV ROY

en la chambre des Com-

ptes de Paris.



A PARIS,



Chez ABEL L'ANGELIER, au premier pillier
de la grand Salle du Palais.

M. D. LXXXVI.

AVEC PRIVILEGE DV ROY.

2789702 411

ALYSSUM MONTANUM

— 1884 — 1885 —

— 1886 — 1887 —

— 1888 — 1889 —

— 1890 —




— 1891 — 1892 —
— 1893 — 1894 —
— 1895 — 1896 —
— 1897 — 1898 —
— 1899 — 1900 —



TABLE CONTENANT
LE NOMBRE ET ORDRE DES
EPISTRES DE CES DIX LIVRES,
avec les noms de ceux à qui elles s'a-
dressent, & leur sommaire.

DU PREMIER LIVRE.

- i.  *Monsieur Loisel Aduocat en la Cour de Parlement de Paris. Il rend raison pourquoy il expose ses lettres en lumiere.* fol. 1. pag. 1.
- ij. *A Monsieur de Tournebu professeur du Roy des lettres Grecques en l'Vniuersité de Paris. Sçauoir s'il est bon de coucher les arts & sciences en François.* fol. 3. pag. 2.
- iiij. *A Monsieur Sauluage seigneur du Parc. Que lors que noz poëtes discourent le mieux de l'amour, c'est lors qu'ils sont moins atteints de maladie.* fol. 8. pag. 2.
- liij. *A Monsieur de Gournay gendarme. Il se vit avec vn sien parent qui estoit à Rome.* fol. 9. pag. 2.
- v. *Au Cheualier de Montereau. Si la temperie du Ciel produit les gens doctes en certains pays.* fol. 10. pag. 1.
- vj. *A Monsieur de la Fosse Vandomois. Il se gaussé avec vn sien amy qui se vantoit luy auoir escript.* fol. 11. pag. 2.
- vij. *A Monsieur de la Chault Aduocat au Parlement de Paris.* fol. 12. pag. 2.
- viiij. *A Monsieur de Ronfard. Que le commun de la France se rend fort aisement cingé des autres.* fol. 12. pag. 2.
- ix. *A Monsieur le Picart Conseiller en la Cour des Generaux des aides.* 2^e ij



Les opinions qui doiuent entrer és esprits de ceux qui se veulent marier. fol. 14. pag. 2.

- x. A Mademoiselle de. Quel contentement on peut receuoir de l'amour. fol. 16. pag. 1.
- xj. A Monsieur de Fossomme gentilhomme Vermandois. De la police que tint le feu Duc de Guise dans la ville de Metz, contre le siege de l'Empereur Charles cinquieme. fol. 19. pag. 2.
- xij. A Monsieur Sebilet Aduocat au Parlement de Paris. Si les Romains ont esté superieurs aux anciens Gaulois, soit au fait des armes ou des lettres. fol. 22. pag. 2.
- xiiij. A Monsieur de Postel Conseiller au siege Presidial de Troye. Il se-mond un sien amy de luy escrire. fol. 24. pag. 2.
- xiiij. A Monsieur Brallion Cōseiller au siege Presidial de Lyon. Lettre plai-sante par laquelle il se-mond un sie amy de luy escrire. fol. 25. pag. 1.
- xv. A Monsieur de Basmaison Aduocat au siege Presidial de Rion. Il console un sien amy. fol. 25. pag. 2.
- xvj. A Monsieur de Ronsard. De l'Eloge Latin & François de Paschal. fol. 27. pag. 1.
- xvij. A Mademoiselle de. Ceste lettre fut faite en faueur d'un sien amy ser-uiteur d'une Damoselle. fol. 27. pag. 2.
- xviii. A Madame de. Ceste lettre est par forme de gayeté seulement à vne Dame d'honneur. fol. 28. pag. 1.

DV SECOND LIVRE.

- i. A Monseigneur l'Illustrissime & Reuerēdissime Charles Cardinal de Lorraine. Il fait present du premier liure de ses Recherches de la France à Charles Cardinal de Lorraine. fol. 30. pag. 1.
- ij. A Monsieur Bigot seigneur de Tibermeny, Aduocat au Parlement de Rouen. S'il est bon de coucher par lettres quelques beaux discours. fol. 31. pag. 2.
- iiij. Lettres du Sieur de Tibermeny à Pasquier. fol. 33. pag. 1.
- iiij. A Monsieur de Marilhac Sieur de Ferrières, Conseiller du Roy, & maitre en sa chambre des Comptes de Paris. Il presere par forme de gayeté la vie des villes à celle des champs. fol. 34. pag. 2.
- v. A Monsieur de Marilhac seigneur de Ferrières, Conseiller du Roy, & maitre ordinaire de sa chambre des Comptes. Il se gausse de quel-ques folles ordonnances d'amour qu'il auoit faites à un ieur des Rois. fneil. 38. pag. 2.

- vi). A Monsieur Cuius Conseiller au Parlemer de Grenoble, & Docteur regent des Loix en l'Vniuersité de Bourges. Le fruit que se peuent promettre enuers la posterité les auteurs qui inuentent au regard de ceux qui translatent des liures. *feuil. 41. pag. 1.*
- vij). A Monsieur de Ronfard. En quelle recommandation a esté autrefois la poésie Françoisse entre nous. *feuil. 49. pag. 1.*
- viii). A Monsieur Martin Gressier au siege Presidial d'Angoulmois. *feuil. 47. pag. 1.*
- ix). A Monsieur Bigot seigneur de Tibermeny Aduocat au Parlement de Roüen. Il se souë sur la naissance d'un sien fils. *feuil. 48. pag. 2.*
- x). Lettre du seigneur de Tibermeny à Pasquier. cù il est discouru pourquoi les gës d'esprit ne produisent enfans semblables a eux. *feuil. 49. pag. 2.*
- xj). A Monsieur de Querquifinen seigneur d'Ardiuilliers. Certains paradoxes qu'il propose au seigneur d'Ardiuilliers pour y mettre la main. *feuil. 50. pag. 2.*
- xij). A Monsieur de Querquifinen seigneur d'Ardiuilliers. Quelle est la vraye naisuete de nostre langue, & en quels lieux il la faut chercher. *feuil. 51. pag. 1.*
- xiii). A Madamoiselle du Lis. Il promet tous bons offices à vne Damoiselle d'honneur, à laquelle il escrit. *feuil. 54. pag. 2.*

DV TROISIESME LIVRE.

- i). A Messieurs Robert & Fournier Docteurs regents es droitz en l'Vniuersité d'Orleãs. Il seroit bõ que le cõsentemẽt des peres & m. e. res fust requis de nre esté aux mariages de leurs enfãs. *fol. 58. pag. 2.*
- ij). A Monsieur de Vonsomme gentilhomme Vermandois. Si la vefue faisant folie de son corps doit deschoir de ses conuentions matrimoniales. *feuil. 60. pag. 2.*
- iiij). A Monsieur de Querquifinen seigneur d'Ardiuilliers. Sommaire discours des terres que l'on appelle neusues. *feuil. 62. pag. 2.*
- iiij). A Monsieur Ramus professeur du Roy en la Philosophie & Mathematiques. Sçauoir si l'orthographe Françoisse se doit accorder avec le parler. *feuil. 63. pag. 2.*
- v). A Monsieur Ramus professeur du Roy en la Philosophie & Mathematiques. De la propriete de ceste diction de Sens entre nous, dõt est venue ceste maniere de parler Sens d'ssus d'ssoux. *feuil. 70. pag. 2.*

- vj. A Monsieur de Fonsomme. Que nulle nation ne peut dire si elle prononce au vray la langue Latine, comme faisoient les Romains. fueil. 71. pag. 1.
- vij. A Monsieur le General d'Estourmel. Il recommande un sien amy au General d'Estourmel. fueil. 75. pag. 2.
- ix. A Monsieur de Tard seigneur de Biszy. Sommaire recueil des mœurs du Roy Louys vnziesme. fueil. 76. pag. 2.
- x. A Monsieur de Marilhac seigneur de Ferrieres, Conseiller du Roy & Maitre ordinaire en sa chambre des Comptes de Paris. Sommaire discours de la fortune de Iacques Cœur. fueil. 78. pag. 2.
- xj. A Monsieur de Marilhac seigneur de Ferrieres. Pourquoi nous disons Chaperonner pour Bonneter: & aussi dont vient qu'on fait quitter la ceinture à celuy qui fait cession de biens. fueil. 81. pag. 2.
- A Monsieur de Marilhac seigneur de Ferrieres. Il se gausse par ceste lettre avec le sieur de Marilhac. fueil. 82. pag. 2.

DV QVATRIESME LIVRE.

- i. A Monsieur de Fonsomme. Commencement des troubles de la France. fueil. 83. pag. 2.
- ij. A Monsieur de Fonsomme. Suite du voyage. fueil. 84. pag. 1.
- iiij. A Monsieur de Fonsomme. Mort lamentable du bon Roy Henry deuxiesme du nom. fueil. 85. pag. 2.
- iiij. A Monsieur de Fonsomme. Aduenement du petit Roy François à la couronne. fueil. 88. pag. 1.
- v. A Monsieur de Fonsomme. Suite des troubles d'Amboise. fueil. 90. pag. 1.
- vj. A Monsieur de Fonsomme. Voyage du petit Roy François à Orleans, en deliberation d'exterminer l'heresie. fueil. 91. pag. 1.
- vij. A Monsieur de Fonsomme. Mort du petit Roy François. fueil. 92. pag. 2.
- viiij. A Monsieur de Fonsomme gentilhomme Vermandois. Arrest donné en faueur du Prince de Condé demandeur en declaration d'innocence. fueil. 94. pag. 2.
- ix. A Monsieur de Fonsomme gentilhomme Vermandois. Assemblée des estats dans Orleans. fueil. 95. pag. 2.

T A B L E.

- x. A Monsieur de Fossomme gentilhomme Vermandois. Edit du
vingt-cinquiesme Iuillet 1561. sur la souffrance de la religion
nouuelle. fueil. 97. pag. 1.
- xj. A Monsieur de Fossomme gentilhomme Vermandois. Colloque de
Poissy de grand parade & peu d'effect. fueil. 98. pag. 2.
- xij. A Monsieur de Fossomme. Presches des Huguenots commençant de
prouuigner impudiquement par la France. fueil. 100. pag. 1.
- xiiij. A Monsieur de Fossomme. Le Minime mené prisonnier au Roy, re-
tourne dans Paris avec triomphe. fueil. 101. pag. 2.
- xiiij. A Monsieur de Fossomme. Changement de la volonte du Roy de
Navarre contre les Huguenots, & pourquoy. fueil. 107. pag. 1.
- xv. A Monsieur de Fossomme gentilhomme Vermandois. Monsieur de
Guise retourne en Com, liégué avec le Connestable & Marechal de
S. André. fueil. 109. pag. 1.
- xvj. A Monsieur de Fossomme gentilhomme Vermandois. Feu des trou-
bles de l'xj. allumé generalement par la France. fueil. 112. pag. 1.
- xvij. A Monsieur de Fossomme. Ruines publiques par la France, sous le
pretexte de la religion. fueil. 114. pag. 2.
- xvij. A Monsieur de Fossomme. Siege deuant Paris par les Huguenots.
fueil. 116. pag. 1.
- xix. A Monsieur de Fossomme. Acheminement au siege d'Orleans.
fueil. 118. pag. 2.
- xx. A Monsieur de Fossomme. Mort de Monsieur de Guise. fueil. 112.
pag. 1.
- xxj. A Monsieur de Fossomme. Comme Dieu s'est diuersement ioué tant
des Catholiques que Huguenots. fueil. 123. pag. 1.
- xxij. A Monsieur de Fossomme. Comme toutes choses estoient aux Hu-
guenots soudain apres la mort du Duc de Guise. fueil. 124. pag. 2.
- xxiiij. A Monsieur de Fossomme. Voyage du Roy Charles refusé par la
France. fueil. 125. pag. 2.
- xxiiij. A Monsieur de Fossomme. La cause entre le Roy & les Hugue-
nots traitée au Parlement. fueil. 126. pag. 1.

DV CINQVIESME LIVRE.

- i. A Monsieur de Querquifin seigneur d'Arden. L'x. m. ce-
ment des troubles de Flandre. fueil. 13. pag. 2.

TABLE.

- ii. A Monsieur de Querquifinen seigneur d'Ardiulliers. Comme toutes choses se tournerent au desauantage des Huguenots contre leur opinion. fueil. 133. pag. 1.
- iiij. A Monsieur du Faur seigneur de Pibrac, Aduocat du Roy au Parlement de Paris. fueil. 135. pag. 2.
- iiij. A Monsieur de Querquifinen seigneur d'Ardiulliers. Recit de l'estat des troubles de lxxv. fueil. 137. pag. 2.
- v. Tombeau de Meſſire Anne de Montmorency Pair & Conneſtable de France. fueil. 141. pag. 1.
- vj. A Monsieur de Querquifinen seigneur d'Ardiulliers. Monsieur le Duc d'Anjou frere du Roy fait Lieutenant general de France. fueil. 144. pag. 1.
- vij. A Monsieur de Querquifinen seigneur d'Ardiulliers. Deportemens de nous autres François pendant la courte paix de 1568. fueil. 144. pag. 2.
- viii. A Monsieur d'Ardiulliers. Suite du meſme discours. fueil. 145. pag. 1.
- ix. A Monsieur de Querquifinen seigneur d'Ardiulliers. Mort de Monsieur le Prince de Condé. fueil. 147. pag. 1.
- x. A Monsieur de Marilhac seigneur de Ferrieres, Controulleur general de l'Eſpargne. Iournée de Montcontour, où la fortune tourne viſage aux Huguenots. fueil. 148. pag. 1.
- xj. A Monsieur de Querquifinen seigneur d'Ardiulliers. Edit de la Pacification de l'an 1570. fueil. 151. pag. 1.
- xij. A Monsieur Loifel Aduocat. Mort de l'Admiral de Chastillon. fueil. 152. pag. 1.
- xiiij. A Monsieur de la Bite Iuge general de Mayenne. Acheminement au ſiege de la Rochelle. fueil. 157. pag. 1.
- xiiij. A Monsieur de la Bite Iuge general de Mayenne. Siege de la Rochelle, & quel progres & euenement il eut. fueil. 157. pag. 2.

DV SIXIESME LIVRE.

- j. A Monsieur de Sainte-martre. Il raconte quel fut le motif du plaidoir qu'il fit en l'an 1576. pour le pays d'Angoulesme. fueil. 159. pag. 1.

Plaidoié

TABLE.

- ij. Plaidoié pour la ville d'Angoulême fait en Parlement à Paris le 4. de Fevrier 1576. fueil. 61. pag. 1.
- iiij. A Monsieur Chopin Aduocat au Parlement de Paris. De quel dangereux effect sont les Euocations du propre mouvement des Princes, & cōme elles ont prins leur ply par la France. fueil. 180. pag. 1.
- iiij. A Monsieur Buisson seigneur de Vaillebresay, Aduocat en la Cour de Parlement. Il se iouie icy avec Monsieur Buisson en se ramentenant de quelques Epistres amoureuses qu'il auoit fait imprimer en sa ieu- nesse sans l'inscription de son nom. fueil. 182. pag. 2.
- v. A Monsieur Buisson Aduocat en Parlement. Suite du mesme propos qu'en la lettre precedente. fueil. 183. pag. 2.
- vj. A Monsieur Nesmond Lieutenant general au siege Presidial d'An- goulmois. De quelques iours & mois qui ont esté fatalement heu- reux ou malheureux à vns & autres. fueil. 184. pag. 1.
- vij. A Madame de Ferrieres, vefue de Messire Guillaume de Marilhac en son viuant Conseiller d'estat, & Intendant & Controulleur ge- neral des fināces. Ceste lettre ne gist qu'en curialité. fueil. 186. pag. 1.
- viii. A Monsieur Pithou sieur de Sauoye Aduocat en la Cour de Parle- ment de Paris. Il escrit à Monsieur Pithou quel a esté le motif de faire le poëme de la Puce, auquel plusieurs nobles esprits s'employe- rēt en l'an 1579. les grāds iours estants à Poitiers. fueil. 186. pag. 2.
- ix. La Pulce de Catherine des Roches. fueil. 188. pag. 2.
- x. La Pulce d'Estienne Pasquier. fueil. 190. pag. 2.
- xj. A Monsieur Pithou seigneur de Sauoye, Aduocat en la Cour de Par- lement de Paris. Il loue Mesdames des Roches mere & fille. fueil. 192. pag. 2.
- xij. A Madame de Ferrieres. Il s'excuse de n'auoir escrit à la Dame de Fer- rieres. fueil. 193. pag. 2.
- xiiij. A Madame de Ferrieres. Il accuse la Dame de Ferrieres de ce qu'elle ne luy escrit. fueil. 194. pag. 1.
- xiiij. Lettres de la Dame de Ferrieres à Pasquier. Elles s'excuse avec vn bel artifice de n'auoir escrit. fueil. 194. pag. 2.
- xv. A Madame de Ferrieres. Il respōd aux excuses de la precedente lettre. fueil. 195. pag. 1.
- xvj. A Monsieur de Boileufque seigneur de saint Leger. Il promet tous bons offices au seigneur de saint Leger. fueil. 195. pag. 2.

- xvij. *A Madame de Ferrieres. Ceste lettre gist en remerciement fueil. 196.
pag. 2.*

DV SEPTIESME LIVRE.

- j. *A Monseigneur de Foix Conseiller du Roy au conseil d'Estat, & Ambassadeur au saint siege. Il recommande un sien fils à Monseigneur de Foix estant lors à Rome. fueil. 197. pag. 1.*
- ij. *A Monsieur d'Ossat, en la maison de Monsieur de Foix. Il recommande à Monsieur d'Ossat son fils. fueil. 198 pag. 1.*
- iiij. *A Monsieur Morin. Suite de mesme propos. fueil. 198. pag. 2.*
- iiij. *A Monseigneur de Foix Ambassadeur pour le Roy à Rome. Il louë & remercie Dieu de quoy ce seigneur a esté receu & promu à l'Archeuesché de Tholose. fueil. 199. pag. 1.*
- v. *A M^{seigneur} de Tou Cōseiller au conseil d'Estat, & Aduocat du Roy en sa Cour de Parlement de Paris. Il rit par ceste lettre avec Monsieur le President de Tou lors Aduocat du Roy. fueil 199. pag. 2.*
- vj. *A Monsieur Male seigneur de saint Remy, Conseiller en la Cour de Parlement de Paris. Il discours en ceste lettre combien il estoit malaisé lors des grands iours de Clairmont de reduire toutes choses en bon train, & en rend les raisons. fueil. 201. pag. 1.*
- vij. *A Monseigneur de Harlay Cōseiller d'Estat, & premier Presidei en la Cour de Parlement de Paris. Il congratule à Monsieur le premier President de sa promotion en cest estat. fueil. 206. pag. 2.*
- viiij. *A Monsieur l'Archer Conseiller au Parlement de Paris. Combien il est bien seant à un homme de ne s'esleuer plus haut pour auoir esté appelé à un grand estat. fueil. 208 pag. 2.*
- ix. *A Monsieur de Basmaison, Aduocat au siege Presidial de Rion. Il dissuade un sien amy, de quitter l'estat d'Aduocat pour prendre un office de Indicature. fueil. 209. pag. 2.*
- x. *A Monsieur de la Brie, Iuge general de Mayenn. Il fait icy recit de la belle vie & belle mort de Monsieur le premier Preside. t de Tou. fueil 211. pag. 2.*
- xj. *A Monsieur de Basmaison, Aduocat au siege Presidial de Ryon. Il se red'Aduocat enuers le Sieur de Basmaison, de son fils. fol. 220 pag. 2.*
- xij. *A Monsieur Loisel Aduocat du Roy en la Chambre de Justice de Guienne. Que pendant que nous mettons toute nostre estude de pa-*

roistre sçauans dans nos plaidoyers ou harenques, nous corrompons
la naïfueté de l'eloquence Françoisé. fueil. 221. pag. 2.

DV HVITIESME LIVRE.

- i. **A** Monsieur Pithou seigneur Sauoye Procureur du general du
Roy en la Chambre de Iustice de Guienne. Par ceste lettre il
discourt la forme qu'il a tenu tant au commun cours de ses estudes,
que exercice de son estat. fueil. 226. pag. 1.
- ij. **A** Monsieur Bigot seigneur de Tibermeuil President au Parlement
de Roüen. Il desire d'entendre d'où vient l'ancienneté de la Fierté
de Saint Romain à Roüen. fueil. 230. pag. 1.
- iiij. **A** Mademoiselle de la Herbaudiere. Toutes les lettres presque qui
sont au present liure concernent les nobles inuentions que l'on auoit
fait sur le tableau de Pasquier. fueil. 231. pag. 1.
- iiij. **A** Monsieur de Taix Abbé de Basse-fontaine, & Doyen de l'Eglise
de Troye. Il se gausse avec Monsieur de Taix tres-docte homme,
auquel il enuoie quelques vers qu'il auoit faits. fueil. 231. pag. 2.
- v. **A** Monsieur de Pincé, Aduocat au Parlement de Paris. Pasquier
ayant fait le premier des sonnets dessusdits, & le Sieur de Pincé le
second, Pasquier recharga de ce troisieme, & de l'epitre qui le
suit. fueil. 232. pag. 1.
- vj. Lettres de Monsieur Neuelet seigneur d'Osche à Pasquier. fueil. 232.
pag. 2.
- vij. **A** Monsieur Neuelet seigneur d'Osche, Aduocat en la Cour de Parle-
ment de Paris. En respondant à l'autre lettre il loué la beauté de
l'esprit de Monsieur Neuelet. fueil. 233. pag. 1.
- viiij. Lettre de Monsieur de Taix Abbé de Basse-Fontaine à Pasquier. Il
s'excuse de ce que ayant esté conuie par Pasquier à dîner, il ne pou-
uoit s'y trouuer. fueil. 233. pag. 2.
- ix. **A** Monsieur de Taix Abbé de Basse-Fontaine, Doyen de l'Eglise de
Troye. Il respond à la precedente lettre par forme de gaussérie.
fueil. 234. pag. 1.
- x. **A** Monsieur Binet Aduocat en la Cour de Parlement. Il enuoye à
Monsieur Binet tant l'Apologie que l'Ode qu'il auoit faite sur sa
main. fueil. 235. pag. 1.
- iij

- xj. Aux ingenieuses mains qui ont honoré la main de Pasquier de leurs vers. fueil. 255. pag. 2.
- xij. Apologie de la main, au Lecteur. fueil. 237. pag. 2.
- xiii. A Monseigneur de Morvan Conseiller au Conseil d'Estat, & President au Parlement de Paris. fueil. 244. pag. 1.
- xiiii. A Monsieur Tabourot Procureur du Roy au bailliage de Dijon. Il raconte en ceste lettre plusieurs gayetes dont il s'est diuersement esgayé, quand les occasions s'y sont presentées. fueil. 245. pag. 1.
- xv. A Monsieur Iuret Chanoine en l'Eglise de Langres. Il s'excuse enuers Monsieur Iuret des deux vers qu'il auoit enuoyez à Monsieur Tabourot. fueil. 253. pag. 2.
- xvi. Lettres de Monseigneur le grand Prieur de France à Pasquier. Monsieur le Grand Prieur fait cest honneur à Pasquier de celebrer sa main comme plusieurs autres auoient fait. fueil. 254. pag. 2.
- xvii. A Monseigneur le Grand Prieur de France, Lieutenant general du Roy au pays de Prouence. Responce aux precedentes lettres. fueil. 255. pag. 1.

DV NEVFIESME LIVRE.

- i. A Monseigneur Briffon Conseiller au Conseil d'Estat, & President en la Cour de Parlement de Paris. Il discourt la difference qu'il y a entre le droit de France & des Romains. fueil. 256. pag. 1.
- ij. A Monsieur de Tolet Abbé de Plimpie. Il remercie l'Abbé de Plimpie des bons offices qu'il faisoit dans Rome à deux de ses enfans. fueil. 263. pag. 1.
- iiij. A Monsieur Taucu Procureur au siege Presidial de Sens. Il prie Monsieur Taucu sien amy d'apporter quelque diligence à l'expedition d'un procez. fueil. 263. pag. 2.
- iiij. A Monsieur de Luzarche cheualier de l'ordre, & Lieutenant de la compagnie de Monseigneur de la Chapelle des Ursins. Il se gausse avec le seigneur de Luzarche sur sa longue absence. fol. 264. pag. 1.
- v. A Monsieur Maillard seigneur de Sourche, Conseiller & maistre des Requestes ordinaire de l'hostel du Roy. Il décrit la calamité de ceux qui plaident en leur nom. fueil. 264. pag. 2.
- vj. A Theodore Pasquier son fils. En exhortant icy son fils, il monstre de

- quelle façon doit estre le bon Aduocat. fueil. 265. pag. 2.
- xij. A Monsieur Chandon Secretaire du Roy. Il combat Machiavel qui a fait un chap. de la Sceleratesse, par lequel il monstre comme un Prince se peut maintenir en son estat par meschanceté. fueil. 269. pag. 1.
- viiij. A Monsieur Chandon Secretaire du Roy. Combien le Romain auoit l'esprit resolu à executer ce qu'il se promettoit. fueil. 275. pag. 1.
- ix. A Monsieur de la Croix du Mans. Il exhorte le seigneur de la Croix du Mans, qu'il se garde d'estre surpris par les recommandations d'uns & autres qui desireront d'estre couchez comme auteurs en sa Bibliothèque des auteurs de la France. fueil. 276. pag. 2.
- x. A Monsieur de Mornac, Aduocat au Parlement de Paris. Combien les Romains s'oublierent en la guerre que les Gaulois leur firent sous la conduite de Brennus, & comme depuis ils tascherent de couvrir leurs fautes par leurs historiographes. fueil. 279. pag. 2.
- xj. A Monsieur Seue seigneur du Pré, President au siege Presidial de Melun. Il se gausse avec Monsieur le President de Melun qui l'auoit conuie à dîner en sa maison du Pré. fueil. 282. pag. 2.
- xij. A Monsieur de. Il conseille à un sçauant homme de ce temps de n'estre point contre un autre qui auoit mis en lumiere vne histoire qu'il ne trouuoit vraye. fueil. 283. pag. 1.
- xiiij. A Monsieur Seue Docteur en Medecine demeurant à Melun. Il décrit à Monsieur Seue Medecin quel est son naturel, à fin que sur iceluy il aduise quelle medecine il luy pourra ordonner. fueil. 284. pag. 2.
- xiiiij. A Monsieur du Port seigneur de Roziers, Conseiller au siege Presidial d'Angoulmois. Il raconte des mors de quelques Seigneurs de robbe longue, qui aduindrent en l'an 1584. fueil. 285. pag. 1.
- xv. A Monsieur Seue seigneur du Pré, President au siege Presidial de Melun. Il s'esgaye avec le President de Melun, & le semond à disserter. Cesta lettre se rapporte à vne precedente, où il auoit v'se des termes de pratique. fueil. 287. pag. 2.
- xvj. A Monsieur du Port seigneur des Roziers, Conseiller au siege Presidial d'Angoulmois. fueil. 288. pag. 1.

- xj. Aux ingenieuses mains qui ont honoré la main de Pasquier de leurs vers. *fuil. 255. pag. 2.*
- xij. Apologie de la main, au Lecteur. *fuil. 237. pag. 2.*
- xiii. A Monseigneur de Morfan Conseiller au Conseil d'Estat, & President au Parlement de Paris. *fuil. 244. pag. 1.*
- xiiii. A Monsieur Tabourot Procureur du Roy au bailliage de Dijon. Il raconte en ceste lettre plusieurs gayetes dont il s'est diuersement esgayé, quand les occasions s'y sont presentées. *fuil. 245. pag. 1.*
- xv. A Monsieur Iuret Chanoine en l'Eglise de Langres, Il s'excuse enuers Monsieur Iuret des deux vers qu'il auoit enuoyez à Monsieur Tabourot. *fuil. 253. pag. 2.*
- xvi. Lettres de Monseigneur le grand Prieur de France à Pasquier. Monsieur le Grand Prieur fait cest honneur à Pasquier de celebrer sa main comme plusieurs autres auoient fait. *fuil. 254. pag. 2.*
- xvii. A Monseigneur le Grand Prieur de France, Lieutenant general du Roy au pays de Prouence. Responce aux precedentes lettres. *fuil. 255. pag. 1.*

DV NEVFIESME LIVRE.

- i. A Monseigneur Briffon Conseiller au Conseil d'Estat, & Presidēt en la Cour de Parlemēt de Paris. Il discours la difference qu'il y a entre le droict de France & des Romains. *fuil. 256. pag. 1.*
- ij. A Monsieur de Tolet Abbé de Plimpie. Il remercie l'Abbé de Plimpie des bons offices qu'il faisoit dans Rome à deux de ses enfans. *fuil. 263. pag. 1.*
- iiij. A Monsieur Taureau Procureur au siege Presidial de Sens. Il prie Monsieur Taureau sien amy d'apporter quelque diligence à l'expedition d'un proces. *fuil. 263. pag. 2.*
- iiij. A Monsieur de Luzarche cheualier de l'ordre, & Lieutenant de la compagnie de Monseigneur de la Chapelle des Vrsins. Il se gausse avec le seigneur de Luzarche sur sa longue absence. *fol. 264. pag. 1.*
- v. A Monsieur Maillard seigneur de Sourche, Conseiller & mairtre des Requestes ordinaire de l'hostel du Roy. Il décrit la calamité de ceux qui plaident en leur nom. *fuil. 264. pag. 2.*
- vj. A Theodore Pasquier son fils. En exhortant icy son fils, il n. onstre de

- quelle façon doit estre le bon Aduocat. fueil. 265. pag. 2.
- vij. A Monsieur Chandon Secretaire du Roy. Il combat Machiavel qui a fait vn chap. de la Sceleratesse par lequel il monstre comme vn Prince se peut maintenir en son estat par mesbanceié. fueil. 269. pag. 1.
- viii. A Monsieur Chandon Secretaire du Roy. Combien le Romain auoit l'esprit resolu à executer ce qu'il se promettoit. fueil. 275. pag. 1.
- ix. A Monsieur de la Croix du Mans. Il exhorte le seigneur de la Croix du Mans, qu'il se garde d'estre surpris par les recommandations d'vns & autres qui desireront d'estre couchez comme autheurs en sa Bibliothéque des autheurs de la France. fueil. 276. pag. 2.
- x. A Monsieur de Mornac, Aduocat au Parlement de Paris. Combien les Romains s'oublierent en la guerre que les Gaulois leur firent soux la conduite de Brennus, & comme depuis ils tascherent de couvrir leurs fautes par leurs historiographes. fueil. 279. pag. 2.
- xj. A Monsieur Seue seigneur du Pré, President au siege Presidial de Melun. Il se gaussé avec Monsieur le President de Melun qui l'auoit conuie à dîner en sa maison du Pré. fueil. 282. pag. 2.
- xij. A Monsieur de. Il conseille à vn sçauant homme de ce temps de n'escire point contre vn autre qui auoit mis en lumiere vne histoire qu'il ne trouuoit vraye. fueil. 283. pag. 1.
- xiiij. A Monsieur Seue Docteur en Medecine demeurant à Melun. Il descrit à Monsieur Seue Medecin quel ist son naturel, à fin que sur iceluy il aduise quelle medecine il luy pourra ordonner. fueil. 284. pag. 2.
- xiiiij. A Monsieur du Port seigneur de Roziers, Conseiller au siege Presidial d'Angoulmois. Il raconte des morts de quelques Seigneurs de robbe longue, qui aduindrent en l'an 1584. fueil. 285. pag. 1.
- xv. A Monsieur Seue seigneur du Pré, President au siege Presidial de Melun. Il s'esgaye avec le President de Melun, & le semond à dîner. Ceste lettre se rapporte à vne precedente, en il auoit usé des termes de pratique. fueil. 287. pag. 2.
- xvj. A Monsieur du Port seigneur des Roziers, Conseiller au siege Presidial d'Angoulmois. fueil. 288. pag. 1.

TABLE.
DV DIXIESME LIVRE.

- j. **A** Monsieur de Tournebu Conseiller en la Cour de Parlement de Paris. Lettres en forme de paradoxe pour les bestes brutes. *fuil. 289. pag. 1.*
- ij. **A** Monsieur Morin. Il recommande Monsieur de Tournebu le ieune allant à Rome, à Monsieur Morin. *fuil. 303. pag. 2.*
- iiij. **A** Monsieur de Gourdan Cheualier des deux ordres du Roy, Gouverneur de Calais & pays circonuoisins. Il luy recommande un sien fils. *fuil. 304. pag. 2.*
- iiij. **A** Monsieur le Baron de Ramefort. Il se mocque de l'hypocrisie que les gentilhommes apportent aujourdhuy pour se sauuer d'un desmentir. *fuil. 304. pag. 2.*
- v. **A** Monsieur de la Bite Iuge general de Mayenne. Il s'excuse d'auoir esté paresseux d'escrire à Monsieur de la Bite. *fuil. 306. pag. 1.*
- vj. **A** Monsieur Brulart seigneur de Chillery President en la troisieme chaire des Enquestes du Parlement de Paris. Il deplore la calamité des troubles & le danger qu'ils traient avec soy. *fuil. 307. pag. 2.*
- vij. **A** Monsieur de Tiard seigneur de Biszy, Euesque de Chalons sur Saulne. Il se plaint de quelques cingez, qui veulent à faulx enseignes paroistre grands aux despens des œuures d'autrui. *fuil. 316. pag. 1.*
- viii. **A** Monsieur Hennequin seigneur de Sarmoise, Conseiller & maistre des Requestes ordinaire du Roy. Il se gauffe avec le seigneur de Sarmoise sur les peines qu'ont les peres en mariant leurs enfans. *fuil. 318. pag. 2.*
- ix. **A** Monsieur Maillard Conseiller & maistre des Requestes ordinaire du Roy. En recitant l'Edit de Pacification, qui fut fait en Iuillet 1585, il deteste l'ambition des François. *fuil. 319. pag. 1.*
- x. **A** Monsieur Regnier Presidēt en l'electiō de Soissons. Il raconte come sa bonne fortune est contrebalancée par la mauuaise fol. 320. *pag. 1.*
- xj. **A** Monsieur Coignet seigneur de Congi, Aduocat au Parlement. Il deduit plusieurs anciennetez, priuileges & autres choses de remarque de la ville de Paris. *fuil. 321. pag. 2.*
- xij. **A** Monsieur Loisel Aduocat au Parlement. Il discourt la diuersité des sugemens que l'on fera de ses lettres. *fuil. 328. pag. 1.*



Ο Στέφανος ὁ Πασχιέριος
 Σοὶ φάος ἔστιν ἀπὸ χειρὸς.

N. ΔΟΥΕΤΙΟΣ.



Ne frustra in tabula manum requiras,
 En vultum aspicio, manum videbis.

N. AVDEBERTVS in supremo Ar-
 moricorum Senatu Consiliarius.





LE PREMIER LIVRE
DES LETTRES D'ESTIENNE
PASQUIER CONSEILLER ET AD-
uocat General du Roy en la chambre
des Comptes de Paris.



*A Monsieur Loysel Aduocat en la Cour de Par-
lement de Paris.*



E n'estoit point aux François il rend rai-
son pour-
quoy il ex-
pose ses let-
tres en lu-
miere.
(à fin que sans me flater ie des-
couure ce que i'en pense) aus-
quels ie deuois adresser cest ou-
rage : Assuré que dès l'entrée
vn chacun lisant le titre, comme
trop bas, le vilipendera à l'instât.

Non, que ie ne sçache bien que toutes autres natiōs
qui ont fait profession de bien dire, n'ayent grande-
ment approuué ceste façon d'exposer au public les
lettres que les gens de marque s'entri'escriuoient pri-
uément: car encores au regard des Grecs nous ressen-
tons nous de celles d'Hipocrat, & Platon: & quant
aux Romains de celles de Cicerō & de Pline Secōd.

A

& sur le declin de l'Empire, de Symmaque, Cassiodore, Sidonius & Ennodius, desquelles nous tirés quelque lumiere de l'ancienneté dans l'obscurité de leur siecle. Voire que lisant celles de Sidonius Euesque de Clairmont l'on recueille que la plus part d'icelles estoient faites à plaisir, dans lesquelles vns & autres desiroient estre inserez, tout ainsi que si c'eussent esté Epigrammes. Et à la suite d'eux, le Toscan desirieux le possible de l'illustration de sa langue s'est tellement desbordé en ce sujet, qu'il apreste quelque fois plus de risée que d'edification au lecteur. Nous seuls entre tous les autres (peut estre d'un esprit plus hautain) ne nous sommes jamais rendus soucieux de mettre nos missives sur la monstre. Aussi pour dire le vray, quel besoin est-il que le peuple entende mes affaires priuées? Affaires dy-ie le plus du temps sans discours, & ausquelles ie n'auray voulu que folastrot & donner carrière à ma plume avec mes compagnons & amis. Car d'esuenter celles qui importent à ma famille, tout ainsi que ce ne seroit chose assurée, aussi sembleroit-il que ce fust un jeu d'enfant. L'adiousteray que mettât la main à cest oeuvre, ie me delibere de luy oster la teste & les pieds: Je veux dire ces mots de Monseigneur, Monsieur & autres d'ot nous faisons les premiers frōtispieces de nos lettres; & plus encores ceste closture de quatre & cinq lignes de recommandations aux bonnes graces, qui ne seruent que de perte de temps & remplissage de papier. Mais tout ainsi que le Romain quand il prenoit congé d'un

homme, fust en presence ou par lettres, le fermoit de ce mot *Vale*: pareillement puis que prenant entre nous congé de noz amis de bouche, nous vsions de ce mot A Dieu; aussi me plaist-il de le mesnager à la fin & conclusion de mes lettres. Chose qui ne plaira pas de prime face au peuple, comme nouuelle & inaccoustumée entre nous. C'est pourquoy (amy Loisel) vous me deuiez appeller à quelque meilleure entreprise, plustost que de m'importuner tant de fois de recueillir mes minutes esparces ça & là cōme d'un naufrage, pour les hazarder au iugement d'un chacun. Melmement que ie m'assure que plusieurs lisant ceste excuse ne la digereront d'autre sorte, que comme d'un honneste pretexte que chacun faict contenance de se forger, lors que volontairement il se precipite à quelque ouurage: faignant de remettre sur les prieres & sermones d'autrui vne chose dont luy mesme est le premier instigateur en sa conscience. Toutes-fois à fin que nul ne se trompe, mon intention n'est pas d'employer cecy pour excuse. Puis qu'une fois i'ay passé les bornes de honte, rougisse pour moy qui voudra. Je diray seulement ce mot, qu'en toutes choses du monde, auparauant qu'elles se trouuent estre arriuées à leur accomplissement, il faut que premierement il y ait quelque hardy entrepreneur qui face planche aux plus sages. L'entrepren veritablement de publier mes epistres, sujet non accoustumé à la France. Mais quoy? Vns Erasme & Budé (lumieres de nostre siecle) & de-

uant eux vn Politian, n'en ont ils pas fait tout autant? Mais ils les ont dictées en Latin, me dira quelqu'un d'auenture. Que peut importer au Lecteur que ce soit Latin ou François, veu que tous les deux sont instrumens pour expliquer noz conceptions? Le Grec estoit le vulgaire à Hipocrat & Platon, le Latin à Cicero & à Pline. Celà ne destourna pas toutesfois ceux qui estoient de leurs temps de donner le cours à leurs lettres. Voire que ie me puis vâter auoir plus d'occasion de ce faire que tous ces modernes, d'autant qu'ils redigerent leurs fantasies par escrit en vn langage qui ne leur estoit naturel, & par ce moyé encores qu'ils fussent personnages fort doctes, si nous peurent ils apprendre plusieurs traits de parler mal couchez, mal limez, mal appropriez, comme de la part de ceux qui les accommodoient plus à la liberté de leur esprit, qu'à la pureté du langage, ores que le principal but de ceux qui escriuent en ce genre doieue estre l'embellissement de la langue en laquelle ils descouurent leurs sens. Et de ma part escriuant en mon vulgaire, pour le moins escry-ie au langage auquel i'ay esté alaieté dès la mammelle de ma mere. Me promettant que si nostre langue prend pied entre les nations estranges, ie leur pourray seruir d'exemple non adopté. En tout euenement espere-ie de rapporter ceste faueur d'auoir bien voulu aux miens: entre lesquels puis que pour la conformité de noz estudes & mœurs, vous tenez l'un des premiers rangs, aussi vous en présenté-ie mainte-

nant des premiers fruits, ayant pour vous obeir ramassé non toutes, ains vne partie de mes lettres, telles que le hazard me les a peu conseruer. Vous en trouuerez les aucunes serieuses, les autres gages, autres folastres, autres accompagnées de discours, & les autres n'auoir plus beau sujet sinon qu'elles sont sans sujet, & comme fleches descochées à coup perdu: somme ce sera vne denrée mellee telle que de ces marchâts Quinquailliers, lesquels assortissent leurs boutiques de toutes sortes de marchandises pour en auoir plus prompt debit. Ou pour mieux dire vn tableau general des tous mes aages, dans lequel vous verrez icy mon Printemps, là mon Esté, puis mon Automne tirez au vif, ie veux dire mes lettres moulées sur le patron des aages qui ont diuerfement commandé à mes opinions: Ne m'estant proposé maintenant de contenter seulement les sages, mais aussi les fols. Ceux-là le gagneront au poix, ceux-cy au nombre. Et parauenture aduiendra-il que voulant contenter les vns & les autres, ie desplairay à tous deux. Toutes-fois puis que ie vous ay obey, c'est à vous en contre-change de prendre mon party en main, contre vn tas de controuleurs, auxquels ie ne seray iamais marry de desplaire en vous complaisant. A Dieu en Ianuier 1586.

*A Monsieur de Tournebu professeur du Roy des lettres
Grecques en l'Vniuersité de Paris.*

*Sçauoir s'il
est bon de
coucher les
arts & sciē-
ces en Fran-
çois.*

T bien, vous estes doncques d'opinion que c'est perte de temps & de papier de rediger noz conceptions en nostre vulgaire, pour en faire part au public : estant d'aduis que nostre langage est trop bas pour receuoir de nobles inuentions, ains seulement destiné pour le commerce de noz affaires domestiques : mais que si nous couuôs tiens de beau dedans noz poictines, il le faut exprimer en Latin. Quant à moy ie seray tousiours pour le party de ceux qui fauoriseront leur vulgaire : & estimeray que nous ferons renaistre le siecle d'or, lors que laissant ces opinions bastardes d'affectionner choses estranges, nous vserons de ce qui nous est naturel & croist entre nous sans maimmettre. Quoy? Nous porterons donc le nom de François, c'est à dire de francs & libres, & neantmoins nous asseruirons noz esprits souz vne parole aulbaine? N'auons nous les dictions aussi propres, la commodité de bien dire, aussi bien que cest ancien Romain? Lequel mesmement ne nous a laissé que quelques liures en petit nombre, par le moyen desquels nous puissions auoir cognoissance de sa langue. I'adiouste que les dignitez de nostre France, les instruments militaires, les termes de nostre pratique, brief la moitié des choses dont nous vsons aujourd'huy sont changées,

& n'ont aucune communauté avec le langage de Romme. Et en ceste mutatiō, vouloir exposer en Latin ce qui ne fut iamais Latin, c'est en voulant faire le docte, n'estre pas beaucoup aduisé. Je sçay bien que vostre opinion est assistée de plusieurs garents. Par ce que ces grands personnages que les siècles passez ont portez, vns Valla, Politian, Picus Mirandula, & de nostre temps Erasme, Budé, Alciat & infinis autres, nous ont fait part des despouilles de leurs esprits en Latin & non en leurs langues maternelles. Et laifsans leurs authoritez en arriere, encotes pouuez-vous adjouster que s'il est ainsi que ceux qui publient leurs œuvres, le font souz vne intention qu'ils ont d'estudier, ou au cōmun profit du peuple, ou à l'exaltatiō de leurs nōms, il faut que d'une traite l'on vous confesse qu'il est beaucoup meilleur de s'employer du tout au Latin qu'en nostre langue, puis que d'un commun accord de tout le monde, & quasi par un droit de gent, le Latin a desia gagné tant de païs, qu'il n'y a contrée si estrange ou barbare qui n'en ait quelque cognoissance: Nous esloignants de tant plus de nostre but, quand nous escriuons seulement aux François qui sont cloz & limitez de certaines boignes. Et n'est pas hors de propos pour vous, de dire que le Latin est aujourd'huy comme la monnoye qui fut jadis introduite pour nous en pouuoir aider & subuenir par tout le monde, pour le fait & communication de toutes sortes de marchandises: aussi qu'il semble que ceste langue par un long succez & pre-

scription de temps ait esté généralement approuuée par toutes les nations politiques, comme vn outil & instrument des trafiques de noz esprits, dont nous voulons faire part à tout le mode. Mesmes que nous n'auons entre nous, ny orthographe assurée (chose toutesfois necessaire pour la perpetuation d'vne langue) ny telle varieté de mots, comme eurent jadis & le Romain & le Grec: Estans nez en vne Monarchie où l'on s'adonne plus à contenter son Roy par effet, & les Romains en vn estat populaire, auquel l'estude principale estoit de contenter le peuple par amadoüement de paroles. De sorte qu'il ne faut point trouuer estrange, que leur langue fructifiast plus que la nostre, comme celle qui estoit par eux cultivée d'auantage pour la necessité publique: Ne se trouuans parmy le monde les choses prendre accroissement, sinon de tant que l'on en reçoit salaire & recompense condigne. Brief que nostre langue estant pauvre & necessiteuse au regard de la Latine, ce seroit errer en sens commun, d'abandonner l'anciëne, pour fauoriser ceste moderne. Raisons certes dignes de vous, & qui ne sont de petite estoffe. Or entendez donc s'il vous plaist quelle est ma conception en ceste dispute. Mon opinion ne fut oncques d'exterminer de nous, ny le Grec ny le Latin: Je veux que nous-nous aidions de l'vn & de l'autre, selon que les occasions nous admonesteront de ce faire; mais ie pretends que le profit qui en viendra, soit communiqué aux nostres, plustost qu'aux estrangers: Que
s'ils

filz ont affaire de nos inuentions, qu'ils les viennent chercher chez nous, & qu'ils apprennent nostre vulgaire, si par nos escrits il se rend digne d'estre appris. Si nous voyons les marchands pour leur commun trafiq' d'une marchandise perissable, apprendre, qui l'Alemand, qui l'Espagnol, qui l'Anglois: doubterōs en ce loüable commerce d'esprits, d'apprendre les autres vulgaires, si d'eux nous pouuons elpuiſer chose qui face à nostre edification? Et si peut estre vous vous desſiez; d'autant que nostre François mis en balance avec le Grec ou Latin se trouue foible & léger de quelques grains. Bien fut vrayement à vn Romain nécessaire oster ceste taye de ses yeux: lequel si pour mesme scrupule se fust tenu clos & couuert sans donner vogue à sa langue, pour vn respect ou reuerēce qu'il eust porté au Grec, maintenant seriōs nous frustrez de mille belles gentillesſes & cruditiōs que nous aprenons du Latin. Cela mesme que vous m'objectez auioird'huy, fut autrefois proposé à Cicéron pour le destourner d'escire en sa langue: qui ne le destourna toutesfois. Mais ie vous prie dites moy, en quoy gist ceste pauureté que regrettez en nostre langue? Est-ce que n'ayons les mots propres pour bien & deuēment exprimer les conceptions de nos ames? Ie ne vous en passeray condemnation. Est-ce qu'en cinq ou six sortes ne puissions varier vn poinct? Qui nous en empeschera? Vray que ce priuilege n'est pas octroyé à chacun; mais à ceux qui avec vne bonté de nature ont conioinct vne estu-

de assidue, de ceux qui ont fait estat de bien parler. Donnons que ce default soit en nous, & accordons qu'un Ciceron diuersifie son langage en autant de sortes comme Roscius le Comedien se deguisoit en diuers minois, aussi ne nous est ceste diuersité necessaire: nous mettant seulement en bute d'endoctriner nostre peuple, & non de luy imposer. Tels fanfares sont propres en vne Democratie, à vn Orateur du tout voué & ententif à la surprise du peuple, par doux traitz & emmiellement de sa Rhetorique. Ce qui ne se presenta oncq' entre nous. Et neantmoins si vous puis-je dire que iamais nostre France, anciennement appellee Gaule, ne fut denuée de son eloquence: & celebrent nos anciens aussi bien leur Hercule Gaulois pour ce subiet, comme les Grecs & Romains leur Mercure. Et nous ressentirons à iamais des loüanges qui nous furent à ceste occasion baillees par les Romains mesmes, quand ils disoient que sur nostre patron ceux de la grand Bretagne apprenoient à orner leur langage. Aussi tant que Lyon durera, lon honorera la memoire des declamations que lon y faisoit tous les ans. Et sil me fault passer plus bas, encores nous vanterons-nous que le Toscan (par sa confessiõ mesme) mandia de nous les premiers traits & rudiments de sa Poësie. Qui me fait penser qu'en quelque temps que çait esté, nostre langue ne fut iamais necessiteuse, mais que nous vsons d'icelle, ainsi que l'auaricieux d'un tresor caché, & ne la voulons mettre en ceuvre. Toute terre ores

que grasse ne raporte aucun fruit, aussi ne fait vne langue si elle n'est cultiuee. Quoy qu'il en soit ie m'aduise qu'être tant de natiōs elle n'eust receu cest honneur que le Romain luy donna anciennemēt en ce subiet de faconde: & de fraische memoire les modernes Italiens (sobres admirateurs d'autrui) si elle se fust trouuee si courte d'elegance, comme il y en a quelques-vns des nostres qui la pleuient. Mais pourquoy dy-ie cecy, si nous la voyons aujourd'huy en telle reputation & honneur, que presque en toute l'Allemagne (que dy-ie l'Allemagne, si l'Angleterre & l'Ecossey sont comprises?) il ne se trouue maison noble qui n'ait precepteur pour instruire ses enfans en nostre langue François? Doncques l'Allemand, l'Anglois & l'Ecossois se paissent de la douceur de nostre vulgaire: & nous François naturels ne mettrons peine à l'illustrer par escrits, & faire aux autres natiōs paroistre que ce n'est point vn corps sās ame? Donques la publication du Latin espars par ce grand vniuers, nous osterā le soing de bien vouloir particulièrement aux nostres? Ia à Dieu ne plaise, & tant que ceste main durera, & que l'ame me battra au corps, ie m'eslongneray de ceste ingrate volonté. Lors que le Romain commença d'escire en sa langue, la Grecque estoit farcie d'une infinité de grands auteurs qui n'eurent oncque-puis leurs semblables: vns Hipocrate, Platon, Aristote, Xenophon, Theophraste, Isocrate, sans ceux que l'ingratitude des ans nous a perduz, de telle sorte qu'il ne nous en reste

que les noms. Leurs noms & leur sçauoir vogueient entre toutes les natiōs bien polies. Tant s'en faut que l'opinion de ceste grandeur fist perdre cœur aux Romains, qu'au contraire il leur augmenta. Et de fait cōbien que Cicéron par vne grāde estude se fust rendu admirable entre les Grecs, de son temps, si est-ce qu'il ne se trouue point qu'il ait iamais esté gueres soucieux d'escrire en ceste langue adoptee, ains en la siēne. Afin que ie ne vous recite que Tibere Empereur abhorra tāt les langues estrāgeres, qu'ayant par mesgarde vſé d'un mot Grec, qu'il pouuoit dire en Latin; luy-mesme le fit par expres corriger. Et tous les Romains en general s'estudierēt à l'embelissēmēt de leur lāgue. Quoy faisant ils rēdirēt plusieurs de leurs pays philolophes, & dōnerent occasiō à d'autres gens d'auoir recours à eux, comme à vne ancre de seurté. Le Grec s'est fait grand pour escrire en son vulgaire. Tel fest aussi rendu le Romain; & apres eux le Toscan. Nous seuls sōmes demeurez en ceste supersticieuse ingratitude, de ne riēs cōmuniquer aux nostres, sinō en paroles dōt nous ne pouuōs sans truchemēt estre entēduz. Mais laissons les exemples des autres natiōs apart, & examinons quel fruiēt on peut rapporter de ma proposition. Je m'assēure que tout hōme de bon iugement sera d'accord avec moy, que nous deuons estudier les langues, non point à cause d'elles, ains pour les disciplines, pour les beaux discours & sujetz dont nous les voyons accompagnées par le labeur de ceux qui y ont dextrement employé leurs

plumes. Encores que ie sçache bien qu'il se soit formé vn certain sçauoir pedantesque entre nous de plusieurs qui font estat d'apprendre le Grec; Non pour tirer la moielle qui est es œures de Platon ou d'Aristote, ains sans plus pour discourir sur le dialecte d'un mot. Or si i'ay cest aduantage sur vous, que ces langues Grecque & Latine ne soient autre chose qu'instrument pour paruenir à vne intelligence de la doctrine qu'elles contiennent, vray Dieu, quel profit rapporterions nous si toutes les disciplines estoient redigées en nostre langage? Nous tous dès nostre moien aage commencerions à philosopher, enjambant d'autant dessus noz predecesseurs, que nous emploirions le temps à la cognoissance des sciences & de la philosophie, lequel ils estoient contraintz d'emploier à la cognoissance des lāgues. Car nous tous estans composez d'un esprit né à la ratiocination, toutesfois brusque de soy s'il n'est bien façonné & poly, quantes persones estimez-vous qui par ce moien arriueroyent à la cognoissance des artz, qui pour le defaut de cela demeurent auourd'huy en croupe? Par ceste voye au temps jadis Cimon Athenien; vieil & de son mestier corroyeur par les instructions & iournalles leçons de Socrate, vint en tel degré de Philosophie qu'il en escriuit plusieurs liures. Et Protagore yuroignant, estant par cas fortuit tombé en la lecture que faisoit Antistene, disputant du bien & du mal en la langue, goustea tellement ses propos, que de porte-faiz & gaigne-denier qu'il

estoit, il se fist depuis entre les siés tel personnage que nous sçauōs. Le semblable aduint à Polemon homme du tout intemperé & adonné à ses plaisirs, lequel tombant à demy yure en l'escole de Xenocrates où il faisoit vne leçon de la temperance, l'oyant discourir sur ce point, il se conuertit tout à fait, de telle façon qu'il luy succeda & en mœurs & en doctrine. Et pour ne voyager en la Grece, ains m'heberger quelque peu en la Toscane, nous auons veu en nostre ieune aage dās la ville de Florence Iean Baptiste Gello exerçat avec les lettres la cousture, homme qui ne sçauoit ny Grec ny Latin, & toutes-fois il fit plusieurs liures pleins de bonne philosophie; ainsi que nous voyons sa Circé, & son liure qu'il nomma Caprices, où il n'y a rien de caprice sinon le tiltre. chose qu'il falloit qu'il eust necessairement espuisé des œuvres de philosophie, qui sont diuersement semez au langage Toscan. Quoy que ce soit ie ne me puis persuader que la Grece eust produit de si grandz Philosophes qu'elle fit, si on y eust appris les sciences en Chaldée, ou Egyptien, dont les Grecs emprunterent toutesfois vne partie de leurs secrets. Ny Romene nous eust enfanté de si grands personnages que nous y auons veu, si elle n'eust esté plus soucieuse de sa langue que de l'estrangere. Ce que nous pouons encore recueillir de Caton le vieil, lequel bien qu'il fust l'un des premiers de sa ville, tant en l'oratoire, qu'en la medecine, & qui fit l'histoire de Rome, escriuit plusieurs harangues par luy pronon-

cées tant au Senat, que deuant le peuple, compoſa vn liure de la Medecine, & vn autre de la vie Ruſtique: brief ores qu'il fuſt accomply de tout ce quel'õ peut deſirer en vn grand perſonage, ſi n'aprit-il iamais la langue Grecque que lors qu'il eſtoit ſur le bord de ſa foſſe, quali par maniere d'acquit. Je ne veux pas ce pendant que vous penſiez que ie vouluſſe bannir les eſcoles Grecques ou Latines. Elles nous ſont neceſſaires. Mais ie veux dire que ſi nous auĩõs receu tant d'heur que toutes les fleurs & beautez qui ſont en icelles eſtoient trãſplantées dans noſtre France, nous aurions grandement racourcy noſtre chemin. Et par ce qu'elles ne le ſõt auiourd'huy, pour le moins donnons ordre avec le temps d'y ſatisfaire: excitons ceux qui auront quelque aſſurance de ſoy, d'y mettre la main. Quoy faiſtes doubte qu'au long aller noſtre langue ne paſſe les monts Pyrennées, les Alpes & le Rhin, auſſi bien que vns Petrarque, Bocace, Arioſte, Baltazar de Chaſtilion, leſquels au commencement cogneuz ſeulement par les leurs, ſe ſont ouuert avec le tẽps, voye en vne infinité de nations. Car quant à l'ortographe que l'on dit n'eſtre bien formee entre nous, vou-vous abuſez ſi vous le penſez; Celuy que l'anciẽneté nous a produit eſt treſbon, quelque nouuelle hereſie qui ſe preſente au contraire de ceux qui veulent faire en tout & par tout conformer l'ortographe au commun parler. Le Romain meſmes n'orthographioit comme il prononçoit. Et la meſme diſpute qui eſt

aujourdhuy entre nous par le moien de Louys Megret & Jacques Pelletier, fut aussi quelquefois entre les Romains, mais de cela vne autre fois. Ce pendant ie vous prie m'aimer comme vostre allié, disciple, & amy. A Dieu, 1552.

A Monsieur Sauluage seigneur du Parc.

Vous me mandez qu'être autres propos que monsieur de Tiart vous a tenuz de mō Monophile, trouuoit mauuais l'endroit où faisant mention de luy ie soustiens que lors que noz Poëtes discourent le mieux de l'amour, c'est lors que ils sont moins atteints de maladie. Au moïé de quoy pour le contenter estiez d'aduis qu'à la seconde impression ie corrigéasse ce passage. Quant à moy, inō intention ne fut oncques donnant air à ces miens premiers fruiçts, d'offenser aucune personne: & quāt au seigneur de Tiart tant s'en faut que i'estimasse auoir riens dict à son des-aduentage, l'ayant agregé avec les Sieurs de Ronsard & du Bellay, qu'au contraire ie croy que nul ne lira ce lieu qui ne die qu'il a receu sinon hōneur, pour le moins recit honorable de moy: & ce sans esperance (croyez-m'en) d'aucun retour. Vray qu'en cest endroit il semble que i'incline plus sur l'opinion, que ceux qui discourent par leurs escripts plus brauement de l'amour, ne sont ceux qui aiment le plus. Ne sçaez vous quelle loy a celuy qui met la main à la plume? Telle est mon opinion, ce n'est

ce n'est neantmoins vn oracle. Si oracle vous n'appellez, d'autant que ie deduis ce point si ambiguement, que i'en laisse la resolution à l'arbitrage de chacun. Et au fort si mon opinion n'est vraye, pour le moins est elle vray-semblable, & telle que ie la souhaitois. Ainsi à mon iugement le pratiquent ceux qui veulent dialogiser, & specialement aux discours dont on rapporte plus de plaisir que de profit, comme est le sujet de mon Monophile. Car quant à ce que me mandez que sa maistresse luy a par expres cotté ce passage, pour luy en faire reproche, ie ne la pense pas de si pauvre esprit, que l'autorité de celui qui s'est vouié à elle, ne luy soit de plus grand effect que celle d'un homme estranger. Que si la Damoiselle qui s'est mise en possession de mon cœur, eust voulu faire son profit de ce lieu à mon dommage, il m'en seroit tres-mal pris. Mais à ce que ie voy, vous ne fustes iamais amoureux, & ne sçauiez de quelles mignardises (ie dirois volôtiers hypocrisies) les Dames sçauent entretenir leurs amantz, de peur que les propos ne leurs faillent. Et pour vous dire en vn mot, si n'auiez autre raison, ne pensez point que sur vostre aduis ie change iamais ce passage: ne m'estant proposé de plaire à vn homme ou vne femme seulement, ains à nostre posterité, si i'y puis toutesfois attaindre. Et à pis prédre, i'en serois quitte pour effacer le nom de Tiart: mais ie le cognois homme de si bon entendement, qu'il en seroit grandement marry. Je vous prie me recommander à luy: & s'il

vient à propos, luy faire part de la presente. A Dieu
1554.


A Monsieur de Gournay gendarme.

Il se rit a-
necques
son parent
qui est a
l'entree.



CE que ie voy le papier est à meilleur mar-
ché dans Rome que l'ancre. Ie le dy, par ce
que receuant n'aguères de vous vne lettre,
dans vne grande fueille de papier, n'y auoit que trois
mots escripts : & encores ces trois mots se ressentants
de leur ancien citoyen de Rome, ie veux dire du
hault à la main & superbe. Quoy ? que vous me des-
fiez par cartel ? En quel sujet prenez-vous ce deffy ?
Est-ce aux armes à toute outrance ? Vous sçaez que
le peu d'experience qu'en auez, & la longue profes-
sion que i'en faiz dedans le Palais, vous en doiuent
oster l'opinion. Est-ce en l'escrime de la plume ?
Mais vous voyez que vostre lettre qui est si courte,
vous faict declarer vn couard. Est-ce au mestier du-
quel sont afranchiz les plus vieux ? Si en cestuy, ie
vous en quitte le champ. Car le vœu de chasteté que
i'ay depuis peu de temps iuré, m'en donne pareille
dispense, qu'aux viellards le priuilege de leur aage.
Mais en bonne foy que faictes vous, que dites vous,
brief de quel bois vous chauffez-vous. Car ie desire
entendre de voz nouuelles iusques à ces petites par-
ticularitez. Quant aux miennes elles dependent du
tout de l'estat des vostres. Parquoy si auez enuie
d'en sçauoir, mandez moy premierement quelles
sont les vostres. A Dieu 1554.

Au Cheualier de Montereau.


TEZ ie vous prie de vostre teste ceste fol
 le persuasion que la temperie du ciel rende
 les gens plus ou moins doctes; comme s'il y
 auoit certains pays ausquels les bonnes lettres ful-
 sent plus affectees qu'aux autres. Je ne vous denieray
 point que chaque nation à certaines vertuz & vices,
 qui se transmettent de l'un à l'autre comme par vn
 droict successif & hereditaire: & ne voy nul pays a-
 uoir esté anciennement repris de vice, qui ne se soit
 perpetué en la posterité, encores que l'on l'ait repeu-
 plé de nouuelles colonies. Mais quant à ce qui ap-
 partient aux sciences, c'est tout vn autre discours.
 Cela se peut recueillir par exemples fort oculaires.
 Y eut il iamais plus de grands personages en tou-
 tes sortes de sciences & disciplines qu'en la Grece? y
 eut il iamais tant de Barbarie au monde que celle
 qui y est maintenât? Considerez moy d'Afrique, en
 quelle opinion de doctrine auoit elle oncques esté?
 routesfois quelque peu apres l'aduancement & pro-
 gres de nostre Christianisme, il n'y eut pays au mon-
 de qui produisit de plus grands docteurs de l'eglise
 que celuy-là, tesmoins Tertulian, Optat, Lactance,
 S. Cyprian, & S. Augustin. En cas semblable y'eut-il
 iamais du temps de la Rep. de Rome nation plus es-
 longnée des bones lettres que la Germanie: Laquel-
 le vous voiez aujourd'huy, & depuis cét ou six vingt

*si la tem-
 perie du ciel
 produit les
 gens doctes
 en certains
 pays.*

ans en ça fleurir en toutes sortes de disciplines sãs parangon. C'est dōcques l'exercice & vigilance que l'on y apporte & non le naturel des cōtrées qui nous rēdoctes. Voire ie vous puis dire, car il est vray, que tout ainsi q̃ les Monarchies, aussi les sciēces & disciplines changēt de domicile & hebergemēt, selon la diuersité des saisons. C'est pourquoy du commencement elles florirent aux Chaldéens, puis en Egypte, de là s'acheminērēt en la Grece, puis à Rome. Et depuis s'estāt plâtée entre nous par plusieurs cētaines d'ans vne longue Barbarie, par le moiē de ce rauage general que brassèrent plusieurs natiōs brusques à l'Empire Romain, en fin elles se vindrēt loger, partie en Italie, partie en Allemagne & en Frāce, où elles font encor leur seiour. Le tout par vne entre-suite de toutes choses, laquelle fait q̃ vous verrez en certains siecles les armes prosperer en vn païs, & les sciēces en apres.

*Ad commencement
des Monarchies les
armes sont
plus en vogue
que les
lettres.*

Mais sur tout i'ai fait vne obseruatiō dont ie ne seray desdit, qu'aux premiers establissemens des Monarchies ou estats politiques, vōus ne trouuerez que les lettres ayēt flory, ains les armes, par lesquelles les braues guerriers prēnnēt pied dedās les païs qu'ils se dōnēt en proye, & les aians cōquis s'y maintiennēt par icelles. Et quād les Republicques cōmencēt d'être florissantes & en leur grādeur, il aduiēt fort souuēt que les lettres y entrēt en credit, lesquelles avec le declin de la republique cōmencent aussi à decliner. Vray q̃ ce dernier point n'est pas du tout si assēuré q̃ le premier concernāt les armes, pour y auoir eu plusieurs.

grâds estats qui ne se font iamais amusez aux lettres, cōme vous voiés celui du grād seigneur. Estât l'opiniō de quelques-vns, q̄ tout ainsi q̄ l'hōme pour establiṛ sa fortune met pendāt sa ieunesse la main à l'œu-ure à bōnes enseignes, puis estât sur son vieil aage arriué au periode qu'il souhaitoit, tout le plus beau de-duit qu'il ait est de l'ēploier en discours fōdez tātost sur l'exaltatiō de soy & du tēps passē, tātost sur le cō-roule de celuy qu'il voit deuāt ses yeux pour n'auoir pl⁹ ny le corps ny l'esprit, disposē à l'actiō. Aussi qu'il en aduiēt tout autāt aux republiq̄s, lesquelles sur leur premier auenemēt & croissāce cōsommēt tout leur temps aux armes, & lors qu'elles se trouuent gorgées d'hōneurs, de grādeurs & dominatiōs, elles cōmen-ēt à s'assopir & se nourrir en la delicatessē des lettres pour apprēdre à en cōpter: chose qu'ils dient estre vn tref-certain presage de la vieillesse & definement de l'estat. Toutesfois ie ne leur en voudrois aisēmēt passer condemnatiō, spécialement aux Monarchies, où tous les suiets se cōposent à la volōté de leur Roy, lequel s'adōnāt aux bōnes lettres, vous les y verrez tout soudain plātées: & ayāt vn successeur d'autre naturel, encores espouse lon de nouueau ses meurs, ny pour cela les royaumes ne viēnt en decadēce. Mais de cecy cōme de plusieurs autres poinēts de mesme suiuet, nous en discourrons quelquefois de bouche plus au lōg. Quāt à present il me suffit de vous auoir mōstré en passant que toute nation est capable des discipli-nes selon la diuersité des occurrences. A Dieu 1554.

*Il se gaisse
avecques vn
sic amy qui
se d'antoir
luy auoir
crit.*

A Monsieur de la Fosse Vandomois.

En'eusse iamais pensé que dedâs si petite vil-
le y eust eu tant de Rhetorique pour pallier
vne paresse encontre vn homme diligent.
He vraiment i'ay esté du tout honteux de ce que
vous n'estiez honteux, trompetant vostre diligence
au desauantage de la mienne; & cognois que l'air
Vendosmois est fertile en Orateurs & Poëtes. Car ou-
tre les autres exemples qui m'en sont assez familiers,
vous seul me le faites assez paroistre par ces figures &
fleurs de Rhetorique (que quelques-vns appellent
desguisemêtz de verité; lesquelles vous sçaez si bien
dorer par vos lettres. Comment? que depuis vostre
partement, vous m'ayez escrit par lix fois sans auoir
aucune responce de moy. O Dieu quelle singuliere
hiperbole! & toutesfois par vous si dextremêt pro-
ferée, que la lisant, comme si i'eusse songé, ie me suis
quasi fait acroire, nō que m'eussiez escrit par six fois,
mais que ie ne vous auois rescrit. I'en ay ouïste a ce-
cy, qu'en me mordant dès lors mesme de la morsure
m'avez comme le Scorpion par vostre huile garen-
ty du mal que m'auiez procuré: en m'excusant sur la
multiplicité d'affaires que nous auons au Palais, pen-
dant que vous autres messieurs les damoiseaux &
mugnets (ainsi le dite vous) estes pour tout sujet
occupez à faire l'amour à vos dames. Chose par vous
escrite de si bonne grace, qu'encores n'ay-ie refusé de

le croire. Ce neantmoins ie vous iure que riant ainsi par vos lettres, soudain m'auiez remis en memoire par ceste nouuelle rencontre, mon ancienne seruitude. Au souuenir de laquelle ie me suis trouué si esgaré, que quasi me baignant en larmes, i'ay regretté mille & mille fois, non pas la presence de ma maistresse, mais le temps que i'y ay perdu. Et saultant d'un discours en autre, encores me suis-ie lamenté de la fortune à laquelle ie me suis à present vouë, qui semble avec le temps me pouuoir appeller à quelque plus hault degré, mais dont paraenture vn iour ie diray tout autant comme maintenât de l'amour. Car quel moindre tourment ie vous prie couure l'ambition que l'amour? veu qu'en ceruy nous trouuons quelque extremité, qui est le point de iouissance, & en l'autre n'y a nul assouuissement, ne trouuant l'ambitieux iamais fonds ny riue sur lequel il puisse seurement assoir ses pieds. Ainsi souhaittoit Alexandre apres auoir subiugué vne partie de l'vniuers, en subiuguer d'autres: deplorant sa condition d'auoir employé tant d'aincées à la reduction d'un seul monde. Ainsi chacun estant diuersement arriué par son travail & industrie au but qu'il festoit proposé, tournât tout à coup ses pensees ailleurs, ne pensant auoir rien fait pour sa famille s'il ne mōte plus hault, & en ceste façō mettât sa fortune à l'essort, luy facilite vne voye à vn malheureux precipice. C'est pourquoy, puis que i'en suis tombé si auant par la presente, ie vous diray en deux mots que ie me resouls prédre vn vol à tou-

*Les pointes
del'ambu-
tio plus for-
tes que de
l'amour.*

te la teneur de ma vie, qui ne soit trop hault ny trop bas : ie veux dire eslongner l'enuie de moy si ie puis, mais aussi bannir le mespris. A Dieu 1555.

A Monsieur de la Chault aduocat au Parlement de Paris.



Le present porteur s'estant fort commodement offert, ie n'ay voulu laisser perdre l'occasion de vous escrire, Non pour vous mander de mes nouuelles, ains pour apprédre des vostres, & du plaisir dont iouissiez maintenant en vostre maison. Duquel ie serois à demy ialoux n'estoit qu'en estes si bon distributeur, qu'encores que ie ne sois avec vous, si en ay-ie neantmoins ma part: Non telle comme si estiez present, mais i'espere à vostre retour me faire payer des arrerages de vostre absence, avec si hault interest qu'à grand peine y fournirez vous. A Dieu 1555.

A Monsieur de Ronfard.

Que le commun de la France se rend fort aisément Singe des autres.



En bonne foy on ne voit iamais en la France telle foison de Poètes, comme celle que nous voyons aujourd'huy. Je crains qu'à la longue le peuple ne s'en lasse. Mais c'est vn vice qui nous est propre, que soudain que voyons quelque chose succeder heureusement à quelqu'un, chacun veult estre de sa partie, sous vne vaine promesse & imagi-

imagination qu'il conçoit en soy de mesme succes. Nostre France du temps du Roy Charles septiesme, eut vne fille nommee Ieanne la Pucelle, laquelle poulsee d'une inspiration diuine, se presenta au Roy comme deleguee de Dieu pour restablir son Royau-me. Ce qui luy succeda si à propos, que depuis son arriuee toutes les affaires de France allerent de bien en mieux, iusques à ce que finalement les Anglois furent totalement exterminéz. Pendant ce temps se trouuerent deux ou trois affronteuses, qui se firent prescher par Paris, comme estâts aussi enuoyees des cieux à mesme effect que la Pucelle. Toutesfois en peu de tēps leur imposture fut halence, & se tourna tout leur feu inopinément en fumee. Ceste maniere de faire est beaucoup plus familiere és choses qui cōcernent l'esprit. Il n'y a celuy de nous, qui ne sçache cōbien le docte Rabelais en folastrant sagement sur son Gargantua & Pâtagruel, gaigna de grace parmy le peuple. Il se trouua peu apres deux Singes qui se persuaderent d'en pouuoir faire tout autât, l'un sous le nom de Leon l'Adulfy en ses propos Rultiques; l'autre sans nom en son liure des fanfreluches. Mais autât y profita l'un que l'autre: f'estant la memoire de ces deux liures perduz. Nous auons veu en cas semblable le Romant d'Amadis fait François par le seigneur des Essars estre heureusement reuisti à son auteur, pour la naïfueté du langage qui est en luy, & autres belles considerations qui appartiennēt à l'entregent. A la suite duquel nous auons aussi veu tout

foudain vn Palmérin d'Oliue, vn Palladien, vn Primaleon de Grece, & plusieurs autres de mesme marque, qui ne se sont faits que morfondre de reputatiō au regard du sieur des Essards. Autant en est-il aduenū à nostre Poësie Françoisē, en laquelle vous & le sieur du Bellay ayant plus heureusement rencontré que lon n'auoit iamais esperé entre les nostres, chascun s'est fait acroire à part soy, qu'il auroit mesme part au gasteau, & à tant vne infinité ont mis la plume à l'enuy. Si bien ou mal ie ne diray pas, que la posterité en iugera, mais eux-mesmes le pourront cognoistre. D'autant que nous voyōs leurs liures mourir du viuant de leurs auteurs, encores qu'ils ne couchent d'autre chose que de l'immortalité de leurs noms. Croyez que vous verrez au long aller ce beau nom de Poëte venir au nonchaloir du peuple, ainsi que celuy de Philosophe, que lon adapte maintenāt à ces tireurs de Quinte-essence, qui trāsformēt leurs esprits & esperances en riens, en s'amufants, ou pour mieux dire abusants à la transformation de la pierre Philosophale. Or quelque chose qu'il en aduienne, tout ainsi qu'aux plus riches diaments lon dōne vne fucille, lors que lon les met en œuvre, aussi tous ces nouueaux escriuasseurs donneront tant plus de lustre à vos escrits. Lesquels, pour vous dire en amy, ie trouue tresbeaux lors qu'avez seulement voulu contenter vostre esprit : mais quand par vne seruitude à demy courtisane estes sorty de vous mesmes pour estudier au cōtētement, tantost des grands, tantost

de la populace, ie ne les trouue de tel alloy. Vous me direz qu'un autre en iugera autrement. C'est ce qui nous perd en la reformation de nos œuvres: car pendant que nous estimons que ce qui desplaist à l'un, plaist à l'autre, nous penserions nous couper un doigt, si nous retrâchions quelque chose de nos inventions: combien qu'il ne fault faire nulle doubte, que ce qui est vne fois bien fait, ores que sur son auement ne plaist, peult estre pour la nouveauté, si faut-il qu'avec le temps il prenne pied ferme entre nous. Et pour ceste cause ie seray tousiours du party de ceux qui suiuront le grand chemin de la raison, sans se detraquer à quartier pour cuider contenter le vulgaire. Quant à ce que me midez, qu'en quelques endroits de vos œuvres, vous estes souuenu de moy, ie vous en remercie, comme celuy qui ne sera iamais marry quel'on sçache à l'aduenir que Ronfard & Pasquier furent de leurs viuants amis. Mais en vous remerciant ie souhaiterois que ne fissiez si bon marché de vostre plume à hault-loüier quelques-vns que nous sçauons notoirement n'en estre dignes. Car en ce faisant, vous faites tort aux gens d'honneur. Je sçay bien que vous me direz qu'estes contraint par leurs importunitéz de ce faire, ores que n'en ayez enuie. Je le croy: mais la plume d'un bon Poëte, n'est pas telle que l'aureille d'un Iuge, qui doit donner de mesme balace audiëce au mauuais, tout ainsi qu'au bon. Car quant à la plume du Poëte, elle doit estre seulement voüee à la celebration de ceux qui le meritent. A Dieu 1555.

I. LIVRE DES LETTRES

A Monsieur le Picart, Conseiller en la cour des Generaux des aides.

*Les opinions
qui doivent
entrer es
esprits de
ceux qui se
veulent ma-
rier.*

E h'y auois iamais tant pensé, comme i'ay fait depuis que i'ay reçu vos lettres: car & mon aage & mon opinion ne sont quant à present aucunement disposez à me marier. Toutes-fois puis qu'estes en termes d'entrer en ce vœu, & qu'en voulez sonder mon aduis, ie vous escriray franchement ce que i'en pense. Je ne vous diray point les incommoditez qu'apportent tant le Mariage, que le Celibat, ny les commoditez dont ils sont accompagnez; c'est vn lieu commun dont plusieurs personnes se sont vouluz iouïr pour & contre. De ma part ie seray tousiours pour le Mariage contro la vie Celibe, non seulement parce qu'en general c'est le moyen de nous perpetuer de l'un à l'autre en ceste humaine societé, mais aussi pour autant qu'en particulier, lors que nous n'auons plus affaire de femme, c'est lors q nous en auôs pl^e affaire. Je veux dire pour soustenir les deffauts & impuissances de nostre vieil aage, que nous n'oserions tant commettre à quelques autres personnes, quoy qu'elles nous attouchent de proximité de lignage, côme à nos femmes, avec lesquelles nous auons voüé l'indiuuidité de nos vies. Mais d'autant que les feries en sont longues, ie ne souhaitte point qu'un mariage se poursuiue par amourettes plaines de sottise & indiscretion: ie laisse telles fleurs sans fruit aux coniunções passageres,

qui ne prennent traict iusques à la mort. Je ne veux pas ce pendant qu'il prenne fondemēt sur vne auarice, ny que nous desdaignons tant soit peu celle auec laquelle nous voulons nous lier. Mais que nous accompagnions noz pensements d'un respect & considerions s'il y a riens en elle qui nous desplaise, ne voulant toutes-fois que ce plaisir soit assaisonné d'une cuisante passion, si elle sera de mœurs compatibles avec les nostres, & quels moiens nous pourrions auoir ensemble pour bannir de nous la necessité. Il n'y a femme si belle soit-elle qui ne soit indifférente à un homme quand ils ont couché ensemble un an, ny laideur modérée qui ne se rende aussi tolérable avec le temps, quand d'ailleurs on l'accompagne de douces mœurs, & obeissance à l'endroit de son mary. Un feu d'amourettes s'esteine par un peu d'eau que l'on y apporte. Un mariage composé sur tel fondement que celui que ie vous propose, va tousiours de bien en mieux, & produit tel effect que au bout de dix ans on se porte plus d'amitié que l'on ne faisoit la premiere année. Je vous ay dit que nous deuions faire entrer en ligne de compte la consideration de la compatibilité de noz mœurs, & bannissement de la necessité. Le premier vient de nostre fonds & estre: le second depend des biens extérieurs de la fortune. Entant que touche les mœurs, encores que par un droit de nature la femme doie ployer souz le mary, pour introduire l'égalité entre eux deux, toutes-fois par ce qu'il peut eschoir du contrai-

re de ma part i'estime estre vne regle generale que nul mariage ne peut estre en paix ou repos que la femme ne ploye aux commandements de son mary, ou le mary aux volonte de sa femme. Tout ainsi que les artisans n'accouplent iamais deux metaux aiguz ensemble: car l'acier dessus l'acier se consumeroit fort aisement: au contraire l'airin, mis au dessous du tournant de l'acier dure infiniment. Ainsi en prend-il au mariage entre deux esprits qui sont primes: & c'est pourquoy Platon ne vouloit que deux personnes fort coleriques fussent mariez ensemble. Nous auons veu de nostre aage quelques personnes d'honneur & bien renommes, auoir fait vne separation volontaire de maisons fondees seulement sur ce qu'ils ne pouuoient compatir ensemble. Je sçay bien que la femme se doit rendre souple aux volonte de son mary. Mais aussi qu'un mary par vne prerogatiue de son sexe se vueille roidir contre toutes les opinions de sa femme, il perd tout: Car si la femme n'auoit ce priuilege de desdire par fois les opinions de son mary, elle ne pseroit en riens auoir sa condition differete d'avec celle de ses seruantes. Je serai plus hardi & dirai qu'ecore vaut-il mieux ploier sous vne femme testue en choses specialement indifferentes, que viure en perpetuelle inquietude d'esprit. Vous me direz que ie m'abuse, & que par le moien que ie propose pour nourrir paix avec nos femmes, ie brasse vne guerre intestine en l'esprit du mary. Et ie vous respõd en vn mot, que c'est appor-

ter grād repos à sō esprit, quād on vit en repos avec sa femme. Au bout de tout cela i'estime que quelque sagesse que l'on y apporte encores est-il impossible d'estre aise en vn mariage si on ne se voit aisé. Tout ainsi que *l'aise* & *l'aise*, sont deux mots par maniere de dire mariez ensemble: ny ayant difference entre eux que de l'e masculin & feminin: aussi si vous estes malaisez en vostre mariage, quelque amirié que vous-vous portiez, vous iouez à l'esbahi, vous resouuenant de la commodité du temps passé, qui vous apporte vne repentance du present, & par mesme moien vne haine taisible non de vous, ains de vostre mariage; qui est en bon lāgage vn chemin pōur apprendre à haïr sa femme. l'en parle cōme vn aueugle des couleurs, mais puis qu'allés mettre la voile au vent pour entreprendre ce long voyage, vous nous en compterez non quand serez arriué au port qui ne se trouue que par la mort, mais lors que singlerez en pleine mer, A Dieu.

A Mademoiselle de



OMBIEN que pour le peu d'habitude & familiarité que i'ay à l'amour, ne luy communiquant auiourd'huy en aucune façon mes pensees, ie ne me deusse ingerer de vous rescri-
re la presente, toutes-fois puis que ces iours passez vous & moy sommes entrez en vne dispute du contentement que peuuent receuoir deux amants, qui

Quel contentement on peut receuoir de l'amour.

font assurez l'un de l'autre, ie me suis delibéré pour en tirer plus certaine resolution, vous escrire tout au long ce que i'en pense: elperât par ce moié que vous & moy sans passion ferons le procez à l'amour, qui le faiçt aux Rois, princes, grands seigneurs & à tout le monde. Nostre question (comme vous sçauiez) estoit sur ce que vous sousteniez que quand les deux amans ont reciproquement assurance de leurs volontez, il n'y a plus que le contentement qui couë entre eux sans aucune fascherie. Et moy ie disois que ie ne sçauois sur quoy fonder ceste assurance, qui nous moyenna vn contentement si preciz; qu'il n'y eust avec luy cent mille trauerſes qui viennent presque au supplement ou contre-poix de tout le plaisir que vous vous pouuez figurer en l'amour. Questioñ vraiment qui n'est pas petite au subiect que nous traictons, en laquelle toutes fois il me semble que pour paruenir à nostre projet, il faut que vous & moy resolutions qui est celuy que vous estimez estre assureé en ses amours. De ma part ie ne fuz iamais riens moins que ialoux. tant que i'ay aimé, si est-ce que pour le vous trancher court, i'estime premiere-ment qu'il n'y eut iamais assurance en amour. chose qui me faiçt dire, que si le contentement prend ses principales racines de l'assurance que proposez, il n'y eut iamais ce contentement que vous imaginez. Secondement ie soustiens (encores que ce soit contre l'opinion du vulgaire) que si l'assurance dont vous parlez apporte ce contentement, certainement c'est le mesme

le mesme intereſt de l'amour que l'on banniſſe aucunement ceſte aſſurance de noz deux amants. Je ſçay bien que l'une & l'autre de ces propoſitions vous ſemblera de prime face de facheuſe digeſtion, mais i'eſpere les vous faire gouſter par le diſcours de ceſte lettre. Entrât que touche le premier poinct, cōbien que mon opinion ſoit qu'au contentemēt que l'on reçoit en amour, il ne faille eſtablir vne reigle generale en forme d'arreſt, (par ce que celuy qui eſt d'une humeur Iouiale meine l'amour gayement & avec plus d'allegreſſe, & le Saturnien avec vne plus grande crainte) toutesſois en ceſte varieté de plus ou de moins, il me ſemble qu'il y a vne reigle touſiours ferme, ſtable & perpetuelle. C'eſt à ſçauoir que de quelque façon que vous vouliez balancer l'amour, celuy qui aime parfaictement, en vne aſſurance de tout, craint tout: ou bien s'il eſlongne ceſte crainte de luy, il commence ja de diminuer ie ne ſçay quoy, de l'opinion & ardente affection qui ſe deſire en tout amant. Qui ne ſoit vray, conſiderons noſtre amant, ou deuant qu'il ait attainct à ceſt heureux poinct de iouiſſance auquel il dreſſe tous ſes penſers, ou apres. Si vous le vous representez deuant, ores que luy & ſa maiſtreſſe ayent en eux quelque eſtincelle d'aſſurance, pour quelques demonſtrations qu'ils ſe font, toutesſois il n'y a point de vraye aſſurance. Car ou ſa damoiſelle luy reſuſe ce dernier poinct, ou bien peut eſtre luy accorde, mais la fortune ne veut que les occaſiōs ſ'y preſentēt ſi elle luy re-

fufe, celà lui procede, ou d'un defaut d'amitié, qui est
 vne ruine d'esprit : ou qu'elle vueille faire vne plus
 longue preuue & experience de son cœur, auquel cas
 elle n'est assurée de sa foy : ou bien qu'elle craigne
 que luy ayant fait part & portion de son meilleur,
 il commence ou de la mespriser, ou de la vouloir mai-
 striser, qui est vn autre point de defiance : ou pour
 conclusion qu'elle ait peur du parler du peuple : en
 quoy elle rend tousiours son seruiteur bien peu as-
 suré de sa volonté, veu qu'elle a en plus grande re-
 commendation le parler du peuple, que leur satisfac-
 tion mutuelle. Et si parauenture elle luy accorde ce
 qu'il luy demande, mais que le malheur eslongne
 d'eux la iouissance, vray Dieu y a-il plus grand mar-
 tyre en ce monde que d'estre alteré au milieu des
 eues, & qu'il y ait homme qui nous presente le ver-
 re pour boire auquel nous ne puissions atteindre ?
 Tellement que de quelque sens que vous conside-
 riez l'amant auant la iouissance, vous-vous mescon-
 tez, si l'estimez assuré. Aussi l'amour n'est lors que
 vn aueuglé desir reuestu d'un espoir, d'une crainte
 & de toutes sortes de passions qui nous apportent
 plus de mescontentement en vne heure que de con-
 tementement en dix ans. Puis doncques que vous
 m'accordetez aysement qu'auant la iouissance l'a-
 mant ne se peut vanter d'estre vrayement assuré
 ny consequemment content, refigurons nous-le
 s'il vous plaist, comme celuy qui ayt obtenu de sa
 maistresse le salaire où tout loyal seruiteur aspire.

Mefnageons encore ce poinct de toutes les façons qu'il vous plaira : donnons luy qu'il ayt vne iouyſſance à l'abandon , & en laquelle toutes les facilitez du monde ſe preſentent ſans aucun deſtourbier ; ou bien qu'il l'ait avec les difficultez ordinaires en amour pour n'y eſtre toutes les occaſions diſpoſees ainſi que l'on ſouhaiteroir. Je ne vous veux point particulariſer toutes ces difficultez : car en cecy le temps me defaudroit pluſtoſt que le ſubiect : mais lors qu'elles ſe preſentent , ie vous ſupplie dites moy combien de tintoins , combien d'algarades nous repaſſent par les eſprits pour n'auoir le temps , les heures & ſaiſons à noſtre apoinct , pour iouyr de noſtre plaisir que nous ne reconnoiſſons plus par imagination apres la iouyſſance , comme nous faiſions auparauant , ains par eſſect : & d'autant que l'eſſect ſurmonre l'imagination , d'autant ſommes nous plus affligez pour veoir lors noz opinions demeurer en friche par l'iniuſtice du temps. Celuy qui eſt né dans la pauureté bien qu'il appete grandement d'eſtre riche , ſi ſupporte-il beaucoup avec plus de patience ſa fortune , que l'autre qui de riche eſt deuenu pauvre , où qui au milieu de ſes grandz threſors & richesses , ne peut iouir de ſon bien. Mais faiſions que les deux amants ayent toutes heures à leur propos , & que les occaſions leur rient de telle façon que ſans ſcandale , & ſans crainte du parler du peuple , ils ayent iouyſſance entiere & de leurs

corps & de leurs esprits toutes & quantes-fois qu'il leur plaist. Estimez vous que pour cela leur contentement en soit de plus auancé ? Si vous l'estimez, vous faillez, & croy en ma conscience que tout amant qui sera vrayement amant & qui desirera que son amitié prenne traicte, se donnera songneusement garde de tomber en cest accessoire, encores que la faueur generale des autres l'y conuiaist. Sçauiez vous pourquoy ? Par ce que pour ne dissimuler point ce que ie pense, ie voy que nous tant hommes que femmes, sommes d'une si miserable nature, que si voulons mettre ce contentement à tous les iours, il se tournera en contemnement. Contemnement qui faict mettre à nonchaloir tout le plaisir dont nous disputons : car comme vous sçauiez trop mieux, és choses qui se tournent sur l'indifferent, tout ainsi que le desplaisir en est moindre, aussi le plaisir ne nous touche point de si prez. Ce que l'on se peut mesmes représenter par exemple és personnes mariées qui se sont portées infinie amitié auparavant leur mariage, mais à la longue pour auoir iouyssance à plain drap, leurs attouchements mutuels ne leur sont riens, au regard de ceux qui ne iouyssent de leurs volontez qu'à la desrobée. Les difficultez qui se presentent entre les amans apportent ie ne sçay quoy de mescontentement, qui nous augmente de plus en plus vn desir de nous reuoir & reioindre, desir qui est la flammeche & en-

tretenement del'amour, desir toutesfois qui ne va
 iamais qu'en la compagnie d'une infinité de tour-
 ments. Et en effect voila les causes qui m'ont tous-
 iours induit à penser que l'amant de quelque façon
 que le figurions ne peut estre si asseuré qu'il reçoive
 ce parfait & accomply contentement que vous
 discouriez dernièrement : & ores mesmement qu'il
 le peust, si est-ce que l'amour mesmes a interest que
 les choses n'arriuent à cest extreme degré. Vous me
 direz qu'il ne faut doncques point aimer, puis que
 l'amour en quelque saison que ce soit est tousiours
 environné de torments. Parauenture ne seroit-ce
 pas le pire party que lon pourroit prendre, si l'aimer
 ou non aimer dependoit de nostre choix: mais il est
 si malheureux trahistre que le plus du tēps lors que
 nous y pensons le moins, il nous surprend. Et neant-
 moins si quelque damoiselle bié aprise veult aimer,
 ie seray tresaise qu'elle n'en soit point degoustee par
 mon discours: car les mescontentemens de l'amour
 sont plus gaillards que tous les autres contentemēts
 de ce monde. Toutesfois parce que ce seroit sauter
 d'un propos à autre, ie suis cōtent de n'y entrer, pour
 vous aduertir en fin que tant s'en fault que ie con-
 descende à vostre opinion, & que ie vueille rendre
 nostre amant si asseuré & content comme vous le
 dressez, qu'au contraire ie pense que les desdaings,
 les craintes, les fascheries sont vne grande & meil-
 leure partie de l'amour: & à peu dire qu'en l'amour le
 mescontentement est l'assaisonement du plaisir.

le m'assure que vous ne demeurerez courtte de re-
plique, mais la verité est de mon costé. A Dieu.

*A Monsieur de Fonssomme gentilhomme Ver-
mandois.*

*De la police
que tint le
feu Duc de
Guise, dans
la ville de
Mets, cõtre
le siege de
l'Empereur
Charles cin-
quiesme.*



Vous auez peu entendre (car ie croy que
les nouuelles en sont arriuees iusques à
Rome) cõme les Allemands auoiẽt appel-
lé le Roy à leur secours contre l'Empereur: ensemble
la grande leuée d'argent & de gens que lon a faite
en France pout fournir à ceste entreprise. Entendez
maintenant comme les choses se sont depuis pas-
sees: Le Roy n'estoit presque arriué au Rhin avecq'
son armee, que l'Empereur estonné de ceste nouuel-
le confederation, se trouue en tel desarroy de ses
opinions, qu'il reestablit tous les Princes & Poten-
tats d'Allemagne en leurs anciennes prerogatiues &
libertez. Lesquels pour ceste cause depeschẽrẽt sou-
dain ambassades par deuers le Roy, pour le remer-
cier de l'aide qu'ils auoient receu de luy: ayans par
son moyen recoux la liberté, qui leur estoit plus che-
re que la vie: & deslors mesmes luy baillerent le til-
tre de Protecteur de la liberté Germanique. Le Roy
les receut avec vn fauorable accueil, & à l'instant re-
brouilla chemin. A son retour il remeit sous son an-
cienne protection Mets, Toul, & Verdun villes Im-
perialles; quoy faisant il a grandemẽt flancqué du
costé de la Champagne nostre France, contre les

auenues des estrangers. Je croy que vous serez d'accord que iamais entreprise ne revssit plus à souhait que celle-là, que sans coup ferir nostre Roy n'estant ny veu ny venu, ait atteint au comble de son intention : mais la suite en a encores esté plus belle. L'Empereur fasché que tous ses desseings se feussent comme vn estourbillon tournez en fumee, & aussi estimant que c'estoit faire bresche à sa memoire, si pendât sa dignité Imperiale, ces trois villes demouroiét sous la protection des François, delibera de poulsér de sa reste. Il fait vn grand amas de gens, & pour ne nous donner temps de respirer, vient mettre le siege deuant la ville de Mets, sur la fin de l'Automne. Le Roy auoit esté deuant auerty de ceste entreprise, & à ceste cause y auoit depesché Monsieur de Guise pour son lieutenant general, qui s'y estoit transporté suiuy d'une bonne troupe de gens de guerre, & parce qu'il preuoyoit qu'en peu de temps l'orage deuoit tomber celle part, il seroit impossible de vous raconter combien de deuoir ce gentil Prince apporta à la conseruation de la ville. Car apres l'auoir fait retrâcher & fortifier de toutes parts à suffisance, luy sçachant que la noblesse Françoisse est coustumiere de courir à vauderoute là part où lon commence vne guerre, afin d'oster le desordre, ordôna que tous gentilshommes volontaires, & qui y estoient venuz pour leur plaisir, eussent à vuidér la ville dedans certain temps, ou bien de choisir party souz l'un des capitaine de la caualerie ou infanterie, pour auoir lo-

gis dedans son quartier, & le suiure à toutes saillies, factions & entreprises, tout ainsi que s'ils eussent receu la soulde & fait le sermēt au Roy souz leur charge. D'une mesme main il enuoia chasques bandes aux quartiers qui leurs estoient departis, celles des gens de pied pres des murailles, à fin d'estre voisins des lieux où ils auoient à faire la garde, & les gendarmes & cheuaux legers sur le milieu de la ville. Enioignant tref-estroitement à tous capitaines, gentilshommes & soldats, ne faire logis hors leurs quartiers à peine de punition corporelle. Et à fin quel'on feit plus de diligence de resserter les grains & vins, qui estoient encores dehors, il fut par luy ordonné que dedans quatre iours on mettroit tous les viures & bestail des villages dans la ville, pour en fournir la mōnition, ou les vèdre au marché à tel prix quel'on trouueroit, sur peine que le terme expiré les gens de guerre en pourroient aller prendre impunément à discretion là où ils en trouueroient. Et pour nettoier la ville de personnes superflues pour l'espargnement des viures, il feit renuoier à la gendarmerie son train & bagage, en ses garnisons ordinaires, sans reseruer au gendarme que deux varlets & deux cheuaux de seruice, & à l'archer, vn varlet, & vn cheual, regeant la caualerie legere selon l'ordre des archers. Et aux gens de pied de dix en dix vn goujat, & six cheuaux seulement en chaque bande. Fait aduertir les citoyēs de se retirer où il leur plairoit, transportants avec eux or & argent monoyé & non monoyé & tous leurs meubles,

meubles, hormis ceux qu'ils trouueroient estre necessaires pour l'hebergement des soldats : & neantmoins qu'ils les baillassent par inuentaie aux seigneurs de Picpape & Saint-Belin commissaires des viures, à ce que le tout leur fut cōserué. Et entre autres citoyens il retint les charpentiers, maçons, ouuriers de fer pour employer aux rempars, fortifications, & seruice de l'artillerie. Cōme aussi mareschaux, Boulangers, cordonniers, chaufsetiers, certain nombre de chaque mestier : & par expres barbiers, & chirurgiens, ausquels il feit auancer argent pour se fournir de drogues & oignements. Que l'on n'eût à sonner nulle cloche sinon celle de l'Effroy. Qu'il n'y eust que deux horologes. Que les citoyens n'eussent à sortir de leurs maisons quand l'alarme sonneroit. A chacun des capitaines feit departement de chaque quartier, lequel ils auroient à defendre sans en bouger : & luy & les compagnies seroient au milieu de la place pour y subuenir selō que le besoin le desireroit. Que des prisonniers qu'on prédroit ou tiendrait cest ordre, de ne mettre dans la ville les varlets & garçons de fourrage, desquels on n'esperoit aucune rançon, à fin qu'ils ne consommassent les viures, ains seulement les gens d'apparence, lesquels on boucheroit en entrant dedās la ville, à fin qu'ils ne peussent remarquer chose aucune de nostre fortification. Et craignant la longueur du siege il feit resserrer tout le vin qui se trouuoit au quartier des gēs de pied en vne ou deux caues, souz les clefs des capitaines, pour en distribuer

puis apres à chaque soldat deux pintes le iour, auxquels il ordonna aussi deux pains chacun de douze onces. Il reduisit le nombre de douze cent pionniers à six cent. Et souz ces belles polices attendit de pied-quoÿ l'Empereur, qui se vint heurter contre la ville presque aux fauxbourgs de l'hyuer, voulant ce sembloit non seulement combattre les François, mais le tēps mesme. La plus grande partie de ses gens estoiet logez en des loges de bois ou de cuir, à fin que si le siege s'acheminoit à lōgueur, ils n'eussent à s'atedier. En ceste sorte la ville demeura assiegee six mois entiers; pendant lequel temps monsieur de Guise voiāt estre deu à ses soldats la sould de deux mois, & qu'il n'estoit possible que le Roy leur enuoiaſt promptement argent, feit battre de la monoye, & luy donna beaucoup plus hault prix que de sa valeur, souz l'obligation toutesfois à laquelle il se soubmettoit par cry public de la reprendre pour autant qu'il la baille-roit. Vous poués recueillir de tout ceci quelle a esté la fin du siege: toute telle que vous la pēsez. L'Empereurs'en est retourné avec sa courte honte tout ainsi qu'il estoit venu sans riē faire: si faché que le bruit cōmun est, qu'il desire de se demettre de l'Empire entre les mains de Ferdinand sō frere Roy des Romains: & aussi de se despouiller de tous ses Royaumes entre celles de l'Infāt d'Espaigne sō fils, & choisir sur ses vieux iours vne vie solitaire. Au cōtraire le seigneur de Guise est retourné en ceste ville plain de gloire & reputatiō, accueilli du Roi & de toute sa court, avecques telle faueur que vous pouuez imaginer. A son retour.



il s'est trouué au mariage de la fille naturelle du Roi q̃ l'on a solénizé avec vne infinité d'allegresses. La magnificence des nopces a esté faite en la grand' salle de Bourbon enuironnée d'une infinité de chapeaux & festons de lauriers, apposés en cōmemoration de tout ce qui s'estoit passé, dans lesquels estoit ce distique.

Herculis optasti longas transire columnas,

Siste gradum Metis, hæc tibi meta datur.

La rencontre se faisoit sur la deuise de l'Empereur, qui estoient deux colōnes d'Hercule entrelassées de ces deux mots, Plus outre. Les gens de guerre auoient auparauāt aguisé leurs cousteaux pour la defense de ceste ville de Mets: le siege leué les Poëtes & gens doctes aguiserent leurs plumes pour l'illustratiō & exaltation des tenants, entre lesquels le seigneur de Ronfard a emporté l'honneur. Je vous mande toutes ces particularitez, & par especial toute la police qui a esté tenuë dans Mets, par ce que cōme l'on dit qu'ë la conflagration generale de la ville de Corinthe, le feit vn tel pesse-messe de l'airin & autres metaux ensemble, que depuis & long temps apres on recherchoit par tout le monde le cuiure de Corinthe pour en faire des tableaux de parade: au contraire en la conseruation de la ville de Metz toutes ces belles ordonnances doiuent seruir non de tableaux, ains de miroüiers à tous ceux qui dorefnauant se delibere-
ront de soustenir le siege d'une ville. Vne chose me resiouit infiniment en ce faict cy: c'est que l'Empereur aiant failly pour vn bō coup à son dessein, ie me

I. LIVRE DES LETTRES

persuade que ceste ville nous est asseurée pour vn long temps. Car ie ne voy point en nulle histoire qu'apres que l'on a failly en vn long siege, on ne reprenne puis apres longue haleine auant que d'y retourner. Vous voyez comme ie ne suis point chiche à vous mander des nouuelles de nostre France: mandez moy en contr'eschange de mesme liberalité de celles de l'Italie, & quel iugement on faiët dans Rome de tout ce que ie vous escrims maintenāt. A Dieu.

A Monsieur Seibilet aduocat au Parlement de Paris.

Si les Romains ont esté superieurs aux anciens Gaulois, soit au fait des armes ou des lettres.

PAR CE que le iour d'hier ie vous veiz soutenir à outrance, que les Romains auoient esté superieurs aux Gaulois, en proüesse & vaillantise, & qu'au regard des bonnes lettres nous n'entrions en nulle comparaison avec eux, ayant depuis à part moy recueilly mes esprits, i'ay pensé de vous en escrire mon aduis; non pour vne enuie que i'aie de vous cōtredire, mais par ce que de vostre opinion en est issuë vne de plus dangereux effect entre nous, par laquelle nous autres François estimons n'auoir riens de bon que ce que nous auôs emprunté de la ville de Rome: & nous estants par ce moien donnez en proye à l'estranger, depuis par succession de temps quelques fors & glorieux Italiens se sont voulu affubler de tel honneur par dessus nous, qu'ils semblent par leurs escrits nous reputer comme chif-

fres: & neantmoins (permettez ie vous prie que dès l'entrée de ma lettre ie vous serue de ce mets) tant s'en faut que nous deuions riens à ce superbe Romain, que soit pour le regard des armes, soit que nous tournions nostre esprit aux lettres, il nous en deura de retour. Ie ne veux pas denier que les Romains n'ayent esté grands au faict des armes: mais si faut-il qu'ils nous recognoissent qu'il n'y eut iamais nation qui les traitast de telle façon, ne qui leur apportast tant de dommage & preiudice, comme la nostre. Ie ne vous allegueray les victoires qu'obtinrent jadis noz Gaulois en Italie souz la conduite de Bellovese, quand pour le siege & demeure qu'ils y plantèrent, fut par vn long espace de temps appellée Gaule Cisalpine, ceste partie d'Italie qui fut depuis enuahie & occupée par les Lombards. Ie me contenteray de vous remettre deuant les yeux le sac & rauage de Rome, qui fut souz la conduite de Brennon, lequel apportat tel effroy au Romain, que depuis tant que la Republique dura, il nes'en peut asseurer. De forte qu'à la moindre rumeur de guerre de la part des Gaulois, toute la ville de Rome à vn clin d'œil se mettoit en armes, sans exception ny d'aage ny de personnes, se rendant nostre nom si celebré & redouté en ce sujet, qu'Antioche Roy de Macedoine delibérant guerroyer les Romains, estima qu'il ne pourroit venir à chef de son entreprise, s'il ne prenoit à sa foulde des Gallogrecs, qui estoient issuz de l'ancien tige des Gaules: ne considerant pas qu'ils

ne tenoient plus de leur ancienne & originaire vertu; & que s'estants habituez dans l'Asie, ils auoient par vne longue traicte de temps, avecques l'air, humé aussi la mollesse & delicatessé des mœurs de ce pays là. Que si nous voulons venir à Iules Cesar, que l'on recite auoir esté subiugateur de noz Gaules, si vous le pensez tel, vous vous abusez: par ce que les Gaulois se subiuguerent eux-mêmes par vn malheur qui est presque familier à tous peuples, quand leur estat se doit changer, ie veux dire par les guerres ciuiles & intestines qui lors vogoient dans les Gaules. Lesquelles furent tout de mesme façon renuersées comme la ville de Rome quelque temps apres par les factions & diuisions qui s'y presenterent. Mais encores en ce malheur là eusmes nous cest heur, que la fortune n'appresta telle faueur à Cesar, sinon à fin qu'ayant reduit souz sa deuotion les Gaulois, les tenant en rang non de vaincuz, ains de ses confederez, il se preparast puis apres par leur vertu vne voye pour ruiner & mettre à fin toute la gloire de Rome. Ce que recognoissant tenir principalement des Gaulois, estant venu à bout de ses affaires, il donna seance aux chefs & principaux au Senat de Rome, en recongnoissance des bons offices qu'ils luy auoient faicts. Et combien que pendant l'Empire nous fussions reduictz souz l'obeissance des Empereurs, si est-ce que pendant ce temps nous leur seruismes de perpetuel exercice pour les tenir en cer-

uelle : par ce que de soixante en soixante ans nous leur remuâmes tousiours quelque nouveau mesnage , iusques à ce qu'après plusieurs reuolutions d'années les François s'estans emparez de noz Gaulles, en fin l'Empire de Rome tomba en la personne de nostre Charlemaigne : & comme ainsi soit que toute la fleur & puissance de l'Empire eut esté long temps auparauant transportée par Constantin en la ville de Bizance , depuis appelée Constantinople, encores ne se peut ceste ville au long aller garentir de noz forces: par ce qu'elle fut prise par noz Bauldouins Comtes de Flandre, qui y cōmāderent l'espace de soixāte tant d'ans. Et s'il vous plaist passer plus bas, & descendre à la memoire de noz bisayeux, ne voiez vous vn Roy Charles huitiesme auoir fait trembler vne Rome ? A fin que ie ne vous face recit d'vn Bourbon du temps de noz peres. Au contraire vous verrés que quand elle a esté oppressée par nations estrangeres , & qu'elle a imploré nostre aide, non seulement nous ne luy auons denié, mais qui plus est l'auōs restablie en sō ancienne dignité & grādeur. Vous aduisant au demeurant que nostre Gaule ne fut iamais desgarnie de grāds personnages, faisans professiō de la cognoissāce tant de la philosophie naturelle que morale. En quoi ils furent tant renōmez, q̄ plusieurs anciens estimerēt, que des Bardees & Druydes, qui manioient & la Theologie & la philosophie des Gaulois, la philosophie auoit pris sa premiere source & origine: & les autres que les Grecs mesmes

auoient emprunté d'eux leurs caractères. Accompagnans outreplus tous leurs discours d'une telle grace, que les Romains mesmes, lors qu'ils n'estoient aueuglez de jalousie, celebroident entre tous les autres païs la faconde des Gaulois, de telle maniere que ils estimoient qu'ils seruoient d'exemple & patron aux nations circonuoisines. Vne chose sans plus en eux me desplaist, qu'ils contēnerent de rediger leurs sens & conceptions par escrit, donnans à entendre leurs secrets de main en main seulement. Dont les Grecs & puis les Romains sceurent fort bien faire leur profit à noz despēs. S'il vous plaist de recognoistre sans passion toute l'ancienneté, vous trouuerez que ie ne dy riens qui ne soit tres-veritable, & en pe-
tillent toutes les écoles d'Italie si bon leur semble. Quant à vous, si vous auez riens à me repliquer sur ce que dessus, la porte vous en est ouuerte. A Dieu.

*A Monsieur de Postel Conseiller au siege
presidial de Troye.*

*il semand
un sien ami
de luy es-
crire.*



VOZ précieuses lettres! car précieuses puis-
ie bien dire celles qu'en six mois ie reçois de
vous avec si grandes ceremonies. Mais di-
tes moy en bonne foy, depuis quel temps a on eri-
gé escole de Rhetorique dans Troye, en laquelle
vous ayez si bien appris ces communs traits de Rhe-
torique quel'on appelle Preuention? Vous estes vn
pareilleux, me dites vous. Et vous, quoy? Vous auez
acte

acte de voz diligences. Mais à bon escient pensez vous que depuis le commencement de Carefme, i'aye receu aucunes lettres de vous ? & si aucunes auparavant, autres que par eschantillons ? Ce neantmoins si vous puis-je bien asseurer que depuis voz dernieres ie vous ay escrit par trois fois. Non point lettres affirmées, comme les vostres, ains plaines de longs discours, concernant tant voz affaires, que les miennes. Car quāt à ce que me mettez au mesme rang de paresse que Monsieur Brallion, vous luy faictes grand tort. D'autant que ie luy cede, & le recognois mon aîné en ce cas, comme en tout autre, vous aduisant qu'en matiere d'escire il me reste tant en arerages, que ie luy ay mandé, que puis qu'il ne me veut enuoier de ses lettres il me renuoie les miennes, à fin qu'en ce faisant ie pense qu'il a quelque souuenance de moy. Au regard des mille liures de rente dont m'escruez, si c'estoit chose asseurée, le party ne seroit à negliger, mais que les mœurs s'y accordassent. Car quant à moy, ie ne me veux point marier aux vz & coustumes de Paris, & m'enquerir premier du bien que des mœurs de celle dont on me portera parole. A Dieu.

*A Monsieur Brallion Conseiller au siege
presidial de Lyon.*

Lettre plaisante par laquelle il semond un sien amy de luy escire.

Vous estes doncques resolu tout à fait de ne m'escire apres tant de diuerses semonces. Ie

n'ay point (direz-vous) de sujet. Je ne le croy nullement, estant dans vne ville de Lyon emboucheure de toutes nouuelles qui viennent tant par la voye de Rome, que de Piedmond. Mais comment vn François estre sans sujet? Escribez-moy, seulement que vous n'avez nulles nouuelles, & ie prédray celà pour nouuelles toutes nouuelles. Veu que le François est de telle nature qu'il les recherche ambitieusement, s'en repaist ores qu'elles fussent fauses, & en vn besoin luy-mesmes se les forge pour se contenter. Donnons que vous n'en ayez nulles. Or sus ie ne seray facheux creancier, & vous en quitte pour ces deux lignes dont noz ancestres honoroient le commencement de leurs lettres, & que nous auons depuis retietées sur la fin. Escribez moy seulement celà: Je me recommande à voz bonnes graces, priant Dieu de vous conseruer aux siennes. Ceste lettre sera merueilleusement accomplie: car estant le commencement & la fin, elle représentera l'ancienneté & le temps present tout ensemble. Ou si vostre plume est si desdaigneuse que du tout fuyez le travail de m'escrire, renuoiez moy pour le moins mes lettres, à fin qu'en ce faisant ie cognoisse que ie reçoÿ de vous quelque chose. A Dieu.

*A Monsieur de Basmaison aduocat au
sieg presdial de Rion.*

*Il cōsole vn
sien amy.*

ESSANT en grande deuotion d'apprendre de
voz nouuelles, ie reccu dernièrement voz let-

tres: vostres vrayement puis- ie dire, pour la grande humanité & courtoisie qu'elles contenoient: mais non vostres pour le regard des longues plaintes dõt m'auiez fait vn gros volume: & ne puis presque m'engarder d'vser d'vne plus grande plainte contre vous, en ce que des-ja il semble que vous repentiez de vostre entreprise. Estimez vous si fortune ne vous a esté soudain apres vostre retour fauorable, que toute la suite en soit telle? Comme si vous estiez à cognoistre que les commencements aspres & facheux produisent vne fin tref-doulce: & vous mesmes en appellera- ie à tesmoin, au peu de residence que vous faites en ceste ville. Qu'est il dõcques besoin de m'escire que voulez vous despouiller de toute amitié pour espouser vne haine encontre vous? Vous auez tort, & recognoissez trefmal les dõs de grace que nature vous a eslargis pour en estre auare enuers les autres. Vous & moy courons mesme risque, vous en la ville de Rion, moy en celle de Paris; & encores que i'aye mille sujets & arguments de mescontentemēt, si vy- ie en ceste ferme esperance que le temps nous gardera noz rangs & prerogatiues, comme il a faict à ceux qui par priorité de leurs aages tiennent maintenant le deuant de nous: moyennant que nous accompagnons noz estudes & bonnes volonte- z d'vne continue. Vrai qu'en la cõparaison de nous deux, ie trouue vostre condition meilleure que la mienne: d'autant que du premier coup aués mieux aimé estre le coq en vostre pays, que par vne longue traicte de

temps mettre en ceste ville de Paris tous voz pen-
 mêts sur vne table d'attente, de laquelle neantmoins
 ie charme mes plus grands ennuis. Me consolant
 tousiours de cest ancien Prouerbe, que petit à petit
 on exploite grand chemin. Au demeurant quant à
 ce que me mandez auoir rendu l'amour esclau: Cō-
 ment? se pourroit-il bien faire? Si ainsi est, ha pauure
 malheureux heureux as tu mieux aimé vne serue li-
 berté, qu'une franche & libre prison? Amorty ne l'a-
 uiez vous point quelque chose que m'en esclutiez,
 ains endormy, & à la charge de se resueiller de plus
 beau quelque iour, pour vous faire reparer l'iniure
 que vous vantez luy auoir fait. Mais pour ne m'esga-
 rer trop auât au poinct que i'ay si affecté, & vous de-
 partir de mes affaires, i'ay rompu tout le dessein que
 ie brassois de l'entiere mutation de ma vie: vous sça-
 uiez ce que ie veux dire. Autre chose de nouueau &
 dont vous ne serez marry, i'ay fait mō premier coup
 d'essay à la court. En chose peut estre triuiale (direz
 vous) & dont il ne falloit lauer que ses mains. Non:
 ains en vne cause toute publique, qui concernoit la
 generale reformation du college des Dormans, que
 l'on appelle de Beauuais, avec grande assistance d'es-
 coliers, qui desiroient de sçauoir quelle fin prédroit
 ceste affaire. Mais elle fut appointée au cōseil. Quoy
 plus: i'apprend tous les iours combien est folle l'opi-
 nion de ceux qui maintiennent qu'il ne faut s'adres-
 ser aux saints. Car au contraire ie croy n'y auoir si pe-
 tit saint, & mesmement en nostre estat, qui ne delire.

sa chádelle. Mais de celà & autres choses qui concernent noz affaires particulieres, vne autrefois plus à loisir. Ce pendant ie me recommande. A Dieu.

A Monsieur de Ronfard.



O Y E Z quel commandement ont voz ouurages sur moy: à peine estoy-ie arriué à Argentueil que i'ay leu & releu l'Eloge Latin que vous auez fait de Pascal: & l'ay leu de bien bõ cœur. Car quelle chose peut venir de vostre lime qui ne me plaîse? Vray Dieu que vous auez à propos descouuert sa piperie? Côme non seulement vous auez combatu, ains abatu ce grand monstre? Si que ie me promets (quelque priuilege d'impudence qu'il se dône) que deormais il apprendra à se taire, & de ne publier ses inepties deuant la face de nostre Prince. Parquoi soudain que i'ay esté de repos, ie n'ay eu rien en plus grande recômmendation que d'habiller à la Françoisise vostre Latin. Ce sera à vous de iuger si bien ou mal. D'une chose vous puis-je assurer, q si ie ne vous ay satis-fait, ie me suis contenté moy-mesme, pour reuâger vne iuste querelle de nostre France & des gës doctes. Entre lesquels combien que ie ne me donne nul lieu, si vy-je en ceste esperance, que chacun d'eux tant par vostre exêple que le mien apprêdra à la parfin de garentir ce Royaume de ceste dangereuse beste. En quoy nous ne faisons riens qui n'ait esté attenté par ce grand personnage Tournebu. A Dieu.

A Madamoiselle de.

AYANT passé quelques iours en ceste ville de Paris avec monsieur de la Croix vostre affectionné seruiteur, & l'un de mes meilleurs amis, ie pēsay ne pouuoir faire chose plus pour mon aduantage, que de luy donner à entendre par toutes voyes & manieres de combien s'accroissoit de iour en iour pour mō regard ceste amitié, qui est ja entre luy & moy conceuë de longue main. Or m'ayant descouuert toutes ses particularitez (comme à son plus cher secretaire) mesme de l'entiere seruitude qu'il a en vous, i'ay pēsé ne lui pouuoir mieux congratuler à son depart, que vous escriuant la presente. Non que ie ne fusse bien assuré que dès l'entree de ceste lettre ne deussiez trouuer fort estrange, voire m'imputer à grande legereté d'esprit, la hardiesse que i'en ay pris: n'ayant de vous aucune cognoissance, que celle que i'en ay peu prendre par les discours qu'il m'en a fait. Mais aussi m'assuré-ie bien que là où il y auroit aucune faute en cest endroit de ma part, trouuera ce neantmoins quelque excuse & satisfaction en vous. Et ne fut-ce qu'en faueur de celuy, lequel si auparauant i'ay eu en reputatiō d'homme d'esprit, maintenāt l'estimeray-ie beaucoup plus & mieux appris, pour auoir adressé ses vœus à l'endroit d'une telle sainte où repose toute misericorde & pitié. Qui m'a fait plus hazardeusement mettre la

plume au papier, esperant que toute ma temerité seroit couuerte & effacée, par vostre debonnaireté, sous la protection de laquelle ie suis forcé me rendre: sans vostre prétendre ce neantmoins faire tort à la Croix, de la volonté duquel disposez cōme de la vostre. Mais vous sçauiez que si par vn commun accord de nature les volōtez de luy & moy se sont vnies ensemblement, que luy s'estant voué à vous, il me seroit impossible m'exempter de vostre seruice. A la poursuite duquel i'espere me porter en telle sorte, que cestuy mien amy & moy diuiferons noz offices sans aucune jalousie: luy, en esperance d'un iour auoir en vous telle part comme sa deuotion merite: & moy en perpetuelle contemplation & plaisir du contentement que ie pense que receuez l'un de l'autre de voz affections reciproques. Aufquelles ie prie Dieu vous donner tel accomplissement, que tout autre voulant faire estat d'amour, apprenne par vostre exemple aimer de pensée & de cœur. Duquel, ma Damoiselle, ie me recommande du tout à vostre bonne grace. A Dieu.

A Madame de.

VIS que d'une si prompte volonté auez tant osé entreprendre sus vous & sus vostre honneur, que de solliciter en mon absence ce mien seruiteur, lequel mandastes hier querir, pour se trouuer aujourd'huy du matin à vostre leuer (qui est,

Cette lettre est par forme de gage, te seulement à une Dame d'honneur.

comme il est facile à voir, & comme ie suis tres-seur, pour luy faire part de vostre meilleur) ie le vous ay bien voulu enuoier pour ne vous des-obeir, & semblablement la presente, comme cheualier d'honneur de toutes Dames, entre lesquelles si par le passé ie vous auois tousiours en bonne estime & reputatiō, ie vous veux bien à present aduiser que ie ne trouue ce tour bon ny honneste. Et m'en rapporteray à la commune de toutes femmes faisans profession de vertu. Ains me semble, puis qui si auant vouliez lacher les resnes à voz passions, que deuiez choisir heure plus deuë, sans encourir tel scandal, & vous adresser à homme de plus grand merite, & d'autre calibre, que celuy duquel ne sçauriez recevoir que toute honte & vergongne. Et combien que iamais ne m'entra en l'esprit vouloir chose que ie sceusse redōder à vostre des-auantage, & où ie l'entreprendray, ce sera à mon grand regret: Toutesfois voiant que vous oubliez si auant, aussi m'oublieray-ie à ce coup: non sous aucune esperance de maculer vostre honneur, ains pour la seule enuie que i'ay de le maintenir contre vous mesme, que ie voy si aduantageuse à le prosterner. Je ne doute point sus ces erres que ne me mettiez en jeu l'amour n'auoir acception de personnes. Car telle est la commune excuse des amās. Mais laissant telles disputes en arriere, qui me semblent gesir plus en la parole qu'en l'effect, ie me suis resolu (pour la grande obligation dont ie demeure redevable enuers toutes les prudes femmes) prendre la cause
de vostre

de vostre honneur, à l'encontre de vostre desordon-
née volontré: laquelle ie maintiendray contre tous à
tres-grand tort vouloir tacher & maculer chose si
precieuse à l'endroit d'homme de si peu de valeur. Ie
ne sçay s'ils s'offrira cheualier qui se mette de vostre
party: toutesfois s'il s'en rencôtre, il trouuera en moy
hôme qui l'en pourra faire repentir: tant est ma que-
relle iuste, en laquelle si ie ne pésois vous porter plus
de faueur & d'amitié, que vous mesme ne vous por-
tez, iamais ne me fusse ingeré à la poursuiure. Pour-
tant vous suppliray-ie tres-humblement ne m'en
sçauoir maltalent. Car par ce seul effect pouuez vous
assez amplement cognoistre en quelle sorte i'entre-
prendrois la defense de vostre honneur à l'endroit
des estrangers, veu que contre vous mesmes ie m'e-
studie le defendre. Et si ie ne puis impetrer tant de
grace de vous de penser que tout ce que ie brasse est
seulement moyenné pour vostre aduantage. Ie me
soubmettray à la mercy du temps, lequel (comme
i'espere) vous pourra quelque iour faire trouuer
doux, ce que peut estre pour le present trouueriez de
trop aigre digestion. Et de ce en suppliray-ie le hault
Dieu, lequel seul ie prieray tesmoigner de ma sincere
affection. Vous protestât, Madame, par celuy mes-
me Dieu que ie viens d'appeller en tesmoin, que ny
maligne jalousie, ny outrecuidée volontré (quelque
cas que de prime face il vous puisse sembler) ne m'ot
appellé à vne si haute entreprise. Laquelle ie me deli-
bere parfournir & mettre à fin, si Dieu plaist, incon-

rinēt quem'aurez mis homme sus champ pour soutenir vostre querelle. Et sera l'issuē de ce combat telle, qu'en tout euenement receuray vn extreme contentement. Car où il ne plaira à fortune fauoriser le succez de cestē mienne volonté; quelle extremité de plaisir pensez vous que ie receuray, me voyant vaincu & mis ius, pour retourner ceste victoire à l'illustration de vostre renom & louange? Et là où il plaira à Dieu m'enuoier le dessus: pour le moins vous pourrez vous vanter en tous lieux auoir vn seruiteur en moy, plus soucieux de vostre hōneur que de vous mesmes. Ainsi à bien bon & iuste droit me retiendrez-vous des vostres. Le m'estendrois sur ce, en plus long propos, si ie ne craignois encourir en vostre endroit l'opinion de grand parleur, & petit executeur. Or pour ne demeurer telenuers vous, aduisez (Madame) de rechef, Cheualier propre pour se soubmettre au hazard de ce combat, auquel ie vous penseray defendre: car telle est la deliberation de celuy qui vous est destiné de tous temps. Le Cheualier du parc d'honneur, 1552.





LE DEUXIESME LIVRE
DES LETTRES D'ESTIENNE
PASQUIER.



*A Monseigneur l'Illustrissime & Reuerendissi-
me Charles Cardinal de Lorraine.*



OMBIEN que pour les grandes affaires que soustenez sur les bras, ie me deusse plustost commander vn silence, que de vous vouloir inciter à la lecture de ces miennes petites Recherches; toutesfois cognoissant la foy & hommage qu'vn chacun diuerfement vous doit en ce grand theatre de la France, sur lequel le Roy vous a constitué comme souuerain apres luy, i'ay pensé qu'entre tant de seigneurs, gentilshommes & autre sorte de gens qui vous sont acquis, ie serois trop ingrat si en recognoissance du bien que nostre France vniuerselle reçoit par vostre moien, ie ne vous faisois particulièrement present du plus excellent de mon creu. Non vrayement souz vne sorte opinion que i'aye de vous distraire ou escarter de voz plus serieu-

Il fait present du premier liure de ses recherches de la France à Charles Cardinal de Lorraine.

ses occupations : mais tout ainsi qu'en voz maisons
 de parade chacun s'estudie de vous apporter quel-
 ques antiquailles de marque, desquelles parauenture
 vous repaïssez seulement vne fois à la trauerse voz
 yeux : demeurant au surplus conțets de les auoir vne
 fois en vostre possession: aussi vous enuoiât ces frag-
 ments que i'ay tirez des anciennetez de nostre Fran-
 ce, i'espere qu'encores que ne les couriés que del'œil,
 si en ferez vous estat comme des vostres. En quoy ie
 me promets auoir la fortune de tant plus fauorable,
 que la plus part de ceux qui ont par le passé employé
 leur entendement à escrire, n'ont eu autre sujet de
 leur eloquence que l'histoire des Grecs ou Romains,
 ne iettants les yeux sur la nôstre, combien que nous
 ne leur cedions de riens en gloire de hautes entre-
 prises : & de ma part i'estime vous estre de tant plus
 agreable, que i'ay rappellé en ce lieu toute mon estu-
 de & labeur en la deduction de la France, principale
 bute de tous voz discours & pensées. Vous promet-
 tant prester telle cōtinue à cest œuure (si i'ai le moin-
 dre sentimēt qu'il vous retourne à gré) qu'auāt quel-
 ques reuolutions d'années aurez les autres ensuiuāts:
 dans lesquels ie me delibere poursuiure mon en-
 treprise avec vn vœu public & solemnel de despēdre
 desormais ma vie au plaisir de si honorable exercice,
 tāt pour reuāger nostre France cōtre l'iniure des ans,
 que pour trouuer s'il vous plaist quelque lieu de rete-
 nue en vostre bonne grace, seule ressource à present
 des bonnes lettres & disciplines. A Dieu.

*A Monsieur Bigot seigneur de Tibermeuil, aduocat
au Parlement de Rouen.*



Vous en rirez ie m'asseure: Aussi que sçau-
rions nous maintenant faire parmy ces tu-
multes qui voguent par la France, sinon à
la Diogenique rouler, tourner & retourner nostre
vaisseau, ie veux dire, fucilleter & refucilleter noz pa-
piers: Noz plumes nous seruēt de glaiues, toutesfois
glaiues de telle trempe que nous sommes au temps
qui court bien empeschez de sçauoir de quelle sorte
les affiler. Car d'en vser comme d'espées qui coupent
à deux trenchants, nous ne le pourrions entrepren-
dre sans encourir l'opinion d'impieté: si en forme de
cimeterre à vn trenchant, les vns ont de leur costé la
force de gens & des armes, & les autres, les esprits
gaillards & non engourdis. Brief c'est chose fort cha-
touilleuse de vouloir desploier sa plume à bō esciār,
& à peu dire entre tant de picques baissées vser de
quelques escrits de picque. Parquoy le meilleur est
de s'e escrimer cōme d'une espée rabatuē en vn jeu de
prix: duquel il faut q̄ ie vous cōfesse rondement q̄ le
seigneur d'Arduilliers m'a du premier coup donē la
touche, cōme pourrés mieux iuger par les poësies de
luy & de moy q̄ ie vous enuoie. Tellemēt que le vo-
yāt en matiere de vers auoir si heureusemēt rencōtrē
dēs sa premiere desmarche, ie ne puis dire autre chose

*S'il est bon
de coucher
par lettres
quelques
beaux dis-
cours.*

fors que luy & moy ressemblons les terres : luy celle qui est encor neufue , laquelle non accoustumée de nourrir dans son sein les semences , dès son premier depucelage rapporte à son laboureur vn fruit avec vne usure excessiue , comme si de longue main elle eust couué dās ses entrailles ceste grosseur : & moy à celle qui pour auoir receu plusieurs chocx de la charuē est lassē de satisfaire à l'esperance de son maistre. L'enuie (mon Bigot) que i'euz de bien faire me conuia à ce noble exercice de Poësie : duquel par fréquent usage i'apris parauenture à escrire non impertinemment (il me suffit qu'entre vous & moy ie me le face accroire) & le bien & souuent escrire en apres m'apporta contre tout ordre de nature vne nonchalance & paresse. Qui est cause que pour fin de ieux ie me suis trouué comme lourche & despourueu de toute place entre ceux qui portent le nom de Poëtes. Ce naif qui tient comme le sage pilote le gournail de noz Œuvres, me conuia à autre sujet, duquel ie ne me puis distraire. C'est pourquoy ie trouue Ardiuilliers trop mieux né, lequel comme ce gētil Romain Pollion a commandemēt sur ses heures : moy en l'estat auquel ie me suis voué *Nunc tanquam seruus ad scriptitius perpetue glebe addictus videar*. Toutesfois pour le mal que ie luy veux, ie ne seray iamais marry qu'ētre ceux qui aurōt cognoissance de nous deux, l'on die à l'aduentage de luy, qu'il y a plus de peuples qui adorent le Soleil leuant, que le couchant. Mais ie vous prie, voyez ce que ie luy ay en cecy conseillé, & vous ren-

dez iuge & arbitre de mon conseil. Il me semble que ceste Poësie Françoisse qui depuis dix ou douze ans en ça s'insinua entre nous, commence de perdre son credit: quoy que soit que ceux qui ont preuenu les derniers, comme fils aînez des Muses se sont donnez de grands aduantages & precipuz par dessus les autres. Parquoy ie me suis aduisé d'une chose. Vous cognoissez l'esprit de ce gentil-homme. Vous scauez l'eslite qu'il a de paroles non recherchées que bien apoinct. Vous scauez encores les discours qui luy tombent en la bouche par vne prôptitude d'esprit à chaque propos. Et toutes-fois pour autant que tels discours sont pointes qui contentent ou l'oreille de l'escoutant, ou l'œil de celuy qui les lit tât que peut porter vne page, mon aduis estoit qu'il se meit à tracer des lettres Françoises, non toutesfois à l'imitation de ceux qui ne nous discourent que les affaires de leurs maisons dont nous n'auons que faire: mais enuoiant ses lettres ou faignant de les enuoier, aux vns & autres (car ie n'y trouue grand interest) il les accompagne de quelque honnorable narré, tiré ou d'un gentil discours, ou d'une notable erudition, ou de la commodité d'une histoire ancienne, ou du temps qui court: entrelassant de fois à autres ces matieres serieuses de quelques gentilleses d'esprit: de la façon que nous en voyons plusieurs & dans Pline & dans Politian. Ceste maniere de faire n'a pas pleu au bon homme Erasme, qui veut que sans fiction vne epistre ait esté enuoyée. Et quant à moy son iugement ne me

plaist. Par ce qu'estant cecy pratiqué de la façon que ie dis, il apportera profit & plaisir enséble. Je ne veux point icy vous raméteuoir l'aage de noz peres : nous veismes en nostre enfance vns Longueil, Contarein, Bembe, Sadolet, Pole, Bonamie, & plusieurs tels autres qui s'acquirent le bruit de sçauâts parmy le peuple, pour dictér bien vnes lettres en langue Latine, & toutesfois lettres dans lesquelles il n'y a qu'un amas de paroles bien choisies de Ciceron, & proprement rapportées à leur ouurage, en forme de marqueterie. De ma part ie ne voudrois pas qu'on acquit vn bruit pour sçauoir seulement bien dire. Mais pour ne m'esloigner d'exemple fort conuenable au cas qui se presente, nous veismes en Italie vous & moy Claudio Tolomei, qui depuis fut Ambassadeur pour la republique de Sienne en France, lequel fut grandement estimé entre les siens par les epistres qu'il feit en son vulgaire : non pour autre raison, que pour ces belles pointes qui sont si familières à Ardiuilliers, que malaisément sçaurions nous trouuer son semblable. Mais vous demandant vostre aduis & franc arbitrage, il semble que par mes raisons ie vueille preuenir les vostres, & vous oster les moiens de me desdire. En effect voilà les jeux par lesquels nous essayons de tromper le temps, pendant qu'il plaist à Dieu nous frustrer de vostre presence. Car quât aux affaires publiques, ie ne vous en manderay chose aucune, aiant ceste perpetuelle reigle & obseruance dans mes lettres, d'employer pour signe de silence ceste lettre de

S. que

S. que les Romains emploioiét au dessus de l'inscription des leur pour signification de Salut, vsant de ce caractere presque en la mesme forme que les Lacedemoniens. D'autant qu'ils le faisoient pourtraire sur les porches & entrées de leurs maisons, pour donner à entendre qu'il falloit contenir souz perpetuel silence les communs deuis qui s'estoient entre eux passez pendant leur boire & manger. Et de moy ie le veux empraindre non seulement dessus mes lettres, ains en moy, pour me commander en tous mes deuis & escrits vn silence des affaires esquelles ne scaurois donner ordre, & ne les puis neantmoins proferer ou ouir sans vn grand ressentiment de douleur.

A Dieu.

*Lettres du Sieur de Tibermeny
à Pasquier.*

L'AY par plusieurs de mes lettres faict plaintes à Monsieur d'Arduilliers de quelques facheries qui m'estoient suruenues par deça; à fin de tirer de luy quelque remede & consolatiō. Ses lettres m'ont iusques icy soulagé: mais à ce coup la concurrence de voz odes & missiues m'en a du tout deschargé. Me rafraichissant la memoire du temps que i'ay autrefois passé en toute gayeté avec vous. Qui me fait esperer d'y en passer encor quelque autre, si ie ne puis tout le reste de ma vie. Vous direz tout ce qu'il vous

plaira, mais ie n'y trouue que rire: ie ne voy rien de vous qui ne soit bien fait, non par mon opinion seulement qui n'y seruiroit de gueres, ains par le iugement de ceux qui s'y cognoissent mieux que moy. I'ay cherché & leu voz œuures imprimées: mais receuant maintenant ce present de vous, ie l'ay leu d'une plus grande deuotion, comme gaigne & assurance de nostre amitié. Et si vous me donnez congé de me chatouiller moy mesme, ie m'en tiens vn peu plus glorieux. Car par cela ie fay consequence que vous faites estime de moy & de mon esprit. Autrement le present seroit inutile. Brief l'opinion que i'ay de moy ne prend petit accroissement de la coniecture que ie fais de la vostre. C'est bien dequoy rire celà, & non pas des beaux fruiçts que m'auz enuoié: puis qu'il faut que gens sombres, obscurs & Saturniens pensent quelque chose d'eux. Bien vous diray-ie qu'ores que ie n'aye dequoy payer, ie me melle de donner iugement des autres. Quant à vostre bachelier courant iagoit qu'il se soit trouué estonné, si merite il entrer au cours, puis que luy voulez assigner place. Il s'est acquis vn sçauoir exquis & diuers par vne longue leçon des bons liures. Il a la memoire prompte & presente, l'apprehension viue, la diction Françoisise en main, en quelque chose où il se vueille addonner, il luy sera impossible de mal faire. S'il veut suiure le conseil que luy donnez, ie le trouue bon: sinon, il me semble que les Dialogues sont fort propres pour communiquer noz conceptions. La philosophie

fournit plusieurs discours, lesquels ont meilleure grace en carmes qu'en prose. S'il se peut adonner à la prose, ie ne suis pas d'aduis qu'il oublie l'autre, si son naturel l'y pousse. La grâdeur des premiers Poëtes ne le doit destourner de faire ce qu'il pourra: la litterature n'est pas comme la tyrannie. Ceste cy n'endure point de compagnon, celle-là s'en fortifie, pourueu qu'elle ne soit point questuaire. Vous le comparez à vne noualle tresbien: pour ce qu'elle rapporte apres qu'elle est purgée de broussailles, espines & autres mauuais bois: & encores mieux au Soleil leuât. Mais c'est vn Soleil du prin-temps, qui excite les humeurs, & ne les resoult. Vne chose ne vous puis-ie accorder, que le vostre soit Soleil couchant, ains vn plein Soleil d'esté, qui par sa chaleur & lueur fait fructifier toutes choses. Plusieurs en toute leur vie ont pensé s'estre aduantagez en grande reputation pour auoir moins fait que vous. Mais aux œuures que bastissez ie suis prest de vous montrer par certaine demonstration que n'estes encores à vostre midy. Il n'est pas tēps de se retirer: le sçauoir croist, le iugement se renforce, l'experience se multiplie: & vous voulez vous contéter du passé? Le vous promets de vous reueiller, si faites semblant de vous endormir. Le vous escris vn peu libremēt, mais ie m'asseure sur la chartre de mon pays. D'autres affaires ie suis aussi aise de n'en ouir parler, comme vous de vous en taire.

A Dieu.

II. LIVRE DES LETTRES

*A Monsieur de Marillac Sieur de Ferrieres,
Conseiller du Roy, & maistre en sa cham-
bre des comptes de Paris.*

*il presere
par forme
de gayete la
vie des vil-
les à celle
des chāps.*

VOYANT que par vn bannissement vo-
lontaire vous auez choisi vn plaisir muet
(vous estāt confiné aux champs) pour lais-
ser la communication qui se trouue es villes, ie me
deliberois en contre-change vous gouuerner à part
moy sans mot dire. Et de fait me promenant seul &
pensif dans mon estude, il me sembloit, cōme si eus-
sions esté ensemble, que ie vous voyois fort enten-
tif, à faire la ronde en vostre parc de Ferrieres. Main-
tenant esmondant vn arbre, maintenant allignant
vne allée, & ores dressāt avec vostre Iardinier vn par-
terre. Et pour vous dire le vray, prenois grand plaisir
à toutes telles actions, non pour plaisir que i'y eusse
de moy, ains pour vous faire plaisir. Tellemēt que ie
n'estois moins content de me nourrir en vne contē-
plation de vous, que vous en vne contemplation de
voz arbres. Toutesfois puis que par voz lettres auez
voulu destourner vostre esprit du pensement des
champs, pour l'acheminer à la ville: aussiveux-ic faire
vne saillie de nostre Palais pour rustiquer maintenāt
auecques vous. Vous estimerez doncques auoir en
ceste lettre affaire non à vn Amphio ou Orphée, qui
par la douceur de sa voix vous vueille ramener en la
ville, ains à vostre frere chrestien, lequel ayant com-
passiō de vostre fortune vous veut remettre en meil-

leure voye, encores que ne la desiriez. Car pourquoy ne tacherai-je à vous y remettre, puis que ie vous voi aujourd'hui si mal aduisé de choisir le silence pour le deuis, la solitude pour la frequence, la crainte pour la feureté, vn air morfondu pour vn chaut, brief au lieu d'une liberte auoir pris les champs pour prisō? Et sur tout n'auoir autre personne maintenant (apres Mademoiselle vostre bonne partie) à qui puisiez communiquer le secret de voz pensées, sinon aux arbres. Et encores arbres qui dès vostre premier abord se sont voulu despouiller de leurs robbes gayer, pour vous donner par signes à entendre combien en leur vegetatiue ils sont marries de vostre presēce. Malheureux est, dient les saintes lettres, qui choisit la vie solitaire. Je sçay biē que pour vous reuāger vous m'objecterez que miserable est la condition de noz villes, qu'en icelles abōde & le vice & l'enuie avec trop plus grande prodigalité qu'aux champs. Mais tout ainsi que le vice, aussi y est la vertu plus plantureuse & frequente. Et si l'enuie y fait de plus grandes preuues, en contrebalance de ce nous sommes recōpensez d'un plus grand honneur. Honneur qui non seulement fait oublier toute la defaueur de l'enuie, honneur dy-ie, qui est l'ame des bōs esprits & cœurs genereux. Je sçay encores que vous me direz que quelques anciens Philosophes furent d'aduis qu'il falloit du tout abandonner la ville & les affaires pour trouuer son repos aux champs. Mais ie vous respōds que tel estoit par-adventure leur aduis, par ce qu'ils n'estoient pas en-

auquel nous sommes appelez. Je ne veux pas vrayement dire que le laboureur, qui est membre de nostre republique, n'estudie en quelque façon à cest entretenement: mais que son estat y aspire de telle sorte que le nostre, ie ne l'estimeray iamais. Et croy que vous Syndic & Procureur general de la vie Rustique m'en passerez condemnation. Es villes affluēt les grandes traffiques, non seulement des marchandises, ains des esprits: es villes seiourne le mecanique industrieux, es villes heberge le grād Magistrat, qui est la bride & retenail de tout le peuple: es villes les bōnes lettres & disciplines par lesquelles nous-nous rendons excellents par dessus tout le cōmun peuple. Et encores que ie sçache bien qu'on puisse estre philosophe aux chāps, toutes-fois que profite ceste belle philosophie si en cultiuāt vostre terre vous tenez vostre sçauoir en friche, sās en faire part à ceux pour lesquels vous estes aussi bien né, comme pour vous? Dauātage si sans faire estat de ceste generalité, nous voulons nous arrester au contentemēt de nous seuls en nostre particulier, (par ce qu'il semble que ceux qui quittent les villes le facēt pour vn repos de leurs esprits) considerons ie vous prie dont prouiennent les ennuis, tribulations & facheries qui trauaillent noz esprits. Et certes vous m'accorderez que c'est de l'apprehension que l'on conçoit pour vne chose que nous aimons ou desirons. Ainsi le pere se tourmente & afflige d'auoir perdu son enfant, l'Aduocat d'estre succombé de sa cause, & le marchand que sa

marchandise air esté submergée d'une tourmente. Je veux doncques dire, ou que le laboureur est dur out sans apprehension, ou que si aucune apprehension il a au sujet qu'il se propose, il n'est pas moins passionné quand il est frustré de son esperance, que l'Aduocat ou le marchand en leur estat. Et mesmes si l'on me veut dire qu'il traueille sans passionés hazards qui trompent les opinions, il faut que tout d'une suite l'on me confesse qu'il ne reçoit point de plaisir des choses qui luy retournent à souhait. Car les plaisirs & desplaisirs prennent leur origine en nous d'une mesme source & fontaine. En sorte que celuy qui ne prend à desplaisir le mal, ne prend aussi plaisir du bié, comme luy estant une chose indifferente. Mais donnons que sans passio l'esprit de l'homme qui est aux chāps, viue en repos: estimeriez vous pour cela que il y ait quelque marque sur nous? Au cōtraire i'estime que c'est le plus grand bien que nous puissions recueillir des villes, si elles nous apportent le bannissement du repos. Car si noz esprits furent faits à la semblāce & image de ce haut Dieu qui est en perpetuelle actio, he vrayement ie ne voy point pourquoi nous voulions nous pourchasser un repos: specialement lors que nous l'assaisonnons de quelque honneste attrempance. Et pour ceste cause quelques grands & sages personnages se conformants à mon dire, disoient qu'ils n'estoient iamais moins seuls que quād ils estoient seuls, ny moins entachez de l'oisiuete que quand ils estoient oisifs. Nous voulants donner à

entendre

entendre que non seulement es villes clausées où abonde la fréquence du peuple, mais aussi aux hermitages & lieux sombres nous deuions tousiours estre accompagnés de quelque belle occupation d'esprit : esprit dy-ie que l'on ne peut bonnement occuper sans quelque entrelas de passions selon la diuersité des objets. Et toutesfois pourquoy bannirons nous tout à fait du laboureur le trauail d'esprit ? Il me souuient à ce propos auoir leu dans Marcellin qu'au parauant que les Bourguignons se fussent inueltis d'une partie des Gaules, comme ainsi fust qu'ils feissent seulement profession, ou des armes, ou du labour, conséquemment qu'ils deussent auoir l'esprit moins mondaniſé que nous tous : toutesfois lors que contre leur esperance la terre leur faisoit faillite, ils entroient en une fureur si estrange, qu'ils chassoient leur Roy de leur Royaume, & en installoiēt vn autre en son lieu. Estimâts par vne opinion barbaresque prendre belle vengeance de Dieu, lors qu'ils s'atachoient à celuy qui representoit sa majesté sur la terre. Et puis soustenez maintenant que les passions, voire extraordinaires, ne se trouuent aussi bien aux gens rustiques, comme à nous autres citoiens ? Que dy-ie aussi bien, si par demonstratiō infaillible ie vous monstre qu'il faut qu'ils en soiēt plus touchez ? Car pour vous parler seulement de mon estat, laissant les autres en arriere, si le malheur se rencontre que trauaillant pour autrui, ie perde dauenture ma cause, encores qu'il soit impossible que ie n'en sente quelque trauerſe en moy

esprit, si en est elle beaucoup moindre. Par ce que ie perds sans riens perdre, lors que i'ay fait mon deuoir, voire me flate-ie de ceste opinion, que ma perte est aduenue pour auoir esté exposé au iugement des hommes, dont les opinions sont peu seures & malarrstées. Au contraire le laboureur qui laboure son heritage, combien doit il estre fâché estât deceu de son attente, quand sur luy seul tombe ceste perte? Or cōbien plus, quand il laboure sur autrui, & quē par la calamité d'une année il tombe à la mercy d'un maître impiteux, qui ne luy corne autre chose dans les oreilles, qu'une facheuse appretiation de grains? Laquelle sortant effet ne luy laisse pour l'aduenir nulles esperance de ressource. A fin que ie n'entre en nulle autres particularitez, comme de la pillerie du gēdar-me, cueillete des tailles & subsides, desquelles combien que pour le rang que soustenez soyez franc & exempt; si ne vous sçauriez vous exempter d'une affliction commune, voyant tout ce pauvre peuple affligé. Toutes lesquelles choses ne se rencontrent pas si aisement dans les villes, esquelles cōbien que nous sentions quelque-fois la rigueur des daces, si apprenons nous à les supporter plus doucement par l'industrie de noz estatz. Aussi disons nous que le laboureur traine avecques sa charruë tout le malheur du temps quant & soy. Au demeurant si laissant toutes ces considerations à part, il vous plaist que nous discourions sur les plaisirs extérieurs que parmy ces aduersitez vous pouuez receuoir aux champs: vous

me direz (ie le sçay bien) que lors que la saison nouvelle s'y addonne, vous oyez souz le couuert d'un arbrisseau la musique des oyssillons degoisants à l'enuy leur ramage. Quel plus doux chât demadés vous, qu'une voix bien organisée, vne parole articulée, vne harangue bien troussée, soit de la part d'un professeur des bonnes lettres, ou d'un prescheur, ou d'un Aduocat bien-disant? Prenez vous plaisir au deduit de la chasse? Je chasse plus en un quart d'heure en mon estude, que vous en un iour par les champs. Et puis presque dire de nous ce que disoit anciennement le Roy Edouart d'Angleterre de nostre Roy Charles cinquiesme. Car tout ainsi qu'il disoit que le Roy Charles prenoit plus de villes & chasteaux, iotiant seulement de sa plume, que tous les predecesseurs avec leurs affusts militaires: aussi avec noz escritaires & papiers faisons nous plus grande queste de lieures, lapins, ou de venaison, que tous vous autres mesfieurs, avecques voz meutes de chiens, panneaux & filets. A fin qu'outre telles questes ie ne mette en ligne de compte, les amitez, obligations, & alliances de personnes que nous acquerons tous les iours. Ce que les champs ne vous apportent. Voulez vous passer vostre temps sur les herbes? Et qui est celuy qui ne sçache qu'un Plin, Dioscoride, & Mathiole m'en apprendront plus en vne heure, que tous vos iardins en dix ans? Vous delectez-vous du fruitage? Et où en est l'abandon sinon aux Hales, où est le grand iardin de Paris? Et à peu dire nous recouurons dans les

villes avecques tout contentement en abondance & achoison, ce que vous avecques mille trauaux & fatigues recueillez escharnement sur voz lieux. Pour mettre ce pendât en oubly vne infinité d'autres parcelles, esquelles nous vous deuançons en tout. Je ne puis doncques me persuader qu'il y ait vne seule occasion qui vous induise au delaissement de la ville, si ce n'est qu'avez crainte que les tuilles de nōz maisons ne tombent sur vostre teste, comme il en aduint à Pyrrhus Roy des Épirotes. Et de moy ie crains qu'il n'y ait encores quelque aigle de la race de celui qui tua Eschile au milieu des champs, quand il laissa tomber sur sa teste chauue vne tortue pour la casser, pensant que ce fust vn rocher. Parquoy pour mettre fin à ma lettre, ie vous supplie reuenir non pas à nous ains à vous, & recueillir vn peu voz esprits. Autrement si estes tant attaché à vostre opinion, ie me feray desormais accroire qu'estes possédé par Ferrieres, & non Ferrieres par vous. A Dieu.

*A Monsieur de Marillac seigneur de Ferrieres,
Conseiller du Roy, & Maistre ordinaire
en sa chambre des comptes.*

*Il se gausse
de quelques
folles ordon-
nances d'a-
mour qu'il
auoit faites
à vn iour
des Roys.*

PAR CE que pour le present mettez toute vostre estude à bastir, ie vous ay voulu imiter, mais d'une imitation si gaillarde que ie me puis bié vanter vous passer de tout point. Car au lieu que materiellement dressez Palais & chasteaux.

pour estre receptacles de vous & de voz amis, i'ay voulu d'un plus haut dessein bastir vne republique: & encore republique cōposée sur vn modèle si spacieux, qu'elle ne s'estendra point à vn seul peuple, comme est l'ordinaire de toutes loix, ains generalmente à tous de quelque estat, qualité, region, & religion qu'ils soient. Ce sont les ordonnances d'amour que ie vous enuoie, lesquelles souz l'autorité de Genius archiprestre d'amour ont esté publiées aux grands arrests tenus la veille des Roys en ma maison, en presence de nostre Roy, en vne bien grande assemblée tant d'hommes que de Damoiselles. Vous iugerez par la lecture d'icelles si ie suis digne d'estre ou Chancelier d'un grand monarque, ou grand Escuyer des Dames, ou l'un & l'autre ensemble. Voilà de grandes & superbes propositions. Pour le regard de la premiere ie vous remets deuant les yeux ces belles & magnifiques loix: loix que ie puis dire, souz meilleurs gages que Ciceron en la harangue pour Milon, non dictées, ains nées, lesquelles nous n'auons apprises, prises, ou par longue lecture acquises, ains qui de la mesme nature se tirent, s'inspirent, & de ses propres mammelles s'espuisent. De maniere que ie me vanteray que toutes les autres ne sont que masques au regard de celles cy. Partât peut on à bonne & iuste raison dire, selon le vieux Prouerbe François, que i'y ay bien planté mes seaux. Cōsequēment que c'est à moy auquel appartient ce grand estat de Châcelier. D'un autre costé si vous cōsiderez

le subjet & de quelle viuacité i'ay enfouré le fait des Dames, il n'y a hōme de iugement qui ne me declare digne d'estre leur grand Escuyer. Toutes-fois en ceste conclusion & arrest i'entre en nouuelle perplexité. Par ce que ie me tiens asseuré qu'il y aura quelques superstitieux personages, comme vous, qui me diront que ces deux estats sont incompatibles ensemble. Mais pour ne demeurer longuement en ce scrupule, ie sçauois volontiers qui leur a enseigné ceste leçon. Ne veit-on iamais Chancelier estre seruiteur des Dames, ou quelques seruiteurs des Dames auoir esté Châcelier? Au contraire ie soustiens que le seruice des Dames est la premiere planche pour paruenir aux grâds lieux. Chose qui se peut aisement recognoistre par vne demōstration oculaire. Car qui sont ceux qui conferent tels estats sinon les grands Roys? Desquels si nous voulons escheler la puissance, qui sont ceux qui ont plus de commandement sur eux que les femmes? Et de ce ie m'en rapporte au passage exprez de la saincte escriture. Je veux doncques en cest estrif conclurre que tant s'en faut que pour paruenir aux honneurs ce soit chose mal compatible d'estre seruiteur des femmes, qu'à l'opposite ie pense que leur seruice est vn accident inseparable de ceux qui veulent paruenir. Car mesmes si nous voulons peser plus subtilement les choses (mais toutesfois à leur vray poinct) vous trouuerez que ceux qui montēt aux estats, ou par Vertu, ou par Pecune, ou par leur Diligence, ou par leur Dexterité & Indu-

strie, ou par Importunitez, & Prieres, ou par Fauceur, ou par Piperie, encores sont en cecy toutes leurs actions accompagnées du féminin. Je sçay bien que vous me direz, & me semble vous voir secoüant à demy la teste me dire en paroles douces comme l'ancien philosophe. Mon amy il est deormais temps que tu entres en la cognoissance de toy, il faut que tu balances tes forces: il y a bien grande difference de coucher ou en du papier blanc ou sur des draps blancs, de iouïr du plat de la langue, ou bien de l'aigu de la lance. L'un ressemble à vne escrime qui se fait avec l'espée rabatuë, l'autre à fer esmolü. Les Dames ne se contentent de paroles, & ne prennent le bon vouloir pour satisfaction de l'effect. Mais à cecy ie vous responds, que ces obiections viennent de la part d'un homme couïard, & de desfiante nature, tel que vous. Au demeurant ie vous aduise que ie suis tant affectonné seruiteur des Dames, que le plus grand traict de sagesse que ie puisse iamais faire, est de ne me cognoistre point, à fin qu'elles me cognoissent. Aussi est-ce à elles de faire poix de mes forces, & non à moy. Que voulez plus? S'il faut bailler coup de lance; i'en feray voler les esclats. Les forces croissent par l'objet: tirez souuent eauë d'un puy, vous n'y trouuerez du iour au lendemain nulle diminutio: chommer d'en tirer tout un an, il sera tousiours en un mesme estat. C'est pourquoy ie m'estimeray tres-heureux d'vser mon corps & mon esprit à leur seruice, sçachant bien que ie n'en empireray en

riens. Et toutesfois si par vn commandement special que vous auez acquis sur moi, voulez que pour vous complaire ie me desplaise, & que par vn mesme moien ie quitte & l'esperance des seaux, & le seruice des Dames, pour quelque impuissance que iugez assez mal à propos estre en moy par vn argument superficial, c'est à dire d'un visage bleśme, d'une delicatesse de membres, d'une calote qui me faict bonne compagnie: Or sus soit contre ma volonte vostre commandement accompli. Mais pourquoy contre ma volonte? Si c'est une regle generale que les loix ne lient iamais celuy qui les a faites & ordonnees? Ie me cōformeray doncques en cecy, non à vostre cōmandemēt, mais bien au priuilege cōmun des Roys & Princes, lesquels pour estre les premiers ordonnateurs de leurs loix, se donnent loy de n'y obeir. Et neantmoins (voiez comme facilement ie saulte d'un penser à l'autre) à fin que par un sinistre exemple ie ne sois veu mettre mes pensers à l'effort, ie ne veux point me donner tel passedroit que les Princes. Veumesmement que le Prince sage reduit sa puissance absoluē souz la ciuilité de la loy. Parquoy pour contenter en partie vostre vouloir, & neantmoins n'estre veu tyrannizer sur les miens, ie veux en cecy ressembler au grand legislateur Licurge, lequel apres auoir accomodé ses citoiens de braues & excellentes ordonnances, les pria de ne le changer iusques à son prochain retour, feignāt de faire un court voyage qu'il disoit luy estre besoin d'entreprendre. Ce
que

que luy ayant esté accordé, il se bannist à iamais de son pays par vn exil volontaire. Aussi d'un mesme propos, me veux- ie rendre absent & bannir de ceste mienne republ. mais à la charge que mes loix, qui ne cedent en riens à celles de ce grand Licurge, seront à tousiours entretenues selon leur forme & teneur, non en vne contrée seulement, ains generallyment par toutes. Et suis si resolu en cecy que ie ne veux stipuler l'entretienement d'icelles : m'asseurant que sans aucune stipulatio ny promesse, chacun d'eux y tiendra la main de pere à fils & siecle en siecle. Qui n'est pas vn contentemēt petit dont ie nourris mon esprit, vous priant me donner telle & si bonne part en voz bonnes graces, comme mes ordonnances trouueront, voire à l'endroit de ceux & celles qui par dissimulation & hypocrisie feront contenance de les condamner. A Dieu.

*A Monsieur Cujas Conseiller au Parlement de
Grenoble, Et Docteur Regent des loix
en l'Vniuersité de Bourges.*

EN CORES que ie n'aye aucune cognoissance de vous que celle que la cōmune renommée & la lecture de voz doctes escrits m'en a peu donner, toutes-fois ayant trouué occasiō non impertinente de vous escrire, ie ne l'ay voulu laisser escouler, esperant par ceste presente faire ouuerture à vne amitié de laquelle les fondements se-

*Le fruit que
se peuent
promettre
enuers la po-
sterité les
auteurs
qui inuen-
tent au re-
gard de
ceux qui
translatent
des liures.*

ront de tant plus solides, qu'ils auront esté iettez sur la vertu. Monsieur Loisel m'a dit que dernièrement vous arriué en ceste ville, il vous feit feste des trois derniers liures du Code, mis en vieux langage François que ie luy auois presté, & qu'auiez grand desir d'en auoir communication, d'autât que faisiez quelque commentaire sur iceux. Je suis marri que deslors ne vous en emparastes de vostre priuée autorité, & si ainsi le faut dire, par main souueraine, sans que mon consentement y fust requis. Assuré qu'ils ne pouuoient estre mieux employez qu'és mains de celuy qui tout d'une main sçaura faire son profit du Grec, Latin & François tout ensemble pour l'usage du droit ciuil. Et combien que de ces liures vous ne rapportiez peut estre tel profit que desireriez, si est-ce chose digne d'estre remarquée, que noz anciens François ayent autres-fois apporté ce soing de desfricher en leur langue les secrets plus cachez des Constitutions Romaines. Et ce que vous verrez en ce traducteur, ne pésez pas qu'il n'ait esté cōmun à plusieurs autres qui d'une mesme estude translaterent en nostre vulgaire la Bible, la plus grande partie des œuvres d'Aristote, Tite-Liue, les liures de saint Augustin de la Cité de Dieu, & vne infinité d'autres dont i'ay veu quelques liures entiers en la Librairie que nostre grand Roy François auoit establee à Fontaine-bleau, & les autres en autres Bibliothèques selon que les occasions se sont présentées. Vray que leurs œuvres se sont perdues, & se perdront plus nous irōs

auant. Non, qu'ils n'eussent tous bien escrit selon la portée de leurs siècles: mais c'est le fruit que nous rapportons d'une penible traduction. Je sçay bien qu'une traduction bien faite n'apporte point peu de profit à nos citoiens, pour les rendre participans des belles & nobles conceptions des estrangers sans qu'il y aille grandement du nostre. Mais ie puis dire, car il est vray, qu'il n'y a labeur plus ingrat que cestuy, ne qui soit si peu recogneu par une posterité. Le traducteur comme un esclave s'alambique tous les esprits à suivre à la trace les pas de l'auteur qu'il translate, il y consume son aage, & y desploye tous les plus beaux traits qu'il pèse auoir cours entre les siècles pour se conformer de plus près au naïf de l'autre. Ce pendant petit à petit sa langue maternelle se change de telle façon avec le temps, que comme si nous luy auions baillé une robe neuue, nous ne voulons plus user de la vieille. Cela est cause que tout ainsi que le vieux vulgaire s'est esvanouy entre nous, aussi quittons nous les vieilles traductions, & voulons auoir recours aux liures originaires, soient Grecs ou Latins, qui auoient esté translatez. Et n'y a que les inuenteurs qui se perpetuent. Par ce qu'encores que les vulgaires se changent, si est-ce que pour nous seruir des sources, nous sommes necessitez de les lire, pour ne pouoir puiser d'ailleurs leurs conceptions, si elles sont bonnes. Ciceron ce grand orateur voulut traduire quelques liures Grecs: se sont ils perpetuez? Riens moins, encores qu'il fust le pere de bien dire.

Je le vous représenteray par vn exemple fort familier, & qui est de nostre creu. La longue ancienneté nous a elle fait perdre nostre bon Roman de la Rose? Le premier qui y meit la main fut Guillaume de Lory, qui estoit vers le temps de Philippe Auguste, & l'autre qui le paracheua Iean Clopinet dict de Mehun, estoit souz le regne de saint Louys. Le plus braue traducteur que produisit iamais du temps de noz ancestres la France fut Maistre Nicole Oresme, auquel le Roy Charle cinquesme feit tomber l'Euesché de Lisieux pour le recompenser de ses labours: car ce fut luy qui meit en nostre vulgaire & la Physique, & les Politiques, & les Ethiques d'Aristote, & plusieurs autres liures qui furent lors leuz avec vn tres-fauorable accueil. Toutes-fois vous n'en voyez aujourd'huy que quelques demeurantz que l'on a recueillis en quelques Bibliothèques, comme fragments du naufrage d'une longue ancienneté. Au contraire il n'y a homme docte entre nous qui ne lise les doctes escrits de Maistre Alain Chartier qui fut son contemporain, & qui n'embrasse le Romant de la Rose, lequel à la mienne volonté que par vne bigarrure de langage vieux & nouveau, Clement Marot n'eut voulu habiller à la moderne Françoisse. Qui doncques cause ces deux diuersitez? Il est aisé d'en assigner la raison. Oresme n'auoir presté à ses traductions que le langage de son temps qui s'est perdu, à maniere qu'il faut auoir recours à l'auteur mesme. Et quant à Lory, Mehun, &c.

Chartier, ores que leur langage se soit enseuely dans le cercueil de nostre aage, si est-ce que leurs belles sentences & conceptions ne pouuants mourir, ceux qui desirēt faire leur profit, cōme les abeilles des belles fleurs, les lisent & relisēt, par ce que la necessitē les y contraint de ce faire, & qu'ils ne les trouueroient ailleurs. Je ne veux pas pour cecy destourner aucuns hommes de nostre temps de traduire, comme ceux lesquels en faisant peu pour leurs noms enuers vne posteritē, procurent vn grand bien aux viuants. Au demeurant vous vserez de la traduction que ie vous enuoie, comme faisoit Virgile des œuvres du bon Ennius, *Ex stercore aurum*: à la charge que s'il s'en presente quelque autre de ceste pareure, qui puisse seruir à voz estudes de droit, de ne vous en estre chiche. De moy ie me suis mis à la recherche des anciennetez de la France. Et pour ceste raison i'ay appellé mon œuvre, Recherches. L'entreprise est de grand labeur, & qui requiert de fueilleter plusieurs liures anciens: si vous en auez quelqu'un sur ce sujet, vous me ferez ce biē de m'en faire part, à la charge de vous le réuoier, tout de la mesme façō que ie vous prie faire de mon liure, aussi tost qu'en auez fait. A Dieu.

A Monsieur de Ronsard.

I'Avois reserué le discours dont m'escriuez à vn chapitre de mes Recherches, auquel ie deduits l'origine, progrès, & accomplissement de

*En quelle
recommen-
dation a esté
autres fois la
Poésie Fran-
çoise entre
vous.*

nostre poësie François: toutes-fois ie suis tref-aïse que noz Princes en ayent le premier aduis par voz mains. Parquoy puis que l'occasion s'y presente, & que vous estes deliberé de discourir sur nostre Poësie François, adioustez à vostre œuvre par maniere de remplissage (ainsi que font les peintres à leurs tableaux) la recommandation en laquelle quelques vns de noz Roys eurent les lettres. Pour à quoy fournir, vn Chilperic petit fils de Clouis vous pourra seruir de garend, lequel escriuit plusieurs liures en vers Latins, & ores qu'ils ne fussent de telle efficace que l'on eust peu desirer, si se rendoiēt ils excusables, en la personne d'un Roy enuironné de tāt d'affaires, & eu esgard mesmemēt à la barbarie & infelicité de son siecle. Et non contēt de ceci pour monstrier en quelle estime il auoit nostre vulgaire, il voulut adioster à l'alphabet des François ces lettres Grecques doubles, dont il pésoit que nostre orthographe auoit affaire θ χ ψ ξ φ, cōmandant par tout son Royaume à tous Scribes & Maistres d'escoles de les mettre en œuvre en l'écriture François. Souz la seconde lignée il est certain que Charlemagne fut fort docte. Le moine Sigebert escrit qu'il estoit Prince non seulement bien entendu au langage particulier de son pays, ains de plusieurs autres; & qu'il escriuit plusieurs vers en sa langue, par lesquels il celebrait les faits & exploits memorables des anciens: & aussi feit-il vne grammaire en son vulgaire, & donna les noms aux vents. Cecy peut estre dit en passant pour la premiere & se-

conde lignée de noz Roys: car quant à la troisième
 dés & depuis le temps de Philippe Auguste iusques
 bien auant d'as le regne de Louys neuvième (duquel
 nous auons enregistré l'ame au Calendrier des bien-
 heureés) florirent assez heureusement les bonnes let-
 tres: & par especial y eut vne grande flotte de Poëtes
 François (c'est ce dōt vous m'escriuez.) A quoy mes-
 mes les Princes de France voulurent estre les pre-
 miers guides du commun peuple. Entre autres l'on
 fait estat du Comte Beranger de Prouence & d'un
 Raymond Comte de Tholose, qui furent enuiron
 le regne du mesme Auguste en l'an mil deux cent
 que plus que moins. Ces deux-cy & leurs courtizans
 en faueur d'eux donnerent tel aduancement à no-
 stre Poësie, que les Italiens (ores qu'entre autres cho-
 ses, sobres admirateurs d'autrui) sont contrains de
 recognoistre ne tenir en foy & hommage leur Poë-
 sie que de nous. Ainsi le recognoist Bembe dans ses
 proses, ainsi Speron Sperone en son Dialogue des
 langues, ainsi Aequicola en ses liures de l'amour, &
 ainsi à peu parler le voit on à l'œil dans les œuvres de
 Dāte, lequel embellist vne partie de ses esctits de plu-
 sieurs traits, mipartiz tāt du Prouençal que François.
 Aussi occasionnerent ces Princes plusieurs autres à
 suiure puis apres leurs traces, desquels ie n'ay entre-
 pris de vous faire recit en ce lieu. Je me contenteray
 seulemēt de vous dire, qu'entre les Princes de la Frā-
 ce qui florirent en Poësie souz la troisième lignée
 de noz Roys, nous deuons faire grand estat d'un

*Les Italiens
 redoublent
 à nostre
 France de
 leur Poësie.*

II. LIVRE DES LETTRES

*Les œuvres
Poëtiques
du Comte
Thibault de
Châpaigne.*

Thibault Comte de Châpaigne, lequel feit vne infiniré de chançons amoureuses en faueur de la Roïne Blanche mere de sainct Louys, non pour vn amour impudique qu'il lui portast, ains par hōneur, & pour se iouer de son esprit. T'en ay le liure par deuers moy, sur le commencement duquel vous y verrez vne description de ses passions; sur le milieu il prend congé de sa maistresse, estant contraint pour son deuoir de prendre le chemin de Ierusalem avec les autres Princes croisez: & sur la fin il proteste de vouloir quitter l'amour, & se reduire du tout à la volonté de Dieu. Et pour derniere conclusion de son œuute il adresse quelques chançons à quelques-vns de ses amis, dās lesquelles ou il interroge, ou il est interrogé sur quelques questions d'amour. Et me souuiēt entre les autres d'une qui est assez gentille, par laquelle il introduit le Comte Raoul de Soissons, qui luy demande, lequel des deux apporte plus de contentement à vn amant, sentir & toucher la mie sans parler à elle, ou la veoir & parler à elle sans la toucher: & comme Thibault soit pour le party du parler, Raoul replique, qu'au deuis y a plusieurs hypocrisies qui malaisemēt se rencontrēt au toucher: conclud neantmoins Thibault que le plaisir qui n'est accompagné du deuis, est vn contentemēt à tatons. Au demeurāt fort heureux en plusieurs beaux traits Poëtiques; comme quand il appelle en son vieux langage, sa Dame, *sa douce amie ennemie*, qu'il dict qu'amour l'a tollu à soy mesme, & neantmoins ne fait comte de le retenir en son seruice,

ains

ains que la beauté de sa Dame pour exalter sa loy, veut retenir ses ennemis sans en auoir mercy, laquelle mercy toutefois il penseroit trouuer en elle; s'il y en auoit aucune en ce monde; que Dieu meit si grande planté de graces en elle, qu'il luy en conuient oublier les autres, qu'il a les beautéz d'elle escrites en son cœur, que de mil sousspirs qu'il luy doit de rante, elle ne luy en veut remettre. Et quitter vn tout seul, que sa beauté le rend si confuz. Et esbay que lors qu'il pense venir le mieux apris deuant elle, pour luy descouurir son tourment, il ne lui peut tenir aucun langage, que du premier iour qu'il la veit il luy laissa son cœur en ostage, que les faueurs ou defaueurs d'elle luy apprennēt à chanter, qu'il veut eslire dans amour le meilleur cœur qu'il ait, pour loyaument seruir. Et vne infinité d'autres gentilleesses d'amour, dont il se rend infiniment recommandable. Et d'autant que tels vieux liures ne se laissent manier, sinon par ceux qui prennent plaisir à l'ancienneté. Je vous veux ici reciter quelques beaux couplets de ce Comte sans riens changer du langage, à fin que vous iugiez quel il fut.

*Cil qui d'Amours me conseille
Que de luy doye partir,
Ne sçait pas qui me refuseille,
Ne quel sont mi grief sousspir,
Petit a sens Et voidie
Cil qui me veut chastier,
N'oncques n'ama en sa vie,
Si fait trop nice folie
Qui s'entremet du mestier*

Dont il ne se ſçait aidier:

Et en vne autre chanſon:

De bien amer grand ioye attend,

Cerrens eſt ma grignour enuie,

Et ſçachieZ bien certainement

Qu'amours a telle ſeigneurie,

Que double guerredonne rend

A celuy qui en luy ſe fie,

Et cil qui d'amer ſe repend

C'eſt bien trauaillé pour neant.

Ailleurs diſant qu'il veut quitter l'amour:

Tant ay amour ſeruies longuement,

Que deſormais ne m'en doit nuZ reprendre,

Si ie m'en part, or à Dieu le command,

Qu'on ne doit pas tousiours folie emprendre,

Et s'il eſt foZ qui ne s'y ſçait deffendre,

Ny ne cognoiſt ſon mal & ſon tourment,

On me tiendroit deſormais pour enfant,

Que chaque temps doit ſa ſaiſon attendre.

Qui ſont couplets extraits de diuerſes chanſons;
mais en voicy vne toute entiere qu'il feit au retour
de ſon voyage d'outre-mer.

Si i'ay long temps eſté en Romanie,

Et outre-mer fait mon pellerinage,

Souffert y ay moult douloureux dommage,

Et enduré maint grande maladie,

Mais or ay pis qu'onques n'oy en Surie,

Que bonne amour m'a donné tel malage

Dont mille fois la douleur n'a ſouage,

Ains croist ades, & double, & multiplie,
Si que la face en ay toute palie.

Car ioue Dame, & cointe, & auoie,
Douce & plaisante, belle, courtoise & sage,
M'a mise au cœur vne si doulce rage,
Que i'en oubly le voir & la ouie.
Si comme cil qui dort en letargie,
Dont nuz ne peut esueiller son courage,
Car quand ie pens à son tres-doux visage,
De mon penser aim mieux la compagnie
Qu'onques Tristan ne feit Iseul's amie

Bien m'a amour feru en droite veine,
Par vn regard plain de doulce esperance,
Dont nauré m'a la plus sage de France,
Et de beauté la rose souueraine.
Si m'esmerueille que la playe ne saigne,
Qu'onques ne vy si trenchant fer de lance,
Mais el ressemble au chant de la Seraine,
Dont la doucour attend douleur & peine.

Si puisse-ie sentir sa doulce haleine,
Et retenir sa simple contenance,
Que ie desire s'amour & s'acointance
Plus que Paris ne feit onques Helaine,
Et s'amour n'est mie en moy trop vilaine,
La sans mentir n'en feray penitence,
Car sa beauté & sa tres-grand vaillance,
M'ont cent souspirs le iour donné d'estraigne.

II. LIVRE DES LETTRES

*Et sa face qui tant est douce & belle,
Ne m'a laissé qu'une seule pensée,
Et celle m'est au cœur si embrasée,
Que ie la sens plus chaude Et plus isnelle,
Qu'onques ne fut ne braize n'estincelle,
Si ne puis pas auoir longue durée,
Si de pitié n'ay Madame naïrée,
Quand ma chanson luy dira la nouuelle,
De la douleur que pour ly m'estaëlle.*

Je vous represente ces vers habillez à la vicille Françoisse, mais en ceste naïfueté ie m'assëure qu'y trouuez plusieurs traits dont nous pourrions auioird'hui faire nostre profit, & qui est vne chose que ie vous veu icy dire par excellence, c'est que sur chaque premier couplet y est la musique ancienne. Qui monstre bien que ces vers estoient lors de grande recommandation, ou pour la bonté d'iceux, ou pour l'autorité de leur auteur, ou pour tous les deux ensemble. Du commencement que ce liure tomba en mes mains ie doubtois qui l'auoit composé, comme de fait il y a quelques-vns qui estiment qu'il soit fait de diuerles pieces. Mais la generale œconomie, telle que ie vous ay cy dessus deduite, m'ëseigne que c'est d'un seul auteur. Et au surplus ie voy ce Prince si souuent nommé en des chansons où il s'introduit parlant avecques vns & autres, que ie ne faiz nulle doute qu'elles ne soient toutes de luy. Et si de ce gentil Comte de Champagne vous voulez saulter iusques à nous, vous pourrez notoirement inserer au

rang des Poëtes nostre grand Roy François, qui feit de fois autres plusieurs beaux vers, & avec luy mettre la Roynie de Nauarre sa sœur, comme nous en porte assuré tesmoignage ce beau liure qui court par noz mains que l'on appelle la Marguerite des Marguerites. Car quant aux autres Poëtes qui furent du commun ie ne vous en feray mention, pour n'auoir icy entrepris de vous escrire vne histoire, ains vne epistre. A Dieu.

*A Monsieur Martin Greffier au siege
presidial d'Angoulmois.*

IE NE reçoÿ aucune lettre de Monsieur Iameu que ce ne soit avec vne expresse & singuliere mention des bons offices que me faites par delà en vostre estat. Celà prouient de vostre bonté naturelle, sans aucun mien merite, & serois digne d'estre couché au chapitre des plus ingrats qui furent oncques si en defaut de l'effect, pour le moins ie ne vous en remerciois affectionnément par lettres, en attendant quelque bonne occasion de m'en reuanger. En quoy ie proteste m'y emploier de si bon cœur, que vous ne ferez iamais marry d'auoir fait plaisir à celuy qui desire vous demeurer tout le temps de sa vie amy. A Dieu.

*A Monsieur Bigot seigneur de Tibermeny Ad-
uocat au Parlement de Rouen.*

*Il seioüé sur
la naissance
d'un sieñls.
Forme an-
cienne des
plaidoiries
de France
sur leur cõ-
mencement.*

VER nobis natus est. Il me plaist de com-
mencer ceste lettre par vn passage de l'Egli-
se, à l'imitation de noz anciens Aduocats en
leurs plaidoyers d'importance. A la charge que si ce-
ste maniere d'escrire vous semble contreuenir au
temps qui court, vous l'imputerez au grand aise qui
dissipe mes esprits, & ne permet que le peu de mon
iugement exerce ses fonctions ordinaires. Je suis dõc
augmenté d'un enfant, & augmenté de la façon que
souhaitoit vn ancié Philosophe, c'est à dire d'un maf-
le, & nõ d'une fille; ie dirois Parisien & non barbare,
n'estoit que ce mot sonne mal aux aureilles de tous.
Mais pour trouuer remede à cecy, il ne sera point s'il
plaist à Dieu Parisien, mais né de ce doux air de Pa-
ris, auquel abondent toutes sortes de Philosophes.
Qui me promet que n'estant venu en ceste commu-
ne lumiere, ny femme, ny barbare, encores auray-ie
cest heur si Dieu plaist, d'en faire vn iour quelque
grand Philosophe. Non pas de ces contemplatifs
qui ne tirent toutes choses qu'à dessein, ains tel que
l'heur ou malheur du temps souz lequel il aura à vi-
ure le desirera. Et si toutes ces particularitez ne vous
plaisent, suffise vous que j'ay vn citoyen du monde.
Mais pour vous aprestier à rire, c'est le bon. Car estãt
sa mere en trauail, il me souuint que les Romains,

voulants ſçauoir quel ſort leur eſtoit à venir, l'apren-
noient du hazard des vers de Virgile qu'ils appelloiēt
Sortes Virgilianas, & auſſi que noz premiers peres *Les ſorts
Virgiliens.*
François faiſoiēt le ſemblable ſur les liures de la ſain-
te Eſcriture. Parquoy me voulant en ceſte doute cō-
ſoler, & ſi voulez que ie die, conſeiller avec les liures,
ie commenday à mon clerc de m'apporter le pre-
mier qui luy tomberoit és mains. Auſſi toſt dit, auſſi
toſt fait: il m'apporte le liure d'Ouide, dans lequel
ſont compris ſes amours & ſes epiſtres. Adonc pour-
ſuiuant mon entrepriſe, pour ſçauoir ſi ma femme
auroit ſi prompte deliurance que ie deſirois, ie deſi-
gne dans moy la douzième ligne ſur laquelle ie
iette mon ſort à l'ouuerture du liure. Pour le faire
court ie tombe ſur ce carme de la lettre de Didon à
Ænæe:

Nulla mora eſt, venio.

Et ainſi trompant ma crainte d'un ſonge, j'ay nou-
uelles tout auſſi toſt que ma femme eſtoit deliurée
d'un enfant ſain & dru, comme ſi ſur la rencontre de
ce vers il fuſt venu à poinct nommé. Parquoy apres
auoir careſſé ce nouuel hoſte, ainſi que l'inſtinct de
nature me ſemonnoit, & fait tous mes tours, ie re-
tourne ſoudain au conſeil ſur la longueur de ſa vie,
& tombe en l'epiſtre d'Aconte à Cidippe ſur ce
vers:

Seruetur facies iſta fruenda mihi.

Vous mocquez vous? me direz vous. Nō certes, & ſi
içne le vous mède à autre intétion, ſinō à fin q̃ vous

en mocquiez. Mais pour vous acheuer mō compte, cōme vous sçauiez que c'estoit la coustume des vieux oracles de tromper tousiours leurs hommes par vn mot à deux ententes, voulant m'informer de la fortune par le nombre septenaire, comme le plus parfait, ie trouue pour septiesme vers d'vn fucillet de la lettre d'Helene à Paris:

Est virtus placitis abstinuisse bonis.

He vraiment dy-ie lors me voicy payé. Car ou il vsera de ceste Dame vertu, en contemnant les richesses, comme les prodigues & dissipateurs de leurs biens, ou bien comme les Philosophes Stoïques, ou Ciniques: & de moy ie n'approuue ny les vns ny les autres, ains me plaist en ce bas estre la sentence du sage mondain Aristote: iouir de la vertu en affluence de biens. Voilà comment petit pere i'ay commencé à doreloter mon enfant. Vous priant rire de cecy, mais non de moy, ny de ce que i'en ay fait, ains sans plus de la folie de tels sorts, ausquels ie n'adiouste nulle foy. Autrement si pretendiez en faire vostre profit par forme de risée cōtre moy, i'en appellerois de vous, cōme de iuge incompetent, à cest ancien Roy de Sparte Agesilaus, iusques à ce que vous iouissiez du priuilege des peres. Mais où me pers-ie sans y penser? I'ay presque oublié de vous remercier de vostre bon aduis, lequel aura telle puissance sur moy, venant de la part non seulement d'vn amy, ains d'vn amy pourueu d'vn parfait iugement, que puis que ie voy mes escripts vous venir à gré, ie donneray ordre
que

que n'aurez occasion de me resucciller. Mais à la charge que ce sera à voz perils & fortunes, & que là où l'amitié que me portez aura quelque peu surpris en cest endroit vostre iugement, vous me seruirez de garend contre ceux qui ne se rencontreront en mesme opinion que vous. A Dieu.

Lettre du seigneur de Tibermeny à Pasquier.

Audeamus, &c. Je m'aide aussi mal à propos du service de ces nouveaux Chrestiens que vous : mais pour ce que ie suis fort deuot au service ordinaire, ie sçay aussi bien employer l'introite d'une Messe au commencement d'une missive, quel'un de Messieurs de Sorbonne au commencement de son sermon en prenant son theme. Mais laissons la Theologie qu'à présent, & nous mettons sur la Physique. Vous avez doncques un garçon, dites hardiment Parisien, & ne craignez pourtant si ie suis Normant. Car outre que vous sçavez que ie suis Parisien par adoption, & de tous autres pays esquels il y a apprendre, ie suis aussi peu Normant, comme vous estes Parisien, & voulez que vostre fils le soit. Il n'est pas qu'à la naissance vous ne l'en ayez garenty avec quelques exorcismes. C'est grand cas qu'à chaque nation on aduise seulement le vice, & partant fait on hôte à mes compatriotes. Les Tholoisains ont esté les plus sages en cecy, lesquels n'ont pris le nom de leur pays, mais philosophiquement se sont appelez mondains:

Lettres où il est discours pourquoy les gens d'esprit ne produisent en sans semblables à eux.

vous les auez veuz & hantez. Et pour ce ie concluds que vostre Theodore sera mondain: la conclusion n'en est elle pas tresbône? Et si sera encores Philosophe. Non Philosophe misanthrope, ains ciuil. Le Genie & les fées qui luy ont assisté à sa natiuité, n'ont point tant peu en cest endroit, que son pere. Car laissant la rencontre heureuse de voz vers, il me souuient que vous estant pour quelques affaires en nostre ville de Roüen, me dites que lors que vostre femme engrossa, vous-vous estiez distrait des liures & de toutes occupations plus par hazard que par conseil. De là ie tire vne tresbonne coniecture, car iamais pere qui consumma ses esprits en discours & affaires, n'engendra enfans pareils de luy. Ie vous en puis nōmer plusieurs exemples, que cognoissés, l'estude grāde consume & espuise le plus subtil sang, duquel & auquel sont les esprits, & n'y reste que le plus terrestre & pesant. Les enfāns sont faits de ceste matiere. Pour ceste cause les Physiciens, & par especial Plutarque ont fort recōmandé aux personnes qui desirent le nom de peres, qu'ils ne s'y employassent apres la viande prise, & sur vne indigestion: d'ailleurs qu'ils fussent libres d'affaires & gaiz d'esprits, non seulement pour la santé d'eux, mais aussi pour la bonne habitude de leurs enfans, tant du corps, que de l'esprit. Ie vous remercie de ce qu'il vous a pleu me communiquer ceste ioye, & vous assure que pour l'aide que ie voy que vous en auez, i'en suis autant ioyeux que le pere. Faites le nourrir en vostre maison, vous estes en

assez bel air, & me croiés de celà ie vous prie. S'il tient de son pere, il sera Philosophe: si de sa mere, *strenuum se hominem Et nunquam cessantem præstabit.* I'ay leu le sonnet que Monsieur d'Arduilliers a fait sur sa naissance. Il me desplaist de mon ignorāce, si ie pouuois faire chose digne de luy, il ne fust demeuré sans estreine. A Dieu.

*A Monsieur de Querquifinen seigneur
d'Arduilliers.*

ESTANT n'aguères arriué en ma maisō d'Ar- Certains pa-
radoxes que
il propose au
seigneur
d'Arduil-
liers pour y
mettre la
main.
gentueil, la plus belle compagnie que i'ay
eu a esté des Offices de Cicéron & de tous
les autres liures qui sont à leur suite. entre autres cho-
ses i'ay voulu passer sur ses Paradoxes, par lesquels Ci-
céron se vante terrasser la commune opinion de la
populace. Qui n'est pas à mon iugement œuvre de
trop grand merite. Car qui a il rien si aisé, que de cō-
battre sur le papier telles opinions qui sont ordinai-
rement brusques & sans fondement de raison? C'est
pourquoy apres auoir fait en moy vn long diuorce
du pour & contre de plusieurs choses, il m'est entré
en la pensée qu'il y auroit matiere de faire des Para-
doxes plus hardis, qui y voudroit mettre la main. Et
pour le premier ie voudrois par forme d'auant-jeu
soustenir que les paradoxes des anciens n'estoient
paradoxes, ains que c'est vrayement paradoxe de fai-
re teste à toutes les anciennes propositions de ceux

qui se sont estimez les plus sages. Et par ce que ie voy que la plus part des hommes qui mettēt la main à la plume, le font souz vne imagination qu'ils ont empreinte en eux de rendre leurs noms immortels, ie voudrois pour second assault combattre à mon possible ceste folle persuasion, & soustenir qu'entre toutes les vanitez de ce monde, il n'y en a point de plus grande que ceste-cy : à ce mot il me sēble desja voir tous les Poētes de nostre temps me corner la guerre : & que quelque autre qui pensera estre plus discret, dira qu'en ceste propolition il y a de l'impietē. Au contraire ie la soustiens comme bon Chrestien. De vous en dire les raisons, ie ne me le suis proposé, ains seulement de vous monstrier au doigt ce que ie ferois d'aduis de traiter. Le troisiēme seroit que ce que les sages estiment sagesse terrienne, est vne vraye folie : & que tous ces vieux refueurs qui se donnerent le nom & tiltre de Philosophes n'estoient gueres sages. L'adiousterois volontiers pour quatriēme, qu'il n'y a point plus grande beste que l'homme, lors que il estime estre luy seul entre les animaux sociable, & que les autres animaux ne le sont en leurs especes. Pour cinquiesme que la nature a esté plus indulgente aux bestes qu'à nous : mesmes en nous donnant cest intellect dont nous nous preualons dessus elles. Je sçay que le trait est hardy : mais plus y aura il de louange à celuy qui en viendra à chef. En somme ie vous ay taillé assez de besongne ; il n'y reste plus que l'aiguille. Vous estes si voulez en plain drap : & puis

qu'avez le loisir à vostre commandement, aiguisiez, & vostre esprit, & vostre plume, à tels arguments. Assuré que le plaisir n'en sera pas moindre qu'à la lecture des discours fantasques de Iustin le Tonnelier dont vous avez entrepris la traduction. A Dieu.

*A Monsieur de Querquifin seigneur
d'Arduillers.*

VOUS n'estes pas le premier qui estes de ceste opinion, & y en a vne infinité en France, qui estiment avec vous qu'il faut puiser l'Idée, & vraye naïfueté de nostre langue de la Cour de noz Rois, comme seiour & abord general de tous les mieux difants de la France. Si vous me dites que c'est là où il faut aller pour apprendre à bien faire ses besongnes, ie le vous allouerois franchement: mais pour apprendre à parler le vray François, ie le vous nie tout à plat. Au contraire (voyez ie vous prie combien ie m'eslongne en cecy de vous) j'estime qu'il n'y a lieu où nostre langue soit plus corrompue. De cecy la raison est bonne. Car comme ainsi soit que nostre langage symbolise ordinairement avec noz mœurs, aussi le courtisan au milieu des biens & de la grandeur, étant nourry à la mollesse, vous voyez qu'il a transformé la pureté de nostre langage en vne Grammaire toute effeminée, quand au lieu de *Roine*, alloit, tenoit, & venoit, il diét maintenant *Reine*, allet, tenet, & venet.

Je vous passe souz silence dix mil autres particulari-
 tez: ne m'estât proposẽ d'offenser ceux qui ont puis-
 sance de nous offenser. Bien puis-je dire que le peu
 d'estude qu'emploient les courtisans à bien parler,
 fait que ie ne les choisirai iamais pour maistres d'une
 telle escole. Vous penserez parauẽture que ie vueille
 dõner ceste louange à nostre Palais. Si vous le pẽsez,
 vous vous abusez. Je ne dy pas que le biẽ dire ne soit
 vne propriété & vertu qui deust estre annexée à no-
 stre estat: mais ie ne sçai comme le malheur veut que
 la plus part de nous non seulement ne s'estudie d'v-
 ser de paroles de choix, mais qui pis est, le faisant il y
 a ie ne sçay quelle jalousie qui court entre les Aduo-
 cats mẽmes, d'imputer non à louange, ains à vne af-
 fectation, l'estude que l'on y veut apporter. Qui est
 cause que plusieurs, oĩes qu'ils le puissent faire, sont
 contens mieux penser & moins dire. Quoy donc-
 qu'es? est il impossible de trouuer entre nous la pure-
 té de nostre langue? Veu qu'elle ne fait sa demeure,
 ny en la court du Roy, ny au Palais? Vous entendrez
 s'il vous plaist quell'est mon opinion. Je suis d'aduis
 que ceste pureté n'est restrainte en vn certain lieu ou
 pays, ains esparce par toute la France. Non que ie
 vueille dire qu'au langage Picart, Normant, Gascon,
 Prouençal, Poiteuin, Angeuin, ou tels autres, seiour-
 ne la pureté dont nous discouons. Mais tout ain-
 si que l'Abeille volette sur vnes & autres fleurs, dõt el-
 le forme son miel, aussi voux-je que ceux qui auront
 quelque assurance de leur esprit, se donnent loy de

fureter par toutes les autres langues de nostre France, & rapportér à nostre vulgaire tout ce qu'ils trouueront digne d'y estre approprié. Car mesmes en vn besoin voulant représenter vn esprit tel qu'est celuy du Gascon, ie ne doubterois d'emprunter de luy le mot *d'escarbillat*, qui est né au milieu de l'air du pays pour designer ce qu'il est. Et non seulement desiré- ie que ceste emploire se face és pays qui sont compris dans l'enceinte de nostre France, mais aussi que nous passions tant les monts Pirenées, que les Alpes, & irasquions avec les langues qui ont quelque communauté avec la nostre, comme l'Espagnole & l'Italienne. Non pas pour ineptemét Italianiser comme font quelques sotarts, qui pour faire paroistre qu'ils ont esté en Italie, couchent à chaque bout de champ de quelques mots Italiens. Il me souuient d'un quidam, lequel demandant sa *Berrete* pour son *Bonnet*, & se courrouçant à son valet qu'il ne luy apportoit, le valet se sceut fort bien excuser, luy disant qu'il estimoit qu'il cōmendast quelque chose à sa chambriere *Perrette*. Et l'autre au lieu du Bon-iour François, faisant vn mal façonné *Buonigiorno* à vn sien voisin, à peine eschapa-il de venir aux mains pour ceste sorte courtoisie: d'autant que l'autre pensoit qu'il l'eust appelé *Bougerrone*. Comme en cas semblable puis n'agueres me promenant avec vn gentilhomme accort, l'un de mes compagnons me saluant du *Buon di* Italien: ie pensois, me dir l'autre, en se mocquât, qu'il voulust dire que vous boudissiez. J'ay vlé de propos

deliberé en celieu de ce mot *Accort* qui est emprunté de l'Italien, aussi bien que *Reussir*, mais le temps nous les a naturalisez. Je ne diray pas *imboscade*, comme faisoit le soldat souz le regne du Roy Henry second, pour dire qu'il auoit esté à la guerre de Parme ou au voyage de monsieur de Guise. Le mot *d'embusche* nous est tres-propre & naturel. Et à mon grand regret diray *cauallerie*, *infanterie*, *enseigne colonnelle*, *esquadrons*, au lieu de *cheualerie*, *pietons*, *enseigne coronale*, *bataillons*: mais pourtant si en vseray-je puis quel'usage commun l'a gaigné, contre lequel ie ne seray jamais d'aduis que l'on se heurte. Ce que ie vous dy est pour vous monstrier qu'il faut mesnager les autres vulgaires dans le nostre, mais avec telle dextérité que l'on ne s'en apperçoieue. *Æquicole* en son liure de l'amour dit que Petrarque acquit la vogue entre les siens pour ne s'estre seulement arresté au langage Toscan, ains auoir emprunté toutes paroles d'eslite en chaque sujet de diuerles contrées de l'Italie, & les auoir sceu naïfuerment adapter à ce qu'il traitoit. Je serai plus hardi que lui, & dirai, que tout ainsi que ses amours hebergeioient au pays de Prouence, & qu'il vjuoit en la court du Pape qui lors seiournoit en Aui-gnon, aussi mandia-il plusieurs mots qu'il sceut fort bien adapter à ses conceptions. Le semblable deuôs nous faire chacun de nous en nostre endroit pour l'ornement de nostre lan-gue, & nous aider mesmes du Grec & du Latin, non pour les escorcher ineptement, comme fait sur nostre ieune aage Helisaine,

dont

dont nostre gentil Rabelais s'est moqué fort à propos en la personne de l'escolier Limosin, qu'il introduit parlant à Pantagruel en vn langage elcorche-latin. Mais avec telle sobriété, que comme le bõ estomac qui ne se charge point mal à propos de viandes ne les rend morceau pour morceau, ains les digere & transforme en vn sang pur, qui s'estend & distribue par toutes les veines, iettant le marc es lieux les plus vils: aussi nous digeriõs & transformions doucemēt en nostre langue ce que trouuerons pouuoir faire du Grec & Latin, & ce qui sera insolent, que le reiettiõs liberalement, faisants ce perpetuel iugemēt en nous, qu'il y a plusieurs choses bien-seantes en chaque langue, qui seroiēt de mauuaise grace en la nostre. Mais sur tout me semble qu'il y a vn chemin que nous deuons tenir en ce fait cy. Je veux que celuy qui desire reluire par dessus les autres en sa langue, ne se fie tant en son bel esprit, qu'il ne recueille, & des modernes, & des anciens, soient Poētes, ou qui ont escript en Prose, toutes les belles fleurs qu'il pensera diure à l'illustration de sa langue. Nulle terre quelque fertile qu'elle soit, n'apporte bon fruit, si elle n'est cultiuée. Je souhaite qu'il lise & vn Romant de la Rose, & vn Maistre Alain Chartier, & vn Claude de Seissel, & vn Maistre Iean le Maire de Belges, duquel Monsieur de Ronfard tira tous les plus beaux traits del'Hymne triomfal qu'il feit sur la mort de la Roin de Nauarre: & le mesme Iean le Maire se feit riche de quelques belles rencontre des Pierre de saint Cloct, &

Jean le Niuellet, qui escriuient en vers de douze syllabes la vie d'Alexandre, que nous auons delà nommez Alexandrins. Non pas pour nous rēdre antiquitaires (d'aurant que ie suis d'aduis qu'il faut fuir celà comme vn banc ou escueil en pleine mer) ains pour les transplanter entre nous, ny plus ny moins que le bon iardinier fauluageon, ou vieux arbre, ente des greffes nouueaux, qui rapportent des fruits soüets. Je veux encores que celuy mesmes que ie vous figure, ne contemne nul quel qu'il soit en sa profession. Pour parler du fait militaire, qu'il haleine les capitaines & guerriers: pour la chasse, les veneurs: pour les fināces, les thresauriers; pour la practique, les gens du Palais: voire iusques aux plus petits artisans en leurs arts & manufactures. Car comme ainsi soit que chaque profession nourrisse diuersemēt de bons esprits, aussi trouuēt ils en leur sujet des termes hardis, dont la plume d'un homme bien escriuāt sçaura faire son profit en temps & lieu, & peut estre mieux à propos que celui dont il les aura appris. Vn iour deuisant avec des Veneurs du Roy, & les sondant de tous costez, sur toutes les particularitez de la Venerie, entre autres choses l'un d'eux me dist qu'ils cognoissoient la grandeur d'un cerf, par les voyes, sans l'auoir veu. Ha (dy-ie lors) voilà en nostre lāgue ce que le Latin voudroit dire *Ab unguibus leonem*, & de fait il m'aduint d'en vsfer par expres au premier liure de mes Recherches, au lieu qu'un escolier reuenant fraiz esmolu des escoles eust dit recognoistre le Lyon par les ongles.

Vne autrefois deuisant avec vn mien vigneron que ie voyois prompt & dru à la besongne, ie luy dis en meriant qu'il seroit fort bon à tirer la ranee. A quoy il me respondit promptement, que ce seroit trel-mal fait: Par ce que les galeres estoient dedies pour les faitneants & vauriens, & non pour luy qui estoit frâc au trait. Recherchez telle metaphore qu'il vous plaira, vous n'en trouuerez nulle si hardie pour exprimer ce qu'il vouloit dire: laquelle est tirée des bons cheuaux qui sont au harnois. Dont ie ne me feusse iamais aduisé, pout n'auoir esté chartier: vn pitault de village me l'aprit. Acheptant vn cheual d'un macquignon, & luy disant qu'il me le faisoit trop hault: defendez vous du prix (me feit-il) ie marquai dès lors ceste chaste, qui valoit mieux ce me sembloit que le cheual que ie voulois achepter. Quand nous lisons quelquefois, reprêdre nos anciêns arthemês, pour dire que nous retourniôs à nostre premier propos, de qui le tenons nous que de la pratique? Quand sur vn mesme sujet nous disons retourner sur noz brisêes ou sur noz routes, qu'est-ce autre chose que metaphores tirées de la Venerie? Il y en a dix mille autres sortes dont pouuons nous rendre riches en nostre langue par la despouille de toutes autres professions, sans toutes-fois les appauvrir. Qui est vn larcin fort louable, & dont on n'eust iamais esté repris dedâs la ville de Sparte. Qui suiura ceste voye, il attaindra à mon iugement à la perfection de nostre langue, laquelle bié mise en vsage est pleine de mots capables

de tous fujets. Et n'y a riens qui nous perde tant en celà; sinon que la plus part de nous, nourriz dès nostre ieunesse au Grec & Latin, ayants quelque assurance de nostre suffisance, si nous ne trouuons mot apoinct, faisons d'une parole bonne Latine, vne tres-mauuaise en François: Ne nous aduisants pas que ceste pauureté ne prouient de la diserte de nostre langage, ains de nous mesmes & de nostre paresse. En quoy il nous en prend presque tout ainsi comme à plusieurs de noz Medecins, lesquels ayans esté nourriz en leurs ieunes ans en Hipocrate, Galien, Auicenne, & autres tels auteurs, vôt rechercher les simples au leuant, contemnans ceux qui naissent à leurs pieds, selon la temperie de l'air qui se conforme à la temperature de noz corps. Vous me direz que ceste estude est inutile & non necessaire, veu que les langages vulgaires se changent de siecle en siecle. Vous dites vray, si ie ne desirois que la parole, mais ie souhaite qu'elle soit accompagnée de sujet qui prouienne de nostre fonds & estoc. Brief que ce soit vn corps solide, auquel les paroles ne seruent que d'acoustrement & de lustre. Mais de ceste particularité nous en discourrons vne autre-fois ensemblement plus à loisir. A Dieu.

*Il promet
une bñ of-
fice à une
Damoiselle
d'honneur,
à laquelle il
escriz.*

A Mademoiselle de Lis.



EL NE failloit me solliciter par voz lettres d'une chose dont ie me sollicite moy mesmes: vous sçaez quelle part vous auez en

moy, c'est pourquoy vous-vous pouuez asseurer que sans autre recommandation i'embrasseray non seulement ceste affaire, ains toute autre que ie sçauray vous estre agreable. Je croi que Monsieur vostre mary vous a peu mander comme Monsieur le Presidēt a aduertiy vostre rapporteur de s'en aprester. C'est vn premier acheminement, qui prendra comme i'espere plus beau trait. Et à la mienne volonté qu'à meilleures enseignes, & en sujet moins facheux, ie vous peusse faire paroistre le desir que i'ay de vous obeir. Toutes-fois par ce que ie m'asseure que n'en faites doubte, ie me contenteray de vous escrire que faciez cest estat en vous, que ie n'oubliroy riens pendant vostre absence de ce que ie penseray vous concerner: mais à la charge aussi que vous ne vous oublierez point de delà, & prendrez temps & mesure de vostre retour, non seulement pour ne permettre que sensations si long temps eclipse de vostre Soleil, mais aussi que ie suis seur que vostre presence redoublera les forces aux poursuites qu'il conuient faire. Et sur cest aduertissement ie clorray ma lettre, mais avec vne ouuerture de mes tres-affectionnées recommandations à voz bonnes graces. A Dieu.

O iij





LE TROSIESME LIVRE
DES LETTRES D'ESTIENNE
PASQUIER.

*A Messieurs Robert & Fournier Docteurs Regents
és droits en l'Vniuersité d'Orleans.*

*s'il seroit bñ
que le con-
sentement
des peres &
mères fust
requis & ne-
cessité aux
mariages de
leurs enfans.*



L'EDIT des mariages a esté pu-
blié en nostre Court de Parle-
ment, grand certes & magnifi-
que, mais plus grand si vous en
entendiez le motif. Par ce que
quelques-vns de ceux qui tien-
nent des premiers lieux de la
France en ont esté cause. L'on dit que la plus part des
mauuais exempls prouient ordinairement des cho-
ses qui furent autrefois sainement & saintement
ordonnées, qui se tournent avec le temps en abus. Au
contraire iamais ne fut bonne loy qui ne soit proue-
nue de quelque scandale. Il faut que la maladie soit
venue, auant que l'on y trouue le remede. Quant à
cest Edit chacun s'en esiouit comme beau & digne
d'un Roy. Moy seul, comme vn autre Timon & Mi-
santhrope, le pleure, gemís, & lamète. Non que ie ne

fois bien aise de l'autorité que l'on donne aux peres dessus leurs enfans, mais par ce que ie suis marry que l'õ ne leur en oëtroye dauantage, & q̃ tout ainsi qu'Alexandre le grand estant arriué en l'Asie ne s'amusa de desnoier les entrelaz du nœud Gordian, comme les autres Princes qui y auoient passé deuant luy, ains pour en venir plustost à chef le coupa tout à fait: aussi que l'on eust franchy le pas, & que par vne ordonnance faite du commun consentement de l'Eglise Gallicane, on eust déclaré tous mariages des enfans nuls, esquels il n'y auroit que les simples paroles de present, sans l'autorité & consentement des peres & meres. En cest endroit i'ay pitié de nostre France, qui ne fut iamais lassée de reduire toutes les choses ecclesiastiques en vne bonne & louable discipline, & qu'en ce fait-cy elle n'ait osé y mettre la derniere main. Noz ancestres cognoissants combien c'estoit chose de mauuais exemple, qu'un enfant au dessouz de vingt & cinq ans fust estimé marié par les paroles de present au preiudice de l'autorité paternelle, introduisirent l'action de Rapt (que nous appellons vulgairement *Raptum in parentes*) qui est incognüe à toutes autres nations. Par laquelle on permettoit aux peres & meres, voire aux tuteurs d'accuser deuant le iuge Royal celuy ou celle qui par telle affeterie de paroles auroit attiré & suborné à vn mariage l'un de leurs enfans: & est ceste poursuite de telle puissance & effect que pendant le cours d'icelle, elle suspend & arreste toutes les procedures que l'on pourroit faire.

*Ce que l'on
appelle en-
tre nous
Rapt fait
aux parës.*

pardeuant vn official & iuge d'Eglise pour la validité du mariage. Mais quel fruit auez vous iamais rapporté de ceste accusation? Non autre, sinon que comme vrais François nous sommes du commencement plus forts que les hommes, mais en fin plus foibles que femmes. Chacun sur la premiere pointe de ceste poursuite se remuë chaudement, les iuges mesmes seblent infiniment fauoriser ceux qui en font plainte. Mais au partir delà, vous ne veites iamais que l'on en ait fait vne punition exemplaire, & que pour fin de compte celuy là qui a commis le rapt ne demeure victorieux, & de la iustice, & de la famille affligée; demeurât avec le temps en pleine possession de celle qu'il a rauie. De ma part i'estime, ou que du tout il ne falloir introduire entre nous ceste accusation, ou qu'il estoit de besoin de la terminer par la mort de celui qui auoit forfait; à fin qu'en la dissolution de sa vie, se trouuast aussi la fin & dissolutiō de son mariage. Mainténât par ce nouuel Edit, on permet d'abondant aux peres & meres d'exhereder leurs enfans lesquels auront esté si mal aduisez que d'entrer en ce lien de mariage sans leur vouloir. Mais, ô bon Dieu, n'est-ce vne chose cruelle, quand en executant vne vengeance, il faut qu'elle retombe sur celui mesmes, qui l'execute? I'ay donné l'estre à mon enfant, souz vne opinion de luy donner le bien estre, ie l'ay nourry ou aux lettres, ou aux armes, en intention d'en faire vn homme de bien: i'ay, si ainsi le faut dire, passé les erreurs d'un Hercule pour dompter en luy les monstres

mōstres qui enuahissent ordinairement vne ieunef-
se forte en bride, en fin il s'est trouué vaincu d'une de-
bordée volupté, masquée d'un faux visage de maria-
ge: est-ce pas rendre ma vieillesse tres-malheureuse,
que non seulement ie voye ce sot, à demy miserable,
pour s'estre folement lié, mais que pour toute con-
solatiō ie n'ay recours qu'à le rendre du tout misera-
ble, par vne exheredation que la loy met entre mes
mains? Il est forgerō de sa misere (me dira l'on) mais
moy plustost de la mienne, & de la sienne ensemble-
ment (respondray-je.) Quelque autre qui pēsera estre
plus aduisé adiouster, qu'il vaut mieux y apporter
ceste bride, que de laisser voguer & fluctuer les ma-
riages à l'abandon d'une desordonnée ieunesse. Car
comme disoit Hipocrat, aux maladies aiguës & ex-
tremes il y faut apporter remedes de mesmes. O cō-
bien il eust esté plus seant de nē tomber en ces extre-
mittez, & par vne ordonnāce conciliaire declarer ces
mariages du tout nuls: Il me souuient de ce que dict
ce grand personnage Erasme en vn Colloque où il
fait parler vne fille qui auoit voüé perpetuelle virgi-
nité. Quelques-vns (fait-il) nomment mariage, ores
qu'il ait esté fait au deceu ou cōtre la volonté des pe-
res & meres par paroles de present (car ainsi l'appel-
lent ils) chose toutesfois que ny le sens commun, ny
les loix anciennes de Rome, ny la doctrine Aposto-
lique n'approue. Il pouuoit adiouster que ny les Ca-
nons & saints Decrets, mais il n'osa: voilà beaucoup
de sujet en peu de paroles. Je ne veux pas asseurer que

ce qu'il dit soit veritable, mais ie souhaiterois qu'il le fust. Car en somme ie ne vous escriis icy qu'un souhait. Premièrement si l'enfant pour estre procréé de la substance tant paternelle que maternelle, représente ceste Androgine qui fut figurée par les anciens, par ce qu'en luy se peuuent lire les mœurs & esprit du pere & de la mere, si nous-nous marions seulement pour auoir lignée, & que ceste enuie prouienne d'une plus haute enuie, qui est de nous immortaliser en ce bas estre par un prouinement de l'un à l'autre, certainement il semble que ce soit peruertir tout ordre de nature que l'on permette à celui auquel j'ay donné la vie, de pourchasser ma perpetuation en autre sujet que celui que ie desire. Je ne vous diray point que du droit ancien des Romains le consentement du pere y estoit requis. mais si nous auons emprunté de ce droit q' l'enfant mineur d'ans ne puisse aliener son bien sans l'autorité de son tuteur, n'est-ce faillir en sens commun de luy permettre l'alienation de son corps sans le consentement de ses pere & mere? Si vous considerez ce qui est de la loi de Dieu, reconnaissez ces bons Patriarches du vieux Testament, leurs mariages sont bornez en la volonté bien réglée d'un pere: & là où fut la malediction, comme en Esau, là aussi ne fut interposée l'autorité paternelle au mariage. mais pourquoi m'arrêterai-je seulement au vieux Testament? Quand S. Paul parle des mariages en baille-il la jurisdiction aux enfans: Il s'adresse nommément aux peres. Si tu maries ta fille tu fais bien, si tu ne la maries, tu fais mieux. Et si

vous descēdez plus bas vous trouuerez ceste regle auoir esté treslonguemēt obseruée entre les Chrestiens de siecle en siecle. Permettez moi de fauoriser à bonnes enseignes mō souhait. Tertullian au liure qu'il escrit à la fēme, non seulemēt requiert ceste mesme authorité, mais qui plus est la confirme de tāt, que si les payēs qui ne voioiēt la lumiere de Dieu q̄ dans les tenebres, voulurent le mariage estre nul s'il n'estoit authorisé du pere, cōbiē dōques (dit-il) no⁹ autres Chrestiens qui sōmes imbuz d'un meilleur enclin deuons no⁹ auoir ceste propositiō emprainte dedās noz poitrines? Et S. Ambroise cōfirme mon opiniō par l'authorité d'Euripide la part où faisoit parler Hermione à Orestes. Mō pere (dit-elle) aura le soin & charge de mes nopces; cela ne me regarde en riēs. Chose qui fut tant recōmandée par ces bōs vieux peres & docteurs de l'Eglise, qu'ils appellerēt plustost vne hôte & pail-lardise, que mariages, telles folles cōiunctions qui se faisoient contre le grē des peres & meres. Et pour vous mōstrer clairemēt q̄ l'on n'ē faisoit nulle doute, c'est qu'il n'y a celui qui ne sçache q̄ l'Empereur Iustinian estoit Chrestien; du tēps duquel il est certain q̄ ceste mesme authorité estoit essentiellemēt requise en to⁹ mariages des enfans, comme nous aprenōs des loix ausquelles il donna vogue par l'entremise de Tribonian. Ce qui sortit tel effect que nous trouuons dedans nostre France, non des personnes vulgaires, ains deux enfans de Roy, Carloman & Louys surnommé le Faitneāt, auoir esté tenus pour bastards, non pour

autre cause sinon qu'ils auoient esté engendrez d'un mariage de Louys le Begue, fait & consommé sans le consentement du Roy Charles le Chauue son pere, comme vous pourrez apprendre de Reginon qui atouchoit presque ce temps là. Je ne trouue point qu'il y ait eu depuis Concil qui ait osté ceste belle iurisdiction aux peres à l'endroit de leurs enfans. Bien sçay-ie que depuis quelques cétaines d'ans quelques Moines rapetasseurs de vieilles gloses nous ont insinué ceste barbare & brute opinion, que de droit Canon le consentement des peres & meres n'estoit requis aux mariages de leurs enfans que par hōneur, & non de necessité. Ceux-cy feirent perpetuelle profession de celibat. Et à la mienne volonté que tout ainsi q̄ ce sage Roy de Sparte Agesilaus estat par quelque sié amy surpris faisant l'enfant avec ses enfans, le pria de suspendre son iugement de ce qu'il auoit veu iusques à ce qu'il fust pere: aussi que tous ces Moines ne le fussent empeschez d'interposer leur opinion sur le fait des mariages, puis que leur vœu & regle les dispēsoit d'estre peres. Cela a fait qu'ils ont mesuré l'affection paternelle, à la leur propre, ie veux dire à vne affection commune & triuale. Mais conuient separer l'honneur de la necessité. C'est vrayement l'aduis de gēs nourris en l'obscurité d'un cloistre, Je ne vous ramenteuray en celieu la noblesse de nostre France, qui sur vne pointille d'honneur fait estat de perdre la vie. Cela tient plus du Paganisme que du Chrestien. Je vous diray que tout ainsi que le Stoïque souste-

noit que ceux qui premiers separerēt l'vtilité d'auecques l'honnesteté galterent l'ordre de tout cest vniuers, aussi feirent le semblable ceux-là qui nous desioignirent l'honneur d'auecques la necessité. Vray Dieu quand ce grand Iustinian establit trois theoremes generaux de tout le droit, L'honnesté, ne mesfaire à autrui, rendre à chacun ce qui est sien, mettoit il pour premiere pointe ceste honnesteté pour la tourner seulement en termes de curialité, & que les deux autres preceptes fussent de necessité precisé? Je ne veux combattre ces Moines que par noz docteurs del'Eglise: fueillerez les Offices de saint Ambroise, vous cognoistrez combien l'honneur & la necessité fraternisent ensemblement. Mais il ne faut point separer (me direz vous) ceux que Dieu a liez ensemble par le ministere de son Eglise. Si vne proximité de lignage qui est dans le quatriesme degré, si vne simple alliance & affinité, si vne cognation spirituelle peuvent empescher tous mariages, nonobstant & les paroles de present, & l'interuention del'Eglise, qui nous empesche d'en faire autāt des mariages esquels le consentement & autorité paternelle & maternelle a esté negligée? Dauantage appellerez vous cōiunction del'Eglise vne alliance qui se fait contre la volōté du pere, auquel Dieu veut estre apres luy porté sur toutes choses obeissance? Direz-vous cōiunction de Dieu celle qui sera bastie sur vn petit charnel & desordonné, sur vne opinion brutale qui enyure ordinairement les effects de nostre raison? Le ne

n'ose persuâder quand vne ieunesse eue'tée n'a autre guide qu'une demesurée passion, que Dieu se mette de la partie. Or en petille qui voudra, il ne me peut entrer en la teste que le droit Canon ait rien en cecy innoué au droit des Romains. Vous trouuez dans les Decretales que les paroles de present font le mariage, aussi faisoient elles par les loix de Rome. Mais pour celà n'estoit exclus du mariage des enfans le consentement paternel. Bien seray-ie d'accord que si ces paroles estoient reuestues de l'atouchement charnel, nous auons textes expres en noz decretales qui ne permettent de denouer le mariage, ores que le pere ny eust consenty. Mais en cecy encores ne contreuenons nous en riens au droit des Romains, comme nous aprenons de Paule le Iurifconsulte au troisieme liure de ses Sentences. Brief l'ignorance de noz glossateurs a introduit ceste opinion entre nous. Car toutes & quantes fois qu'ils veulent soutenir le consentement des peres n'estre requis aux mariages de leurs enfans, ils se preualent tout aussi tost du Can^{on} *Sufficiat*, qui n'en parle ny loing ny pres. Par ce qu'en ce lieu il s'agit tant seulement de sçauoir si pour la perfection du mariage le consentement seul y est suffisant, ou bien qu'avecques iceluy la copulation charnelle y soit requise. A quoy il conclud que le seul consentement y est suffisant. Et le preuue premierement par l'autorité de la loy civile. Puis venant à ce qui estoit de la loy de Dieu, il autorise sa proposition par l'exemple de la vierge

Marie qui auoit voué perpetuelle virginité, & toutes-fois l'on ne peut dire qu'elle n'eust esté la vraye femme & espouse de Ioseph. Et de faiect apres que Gratian a deduit amplement ce point là, venant puis apres en vne autre question à traiter si le consentement des peres & meres estoit necessaïre aux mariages de leurs enfans, il soustient que toutes choses degenerent contre tous mariages ausquels les enfans n'ont interposé la volonté de leurs peres & meres. Je ne veux pas icy combattre vne longue ancienneté, i'entreprendrois trop fort party : aussi ne vous ay-je pas dit du commencement de ma lettre que le consentement des peres & meres y fust requis de necessité, ains seulement que ie le souhaiterois. Tout ainsi que l'on ne peut bannir les esperances de nous, aussi ne peut on oster noz souhaits. Ce sôt choses esquelles les plus petits & miserables se flatent & chatouillent aussi bien comme les plus grands, & surquoy ils trompent & endorment le deschet de leurs fortunes, se rendants en cecy esgaux avecques les Princes. Je desire que sans replastrer on ordonnast par vne bonne & stable loy que le mariage des enfans fust nul, auquel les peres & meres n'auroient interposé leur autorité. Si bien ou mal ie le desire, vous m'en manderez vostre aduis, & y adiousterez & soustrairez ainsi que le bon Arithmeticien : n'ayant en particulier espousé ceste opinion, ains souhaitant sans plus que l'on l'espouse. A Dieu.

*A Monsieur de Foussomme gentilhomme
Vermandois.*

*Si la vefue
faifant folie
de fon
corps doit
defchoir de
fes conuen-
tions matri-
moniales.*



LE veux si vous voulez, que ie le vucille, mais ie vous puis dire que ny le droit ciuil des Romains, ny la raison commune ne veulent que la vefue faifant folie de fon corps perde fon douaire, tout ainfi comme si elle auoit forfait contre fon mary pédant & constant fon mariage. Ie ſçay bien que vous pouuez appeller quelques anciens docteurs à garends, qui furent induits à meſme opinion que la voſtre. Pour autant qu'ils eſtimerent que ſ'il falloit de meſme balance compenſer la peine avecques l'honneur, ſelon la proportion des merites ou demerites, il y auoit grande apparence de chaſtier à bon eſcient la vefue qui faiſoit tort aux cendres de fon mary, puis que pendât ſa viduité elle iouiſſoit des priuileges de luy. Opinion certes qui ſemble prendre ſes racines ſur l'honneſteté publique, qui n'eſt pas vn peult fondement en droit. Voire qu'il n'y a nulles perſonnes qui ayent tant d'intereſt à l'entretenement de ceſte propoſition, que celles meſmes au deſauantage deſquelles on la veut eſtablir. Car la femme eſtant foible & de corps & d'entendement au regard de l'hôme (foible de corps, qui eſt l'occaſion pour laquelle nous ne la receuons à l'exercice des armes: foible d'entendement, qui fait que l'on luy interdife l'adminiſtration

stration de la repub.) elle n'a qu'un seul moien par lequel elle demeure forte, & dont elle trionfe des hommes : c'est la conseruation de sa pudicité. Bannissez d'elle ce seul point, vous la rendez esclau des plus petits, ores qu'elle fust Princesse: Au cōtraire, qu'elle le conserue, elle trionfe des Princes, iagoit que pauvre & petite. Par ainsi de premiere rencontre ceste opiniõ a ie ne sçay quoy de specieux, ce neantmoins captieux si vous venez à vostre second penser. Par ce que quand le legislateur permit au mary d'accuser sa femme d'adultere, il y apporta vne infinité de respects qui ne tombent ny en l'heritier, ny en la vefue. Il estima que la femme forsaissant enuers son mary, estoit beaucoup moins excusable que la vefue pour auoir un moien honneste de tromper les pointes de sa chair, par l'objet qui luy estoit donné par la loy. Il estima encores qu'elle pouuoit apporter un enfant faux & dérobé à son mary. Dauantage que le mary ne seroit aisément induit à intenter ceste poursuite, s'il n'estoit outré d'une tres-iuste douleur, comme ainsi fust que sa femme estant sa moitié, le deshonneur d'elle redondoit sur luy. Et finalement on meit es mains de la femme vne defense trespoignante contre son mary: estant par expres enioint aux iuges d'examiner soigneusement si le mary auoit seruy de miroir de bien ou mal faire à sa femme. Estimant chose de pernitieux exemple de requerir en elle vne chalterie estreite dont il auroit esté le premier infracteur. Toutes ces particularitez, se rencontrent elles

Q

en vne vefue ? Nenny vrayment. Car laiffant à part qu'apres le decez du mary la femme commence d'efre iouiffante de fes droits, encores trouuerez vous qu'elle n'a ny fujet par lequel elle puiſſe apporter refrigerer à ſes paſſions naturelles, ny q̄ ſ'oubliât de ſon honneur elle trãſporte en la famille de ſon feu mary vn enfant putatif, ny qu'elle ſe puiſſe pour ſes deſenſes preualoir contre l'impudicité del'heritier. Partãt ſi elle eſtoit aſſaillie, on lui oſteroit les armes naturelles pour parer aux coups. Et à peu dire le mary ne venant (comme i'ay dit) que timidement à ceſte accuſatiõ, & apres auoir quelque-fois ſodé tous les moiës pour reconcilier ſa femme avec ſon hõneur, ſi vous y admettiez l'heritier qui n'a en penſement que le bien, en ouurant la porte à ceſte accuſation, vous l'ouuririez tout d'vne main à la calomnie, & ny auroit vefue, ſi femme de bien fuſt elle, qui peult faire bouclier de ſa conſcience contre les calomnieuſes pourſuites. Brief il y auroit grandement à craindre que la loy ne ſoit plus de mal que les femmes. Ce furent (ce me ſemble) les cauſes pour leſquelles ce grand Iuriſconſulte Papinian traitant de la matiere des adulteres diſoit, que ſi quelquefois par meſgarde, on auoit compris ſouz le nom d'adultere la honte de la fille ou de la femme vefue, c'eſtoit trefabuſiement parler. Et en vn autre paſſage il eſt dict que l'heritier n'a nulle reprimende ou eſgard ſur les mœurs de la vefue du defunct. Choſe que l'on tient pour tref-veritable, n'eſtoit que le mary euſt.

de son viuant faißt appeller sa femme en iustice. Car lors l'heritier peut reprendre les arrheiments de ceste poursuite, & non autrement. Et de faißt vous ne trouuerez en tout le droit des Romains aucune peine ordonnée à la vesue, sinon à celle qui se remarieroit dedans l'an de son dueil, ou qui ne se remariant auoit enfant apres l'onzième mois du mesme an. En l'un & l'autre desquels cas l'heritier gaignoit en pure perte sur elle son augment de dot, & les dons & aduantages qu'elle auoit receuz de son mary. Ce n'est donc point que par oubliance la faute des vesues soit passée deuant les yeux des anciens. Ils s'en sont fort bien souuenus, mais ils ne pensèrent riens appartenir à la memoire du defunct, hormis ce qui estoit commis par la vesue dedans le premier an de son vesuage, qu'ils estimerent estre affecté à l'honneur de son premier lit. Mais elle iouït des priuileges de feu son mary, dites vous. Il ne faut pas pour celà induire qu'elle doïue deschoir de toutes les conuentions matrimoniales. Tout ainsi comme la vesue conuolant en secondes nopces perd les priuileges dont elle iouyssoit, faites que l'autre forfaitant les perde aussi. A fin qu'elle ne soit de plus grand merite & recommandation en son impudicité, que la femme honneste (qui se remarie) en sa chasteté. C'est en effect toute la peine à quoy peut aboutir ceste faute. Ny pour celà ie ne veux pas que vous m'estimiez Aduocat de l'inconuenance des vesues. I'entendz sans plus bannir

la calomnie des hommes, & non la chaste honnesteté des femmes: faisant ce perpetuel iugemēt en moy, que la femme perd beaucoup plus que son doüaire, quand elle fait perte de son honneur, sans lequel elle ne doit souhaiter de viure. A Dieu.

*A Monsieur de Querquifinen seigneur
d'Arduilliers.*

*Sommaire
discours des
terres que
l'on appelle
neufues.*



EST grand cas que iamais noz anciens n'ayēt eu cognoissauce de toute ceste Amerique, que nous appellons Terres neufues. Non qu'elles soient moins vieilles que les nostres, ains par ce qu'elles ont esté seulement depuis cent ans en ça descouuertes, par quelques mariniers Portugois. Et neantmoins vrayemēt neufues, si vous parangonnez les mœurs brusques de leurs peuples, avecques la ciuilité des nostres. Quelque gētilhomme que ie rencontray n'aguères à sainct Germain en Laye, qui auoit esté au Brezil, me racontoit qu'en ce pays-là les hommes vont tout nuds, sans cacher leurs parties honteuses, & que ceux qui veulent faire les plus braues y portent quelques petites fucilles d'arbres. Et que quand ils veulēt coucher de la grâdeur, ils frotent leurs corps de gomme, qu'ils couurent en apres de duvet de Perroquets & autres telles espèces d'oiseaux. Quant à leur administration politique, ils n'ont nuls magistrats, nulle ville, nulle forme de republique, fors qu'ils sont diuisez en familles selon.

leurs consanguinitez & parentelles, sur lesquelles le plus ancien a toute iurisdiction & esgard. Chaque famille contiēt enuiron quatre cent tant d'hōmes que fēmes. Leurs maisons sont sans huis, exposées à tous venants & allants. Les biens toutes-fois non communs, non plus que les fēmes. Celles qui sōt surprises par leurs maris, sont par eux tuées, puis mangées. Ils s'entre-font la guerre de pays à pays, ceux qui sont pris, sont soudain destinez à la mort. Et n'ayants autre prison que de leur foy, on les engresse quelque temps, puis le temps de les massacrer venu, l'on faict vn banquet de parade, où l'on conuie les principaux parents & amis, là on enyure le patient, quel'on faict disner, & puis danser apres le repas avec les autres, & au milieu de la dance on l'assomme. Son corps mis en pieces on en fait des presents, comme les veneurs de leur venaison. Sa teste est pendue deuant la maison de son maistre, pour faire mōstre de sa victoire. Des dents on en fait des chaisnes qu'ils portent autour de leur col. Et n'ont ces Sauuages plus grand vengeance que de manger leurs ennemis, ny plus grand tesmoignage d'inimitié contre vn hōme que quand ils le menacent de le manger. Supputants au demeurant leurs ans par les Lunes, ainsi que nous au cours du Soleil. Voilà en somme ce que i'ay appris de ce gentilhomme: si vray ou non ie m'en rapporte à ce qui en est. L'on dit que celuy peut impunément mentir, qui vient de loing. Quant à moy ie vous debite ceste marchandise pour le prix qu'elle m'a cousté: aimant

III. LIVRE DES LETTRES

mieux le croire, q̄ de l'aller veoir: ayât aussi mieux aimé charger le present messager de ce cōpte, que de le laisser en aller par deuers vo⁹ les mains vuides. A Dieu.

A Monsieur Ramus professeur du Roy, en la Philosophie & Mathematiques.

*Sçavoir si
l'orthogra-
phe François-
se se doit ac-
corder avec
le parler.*



R s v s, ie vous veux denoncer vne forte guerre, & ne m'y veux pas presenter que bien empoint. Car ie sçay combien il y a de braues capitaines qui sont de vostre party. Le premier qui de nostre temps prit ceste querelle en main contre la commune fut Louys Meigret, & apres luy Jacques Pellerier grand Poète, Arithmeticien, & bon Medecin; que ie puis presque dire auoir esté le premier qui meit noz Poètes François hors de pages. A la suite desquels vint Iean Antoine de Baif, amy commun de nous deux, lequel apporta encores des regles & propositions plus estroites. Et finalement vous, pour clorre le pas, auez fraichement mis en lumiere vne Grammaire Françoisse, en laquelle auez encores adiousté vne infinité de choses du vostre, plus estranges que les trois autres. Ie dy nommément plus estranges: car plus vous fouruoiez de nostre ancienne orthographe, & moins ie vous puis lire. Autant m'en est-il adueni voulant donner quelques heures à la lecture de voz partisans. Ie sçay que vostre proposition est trespecieuse de prime rencontre. Car si l'escriture est la vraye image du parler, à quoy nous pouuons nous plus estudier que de re-

presenter par icelle en son naïf ce pourquoy elle est inuentée? Belles paroles vrayement. Mais ie vous dy que quelque diligence que vous y apportiez, il vous est impossible à tous de paruenir au dessus de vostre intention. Ie le cognois par voz escripts: car combien que decochiez toutes voz fleches à vn mesme blanc, toutes fois nul de vous ny a sceu atteindre. ayant chacun son orthographe particuliere, au lieu de celle qui est commune à la France. Comme de fait nous le voyons par l'Apologie que Pelletier a escrit contre Meigret, où il le reprend de plusieurs traits de s^{on} orthographe. Et vous mesmes ne vous rapportez presque en riens par la vostre à celle, ny de Meigret, ny de Pelletier, ny de Baïf. Qui me fait dire que p^{er}sants y apporter quelque ordre, vous y apportez le desordre. Par ce que chacū se dōnant la mesme lib^{er}té, que vous, se forgera vne orthographe particuliere. Ceux qui mettēt la main à la plume, prennent leur origine de diuers pays de la Frāce, & est malaisé qu'en nostre pronōciation il ne demeure tousiours en nous ie ne sçay quoy du ramage de nostre pays. Ie le voy par effect en vous, auquel, quelque lōgue demeure qu'ayez faite dans la ville de Paris, ie recognois de iour à autre plusieurs traits de vostre Picard; tout ainsi que Polliō recognoissoit en Tite-Liue ie ne sçay quoy de son Padoïan. l'adiouste que soudain que chacun en son particulier se faict accroire estre quelque chose entre nous, aussi nous veut-il seruir de mots non meilleurs, ains qu'il nous debite, par vne faulx

persuasion, pour tels. Le courtisan aux mots douillet, nous couchera de ces paroles, *Reine, allét, tenét, venét, menét*: cōme nous veismes vn des Essars, qui pour s'estre acquis quelque reputation par les huit premiers liures du Romant d'Amadis de Gaule, en ses dernieres traductions de Iosephe & de Don Flores de Gaule, nous seruit de ces mots, *Amonnester, Contenner, Sutil, Calonnier, Aministratiō*. Ny vous ny moy (ie m'asseure) ne prononcerons, & moins encores escrirons ces mots de *Reine, allét, tenét, venét, & menét*, ains demeurerons en noz anciens qui sont forts, *Roine, alloit, venoit, tenoit, menoit*. Et quant à mon particulier dès à present ie proteste d'estre resolu & ferme en mon ancienne prononciation, d'*Admōnester, Contemner, Subtil, Calomnier, Administrer*. En quoy mon orthographe sera autre que celle des Essars, puis que ma prononciation ne se conforme à la sienne. Pelletier en son dernier liure de l'Orthographe & prononciation Françoisse commande d'oster la lettre de G des paroles esquelles elle ne se prononce, comme en ces mots (dit-il) *Signifier, Regner, Digne*, quāt à moy ie ne les prononçay iamais qu'avecques le G. En cas semblable Meigret en sa Grammaire Françoisse escrit, *Pouure & Sarions*; d'autant que vray semblablement sa prononciation estoit telle. Et ie croy que celuy qui a la langue Françoisse naïfue en main, prononcera, & par consequent escrira, *Pauure & Sçaurions*. A tāt puis que noz prononciatiōs sont diuerfes, chacun de nous sera partial en son escriture.

La volu-

La volubilité de la langue est telle, qu'elle s'estudie d'adoucir, où pour mieux dire racourcir ce que la plume se donne loy de coucher tout au long par écrit. Et de fait n'estimez pas que les Romains en ayent usé autrement que nous. Car quand ie ly dans Suetone qu'Auguste fut du nombre de ceux qui pensoient qu'il failloit escrire comme on prononçoit, ie recueille que l'escriture ne symbolizoit en tout au parler, ains qu'Auguste par vne opinion particuliere telle que la vostre, estoit d'un aduis contraire à la commune, toutesfois si ne le peut-il gagner. D'autant que du temps mesmes de Neron, Quintilian nous enseigne que l'on escriuoit autrement qu'on ne prononçoit. C'est vne regle generale non seulement en nostre langue, ains en tous vulgaires, que se trouuât vne parole clause d'une consonante, la consonante perd sa puissance, si le mot qui la suit commence par vne autre, & n'en entendez la force sinon quand elle est suiue d'une voyelle. Par exemple, que ie die: *ne pensez pas que ie vous aime*; le Z de *pensez*, & l'S du *pas* se mangent & elident par les subsequentes consonnes, & n'y a que l'S du *vous*, qui soit ouye & exprimée pour tóber en vne voyelle immediate. Le semblable fut-il aux Romains, comme l'on peut recueillir de ce vers d'Ennius

Egregie cordatus homo catus Æliu' Sextus.

Ou vous voyez à tous les mots qui sont suiuis de voyelle, l'S estre prononcée, & non à celuy d'*Ælius*, par ce qu'il estoit recueilly d'un *Sextus*. Ennius escri-

R

Que les Romains n'orthographient cōme ils pronon-

uoit vray-semblablement cōme il prononçoit; d'autant que la langue Latine n'estoit encore en sa fleur. Mais la posterité ne trouua pas bonne ceste maniere d'orthographe, ores que la pronōciation fut plus courte. Oſtez de nostre escriture les lettres que nous ne pronōçons pas, vous introduirez vn chaos en l'ordre de nostre Grammaire, & ferez perdre la cognoissance de l'origine de la plus grād' partie de noz mots. Confondant le singulier & pluriel ensemble: par ce qu'ē ces mots *Il fait*, & *ils font* le mot *d'Il* se pronōce tout d'une mesme teneur, & represente neantmoins diuers nombres. Car quāt à ce que vous vantez faire beaucoup par vostre opinion, pour l'estranger, qui voudra apprendre nostre langue; pour autāt qu'il apprendra en la lisant, de la prononcer, si vous le pensez, vous-vous mesprenez grandement. Estimez-vous que pour estre le Latin escrit tout de son long, nous le prononçons à son naif? De ma part ie croy que si Ciceron, Cesar, Salluste & tous ces grāds autheurs de la langue Latine reuenoient en leur premier estre, & qu'ils nous ouysſent parler leur langage, ils ne nous entendoient pas, ains trouueroient noz prononciations ajencées, les vnes à la Françoisse, autres à l'Espagnole, autres à l'Alemande, selon la diuersité des nations. Chose que vous mesmes reconnaissez en passant dans vostre Grammaire Françoisse, & dōt nous feismes ample preuue dās la ville d'Etampe en l'an mil cinq cent soixante sept, Monsieur Loyſel & moy allants aux grāds iours de Poitiers, où

ayās rencontré vn escolier Allemāt qui nous voulut entretenir en Latin, nous n'e entendions pas la moitié, ny luy de nous. Ce que ie cognuz à l'œil prouenir de ce qu'en parlant Latin il ne se pouuoit dispenser de la pronôciation de son pays à nous incognuë, ny nous de la nostre. Aussi faut-il que vous me confessiez qu'il y a quelque naïfueré en la prononciation de toutes lāgues, que l'on ne sçauoit représēter dessus le papier. Je le vous verifïeray en peu de paroles sur le sujet mesmes du Latin. Priscian en son premier liure remarque que Plin disoit que la lettre de *L* receuoit trois diuers sons selô qu'elle se rencôtroit diuersemēt avec vnes & autres lettres, y a il aucun de nous qui puisse maintenant sentir ceste diuersité de sons? Je croy que Priscian mesmes ne le sentoit pas, & que l'interualle des ans en auoit fait perdre l'vŕage en son temps, veu qu'au faict de la prononciation de sa langue il alleguoit l'authorité de Plin. Le semblable est-il en nostre langue Françoisē, en laquelle il y a vne infinité de choses qui tombēt en nostre parler, que nous ne sçaurions figurer par escrit. Qu'ainsi ne soit, il n'y a lettre qui soit tant solemnisée, ny que nous mettions tant en œuure comme *l'E*. Or tout ainsi qu'il nous est familier, aussi en auons nous faict deux especes; l'vn que nous appelons masculin, l'autre feminin. Quant au masculin nous l'auons accommodé en trois sortes, que ie ne vous puis exprimer que par exemples, & encores à ceux qui sont nourris en nostre

vulgaire. En la dernière syllabe de *René* vous y voyez vn son, vſez maintenant de ce mot de *cet* pour dire *Cet homme a fait cela* : vous y cognoiſſez vn autre air : paſſez à ce mot de *c'eſt*, comme quand nous diſons *C'eſt vn tref-grand homme de bien*, il y a vn ſon beaucoup plus eſſeüé qu'aux deux autres. Dónez tant de façons nouuelles qu'il vous plaira par voſtre orthographe à ces trois *E* maſculins, encores vous trouuerez vous court de voſtre opinió : & beaucoup plus en *l'E* féminin qui n'a qu'vn demy ſon entre nous, incognu preſque à toutes autres nations, & neantmoins à nous ſi commun que ſoit en rime plate ou croiſſée, il faut pour la grace que de quatre vers les deux ſe terminent en *l'E* féminin. Nous eſcriuons la dernière perſonne du pluriel, aux verbes de la première coniugaíſon par *ent* comme ils, *aiment, donnent, logent*, & autres : l'aduotie que nous ne prononçons point *l'N*. Ce que Pelletier auſſi & Meigret cognoiſſants l'oſterent, ſe contentants de marquer ceſte troiſieſme perſonne par vn *E* féminin conioint avec vn *T* & diſent, *Aiment, Donnet, loget & Bouget*. Preſuppoſez que leurs liures tombent entre mains des eſtrangers qui ne ſoient nourris en noſtre langue, ſ'aduiferont-ils de prononcer ceſt *E* ? non vrayemét, ains par *l'E* plain & maſculin commun à toutes nations : & atant il y aura plus d'abſurdité prononçans ces mots de ceſte façon, que ſ'ils le prononçoient à la Poituiue avecques *l'N*. Menagez comme il vous plaira les lettres de *L* & *N* que nous appellons mignardes,

ie meure s'il est en vostre puissance de vous rendre plus entendible par vostre nouuelle orthographe, que nous par la nostre anciēne, à ceux qui n'ont cognoissance de ces mignardises de lettres. Je viens à ces aduerbes qui tombent plus que souuent en noz bouches, *Diligemment*, *Bonnement*, *Ententiument*, *Doucement*, *Mollement*, *Mignardement* & vne infinité d'autres, ils ne vous sera possible de designer par figure leur derniere syllabe, ainsi qu'ell'est prononcée. Que nous ne prononçons l'*E* pur, i'en suis d'accord; il n'y a que le Picart qui le prononce, & par ceste seule prononciation on cognoist du premier coup qu'il est extrait de Picardie. Que nous le prononçons en *A* comme Pelletier l'a voulu escrire, (car il escrit *Doucement*, *Diligemment*) ie le nie. Le seul mot de *Nuitamment* le vous fera paroistre, auquel vous cognoistrez combien l'*A* de *Tam* est prononcé d'autre façon que le *Ment*. C'est donc vne prononciation qui naist avec nous entre l'*A* & l'*E* que l'on ne sçauoit en aucune façon que ce soit exprimer dessus le papier. A fin que ie ne passe souz silence que pendant que vostre vœu est de nous garentir d'une extremité que vous estimez vitieuse, vous tombez en vn plus grand vice. Nous auons vne diphthongue *Oy* qui est née avec nous, ou qui par vne possession immémoriale s'y est tournée en nature. Diphthongue des pieça recognüe estre nostre par les estrangers. Car ce docte personnage Erasme l'a sceu fort bien remarquer en son liure de la Prononciation. Puis qu'elle nous est

Les diphthongues
oy &
ay Française

naturelle, & que l'estranger ne s'en est pas voulu rendre incapable, quelle faute a elle cōmise depuis pour laquelle il la faille exterminer de la France? Au lieu d'icelle vous auez introduit vn OE & au lieu de ce que nous disons *Moy, Toy, Soy, Roy, Loy, Foy*, vous dites *Moé, Toé, Soé, Roé, Loé, Et Foé*. Ce n'est pas faire cōformer l'orthographe à la prononciation, ains vouloir introduire vne nouuelle pronōciation souz vmbre de vostre nouuel orthographe. Je voy bien qui vous induit à ceste opiniō. Vous estimez que l'I simple, ou l'Y Grec ne peuuent produire autre son cōioints avecques l'O que celuy qui leur est naturel estant separez. Qui le vous a dit? Le mesme v aux Grecs ne produisit-il point en Grece, autre son que le sien, quand lié & vny avec l'O micron on en feit vne diphthongue ou? Prononcez cest ou ainsi que Lambin & les modernes font à present, du son de nostre V François, ou comme les anciens faisoient en l'Latin, vous ne trouuerez point qu'il face cest ou. Le Grec toutes-fois ne le trouua mauuais; & nous serons si enuieux encontre nostre ancienneté, que nous n'admettions le fruit que nous rapporte l'Y Grec conioint avec nostre O? Je voy le semblable estre adueni en la diphthongue de ou, au lieu de laquelle Monsieur de Baïfa voulu inuenter vne lettre nouuelle souz ceste forme de diphthongue Grecque v. On pourroit d'une mesme liberté oster du Grec ces deux caractères ou si nous osons la diphthongue Oy qui est nostre. Et à fin que ie vous

monstre à l'œil que ce ne fut pas sans raison que noz ancestres en la diphthongue d'Oy employèrent l'Y Grec, ie vous puis dire que c'est vn caractère qui a vn son particulier entre nous, non commun avec toutes autres nations, quand il est immediatement suiuy d'une autre voyelle, & qui pour ceste cause merite à bonne raison d'auoir sa place en nostre Alphabet François, autant qu'autre lettre qui soit. Car de ces mots *Moy*, *Toy*, *Soy*, noz anciens feirent vns *Moyen*, *Toyen*, *Soyen*, *Moye*, *Toye*, ~~Et~~ *Soye*. Comme nous voyons dans le Romant de la Rose & autres vieux liures que nous auons depuis eschangez en *Mien*, *Tien*, *Sien*, *Mienne*, *Tienne*, *Sienne*. Ne nous estants resté de ceste antiquité que le mot de *Moitoyen*, que nous approprions aux mœurs, comme si nous voulions dire qu'il fut *Mien* ~~Et~~ *Tien*. Mais combien que nous ayons perdu l'vsage de telles dictions, si est-ce que les mots de *Roy*, *Foy*, *Quoy* & tels autres produisent *Royal*, *Loyal*, *Quoye*. Comme aussi voyons nous semblables deriuaisons aux verbes, comme d'*Ouir*, nous disons, *l'oy*, puis *l'oye*, de *Voir*, ie *Voy*, *Voye*; comme quand on dict Dieu vueille que *i'Oye*, que ie *Voye*. Sçauriez-vous 'representer le vray son & energie de nostre prononciation en pas vn de ces mots, quand vous les escriuez en ceste façon *Loeal*, *Roeal*, *Quoée*, *l'oée*, ie *Voée*. C'est (pardonnez le moy si ie le dy,) ou n'auoir poinct d'aureilles pour iuger, ou penser que nous n'en ayons poinct.

Dont vient
le mot de
Moitoyer.

Le meſme ſe rencontre en l'autre diphthogue, *Ay*, que vous eſchangez en vn *E* pur: ne conſiderant pas que d'un *I* ay vient vn *J* *aye*, d'un *Bay*, vne couleur *Baye*, laquelleſ'il vous aduient de rendre à voſtre façon; vous en ferez vne *Bée*, qui eſt vne prononciation ridicule, & que i'appellerois plus volôtiers vne baye & mocquerie, comme approchât plus du mot de Béc du Berger de Maiftre Pierre Pathelin que de la couleur Baye que vous voudriez ſignifier. Vous voyez doncques que ces deux diphthongues *Oy* & *Ay* n'ont pas eſté introduites par noz anciens fortuitement ny ſans raiſon, comme produiſant certaines dictions que l'on ne pourroit autrement prononcer que ſouſ le ſon que nous auons donné à la lettre *Y* coniointe avec l'*O* ou *A*. Et meſmement qu'elle a ceste particularité naiſſue entre nous autres François, qu'eſtant miſe au milieu de deux voyelles en vn mot elle produit vne prononciatiō (comme i'ay dit) non commune à toute autre nation, & que vous ne ſçauriez deſigner par la plume pour en rendre l'eſtranger capable. Cela ſe voit en ces mots, *Citoyen*, *Moyē*, *Ioye*, *Ioyeux*, *Foye*, *Voye*, *Playe*, *Raye*, *Gaye*, *Saye*. Je le vous repréſenteray par exemple alléz familier en ce mot *Royer*, ſi vous l'eſcriuez par vn *I* en forme de voyelle, vous en ferez trois ſyllabes *Roier*, ſi en forme de conſonante, vous en ferez vn *Rogter* comme ſ'il eſtoit eſcrit par *G*, ſi en voſtre maniere, vn *Roer*: & ſoit lequel des trois qu'il vous plaira, ce n'eſt point ce que nous prononçons en y mettant la lettre

d'Y Grec, qui nous fait vn son melleé, participât partie de la lettre O, partie de la lettre E, & ne tiét ny del'vne ny del'autre, faifâts de ce mot *Royer* deux syllabes tant seulement. Je veux doncques dire & conclurte qu'en vain voulez vous debuter nostre orthographe de la vieille possession, si par vostre innouation vous ne profitez, ny aux vostres ny aux estrangers : aux vostres qui se trouuent beaucoup plus empeschez à dechifrer vostre nouuelle orthographe, que l'ancienne : à l'estranger, pour ne luy pouuoir figurer ce que porte nostre cômune prononciation. Et si vous adiousteray (outre ce que ie vous ay discouru des deux diphthongues *Oy* & *Ay*) que vous corrigez, plusieurs autres particularitez en nostre escriture sans raison. Considerons ces deux lettres (que les vns appellent mignardes, les autres molles) *L* & *N*, dont la premiere nous est commune avec l'Espagnol & Italien ; la seconde avec l'Espagnol seulement. Celle là nous est représentée par l'Espagnol par deux *LL*, par Italien par *GL*. comme vous voyez en ces mots *Gli figliuoli*. Je vous supplie dites moy, y eut il iamais plus d'incertitude que celle que vous y apportez ? Par ce qu'ostant nostre vieille orthographe, auez chacun de vous innoué diuers caracteres, esquels ie me trouue beaucoup plus empesché de trouuer le son mol de ceste lettre, que ie ne faisois auparauât. Or voyez avec quel soing & diligence noz ancestres nous voulurent figurer ce son : car ils ne se contéterent pas d'accoupler les deux *LL* ensemble, mais deuant icelles

adiousterent vn *I* en ceste façon *ILL* pour mon-
 strer que ceste *L* contient obliquement en soy vn
I qu'il faut si ainsi voulez que le die prononcer sans
 le prononcer. Par exemple, mettez ces trois mots en
 auant *Baller*, qui signifie dancier, *Ballier*, qui veut dire
 nettoyer, & *Bailler*, qui est donner. Au premier,
 vous prononcez *L* fermement, au second vous pro-
 noncez le son de *I* entierement avec *L*, au troisiè-
 me vous entreueſchez *I* dedans *L*. Et e'est pour-
 quoy ils retirerent cest *I* deuant les deux *LL*, pour
 monſtrer qu'il ne le failloit pas prononcer avec vn
 si plain son qu'en *Ballier*, mais aussi qu'il ne le failloit
 pas oublier, comme en ce mot de *Baller* où il n'estoit
 point inferé. Le semblable feirent ils en *I* *N* mignar-
 de, que les Espaignols figurent par vne seule figure
 nous par *Ign*, *Seigneur*, *Poignarder*, *gagner*. Si vous dites
Senieur vous prononcez *I* pleinemēt avec *N*, si *Sei-
 gneur* vous ne le dites qu'à demy : Or de cest entrelas
 d'*I* & *N* avec le *G* vous en auez fait *I* *N* mignarde. Il
 n'est pas qu'il n'y ait quelque raison en vne ortho-
 graphe que nous auons veuë autre-fois en ce mot
 d'*Vn* que l'on escriuoit avec vn *G* au bout, lettre qui
 sembloit du tout superflue, de quelque costé que
 l'on voulut tourner la pensée. Mais cela aduint pour
 autant qu'au parauant l'impression, aux liures que
 l'on escriuoit à la main on cottoit les nombres par
 leurs figures *i. ii. iii. iiii. v. vi. vii.* & ainsi des autres
 suiuaſts : & quand on commença de les coter par
 leurs noms on adiousta à *Vn* le *G* pour oster l'equi-

Pourquoy
 ne s'anciens
 escriuoient
 Vn avec le
 G.

uoque qui eut peu aduenir entre ce mot & le nombre de sept représenté par la figure de vii. Mais ce dernier point soit par moy touché en passant. A quel-propos donc tout celà ? Non certes pour autre raison, sinon pour vous monst^{er} qu'il ne faut pas estimer que noz ancestres ayent temerairement orthographié de la façon qu'ils ont fait, ny par conséquent qu'il faille aisément riens remuer de l'ancieneté, laquelle nous deuõs estimer l'un des plus beaux simulachres qui se puisse presenter deuant nous, & qu'auant que de riens attenter au preiudice d'icelle, il nous faut presenter la corde au col, comme en la re-publique des Locriens; & à peu dire que tout ainsi que anciennement en la ville de Marseille ils executoiēt leur haute iustice avec vn vieux glaiue enrouillé, aimants mieux vser de celuy-là que d'en rechercher vn autre qui fust fraîchement esmolu, aussi que nous deuõs demeurer en nostre vieille plume: ie ne dy pas que s'il se trouue quelques choses aigres, l'o n'y puisse apporter quelque douceur & attrepâce, mais de bouleuerfer en tout & par tout ses dessus dessous nostre orthographe; c'est à mon iugement gaster tout. Les longues & anciēnes coustumes se doiuent petit à petit denouer, & suis de l'opiniō de ceux qui estiment q'il vaut mieux cōseruer vne loi en laquelle on est de longue main habitué & nourry, ores qu'il y ait quelque defaut, q' souz vn pretexte de vouloir pourchasser vn plus grand bien, en introduire vne nouuelle, pour les inconueniēts qui en aduiennent aupa^{ra}uāt

qu'elle ait pris son ply entre les hommes. Chose que ie vous prie prendre de bonne part, comme de celuy, lequel combien qu'il ne condescende à vostre opinion, si vous respecte il & honnore pour le bon vouloir qu'il voit que vous portez aux bonnes lettres. A Dieu.

A Monsieur Ramus professeur du Roy en la Philosophie Et Mathematiques.

De la propriété de ceste diction de Sens entre nous, dont est venue ceste maniere de parler Sens dessus dessous.

I'ATENDOIS vne forte responce de vous sur le discours de nostre orthographe, mais puis que n'y auez voulu bailler attainte, il aduiendra parauenture que mes lettres tombants és mains de quelque autre, luy appresteron sujet de parler. Au regard de ce que me mandez que ne pouuez bonnement goustier ceste loquution Françoisise *Sens dessus dessous*: dõt vous escriuant, i'ay vü, vous n'estes pas le premier qui en a fait quelque scrupule; car ie voy plusieurs de ceux qui sont en reputation de bien dire, auoir doubté d'en vser dans leurs traductions, & au lieu d'icelle auoir mis, tantost *Ce dessus dessous*, tantost *Ce que dessus dessous*. Toutesfois i'espere vous leuer fort aisement ce doute s'il vous plaist de considerer cõbien ce mot de *Sens* nous est heureusement familier, quand nous disons que quelque chose est de tel ou tel sens. De ceste parole est venu que nous auons aussi dit, qu'une Chose est sens dessus dessous, & encores *Sens*

deuant derriere, pour donner à entendre que ce qui deuoit estre dessus est dellouz, & deuant ce qui est derriere. Je croy que par ceste petite demonstration auez occasion d'estre satisfait. Quant est de moy ie vous assure que non seulement ie ne la reiette, mais au contraire i'estime que c'est vne maniere de parler fort riche & qui n'a esté reiettée, que par ceux qui n'aprofondirent iamais les richesses de nostre langue. A Dieu.

A Monsieur de Fenssomme.



Vous voulez que ie retourne à ma premiere Grammaire, ie le ferai puis qu'il vous plaist. I'ai dit voirement que combien que nous ayons la langue Latine écrite selon sa naïtue orthographe, si croy-ie que nulle nation ne prononce le Latin en son naïf. Ce que ne devez trouuer estrange. Car si le Romain prononçoit autrement qu'il n'escruiroit, comme i'ay discouru par la lettre de Monsieur Ramus, comment est-ce que de son orthographe vous pouuez recueillir la vraye prononciation? Je franchiray le pas, & vous monstrey piece à piece comme chacun s'en faict accroire ainsi qu'il veur. Nous veismes en nostre ieunesse que les grands maistres du Latin prononçoient le C conioint avec E & I en forme d'S, puis peu de temps apres qu'ils le prononcèrent cōme le γ Grec: ne s'aduissant pas que pour ne rendre l'S inutile ils tomboient en pareil vi-

Que nulle nation ne peut dire si elle prononce au vray la langue Latine, comme les Romains

Les diversités qui s'y rècontr. en la prononciation des Latins,

III. LIVRE DES LETTRES

ce faisants tomber au son d'une seule lettre ce que le Latin voulut exprimer par *C* & *H*. Pour ceste seconde opinion l'on disoit que l'Italien successeur du Romain faisoit le semblable en sa langue. Il est successeur immediat du Got. Qui me fait penser qu'il ne le faut pas aisément tirer en exemple. Quoy? S'il y a une troisième opinion qui efface par aventure ces deux autres? Car si le mot de *Cocus* se devoit écrire par *Cus* ainsi que *Oculus* & *Arcus* comme nous l'enseigne Priscian en son premier liure, la rencontre de Cicéron est grosse & froide quand il rendit le salut au cuisinier devenu Magistrat, *Et tu coce*, ou il faillloit nécessairement que ceste lettre de *C* liée avec *l'E*, receut mesme prononciation comme avecques *l'A*. D'ailleurs pourquoy luy ferons nous exercer en ces deux voyelles *E* & *I* autre son qu'en ces trois autres *A O U*? Veu que le Grec en son α que les Latins representent souz leur *C* usa tout d'un mesme son en toutes les voyelles, ie dy en α ϵ ι \circ & ω . Et de ceste dernière opinion semble auoit esté Monsieur Ramus en sa Grammaire Françoisse, où il s'est contenté d'un seul *C* conjoinct avec toutes sortes de voyelles pour représenter ce qu'ordinairement nous faisons avec *Q* & *U*. Car quant au *K* que l'on adiouste en l'alphabet soit Latin soit François, il n'y a homme si peu clairvoyant qui ne iuge que c'est une lettre inutile & que l'on y a adioustée sans propos. Venons au

G, pourquoy prononçons nous mollement ces mots *Gnato*, *Ignauus*, *Ignarus*, si ce n'est à la Françoisise, ou si ce G lié avec N produit ce son en ceux-là, pourquoy ne faiët-il le pareil en *Gneus*? Et finalement dont vient & que l'Allemand & l'Italien le prononcent fortement & d'une autre sorte que nous? Il faut que ceux-là, ou nous, ayons tort, & n'y a nul qui puisse iuger de ce tort. Je vous laisse qu'en ceste mesme lettre l'Allemand y apporte tout autre son en ces mots, *Guttur*, *Gaudio*, *Gordius*, les prononçant par *I Inttur*, *Iaudio*, *Iordius*. Je vous laisse encores qu'il nous est impossible de dire si le Romain prononçoit le G és lettres de E & J autrement qu'en celles de A, O, U. Car quant à la lettre dé L où reconnoistrez-vous en nous les trois diuers sons que Pline luy attribuoit? Au regard du Q que nous faisons estre suiuy naturellement par vn U, dont vient que nous prononçons cest V avec les lettres de A E & I & non avec l'O. Et ie vous dy qu'il y a grande apparence que l'on le li doit aussi bien en l'A E & I comme en l'O, si nous voulons rendre la rencontre de Cicéron de toutes parts accomplie en ce mot de *Cocce* dont j'ay parlé cy dessus, car si l'on prononçoit l'U en la dernière syllabe de *Quoque* aduerbe, Cicéron manqueroit d'une lettre en son *Cocce*. Vous me direz qu'il y a grande apparence que *Cocus* deust estre

escriit *Coquus* & prononcé *Coqué*, comme venant de *Coquo*, *Coqus*, & ie vous respons que l'opinion de Priscian estoit que ce mot se deuoit orthographier par vn C, & que les premiers & plus vieux Romains l'escriuant par vn *Qu* sçauoit esté par vne licence, ainsi qu'en ces mots *Arquus* & *Oquulus* que la posterité auoit corrigée, escriuant *Arcus*, *Oculus*, *Cocus*. Le viens à la lettre de S. Auquel des deux adiousterez vous plus de foy, ou à celuy qui la prononce comme deux SS quand elle est entre deux voyelles, *Caussa*, ou à l'autre qui en fait vn Z, *Cauza*. Le premier dict que Ciceron en vsoit ainsi; l'autre, qu'il a appris la seconde prononciation de main en main. Pareille difficulté se rencontre en la lettre de T, laquelle au meilieu d'un mot nous transformons en TC *Uircium*, *Conuitcium*, *Planities*, hormis aux deux genitifs du nombre pluriel de *Lis* & *Vitis* où vous prononcez le T plainement. Pourquoi dessous mesme lettre exerçons nous diuers sons? Ramus prenant ceste consideration en payement, puis quelques ans en ça à voulu bannir de sa langue ce TC, mais tout ainsi que ces genitifs *Litium* & *Vitium*, aussi prononce-il *Planities*, *Conuitium*, & tous autres de mesme marque avec le T plain & naturel. En quoi il est encore repris de tous les autres Regens de nostre Vniuersité de Paris. Entât que touche la lettre V il y a beaucoup plus d'obscurité, soit que vous en vsiez ou comme d'une consonante, ou bien comme d'une voyelle. Si en forme de consonante les anciens la prononcèrent entre

l'V & *l'F* & plus approchant de *l'F*, ce que vous ne faites. Et de fait le mesme Priscian que i'ay cy dessus allegué expliquant sa valeur dit que ceste lettre estât mise au lieu d'une consone auoit jadis à Rome pareils effets que le digamma Æolique qu'ils figuroiēt souz deux *G* Grecs, & que les Æoliens auoient nommé *Vau* de la lettre *V*, pour lequel *Vau* mesme Iules Cesar auoit voulu mettre la mesme figure, toutesfois que le long vsage surmonta son opinion. Or que la pronôciation de ce *Vau* flechisse plus à *l'F* qu'à *l'V* la seule figure de ce digama Æolic nous l'apprend. Car mettez deux Grecs ensemblement vous en composez *l'F* Latine. Si vous prenez ceste lettre de *V* en sa vraye & originaire nature de voyelle, encore y serez vous plus empesché de sçauoir s'il la faut prononcer de la façon que nous vsons en France de nostre *V*, ou bien cōme font les Italiens, Espagnols, Allemants en *Ou*: la premiere opinion est fauorisée d'une raison qui n'est pas petite. Car l'on ne fait iamais de doubte que le simple *υ* des Grecs, ne se prononçoit selon la diphthongue Grecque *υ*. Or est-il que pour transplanter dans le Latin quelques mots Grecs escripts avec *υ* ils choisirent la lettre de *V*, comme nous voyons en ces dictions *υ*s *Sus*, *μυ*s *Mus*, *ὑπερ* *Super*, *ὑπερβ* *Superbus*. Consequemment il y a grande apparence de dire que *l'V* Latin ne se prononçoit, non cōme *l'υ* Grec, ains avec la simplicité de son que nous le prononçons entre nous. Et de fait souz ce mesme gage Denis Lambin professeur du Roy en la

*Comme se
prononçoit
anciennement
dans Rome
la voyelle υ*

langue Grecque prononçant l'*υ* Grec luy donnoit
 meisme son comme nous faisons à nostre *V* François.
 Tournez maintenant le fueillet, vous trouuerez que
 quand les Romains voulurent faire Latins quelques
 mots Grecs qui portoiēt la diphthongue *υ* ils y em-
 ployerent le meisme *V*, comme nous voyons en *μῦ-
 σα*, *Musa*, & autres. Si l'*υ* se fut prononcé ainsi que le
 simple *υ* il n'est nullement à presumer qu'ils eussent
 choisi ceste lettre pour représenter ce diphthongue.
 En ce diuorce d'opinions laquelle des deux pronon-
 ciations iugerez vous la meilleure? De ma part si i'o-
 sois en ceci aucunement interposer mes parties, ie se-
 rois pour la secōde. Par ce que ie voi toutes les natiōs
 del'Europe incliner en ceste opinion, & qu'il n'y a
 que nostre France où l'on prononce l'*υ* cōme nous
 faisons. Lequel concours de tant de volontez ense-
 mble, n'est pas de petit effect & autorité en mon en-
 droit. I'adiouste que combien, que le Latin ne porte
 la diphthongue de *Ou*, toutes-fois nostre langage
*V*valon s'estant trans-formé en Romain, que nous
 appellasmes Roman; & que nous aprismes plus des
 Romains les oyants parler, que par regles, ie voy que
 la plus grand partie de leurs mots, où se trouue l'*υ*.
 Nous en auons fait vne diphthongue Françoisē, cō-
 me nous voyons en ces mots; *Courir*, *Cour*, *Ours*,
Loup, *Four*, *Tour*, *Sourd*, *Tourtre*, *Coupe*, *Doux*, *Poux*,
Poulser, *Doubter*, *Poupée*, *Doubler*, *Poupe*, & infinité
 d'autres que l'on penseroit de prime face nous estre
 naturels François, combien qu'ils soient empruntez

de ces mots Latins, *Currere, Curia, Vrsus, Lupus, Multum, Furnum, Turris, Surdus, Turtur, Cuppa, Dulcis, Pulsus, Pulsare, Dubitare, Puppa, Duplicare, Puppis*. Qui me fait penser que les Latins n'ayants point ceste diphthongue *Ou*, ils prononcèrent l'*V* de la façon que nous le voyons en ces mots, *Courir, Cour* & autres, & que le prononçant ainsi, noz vieux François à leur suite les accommoderēt à leur vsage au plus pres de la prononciation Latine. Et pour condescendre plus aisément à ceste opinion, il y a deux vers d'Aufone qui m'en asseurent presque de tout point, l'un, en l'epigramme où s'estudiant de représenter la puissance & valeur des lettres Latines, quand il vient à parler de celle de *V* il dit.

Cecropiis ignota notis furiale sonans V.

Vers duquel ie rapporte deux choses; l'une qu'il n'auoit nulle lettre Grecque qui se rapporta au son de l'*V* Latin. Par conséquent que c'est errer de dire qu'il se prononça comme l'*υ* Grec. L'autre qu'Aufone eut begayé des oreilles de dire que la lettre ds *V* rapportast vn son furieux, si on l'eut prononcé cōme le nostre, qui n'est pas moins doux que l'*E* & l'*I*. Il faut doncques le rapporter à cest *υ*. Chose que luy-mesme donne bien mieux entendre en termes precis, quand en vne epistre qu'il escrit à Paulin, il l'accuse de ce qu'il ne receuoit aucune responce de luy, & apres s'estre iouié diuersement sur celà, il luy dit que s'il estoit tāt occupé qu'il ne peut, ou si desdaigneux qu'il ne voulut luy respondre, pour le moins qu'il se

contentast de luy enuoyer vne lettre Latin, qui signifie *Non*.

Una fuit tantum qua respondere Lacones

Littera, & irato Regi placuere negantes.

Par laquelle lettre il entendoit nommément l'V, qui se prononçoit en v, lequel signifie *Non*, en Grec en ce mot *vv*. Mais comme j'ay dit ailleurs c'est chose assez familiere aux langues de ne prononcer toutes les consonantes qui se trouuent à la fin des mots. Si l'estois iuge de ceste cause, ie serois pour ce party là; toutes-fois vous voyez qu'il y en a d'autres de contraire aduis, côme j'ay cy dessus deduit. Disants en outre qu'il ne se faut arrester à l'autorité d'Aufone, par ce que de son temps la prononciation du vray V auoit peu par succez de temps estre transformée en vn autre son par le moien de la diuersité des peuples qui dès pieça coutoient parmy l'Empire de Rome. Ce que ie vous dy, est pour vous monstrier qu'il n'y a riens si certain en la proposition que soustenez, que l'incertaineté. Mais il y a quelques anciens Grammairiens (dites vous) qui nous ont enseigné la valeur des lettres. Dont vient doncques ceste incertitude? Je vous respondray premierement que l'escriture n'est que comme l'image de la parole: & est impossible à vn peintre de pouoir parfaitement atteindre par son pinceau au naïf de celuy qu'il veut figurer en peinture: combien doncques moins à nous, quand par noz plumes voulons représenter vne chose qui n'a point de corps, ie veux dire la parole? D'ailleurs.

ie vous pourrois encore dire ce que ie disois maintenant d'Aufone, que parauenture ces Grammairiens ont exprimé les lettres selon le son qui s'estoit insinué entre eux par la corruption de leur siecle, & non selon la pureté qui estoit lors, que la repub. de Rome florissoit en son bien parler. Car pour bien dire il semble que les Grammairiens viennent tousiours apres que les langues ont pris leur perfection. D'autant que ceux qui font profession de bien parler, estiment chose trop basse de vouloir donner reigles de la Grammaire, ou bien ils ne s'en aduisent pas, ains se gouuernent selon l'v'sance commune. Ce qui aduint par expres dans Rome, où vous ne trouuerez nul Grammairien lors de la fleur de la langue, & long temps apres, comme furent vns Seruius, Priscian, Donat, Diomede, Phocas, Agrestius, Capèr, Probus, & le dernier Laurent Valle. Car quant à ceux qui sont solemnisez par Suetone, au liure qu'il a expressement dedié pour cest effect, ce n'estoient pas tels Grammairiens que ceux dont nous parlons aujourdhuy, ains comme censeurs, auoient charge sur les liures que l'on diuulguoit, corrigeants les dictions foibles en autres plus metables, ainsi que nous aprenons de Quintilian en son premier liure. Par ce que les reigles leurs estoient trop familiares & si domestiques, qu'ils eussent pensé apprestier à rire, s'ils en eussent voulu faire des liures. Et depuis par succession de temps se diminuant l'honneur de la

Les Grammairiens se font apres que les langues sont paruenues à leur perfection.

III. LIVRE DES LETTRES

langue Latine, ceux qui succederent à ces premiers estimerent qu'il faillloit rediger en preceptes ce qui estoit de la Grammaire, pour seruir de guide aux autres. Mais ce fut lors que la beauté & naïfueté de la prononciation, aussi bien que du langage, auoit pris coup, & que la langue Latine ne se trouuoit plus que dans les liures. Partant ne m'alleguez ces Grammairiens au sujet que nous discouons. Aufquels toutes-fois i'adiousterois quelque foy & créace, s'ils eussent sceu si bien exprimer chaque caractere par leurs plumes, comme ils les representoiét en parlant. C'est en somme ce que i'auois à respondre à voz lettres: si bié ou mal ie vous en fais iuge. Tant y a que si ie suis fol en cest endroit, ie le pense estre avec raison. A Dieu.

A Monsieur le General d'Estournet.

*Il recoman-
de vn sien
amy au Ge-
neral d'E-
stournet.*

POVR autant que ces iours passez Monsieur Belut vostre Procureur est allé de vie à trespas, & qu'il vous en faut choisir vn autre, ie me suis aduisé de vous escrire la presente en faueur de Monsieur Chauveau: il est homme de bien, & tel que ie m'asseure qu'aurez oontentemét de luy: & encorés que ie ne face doubte qu'vne simple lettre venant de sa part seroit d'aussi & plus grand merite enuers vous, que mes recommandations, pour estre homme qui se recommande de soy-mesme & que vous cognoissiez fort bien, pour l'auoir puis n'ague-

res traité en vostre logis avec moy, si est-ce que par vn droit de priorité, & comme ayant la premiere hypothèque sur vous, ie me suis ingeré d'en faire la premiere requeste; laquelle m'estâr par vous enterinée, ce me sera vn surcroist d'obligation pour vous obeir en toute chose où il vous plaira m'employer. A Dieu.

A Monsieur de Tiard seigneur de Bissy.



AMAI courtoisienne se trouua quin'ait esté suiuite d'une recompense en vne ou autre sorte, & quelque-fois lors que moins on y pense. A quel propos celà? Pour vous dire qu'il y a quatre ou cinq iours que passant deuâr la maison de l'un de mes cōpaignons, ie le vouluz visiter: & apres auoir fait quelques tours dans sa sale, ie demande de voir son estude. Soudain que nous y sommes entrez, ie trouue sur son poulpitre vn vieux liure ouuert. Il m'écquiers de luy de quoi il traitoit. Il me respōd que c'estoit l'histoire du Roy Louys vnzième, que l'on appelloit la mesdisante. Je la luy demande d'emprunt, comme celle que ie cherchois, il y auoit long temps, sans la pouuoir recouurer. Il m'en la preste. He vrayement (dy-ie lors) ie suis amplement satisfait de la uisitation que i'ay faite de vous. Ainsi feussé-ie promptemēt payé de tous ceux qui me doiuent. L'emporte le liure en ma maison, ie le liz & digere avec telle diligence que ie faiz les au-

*Sommaire
recueil des
mœurs du
Roy Louys
vnzième.*

tres. En vn mot, ie trouue que c'estoit vne histoire, en forme de papier iournal, faite d'une main peu industrieuse, moins diligente & non partiale, qui n'oublioit riens de tout ce qui estoit remarquable de son temps. Tellement qu'il me sembla qu'il n'y auoit que les mesdisants qui la pussent appeller mesdisante. Appelez vous mesdisance en vn historiographe, quand il vous estale sur son papier la verité toute nue? Nul n'est blecé que par soy-mesme. Le premier scandale prouient de celuy qui fait le mal, & non de celuy qui le raconte. Je pensois auparauant que cest autheur se fust seulement vouüé à la recherche des vices de Louys vnzieme. Il n'en est riens: ayant d'une mesme balance pesé les vertus & vices ensemble. Mais s'il vous plaist rechercher l'histoire mesdisante de ce Roy, vous la trouuerez vrayement & sans hypocrisie dans Claude Sceissel en l'Apologie de Louys douzieme, où il met sa vie au parangon de tous les autres Rois de France: & quād il arriue à celle de Louys vnzieme, croyez qu'il fait vn fort bel inuentaie de ses mœurs. Au contraire Philippe de Commine fait profession expresse de le celebrer, voire le mettre à la veüe de tous les Princes, pour leur seruir d'exemple, ainsi que Xenophon, vn Cyrüs, tous deux certes grands personnages: cestuy-là Euesque de Marseille, & qui par plusieurs beaux liures qu'il a faits, mesme celui de nostre loy Salique, a mōstré combiē il auoit de bon sens: cestuy seigneur de marque qui auoit de son temps bonne part à toutes les affaires d'estat de nostre

*Philippe de
Commine &
Claude Sceis-
sel sur vn
mesme su-
iet de Louys
vnzieme
escriuent cho-
ses diuerfes.*

nostre Royaume. Voyez doncques quelle foy historique nous pourrons recueillir de ces deux auteurs. Et neantmoins l'un & l'autre a dit verité. Car comme Dieu balance en nous les vertus par le contrepoids de noz vices, pour ne nous redre du tout accomplis, aussi est-il vray que ce Roy se rendit autant considerable en ses vices, comme en ses vertus. S'estant en l'un & l'autre point attaché aux extremités. Orentendez ie vous prie quel fruit i'ay tiré tant en bien qu'en mal de tous ces auteurs. Je trouue en ce Roy un esprit prompt, remuant & versatile, fin & saint en ses entreprises, leger à faire des fautes, qu'il reparoit tout à loisir au poix de l'or, Prince qui scauoit par belles promesses donner la muse à ses ennemis, & rompre tout d'une suite, & leurs coleres, & leurs desseins: impatient de repos, ambitieux le possible, qui se iouoit de la Iustice selon que ses opinions luy comandoient, & qui pour paruenir à son but n'espargnoit riens ny du sang ny de la bource de ses sujets; & ores qu'il feist contenance d'estre plein de religion & de pieté, si en vsoit-il, tantost selon la commodité de ses affaires, tantost par une superstition admirable; estimant luy estre toutes choses permises, quand il s'estoit acquité de quelque pellerinage. Brief plein de volonte absolues, par le moien desquelles, sans cognoissance de cause il apointoit & desapointoit tels officiers qu'il luy plaisoit: & sur ce mesme moule se formoit quelquefois des fadaïses & sotises dont il ne vouloit estre desdit. Comme quand il se fait ap-

porter tous les oiseaux caquetoirs de Paris en sa châtre, pour se donner plaisir de leur iargon. Mœurs & façons de faire qui luy cuiderent vne fois couster la perte de son Royaume, quand souz le masque du bien public, les Princes se liguerent encontre luy, & qu'il se veit au dessouz de toutes affaires à la journée de Montlehery: toutesfois apres auoir quelque peu respité par le bon seruice que luy feit le Parisien, il dissipa sans coup ferir tous leurs conseils. Et depuis donna tel ordre à ses affaires par vne habilité d'esprit qui luy estoit familiere, qu'il rompit, par interposition de personnes, la force & l'orgueil du Bourguignon son ennemy formel & iuré: annexa à la couronne, par l'entremise de quelques-vns, le Comté de Prouence: se pourchassa des pretensions sur l'estat de Bretagne, lesquelles vray-semblablement il eut fait reüssir, s'il n'eust esté preuenu de mort. A maniere que se trouuants toutes ces messâges de bien & mal en vn sujet, ce n'est point sans occasion que ce Roy ait esté extollé par quelques-vns, & par les autres vituperé? Voilà ce que i'ay peu recueillir en brief de toutes ses actiōs. Mais tout ainsi que les abstracteurs de quinte essence, ayants alambiqué pour la premiere fois l'eauë de vie du vin, la rectifient puis apres par vn second alambic, dont ils tirent vn esprit plus subtil, aussi de tout cest abregé ie tire vn discours plus haut. Je voy au bout de tout celà vn iugement de Dieu, qui courut miraculeusement dessus luy. Car tout ainsi que cinq ou six ans auparauant son adue-

*Iugement de
Dieu qui
courut sur
le Roy Louis
vnzeiesme.*

nement à la couronne, il auoit affligé le Roy son pere, & qu'il se bannit de la presence de luy, ayant choisi pour sa retraite le Duc de Bourgongne, qui estoit en mauuais mesnage avec nous, aussi sur son vieil aage fut il affligé, non par son fils, ains par soy-mesmes, en la personne de son fils, qui n'estoit encores capable pour la grande ieunesse de riens attenter contre l'estat de son pere. Tellement que pour le rendre moins habile aux affaires, il ne voulut qu'en son bas aage il fust institué aux nobles exercices de l'esprit: & encores le confina au chasteau d'Amboise, l'esloignant en ce qui luy estoit possible de la veüe de sa Court. Dauantage ayant excessiuement affligé son peuple en tailles, aides & subsides extraordinaires, & tenu les Princes & grands seigneurs en grâdes craintes de leurs vies, ainsi que l'oiseau sur la branche. (Car nul ne se pouuoit dire assuré, ayant affaire avec vn Prince infiniment diuersifié.) Aussi sur le declin de son aage, commença-il à se defier de tous ses principaux sujets, & n'y auoit riens qui l'affligea tant que la crainte de la mort: Faisant és recommandations de l'Eglise plus prier pour la conseruation de sa vie, que de son ame. C'est la plus belle philosophie que ie raporte de son histoire. Je dirois volontiers que les historiographes se dōnent la loy de faire le procez aux Princes: mais il faut que ie passe plus outre & adiouste, que les Princes se le font à eux-mesmes. Dieu les martelle de mille tintoins, qui sont autant de bourreaux en leurs consciences. Ce Roy qui auoit faict

mourir tant de gens, ainsi que sa passion luy en dictoit les memoires, par l'entremise de Tristan l'Hermite, luy mesme estoit son triste preuost; mourant d'une infinité de morts le iour, auant que de pouuoir mourir. Estant entré en vne generale desiance de tout le monde. Ceste-cy est vne belle leçon que ie souhaite estre empreinte aux cœurs des Rois, à fin de leur enseigner de mettre frain & modestie en leurs actions. Communes fera son profit de la vie de ce Roy pour monstrier avec quelle dexterité il sceut auoir le dessus de ses ennemis: & de moy toute l'utilité que j'en veux rapporter sera, pour faire entendre comme Dieu sçait auoir le dessus des Rois quand il les veut chastier. A Dieu.

*A Monsieur de Marillac seigneur de Ferrieres
Conseiller du Roy & Maître ordinaire en sa
chambre des Comptes de Paris.*

*Sommaire
discours de
la fortune
de Jacques
Cœur.*

*Jacques
Cœur & le
connestable
de Luxem-
bourg.*



LEST ainsi comme vous le dites: ie ne pense point que la France ait iamais porté hōme qui par son industrie, sans faueur particuliere du Prince, soit paruenue à si grāds biens, cōme Jacques Cœur. Il estoit Roi, Monarque, Empereur en la qualité. Et tout ainsi que l'on descouure la grandeur de la vielle Rome par ses ruines, aussi pourroy-ie dire le semblable de cestuy-cy. Je dirois volontiers que ce grand Conne-

Rable de Luxembourg, souz Louys vnzième, estoit vn autre Iacques Cœur entre les Princes, & Iacques Cœur, souz Charles septième entre les gés de moième conditiō, estoit vn autre Connestable de Luxembourg. L'vn & l'autre commanderent quelque-fois aux Princes, se maintindrēt diuersement chacun endroit soy en leurs grandeurs, en fin receurent le guerdon dont la fortune iournaliere recōpense ordinairement les plus grands: celui-là par vne mort honteuse, cestuy par vne amende honorable, & perte generale de ses biens. Toutesfois ny l'vn ny l'autre ne furent si mal appointez que leur posterité ne se soit trouuée grāde. D'autant que le Cōnestable de Luxembourg eut vne fille de son fils aîné, laquelle depuis alliée par mariage avec l'vn des premiers Princes de France, laissa vne infinité de grands biens: & Iacques Cœur eut aussi eu vne petite fille qui pour la grandeur de ses biens fut coniointe par mariage avec l'vne des premieres familles de Paris. Or quāt à son procez, si les Iuges n'y eussent passé, ie dirois presque que c'estoit vne calomnie, mais ie ne mentiray point quand ie diray que la jalousie des grands, qui estoient pres de Charles septième luy trania ceste tragedie. Les principaux chefs de son accusatiō estoient, qu'il auoit fait trāsporter dās les galeres des armes en Egypte, dont il auoit fait present au Souldan, qui depuis en auoit obrenu victoire encōtre les Chrestiens: qu'il auoit fait empoisonner Agnes Sorelle (c'est celle que noz Annales appellent la belle Agnes) que dés lan

*Causes pour
lesquelles
Iacques
Cœur fut
condamné*

mil quatre cens vingt neuf (voyez où l'on alloit rechercher ses fautes, car son procez luy fut fait en l'an mil quatre cens cinquante) estant personnier & cōpagnō à la ferme des monnoies de Bourges, il auoit fait forger escuz à moindre prix & alloy comme de lxxvi, lxxxiiij, & lxxxix pour le marc, & à quatorze & xv. carats, combien qu'il les deut auoir forgez à lxx. escuz pour marc, & dix & huit carats pour escu, & par ce moien y auoit eu gaing de xx. & xxx. escuz pour marc, au lieu de dix. Plus qu'en l'an mil quatre cens xlvj, la galere de saint Denis à luy appartenant estant en Alexandrie souz la conduite de Micheler Tainturier patron d'icelle, vn ieune enfant Chrestié de l'aage de xiiij. à xv. ans de la terre de Preteian, detenu esclauc, s'estoit venu rendre à ceste galere, & prosterné à deux genoux deuant ce patron, criant, *Pater noster*, *Aue Maria*, & protestant qu'il vouloit viure & mourir Chrestien : duquel le patron ayant compassion, l'auroit chargé dans son vaisseau, & emmené en France. Chose qui n'auroit esté trouuée bōne par Iacques Cœur, qui l'auroit fait ramener à son maistre, craignant que si le Souldan en eut esté aduertý, il n'en eut esté courroucé contre luy. Tellement que l'enfant estāt ramené, auroit de rechef abiuré le Christianisme. Il y a quelques autres charges, mais celles cy sont les principales de son procez, pour lesquelles par arrest donné par le Roy Charles septiesme en son grand cōseil, au chasteau de Lusignan le xxv. de May mil quatre cens cinquante & trois, il fut condamné

en cent mil escuz, pour la restitution des choses mal prises au Roy, & trois cens mil escuz d'amende, & ses biens declarez acquis & confisquezz au Roy es lieux où confiscation auoit lieu: & declara le Roy qu'il luy remettoit la vie, par ce qu'il en auoit esté prié par le Pape. Ce neantmoins qu'il seroit inhabile à tenir offices Royaux, & portoit l'arrest en ces termes, *Qu'il estoit condamné à faire amende honorable en la personne du Procureur general, nuë teste, sans chaperon, & ceinture, à genoux, tenant en ses mains vne torche ardëte de dix liures de cire: en disant que mauuaisement, induemēt & cōtre raison, il auoit enuoié des harnois & armes au Souldan ennemy de la foy Chrestienne, & fait rendre aux Sarrazins le susdit enfant, & transporter grande quantité d'argent.* Iugez ie vous prie si ie l'ai mal à propos appellé Monarque en sa qualité, veu q̄ d'un costé l'un des principaux chefs de son accusation estoit pour quelque correspondance qu'il auoit eue avecques le Souldan d'Egypte: & que d'un autre, le Pape se rendit intercesseur enuers le Roy pour luy remettre la vie. Et qui est histoire plus admirable & dont ne se trouue la semblable, soudain qu'il fut condamné, estât au dessouz de toutes affaires, il trouua soixante ou quatre vingts hommes ses anciens seruiteurs, qui en luy faisant seruice estoient paruenus à grands biens, chacun desquels luy presta mille escuz, pour supporter plus doucement son infortune, pendant qu'avecques le temps il trouueroit moié de se rehabiliter en ses biens, souz le bon plaisir du Roy. Prest non fondé sur autre hy-

potheque que sur la memoire des plaisirs qu'ils auoient receuz de luy, quād il auoit le vêt en pouppe. N'estant chose moins esmerueillable qu'un simple citoien durāt sa prosperité, eut fait tant de creatures, que de voir tant de creatures auoir reconnu leur bien-faiteur au temps de son aduersité. Somme ie veux dire que c'estoit en sa qualité vn autre Roy Alexandre qui auoit produit plusieurs Rois. Au demeurāt pour ne vous laisser riens de ce qui appartient à son histoire, & luy seruir d'un Quinte Curse, ie trouue qu'il eut quatre enfans, Messire Henry qui fut Archeuesque de Bourges, Rauault, Geofroy & Perrette Cœur, laquelle auoit esté mariée à Iacques Troussseau seigneur de Marueil & de saint Palez dés l'an mil quatre cens xlvij, à laquelle en faueur de mariage ses pere & mere auoient baillé la somme de dix mille liures, moyennant laquelle somme elle renonça à toutes successions futures de pere & mere & de ses freres. L'arrest ne fut si tost prononcé contre luy qu'il procedast par voye de saisie & arrest sur vne infinité de biens meubles & immeubles à luy appartenants, dont la plus grand part fut exposée en vente. Et ceste commission baillée à Iean Briçonnet citoien de Tours. Depuis il brisa les prisons, qui ne luy estoient pas, à mon iugemēt trop fermées, puis que l'on auoit ce que l'on desiroit de lui, & quelque temps apres ceda. Nous trouuōs aux registres de la chambre des Comptes de Paris, la composition que le Roy Charles septiesme feit avec Rauault & Iacques Cœur ses enfans,

*Compositio
des enfans
de Iacques
Cœur avec
le Roy Char-
les septies-
me.*

enfans, qui est du cinquiesme Aoust 1457. par laquelle il leur remet les maisons de Bourges, & des environs, ensemble celles de Lyon, avec les mines d'argent, plomb & cuiure de la montaigne de Pompaieu & de Cosne, & le droit que le Roy auoit és mines de saint Pierre le Palu & de Ioz de la montaigne de Tarare, avec les vtenfiles, terriers & registres, sans aucune reserue fors du dixiesme & ancien droit. Leur cede encores les biens meubles & debtes actiues du defunt, lesquelles n'estoiēt encores venuës au profit du Roy ou de ceux ausquels il en auoit disposé, sauf aussi & reseruē les biens qui estoient à Tours ou autres, esquels Briçonnet auoit esté cōmis, & quelques autres particulieres debtes deuës par des seigneurs courtisans plus amplement mentionnées dans ceste composition, à la charge que Rauault & Geofroy Cœur seroient tenuz d'acquiter le Roy de toutes les debtes passiuës en quoi Jacques Cœur pouuoit estre tenu. Et aussi qu'ils renonçoient à tous les biens saïs & mis en la main du Roy, encores qu'ils eussent pretendu les aucuns auoir appartenü à leur mere. Cecy me fait souuenir de ceux qui desmenagent lesquels en desmenageāt recognoissent beaucoup plus la quantité de leurs meubles, que lors qu'ils estoient en bonne ordonnance dedans leurs maisons, aussi par ceste composition, qui estoit cōme vn demenagement du reste des grāds biens de Cœur, l'on peut presque recueillir quelle fut l'ineestimable grandeur de ses faulcez. A Dieu.

A Monsieur de Marilhac seigneur
de Ferrieres.

Pourquoy
nous disons
Chaperon-
ner pour
Bônerer:
et aussi d'où
vient qu'on
fait quitter
la ceinture
à celui qui
fait cession
de biens.

LA particularité de l'arrest de Jacques Cœur, portant qu'il feroit amende honorable sans chaperon, & sans ceinture, m'a fait ramenter. Je ne sçai quoy de l'ancienneté de la France, dont il me plaist vous entretenir par la presente, pendant que vous-vous dispensez dans Ferrieres d'entretenir voz pensées avecques voz arbres. Quant est du mot de Chaperon il est certain que noz anciens en vsoiét au lieu de Bonnets qui sont entre nous en vusage. D'où vient que nous disons encores *Chaperonner*, pour *Bônerer*: & que nous auons emprunté de noz ancestres ce vieux adage, *Deux testes en vn chaperon*, quand deux personnes s'entendēt: ainsi l'arrest de Jacques Cœur portoit qu'il feroit amende honorable nuë teste & sans chaperon. Ce qui se pratique ordinairement contre tous ceux qui souffrent pareille condamnation: mais d'y auoir adiousté *sans ceinture*, ie ne l'ay iamais leu en vn autre arrest, au moins qu'il m'en souuienne. Pourquoy doncques estimerons-nous que ce mot y fut adiousté? Je le vous diray, & voyez si ma diuination sera alloitable. Noz anciens estimoient qu'en la ceinture gisoit la remembrance generale de tous noz biens. Il faut que nous soyons logez; que nous sustêrions par aliments nostre corps, que nous ferrions les deniers dont voulons aider le commun

cours de nostre vie, que traualions selon la diuersité des estats auxquels nous sommes appelez, qui d'une espée, s'il fait profession des armes, qui de la plume, s'il est homme de robbe lōgue. C'est pourquoy noz bons vieux peres considerants ce qui estoit de leur necessité, & non de piafe, portoient penduës à leurs ceintures, leurs clefs (pour entrer dedans leurs maisons) leurs cousteaux, (pour s'en aider à la table) leurs bources ou gibecieres, (pour y mettre leur argent) & encores leurs espées ou escritaires selon la diuersité de leurs vacations. Et de là vint pareillement que quand vn homme vouloit faire cession de biens, il estoit contraint deuant la face de son Iuge quitter sa ceinture (ce qu'encores nous practiquons auourd'huy) non point pour le noter d'infamie, ains pour denoter par sa ceinture la figure de toute la commodité de ses biens. Mon opinion est doncques, quand on meit *sans ceinture*, à Iacques Cœur, que c'estoit pour exprimer d'auantage, qu'on entendoit le denuer de tous biens. Le mot de confiscation l'emportoit, (me direz-vous) avec les grandes & excessiues amendes. Le mesme arrest portoit bien, *nuë teste*, qui estoit assez expliquer ce qu'on vouloit dire; & toutes-fois on y adiousta tout de suite, *Et sans chaperon*, par vne abondance de paroles qui sembleroit estre superflue. Pourquoy n'auroit l'on peu faire le semblable en adioustant ces mots, *sans ceinture*? Et puis dites que ie ne fois pas vn grand faiseur de commentaires. Ie m'asseure que ne demeurerez sans repliques, estât main-

III. LIVRE DES LETTRES

tenant de grand loisir en vostre maison des champs.
Mais ie vous declare que si ne prenez ceste explica-
tion pour bon & loyal payement, ie vous abandon-
neray ma ceinture, & feray pour ce regard cession de
biens enuers vous. A Dieu.

*A Monsieur de Marilhac seigneur
de Ferrieres.*

*Il se gausse
par ceste let-
tre avec le
sieur de
Marilhac.*

VOUS me faites deuenir grand chasseur:
les autres tracassent par les champs, par les
bois, par les brossailles, depuis le matin ius-
ques au soir, le plus du temps sans rien prendre : &
moi pensant en mon estude chasser seulement à mes
liures, vous m'avez fait prendre deux lieures. N'e-
stimez pas pour celà en tirer recompése de moy. En-
cores que ie ne fois de l'ordre des freres Mineurs, si
fay-ie estat d'en estre quitte pour vn grand mercy.
A Dieu.





LE QVATRIESME LIVRE
DES LETTRES DESTIENNE
PASQUIER.

A Monsieur de Fonssomme.



E V O V S raconte vne Metamorphose fort bizarre. L'Empereur Charles qui tout le tēps de sa vie auoit fait vœu & profession admirable des armes, s'est depuis quelques mois en ça confiné en vne religiō, où il meine vie solitaire, s'estāt demis de tous les Royaumes & pays sur le Roy Philippe son fils. En contr'eschange, le Pape qui dès le temps de sa ieunesse auoit fait contenance d'vne religion tres-austere, & qui (comme l'on dit) auoit introduit en l'Italie l'ordre des Theatins, est deuenu nouveau gendarme soudain qu'il a esté appelé à la papauté. Le capitaine Carafe son nepueu a esté par luy fait Cardinal, lequel il a enuoyé soudain apres par deça pour apporter au Roy, non les clefs de

*Commence-
ment des
troubles de
la France.*

*Voyage du
seigneur de
Guise en
Italie à la
sennance du
Pape Paul
Theatin.*

saint Pierre à fin de nous ouurir la porte de paradis, ains l'espée de saint Paul. Vous estimez que ie me mocque. Il a faict voirement present au Roy d'une fort riche espée: & quant & quant l'a conuie au recouurement de l'estat de Naples, qui est le iouiet des Papes, & amusoir des Princes estrangers. Ce n'est pas cela qui le picque, ains l'enuie qu'il a de reintegrer les siens dans les biens de Melphe, dont ils ont esté des pieça spoliez par l'Empereur. Il promet de fournir gens & argent à ceste entreprise. Messieurs de la maison de Guise tiennent la main à ceste nouuelle legation, comme ayants ce leur semble part à la querelle. Que vous diray-ie plus? Monsieur de Guise est destiné lieutenant general du Roy pour ce voyage, toute la fleur de la noblesse de France se prepare à sa suite. Chacun y court à l'enuy: Monsieur le Connestable seul ne s'en peut refoudre, & dit haut & clair, que nous irôs tous à cheual pour nous en reuenir à pied. On se mocque de sa philosophie, qui n'est pas peut estre vaine. Par ce que ie ne voi point que Italie nous ait seruy d'autre chose que de tóbeau, quâd nous l'auons voulu enuahir. Ceux qui nous facilitent du commencement le chemin pour la commodité de leurs affaires, saignent apres du nez. Ils sont bien aises de mettre les choses en desordre, pour paruenir à vne bonne paix avec ceux qui les affligeoient. S'ils voyêt vn heureux succez en nous, les potentats se liguent ensemblement, ne voulants pas aisément permettre qu'un grand Roy de France proche voisin de l'Italie,

*L'Italie tó-
beau des
François
pourquoy.*

y mette le pied. Brief tout ce nouveau cōseil ne nous promet riens de bon; que celui qui cōme chef de l'Eglise deult estre le premier pere de la paix, soit le premier autheur & promoteur des guerres entre les Princes Chrestiens. Toutes & quante-fois que l'Eglise saint Pierre a pris le glaiue, Dieu a tout aussi tost lâché la bride aux schismes & heresies. Suspédons nostre iugement iusques à ce que nous voyons quelle sera la catastrophe de ce beau ieu. Je ne faudray de vous mander comme les choses se passeront quand i'auray messager en main. Escriuez-moy s'il vous plaist quel iugement on en fait à Basle: & si ce nouveau remuement de mesnage ne met point la seigneurie de Barne en ceruelle. A Dieu.

A Monsieur de Fonssomme.

2
*Suite du
voyage.*

NE LE vous auoy-ie pas bien escrit? Iamais prophetie ne fut plus vraye que la miēne. Entendez maintenāt qu'elle issue a eu ce voyage, & quels effets il a produits. Soudain que Mōsieur de Guise a passé les monts, ores qu'il pensast que toutes choses luy deussent rire, si est-ce que descheu de son esperance il a trouué le Pape tout refroidy. Tellement qu'ils ont commencé d'entrer en vne raisnable desiance les vns des autres. Celà a esté cause que les affaires ont commencé de se tirer en longueur. Vous entendez par là quelle en a peu estre la suite. Car il n'y a riens qui mate tant le François que la lōguerie.

*Naturel du
François.*

Ostez luy vne victoire prompte des mains, vous obtenez sans coup ferir la plus grande partie de la vostre. Ce temps pendant le ieune Roy Philippe pour nous reuoyer de ceste entreprise, pratique tout le mesme conseil que Scipion à l'endroit d'Annibal. Il met le siege deuant la ville de saint Quentin, qui estoit à noz portes. Monsieur le Connestable s'estât transporté pour la renforcer de gens, viures & munitions est mis en route, & pris le iour de saint Laurent avec Monsieur de Montpensier & le Marechal de saint André. Plusieurs Princes & grands seigneurs tuez, mesmes Monsieur d'Anghien. Trois iours apres a esté descouuerte vne assemblée qui se faisoit en la rue saint Iacques dans Paris viz à viz du college du Plessis, en laquelle y auoit vne infinité de nobles tant hommes que femmes, & autres du menu peuple, faisant lors leur presche & prieres, en la maniere de Geneue, dont la plus grande partie a esté prise, avec vn grand scandale & esmotion populaire. A la suite dequoy l'Espagnol six sepmaines apres a pris saint Quentin, Hen, & le Castellet en Picardie. Celà a esté cause de rapeller Monsieur de Guise, lequel à son arriuée a fait deux exploits fort memorables. Car d'vn costé il a repris Calais, qui auoit esté occupé par les Anglois dès le regne de Philippe de Valois, & quelque peu apres Tionville; que l'on estimoit auparauant imprenable. Qui nous a fait regagner beaucoup de la reputation que nous auions perdue par la iournée de saint Laurent, que les courtisans appellent

*Presche des
couverts de
la ville de
Paris le iour
saint Lau-
rent 1557.*

*Iournée de
saint Quen-
tin.*

*Beaux suc-
cez du Duc
de Guise.*

lent defastre. Le Roy ce pendant plus fâché d'auoir perdu la presence de Monsieur le Connestable & du Marechal de saint André, que de toutes ses autres pertes, a brassé vne paix à telle cōdition que l'Espagnol a voulu. Laquelle a esté en fin concludē souz paches grandement defauantageux. Car outre plusieurs particularitez que ie n'ay entrepris de vous escrire, on a par les capitulations rendu à Monsieur de Sauoye ses pays de Piedmont & de Sauoye (fors quatre ou cinq places) au Roy Philippe Mariembourg, Montmedy, Yuoy, Donvilliers, Tionville: aux Geneuois l'Isle de Corse. A nous pour toute chose, saint Quentin, Hen & le Casteller. Vray qu'au bout de tout celà l'on a conclud deux mariages: l'un de la fille aînée du Roy avec le Roy Philippes, l'autre de Madame Marguerite sœur du Roy avec le Duc de Sauoye. O à la mienne volōté que nous fussions demourez dans la tresue de cinquāte cinq sans la rompre, & que ceste espée fatale à nous enuoyée pour mettre tout en cōbustion fut demeurée en son fourreau dedās la ville de Rome. Ceste paix n'a peu estre bien goustée par plusieurs, qui dient que nous auions fait vn traité, comme si iamais l'on ne deuoit auoir guerre, & que les hommes fussent immortels, ou bien leurs volonteiz perpetuellement stables. Ayants rendu par vn trait de plume routes noz conquestes de trente ans. Le vous auois par mes precedantes recité vne metamorphose. Par ceste-cy vous pouuez recueillir les vrais effets d'une Tragicomedie. A Dieu.

A Monsieur de Fonssomme.

3
Mort lamentable du bon Roy Henry deuxiesme du nom.

ESTE-CY sera maintenant vne vraye Tragedie, dont ie ne parleray par cœur ou par liure, ains de ce que de mes propres yeux i'ay veu avec vne infinité de tesmoins. La paix ayant esté iurée telle que ie vous ay escrit, l'on a commencé de dresser dedans Paris tous les preparatifs que l'on pouuoit inuéter pour honorer les mariages de si grâds Princes & Princesses. Et a esté le Roy Philippe marié par Procureur avec Madame Elizabeth fille aînée de nostre Roy: & quant au mariage du Duc de Saouye differé à quelques iours ensuiuants. Pendant ce temps l'on a ouuert le pas à vn tournoi en la ruë saint Antoine deuant les Tournelles, avec toutes les magnificences & parades dont l'on s'est peu aduiser: & ce pour autant que le Roy estoit l'un des tenants suy de Messieurs de Ferrare, de Guise, & de Nemoux. Ce que plusieurs personnes de bon cerueau trouuoient estrange: Disans que la majesté d'un Roi estoit pour estre iuge des coups, & non d'entrer sur les rangs. Mesmes que dans les vieux Romans les Rois en tels estours n'auoient appris de faire actes de simples cheualiers, ains ou se desguisoient s'ils auoient enuie d'entrer en la lice, ou bien du tout s'en abstenoient. Toutesfois telle a esté la mesauéture du Roy, qu'il a voulu auoir le premier honneur de la iouste. Et croy que le desir qui luy en prit, fut pour faire paroistre aux

estrangers combien il estoit adextre aux armes, & duit à bien manier vn cheual. De sorte que ceux qui estoient pres de luy, ne l'ozerent destourner de ceste entreprise. Chose qui a depuis apporté vn miserable spectacle à la France. Cars estârs deux iours du tournoy passez avec plusieurs allegresses, le troisiésme qui fut le iour & feste saint Pierre, il a receu vn grand coup de lance dans la visiere, dont il est mort quelques iours apres. Et a esté en cecy le malheur tel que luy-mesme enuoya à Montgommery capitaine de ses gardes, (pour l'opinion qu'il auoit de luy) la lance dont il a esté feru. Si la ioye s'est tournée en ducil, & si la clameur de tout le peuple a esté grâde, ie le vous laisse à penser. Aussi ne lisez vous hiltiore comme ie pense digne de telle compassiô. Bien trouuerez vous quelques Rois au milieu de leurs festins, comme vn Philippe de Macedone, auoir esté mis à mort: les autres au milieu des affaires publiques, comme à Rome vn Iules Cesar: mais c'estoit par leurs ennemis: & les autres casuellement, comme nous eusmes vn Philippe fils de Louys le Gros, qui par la rencontre d'un pourceau tombant de son cheual, se rompit le col. Mais qu'un Roy ait esté meurdry au milieu de tant d'alegresses, fauorisé des siens, mesmes n'ayant lors nul ennemy que la fortune qui s'estoit mise aux embusches, malaisement que l'on le trouue dans les hiltiores tant anciennes que modernes. Et dir-on que tout ainsi que Montgommery tua par mesgarde ce pauvre Roy, aussi que le feu Roy François son pere,

vn iour des Rois, en la ville de Blois, fut blecé à la teste d'un tizon par le seigneur de Lorges pere de Montgommery & en grand danger de sa personne. Voilà comment nostre bon Roy Henry est decedé. Et comme le commun peuple ait naturellement l'œil fiché sur les actions de son Roy, aussi ne s'est pas trouuée ceste mort sans recevoir quelques commentaires & interpretations de quelques vns. Car pour vous compter tout au long comme les choses se sont passées en ceste France, soudain que la paix fust faite, Monsieur le Cardinal de Lorraine qui en auoit esté l'un des premiers entremetteurs, declara en plein Parlement, que l'opinion du Roy auoit esté de la faire à quelque prix & condition, que ce fust, pour de là en auant vacquer plus à son aise à l'extermination & bannissement de l'heresie de Calvin. Et de fait le dixiesme iour de Iuin il se transporta en personne au milieu de son Parlement, pour tirer de chaque Conseiller son aduis sur la punition des heretiques. Surquoy fut par plusieurs opiné assez librement; quelques vns estants d'aduis d'en faire sursoir la punition iusques à la decision d'un Concil general qu'ils disoient estre necessaire. Au moien dequoy le Roy esmeu d'une grande & iuste colere commanda dès l'instant mesmes à Montgommery de se saisir de quelques vns de la compagnie qui auoient opiné plus librement qu'il ne vouloit. Lesquels furent sur le champs menez prisonniers dans la Bastille. Parquoy disoient ces nouueaux commētateurs que

*La Mercu-
riale tenue
au Parlemēt
deuant le
Roy Henry
sur la puni-
tion des he-
retiques.*

ce mal estoit aduenü au Roy par vn iuste iugement de Dieu pour vanger ces emprisonnements tortionniers. Que les opinions deuoient estre libres, & non fondées par vn Roy, pour puis apres les ayant ouyes enuoier les Conseillers en vne prison close. Que Dieu l'auoit chastié par la main de celuy du ministère duquel il s'estoit aidé pour faire ces emprisonnements. Mesmes que tout ainsi que le dixiesme de Iuin il auoit fait ceste honte à la Cour de Parlement, aussi le dixiesme Iuillet ensuiuant, iour pour iour il estoit allé de vie à trespas. Ainsi deuisoient les aucuns du peuple selon leurs passions particulieres de ceste mort: Ne cognoissants pas toutesfois que les mysteres de Dieu nous sont totalement cachez, & tels que pour l'imbecillité de noz sens nous les rapportons ordinairement plus à noz opinions, qu'à la verité. Mais entre autres, est chose fort digne d'estre remarquée, que tout ainsi que le dixiesme iour de Iuillet mil cinq cens quarante sept il commença son regne par vn combat de Iarnac & la Chastigneraie, pareillement le dixiesme du mesme mois cinquante neuf il finit de regner par vn duel. Aussi semble il que long temps auparauât (combien que ie ne sois d'aduis d'adiouster foy à telles illusions & fantosmes) ce malheur luy eut esté raisiblement prognostiqué par Hierosme Cardan, lequel en vn projet qu'il dressa de sa natiuité, luy promettoit toutes choses aisées sut l'aduenement de son regne, mais l'asseuroit au declin de sa vie d'une fin assez facheuse,

& telle que pour la grandeur d'un Roy il se commanda de un silence. Aussi a couru un bruit en Cour qu'au retour du dernier voyage d'Italie de Monsieur le Cardinal de Lorraine, luy auoient esté présentées vnes lettres de la part d'un Iuif de Rome, grandement expert & nourry en ces fantasques presciences & diuinations, qui l'admonnestoient songneusement de se garder d'un combat d'homme à homme. Desquelles missiues, comme illusoires, le Roy apres en auoir ouy la lecture n'en fait compte. Ne se pouuant imaginer, veu le grand rang qu'il tenoit, d'entrer iamais en un duel. Ces lettres furent deslors serrées par Monsieur de l'Aubespine, qui depuis la mort de luy les a exhibées à plusieurs seigneurs, comme l'on dit. Et de fait l'on adioust (ie ne veux pas l'asseurer pour vray) que la Roine memoratiue de ces lettres, & du temps qui luy auoit esté designé, le supplia par plusieurs fois, que puis que les deux iours precedants s'estoient passez à son honneur & contentement, il voulust ce troisieme iour se deporter de la iouste pour euitier à tout inconuenient, & y commettre en son lieu quelque autre seigneur. A quoy toutesfois il ne voulut condescendre. Et comme le iour mesme qu'il fut blecé, la Roine luy eust enuoié de sa loge gentilhomme expres pour le prier de sa part de se contenter de ce qu'il auoit fait, il luy fait responce qu'il ne courroit plus que ceste fois là, dont le desastre voulut qu'il fut blecé. Son corps, pour la solemnité que l'on celebre aux obseques de noz Rois, a esté exposé en la sale de

parade qu'il auoit fait bastir aux Tournelles pour la magnificence des nopces, Monsieur le Connestable (esloigné de la faueur) commis à la garde d'iceluy, & à bié dire puny de la mesme punitiō qu'il auoit exercée apres la mort du Roy François à l'endroit du Cardinal de Tournō, Admiral d'Annebault & autres fauoris du Roy François. Quant à Messieurs de Guise, ils possédēt tout à fait nōstre ieune Roi, cōme celui qui a espousé la Roine d'Escoffe leur niepce, & conséquemmēt toutes les affaires de France passent maintenant par leurs mains. Au regard de la Roine mere elle est grandement explorée, & tout le peuple estonné. Je prie Dieu qu'il luy plaise receuoir l'ame de ce bon Roy en son paradis, & auoir pitié par mesme moien de tous les pauures sujets de la France, qui sont maintenant infiniment suspens & aux escouteres, pour sçauoir quelle traite prendra toute ceste hystoire Tragique. A Dieu.

A Monsieur de Fonssomme.

4



NTENDEZ maintenant ce qui est aduenu à la suite de ceste lamentable mort du Roy Henry. Je vous ay par mes dernieres escrit quesoudain apres son decez toutes les affaires de la France ont commēcé de passer par les mains de Messieurs de Guise: les obseques du defunct estans faites avec les magnificences & grandeurs à ce requises & accoustumées, la premiere chose que ces seigneurs

Aduenement du petit Roy François à la couronne.

ont eu en recommandation a esté de faire retourner Monsieur le Chancelier Oliuier en l'exercice de son estat, & d'oster les feux au Cardinal Bertrand qui en auoit eu la garde souz le regne du Roy Henry. Deslors on a commencé de poursuiure à toute pointe l'expedition du procez de Monsieur de Bourg Conseiller au Parlement. Pour le vous faire court, il a esté condamné par arrest, à mort, & depuis executé en la place de greue deuant l'hostel de ville. A l'instant mesmes sont suruenuz plusieurs Edits portans inhibitions & defences de faire assemblées clandestines, sur peine de rasement des maisons. Cela est pour reprimer la hardiesse de ceux qui se dispensent pour le iourd'huy de faire presches à la guise de la ville de Geneue. Mais pour vous dire ce qui en est, ces Edits non seulement ne les destournent de leur opinion, mais qui plus est leur accroist la volonté de faire pis. Car dès lors ils ont commencé à ourdir nouueaux desseins, & tout autres qu'ils ne s'estoient iamais aduisez. D'autant qu'au lieu qu'auparauant ils obeissoient au magistrat, estimants que les feux que l'on allumoit encontre eux, fussent autant de flammeches aux cœurs de leurs compagnons, ils ont puis n'aguères pensé que le temps estoit venu pour eux, de les assopir. Mais ie crains qu'en voulants estaindre les petits, ils en allument vn plus grand & vniuersel. L'on fait icy courir vn bruit que dans la ville de Geneue, a esté conclud par vn Concil, qu'en matiere de religion, il estoit loisible au sujet d'auoir recours aux armes

*Monsieur de
Bourg Con-
seiller brûlé*

*Edits pour
maistre or-
dre cōtre les
heresies qui
pulluloient
en la Frāce,*

armes pour garentir ses freres du supplice. L'on y ad-
iousté cest apentiz, spécialement quand vn Prince
souuerain n'estant en aage de maiorité, dependoit
de l'autorité d'autres seigneurs, que de la sienne.
C'est vne pierre iettée au iardin de Messieurs de Gui-
se. Ceste resolution enuoiée souz main de deça, l'on
dit que depuis a esté faite vne assemblée au village
de Vaugirard pres Paris, où se sont trouuez plusieurs
personnages d'estoffe: & que là il a esté arresté de
s'emparer du Roy à quelque prix que ce fust. Que
pour directeur de ceste entreprise a esté commis vn
gentilhomme nommé la Renaudre, homme d'esprit
remuant, & qui par cy deuant a esprouué diuerses
fortunes. Cestuy a couru par tout le Royaume, &
traffiqué le cœur de plusieurs. Le point de l'executio
venu, ils ont tous conflué de toutes parts en la ville
d'Amboise, en laquelle le Roy seiournoit. Il n'y a riés
si malaisé en vne republique que de mener à fin vne
coniuration contre l'estat. Car ou vous la communi-
quez à peu de gens, & en ce cas voz forces vous man-
quét pour l'executer; ou à plusieurs, & lors il est bien
difficile que la mine ne s'eslente, & par consequent
se tourne en fumée. D'ailleurs ou vous la voulez
mettre à effect promptement; & il est malaisé qu'en
peu de temps vous ayez en main les forces requises:
ou vous le traidez en longueur, & adoncques ce se-
roit vn vray miracle si voz affaires ne venoient en la
cognoissance de ceux contre lesquels vous voulez
vous adresser. Ainsi en est-il pris à ceux-cy. Par ce

*Premiere as-
semblée ou
fut faite la
resolution de
prendre les
armes pour
la religion.*

*Troubles
d'Amboise.*

*Combien il
est malaisé
de mener
une consu-
ratiō à fin.*

que pendant que la Renauldie faisoit la ronde par la France pour se forger des partizans, meslant l'estat avec la religion, des Auenelles Aduocat qui auoit esté de ceste partie, aduertit M^{rs}ieur le Cardinal de Lorraine de ceste conspiration. Il en auoit desia entendu quelques bruits sourds. Et s'en estant rendu asseuré, il fut aisé d'y remedier. La Renauldie & les siens ne sçachans leur entreprise estre descouuerte, se vindrent eux mesmes enfermer. La premiere fortune est tombée sur le seigneur de Castelnau, qui venoit accompagné du capitaine Mazere & quelques autres gentilsh^{ommes}, lesquels passans par la ville de Tours ont esté cheualez par Monsieur de Sanferre auquel auoit esté commise la garde de la ville. Et depuis furēt pris par soupçon au chasteau de Noisé appartenant à vn gentilhomme Toringeois nommé Ranné, où estoit leur rendez-vous, en attendant leurs compagnons. Ceux-cy furent decapitez dedans la ville d'Amboise. Plusieurs de leurs cōplices noyez, autres penduz aux creneaux des murailles, & quant à la Renauldie, tué & depuis son corps mis en quatre quartiers. On a commencé de donner à tout le nouueau monde de ceste faction le nom & tiltre de Huguenaux. D'autāt que la premiere descouuerte que l'on en a faite a esté en la ville de Tours, où ils ont opinion qu'il y a vn rabat qui reuient de nuit qu'ils appellent le Roy Hugon, & y appelle l'on des pieça Huguenaux tous ceux qui sont de la secte de Calvin, pour faire leurs assemblées & cōuenticules de nuit, comme si en cecy ils fussent.

*Dont vient
le mot de
Huguenots
quel'on ap-
pelloit au
commence-
ment Hu-
guenaux.*

disciples & sectateurs de cest esprit. Quand ie vous escriuy ceste lettre, les choses n'estoient passées plus outre. Qui fait que ie mettray aussi fin à la presente, vous priant m'escrire ce quel'on dit à Basle. Car il n'est pas que ne soyiez mieux informé que nous, de toutes les deliberations qui se sont passées dans Geneue, premiere source & seminaire de tous noz maux. A Dieu.

A Monsieur de Fossomme.

LA conspiration dont ie vous ay escrit a bien eu plus longue queue que ie ne pensois. C'est vn fuzeau bien meslé, qui sera fort à deuider. 5
Suite des troubles d'Amboise
Les choses s'estants passées dedans la ville d'Amboise de la façon que ie vous ay aduertty, le Roy depuis a fait minuter vne abolition generale, par laquelle ont esté les prisons ouuertes à tous ceux qui estoient prisonniers pour la parole. C'est le terme dont nous vsions au lieu de dire la religion. Mot certainement lequel fort à propos a peu estre accommodé à plusieurs qui sont par cy deuât morts à credit pour trop parler. Au mesme temps le Roy pour plus grande assurance de sa personne a introduit pres de soy vne garde de harquebuziers François, outre les anciènes. Et par mesme moien a commencé de faire recherches contre les chefs de ceste faction. L'on a constitué prisonnier le Vidafme de Chartres en la Bastille, sans que l'on en sçache la cause. On iette l'œil sur

Monſieur le Prince de Condé, qui s'eſt retiré vers le Roy de Nauarre ſon frere. On informe diligemment contre les auteurs ſans nommer qui, & fortifie-l'on les auenuës d'Amboiſe & Orleans de toutes parts, de

*Premier deſ
bord des
Cheualiers
de l'ordre de
ſ. Michel.*

gendarmes. Le Roy s'eſt aduiſé de deux choſes: premierement pour ſe fortifier par nouuelle obligation de pluſieurs capitaines, & grands ſeigneurs: il a fait à la ſaint Michel derniere dix-ſept Cheualiers de ſon ordre, eſtimant que ce luy ſeront autāt de ſeruiteurs, auſquels il aura creance contre ceux que l'on voit ſourdement fauoriſer autre religion que la ſienne. C'eſt à mon iugement vn premier deſordre que l'on apporte à ceſt ordre. Car cōme vous ſçauiez l'on n'auoit auparauant accouſtumé que d'en faire vn ou deux pour le plus, & encores bien rarement. Quel-

*Aſſemblée
à Fontaine-
bleau ſur la
police de la
France.*

que temps apres il a fait aſſembler tous les gouuerneurs de ſes Prouinces avec les Cheualiers de ſon ordre, tant anciens que nouueaux, à Fontaine-bleau, pour deliberer ſur les remedes que l'on eſtimeroit neceſſaires pour obuier à la conſuſion des religions. Hiſtoire vrayement digne de vous eſtre racomptée plus que nulle autre. Monſieur le Châcelier de l'Hôpital a ouuert le pas, & la parole apres luy, priſe par pluſieurs autres ſeigneurs. Apres leſquels Monſieur l'Admiral s'eſt mis ſur pieds, & a preſenté vne requette pour & au nom des proteſtants de la France, requerans par icelle le Roy qu'il luy pleuſt de leur permettre auoir temples pour exercer leur religion. Ceſte requette a deſpleu à Monſieur de Guiſe, qui a

*Vray &
premier pro-
gnoſtic des
malheurs
qui depuis
ſont adue-
nus en la
France.*

dit qu'elle n'estoit signée de nul homme. A quoy luy a esté respondu par l'Admiral qu'il la feroit signer par dix mille. Sur ce Monsieur de Guise replique qu'il feroit signer le contraire par cent mille personnes de leur propre sang, dont il feroit le capitaine. Cècy nous est vn certain prognostic que l'vn & l'autre (l'vn grand Prince, l'autre grand seigneur) seront quelque iour conducteurs de deux contraires partis, qui ne sont encores formez. Ainsi s'est departie l'assemblée sans conclusion; s'estant neantmoins le Roy par là esclarcy des consciences de chacun. Maintenant commencent à courir parmy le peuple plusieurs liures, ou pour mieux dire, libelles diffamatoires, tant d'une part que d'autre: & aussi se sont insinuez entre nous deux miserables mots de faction de Huguenot & Papiste, que ie crains nous apporter au long aller les mesmes calamitez & miseres, que les Guelfes & Gibellins dans l'Italie, & la Rose blanche & rouge dedans l'Angleterre. A Dieu.

A Monsieur de Fonsomme.

DE Fontaine-bleau le Roy est arriué à Paris, où il a fait venir par deuers soy le Prestre des marchands & Escheuins, leur remonstrant que toute son intention estoit de perdre ceux qui se trouueroient de ceste nouvelle opinion. Pareilles remonstrances a-il faict au Clergé, l'exhortât d'apporter semblable deuotiō à

6
Voyage du
petit Roy
François à
Orleans, en
deliberatiō
d'exterminer
l'heresie

son entreprise, comme estant vne chose qui le concernoit principalement. Sur ce il a pris le chemin d'Orleans, tant pour estre presque exposé au milieu de son Royaume, que aussi pour autant qu'il a descouvert que la plus part des riches marchands de ceste ville là ontourny argent à la coniuration d'Amboise. Et y estant arriué il a commencé à descouvrir de pleine bouche que c'estoit contre ceste ville qu'estoit dressée la vengeance. D'un autre costé la populace de la France voyant que le Roy s'armoit contre les Huguenots, a commencé de les abhorrer à mort. A cause de quoy à son de trompe & cry public il a esté defendu dans Paris à peine de la hard de n'appeler nul homme Huguenot. Toutesfois ces defenses n'ont peu riens obtenir sur le peuple: estant le temps disposé à vne ruine. Le Roy estant dans Orleans environné de sa gendarmerie a escrit par plusieurs fois au Roi de Navarre & Prince de Condé qu'ils eussent à le venir trouver. Ils sont contrains de s'exposer en chemin. On fait le semblable à l'endroit des Connestable & Admiral. Tout cecy s'est vn ieu couvert: par ce que suivant la resolution prise à l'assemblée de Fontaine-bleau, le Roy fait contenance de vouloir conuoquer ses trois estats dedans Orleans. Ceux qui ont plus de sentiment, iugent que c'est pour y attraper les minons. Car soudain qu'il est entré dans la ville, il a mis garde aux portes, s'est saisi de toutes leurs armes, mesmes a fait constituer prisonniers le Bailly, & le Preuost & plusieurs notables marchands.

Le Roy de Nauarre & son frere sont arriuez, lesquels
dés la ville de Poitiers ont eu aduertissement du mal-
talent que le Roi auoit encôtre eux. Le Marechal de
Termes estoit là avec vne troupe de gēdarmes pour
les empescher de rebrousser chemin. Arriuez qu'ils
ont esté, ils ont receu tel visage du Roi qu'ils s'estoiēt
promis. A l'instant mesme l'on a baillé à Monsieur
le Prince sa maison pour prison avecques gardes. Le
Roi de Nauarre peu respecté. L'un est pour bien dire
gardé, & l'autre regardé de telle sorte qu'il luy seroit
malaisé d'euader quand il l'auroit entrepris. On a en-
uoié querir Monsieur le President de Tou pour fai-
re le procez au Prince. Toutesfois sagemēt il ne veut
respondre deuant luy: Disant qu'il n'appartient qu'à
la Cour de Parlement de faire le procez à vn Prince
du sang. Je ne sçay qui luy a mis ceste exception
fuiarde en la bouche. Mais iamais hōme ne fut mieux
conseillé. Par ce qu'en toute prison d'estat comme
ceste cy, celui qui a moien de tirer les choses en lon-
gueur, y gaigne. Voila qui se fait dedans Orleans:
D'un autre costé le Roy ne voulāt executer son en-
treprise à demy, a erigé en nouveau gouuernement
les pays de Maine, Touraine & Anjou, qu'il a bail-
lé à Monsieur de Montpensier ennemy capital de
ceste nouvelle secte, dont l'on disoit plusieurs de la
noblesse estre infectez en ces lieux là. Dés sa premie-
re arriuée il a fait raser plusieurs chasteaux: Monsieur
de Terme est delegué pour faire le semblable en Pe-
rigord. On a aussi estably garnison tant en la ville de

*Procez en-
commencé
à faire au
Prince de
Condé.*

*Maine, Tou-
raine &
Anjou eri-
gés en gou-
uernement.*

Rouien que de Dieppe. Plusieurs se resiouissent de ce mesnage, estimant que par ce moien on donnera ordre à l'extirpation de l'erreur. Les autres qui preuoient la tempeste deuoir tomber sur leur teste, s'en affligent. Mais ceux qui ont plus de nez, preuoient que toutes ces nouueautez que l'on introduit pour exterminer vne autre nouueauté, sont vrayement les preparatifs d'une calamité generale, dont nul de la France ne sera exempt. A Dieu.

A Monsieur de Fonssomme.

7
Mort du pe-
tit Roy François.



VEITES vous oncques mutation plus inopinée & estrange que ceste cy. L'on vouloit proceder à l'instruction du procez de Monsieur le Prince à toute reste: luy comme ie vous ay mandé ne vouloit respondre: & mesmemét pour se donner plus longue haleine appella du decret de prise de corps qui auoit esté decerné contre luy par le conseil priué: reiectant sa cause en tout & par tout sur vn Parlement, Cour des Pairs & Princes du sang. Nonobstant toutes ces remonstrances, Monsieur le President de Tou ordonne qu'il passera outre: que tel estoit le vouloir & commandement expres du Roy, seul distributeur & ordinateur de sa Iustice. Iamais pauvre Prince n'eut occasion de se veoir plus estonné. Comme l'on y procedoit sans discontinuation & entrecesse, il aduient sur ces entrefaites, que le
Roy

Roy delibérant d'aller en la ville d'Amboise, & estât sur le point de partir, commence de se trouuer mal. Quoy plus? En moins de quatre ou cinq iours il decede, lors que toutes choses estoient disposées à la ruine tât du Prince que de ceux de sa religiō. O changement esmerueillable, & digne d'estre corné aux oreilles de nostre posterité! Ce ieune Roy estoit né en l'an cinq cens quarante trois, sur le point de ceste grande eclipse qui apparut cest an là. Qui fut cause que quelques baboins courtisans pensants flater sa fortune luy baillerent par vne inepte rencōtre pour diuise *Inter eclipses exorior*: figurant en image le Soleil d'un costé, & la Lune de l'autre, & vn liz au milieu des deux: nes'aduisants pas toutes-fois que s'il faut adiouster soy à ces vains discours des Astrologues iudiciaires, il n'y a natiuité qui soit tât à craindre que de celuy qui naist durant vne eclipse, comme estant vn certain presage d'une fortune sinistre. Toutesfois sans s'arrester à telles sotties, ains à l'histoire, tout ainsy que ce ieune Roy nasquit au milieu des eclipses, aussi fut-il marié au milieu d'une aigre & violente guerre que nous auions avec l'Espagnol, en l'an cinq cens cinquante huit, en temps de tout esloigné des mariages: & de mesme suite mourut au milieu de plusieurs & diuers supplices qu'il alloit preparer par la France, si la mort n'eust preuenue sa deliberation. Estant sa mort en cecy diuerse de celle du Roy Henry son pere, qui mourut au milieu d'une allegresse de la France; & cestuy au milieu de plusieurs troubles

*Discours sur
la natiuité
du petit Roi
François.*

*opinions des
hommes ré-
uersees inef-
péremment.*

sombres & mornes, en cecy toutes-fois communs, qu'au Roy Henry la sale qui auoit esté preparée pour faire les festins des nopces, seruit de reposoir à son corps: & celle qui auoit esté destinée dans Orleans pour faire le procez à plusieurs, seruit de pareil reposoir au petit Roy François son fils. Mais pour ne m'ellongner de ma route, ianais entreprise n'auoit esté conduite plus hardiment ny de plus hautte luite que ceste-cy. Car ce qui auoit esté at-
tée par le Roy Henry, estoit vrayement quelque chose de s'attacher à quelques particuliers seigneurs du Parlement. Icy la poursuite estoit contre vn Prince du sang. En l'autre s'il ne fust decedé, on y eust besongné par l'autorité de la Cour Parlement: Icy par l'aduis des trois Estats, que l'on n'a point accoustumé d'assembler, sinon lors qu'il s'agit de l'estat general de la France. Toutesfois en vn clin d'œil par ceste derniere mort toutes choses ont changé de face: on delaisse messieurs de Guise, lesquels durant ce regne court, ont eu tout le gouuernemēt de la France entre mains. La Roine commence de manier les affaires à meilleures enseignes qu'elle n'auoit fait, le Roy de Nauarre est suiuy. Les Iuges du Prince de Condé s'en retournent sans passer plus oultre. On luy veut ouurir les prisons. Luy qui auparauant delayoit, demande que son procez luy soit fait & parfait, mais pardeuant Iuges competants. Il ne se trouue ny Iuge ny partie: ils ont rous esté enseueliz dans le cercueil du petit Roy François: & non content de

cela brauant ceux qu'il pensoit luy auoir pourchassé ceste prison, il se constitue demandeur en declaratiō d'innocence: chose qui n'auoit iamais esté veuë ny ouye en ceste France. Le Connestable qui auparavant mandé venoit à fort petites iournées, ne sçachant à quelle fin on l'auoit enuoié querir: soudain qu'il est aduertý de ceste mort, commence de presser les pas, & dés son arriüée cōme chef des armes veut casser tous ces nouueaux gardes que l'on auoit mis prez du Roy. Ceux de la religion nouuelle (qu'ils appellent maintenant Reformée) commencent de leuer les crestes, vray qu'avec quelque sobriété, attendant l'issüë du procez de Monsieur le Prince, duquel ie vous escriray plus amplement par mes premieres. Grande chose & digne d'estre remarquée, pour môstrer combien Dieu se iouë maintenant de la fortune de noz Princes. L'on auoit fait expres venir le Roi de Nauarre & son frere avec vn ferme propos de les ruiner, comme on en voyoit ja voler les esclats: & leur venuë a esté le fondement principal de la grandeur de ce Roy. Car pour bien dire ceux qui discourrent sur ses actiōs, se font accroire que si on ne l'eust fait venir par force, à peine que iamais il s'y fust acheminé puis apres: & pendant son absence, en ceste mutation de regne il eust esté fort aisé aux Princes qui estoient présens de faire passer les choses tout autrement qu'elles n'ont fait. A Dieu.

*A Monsieur de Fonsomme gentilhomme
Vermandois.*

Arrest donné en faveur du Prince de Condé demandeur en déclaration d'innocence



LEN est aduenut tout ainsi que ie le pē-
sois. Le procez de Monsieur le Prince
demandeur en declaration d'innocen-
ce a esté iugé en plein Parlement. L'ar-
rest prononcé par Monsieur le President Baillet en
robes rouges toutes les chambres assemblées, & s'y
sont trouuez le Roy de Nauarre, les Cardinaux de
Bourbon, Lorraine, Guise, Chastillon, les seigneurs
de Montpensier, la Roche-sur-yon, de Guise, Cō-
stable & Admiral. Et a esté par cest arrest le Prince
déclaré innocent, & avec luy la Dame de Roye sa
belle-mere, & le seigneur de la Haye Conseiller au
Parlement l'un de ses plus fideles seruiteurs. Vous ne
veites iamais tel spectacle. Chacun couroit au par-
auant pour le condamner, maintenant chacun non
pas pour l'absoudre, car ceste parole eust sonné mal,
veu que nul ne l'accusoit, & l'absolution presuppōse
l'accusation, ains pour le declarer (tel qu'il se desiroit)
innocent: n'ayant lors si ainsi le faut dire, autre partie
que soy-mesmes, & estant demandeur & defendeur
tout ensemble. Ce Prince estant ce luy semble au des-
sus du vent, se ressent de sa prison, & ne se peut taire
du tort qu'il dit luy auoir esté procuré. Brief il en re-
iette le fait sur Monsieur de Guise. Chacun a de grāds
amis & partizans. Car encore que Monsieur de Gui-

se ne tienne tel rang qu'il tenoit souz le petit Roy François, si ne se rabat-il en riens de ce qu'il est. La Roine craint que l'on n'en vienne aux prises, & pourchasse vne reconciliation entre eux. Monsieur de Guise condescend à toute composition, moyennant que son honneur n'y soit engagé. Il a esté arresté qu'en la presence du Roy & des seigneurs de son Conseil; Monsieur le Prince proposeroit ce qu'il vouloit dire, & luy en a esté le formulaire prescrit. Il a dit & proposé, que celuy qui auoit esté cause & motif de sa prison estoit meschât. Monsieur de Guise luy a fait responce, qu'il le croyoit, & au surplus que ceste parole ne le concernoit en riens. Sur cela ces deux seigneurs se sont embrassez comme reconciliez, Monsieur le Prince comme estant satisfait, & Monsieur de Guise comme ne s'estant preiudicié. Ceux qui portent cestuy-là, se persuadent que Monsieur de Guise luy a fait quelque reparation: par ce qu'ils le pésent auoir esté cause de ceste prison. Ceux qui fauorisent cestuy, dient qu'il a tresagement respondu: comme celui qui vouloit dire qu'il n'y auoit nul autre qui eust esté cause de cest emprisonnemēt que celuy mesmes que l'on disoit auoir commis le peché. Cela regarde le particulier de ces deux Princes, quant au general de la France, on donne ordre d'assembler à la file les Estats dedans la ville d'Orléans, suiuant ce qui auoit esté resolu souz le feu Roi.

A Dieu.

4 Monsieur de Fossomme gentilhomme
de Vermandois.

Assemblée
des Estatz
dans Orléans

EN fin les Estats ont esté tenuz dedans la ville d'Orléans : mais considérez ie vous prie combien Dieu se iouë de nous , pourfuiuâts les arrhemens de la lettre que receutes dernièrement de moy. Celuy qui premier meit en auant cest aduis de tenir les Estats , fut Messire Charles de Marilhac Archeuesque de Vienne , personnage qui auoit esté employé à plusieurs grandes legations pour son bon sens & suffisance, & dont Monsieur le Cardinal de Lorraine faisoit grand estat. Cestuy en l'assemblée de Fontaine-bleau(fut ou pour ce que les affaires de France ne se gouuernoient à son desir , ou pour quelque autre occasion,) par vne belle boutée de nature feit vne forte remonstrance, par laquelle apres auoir promené toutes sortes d'aduis en son esprit, il dist qu'il ne trouuoit remede plus prompt au mal qui se presentoit que de conuoquer les Estats. C'est vne vieille folie qui court en l'esprit des plus sages François, qu'il n'y a riens qui puisse tant soulager le peuple que telles assemblées. Au contraire il n'y a riens qui luy procure plus de tort, pour vne infinité de raisons, que si ie vous deduisois, ie passerois les termes & bornes d'une missiue. Ceste opinion du commencement arresta vn peu Monsieur le Cardinal de Lorraine, qui craignoit que par ce moien ne voulust bailler vne

Quel fruit
apporte en
France l'as-
semblée des
Estats.

bride au Roy, & oster l'autorité que Monsieur de Guise & luy auoient lors sur le gouuernement pendât la minorité du ieune Roy leur nepueu. Et de fait depuis ce temps-là il ne veit iamais de bon œil cest Archeuesque, lequel se bannit volontairement de la Cour. Toutesfois apres auoir examiné avec ses seruiteurs de quelle consequence pouuoit estre ceste conuocation des Estats, & qu'elle ne pouuoit apporter aucû preiudice au Roi, que luy & son frere auoiēt rendu le plus fort, non seulement il ne reietta, ains trefestroitement embrassâ ceste opiniō, voire estima que celuy estoit vne planche pour exterminer avec plus d'asseurâce & solemnité tous les Protestants de la France. De sorte que pendât que l'on faisoit le procez à Monsieur le Prince dedans la ville d'Orleans, il choisit le mesme lieu pour faire l'asēblée des Estats. En laquelle il y auoit grand danger que tout d'une main il n'y allast de la condemnatiō du Prince & de tous les adherants de ceste nouuelle secte. Souz ceste esperance se trefmoit lors ceste assemblée: toutesfois Dieu dissipe en vn instant cōme vn estourbillon ces conseils par le decez d'un ieune Roy que l'on disoit auparauant ne seruir que de masque. Tellement qu'il est aduenu qu'ē ces estats ceux que l'on vouloit chasser y ont tenu les premiers lieux, & (si ainsi me permettez de le dire) donné la loy, par leurs pratiques & menées. C'est là où ils se sont faits grands, & ont commencé depuis les Ministres & Predicants se monstrer en iour à face descouuerte. La Regence a

esté lors accordée tant à la Roine mere qu'au Roi de Nauarre comme plus proche Prince du sang. Mais leurs charges aucunement diuifées: par ce qu'il a esté aduisé que la Roine pouruoiroit aux choses tant ecclesiastiques, que seculieres qui prouenoient de la nuë liberalité du Roy. Le tout toutes-fois souz le nom du Roy; & pareillement qu'elle ordonneroit des finances. Et quant au Roy de Nauarre il auroit la charge sur tous gens de guerre, pouruoiroit aux villes frontieres avec le nom & tiltre de lieutenant general du Roy par toute la France. Il y a eu plusieurs autres articles qui sont passez pour reestabli la France en son ancienne dignité tant au fait Ecclesiastic que de la Iustice, & autres ordres. Mais pour general refrain on a accordé pour cinq'ans au Roy vn subside de cinq sols pour chaque muis de vin entrant dedàs les villes clausées. C'est presque le but & conclusion de telles assemblées, de tirer argent du peuple par vne honneste stipulatió du Roy avec ses trois estats.

*Contention
entre la
Cour de Par-
lement, &
la Cour des
Generaux
des aides sur
la publica-
tion de l'E-
dit de l'im-
position des
cinq sols
pour muis.*

Et ne trouue riens qui me plaise tant en tout cecy qu'vne honneste contention qui s'est trouuée entre la Cour de Parlement & celle des Generaux de la Iustice sur le fait des aides. Car estant l'Edit de l'imposition de ces cinq sols, apporté au Parlement pour l'enuologuer, il le refusa tout à fait, comme regardant les subsides qui ne sont de sa cognoissance. Et quât aux Generaux ils disoient que combien que ce fust vn subside, toutes-fois il procedoit de l'aduis des trois Estats, partant failloit auoir recours au Parlement.

lemēt. Estāt cest Edit ainsi promené d'une Cour à autre par l'espace de sept ou huit mois sans sortir effect, en fin il a esté publié par les Generaux vaincus des loques importunitéz de ceux qui commandent. S'ils ne l'eussent point du tout publié, quelques mutins dient qu'ils eussent esté non Generaux, ains Gene-reux. A Dieu.

*A Monsieur de Fonsomme gentilhomme
me Vermandois.*

IL NE faut plus appeller Huguenots ceux qui vacquent à l'exercice de la religion pretendue reformée, si ce nom leur est donné, par ce qu'ils exerçoient nuitamment leurs prieres: maintenant ils preschent en plusieurs endroits à huis ouuert. Pour le moins depuis mes dernieres ont ils presché requeste au Roi à fin qu'il leur fust permis faire vne eglise separée de la nostre. Le Roi a renuoié ceste requeste au Parlement pour avec les seigneurs de son Cōseil y aduiser. L'à il a esté opiné fort libremēt d'une part & d'autre. Les vns pour le party Catholic, les autres pour ceux de la religion. Le Catholice emporté le dessus de trois voix, estant sa resolution qu'il failloit ou suiure l'Eglise Romaine comme noz ancestres, ou vuidier le Royaume avec permission de vendre ses biens. Quand c'est venu à la recollectiō des voix, le murmure n'a pas esté petit: par ce que les

10
X.
Edit des
vingt-cin-
quiesme
Juillet 1567
sur la souf-
france de la
religiō nou-
uelle.

autres soustenoient qu'en matiere de telle importance, ce n'estoit pas la raison qu'à l'appetit de trois voix, toute la France entraist en combustion. Comme estant ce bannissement impossible à executer, & au surplus que demeurans dans la France, de les reduire à la religion Romaine contre leur conscience, il y auoit en cecy vne tresgrande absurdité qui valoit autant qu'une impossibilité. L'Admiral & quelques autres seigneurs ne s'en peuuent taire. Monsieur de Guise à l'opposite, bien que le temps semble combattre contre son intention, declara haut & clair que puis qu'il auoit esté ainsi conclud, il failloit passer par ceste determination, & que son espée ne tiendroist iamais au fourreau quand il seroit question de faire sortir effect à cest arresté. Les choses en cest estrif se sont passées sans conclusion. Mais grandement est loüable ce qui a esté fait par la Roine mere. D'autant qu'elle s'est fait apporter le scrutin des voix, & sans vouloir sçauoir les opinions des vns & des autres, les a fait brusler en sa presence: à fin que la liberté dont quelques vns auoient vsé en opinant, ne leur peust estre en vn changemēt de regne preiudiciable. Chose qui se conforme à ce que feit Pompée apres qu'il eut defait Sertorius, & encore plus au conseil de Cōstantin le grand apres la conclusion du Concil de Nice. Depuis pour contenter les vns & les autres par forme de neutralité, l'õ a fait publier vn Edit au mois de Iuillet dernier, dont la substance est telle. Que defenses sont faites à toutes personnes de faire assem-

blées publiques ou priuées, ny d'administrer les saints Sacremens d'autre façon que l'on a fait de rout ancienneté par la France. Mais en contreschange il est aussi prohibé à rout homme de s'enquerir ou informer de ce que l'on fera en la maison de son voisin: semblablement de ne se meffaire ou mesdire pour le fait de la religion, le tout sur peine de la hard. Au demeurant qu'aucune irrotulation ne sera faite de la conscience d'autrui. Ce dernier article par expres adiousté: par ce que peu auparauant le Preuost des marchands & Escheuins de ceste ville auoient présenté requeste au Roy, à fin d'aller par les maisons pour s'enquerir de la foy de chacun & en faire roolles. Et porte dauantage l'Edit que tout cecy se fait par prouision, en attendant qu'autrement en soit décidé au prochain Colloque, qui se doit tenir entre les Prelats & les Ministres. Les francs Catholicz se plaignent de cest Edit, & dient que ceux de la religion nouuelle ou pretendue reformée ne pouuants estre recherchez en leurs maisons, c'est en bon langage rendre le premier article del'Edit illusoire, & neantmoins les affranchir de la puissance du Magistrat: qui leur donnera puis apres occasion de vouloir secoüier tout à fait le ioug de leur teste. Certainement ces affranchissemens graduels, & par lesquels on faulte d'un degré à l'autre, *Nescio quid monstri alunt*. A Dieu.

*A Monsieur de Fonsomme gentilhomme
de Vermandois.*

xi.

*Colloque de
Poissy de
grand pa-
rade & peu
d'effect.*

LA suite de ce que ie vous ay par cydeuant
mandé, les Prelats se sont assemblez de tou-
tes parts en la ville de Poissy, lieu destiné
pour conferer avec les Ministres. Monsieur le Car-
dinal de Tournon vieux routier en affaires d'estat ne
pouuoit nullement goustier ce dessein, & disoit que
le plus grand mal que l'on pouuoit pourchasser à la
France estoit l'ouuerture de ce Colloque. En quoy
l'on ne se pouuoit excuser de double faute: l'une de
reuoquer en doubte & ramener en dispute les arti-
cles de foy qu'il faillloit tenir pour tout arrestez: l'aut-
re d'aparter à soy les Ministres que l'on scauoit n'a-
uoir par succession de la primitiue Eglise, l'impositiō
de la main. Toutesfois Monsieur le Cardinal de Lot-
raine que l'on auoit esleu pour porter la parole, s'en est
fait croire. Theodore de Beze a proposé pour le con-
traire parti, le tout en la presence du Roi, de la Roine
sa mere, & plusieurs grāds Princes & seigneurs & au-
tres gens du cōmun peuple. Quelle issue a pris ceste
conferste ie ne le vous oze escrire. Les vns & les autres
s'en sont retournez aussi sages & edifiez comme ils y
estoient arriuez. Mais depuis les Ministres pensants
auoir eu cest aduātage d'auoir esté ouiz en public, se
pensants par cela aucunemēt autorisez parlent plus
haut qu'ils n'auoient fait. Car au lieu où auparauant

ils demandoient seulement qu'il leur fust permis de faire assemblées, ils adioustent maintenât qu'avec ce on leur baille des temples pour l'exercice de leur religion: & desia eux-mêmes s'en sont donnez en quelques villes de leur priuée autorité, sans attendre la permissiō du Roy. Ceux du grand marché de Meaux y ont donné la premiere ouuerture: à leur exemple ceux de Blois se sont saïsiz de l'Eglise de sainte Souberenne; ceux d'Orleans des Carmes; & dit on qu'à Montauban l'on a fait le semblable. Mōsieur le Prince de Condé & l'Admiral portent en toutes choses ce party-là: Monsieur de Guise & le Cardinal son frere le contraire. Le Roy de Nauarre se rend moitoyen & comme reconciliateur des deux. C'est rat en paille, chacun veut estre diuerfement le maistre, qui deça, qui delà. Je vous mandois par l'une de mes lettres que le feu Roy auoit faict dix & sept Cheualiers de l'ordre. Ceux qui commandent maintenant se persuadent que ce sont autant d'obligez à la maison de Guise. Pour ceste cause à la sainct Michel dernière soixante vn on en a fait dix & huit ou vingt autres à la poursuite & instigation du Roy de Nauarre, pour faire contrecarre aux premiers. Ce mesme iour la Roine de Nauarre a la veuë de tout le peuple a faict solemniser à l'usage de Geneue le mariage d'entre le ieune Rohan & la Brabançon niece de Madame d'Estampes au Bourg d'Argentueil par Beze. Là se sont trouuez Messieurs le Prince de Condé & Admiral. Cest acte ainsi faict presque aux portes

*Commence-
ment d'exer-
cise à porte
ouuerte, de
la nouuelle
religion.*

*Mariage du
ieune Rohā
à Argen-
tueil avec la
Brabançon.*

de Paris & de saint Germain en Laye, où lors le Roy seiournoit, n'ayant esté controulé, a grandemét acru le cœur des Ministres. Et de fait au mois d'Octobre ensuiuant ils ont presché hors les murs de la ville de Paris ioignant le monastere saint Antoine des chāps, assistez de huit à neuf mille personnes. A leur retour s'est excité vne sedition populaire, qui a esté aisémēt estanchée souz l'autorité du Roy de Nauarre. Ils ont depuis passé plus outre. Car la veille de la Tous-saint fut faite vne autre assemblée deuant les yeux de tout le monde dans le logis de la Comtesse de Senigan, qui fut remparée de la presence des Preuosts des Mareschaux & de leurs archers, pour empescher qu'il n'y eust emotion du peuple. Peu de iours apres sans se remettre aux Edits du Roy, & enfreignantz celuy de Iuillet ils ont entrepris de faire deux presches alternatifs, l'un aux Faux-bourgs de saint Marcel au lieu dit le Patriarche, l'autre hors la porte saint Anthoine au lieu appellé Popincourt. Il seroit incroiable de dire quelle affluence de peuple se trouue à ces nouuelles deuotions. A quoy Gabaston cheualier du Guet & ses archers fait escorte. A Popincourt preschent l'Aulnay & l'Estang: au Patriarche Malo & Viret. Voyans les seigneurs Catholiques qu'il leur est de necessité caller la voile à la tempeste, Mōsieur de Guise tout courroucé s'est retiré en la maison de Nantueil, le Cardinal de Lorraine en son Archeuesché de Reims, Monsieur de Nemoux en Sauoye, le Connestable à Chantilly, le Marechal de saint An-

Mesconten-
tement des
Princes &
seigneurs
Catholiques.

dré s'estoit quelque peu auparauant absenté de la Cour, pour quelques paroles d'argu qu'il auoit eu avec le Roy de Nauarre. Le bruit court que M^{onsieur} de Nemoux quelque peu auparauant son partemét auoit sollicité souz main Monsieur le Duc d'Anjou frere du Roy de s'en venir avecques luy. La Roine mere, le Roy de Nauarre, Monsieur le Prince, Messieurs de Montpensier & de la Roche-sur-yon freres sont demeurez en la Cour. Monsieur le Chancelier & Monsieur l'Admiral manient presque toutes les affaires. Cestuy-là sage politic, cestuy fauteur & promoteur de la nouuelle religion. Tout cela pour vous dire en vn mot, n'est qu'un acheminement à nouueaux troubles. A Dieu.

A Monsieur de Fonssomme.

XII.

LE vous veulx dire derechef que vous ne croitz pas aisément combien de gens vont à ces presches, les aucuns par deuotion, autres par esprit de contradiction, autres par curiosité, autres pour la nouueauté: & eux tous (si ie l'ose dire) par vne fatalité qui semble non seulement disposer, ains pousser bon gré mal gré nostre estat à vne proche ruine. La ville de Paris domtree de la façon que ie vous ay escrit, a seruy de miroier aux autres villes, desquelles il y en a peu qui n'ayent aujourd'huy deux formes d'eglises: l'ancienne & la nouuelle. Geneue est la seminaire d'où on tire

Presches des Huguenots commencent de prouigner impunément par la France.

*Mutations
diuerses de
la vie de
Carraciolo
Euesque de
Troye.*

les Ministres. Ceux qui s'estoient retirez en ceste ville là depuis xvij. ou xx. ans pour fuir les feuz, ont fait ce pendant fondz & magasin de ceste marchandise qu'ils nous estalent & debitent maintenant par la France. Sur tout ie vous veux reciter entre les signalez exemples de changement de conscience, celuy d'Antoine Carracioli extrait de la famille de Melfes, lequel a quitté son Euesché de Troye pour se faire Ministre. Mais escoutez, vous ne trouuerez pas ceste mutation trop estrange, quand vous entendrez tous ses autres deportemens. D'autât que sur ces premiers ans il feit profession des armes, depuis se rendit religieux à saint Victor, où il seruit quelque temps aux autres d'exemple d'austerité. Mais soudain qu'il fut fait Abbé, il mena vie fort dissoluë; & pour se diuersifier en toutes les façons, comme vn Polipe, en l'an cinq cens quarâte quatre, lors que l'on craignoit dans Paris la venue de l'Empereur Charles cinquiesme, il se feit capitaine, & feit sonner le tabours par la ville pour leuer gens: puis estant Euesque de Troyes il abandonna ceste dignité pour sereuestir de celle de Ministre. Combien que les Catholics ne puissent resister à la violence du temps, noz Prescheurs toutesfois ne se taisent dans leurs chaires, ains animent le peuple par leurs sermons à prendre les armes, puis que les plus grands conuiët. Il y a vn petit religieux de l'ordre des freres Minimes nommé frere Iean de Hans (il est natif de vostre ville de saint Quentin) lequel semble seul faire teste à tous les Ministres. Car il
n'ya

*Frere Iean
de Hans Mi-
nime fait
teste aux
Ministres.*

iour qu'il n'ait presché deux fois pendât les Aduents, d'une grande facilité de langue & d'esprit, n'oubliant riens de ce qui fait à nostre cause. Il n'est pas qu'un bachelier en Theologie n'ait entre autres articles de ses positions mis cestuy en la tentatiue, Sçauoir s'il estoit en la puissance du Pape d'excommunier un Roy, & donner son Royaume en proye, & d'affranchir ses sujets du serment de fidelité qu'ils ont en lui, quand d'ailleurs il se trouue qu'il fauorise les heretiques. Ceste positiō extraordinaire tombée és mains de Monsieur de la Roche-sur-yon gouuerneur de Paris, il en a fait plainte à la Cour de Parlement, laquelle par son arrest du quatriesme Decēbre soixante & un declara ceste proposition seditieuse. Et pour ce que ce Bachelier n'a peu estre pris au corps, pour auoir gaigné le deuant, il a esté ordonné que le bedeau de la Sorbonne habillé d'une chappe rouge, en presence de l'un des Presidens de la Cour & de quatre Conseillers, & des principaux de la faculté de Sorbonne, declareroit que follement & temerairement ceste proposition auoit esté soustenuë: & au demeurant qu'en haine d'icelle l'on ne disputeroit publiquement de la Theologie quatre ans ensuiuants au college de Harcourt, où ceste question auoit esté debatue. Quelque cas qu'il y ait, ceste grande Cour retiēt tousiours la dignité en quelque temps que ce soit, & la retenant il seroit impossible de dire combien cela sert à la manutention de la grandeur de noz Rois.

A Dieu.

*Proposition
soustenuë
par un ba-
chelier de
Theologie.*

A Monsieur de Fossomme.

xiii

*Le Minime
mené pri-
sonnier au
Roy, retour-
ne dans l'a-
vis avec
trionse.*

VSSIEZ vous iamais en vostre ieunesse estimé veoir quelque-fois en ceste France telle desbauche? Que dans vne mesme ville il y eust exercice de deux diuerses religions? Mesmes dans la ville capitale de France, & non seulement dās icelle, mais que ce soit celle où l'on y ait fait la premiere bresche? Oyez comme les choses se passent encores. Je vous auois n'agueres mandé que frere Iean de Hans faisoit rage de mal traiter noz Reformez: Rouge aureille Preuost des Marechaux de l'Isle de France, l'enleue vn grand matin, & par commandement de ceux qui gouernent, le meine lié & garoté à saint Germain en Laye, pour auoir presché trop licentieusement encontre eux. Plusieurs notables bourgeois irrités de ceste indignité se transportent en grande troupe à saint Germain, demandent que leur Prescheur leur soit rendu, ce qu'ils ont obtenu. Que voulez-vous plus? Ce religieux est rentré dedans nostre ville avec tel applaudissement & compagnie de gens de pied & de cheual, comme si c'eut esté vn grand Prince. Et le lendemain de son retour, a esté faite vne grande procession en l'Eglise saint Barthelemy pour louer Dieu en sa faueur. Cestuy, si ie ne m'abuse, n'est pas vn petit heurt encontre ceux de la religion. Grande pitié que i'vse maintenant de ce mot pour dire ceux de la ligue. Ce frere fait tous

les iours en ses sermons plusieurs grands trophées de sa prison. Donne à entendre fortement que ceux qui commandent ne sont si zelateurs des autres comme l'on se persuadoit : qu'il ne faut doubter de leur faire teste. Nul des autres ne s'en ose plus remuer, voyant que leur premier project non seulement n'a porté aucun coup, mais c'estoit tourné à leur honte & confusion. Or comme le temps semble se disposer à nouvelles calamitez, il me plaist de vous raconter ce-
 cy. Les Ministres n'auoient encor' eu permission de prescher sinon les iours ouurables, craignant que si aux iours de festes ils preschoiēt pendant que le peuple chommoit, ce n'eust esté faire ouuerture à nouvelle sedition. Il n'y a homme d'entendement qui ne
 die que ceste ordonnance estoit fort sage & politique, veu la necessité du temps. Toutesfois les Ministres impatiens de nostre repos, commencēt à crier aux aureilles des grands, que la moitié de leurs ouailles estoit affamée de la parole de Dieu, c'estoient les
 pauvres maneuures qui ne pouuoient aux iours ouuriers exercer la manufacture dont ils viuoient, & fréquēter leurs sermons. Monsieur de la Roche-sur-yon sage Prince preuoyant les inconueniens qui en pouuoient sourdre, leur resiste fortement : en fin voyant qu'il ne pouuoit auoir du meilleur, il quitte volontairement son gouuernement de Paris, & le remet entre les mains de Monsieur le Marechal de Montmorency. Qui le reprend comme Gouverneur de l'Isle de France avec de grandes prerogati-

*Commence-
ment dans
Paris de la
ruine des
Huguenots.*

*Tournée s.
Medard.*

ues:mesmes avecques gardes tât pour la seurte de sa
 personne, que pour garantir la ville des seditions. Et
 pour ceste mesme raison a esté estably dans Paris vn
 guet perpetuel de soixante archers à gages de soixan-
 te liures par an:ausquels commande Gabaston, vail-
 lant soldat de sa personne. Lequel pour sembler vn
 peu fauoriser l'autre party, acquiert de iour à autre
 grandement la haine du peuple. Leur requeste leur a
 esté enterinée, vers les feltes de Noel:pendât lesquel-
 les les Ministres voulants vacquer à l'exercice de leur
 religion, le lendemain du iour de Noel, voicy l'argu-
 mēt d'vn nouueau tumulte qui sourdit inopinémēt.
 Assez pres du Patriarche estoit l'Eglise saint Medard,
 en laquelle pour la solemnité du iour on carrillonne
 pendât que Malo Preschoit. Les protestants estimāts
 que celà se fait de propos deliberé pour empescher
 que leur Ministre ne fust entendu, commencent à
 s'esmouuoir:& y enuoiēt quelqu'vn d'entr'eux pour
 les prier de faire taire leurs cloches. Ne voulants ces-
 ser, on s'eschaufe. On viēt aux mains dans l'Eglise S.
 Medard. Ceux de la religion estoiet assistez du guet
 & des Preuolts des Marechaux, pour engarder qu'ō
 ne leur mesfeit, ceux-cy se mettent de la partie. Le tu-
 multe a esté estrāge. Plusieurs hommes qui naurez,
 qui tuez, l'Eglise S. Medard rōpue, les vitres brisées,
 images iettées bas. I'ay horreur de vous raconter tout
 au long toutes les particularitez que l'on dit y auoir
 passé. Celà n'estoit point encores adueni en noz E-
 glises. Il y a pis:car le battu à payé l'amēde. Les gēs de

Gabaſtô & Rougeaureille ont mené par troupes priſonniers les Catholics, cōme auteurs de ceſte ſeditiō, nuls des autres. Les Bourgeois de Paris en criēt, diſans q̄ l'on les a taillez pour payer les gages de ce nouueau guet à leur ruine. Preſentēt requeſte à la Cour de Parlement, à fin de leur eſtre fait droit ſur les meurdres, empriſonemēts, vols de chappes, calices & ornemēts de l'Egliſe. La Cour biē empeſchée de ce fait, cōmet deux des Cōſeillers, Mōſieur Gayāt Catholic & Mōſieur Fumée de la religiō, pour en informer cōiointement. Sut ces entrefaites on a pris au corps deux de la religiō nouuelle nōmez les Cagers, pere & fils. En ceſte cōfuſiō il eſt aduenū q̄ les Catholiques recuſēt par autre requeſte tous les Cōſeillers Huguenots: au cōtraire les Huguenots recuſēt to⁹ les Catholiques, i'vſerai deſormais de ces deux mots pour être pl⁹ court, & par ce q̄ ie voi deſia les deux partis formez à la ruine de noſtre Frāce. Pour obuier au ſcādale, la Cour a ſāgemēt ordonné q̄ l'vne & l'autre requeſte ſeroit lacerée, en la preſēce de ceux qui l'auoiēt preſentée. L'Egliſe S. Medard chōme aujourd'hui ſans q̄ l'on y face le ſeruice diuin, cōme ayāt eſté profanée: pour euitier à pareil incōuenient on a enioint aux Miniſtres de ſe choiſir autre lieu q̄ le Patriarche. Voilā quāt à la ville de Paris: mais pout le regard du general de la France, pour autāt q̄ l'Edit du mois de Iuillet eſtoit ſeulement priuiſional, le Roi à l'iniſtigatiō de ceux qui lui aſſiſtēt maintenant de cōſeil, à enuoïé mandemōts par tous les Parlements, à fin qu'ils euſſent à enuoier en Cour

*Preparatifs
pour l'Edit
du mois de
Januier
1561.*

trois ou quatre des plus suffisants de leurs compaignies, pour donner leurs aduis sur la closture & resolution finale du total. A ceste assemblée se sont trouuez les Connestable, Marechal de saint André, & Cardinal de Tournon, qui s'estoient peu auparauant absentez. Ils se sont assemblez le troisiésme Ianuier. Et là Monsieur le Chancelier de l'Hospital a remonstré comme ceste nouuelle religion auoit petit à petit prouigné les Edits par le grand Roy François, par Henry son fils, par François second, pour la supprimer: toutesfois que nul de ces trois Princes n'y auoit sceu paruenir, quelques punitions exemplaires qu'ils eussent faits cõtre ceux qui la suiuiõent. Que pour ces causes nostre ieune Roy desiroit trouuer les moiens comment il pourroit tranquilliter toutes choses: & que chacun d'eux deuoit estimer qu'il estoit venu en celieu pour establir vne repub. & non vne religion. Estant le vouloir & intention du Roy de passer toutes choses quoyement: & que l'on ouurist les moiés de bānir ceste nouuelle religiõ sans troubles, ou bien que les vns vesquissent avec les autres souz vn mesme Prince en amitié & fraternité. C'estoit vne proposition fort malaisée à resouldre. Toutesfois apres plusieurs & diuers discours, il a esté en fin arresté que ceux de ceste religion qui s'estoient emparez des Eglises les rendroient, & aussi vuideroient des maisons, biens, & reuenuz appartenants aux gens d'Eglise: pourroient faire assenblée hors les villes tant seulement pour exercer leur religion, avec de-

fenſes toutesfois de baſtir temples. A la charge que toutes & quantesfois que les officiers du Roy voudront aller à ces aſſemblées pour voir quelle doctrine y ſeroit annoncée, qu'ils y ſeroient receuz & reſpectez ſelon la dignité de leurs charges. Qu'aucuns Synodes ou conſultaires ne ſeront faits ſinon en la preſence ou par congé de ces officiers, ny ſemblablement aucuns magiſtrats creéz, ny loix, ſtatuts, ou ordonnances par eux faites. Mais que s'ils eſtimēt choſe neceſſaire de conſtituer entr'eux quelques reglemens pour l'exercice de leur religion, qu'ils les communiquent aux Officiers du Roy, qui les autoriferont s'ils voyent qu'il ſe puiſſe & doiue faire raſonnablement, ſinon en aduertiront le Roy pour en auoir de luy congé. Ne pourront faire aucuns enrolemens ſoit ou pour ſe fortifier, ou aider les vns aux autres, ou pour offenſer autrui, ne pareillement impoſitions, cucillettes & leuées de deniers ſur eux. Et quant à leurs charitez & aumofnes, elles ſe feront non par cottization & impoſition, ains volontairement. Qu'ils ſeront tenuz de garder les loix politiques, meſmes celles qui eſtoient receuës en l'Egliſe Catholique Romaine, en fait de feſtes & iours chômables, & de mariages pour les degrez de conſanguinité & affinité, à fin d'euiter aux débats & procez qui s'en pourroient enſuiure. Auſſi ſeront tenuz les Miniſtres ſe retirer par deuers les officiers du Roy pour iurer entre leurs mains l'oſeruation de l'Edit, & promettre de ne preſcher doctrine qui contre-

*Edit de l'au-
uier de l'an
1561.*

uienne à la pure parole de Dieu selon qu'il est contenu au Symbole du Concil de Nice, & és liures canoniques du vieil & nouveau Testament. Leur enioignant de ne proceder par conuices en leurs presches contre la Messe & les ceremonies receuës en nostre Eglise Catholique, & de n'aller de lieu à autre, & de village en village pour y prescher contre le gré & consentement des Seigneurs, Curéz, Vicaires, & Marguilliers : & en semblable à tous Prescheurs de n'vser en leurs sermons d'iniures contre les Ministres, & ceux de leur suite. Cest Edit a esté arresté & conclud le dixseptiesme Ianuier dernier passé : & depuis enuoïé par tous les Parlemēs, qui l'ont tous vnaniment receu & publié, hormis deux, celui de Paris & de Prouence. Ceux ordinairement qui pensent bien discourir sur le faiēt d'une Repub. sont d'aduis que tout ainsi que le fondement general d'icelle depend principalement de l'establissement de la religion, par la crainte & reuerence de laquelle tout sujet est autant & plus retenu que par la presence du Prince: aussi qu'il faut sur toutes choses que le magistrat empesche, ou mutation de religion, ou diuersité souz vn mesme estat. Comme ainsi soit que cela apporte partialitez & discordes intestines, qui se tournent en guerres ciuiles, lesquelles apportent les fins & periedes des Republicques. Si oncques ceste proposition fut brauemēt disputée, certainemēt ça esté lors que l'on a enuoïé cest Edit au Parlement de Paris: Aidé mesmes en cecy du priuilege de l'ancienneré de nostre reli-

*Qu'il ne
faut aisé-
mēt remuer
la religion
ancienne.*

*Difficulté
que le Par-
lement de
Paris fait à
la reception
de l'Edit de
Ianuier.*

stre religion, qui auoit esté continuée de main en main depuis onze ou douze cens ans en ça de la mesme forme cōme nous l'obseruōs par tout ce Royau-
me. Souz ces persuasions & plusieurs autres la Cour n'a voulu verifïer cest Edit. Et a ceste fin pour en faire remonstrances au Roy, ont esté deputez Monsieur le President de Tou, & Monsieur Faye Conseillers: lesquels ayant deduit particulièrement deuant le Roy tout ce qui induisoit le Parlement à ne receuoir cest Edit, Monsieur le Chancelier, pour la dignité de son estat & bas aage de nostre Roy, a pris la parole: Leur disant qu'il ne doubtoit point que toutes les raisons par eux représentées ne fussent de grande efficace: mais qu'il les prioit de penser qu'elles n'auoient esté oubliées en ce grand consistoire de saint Germain: que la question qui se presentoit estoit du nombre de celles en laquelle y auoit à pēser de quelque façon qu'on voulut tourner son esprit: & à vray dire qu'en la resolution d'icelle y auoit lieu pour excuser le magistrat de la faute soustenant ou l'un ou l'autre party. Accordoit que le fondement d'une repub. estoit de n'y auoir qu'une religion: mais quand les choses estoient arriuées à tel desbord comme on les voioit lors par la Frâce, qui n'admettroit cest Edit, il failloit de deux choses l'une: Ou faire passer tous les adherants de la nouuelle religion par le fil de l'espee, ou les exterminer tout à fait avecques permissiō de se defaire de leurs biens. Le premier point ne pouoit estre executé pour estre ce party trop fort tant

*Remonstrances
des Chancelier de
l'Hospital
aux deputez de la
Cour de
Parlement.*

en chefs qu'en partisans: & ores qu'il le peust estre, de souiller la ieunesse du Roy dedans le sang de tant de ses sujets, par aduventure que deuenu grãd & en aage de cognoissance il les redemanderoit à ses gouuerneurs. Et au regard du second il estoit aussi peu faisable: & quand bien il succederoit selon nostre intention, c'estoit bastir par ce Conseil autant d'ennemis desesperez que de bannis. Et quant à l'Edit de Iuillet, ores qu'il eust quelque beau pretexte, c'estoit induire les gens à vn atheisme, en leur permettant de ne frequenter les Eglises Catholiques, & neantmoins leur tollissant l'exercice de leur religion. Parquoy pour obuier à tous ces defaux il auoit esté trouué bon d'establi en France deux Eglises, iusques à ce que Dieu nous eut reuniz en mesmes volōtez: & qu'ainsi auoit esté autre-fois pratiqué par Galere Maximian & Constāce Empereurs pour composer les diuisions qui estoient entre les Chrestiens & Etniques. Leur remonstrant & priant de caller la voile à la necessité presente, brief de tolerer ce scandale pour eui-ter vn plus grand: & que si en cecy on faillloit, c'estoit à l'imitation des nations circōuoisines, lesquelles en pareille necessité auoient esté contraintes de faire le semblable. Ceste responce rapportée au Parlement, & les chambres derechef assemblées on ne change toutesfois d'aduis, & qui est chose à remarquer combien qu'en l'Edit de Iuillet le party Catholic n'eust passé que de trois voix, en ceste derniere deliberatiō il passa de xxiiij. S'estans à mon iugement fait sages

*Perseueran-
ce du Parle-
ment contre
l'Edit de
Iui.*

par les nouueaux deportemens & insolences des autres, combien il importoit au public de ne relascher riens de l'ancienne religion. Celà a apporté nouuelle rumeur entre les seigneurs de Cour. Par ce que le Roi de Nauarre bien qu'il ne tienne au iourd'huy le gouuernement que par la faction de ceux de la religion, si semble il auoir tourné sa robe & fauoriser l'ancienne religion. Le Prince de Condé luy fait teste ouuerte pour la nouuelle. D'un autre costé les Parisiens sont arriuez à saint Germain en Laye partialisez en deux ligues, les vns pour l'une, les autres pour l'autre religion: l'on peut dire que c'est à beau jeu beau retour. Finalement par la pluralité des voix encores a-il passé pour l'Edit. Et a esté commis le Prince de la Roche-sur-yon pour le faire publier au Parlement, avec commandement expres que là où l'on seroit refusant ou delayant de ce faire, il le feroit publier sans forme iudiciaire, assisté seulement de quelques particuliers Conseillers tels qu'il pourroit choisir. Ceste commission estoit violente: mais luy sage Prince l'a executée fort doucement, remontrant quel'intention du Roi estoit fondée sur la necessité du réps: que la Cour de Parlement pouuoit bien cognoistre ce qui se passoit deuant ses yeux en vne ville de Paris, mais n'estoit informée des plaintes qui venoient de toutes parts du Royaume iournellement aux aureilles du Roy & de son Conseil: la priant d'aduiser sommairement & sans aucun long discours du Ouy ou du Nenny qu'elle auoit à respondre. Sur celà il a

esté par commun accord aduisé que tousceux qui auoient assisté au conseil de saint Germain, auroient voix deliberatiue en ce fait cy comme les autres: tellement qu'en fin il a esté ordonné que l'Edit passeroit. Vray qu'en l'exécution ils ont bien monstré que c'estoit par vn consentement forcé. Par ce que le vendredy vingt & sixiesme de Mars iour extraordinaire de plaidoirie, il a esté emologué avec toutes les demonstrations de contrainte. D'autant qu'auques l'Edit ont esté aussi publiées toutes les iussions du Roy. Ce que l'on n'a pas appris de faire en telles publications. Dauantage le Procureur general n'a riens requis publiquemēt, ains déclaré qu'il auoit baillé ses conclusions par escrit. Au moien dequoy il a esté ordonné par la Cour que sur le reply des lettres il seroit mis qu'elles auoient esté leües, publiées & enregistrées, ouï le Procureur general du Roy, sans aprobatïō toutesfois de la nouuelle religiō, le tout par maniere de prouision & iusques à ce que par le Roy en eust esté autremēt ordonné. Ainsi s'est passé cest Edit dās Paris. Car quant au Parleimēt de Prouence Mōsieur d'Vzes y auoit esté quelques mois auparauant enuoié avec cōmissiō tres-ample pour le cōtraindre de le publier. Il y a du cōmencement trouué quelque obstacle par le moien d'un gentil-homme nommé Clichan assisté d'un Cordelier, mais en fin tout celà s'est esuanoïi en fumée, & y est l'Edit publié. Les Huguenots ont par ce moien tout ce qu'ils demandent: & deuant qu'ils l'eussent, ils s'en estoient fait croire. Car eux-mêmes

s'estoient doné la loy de prescher aux fauxbourgs de Paris en deux endroits, & presque par toutes les villes de France, auparauant que d'en auoir permission par Edit. Si les Catholics sont autât contents, ie m'en rapporte à ce qui en est. Le temps peut estre nous fera sages, mais ce sera à noz propres cousts & despens. A Dieu.

A Monsieur de Fossomme.

XIV.

EV T il iamais histoire qui porrast de si estranges regards que ceste-cy? Mō Dieu que ie souhaiterois maintenant entre nous quelque Tite-Liue Chrestien, qui d'une plume bien hardie nous enseignast cōme Dieu a voulu manifester les effets de sa puissance cachée, cōtre toute la prudēce des hōmes. Car ainsi que les affaires se passent entre nous, vous trouuerez dās vn abisme & confusio de routes choses, to⁹ les Princes auoir pour le soustenemēt de leurs partis apporté tout ce que l'on pouuoit souhaiter de la sagesse humaine, & au bout de celà q̄ lors qu'ils ont pélé estre arriuez à chef de leurs desseins, toutes leurs esperances se sont tournées à neant. Mesmes que ce sur quoi ils auoiēt establi leur grādeur, a esté le fōdemēt de leur ruine. Y eut il oncques embusche mieux dressée que celle qui fut faite souz le regne du Roy Héry au Parlemēt de Paris, ou q̄ l'autre d'Orléas souz le petit Roy François, pour chasser & bannir ceste religion nouuelle, q̄ l'on voyoit prédre trop lōgues racines entre nous? Toutesfois lors que les entrepreneurs

Changemēt de la volenté du Roi de Navarre cōtre les Huguenots, & pourquoi.

Cōme Dieu a diuersement reduit illusaires les conseils des Princes en ce nouueau remuement de religion.

Dd iij.

d'icelles penserent estre au comble de toutes leurs affaires, ils se trouuerent tout aussi tost supplantés par les morts inopinées & casuelles de ces deux Rois. Et en ceste dernière nommément, ce que l'on estimoit deuoir estre la ruine du Roy de Nauarre, fut sa grandeur. Car si (comme ie vous ay escrit) à la mort du petit Roy François il ne se fust trouué a poinct nommé dedans la ville d'Orleans, i'ay opinion qu'il n'eust esté appelé à ceste grandeur en laquelle nous le voyons, encores qu'elle luy soit deuë à iustetiltre. Voire que les trois estats que l'on auoit delibéré lors d'assembler à la confusion & ruine des Huguenots, leur fut apres le decez du mesme Roy François vn instrument de leur assurance. Or voyez maintenant comme la chance s'est tournée. Les Huguenots auoient toute leur confiance sur luy. Permettez moy encores derechef vne fois pour toutes & pour abregement de langage que i'vse enuers vous de ce mot au lieu de ceux de la religion nouuelle, ou de la religion pretendue reformée. Je suis deuenu auaricieux en paroles, & les plus courtes me sont les meilleures. Ce seroit perte d'ancre & de papier de mettre trois mots pour vn seul. Dorenavant les Huguenots & Catholics seront les termes de noz lettres discourâtes entre nous deux les calamitez de ce temps. Sans que pour celà entendions blasonner les vns ou les autres. Ils auoient dy-ie toute leur confiance sur ce Roy, comme sur celuy qu'ils auoiēt porté sur leurs espaulles, & entre les mains duquel ils auoient fait rôber le

gouuernement de la France par leurs brigues & menées en l'assemblée des trois Estats. Et de fait en recognoissance de ce, il auoit permis par vne conuenance bien grâde que les presches fussent faits à huis ouuert, non seulement dans Paris, ains dans la Cour mesme du Roy à saint Germain en Laye. Aussi estoit il fort malaisé qu'il se maintint en sa grandeur, sinon par le moien de ceux lesquels au reciproque auoient a se soustenir par l'appuy & faueur de luy mesme. *Quels furent les motifs pour lesquels le*
 Toutes-fois changeant de propos il fut le premier *Roy de Navarre changea d'opinion contre les Huguenots.*
 outil par lequel les Catholiques s'armerent contre les autres. Mais par ce que ce sont lettres clausées à plusieurs, & que peut estre n'avez entendu comme ces pratiques se sont menées; Sçachez que le Pape voyant le remuement de mesnage qui se faisoit entre nous, a enuoié Monsieur le Cardinal de Ferrare oncle de Madame de Guise legat en France avec tres amplex facultez. Celà par vn tres sage cōseil, à fin que si quelques-vns vouloient deuenir paresseux d'aller à Rome, en ceste nouuelle face d'affaires de la religion, il y eut vn Prelat entre nous, lequel pourroit supplier par la facilité & de sa presence, & de sa faueur, l'absence de sa saincteté. Aussi auons nous par deçà le seigneur de Charantonneau fils du feu Chancelier Grauelle. Cestuy Embassadeur du Roy Philippe est, ainsi que l'on dit, gaigné par quelques grands Princes des nostres, ausquels ne plaisoit ceste diuersité de religions. Luy suiuant la capitulation prise entre eux, se transporte trois ou quatre-fois en habillement desguisé

pardeuers le Roy de Nauarre: l'asseurant de la part de son maistre, que là où il voudroit prendre la protection de l'Eglise Romaine, il luy redroit son Royaume de Nauarre, ou bien l'equiualent en assiette de pais souuerains, aussi riches & plantureux. Ceste trefme commēçant d'estre tissüë, le legat se met aussi de la partie: luy promettant du saint siege le Comté de Venisse, & encores luy moienner enuers le Roy Catholic le pays de Sardaigne que le Pape erigerait en Royaume, là & au cas qu'il ne luy voulust rendre le pays Nauarrois. On dit qu'à toutes ces promesses Monsieur le Connestable & Marechal de saint André tenoient la main pour les luy faire gouster. Que celà soit veritable comme l'Euangile, ie ne suis pas si osé de le vous mander. Mais tant y a que le bruit commun estoit tel. Bien vous puis-je dire qu'à vn instant on a veu & son visage & la volôté s'estre eschangée à l'endroit des Huguenots. Car il defendit aux Ministres de plus prescher au chasteau, cōme ils s'estoient dōnez loy & permission de ce faire cinq ou six mois auparauāt. Mesmes en l'assemblée de saint Germain, où furent conclues les deux Eglises, il s'y opposa tant qu'il peut: mais le Prince de Condé, l'Admiral & autres qui lors n'enoient pas des derniers grades pres du Roy, luy feirent cōtrecaire, & l'emporterent pour le regard de la publication de l'Edit. Vray qu'il n'a pas esté si tost publié que des sa naissance il est mort, estant (si ainsi vo ulez que ie le die) vn vray auorton de la France; mais qui par sa mort produira plusieurs tranchées

tranchées dans les entrailles de celle qui l'a produit. Le Roy de Nauarre assisté de Monsieur le Connestable & du Mareschal de saint André, a mandé Monsieur de Guise, qui est pour le iourd'huy à Iainville, pour se venir ioindre avec eux, & faire casser tout ce qui s'estoit fait au preiudice de l'Edit du mois de Iuillet. Sur ces mescontentemens, la Cour du Roy, qui auoit l'espace de six ou sept mois seiourné à saint Germain, s'est rompuë pour prēdre la route de Fontain-bleau. Les vns ioieux, les autres fachez de ce nouveau remuement, & tous les sages grandement estonnez, pour ne sçauoir sur qui en cest orage public tombera le tonnerre. A Dieu.

A Monsieur de Fonsomme gentilhomme Vermandois.

xv.

MONSIEUR de Guise apres auoir receu les lettres du Roy de Nauarre, a rebroussé son chemin en Cour, & à son retour passāt par la ville de Vassy les siés pretendāts auoir receu quelque iniure par les autres, ont fait passer plusieurs au fil de l'espee, lors qu'ils vacquoient à l'exercice de leur religion. Beze en a voulu faire instance: mais silence luy a esté imposé par le Roy de Nauarre. Quelques iours apres Monsieur de Guise est arriué dans Paris, costoyé des Connestable & Mareschal de saint André avec vne grande troupe de gendarmes. Il a esté receu

Monsieur de Guise retourne en Cour, lié avec le Connestable & Mareschal des. André.

Ec

magnifiquement, & avec vn grand appareil par les Parisiens. Le Preuost des Marchâds & Escheuins sont allez au deuant de luy pour le bienveigner. Ce mesme iour le Prince de Condé qui estoit en la ville, est allé au Presche avec grande compagnie en vne maison des faubourgs saint Iacques que l'on appelle Ierusalem. Deux iours apres est arriué le Roy de Navarre, & le lendemain iour de Pasques fleuries a esté faite vne procession generale, où il estoit. Qui a donné quelque assurance au peuple de voir reestablis les choses en leur ancien estat. Pour celà les Ministres ne laissent de prescher. C'est vn vray chaos & confusion. Toutes sortes de gens tant de l'vn que de l'autre party s'assemblent dans la ville, leurs chefs & principaux capitaines y estants. Les coups de pistoles & canons nous seruent de carillon. Les armes nous ont esté rendues, lesquelles peu auparauant auoient esté portées en l'hostel de ville par le commandement du Prince de la Roche-sur-yon. Quelque peu apres il a esté capitulé entre ces seigneurs que le Prince de Condé vuideroit le premier de la ville pour euitier aux seditions, & que le lendemain de son partement le Roy de Navarre & ses partisans feroient le semblable. Le Prince s'est retiré à Meaux, où apres auoir fait là Cencil a fait vn grand amas de gens. Le semblable ont fait l'Admiral, les sieurs d'Andelot, la Roche-foucault. Grammont remue toute la Guienne, & Montgomery la Normandie. Quelques-vns auoient conseillé à la Roine mere de se retirer de Fô-

taine-bleau dans la ville d'Orléans avec le Roy & Messieurs ses freres; & là se tenir close & couuerte cōtre tous, iusques à ce qu'ils fussent entrez en quelque bonne reconciliation. Elle n'y a voulu ou osé entendre. Tellement que le Roy de Nauarre l'a retrouvée à Fontaine-bleau. Lequel aduertty que le Prince de Condé estoit passé le Lundy de Pasques au rez des murailles de Paris avec quinze cens cheuaux; & s'estoit logé à saint Cloud, prit resolution de retourner dans Paris, encores que l'opinion de la Reine ne fust telle. Le Prince de Condé prend de là argument & pretexte de son entreprise: disant que le Roy estant detenu prisonnier par les autres, il a chargé les armes pour le deliurer de ceste captiuité. S'il m'estoit permis de iuger des coups, ie vous dirois que c'est le commencement d'une tragedie qui se iouera au milieu de nous à noz despēs, & Dieu vueille qu'il n'y aille que de noz bources. Mais tout ainsi que les spectateurs cognoissent aisément les bien ou malseances de ceux qui iouent; aussi si i'osois bonnement iuger des coups entre vous & moy, ie dirois volontiers, que Mōsieur le Prince a fait icy plusieurs fautes. Je ne vous diray point d'auoir changé de religion, & moins encores d'auoir pris les armes: ce sont fautes qui sont trop lourdes. Mais puis qu'il luy estoit aduēu de franchir le Rubicon, il ne deuoit desemparer, ny la ville de Paris, ny la presence de son Roy. Car celuy qui demeurera en possession de l'un ou de l'autre, aura de grands aduantages sur son en-

Fautes commises par le Prince de Condé au commencement des troubles.

nemy. Le premier pas de clerc que feit Pompée en la guerre ciuile qu'il eut contre Cesar, fut quand il quitta la ville de Rome pour la laisser à son ennemy. Le Prince recognoist aucunemēt qu'il s'est en cecy mespris, & pour y dōner ordre à surpris la ville d'Orléas, dans laquelle il pourra fort aisēmēt assembler ses forces: ville vrayement à luy fatale, en ce que peu auparavant il s'y estoit presque veu au dessouz de toutes affaires, & maintenāt il y tient rang de souuerain. Cella a estonné aucunement les Princes & sieurs Catholiques. Quia esté cause que le Roi estant à Melun, ils ont resolu de l'amener dans Paris. Monsieur le Connestable y est arriué le premier à basse noise; & le lendemain de son arriuée qui a esté le iij. Avril cinq cēs lxij. il a fait faire monstre aux citoiens avec vne bien grande ioye & allegresse de tous. *Dulce bellum inexpertis.* Ce mesme iour il a fait brusler tous les bācs, sieges & chaires de Popincourt & Ierusalem. En ce tumulte la maison de Popincourt mesmes a esté bruslée. Et deslors ont cessé les Presches des Huguenots dans la ville de Paris. Le tout non sans grandemēt affliger ceux de la religion l'espace de quatre ou cinq iours: pendant lesquels le Roy est entré dans Paris sans forme d'étrée Royale; par ce que les affaires presentes ne le portoiēt pas. On ne parle plus que de guerre. Chacun fourbit son harnois. Monsieur le Chancelier s'en contriste. Tous les autres y prennent plaisir. Quand il en a voulu parler, Monsieur le Cōnestable luy a dit que ce n'estoit à gens de robe longue d'opiner sur le

fait de la guerre. Mais il luy a respondu, que combien que telles gens ne sceussent conduire les armes, si ne laissoient ils de cognoistre quand il en failloit vsfer. Respõse qui ne me sèble pas moins vraie, que hardie. *Combien les guerres ciuiles sont dâgereuses, & mesmes pour la religion.* Car il n'y a riens tât à craindre en vne Repub. qu'une guerre ciuile; ni entre les guerres ciuiles, que celle qui se fait souz le voile de la religiõ: mesmement pendât qu'un Roy pour sõ bas aage n'a puissãce de cõmander absoluemēt. Il y a trois choses que l'õ doit craindre infinimēt en toute principauté, immēsité de debtes, minorité d'un Roy, & remuemēt de religion. Car il n'y a celle de ces trois qui ne puisse particulieremēt apporter mutation d'un Estat. Cõbien doncques ces trois se trouuants auioird'huy concurrencer ensemble, nous doiuent elles apprester de peur? Je sçay bien que tous ceux qui ont pris en main la defense du party Catholic, n'appottent en ceste cause qu'une sincere deuotion; toutesfois en tels accidēs de guerres ciuiles on doit craindre de tous costés les euenemēs d'une victoire absoluë. Celui qui obtiēt vne bataille soit pour ou cõtre son Roy, en affoiblissant son ennemy, gaigne de grâdes authoritez & prerogatiues nõ seulement sur tout le peuple, ains sur sõ maistre mesmes. Et c'estoit la raison pour laquelle ce bon citoien Caton d'Utique, apres auoir fait tout ce qu'il peut pour rompre les troubles d'entre Pompée & Cesar, & n'y ayant sceu atteinre, s'estant par jeu forcé rendu partizan de Pompée, qui soustenoit l'autorité du Senat de Rome, toutes-fois il redoubtoit autant

que Pompée vint au dessus de Cesar, comme Cesar de Pompée. Preuoyant que de quelque costé que fust la victoire, c'estoit non seulement la desolation & ruine de la Repub. de Rome, mais aussi le preparatif de nouvelle tyrannie à celuy qui seroit le victorieux. Je croy que ces mesmes considerations font que Monsieur le Chancelier ne peut trouuer bon que l'on prenne maintenant les armes. Mais il ne considere pas, que quand il s'agit de la mutation d'une religion ancienne, chacun y court comme au feu, pour empescher la nouvelle: l'estime que c'est pecher contre le saint Esprit de vouloir en cecy mesnager toutes les propositions politiques, & qu'il faut hazarder l'estat pour le garentir d'un plus grand hazard, qui frappe au corps & à l'ame, & à peu dire que c'est une vray folie, d'y vouloir apporter attrempance. Certainement lors que tels malheurs nous aduiennent, c'est là où les plus sage-mondains perdent le pied. Aussi ne les voyons-nous iamais que quand il plaist à Dieu de nous tocher visuellement pour nos pechez. Au demeurant ceux qui conduisent entre nous principalement le party Catholique, sont le Roy de Nauarre, les seigneurs de Guise, Connestable; & Marechal de saint André: & pour le parti Huguenot, Monsieur le Prince, l'Admiral, les seigneurs d'Andelot, & de la Roche-foucaut. Et combien que tout se face de deça souz le nom, ou du Roy, ou bien du Roy de Nauarre, toutesfois Monsieur de Guise a la plus grande part au gasteau. Comme en cas sem-

blable de delà, l'Admital, ores que Monsieur le Prince soit le chef. Ce sont en somme deux grands Princes du sang, freres, dont les autres, (chacun en son endroit) se tergent pour paruenir au dessus de leurs intentions. A Dieu, 1561.

*A Monsieur de Fossomme gentilhomme
de Vermandois.*

XVI.



M AINTENANT ce ne sont que cartels. Chacun pour pallier son entreprise, & donner le tort à son ennemy, enuoie des declarations telles qu'il veut. Monsieur le Prince declare qu'il auoit esté contraint de prendre les armes, non pout le soustenement de sa religion, ains pour deliurer le Roy, & la Roine sa mere de la captiuité en laquelle ils estoient. Les Catholics d'un autre costé ont fait publier vne declaration enuoiee par le Roy à son Parlement, par laquelle il declaroit qu'il aduoit tout ce qui estoit fait par les Princes & seigneurs qui l'environnoient, tant s'en faut qu'il soit par eux detenu en captiuité: & qui plus est pour mettre ceux d'Orleans en leur tort, du iour au lendemain, on a publié autres lettres, par lesquelles le Roy veut & entend que l'Edit de Ianuier sorte effect par tout son Royaume, fors en la ville & banlieue de Paris, & es autres villes où il n'y a eu exercice de ceste religion. Le Prince de Condé a protesté au contraire, & fait.

*Feu des
troubles de
lxi. allumé
generale-
ment par la
France.
Diuers pre-
textes pris
par les Prin-
ces.*

courir vn ample manifeste , par lequel il declare que ce n'est aucune passion particuliere qui le pousse, ains la seule consideration de ce qu'il doit à Dieu , & à la couronne de France souz le gouuernemēt de la Roine. Souz laquelle opinion il s'estoit voué de remettre en pleine liberté le Roy , & maintenir l'obseruation de ses Edits sans aucune dissimulation , mesmement celuy de Ianuier. Protestant que tant & si longuement que ceux qui s'estoient emparez du Roy seroient en sa Cour, il ne reputoit aucunes lettres, mandemens ou depesches venir de luy , quelque emprunt que l'on feist de son nom : qu'il n'entend toutesfois comprendre souz ceste generalité le Roy de Nauarre. Et l'vnziesme iour d'Auril, les Huguenots ont passé vne association ensemble (ils ne l'ont pas voulu nommer ligue) par laquelle ils ont promis viure & mourir ensemblement iusques en l'age de la pleine maiorité du Roy : permettoient aux seigneurs du conseil priué d'y entrer, fors à ceux lesquels pour asservir le Roy, auoient nouuellement pris les armes; qu'ils reputoient crimineux de leze Majesté, s'ils ne les despouilloient promptement. Ceste declaration & association apportée à Paris, il y en auoit quelques-vns qui estoient d'aduis que Monsieur de Guise, le Connestable & Marechal saint André s'ellongnassent de la Cour. Mais ils ne les ont voulu croire, estimants que celui qui laisse la partie, la perd. Contre ceste declaration ceux de deça ont couché d'vne protestation plus hardie que leur premiere;

par te

par ce qu'ils dient qu'ils seroient à l'aduenir declarez deserteurs de l'honneur de Dieu, infideles à leur Roy, & ennemy de leur patrie, si par eux n'estoit donné prompt remede aux inuasions & entreprises de ces nouveaux Chrestiens & liberateurs de leur Roy. Parquoy estimoient necessaire non seulement pour l'acquiesce de leurs consciences, ains de celle du Roy, suivant le serment qu'il auoit fait à son sacre, & pour ne confondre tout ordre diuin & humain, dont s'enfuiuroit apres la fin du Royaume, que le Roy ne deuoit autoriser diuersité de religion par la France, ains la seule Eglise Catholique, Apostolique, Romaine, receüe de tous ses predecesseurs & de luy. Qu'il failloit que tous officiers & beneficeiers tinssent la mesme religion, & en feissent expresse profession. Et pareillement que ceux qui auoient chargé les armes sans l'expres consentement du Roy, & du Roy de Nauarre representât sa persone par tout le Royaume, les deposassent à peine d'estre declarez rebelles. Que les forces assemblées par le Roy de Nauarre seroient entretenues pour quelque temps, dans lequel on esperoit trouuer le fruit de tout ce que dessus. Et ce fait & accompli ils estoient prests de se retirer non seulement dedans leurs maisons, ains se confiner au bout du monde si besoin estoit, apres auoir donné ce contentement à leurs ames d'auoir rendu à Dieu, au Roy, à leur patrie, & à leurs consciences, l'honneur, le seruice, l'union, charité, & tout autre fidele office qu'ils leurs deuoient en si euident peril & necessité.

Pout auquel obuier ils estoient prests de sacrifier leurs vies & tout ce qu'ils auoient de plus precieux en ce monde. Voilà cōme les vns & les autres iouient leurs roolles, & à vtay dite c'est à beau jeu beau tout. La Roine ce pendant ne s'endort pour pacifier toutes choses. Mais elle n'y peut atteinde. Par ce que le Prince s'est fermé en ces trois points, en l'obseruation de l'Edit de Ianuier sans testiction: que les sieurs de Guise, Connestable & Marechal qui ont premiers pris les armes, les quittent aussi les premiers: & finalement qu'ils desemparent la presence du Roy. Chose que feroit en cas semblable le Prince, pour ce fait estre par le Roy & la Roine rappelez ceux qui leur plairoit. Il est impossible de les accorder. Car qui accorderoit le premier article, ce seroit offenser la ville de Paris, à laquelle on ne veut desplaire. De quitter les premiers les armes, c'est se mettre en la misericorde & mercy de son ennemy. Aussi que le Connestable & Marechal dient, qu'estants constituez aux premieres dignitez de la France, il n'y auoit nul propos ny apparence que premiers ils posassent les armes. Et quant à l'eslongnement, Monsieur de Guise soustenoit que ses offices de grand Maistre & grand Chambellan luy commandoiēt d'estre pres du Roy. Mais pour apporter quelque moien entre ces deux extremitez, ils offrent que tous delaisent les armes, & qu'elles demeurent es mains du Roy de Nauarre, frere aisné du Prince de Condé, & Lieutenant general du Roi. Pour ce fait estre resolu qui auoit du tort,

non par la Cour de Parlement suspecte aux Huguenots, ains par la resolution & decret des trois Estats de la France. Le Prince de Condé n'a pas voulu accepter ces offres. Il a opiniõ qu'on le veut tromper. Les autres font pareil iugement de lui: & parauenture ne font en cecy les vns ny les autres trõpez. L'on depesche commissions de tous costez pour leuer gens. En celles du ban & arriereban l'on donne à entẽdre à la noblesse que c'est pour deliurer Mõsieur le Prince de Condé, qui est detenu captif par quelques ames seditieuses. C'est à bien parler, troc pour troc, & payer les autres en mesme monnoye. Le Roy de Nauarre a enioint aux Preuosts des Marchands & Escheuins de Paris de nous faire assembler en chaque dizaine pour eslire vn Capitaine & vn Lieutenant, souz le cõmandement desquels nous serons tenus de garder les portes. Celuy qui a esté auheur de ceste discipline, est le seigneur de Brissac Marechal de France, au iourd'huy Lieutenant general pour le Roy dedans Paris. Et par ce que les Ministres gaignoient auparauant le peuple par presches & exhortations, aussi Monsieur le Cardinal de Lorraine a voulu faire le semblable entre nous. Il a premierement presché en l'Eglise nostre Dame, ouy d'une incredible affluence d'auditeurs. Et depuis en l'Eglise saint Germain de l'Auxerrois toutes les feries & octaues de la feste Dieu par entresuite de iournées, luy preschant vn iour, & le lendemain le Minime dont ie vous ay cy dessus escrit: admonnestant sur toute chose le peuple

qu'il failloit plustost mourir, & se laisser espuiser iusques à la dernière goutte du sang, que de permettre contre l'honneur de Dieu & de son Eglise qu'autre religion eust cours en la France, que celle que noz ancestres auoient si estroitement & religieusement obseruée. Ce m'a esté chose aussi nouuelle de veoir prescher vn Cardinal, comme peu auparauant vn Ministre. Il a excité grandement le peuple aux armes. Il n'est pas que les plumes mesmes des Poëtes n'en meslent. Brief on ne corne autre chose que feuz, guerres, meurdres, & saccagemens. Si Dieu ne nous regarde d'un œil de pitié, nous sommes taillez de voir bien tost cruellement iouer des cousteaux. A Dieu.

xvii.

A Monsieur de Fonsomme.

Ruines publiques par la France, sous le pre-texte de la religion.

GRANDE & esmerueillable pitié. Nul ne couche que de la religion de Dieu; du seruice de son Roy, de l'amour & pitié enuers sa patrie; & ie n'ë voy vn tout seul qui souz ces beaux pre-textes ne ruine totalement le Royaume de fonds en comble. Tout est en trouble & confusion. Plusieurs villes se sont prises d'elles-mesmes en faueur des Huguenots, Tours, Blois, Angers, Saulmur, le Más, Poitiers, Bourges, Meaux, Roüen, Lyon, Mascon, le Haur de grace, Valence, Montauban: mesmes en la ville de Tholose a esté fait vn cruel estour entre le Catholic & Huguenot, toutesfois le dessus nous est demeuré. Il seroit impossible de vous dire quelles

cruautez barbaresques sont commises d'une part & d'autre. Où le Huguenot est le maistre, il ruine toutes les images (anciē retenail du commun peuple en la pieté) demolit les sepulchres & tombeaux, mesmes passant par Clery il n'a pas pardonné à celui du Roy Louys vnziesme; enleue tous les biēs sacrez & voüez aux Eglises. En contr'eschange de ce, le Catholice tue, meurdrit, noye tous ceux qu'il cognoist de ceste secte, & en regorgent les riuieres. Il n'est pas que pamy celà quelques-vns n'excutēt leur vengeance priuées sur leurs ennemis aux despēs de la querelle publique. Et combien que les chefs facent contenance de n'approuuer tels deportements, si les passent-ils par conuenance & dissimulation. La paix vaut mieuz que la guerre. Celle qui est faite contre l'ennemy estrangier est beaucoup plus tolerable, que l'autre qui se fait de citoien à citoiē. Mais entre les guerres ciuiles il n'y en a point de si aiguë, & qui apporte tant de maux, que celle qui est entreprise pour la religion, cōme ie vous escriuiſois par mes dernieres. Il y a deux grands camps par la Frâce. On s'est assemblé à Baujency, pour voir s'il y auroit moien de pacifier ces troubles. Mais ceux qui s'en sont meslez s'en sont reuenuz aussi peu resolz comme ils y estoient allez. Il est bien malaisé en telles affaires de pouuoir asseurer ceux qui craignent tout. Apres la rouverte de ce pourparler, tout ainsi que plusieurs villes s'estoient facilement diuerties de l'obeissance du Roy, aussi y ont elles esté puis apres d'une mesme facilité reduites. La

ville de Blois a esté reprise. M^osieur de Montpensier a remis es mains du Roy, Tours, le Mans, Angers & Saulmur. Le Marechal de saint André celle de Poitiers, & peu apres Bourges, où il a trouué plus de destourbier & resistance. Au pays de Lionnois, Mascônois & Beauuioulois, le Baron des Adrés Huguenot commet toutes sortes de cruautéz contre les Catholics. Qui ne luy donne pas petit aduantage pour l'exécution de ses entreprises. Montbrun & Mouuant de la mesme religion font plusieurs grands exploits d'armes en Daulphiné. La Cour de Parlemenr par son arrest du vingt-sixiesme iour de Iuin dernier passé, a déclaré tous les Huguenots portants armes rebelles & crimineux de leze majesté diuine & humaine. Contre cest arrest les Huguenots crient & protestent que ceux qui possèdent le Roy ont forcé la Cour de ce faire. Et en disants celà, ils cognoissent qu'ils ont esté enuoiez à l'escole, quand ayant pris les armes ils ne se ioignirent au Roy lors qu'il estoit à Fontaine-bleau, donnants le loisir à leurs ennemis de le faire. On s'est depuis acheminé au siege de la ville de Roüen, dans laquelle Montgommery commandoit pour le Prince. Ceste ville a esté prise d'assault, par le bon conseil & magnanimité du seigneur de Guise (à tout le moins le bruit commun luy en baille l'honneur.) Le Roy de Nauarre y est mort d'un coup de bale, qui n'est regreté des vns ny des autres. Ceste mort a augmenté l'autorité de Monsieur de Guise, lequel a en peu de téps gagné telle vogue &

credit'entre les Catholics, qu'il peut soustenir sa'quelle de soy-mesme sans l'interposition du nom d'un Prince du sang, dont il auoit fait iusques alors pre-texte. Il fait contenance d'obeir au commandemens du Connestable premierement, puis du Marechal de saint André, pour estre leurs estats affectez aux armes, mais pour en dire ce qui en est, il leur commande. Vous attendrez plus amples nouuelles de moy selon que les affaires se passeront; & que le temps m'apportera plus amples instructions & memoires. A Dieu.

A Monsieur de Fossomme.

X VIII.

*Siege deuant
Paris par les
Huguenots.*

DE PUIS mes dernieres le Marechal de Hes Allemant a amené grande quantité de Reistres au Prince de Condé; lequel se voyant augmenté de forces a pris son chemin vers Paris. Vray qu'au parauant que d'y arriuer il a assiégué la ville de Corbeil, dans laquelle il a trouué le Marechal de saint André, qui luy a fait teste. Au moien de quoi contraint de leuer le siege, il s'est venu camper deuant Paris, où il a trouué Monsieur de Guise & tous les autres seigneurs qui l'ont receu en bonne deuotion d'estre protecteur de la ville: On s'est moqué de ceste entreprise; que luy qui auoit failly de prendre Corbeil, se vint aheurter encontre Paris. Et pour ceste cause court maintenant vn commun prouerbe,

Prendre Paris pour Corbeil, quand apres n'auoir peu venir à chef d'une petite entreprise on se promet de paruenir à vne grande. Le siege y a esté mis le premier iour de Decembre. Les Huguenots campez aux villages de Lai, Hercueil, Cachant, Gentilly & autres des enuirõs. On a remis sus, plusieurs propos de paix, mais pour neant. Pendant tous ces pourparlers les Gascons & Espaignols sont venuz au secours des Catholicks. L'Anglois est attriué en Normandie pour les Huguenots, qui luy ont liuré pour gages & assurance le Haute de grace. Depuis les Huguenots ont leué le siege en deliberation d'aller recueillir les Anglois & les ioindre à eux. Monsieur de Guise ne les a voulu perdre de veüe, ains les a suiuy à la trace. Le dix-neufiesme de Decembre se trouuants les deux armées proches, ils se sont baillez vne bataille fort cruelle pres de la ville de Dreux. En laquelle d'entrée les Huguenots voyans que nostre artillerie iouïoit, & qu'en peu de temps elle les pourroit mettre en desordre, le seigneur de Mouy accompagné de soixante cheuaux s'est debandé de ses esquadrons, & avec vne esmerueillable resolution s'est venu ietter pesse messe, non dans l'auantgarde, ains droit à la bataille où cõmandoit Monsieur le Connestable: qui a fait cesser l'artillerie. Ce que voyant le Connestable, & que tout le fort de la cauallerie le venoit charger, il s'aduança avec grande hardiesse pour les recevoir, mais la charge a esté si furieuse, que quelque deuoir de vaillant capitaine qu'il y ait apporté, son cheual a esté

*Bataille de
Dreux.*

esté tué, luy blecé & pris, & le seigneur de Beauuais avecques luy. Le seigneur de Montberon, son quatriesme fils, le seigneur duc de Neuers, le seigneur de Giury tuez, Monsieur d'Aumale porté par terre & fort froissé, l'artillerie prise. Toutes les troupes de la bataille tant de cheual, que de pied mises en rouverte, mesmes les deux regiments de Monsieur d'Aumale & du Marechal d'Ampville. Les Huguenots enorgueillis de cest heureux succez pourluiuient leur victoire iusques aux logis de quelques Catholiques fuyards, & pillent le bagage. Quelques-vns dient que la vaisselle de Monsieur de Guise y a esté perduë, mais ie n'en sçay rien au vray. Delà ils rechargent le bataillon des Suisses, qui s'estoient ralliez. Cela donne occasion à Monsieur de Guise (qui commandoit à l'auantgarde, & qui pour ne mettre ses gens en desordre les auoit tenus quois & serrez en rang de bataille) de debusquer de furie cõtre les Huguenots, où la charge a esté si à propos, qu'ils ont esté rompus & le Prince de Condé pris par Monsieur le Marechal d'Ampville. Ses Lansquenets estonnez qui estoient en nombre deux mille, se sont rendus à la mercy de Monsieur de Guise, lesquels s'estoient peu auparauant retirez en vne cour entourée de murailles. En quoy est allé tant de temps, que la caualerie des Huguenots a eü quelque loisir de se rallier & de recharger leurs pistoles dedans vn vallon couuert d'un petit taillis. Et ayant esté rapporté à Monsieur de Guise

*Mort du
Mareschal
de saint
André.*

qu'ils pouuoient estre de quatre ou cinq cent, il delibera de les aller rompre avec le Marechal de saint André. Mais comme ils marchaient ils voyent sortir beaucoup plus grand nombre montant de quinze à seize cent cheuaux en deux troupes. Qui sont vifue-ment soustenus. Mesmes noz harquebuziers catho-lics arriuent tout à point pour les recueillir. En ceste rencontre ont esté tuez plusieurs grands seigneurs d'une part & d'autre: le seigneur de la Brosse vieux capitaine bien aimé de Monsieur de Guise: davan- tage le Marechal de saint André qui auoit apporté à ceste journée-là de tresgrands deuoirs y a esté pris, puis mis à mort de sens froid. Le malheur a voulu qu'il soit tombé entre les mains d'un gentilhomme duquel il s'estoit pendant sa grand vogue fait don-ner la confiscation pour vn homicide commis: & combien que ce don ne luy eust reüssy pour les em- peschements qui s'y trouuerent, toutesfois ce gen-tilhomme couuant de longuemain dans sa poitrine vne vengeance, Dieu a permis que ce grand seigneur soit tombé lors à point nommé entre les mains de son ennemy, qui l'a traité de ceste façon que ie vous escrips. Qui est vne belle leçon aux grands de n'abu-fer de leur credit contre les petits, lors qu'ils ont le vent en poupe. Que voulez plus? L'obstination du combat a duré par diuerses charges & recharges a-uec variables & douteux succez, depuis midy ius-ques presque à la nuit clause, quand les Huguenots

quittants du tout la campagne avec la perte de leur chef & de leur artillerie, & laissans plus de huit mil des leur, que morts, que pris, que blecez sur la place: ceux qui estoient se sont retirez à deux lieues delà, ne permettant l'obscurité que Monsieur de Guise les ait peu poursuiure. Ny pour celà l'Admiral ne perd le cœur, ains met (comme l'on dit) le lendemain en deliberation de retourner au combat. Mais les Reistres qui viennent en France pour s'enrichir, & non pour mourir, n'y ont voulu entendre. Occasion pour laquelle ils ont repris le chemin d'Orleans. Or voiez ie vous prie combien chacun est aujourdhuy aheurté à sa propre ruine. Tout ainsi que les Catholics se sont fait accroire d'auoir eu le dessus de leurs ennemis; aussi les Huguenots se flatent d'une mesme opinion de victoire: disants que si le Prince de Condé leur chef a esté pris, le semblable en estre aduenu à Monsieur le Connestable chef des Catholics. Et en outre que Monsieur le Marechal de saint André est demeuré sur la place avec plusieurs autres grands seigneurs. Parquoy tout ainsi que les Catholics ont fait procession generale dedans la ville de Paris, aussi ont fait les Huguenots dans Orleans prieres publiques, rendans action de graces à Dieu de ce qui leur estoit aduenu. Toutes-fois s'il y a aucun qui ait rapporté quelque victoire, i'estime en ma consciéce que c'ait esté Monsieur de Guise en deux sortes, tant par la prise de Monsieur le Connestable sien amy, que de

Monſieur le Prince ſon ennemy. l'adiouſteray en cores ſi voulez par la mort de Monſieur le Mareſchal de ſaint André. Par ce qu'il n'aura deſormais aucun compaignon & perſonnier de ſes victoires. A Dieu.

A Monſieur de Fonſſomme.

xix.

*Achemine-
ment au ſie-
ge d'Orléans.*



E Duc de Guiſe eſt retourné victorieux de- dans Paris avec vn applaudiſſement general de tout le peuple. Iamais Prince n'y fut accueilly de meilleur œil qu'il a eſté. Il ne s'endort pas ce pendant ſur ceſte heureuſe deſaite. Mais voyant qu'il auoit maintenāt rieres ſoy le Prince de Condé, & qu'il eſtimoit que la ſeule preſence & autorité de l'Admiral ne feroit aſſez forte pour retenir ceux de ſa fuite, il a fait dreſſer vn Edit, par lequel le Roy rapelloit à ſoy tous ſes ſujets, baillāt la main à tout le peuple qui l'auoit laiſſé avec vne promeſſe d'impunité & de fauorable traitement. Mais pour celà il y en a peu qui ayent pris occaſion de retour. Chacun a eſtimé que c'eſtoit vn artifice pour les attraper. Tellemēt que la ſeule peur ou doubte les a retenuz. L'Admiral qui a celà de peculier de ne ſe rēdre iamais aux aduerſitez; reprend ſes premieres briſées de Normandie pour ſe ioindre avec l'Anglois, duquel il doit recevoir argent pour ſouldoyer ſes Reiſtres & gens de guerre. Mōſieur de Guiſe qui a eſleué ſes eſprits plus haut qu'au parauant, voyant que l'impunité propo-

lée aux autres ne les excitoit au retour, delibere de pousser de sa reste:& par ce que la principale ressource & magasin des forces de ses ennemis est en la ville d'Orleans, où l'Admiral a laissé Monsieur d'Andelot son frere pour y commander, il deliberé d'y mettre le siege. L'on fait grands preparatifs pour celà. Et croy que vous ne receurez pas si tost de mes lettres que ce sera fait ou failly. A Dieu.

A Monsieur de Fossomme.

xx.



ADMIRABLE changement & mutation de fortune. Celuy dont ie vous ay tant escrit, sur lequel le peuple fichoit principalement ses yeux, ce guerrier inexpugnable est mort, & a esté tué le plus poltronnement que l'on scauroit dire par vn portant le nom de Poltrot. Mais entendez ie vous prie comme tout ce malheur s'est passé. Voyant que les forces de ses ennemis estoient diuisées, vne partie estant allée avec l'Admiral en Normandie, & l'autre demeurée avec Monsieur d'Andelot pour la garde d'Orleans, il met le siege deuant la ville, où les choses luy succederent si à propos qu'il prit d'emblée le faux-bourg du Portereau, qui estoit vn hebergement fort commode pour ses gens, par le moien duquel il pressoit grandement le seigneur d'Andelot, quoy qu'il fust tres-vaillant capitaine. Quant à luy il estoit logé au village de saint Mesmin. Or voycy vn nouveau dessein que l'on brasse encontre luy.

*Mort de
Monsieur de
Guise.*

Dedans la ville de Lyon commandoit souz l'autorité du Prince, Monsieur de Soubize, qui auoit à sa suite vn gentilhomme Angoulmois, natif d'Aubeterre, nommé Iean Poltrot seigneur de Meré. Cestuy auoit de longuemain precogité la vengeance generale de tout son parti, laquelle il n'estimoit pouoir accomplir que par la mort du seigneur de Guise. Il s'en descouurit à son maistre, qui l'enuoia vers l'Admiral avec lettres de creance. Si celà est vray ou non, ie m'en rapporte à ce qui en est. Mais pour le moins le bruit commun est tel: dont l'Admiral ne s'est pas esloigné grandement, encores que par vn Manifeste il s'en soit voulu depuis excuser. Aiant communiqué avec luy & le conseil pris entr'eux, Poltrot vint trouuer deuant Orleans Monsieur de Guise: & luy ayant fait vne reuerence profonde luy dist que mal conseillé il auoit suiuy Monsieur le Prince; mais que meü d'vne iuste repentance il se venoit rendre à luy avec vn ferme propos de faire vn bon seruice au Roy. Monsieur de Guise estimant que ceste parole vint du fonds du cœur, le recueillit d'vn œil fauorable, & mesmes luy donna tel accez en sa maison que souuentefois il beuuoit & mangeoit à sa table. L'on dit (ie ne l'asseure pas pour vray) que la debonnaireté de ce Prince eut tât de puissance sur l'autre, que pour ce premier coup il perdit le cœur, & retourna tout court deuers l'Admiral beaucoup moins resolu que deuant, mesmes en deliberation d'en oublier le retour, n'eust esté qu'il fut redressé par vn Ministre

plein d'entendement & de persuasion. Souz la parole duquel apres qu'on lui eut fait present d'un bon cheual d'Espaigne, & de cert escus & d'une bonne pistole, il reprit le chemin d'Orleans, où pour le faire court il sceut si dextrement iouer son personnage, que ce pauvre Prince retournant du Portereau apres auoir passé la riuere du Loiret, accôpaigné du seigneur de Rostaing, il le choisit si à propos par derriere au lieu le moins armé, à la iointure de l'espaule, que ce vaillât Prince tombant de son cheual fut emporté grandement nauré à son logis, ou Madame de Guise la femme estoit. Poltrot iusques là estoit demuré en ceruelle, mais soudain qu'il eut fait le coup se trouua tellement esperdu, qu'ayant pris la garite pour se sauuer, quelque tracassément qu'il feit toute la nuit, qui fut de plus de dix lieues, il se retrouua le matin au milieu du camp des Suisses, où s'estant blo-ti l'espace de trois iours entiers en vne cassine d'un pauvre vigneron dans les vignes, le Seurre secretaire du seigneur de Guise qui s'estoit mis en queste, le prit par un soupçon violent, tant pour l'auoir veu souuent au logis de son maistre, que pour le trouuer vestu d'une mandille de couleur perse, telle que le seigneur de Rostaing auoit figurée celle du meur-drier. Ce pendant ce pauvre seigneur blecé à la mort est allé de vie à trespas, apres que la Roine a recherché tous moiens pour le garentir. Mourant il a fait plusieurs belles remonstrances & exhortations au seigneur Prince de Joinville son fils aîné. Son corps

apporté dans paris avec grâdes lamentatiōs au mois de Mars cinq cēs lxij. à vne iournée pres de celle qu'il y estoit l'année precedante entré tref-glorieufemēt; on luy a fait vne grande pompe funebre. Son corps porté à Ioinville tōbeau ancien de ses predecesseurs: & pour recognoissance des biēs-faits qu'il auoit procurez à l'Eglise, les Doyen, Chanoines & chapitre de l'Eglise nōstre Dame luy ont ordonné pour trophée vn obit annuel qui se celebrera tous les ans le septiesme iour de Mars, qui fut le iour de sō decez. Ainsi est mort ce grād capitaine & guerrier aimé & hay d'vns & autres d'vne mesme balance, accōpli certes de plusieurs grandes patties tant de la fortune que de sa valeur. Car quant à la fortune, il me semble qu'il eut en tout le cours & teneur de sa vie vn heur qui l'accompagna iusques au dernier souspit. Par ce qu'estant appelé aux plus grandes affaires du Royaume souz le Roy Henry second, iamais il n'en entreprit vne qu'il n'en retournaist avec son honneur. Quelques ans apres l'aduenement de ce bon Roy à la couronne, il luy conferua la ville de Mets contre vn long & obstiné siege de l'Empereur Charle cinquiesme, aculant toutes ses victoires de telle façon que honteux d'auoir failly à vne promesse qu'il auoit faite en vne diette aux Princes d'Allemagne de ne leuer iamais le siege qu'il n'eust pris la ville, il se despouilla des ornements & ioyaux del'Empire, choisissant vne vie solitaire & priuée. Depuis ayant esté par le mesme Roy commis pour le voyage d'Italie, ores qu'il n'en rapportast

*Ce qui a esté
loué & blas
mé au sei-
gneur de
Guise.*

rapportast tel fruit, comme il esperoit, si ramena-il son armée saine & sauue. Ce qui n'estoit auparauāt aduenü à autre François que luy: estāt l'Italie vn pays qui alleche les François à la cōqueste, pour puis leur seruir de cimetiere. A son retour il reduisit souz l'obeissance du Roy, Calais, ville auparauant estimée inexpugnable. Tout d'une suite prit Tionville que l'on estimoit aussi imprenable: monstrant qu'il ne luy estoit riens impossible. Puis pendant noz guerres ciuiles reprit les villes de Bourges & Roüen, combien que ses ennemis eussent estably en l'une & l'autre l'un des principaux magasins de leurs forces. Gaigna la iournée de Dreux, qui luy vint si à propos, que d'une mesme defaite il eut victoire de deux; ne luy estant pas la prise de Monsieur le Connestable corriual de ses louanges moins aduantageuse que celle de Monsieur le Prince, contre lequel il faisoit profession d'hostilité toute ouuerte. Et au bout de tout cecy comblé de toutes ces victoires il mourut d'un coup de bale proditoirement, ne l'ayant ny son ennemy ny la fortune osé tuer de bonne guerre. Car mesmes au recouurement de Bolongne contre l'Anglois il receut vn coup de lance entre le front & le nez, qui luy outreperça le chef, dont toutesfois il eschapa. A fin ce pendant que ie n'oublie que ce ne fut pas peu d'heur pour lui de mourir en ce periode, lors qu'il estoit au dessus du vent, & que la fortune iournaliere ne luy auoit encotes ioüé aucun tour dont elle scait escorner les plus braues. Et s'il eut vn heur

qui lui feit perpetuelle cōpagnie en toutes ses actiōs, encores l'en auoit nature rendu plus digne. Car il fut seigneur fort debonnaire, bien emparlé tant en particulier que public, vaillant & magnanime, prompt à la main quand le besoin le requeroit, ne sçachant que c'estoit de crainte, & neantmoins si artempé en toutes ses actions que iamais la temerité ne luy feit outrepasser les bornes de ce qu'il deuoit. Comme de fait il en fait preuue tref-ample en la prise de Roüen: mais beaucoup plus en la iournée de Dreux, en laquelle il se donna le loisir de voir mettre ses ennemis en desordre d'eux-mesmes, en pourchassant la victoire qu'ils auoient du commencement obtenüe. Lesquels il chargea de telle furie quand il veit son appoint, que le champ de bataille luy demeura. Et qui est vn point de prudence admirable, sçachant que c'estoit contre luy que les Huguenots iettoient principalement leur visée, & qu'il ne faisoit nulle doubte que son armée ne fust pleine d'espions, le soir de deuant la bataille, il declara en plein souper sur quel cheual il vouloit monter, & de quelles armes & appareil il seroit le lendemain. Toutesfois auant que de venir au ioindre il resigna & le cheual & l'accoustrement dont il auoit parlé à son escuyer. Dont bien luy prit. Car son escuyer fut tué, & quant à luy il reschapa pour ce coup. Au surplus Prince qui scauoit choisir & vser de ses occasions à propos, ne les laissant aisément escouler quand il les auoit en main. Comme il monstra bien lors qu'il maria la Roine

d'Escoffe sa niepce au Roy Daulphin, & quand il vint saluer le Roy à Fontaine-bleau au commencement de ces troubles. Toutes lesquelles parties le firent infiniment reluire entre les Princes & grands seigneurs. Or encores qu'il fust tel, si ne se peut-il pas garentir des mesdisances de ses ennemis. D'autant qu'ils luy improperoient que le voyage d'Italie par luy brassé auoit esté le commencement, & son dernier retour en la Cour du Roy, l'accomplissement de noz maux: disants que tout ainsi que sa venuë nous auoit apporté les troubles, aussi sa mort nous auoit tout aussi tost moyenné vne paix. Mais ceux qui sans exception & reserue vouloient faire trouuer les ceuures loüables, disoiēt que pour le regard du voyage d'Italie, il n'en auoit esté l'auteur, ains le Pape, & qu'il n'auoit esté que l'executeur en cecy des cōmandemens du Roy. Et quant à ces deportemens derniers, ceux qui en faisoient mal leur profit, ne consideroient pas que si par vne nouuelle liberté de leur conscience, ils s'estoient dispensés d'exercer à huis ouuert par tout le Royaume, leur religion, auparavant qu'il y eust Edit qui leur en donnast la permission, & contre les inhibitions expressees de celuy du mois de Iuillet, il ne failloit pas trouuer estrange que ce Prince pour la manutention de l'ancienne n'eut riens oublié en arriere. Mais pour laisser les particularitez qui le concernoient, m'estant sans y penser mis à l'effort, l'on a fait le procez à Poltrot, lequel par arrest a esté condamnée estre tiré à quatre cheuaux

en la Greue. Aussi quel que peu apres le decez du Sieur de Guise on a mis en deliberation de faire vne paix, pour à laquelle paruenir il n'y a pas eu grande resistance. Par ce que Monsieur le Prince & Monsieur le Connestable prisonniers n'aprehendoient point tât la querelle du public, que leur liberté ne leur fust plus chere. La paix a esté faite dans la ville d'Amboise le dix-neufiesme de Mars cinq cens soixante & deux, verifiée au Parlement le vingt-septiesme, par laquelle toutes les iniures prouenant des troubles sont remises & pardonnées, tous arrests & iugemens donnez cõtre ceux de la religion cassez, chacun d'eux remis en ses biens, prerogatiues & dignitez. Le Prince de Condé, l'Amiral, & autres seigneurs de leur association tenus pour bons & loyaux sujets du Roy: & tous les deniers par eux leuez pour le defroy de la guerre alloüez. Qu'ils remettroient es mains du Roy toutes les villes par eux prises, esquelles toutesfoiẽs il leur seroit loisible d'exercer leur religion; & quant aux autres leur seroit assigné en chaque siege Presidial vne ville pour l'exercice d'icelle: fors & excepté dans la ville, Preuosté & Viconté de Paris, en laquelle neant-moins nul ne pourroit estre recherché de sa conscience pour le fait de la religion. Pourroient les Barons, Chastelains, haux Iusticiers, & seigneurs tenants plein fief de Haubert exercer leur religion en leurs maisons avec leurs subiects, qui librement & sans contrainte s'y voudroient trouuer, & autres seigneurs ayants simples fiefs,

Edit de Pacification de l'an 1562.

pour eux & leurs familles seulement. Defenses à ceux de la religion de ne troubler les Ecclesiastiques en leurs benefices, ny en leur seruice diuin. Et prend le Roy les vns & les autres d'une mesme balance en sa protection & sauuegarde, comme ses vrays & loyaux sujets. Cest Edit de Pacification publié, on a diuersement delegué par les Prouinces vns & autres Conseillers du Parlement iusques au nombre de deux en chacune, pour l'executer promptement sur les plaintes qui se pouuoient presenter des particuliers, pour lesquelles vn Parlement seul n'eust pas esté suffisant, qui eust voulu tirer les choses au train ordinaire de Iustice. Et par mesme moien onr esté remis en pleine liberté Messieurs le Prince de Condé & Connestable, ensemble les prisons ouuertes à rous autres prisonniers. Et tous d'un commun accord tant d'une que d'autre religion se sont acheminez à la recouffe de la ville du Haure de grace occupée par les Anglois, laquelle leur a esté quelque peu apres renduë. A Dieu.

A Monsieur de Fossomme.

xxi.

ENCORES ne me puis-ie estâcher, & faut que ie discoure derechef avec vous de quelle façon Dieu se ioüe entre nous des pélées de noz Princes & grâd seigneurs. Si m'ai bone memoire, ie pense vous auoir par l'une des niennes discouru qu'apres la mort du petit Roi François les huguenots auoiët fiché toute

*Côme Dieu
s'est diuer-
sement ioüé
tant des Ca-
tholiques
que Hugue-
nots.*

Hh iij

leur esperance dessus le Roy de Nauarre, lequel lors pour plusieurs raisons estoit en mauuais mesnage avec Monsieur de Guise leur ennemy iuré, toutesfois au mesme point qu'ils pensoient auoir obtenu tout ce qu'ils desiroient, ie veux dire que leur religiō auoit esté authorisée par l'Edit du mois de Ianuier, Dieu permit que le Roy de Nauarre changeant d'opinion s'vnist avec Monsieur de Guise, & que ce fut le premier pretexte pour les affliger. Maintenan̄t c'est toute autre histoire, qui prouient toutesfois d'un mesme mystere. Par ce que les Catholics (qui auoient apres Dieu toute leur fiance sur Monsieur de Guise) pensoient auparauant que les Huguenots fussent en peu de temps abismez, maintenant leur protecteur a esté meurdry, & par sa mort se sont anichilez tous les desseins qui estoient prests de sortir effect encontre les autres. Dieu n'a pas permis que la ville d'Orleans fust prise, pour ne reduire les Huguenots au dessouz de toutes affaires. Il a encores hebeté les sens de Poltrot apres auoir fait sa tasche, à fin qu'il contact des choses à ses iuges lesquelles cōtinueront cōme il est vray-semblable la querelle de pere à fils. A peu dire nous ne sōmes au bout de noz maux. Madame de Guise accompagnée de Messieurs ses enfans & de plusieurs siens parents s'est prosternée deuāt le Roy, à fin que iustice luy fust faite encontre Monsieur l'Admiral, qu'elle disoit auoir esté autheur de ceste proditoire mort. Et a encore présenté requeste à la Cour de Parlement à mesme fin. Chacun s'y trouue

*Madame de
Guise de-
mande ius-
tice de l'as-
sassin com-
mis en ses
sen mary.*

bien empesché. Comme nulle cause n'est presque
sans Aduocat. Ceux qui portent le party Huguenot,
soustiennent que celà est effacé par l'Edit de la Paci-
fication : & qu'il n'y a riens d'insolent, & qui ne soit
faisable contre son ennemy. Qu'ainsi fut Cesar assa-
siné à l'impourueu par Cassius & Brutus; ainsi entre
nous, le Roy Sigebert dans Soissons par la pratique
& menée de la Roine Fredegonde sa belle sœur: ain-
si Holoernes par Iudich, meurdre toutesfois tant
honoré dedans le vieil testament. Somme que quād
on est constitué en termes de desespoir, on ne dispu-
te plus s'il faut vaincre par vertu, ou par tromperie.
Les autres disent à l'opposite, que cest exemple est
indigne d'un cœur genereux, & se preualent de la
responſe d'Aristides deuant le peuple d'Athenes cō-
tre le cōseil de Themistocles, de celle de Sexte Pom-
pée à son pilore lors qu'il auoit Auguste & Marc
Antoine en sa deuotion dedans ses nauieres: de la
magnanimité de Fabritius cōtre le medecin du Roy
Pyrrhus, de celle de Camillus quand il chastia la tra-
hison du pedagogue des enfans de bonne maison
des Faleriens qu'il tenoit assiegez, & d'une infinité
d'autres exemples. Et à peu dire renuoient ceux qui
font profession de religion à la lecture des Offices
de saint Ambroise, pour apprendre combien tels
actes sont mal agreables à Dieu & au monde. Mon-
sieur l'Amiral sur lequel on veut faire tomber ceste
reparation, a enuoie vn Manifeste en Cour, par le-
quel il n'aduoue pas franchement auoir consenty à

*si l'assassin
cōmis en la
personne de
son ennemy
est excusa-
ble, double
opinion.*

ceste mort, mais aussi s'en defend-il si froidement que ceux qui luy veulēt bien, souhaiteroient, ou que du tout il se fust teu, ou qu'il se fust mieux defendu. De luy faire son procez, le rang qu'il tient aujour-d'huy, & l'Edit semblent y resister: de passer aussi les choses par conniuece, il semble que le sang & les merites du defunct l'empeschent. Si n'en sera-il pour ceste heure autre chose: par ce que le temps n'est disposé à en auoir reparation. A Dieu.

A Monsieur de Fossomme.

XXII.

*Cōme toutes choses
risient aux
Huguenots
soudain a-
pres la mort
du Duc de
Guise.*

IL semble que toutes choses fauorisēt maintenant ceux de la religion pretendue reformée: leur fort & puissant ennemy tué: l'Edit de Pacification faict à leur aduantage: le Prince de Condé & l'Amiral demeurez sur pieds: la generale surintendance des affaires de France sans controle demeurée pardeuers la Roine, qui ne demande que la paix: nul ennemy qui semble à face descouuerte s'opposer à leur entreprise. Car encores que quelques seigneurs de poix ne puissent goustier cest Edit, si est-ce que les calamités de treize ou quatorze mois les tiennent aucunement retenuz. Et quant au Connestable bien qu'il n'approuue ce party-là, toutes-fois son infortune dernière ne le rend si eschaufé cōme auparauant. Ioint que le malheur de la guerre luy a osté les associez, & voit que les chefs de l'autre costé sont ou ses parents ou ses alliez. Les villes ont esté rendues,

rendues, les presches diuerſement eſtablis au vouloir & intention de l'Edit, le Prince de Condé chery & honoré en Cour, les gens de guerre licentiez, le peuple condamné à les defrayer, les cinq Presidents de la Cour de Parlement de Paris ont esté faits Conseil-
 lers du conseil priué, à fin de ne s'eslongner tant des affaires d'estat, comme ils faisoient auparauât. Touts les estats de Monsieur de Guise distribuez aux siens: au Prince de Ioinville son fils aîné, l'estat de grand maistre, à Monsieur du Mayenne son second, celui du grand Chambellan, à Monsieur d'Aumale son frere l'office de grand Veneur. Pour reparer la breche faite par les troubles & fournir au defroy de la guerre on fait vne autre nouuelle breche. L'on vend, par Edit, du domaine du bien de l'Eglise iusques à trois millions de liures. Chose à quoy dix ans auparauant on n'eust seulement osé penser. Le Parlement en a fait plusieurs refus: en fin il a esté publié. Ce n'est pas vn autre petit aduantage pour les Huguenots, lesquels estiment qu'en affoiblissant le Clergé, leur cause s'en fortifie. La plus part d'entr'eux court à l'en-
 uy aux acquisitions de ce bien. Le Cardinal de Lorraine ce téps pendant ne dort pas en la ville de Trente, où le Concil general a esté en fin cloz & arresté par sa diligence. Le bruit est qu'il sollicite le Pape, le Roy d'Espaigne, & les Venitiens à la ruine des Huguenots. Entre nous le peuple qui ne peut aisément tolerer deux religiôs, se remue en quelques endroits. Il y a eu quelques seditions au Mans & à Troye: spe-

Premier Edit sur l'alienatiõ du bien de l'Eglise.

*Restriction
sur l'exerci-
ce de la re-
ligion nou-
uelle.*

cialémēt dans Creuant petite ville de Bourgongne il y a eu quelques Huguenots tuez & noyez. En ce mesme pays de Bourgongnè quelques-vns ont fait cōter-
rance de se lïguer souz le nom de la confrairie du S. Esprit. L'Edit de la Pacification estoit en plusieurs endroits de la Frâce enfraint. On s'est assemblé dans Paris pour y donner ordre en presence de Monsieur le Prince, & pour donner aduis sur l'interpretation de l'Edit. Finablement il a esté arresté, que nul seigneur ne pourroit faire exercice de la religion nouvelle és terres qu'il auoit de nouuel acquises de l'Eglise, ny pareillement en celles qui tenoient & mouuoient d'elle. Dauantage combien qu'il eust esté dit en pacifiant les troubles que nul ne pourroit estre recherché en sa conscience, toutesfois l'on n'auoit entendu souz cest article comprendre les Moinès ou Nonnains qui pendant ou depuis les troubles s'estoient defroquez. Ausquels est enioint sur peine de punition corporelle de retourner en leurs monastères, ou vuidier de la France. Que nul ne pourra estre Ministre en ce Royaume, s'il n'est naturel François. Ceste declaration a apporté quelques nouueaux tintoins en la teste des Huguenots. Le Prince toutesfois y consent, auquel la Roine gratifie par toutes sortes d'agreables faueurs. Quoy faisant elle y gaigne plus, que feu Monsieur de Guise par les armes. Voilà quant au fait de la religion. Au regard de la police commune de la France, on s'est aduisé de plusieurs noualitez pour trouuer deniers. On fait l'Edit des

hosteliers, celuy de la subuention des procez est passé, qui est que pour chaque procez dont la demande excède cent liures on paye cent sols, & au dessous de cent liures, quarante sols. Le Roy a decerné sa commission à quelques Conseillers du Parlement, maistres de la Chambre des Comptes, & Generaux de la Iustice, pour faire le procez aux financiers, lesquels, apres l'execution à mort de quelques-vns, pour se redimer ont obtenu vne abolition generale du Roy, (que l'on appelle composition) moiennant quatre cent mille liures qui leur a esté permis d'asseoir au sol la liure sur tous ceux qui auoient manié les finances dans le temps de la recherche de ceste commission. La cognoissance de cecy est renuoyée aux Generaux des aides. On vouloit que l'innocent fut cottisable, aussi bien que celuy qui se sentoit coupable. Il a passé par les arrests que nul ne seroit cottisé, sinon qu'il se voulut aider du benefice de l'Edit. Les Ecclesiastiques offensez du desordre qui auoit esté apporté en la premiere alienation de leur domaine, ont obtenu nouuelle permission de reuendre leurs terres les moins incommodes, pour racheter celles qui auoient esté vendues sur eux, avec vne bien grande desbauche. On auoit permis par le premier Edit d'acheter d'eux, toutes sortes de terres, fors leurs chefs lieux. En quoy aucunes Eglises se trouuoient foulées à la decharge des autres. Il leur a esté permis proceder par egalement au feur & pro rata du reuenu des Eglises. Ils ont à ceste fin créé des Scindics Ge-

*L'Edit de la
subuention
des procez.*

neraux du Clergé pour procéder à l'exécution de l'Edit par tout le Royaume, & des particuliers en chaque Euesché. C'est à bien parler l'establissement d'une belle police pour obuier à vn mal present: laquelle continuant, leur seruira à la longue de ruine vniuerselle. Cuidants sortir d'un mal passager, il y a danger qu'ils n'engaigent eux & leur posterité à iamais, & facilitent la voye aux grands, pour proceder à telles alienations dangereuses. C'est ce que ie vous puis debiter pour le present en bloc & en tasche. Vn autre plus riche marchand, vous pourra avec plus de parade estaler ceste marchandise tout de son long. Encores penserez-vous en vous mesmes que ie sois plein de bien grand loisir, d'auoir peu remarquer toutes ces particularitez pour les vous escrire. A Dieu.

xxiii.

A Monsieur de Fonssomme.

*Voyage du
Roi Charles
neuuesme
par la France*

COMME les affaires de France estoient menagées de la façon que ie vous ay escrit par mes dernieres, le Roy ayant les oreilles infiniment rebatues des plaintes que luy faisoit, tantost le Catholic, tantost le Huguenot à son tour, delibera de se promener par toute la France, & voir mes Dames ses deux sœurs. Il est allé premierement en la Lorraine, où il a tenu vn sien nepueu sur les fonds. Delà il a rebrouillé vers les Lyonnais, Dauphiné, Prouence, Languedoc. Sa resolutiō est de se trouuer

à Bayonne avec le Roi Catholique, ou la Roine sa femme. L'on donne ordre de demanteler la plus part des villes qui auoient esté occupées par les Huguenots, mesmement celle d'Orleans, en laquelle on a fait eriger vne Citadelle, & en la ville de Lyon, pour par ce moié contenir le peuple en crainte, & obuier à tous nouueaux enuahissements. Mais ie crains qu'à la lōgue ceste inuention se tourne au dommage de ceux pour lesquels ell'a esté mise sus: D'ailleurs pour asseurer le Roi on a destiné à sa suite vn regiment de gens de pied, contenant huit compagnies souz la conduite du capitaine Charier. Je voy de iour à autre rongner les ongles à ceux de la religiō. Defenses leur ont esté faites de faire presches aux villes esquelles le Roi seiourneroit. Par autre Edit fait à Roussillon, le Roy pour la seconde fois apportāt explication à celuy de Pacificatiō, a declaré auoir entēdu permettre aux gentilshommes Huguenots exercer leur religiō en leurs maisons pour eux, leurs familles & sujets seulement. Defenses à eux d'y admettre aucuns estrāgers, & aussi de leuer deniers, & aux Ministres d'assembler Synodes. Veut & ordōne que tous religieux & Prestres qui s'estoient durāt les troubles mariez, retournēt à leur ancien estat dans deux mois, abandonnans celles avec lesquelles ils s'estoiēt conioints par mariages sur peine de punition corporelle. Pour celà ils ne laissent de faire leur trace, & se persuadent qu'il n'est en la puissance du Magistrat de leur prescrire & limiter temps ny lieu où ils doiuent seulement vacquer

nouuelles polices par la France pour asseurer l'estat du Roi.

Retranchemēt des presches des Huguenots.

à leurs prieres, & pour ceste cause preschent mesme-
ment dans Paris, vray que c'est en cachette. En fin le
Roi est arriué à Bayonne, où il a esté visité par la Roi-
ne d'Espaigne sa sœur, où l'on a exercé d'une part &
d'autre plusieurs grandes magnificences. Les Hu-
guenots se persuadēt que ceste veüe ne se fait qu'en
leur ruine, & pour iurer vne ligue Catholique entre
ces deux Rois. Si celà est vray l'on peut dire que
Bayonne fut la dernière des villes de la France, qui
fut des mains des Anglois reduite souz l'obeissance
de Charles septiesme, & la première maintenāt dans
laquelle se renouïeront les guerres ciuiles qui pour-
ront apporter la desolation de l'estat souz Charles
neuuesme. Toutesfois à l'issuë de là, ny le Roy, ny la
Roine, n'ont fait aucune demōstration de nouveau
dessein, à leurs subiects. Au contraire par toutes les
voyes à eux possibles se sont estudiez à la reconcilia-
tion de la maison de Guise, avec celle de l'Amiral : &
à cest effect a esté tenuë vne assemblée generale de-
dans la villē de Moulins, où apres auoir donné regle-
mēt sur quelques points de la Iustice, l'Amiral a esté
declaré innocent de la mort de Monsieur de Guise,
& enioint aux deux familles de s'entr'aimer. Mon-
sieur le Chancelier fait ce qu'il peut, & non ce qu'il
desireroit. Par ce qu'il souhaiteroit que toutes cho-
ses s'entretinssent de mesme balance à bon escient &
sans dissimulation entre ces sourdes diuisions, à fin
de n'exciter nouueaux troubles. Je croy que son opi-
nion ne sera suiuiue. A Dieu.

*La ville de
Bayonne fa-
rale à l'e-
stat.*

A Monsieur de Fossomme.

XXIV.



O V s auez entendu le voyage du Roy par
 la France, duquel Monsieur le Prince n'a
 esté de la partie: entendez maintenant ce
 qui s'est passé pendant iceluy dans Paris. Il y a eu vne
 nouvelle dispute meüe entre l'Vniuersité de Paris, &
 des religieux, qui depuis quelques ans passez ont pris
 le tiltre de Iesuites, ou de la societé du nom de Iesus.
 Mais d'autant que parauenture aiant ouy parler d'eux,
 vous ignorez leur institution & progres, & que i'ay
 fait bonne part de ceste cause, ie croy que par faute
 d'autre sujet, vous ne serez marri que ie vous en escri-
 ue deux mots. Ignace fut vn gentillhomme Nauar-
 rois, qui tout le temps de sa vie auoit suiuy les armes.
 Il fut nauré en la ville de Pampelune. Pendant que
 l'on le pensoit, il s'aduise de lire les vies des Peres, sur
 le patron desquelles il luy prit opinion de former
 toute la teneur de sa vie. Il s'acoste de quelques-vns
 & entre autres de Maistre Pasquier Brouës, de la bou-
 che duquel i'ay appris le commencement de ceste hi-
 stoire estant à Croix-Fontaine en la maison de Mai-
 stre Ange Congnet, personnage d'honneur que i'ho-
 nore, respecte & aime comme vn venerable simula-
 cre de la preud'homnie de noz anciens. Tous ceux
 cy iurerent vne societé ensemble, & estant Ignace
 guery, ils feirent quelques voyages à Paris, Rome, &
 Ierusalem. Finalement se retirerent dans Venise, où

*La cause
 entre l'Vni-
 uersité &
 les Iesuites
 traitée au
 Parlement.*

*Institution
 & progres
 de l'ordre
 des Iesuites.*

ils hebergerent quelques ans ; & se voyans fuiuis de plusieurs, se transporterent à Rome, où ils commencerent de faire profession publique de leur ordre. Promettants entre autres articles deux choses : l'une, que leur principal but estoit de prescher aux Payens l'Euangile, pour les conuertir à nostre foy : l'autre d'enseigner gratuitement les bonnes lettres aux Chrestiens. Et pour accommoder leur nom à leur deuotion, ils s'appellerent religieux de la société du nom de Iesus. Ils se presentent au Pape Paule troisieme de la maison de Farnese vers l'an mil cinq cens quarante. C'estoit lors que l'Allemaigne commençoit de s'armer pour le remuement de la religion Catholique : & par ce que l'une des principales disputes des Allemans estoit sur la puissance du Pape, que Martin Luter auoit voulu terrasser, ceux-cy d'une profession toute contraire remonstrerent que le premier vœu qu'ils faisoient estoit de recognoistre le Pape par dessus toutes les puissances terriennes, voire par dessus le Concil general & vniuersel de l'Eglise. Le Pape qui du commencement auoit fait doute de les approuuer, & depuis leur auoit permis de se pouoir nommer religieux, mais à la charge qu'ils ne pourroient estre plus de soixante en nombre, commença à ceste promesse, de leuer l'aureille, & leur ouvrir pleine porte à leur deuotion : & apres luy, Iules troisieme : iusques à ce que le Pape Paule quatrieme (dit le Theatin) qui a esté des premiers promoteurs de cest ordre, les a autorisez de tout point avec

auec toutes sortes de priuileges. Or comme leurs affaires se manioient en ceste sorte, il aduient quel'Enuesque de Clermont enfant naturel du Chancelier du Prat, les prit en affection, & eut enuie de planter cest ordre dedans Paris, où il emmena Pasquier Broües auec trois ou quatre autres. Pasquier Broües (vous dy-ie) qui a esté le premier superieur des Iesuites en nostre ville. Ceux-cy sur leur aduenement se logerent petitement & sans grand bruit en vne chambre du college des Lombards, & depuis establirent leur habitation en l'hostel de Clairmont, ruë de la Harpe, par la souffrance de celuy qui les auoit le premier introduit entre nous. Celebrants leurs Messës & prieres és iours de Dimanches & festes, en vne chapelle qui est à l'entrée des Chartreux. Et voyants que leurs affaires leurs succedoient à propos, se presenterent par plusieurs fois à la Cour de Parlement à fin que leur ordre fut authorisé par icelle Mais feu Monsieur le Procureur general Brulart s'opposa à toutes leurs requestes. Non qu'il ne fauorifast entre tous les autres grandement la religion Catholique, ains par ce qu'il redoubtoit sur toutes choses & craignoit les nouueautez, comme meres de plusieurs erreurs, mesmes en la religion. Parquoy leur remonstroit que s'ils auoient le cœur totalement esloigné du monde, ils pouuoient sans introduire nouuel ordre se confiner souz les religions anciennes de saint Benoist, Clugny, Cisteaux, Gramont, Premonstré, & autres approuuées par plusieurs Concils, ou

souz les quatre mendiants. La Cour non contente de ces remonstrances ne s'en voulut pas croire toute seule, ains eut recours à la faculté de Theologie: laquelle par son decret les censura, partie pour autant que quelques vnes de leurs propositions dérogeoient aux priuileges de l'Eglise Gallicane, partie que se qualifiant religieux, ils n'en portoiēt l'habit, ny ne se confinoient comme les autres dans des cloistres. Césure qui les esloigna aucunemēt de leur projet. Quelques ans apres deceda l'Euesque de Clairmont, lequel leur legua par son testament plusieurs grands biens. Celegs par eux recueilly, suruiennent les troubles, au commencement desquels fut assemblée l'Eglise Gallicane dans Poissy. Deslors ils commencerent d'interrompre leur long silence, & presenterent derechef requeste à la Cour de Parlement pour estre receuz & approuuez, sinō en forme de religion, pour le moins de simple college. Le Parlemēt estima que celà regardoit les superieurs de l'Eglise. Au moiē dequoy il les renuoia à l'assemblée de Poissy, où presidoit Monsieur le Cardinal de Tournon comme plus ancien prelat. Lequel dedans la ville de Tournon auoit ja fondé vne cōpagnie de leur nom. Par l'intercession d'iceluy ils obrindrent d'estre receuz en forme de societé & college tant seulement. A la charge qu'ils seroient tenuz de prendre autre tiltre que de Iesuites, & se cōformer en tout & par tout à la disposition canonique, sans entreprendre chose aucune, ny au temporel, ny spirituel, sur les ordinai-

res, & qu'au prealable ils renonceroient par exprez aux priuileges portés par leurs bulles. Autremēt qu'à faute de ce faire, ou que pour l'aduenir ils n'en obtinssent d'autres, ceste approbation seroit nulle. Ce decret leur est emologué par la Cour mort apres mort, & selon sa forme & teneur. Peu de temps apres ils achetent vn hostel assis en ceste ville de Paris, rue saint Iacques que l'on appelloit la Cour de Langres, le quel ils diuiserent en deux demeures, l'une pour les religieux, l'autre pour les escoliers. En ceste compagnie y auoit lors plusieurs personages doctes, entre autres frere Elmond Auger & Maldonnat, celuy-là grand predicateur, & cestuy versé & nourry en toutes sortes de langues & de disciplines, grand Theologien, & Philosophe. Ceux-cy enuoiez par deça pour annoncer leur doctrine furent tres-fauorablement accueilliz, & attirerent vne infinité d'escoliers à soy. Et se voyans auoir vent en poupe, presenterent requeste au Recteur de Paris, à fin d'estre vniz & incorporez au corps de l'Vniuersité. Lors fut fait congregatiō solemnelle aux Mathurins, par laquelle fut cōclud qu'ils declareroient auant q̄ de passer plus outre s'ils prenoient qualité de Reguliers ou Seculiers. Qui estoit les reduire en vne grande perplexité. Car de nier qu'ils fussent Reguliers, c'estoit demētir leur vœu. De dire aussi qu'ils le fussent, c'eust esté contreuenir à ce qu'il leur auoit esté enioint à Poissy. Pour ceste cause ne prenans qualité precise, l'Vniuersité les debouta de leur requeste. Ils ne se rendēt pas pour

celà, ains ont recours au Parlement, à fin de gagner par contrainte sur l'Vniuersité, ce qu'ils n'auoiēt ſceu obtenir de gré. Il fut dit que les parties viendroiēt au premier iour plaider. L'Vniuersité me feit ceſt honneur de me choiſir pour ſon Aduocat. La cauſe fut plaidée par deux matinées avec telle contention que la grâdeur requeroit. Maïſtre Pierre Verſoris plaidât pour les Leſuites, & moy pour l'Vniuersité. En fin les parties appointées au Conſeil, & ordonné qu'elles demeureroient en tel eſtat qu'elles eſtoiēt. C'eſtoit vn coup fourré. Car ils ne furēt pas incorporez au corps de l'Vniuersité, cōme ils requeroiēt, mais auſſi eſtats en poſſeſſion de faire lectures publiques, ils y furent continuez. Combien que ceſte compagnie porte le titre de religieux, ſi ne charge elle le froc, ains marche en habit de ſeculier, ny ne ſe relegue à perpetuité dans les cloïſtres, comme les autres. Elle eſt compoſée de deux manieres de gens, dont les vns ſe diſent, cōme de la grande Obſeruance, & les autres de la petite. Les premiers ſont obligez à quatre vœux. Car outre les trois ordinaires de Chaſteté, Pauvreté, & Obeïſſance, ils y entrelaſſent le quatrièſme qui eſt de l'obeïſſance parriculiere du Pape, telle que ie vous ay cy deſſus dite. Les ſeconds ſont ſeulement abſtraints à deux vœux. L'vn regarde la fidelité qu'ils promettent au Pape; & l'autre, l'obeïſſance enuers le general de leur ordre. Ceux-cy ne voient pas pauvreté, ains leur eſt loiſible tenir benefices, offices, ſuccedor à leurs peres, meres & parêts, acquerir terres & poſſeſ-

sions, comme s'ils ne fussent obligez à aucun vœu de religion. De sorte que le Iesuite peut estre espādū par toute vne ville sans scandale. Et gist l'exercice de leur profession en deux points : en l'administration de la parole de Dieu, & des saints Sacremēts, tant de l'Autel, que de Penitence : & en apres d'enseigner les arts liberaux. Ils ont doubles hebergemens qui s'attouchent : l'un destiné pour leurs prestres, l'autre pour leurs escoliers. Il seroit malaisé de vous dire combien ils s'accroissent de iour à autre, & combien les troubles ont seruy à leur accroissēmēt. Car ayāts par leurs ceremonies apporté reformation à la dissolution de l'ordre Ecclesiastic, & s'estants directement voüez à maintenir l'autorité du saint siege encontre les Caluinistes, qui font profession expresse de le terrasser, ceux qui sont frâcz Catholiques, voyāts que de leur boutique sortoit & la religion, & l'eruditio tout ensemble, leur ont aumosné de grands biens, mesmes on leur a donné plusieurs maisons pour instituer la ieunesse qu'ils appellēt auïourd'hui Seminaires, voulants souz ce mot donner à entendre que ce sont pepinieres de la religion Catholique. Croissants par ce moiē en partie par leurs merites, mais plus par la haine que l'on porte aux Huguenots. Quant à moy ie n'estime point que les Huguenots ayēt de petits aduersaires en ceux-cy : cōme ainsi soit qu'entre toutes les religions, la Chrestienne se doieue gagner par prieres, exemples, bōnes mœurs, & saintes exhortations, & non par le trenchant de l'espée. A Dieu.



LE CINQVIESME LIVRE
DES LETTRES D'ESTIENNE
PASQUIER.

*A Monsieur de Querquifinen seigneur
d'Ardinilliers.*

*Commence-
ment des
troubles de
la Flandre.*



OV S'estimiez parauenture que les Flamens ne deussent contribuer cōme nous aux calamitez & miseres de ce temps. Ils y ont mesme part que nous. Apres la cōclusion du Concil de Trente, qui fut en l'an mil cinq cens soixante & quatre, le Roy d'Espaigne voulut establir l'Inquisition, & y apporta tous les preparatifs à ce requis : estimant par ceste extremité de seruitude de conscience, obuier à l'autre extremité, en laquelle les François par vne relasche trop grande de liberté estoient tombez. Ceci ne pouuant estre bonnement digeré par plusieurs du pays (car la religion nouuelle y auoit desia pris grand pied) le

Comte d'Aiguemont fut delegué par la Duchesse de Parme par deuers le Roi pour luy remonstrier l'inconuenient qui en pouuoit aduenir. Lequel rapporta bon visage de son Prince, avec promesse de passer toutes choses doucemēt & en surleance, en attendāt vne resolution generale de ce qu'il auoit à faire. Toutes-fois par quelque mot du guet qui couroit avec la Duchesse, elle ne laissa de tenir la main à la rigueur de nouveau mise sus. Chose qui a occasionné vne partie de la noblesse de prendre les armes, & se liguier dedans la ville de Bruxelles: & cōme s'ils ne faisoient que se ioier, ils se sont appelez Gueuz. D'autāt qu'il estoit aduenu aux principaux chefs & ministres du Roy Catholic de dire en colere, qu'il ne se failloit point estonner de ce nouveau remuemēt. Par ce que ceux qui embrassoient ceste querelle n'estoient que Gueuz. Ce qui ne tomba pas à terre. Car les autres se mocquans de ceux qui les auoient ainsi nommez, prindrent ce mesme nom. Et quelques-vns, mesmes des plus signalez d'entr'eux s'habillerent de couleur grise conuenable à l'epithete qu'ils se donnoient. Disants en leurs festins & bāquets par forme de gaufferie: *Vive les Gueuz*. Mot certes de tres sinistre presage, & qui ne prognostique autre chose que la ruine des pays bas, & qu'à la longue ceste faction les mettra tous à la besace. Cela arresta vn peu la Duchesse, & leur permit de n'estre recherchez en leurs consciences: mais pour celà elle n'a pas empesché qu'ils ne se soient donnez des presches publics. Qui a esté cause

*Le mot de
Gueuz en-
tre les fa-
ctieux de
Flandre.*

que ceste Dame feignant obtenir de gré, ce qui luy estoit jeu forcé, leur a par l'aduis des plus sages en Aoust cinq cent lxxvj. accordé presches hors les villes, à la charge qu'ils n'entreprendroient riens sur les Eglises Catholiques. Ce que venu à la cognoissance du Roy Catholic, il a depesché le Duc d'Alues pour se rēdre le plus fort. Lequel a son arriuee a pris la charge & gouuernement du pays, restably l'inquisition, desarmé le peuple, surpris quelques-vns des principaux, faignāt de les festoyer, mesme le Duc d'Orne, & le Comte d'Aiguemont, par la sage conduite duquel le Roy son maistre auoit fait de si braues exploits contre nous. Il leur a fait couper la teste. Et autant en eust il fait au Prince d'Orenge, s'il ne se fut plus par hazard, que par conseil euadé. Le mesme Duc d'Alue s'est emparé de tous les forts & principales villes où il a disposé garnisōs à la deuotion. Comme Espagnol il se persuade par tels moiens extraordinaires de raquoiser toutes choses en vn clin d'œil: & de fait il a veu quelque esclair de son esperance en ce premier & inopiné estourdissement de chacun: mais ie me doubte qu'à la longue il mettra son maistre au hazard de perdre tout l'estat de Flandres. Si nous estiōs bien aduisez il y auroit maintenāt matiere de le reünir au nostre, pendant ces diuisions. Mais la folie de ceux qui pensent estre les plus sages, ne le permet pas. Nous le recognoissons estre de l'ancien estoc & domaine de nostre couronne: il est, si ainsi me permettez de le dire, aux portes de nostre ville de Paris,

*La Flandre
pays fatal à
n'estre remis
sous l'obeis-
sance des
François.*

Paris & par maniere de dire vn faux-bourg, toutes-fois iamaïs ne s'est preparée occasion pour la recouurer, que nous ne l'ayons laissée eschapper, pendant que par discours fantasques nous amusons à la conquête d'Italie, que nature a separée d'auec nous, de mœurs, de langues & d'un haut entrejet de monraignes. A Dieu.

*A Monsieur de Querquifinen seigneur
d'Ardiuilliers.*

II.

Les cartes sont bien maintenant autrement brouillées que ceux de la religion ne se promettoient apres la mort de Monsieur de Guise. Ils estimoient que ceste mort les auoit mis au dessus du vent, & que toutes choses leurs retourneroient de là en auant à souhait, toutesfois ils se sont trouuez grandement eslongnez de leur compte. Par ce que pendant vne paix on leur a plus rongné les ongles par Edits doux & non violents; que Mōsieur de Guise n'auoit fait avec vne grande puissance d'armes. Et neantmoins encores s'est à la parfin, l'apostume creuée. Le voyage de Bayōne auoit tousiours esté suspect aux Huguenots. L'arriuée du Duc d'Alues en la Flandres les en a presque totalement esclarcis. Car soudain qu'il a esté arriué avec ses forces, au lieu de nous rendre spectateurs de ceste tragedie, cōme peut estre il eust esté tref-expedient, nous sommes vouluz entrer sur l'eschafaut pour ioier nostre

Cōme toutes choses se tournerent au desauantage des Huguenots contre leur opinion.

*Commence-
ment des
troubles de
lxxvij.*

roolle, ainsi que noz voisins. Et de fait le Roy a constitué des centeniers dans la ville de Paris (ce sont capitaines generaux de chaque quartier tirez du corps des Bourgeois) il a fait des nouuelles compagnies Françoises, remply les anciennes non completes, & en outre a fait vne leuée de six mille Suisses pour le venir ioindre: donnant à entendre que c'est pour n'estre surpris de l'Espagnol, ancien ennemy de la France. Chose que les Huguenots ne veulent pas croire, estimants que tout cecy se brasse à leur ruine, comme dès pieça ils disent en auoir quelques sentiments, par les modifications de l'Edit de Pacificatiõ, demantellement des villes par eux possedées durant les troubles, edification de Roques & Citadelles, & pour parler fait à Bayonne. De sorte que depuis ce temps là ils estoient tousiours demeurez en ceruelle, quelque beau semblant qu'on leur feit, ou qu'ils feissent. Pour ceste cause voyants ceste leuée de Suisses, ils depescherent lettres en cachette à leurs assemblées (qu'ils nommēt comme nous, Eglises) à ce que chacun eust à se tenir prest au iour & feste saint Michel dernier passé enuiron vn mois, depuis l'erection des Centeniers. Tout cecy s'est fait à ieu couuert. Bien couroient quelques bruits sourds du changement de volonte. Qui a occasionné le Roy de depescher par deuers l'Amiral quelques seigneurs, mesmes Monsieur de Toré son cousin, pour le semondre de venir en Cour, à fin de donner ordre aux affaires qui se presentioient. Le comte est beau, & qui

merite de vous estre escrit. Il le trouue habillé en mesnager deux ou trois iours deuant la feste saint Michel, faisant ses vendanges. L'Admiral, apres auoir entëdu le motif de la legation de Mōsieur de Toré, luy fait responce en deux mots, que la France ne portoit point des Comtes d'Aiguemonts & Ducs d'Ormes, dōt la memoire estoit encore toute sanglante. Il vouloit dire en termes de pratique, qu'il se garderoit de mesprendre. Quand nostre heure n'est pas venuë, Dieu permet que nous soyons sages & retenus pour resister aux embuschés, qui nous peuuent estre preparées: mais quād elle est arriuée, nous mesmes de noz propres volonte nous exposons dans les pieges, quelques-fois plustost que ne pensoient ceux qui nous les auoient dresséz. C'est en quoy l'on peut considerer les admirables effects des secrets de Dieu. Le Roy estoit lors à Monceaux accompagné de Messieurs le Cardinal de Lorraine, Duc de Nemours, & Connestable: Monsieur le Prince à Valery, où Mōsieur d'Andelot & quelques autres seigneurs le vindrent trouuer. Ainsi qu'il auoit esté conclud par ceux de la religion (grande pitié que ie sois contraint vser de ce mot, pour dire ceux de la ligue ou faction) ainsi a il esté executé, & au mesme iour de saint Michel, toute la France s'est trouuée couuerte de gendarmes & compagnies Huguenotes. Et en ce changement inopiné ils se sont emparez diuersement de plusieurs villes. Les seigneurs qui sont pres du Roy, bien qu'ils eussent quelques aduis de ces

*En quel estat
fut trou-
uë l'Admi-
ral par le
seigneur de
Toré.*

nouveaux troubles, si ne les pensoient ils si proches. M^osieur le Prince suiuy de quatre ou cinq cent cheuaux dedans la ville de Rozoy en Brie se promettoit de surprendre le Roy, mais il a esté esuenté. On a mis en deliberation dans Monceaux quelle part le Roy se deuoit retraire. M^osieur le Cōestable a esté d'aduuis que ce fust dedans Meaux, cōme plus voisine, & distante seulement de deux lieuës. L'opinion de M^osieur de Nemoux a preualu; soustenant qu'il estoit non seulemēt expedient, ains necessaire au Roi pour l'assurance de luy & de son estat, de se retirer dans la bonne ville de Paris, avec laquelle les Rois de France auoient perpetuellement vniz leur fortune. Suiuant ceste resolution on a troussé promptement bagage dès les quatre heures du matin. Iamais cōseil ne fut donné plus à propos à son Prince, que cestuy-cy, comme aussi le Roi l'a depuis recogneu par plusieurs fois. Celà s'est fait sur le point que les Suisses sont arriuez, lesquels se sont mis en bataille, & les nostres pareillement avec telles armes qu'ils ont peu recouurer. Parmi tout celà, vn grand attirail de Dames qui nerendoit la partie ny plus forte ny plus asseurée. Toutesfois pour ce coup la crainte a esté plus grande, que le mal. Monsieur le Prince a fait contenance de les cheualer, mais il ne les a osé affronter. Le Roi sur les quatre heures du soir est arriué dans Paris grandement harassé de la faim & de la longue traite: receu avec toutes allegresses de son peuple de Paris. Ioye toutes-fois qui n'a pas longuement duré.

Par ce que la nuit ensuiuant quelques enfans perdus Huguenots ont bruslé plusieurs moulins vers la porte de saint Denis. Qui a esleué vn chaud alarme dedans la ville. Les premiers qui s'en sont apperceuz ont commencé de crier, aux armes. Auquel cry chacun s'esueillant en sursaut (en ce feu tref-luisant dans l'obscurité de la nuit) ceux qui estoient à l'autre bout de la ville estimoient que les ennemis eussent surpris l'autre costé. Je vous laisse à penser quel a esté l'effroy. Le lendemain chacun a couru aux armes, a chargé la croix blanche sur son chapeau, en danger à celuy qui se trouuoit sans, d'estre tué. Les portes gardées par les Bourgeois & nouueaux capitaines sur eux esleuz, suiuant la police de l'an cinq cens soixante & deux. Les Huguenots ne s'endorment pas ce pendant, ains s'inuestissent de la ville de saint Denis: laquelle pour estre voisine de Paris a tousiours seruy de retraite pédant les guerres ciuiles à ceux qui nous ont voulu guerroyer. Monsieur le Prince dit qu'il viét pour presenter requeste au Roy pour ceux de sa religion. Les autres luy respondent que ce n'est la forme, qu'un sujet vienne armé presenter requeste à son Roy desarmé, si ce n'est en intention de luy vouloir dōner la loy. Depuis le Roy a enuoie pardeuers lui, Messieurs le Châcelier & de Moruilliers pour entendre le motif de son mescontentement. Il leur a fait respōse qu'il requeroit trois choses: l'entretene-ment de l'Edit de Pacification sans aucune reserue ou limitation, que le Roy n'aduançast plus aux hon-

neurs gens nouueaux & de nulle recommandation, & qu'il retranchast les charges extraordinaires du peuple. Le premier appartient à sa cause, mais les deux & troisieme à l'estat. Dont le Roy a forr bien sceu faire son profit enuers les Princes & Porentats estrangers. Car encores que ceux qui fauorisent leur parti, soient d'aduis que le Prince ne peut empescher la liberté de noz consciences en ce qui concerne le seruice de Dieu: (qui est vne proposition fort châtouilleuse, & qui produit de rref-dangereux effects) si ne veulent ils qu'en ce faisant le sujer bride la volonté de son Roy, ne qu'il remue riens de ce qui est d'ailleurs de sa souueraineté. Voilà en quel point nous sommes aujourd'huy, autanr eslongnez du repos, comme les Huguenots de leur esperance. Je ne faudray de vous mander la suite de toute ceste miserable & calamiteuse tragedie. A Dieu.

*A Monsieur du Faur seigneur de Pibrac, Ad-
uocat du Roy au Parlement de Paris.*

*Ceste lettre
escrite apres
les grands
iours de Poi-
tiers 1567.*

IE v o u s supplie n'estimer que ç'air esté par oubliance de mon deuoir que n'ayez depuis mō partemēt de Poitiers receu aucunes lettres de moy. Car l'occasion de ce defaut est pro- uenuë, ou que du tout ie n'ay eu messagers en main, ou bië que lors que i'en ay eu, ils m'ont failly de promesse, pour estre partis sans prendre mes lettres. Estant maintenant tref-joyeux d'auoir receu de voz

nouvelles, & d'auoir le moien de vous faire participant des nostres. La presente sera pour vous aduertir que graces à Dieu il n'y a nul de voz amis qui ne se porte bien de deça selon la portée du temps, i'entens pour le regard des personnes. Car quât aux biens des chanips, ie me puis vanter auoir eu bonne part à la calamité commune. Mais pour autât que ie faiz peu de compte du bien, ie me deporteray de vous en escrire, pour vous aduertir que soudain apres mon arriée, suiuant la resolution que nous auions pris ensemble, ie feiz la reuerence à Monsieur le Chancelier, que ie gouuernay teste à teste enuiron vne bonne heure. Lequel receut vne infinité de plaisir du recit que ie luy feiz de ce qui s'estoit passé aux grâds iours, & par especial du deuoir & contentement que vous auiez rendu à chacun. Plusieurs autres propos se passerent entre nous deux, & entre autres il estoit d'aduis que sortant de Poitiers pour aller à Tholose prissiez la mesme route que i'ay depuis cogneu par voz lettres auoir esté prise de vous-mesmes. Or quant est du retour dont m'escriuez, i'ay ce iourd'huy veu Monsieur le premier President, & disné avec Monsieur l'Aduocat du Menil (car pour le regard de Monsieur le President Baillet il n'est encores de retour) & leur ay présenté voz recommandations. Je vous assure que Monsieur le premier President les a receuës de fort bonne chere, & ay cogneu à sa façon vne amitié & bien-vueillance particuliere qu'il a en vous. Je luy ay fait sommaire

recit de vostre faict. Comme vous auiez esté surpris quand les nouuelles vindrét des troubles, n'ayant aucuns cheuaux, & que d'ailleurs voyant les passages bouchez de deça, mesmes des postes auiez esté contrainct de prendre le chemin de Tholose, par ce que la voye des postes y estoit ouuerte: avec vne grande perplexité toutesfois, pour la crainte qu'auiez de faire faute à vostre deuoir, spécialement à l'ouuerture du Parlement. Au moien dequoy vous le priez de me dire son aduis sur ce qu'auiez à resouldre, sur le tost, ou le tard de vostre retour. Sur quoy il m'a faict responce que puis qu'estiez maintenant en lieu seur, vous ne deuiez auoir haste de vous exposer au hazard & danger des chemins, & qu'il vous conseilloit de choisir voz bons points & aisements. Et l'ayant plus auant sondé vers quel temps il estimoit que pouuiez commodement reuenir, il me la limité à Noel. Au regard de Monsieur du Menil il est d'opinion d'une courte absence (comme pourrez mesmement entendre par les lettres qu'il vous escrit) & neantmoins comme luy-mesme s'explique, il pense que ne deuiez estre en ceste ville que vers le temps de Noel. De sorte qu'estants de parole diuers en opinions, l'un pour la retardation, l'autre pour l'acceleration, ils s'accordét neantmoins par effect: Et n'y voy nulle diuersité, sinõ que le dernier estime que vostre absence importe à vostre dignité, & l'autre non. A quoy sil vous plaist que i'y adiousté du mien, ie vous prie estimer que la resolution de cecy ne se peult
bonnement

bonnement faire à l'œil, encores qu'estimiez le contraire par vos lettres, estans toutes choses si turbulentès, confuses & variables qu'aujourdhuy le plus sage iugera d'un en son fait particulier, d'autant qu'il estimera le commun cours du marché estre tel, & demain il luy en escherra d'un autre: Tantost vne legere esperance de temps calme, puis tout soudain vn orage. Maintenant vn aduis d'une sorte, maintenant d'une autre: & sur tout vn murmure general de tout le peuple contre la paix, assisté de la faueur des plus grands. De maniere qu'en ceste grande instabilité de toutes choses, on ne peut determiner à l'œil autre conclusion & arrest, sinon vne desolation totale de nostre France. Que si nous commençons seulement à venir, ie serois d'aduis de nous retirer en pays estrange par forme de parenthese, & suiure l'ordonnance des medecins en cōtre la peste, tost, loing, & tard. Mais puis que chacun de nous a passé plus de la moitié de son aage, mesmes que vous depuis dix & sept ou dix & huit ans en ça auez esté appelé aux plus belles charges, de nostre robe, il me semble qu'il nous fault resouldre, de viure & mourir, comme bōs citoyens, avec nostre estat. Partant ie seray plus hardy, ny que monsieur le premier President, ny monsieur l'Aduocat du Mesnil. Je suis d'aduis que deuez, sans aucun delay retourner à toute bride en ceste ville, pour contribuer avec nous tous à la commune calamité de ce temps.

*A Monsieur de Querquifinen seigneur
d'Arduilliers.*



L' APOSTUME est en fin creuee: & tout ainsi comme la riuiere se desbonde en vn torrent & precipice, quād elle a fait voye à la chaulsee qui luy barroit le cours de son eau, ainsi le peuple François ayant donné quelque air aux desdains & rancunes muettes qu'il couuoit dans son estomach par le heurt & rencontre de deux religiōs, s'est esclaté tout en vn coup, avec vne fureur indicible. Les Huguenots se sont iettez deuant Paris, disposés les gens qui leur venoient de toutes parts, dedans saint Denis, saint Ouin, Aubervilliers, Buzenval, pris Argenteuil d'assault, puis le Pont de Charenton. Ils pensent qu'il n'y a point moien plus prompt pour ruiner Paris, que de l'estraindre par les mammelles. Leurs chefs principaux sont le Prince de Condé, l'Admital, d'Andelot, la Rochefoucault, Mongomery, Genly, Mouy, le Vidame de Chartres; lesquels font arriuer à la file d'un iour à autre, gens & forces de tous costez. Et en ceste inespérée desbauche leurs partizans ont surpris les villes de Valence, Vienne, Romans, Montauban, Nimes, Montpellier, Mascō, Soissons, Lusignen, la Charité, Auxerre, Montereau, la Rochelle qui leur est vne fortē roque; & par especial la villed'Orleans; nonobstant la citadelle qui y auoit esté bastie. Qui doit apprendre à nos Rois (ie vous diray cecy en passant) que les villes qui sont au milieu d'un Royaume, ne se contiennent point

*Recit de
l'estat des
troubles de
leuii.*

*L'inuention
des citadel-
les plus per-
nicieuses
que profitables
à l'estat*

par ces voyes extraordinaires que l'Espagnol nous a enseignées, ains par la fidelle deuotion des subjets & bon traitement de leur Prince. La ville de Lyon a failly de tomber en leur mercy; & pendant que les Huguenots veulent apporter quelque attrempance à vne si brusque folie, où la prompte main est plus desirée qu'un long examen de conseil, les Catholiques leurs ont fauché l'herbe sous les pieds: qui depuis ont fait grand ravage des autres, & brulé deux temples par eux construits pour l'exercice de leur nouvelle religion. En contr'eschange dequoy les Huguenots dans Orleans ont razé à fleur de terre ceste ancienne & venerable eglise de Sainte Croix: C'est à beau ieu, plus beau retour. Sur ce general desbais le bruit a couru en plusieurs endroits que le Roy auoit esté pris, és autres qu'il auoit failly de l'estre, & s'estoit sauué de vitesse dans Paris, où les Huguenots le tenoient estroitement assiegé. Il n'y a Prince en tout l'vniuers (comme vous sçavez trop

*De bon vi-
sage d'un
Roy cōbien
il importe
enuers la
noblesse de
France.*

mieux) qui soit tant aimé de sa noblesse comme le nostre. Car tout ainsi comme elle est d'une nature prompte, gaillarde & sans fiel, aussi quelque travail ou souffrete qu'elle ait enduré pour son Roy, vne acollade, vn bon œil, vn visageriant & debonnaire, est vne douce boisson qui luy fait oublier tous ses maux passez: S'estimant condignement satisfaite quand elle cognoist son seruice auoir esté agreable à son Prince. Qui est vne leçon que nos Rois ne doiuent pas negliger: car à mon iugement le plus grand

secret qu'eurent iadis les Maires du Palais pour s'impatronizer de l'estat (soit que celà aduint ou par hazard ou par discours) fust d'accoustumer nos Rois de ne familiariser doucement avec leurs principaux subjets : ains par vne inepte reputation se communiquer en hault appareil à leur peuple vne fois l'an tant seulement. Mais pour retourner à mon sujet, soudain que ce bruit a esté espars par tout ce Royaume, il n'y a eu seigneur ou gentilhomme de bonne part qui n'ait pris la route de Paris pour le secours du Roy, avec telle suite & vasselage qu'il s'est peu pourchasser, les aucuns mandez, les autres de leur propre instinct. Si qu'en peu de temps Paris s'est trouué remply de gendarmes; & a esté l'infanterie logee aux faulx-bourgs pour la defense des trenchees, & la caualerie dans la ville; & au milieu des deux le bourgeois qui sous l'enseigne de son capitaine en chasque dixaine a esté commis à la garde des portes. Le chef principal pour le Roy, c'est monsieur le Connestable assisté des seigneurs de Nemoux, Aumale, Martigues, & des Marechaux de Montmorency, d'Amville & Cossé, & d'une infinité d'autres grands cheualiers & capitaines. Pour subuenir au defroy de ceste guerre a esté la suppression des offices reuocquée, & tous estats remis sus, qui auoient esté esteints par mort, depuis l'edict fait en la ville d'Orleans, en l'an mil cinq cens soixante & vn, autres nouueaux inuentez; autres renduz alternatifs. Dieu

ſçait comme cependant les affaires de laiuſtice iront
deormais : Car c'eſt vn priuilege du droit de na-
ture, de reuendre en deſtail ce que nous auons a-
cheté en gros. D'vne meſme main le party de l'hoſtel *Rentes con-*
de ville a eſté ouuert, & permis à chacun d'y ap- *ſtituee ſur*
porter argent, dont on luy feroit profit au denier *les decimes.*
douze. Et parce que ceſt hoſtel eſt infiniment ſur-
chargé, pour ſeurté de ces rentes nouuelles, & pour
les payer on a obligé les Decimes : & à ceſte fin on
a créé vn receueur general du clergé à grands ga-
ges, lequel a ſes commis diuerſement eſtablis par
les Prouinces, pour faire venir ens les deniers à la
recepte generale. Chacun en ceſte neceſſité eſt li-
beral en inuentions, & non trop chiche à ouuir
ſa bourée. Mais entendez vn heur & malheur qui
nous eſt adueni tout enſemble : Comme les affai-
res ſe negocioient en ceſte façon dans Paris, les
Huguenots de leur coſté ne dormoient, auſquels
venoit aide & ſecours de toutes parts en inten-
tion d'affamer la ville. Et à ceſt effect furent en-
cores enuoiez par eux, les ſeigneurs d'Andelot, &
de Montgommery pour ſe ſaiſir de la ville de Poif-
ſi, qui eſt ſur la riuiera de Seine, afin de nous re-
trancher les viutes. Choſe qu'ils executerent fort
aiſément. Mais ceſte priſe leur a eſté cher ven-
due : car monſieur le Conneſtable eſtant aduertiy *Bataille de*
qu'ils auoient paſſé la riuiera, commanda dès l'in- *S Denis dō.*
ſtant meſmes de ſ'armer en diligence, & feit ſor- *nee la veille*
tir ſon artillerie & ſes gens en bonne ordonnance *ſaint Mar-*
tin 1567.

*Blessure de
monſieur le
Cōeſtable.*

la veille de ſaint Martin. Nous auons eſté recueillis par les Huguenots entre la ville de ſaint Denis & le village de la Chapelle. Là a eſté donné vne bataille fort cruelle, où ſont morts d'une part & d'autre pluſieurs grands capitaines & guerriers. Entre ceux des Huguenots lon remarque les ſieurs de Piquigny, de Saux, de S. André, de Suze, & Cany: Ils n'en pouuoient ſi peu perdre; qu'ils n'en perdiſſent beaucoup. Des noſtres le Comte de Chaulne: & ſur tous fut griefuement nauré Monſieur le Conneſtable par Stuart Eſcoſſois, & en ce piteux equipage raporté, par les ſiens dedans Paris. Toutesfois afin qu'entendiez en peu comme ceſte meſauenture luy aduint, l'on dit que Stuart le trouuant vn peu à l'eſcart, donnant ordre à ſes gens, le ſomma de ſe rendre: & qu'à ceſte parole ce preux vieillard luy donna du plombreau de ſon eſpee tēl horion ſur les machoires, qu'il luy feit ſortir deux dents de la bouche. L'Eſcoſſois irrité de ce coup, luy perce les reins d'un coup de piſtole, & luy baille quelques coups d'eſpee, dont peu de iours apres il mourut. Le champ nous demoura, & le gardaſmes iuſques vers le minuit. Cependant d'Andelot aduertie de ceſt eſtour, rebrouſſe chemin à grāds pas, mais eſtant reuenu trop tard, le lendemain à la pointe du iour, l'ennemy ſe preſente au meſme lieu, faiſant contenance de nous prouoquer au combat, comme ne ſe tenant pour vaincu. Il fut trouué bon au conſeil du Roy de ne riens hazarder dauantage. Grande pitié: à l'iſſuē de ce luctueux ſpectacle, cha-

cun en se flatant s'est donné diuersement la victoire, tout ainsi qu'en la bataille de Dreux. Les Catholiques pourautant que le champ leur estoit demouré: les Huguenots parce que le lieutenant general de nostre armee auoit esté emporté nauré à mort, & que le lendemain ils s'estoient mis sur les rangs pour faire seconde esprouue de la fortune. Voulez-vous que ie vous die en vn mot? Il n'y a chose au monde où il soit tant aisé d'apporter de masque & hipocrisie, qu'entre gens de guerre. Si les vns & les autres se sont donnez cest auantage pour se conseruer en reputation, c'est sagement fait à eux: Si du fonds de leur conscience, malheur inestimable pour la France, qu'en ceste perte publique, nuls d'eux ne pensassent que le Roy en y gaignant, seul y perdoit. Toutes fois si l'opinion du Roy Loys vnzième est vraye, que celtuy a l'honneur d'une bataille, qui en raporte le profit, il y a grande apparence d'estimer que le Catholique est demouré victorieux, non pour luy estre demouré le champ, ains parce que l'euénement de ceste bataille a esté cause que quatre ou cinq iours apres, le Huguenot changeât d'opinion a leuë le siege: qui estoit le principal but à quoy nous visions. Quelques iours apres est decedé monsieur le Connestable d'une mort qui ne peult estre assez recommandee à la posterité: car comme vous sçauiez il estoit né & baptisé au bourg de Montmorency, situé au Parisi. Tellement qu'à bonne raison il pouuoit estre nommé Parisien, infiniment aimé & chery du Roy Henry

*Combien
d'hipocrisie
il y a en ma-
tiere des ar-
mes.*

*Mort heu-
reuse de mō.
sieur le Cō-
nestable.*

second de ce nom, par la beneuolence duquel il acquit vne infinité de grands biens & hōneurs, feit plusieurs grāds exploits d'armes tant qu'il vesquit, & en fin aagé de quatre vingt ans ou enuiron, estant lieutenant general du Roy au milieu d'vne armee, il fut tué combatant pour sa foy, & pour son Roy; deliurant le lieu dōt il auoit pris naissance d'un long siege. Recherchez telles histoires qu'il vous plaira, vous ne trouuerez capitaine qui avec tant de belles remarques ait couronné sa vie d'vne si illustre fin. La Roine mere voulant honorer d'un mesme trait, & la memoire du Roy son mary, & les seruices de ce seigneur, luy a fait faire obseques de Roy. Ce qui n'aduint encores iamais à nul seigneur, de la Frâce. Parce qu'en son conuoy a esté portee son effigie portāt sur le visage la remembrance des playes qu'il auoit receües. Son corps & son effigie demourerēt à la Roiale vne nuit dans l'eglise nostre Dame: & le lendemain se trouuerēt toutes les paroisses & eglises pour accompagner le conuoy: & encores toutes les dixaines en armes, sous leurs enseignes, pour honorer la memoire d'un si grand guerrier. Son cœur a esté enseuely pres de celuy du Roy Henry son bon maistre, & son corps au sepulchre de ses ancestres en la ville de Montmorency. Plusieurs poëtes se sont voüez, à dresser des epitaphes & tombeaux en sa loüange. Moymesme y ay voulu auoir part. Je vous enuoye celuy que i'ay fait. Vous me manderez ce qu'il vous en semble. A Dieu.

*Obseques du
Conestable.*

Tom-

Tombeau de Messire Anne de Montmorency
Pair & Connestable de France.

D'UNE tréblâte main, & d'un œil plain de larmes,
Il faut qu'à mon esprit ie dresse mille alarms;
Ne pouuant descouvrir sans ineffable dueil,

La perte de haut pris qui couure ce cercueil:
Ce grand Montmorency que l'impiteuse guerre
Nous a jalousement rauy de ceste terre:

Montmorency auquel & la vertu, & l'heur,
Iusqu'au dernier soupir ont voulu faire honneur.
Car si (Passant) en peu, de sçauoir as enuie,
En priué ou public tout le cours de sa vie,
Iamais France ne veit François peut estre né,
Pour estre à si grand heur que cestuy destiné.

En premier s'il te plaist repasser son mesnage,
Quarante ans l'ont lié à vne Dame sage,
Sage s'il en fut oncq, dont il eut douze enfans,
Deux Marefchaux de France, & les dix triomfans
Tant en biens, qu'en honneurs, encores plains de vie,
Fors deux qui deuant luy sont morts pour leur patrie,
L'un gendre, & l'autre fils: Heureux vrayement remords
Tant des dix suruiuants, que des deux qui sont morts:

Et si de son priué, au public tu veux tendre,
Encor trouueras-tu dés sa ieunesse tendre,
Que sa fortune, ainçois sa vertu, de prisault
Le poussa entre nous au degré le plus hault:
L'ayant ensemble fait Connestable & grand Maistre,

*A fin de faire à tous d'un mesme fil parestre
Par ces deux, qu'il estoit tout aussi bon ouurier
Des affaires de paix, comme braue guerrier.*

*Or que ceste grandeur en luy fust bien logée,
Huit fois il combatit en bataille rangée,
Faisant assez sentir aux Princes plus puissans,
Quels estoient ses efforts, quel estoit son bon sens.*

*De cinq Rois seruiteur, aux quatre il feit service,
Et au dernier il feit de son corps sacrifice,
Sur son octantiesme an : honoré & chery
De chaque en son endroit, mais sur tous de Henry.*

*Donc cest heureux seigneur paraisant sa carriere
N'eut oncq en ses desseins la chance trauersiere?
Donc ce gentil cerueau, par un sage discours,
Sans desastre passa de sa vie le cours?
Non: il estoit né homme, & iamaïs la fortune
Ne se feit aux humains à tousiours oportune.*

*De l'enuie il sentit vn coup le desfarroy,
S'absentant pour vn temps de la Cour de son Roy,
Et le hazard encor qui les plus haux trebuche,
Ialoux de son honneur luy liura double embusche,
L'une au iour saint Laurent, & l'autre deuant Drcux;
Car bien qu'il combatit, comme vaillant & preux,
Si fut-il pourtant pris: mais toutes ces alteres
N'amoindrirent de riens ses fortunes prosperes.*

*Ce luy fut vn malheur qu'une absence de Cour,
Mais son heur luy brassoit vn plus heureux retour,
Et pour dire le vray, ce que malheur on pense,
Le feit à son retour, le premier de la France.*

Ce luy fut vn malheur qu'une double prison;
 Mais luy qui oncq ne fut pris que de la raison,
 Monstra que ce malheur n'auoit point sur luy prise,
 Ourdissant prisonnier tousiours quelque entreprise.
 Ainsi fit-il deux paix en ce double danger,
 L'une entre les sujets; l'autre avec l'estrange:
 Estant par tout le cours de sa vie si braue,
 Que mesme la fortune il feit souz luy esclau.
 Estant pour son pays si heureusement né,
 Qu'au profit de nous tous, son danger s'est tourné:
 Aussi n'eut-il oncq riens plus cher en sa pensée,
 Que voir sa nation sur toute autre auancée.

Atant iusques icy tu as sa vie apris,
 Or entends maintenant quelle fin il a pris.

Dedans Paris estoit le Roy & son armée,
 Et la Religion que l'on dit reformée,
 Au moins ses partiZans estoient campeZ deuant.
 Montmorency sema maints propos en auant
 De paix, pour rallier le sujet a son Prince,
 A fin de garentir de degast la Prouince,
 Craignant (comme plusieurs) qu'un plus piteux destin
 Ne nous eust apporté ce discord intestin:
 Plusieurs fois il ietta, mais en vain, ceste pierre,
 Car & l'air, & le ciel, ne soufstoient qu'une guerre:
 Les astres, les deuins cornoient de tous costez,
 Carnâges, meurdres, morts; sacZ, feuZ & cruauteZ.
 Parquoy voyant la France estre pleine de rage,
 L'estat bouleuerfè d'un forcené courage,
 La iustice, le bien, l'honneur, le droit banny,

Que par le vice estoit le vertueux honny,
 Que le pere à l'enfant, & l'enfant à son pere,
 Souz le masque de Dieu dresseoit un impropere,
 Et que chacun pippé d'un espoir mensonger,
 Contre son propre sang appelloit l'estranger,
 Pour courir à la fin qui nous est preparée,
 Ainsi que le Veneur se trouue à la curée:
 Brief que le tout estoit en ce pays renclos
 Peslemesle dedans un abisme & chaos,
 Sans espoir de concorde: Adonc dist-il, Encore
 Faut-il qu'à ceste fois ma memoire i'honore,
 Et qu'on sçache à iamais que tout d'un mesme poix
 Montmorency sceut faire, & la guerre, & la paix:
 Et puis qu'à ceste fois un chacun se machine,
 Par aucuglé discours, à l'enuy sa ruine,
 Je veux vaincre & mourir: ne pouuant voir deffait
 De ses propres enfans, le pays qui m'a fait.

Ce dit, soudain ses gens en bataille il ordonne,
 De François à François l'escarmouche se donne:
 Qui nauré, qui tué, l'un tombe, l'autre pris,
 Le ciel mesme eut horreur des lamentables cris.
 O François genereux, vous pouuiez vaincre ensemble,
 Tout ce que le leuant iusque au ponant assemble.

Là ce noble vieillard monstra d'un cœur hardy
 Qu'il n'auoit lors le bras vieillement engourdy,
 Enfonçant esquadrons, or d'estoc, or de taille,
 Et ja certain estoit du gain de la bataille,
 Ia du sang ennemy le champ estoit baigné,
 Quand son heur qui tousiours l'auoit accompagné,

*En ce malheur public qui vogueoit par la France,
Luy voulut faire encor à ce coup assistance.*

*Car aussi que pouuoit mieux eschoir à cœur franc
Tel qu'estoit cestuy-cy, que sceller de son sang,
Sa foy, sa preud'homme, & resmoigner l'enuie
Qu'il auoit d'exposer pour son Prince, sa vie?*

*D'un coup de coustel il eut le chef blecé,
Et d'un coup de pistole il eut le do^z percé.
Il cheut, mais luy craignant que ceste grande cheute
N'apportast à ses gens quelque douteuse esmeute,
S'enquist premierement de Sanzay, si le champ
(Encore qu'il fust blecé) demeueroit à son camp:
Comme il l'eust asseuré que l'issuë estoit telle,
Il commanda qu'on meit dessus son corps, un voile,
A fin de n'estonner par sa blesseure, ceux
Qui de vaincre & tuer n'estoient lors paresseux.*

*Puis dist: A toy Seigneur, ô mon Dieu ie rends gloire,
De couronner ma fin d'une telle victoire;
Benist sois-tu Seigneur de quoy si à propos
Ie mets & mon bon Roy, & Paris en repos.
Sinon repos total d'une guerre ciuile,
Faisant au moins leuer le siege de la ville.*

*Sur ce mot on l'enleue: & comme on l'emportoit,
Un gendarme passant demande qui c'estoit.
Montmorency (dit un) mais luy de forte haleine,
Tu ments, Montmorency combat en ceste plaine.*

*Ainsi fut ce guerrier dans Paris apporté,
Où de ses mal'ueillants mesme il fut regreté:
Ainsi deux iours apres il termina sa vie,*

V. LIVRE DES LETTRES

Vainqueur de l'ennemy, & vainqueur de l'enuie.

*Heureux, Seigneur, heureux tant que tu as vescu,
Plus heureux qui mourant tout contraire as vaincu.*

*Comme si le Daimon qui garde nostre France,
Eust fait avec le tien eternelle alliance,
Et que pour tout iamaïs par compromis iuré,
Le tien se fust de luy, luy du tien assuré,
Tant que la France s'est heureusement trouuée,
La fortune de toy a esté conseruée,
Et tant que ton bon heur t'a aussi conserué,
De la France l'estat s'est tref-heureux trouué:
Comme si par commun entrelas, la fortune
De la France & la tienne, eust esté de deux, vne.*

*Et ores que les cieux par un iuste courroux,
Se sont ireusement liguez encontre nous,
Tu es mort, & mourant, tout va de telle sorte,
Que nostre France aussi avecques toy est morte.
La France florissant tu ne pouuois mourir,
Et la France, toy vif, point ne pouuoit perir.
Tel estoit le destin, que d'une mesme course,
La sienne estoit en toy, en elle, ta ressource.
Parquoy pour tout tombeau (Passant) sçache, qu'ICY
GIST LA FRANCE ESTENDUE AVEC
MONTMORENCY.*

*A Monsieur de Querquifinen seigneur
d'Ardinilliers.*

A PRES la mort de Monsieur le Connestable on a estimé son estat estre de telle cōsequēce pour les troubles où nous sōmes exposez, qu'il valoit mieux le tenir en surseāce que d'en pourvoir nul des Princes & grands seigneurs. Au lieu de celà, le Roy a mis toute l'intendance generale des guerres & des affaires de France souz Monsieur le Duc d'Anjou son frere. Vous sçavez qu'il est encores fort ieune, & bien qu'il soit accompagnē de plusieurs belles promesses de nature, si n'a-il l'experience. Ce defect luy sera supplēe par les sages seigneurs qui luy assistent. Mais ie souhaiterois qu'il y en eust vn entr'eux qui eut souz l'autorité de ce ieune Prince vn controle general sur tous les autres. Celà a aucunement fortifié l'ennemy, qui a pris la route de Champagne pour accueillir ses Reistres, en deliberation de nous mal traiter. Toutes-fois Dieu nous a regardez, d'un œil de pirié. La paix a esté faite & concludē entre les subjets du Roy. L'edit publié le vingt-septiesme de Mars, tout ainsi que le vingt-septiesme Septembre precedant, les troubles auoient repris leur commencement. Ceux de la religion remis en leurs biens, dignitez & prerogatiues, rant en general que particulier: nonobstant quelques arrestz ou iugements contre eux donnez. En

*Monsieur le
Duc d'An-
jou frere du
Roy fait
lieutenant
general de
France.*

*L'edit de Pa-
cification en
Mars 1568.*

contr'eschange dequoy ils ont rendu au Roy toutes les villes qu'ils auoient surprises, hormis vne ou deux. Ce n'est pas vn petit trait pour le Roy d'auoir, en espargnât la peau d'une infinité de ses sujets, regaigné par vne peau de parchemin toutes les villes dont les autres s'estoient emparez. A Dieu.

*A Monsieur de Querquifinen seigneur
d'Ardinilliers.*

*Deportemēs
de nous au-
tres François,
pendant la
courte paix
de 1568.*

E temps n'est encores disposé à vne paix bien fermée. Car combien que les Huguenots se soient despoillez de leurs forces, & retirez chacū en leur chacune, le Roi depuis la publicatiō de la paix n'a point licētié ses gens de guerre. Et qui plus est il a fait mettre garnisōs par tous les pōts & passages pour empescher les aduenues. Je ne sçay à quelle fin cecy se fait. Mais les plus clair-voyants se persuadent que c'est pour empescher les Huguenots de se reūnir. S'il y a en ceci quelque embusche (que ie ne croy) certainement ils seront au dessouz de toutes affaires & sans esperance de ressource. Par ce que ie voy auiourd'huy le Prince de Condé en Bourgogne dans sa maison de Noyers, Monsieur d'Andelot en Bretagne, Monsieur de la Roche-Foucaut en Angoulmois, Monsieur d'Acier en Languedoc, les Vicōtes de Monglar & Berniquet en Gascōgne, les seigneurs de Genly & Mouy en Picardie, le Comte de Montgommery en Normādie. Ce n'est pas vn petit conseil

conseil de les auoir en ceste façon escartez les vns des autres. Croiez qu'ils auront prou d'affaires de se rallier qui les poursuiura chaudement. A Dieu.

A Monsieur d'Arduillièrs.

E ne veux pas dire que ce conseil feut bon ou mauuais. Ia à Dieu ne plaise que i'interpose mon iugement sur les affaires d'estat.

*Suite du
mesme di-
cours.*

Bien vous diray ie que s'il a esté tel que l'on le public, & qu'il eust esté poursuiuy sans relasche, iamais les Huguenots ne furent en tel defarroy, comme ils se fussent trouuez : mais comme il aduient ordinairement que les affaires de la France ne se font iamais qu'à demy, le malheur a voulu que nous ayons mis trop vistemét des gardes aux ponts & passages, pour puis laisser froidement ralentir nostre entreprise. Et afin que vous entendiez comme les choses sont passees, toutes les villes n'estoient pas encores rendues, quand les Huguenots s'aperceurent que l'on fermoit ainsi les passages. Au moien dequoy les villes de Montauban & Sanxerre ne voulurent obeïr à l'edict. Et quant aux Rochellois bien qu'ils ayent donné entree dans leur ville, au seigneur de Iarnac leur ancien gouuerneur, si n'ont-ils voulu receuoir les garnisons que le Roy y vouloit mettre, encores qu'il ait depeché le Marechal de Vieilleville (seigneur trespolic) pour les induire de receuoir ses commandements. Cependant il a couru vn sourd

*Faute gran-
de d'auoir
rompu la
paix de 68.
ou de n'a-
uoir mieux
executé la
rupture.*

bruit quel'on vouloit inuestir les Huguenots. Qui a esté cause quel'Admiral, qui s'estoit retiré à Tanlay (comme homme fin & auisé) est venu trouuer le Prince à Noyers suiuy de cinquante cheuaux: luy remonstrant que de seiourner plus longuement en celieu, c'estoit attendre leur ruine. Vraiment ie ne trouue point traiçt de nostre hystoire si esmerueillable que cetruy. Il sembloit que les Huguenots ainsi espars ça & là, & les passages clos, comme ie vous ay escrit, qu'il leur seroit impossible de se rallier. Or voiez comme Dieu a dissipé en cecy nos conseils.

*Lors que les
Huguenots
penferent
estre au des-
sous de tou-
tes choses,
leurs affai-
res leurs re-
ussirent à
souhait en
l'an 1568.*

Monsieur le Prince & l'Admiral partent de Noyers le XXI. iour d'Aoust, accompagnez de leurs familles & de telle escorte qu'ils s'estoient peu inopinément pourchasser: Les vns montez à cheual, les autres dans des chariots: accueillâts nouuel aide, à mesure qu'ils gaignoient pais. Et parce que les passages des ponts leurs estoient bouchez, citants arriuez à Bony sur Loire, ils ont trouué la riuere gayable pres Sanxerre; & l'ayant traucisee, ont commencé de reprendre leurs esprits, & de marcher avec plus d'asséurâce qu'au parauant. Ie ne puis penser que ceux qui tiennent la clef des affaires de France pensassent en fermant les ponts, enfreindre l'ediçt de la paix: ou si telle estoit leur intention, il me semble qu'ils ont fait vn pas de clerc, d'auoir donné le loisir aux autres d'euader. Mais entendez le surplus: Comme il aduient ordinairement qu'apres auoir failly aux occasions, nous auôs accoustumé de nous chatouiller par quelques nou-

uelles excuses, aussi ceux qui se donnoient la loy de iuger des coups, disoient qu'il les failloit laisser aller, & qu'eux mesmes s'alloient mettre dans les filets, s'eslongnants de l'Allemagne, leur secours ordinaire, & allâts fondre en vn arrierecoing de la Guiëne, dont malaisément ils pourroient sortir. Mais il leur en a pris tout autrement: Parce que iamais les affaires ne leur vindrent tant à souhait, comme ils firent lors sur vne premiere entree, plus par hazard, que par discours. Car cōme le Prince de Cōdé auançoit ainsi chemin sans estre suiuy, l'on depescha quelques gens pour surprēdre le Cardinal de Chastillon, qui lors estoit à Beauuois, & pareillemēt autres pour se saisir des seigneurs de Genly, Mouy, & Morvilliers: tous lesquels toutesfois se sauuerent de vistesse. Le Cardinal presque reduit en termes de desespoir s'embarque au Tresport, & fait voile en Angleterre, où il est surgy à port de salut. Les trois autres apres feste quelque temps cachez, se sont mis à costoyer la frontiere de Picardie, amassants petit à petit gens, lesquels pour la necessité du temps sont fort ioyeux de se retirer sous leurs enseignes. Infortune inesperee qui leur est retournée à plus grand profit, que si avec vn profond discours ils eussent conduit leurs affaires. Car ces trois seigneurs ont seruy puis apres d'escorte pour introduire les Reistres qui sont venus à leur secours, & les conduire, comme à la main par toute la France. Et le Cardinal estant pres de la Roine d'Angleterre a seruy d'ambassadeur aux siēs pour

*Le hazard
seruit de dis-
cours aux
Huguenots
sans y pen-
ser.*

moyenner enuers ceste Princeſſe, argent. Le malheur des Huguenots leur fait à ce coup coucher de leur reſte: Parce que les ſeigneurs d'Andelot, Montgommery, la Noüe, Lauerdiñ, & autres de leurs partizans, apres auoir fait quelques eſſaiz de fortune ſe ſont ioints avec le Prince; comme auſſi a fait la Roïne de Nauarre, ſuiuie de grande nobleſſe. Ceſte premiere glace rompue, il eſt impoſſible de vous dire combië en peu de temps leurs affaires leur ont reuſſi à ſouhait, tout au rebours de ce que l'on ſ'eſtôit promis d'eux. Leur premier rendez-vous a eſté à la Rochelle: Et depuis ils ſe ſont fait maîtres des villes de Congnac, Fontenay, Meſlay, Partenay, Niort, Saint Mexant, Chaſtelleraut, Angoulême, Saint Iean d'Angely, Pont, & Blaye, des vnes ſans coup ferir, des autres par force, & des autres ou par intelligences, ou par compoſitiō. Il ſemble qu'ils aillent avec la croye marquer ſeulement les logis, & attendent de iour à autre nouuelles forces de Languedoc, ſous la conduite du ſeigneur d'Acier. Et qui eſt choſe que ie ne veux oublier de vous eſcrire, combien qu'ils prennent les armes ſous le pretexte de Religion, ſi ont-ils donné à leur entrepriſe, nouveau titre, l'appellants *La Cauſe*. Mot qui ſ'eſt inſinué entre eux par vne forme de Republique populaire, pour monſtrer qu'en ceſte querelle chacun deuoit contribuer, comme y ayant le petit en ſon endroit pareille part que le plus grand, & à peu dire que c'eſt la cauſe commune d'eux tous, tant en general que particulier.

Je ne sçay quelle sera l'issuë de ceste grande tragedie, Encores que ie m'assieure que Dieu ne permettra pas à la longue que le subiet triomphe de son seigneur souuerain, si est-cè que ie souhaite que ceux qui manient l'estat, bannissent d'eux la dissimulation & hipocrisie: Et ne veis iamais aduenir grand fruiët à celuy qui faulse sa parole: specialement quand les choses ce sont passées sous le formulaire de la foy publique. A Dieu.

*A Monsieur de Querquifinen seigneur
d'Ardiulliers.*



Es nouuelles sont arriuees en ceste ville, de la mort de monsieur le Prince: Chacun s'en esioiit depuis le plus grand iusques au plus petit; Moy seul, au milieu de ceste ioye publique, ne m'en puis resouldre. Je suis doncques deuenu Huguenot depuis que ne m'auiez veu? Dieu m'enuoye plustost la mort. Le mestier n'en vault riens, ny pour celuy qui l'exerce, ny pour celuy contre lequel il est exercé. Il ne nous a apporté que la ruine generale & vniuerselle de nostre estat: Mais ie vous prie vous ramenteuoir comme les choses se sont cy deuât passées. Lors que les troubles cōmencerent en l'an 1561. il y eut deux grāds capitaines, mōsieur de Guise pour les Catholics, l'Admiral pour les Huguenots: L'un & l'autre pour s'authorizer, se procuraerēt deux Princes du sang: celuy là, le Roy de Nauarre; cetuy cy le Prince de Cōdé son frere. Car vous sçauiez quel rāg tiēnēt les Princes du sãg entre nous, & par especial pēdãt les

*Mort de
monsieur le
Prince de
Candé.*

minoritez de nos Rois. Sous ces deux grandes bannieres, chacun donna air à ses entrepriles, gagnant credit petit à petit sur ceux qui estoient de sa suite. Mesmes feu monsieur de Guise sur lequel toute la noblesse Catholique auoit l'œil fiché, ores que tous les mandemens emanassent sous le nom & autorité du Roy de Nauarre : Lequel il pleut à Dieu d'appeller à soy au siege de Roüen. Et lors ie voiois plusieurs personnes qui s'en lamentoient, comme si nostre cause en feust grandement affoiblie: ausquels par vn contraire aduis ie disois, qu'il ne s'en failloit point affliger. Car si du commencement il fust mort, il eut esté malaisé à monsieur de Guise, de s'en faire croire; mais la querelle estant depuis esbranlee, & ayant sous le nom du Roy de Nauarre empieté l'autorité, il pouuoit de là en auant sans lanterne marcher luy seul par la France au milieu de nos tenebres. Comme ie le predy, il aduint: Parce qu'il y besongna de sorte, n'estât plus controulé d'aucun, que s'il n'eut esté assassiné deuant la ville d'Orleans, ie m'assure que la race des Huguenots fust ores totalement extirpee. Ie fais presque pareil iugement en l'accident de nouuel aduenue en monsieur le Prince. Il failloit du commencement que l'Admiral conduisit toutes ses affaires, sous le nom d'un si grand Patron; autrement il fust demouré lourche. La vigilance, l'esprit, & le temps, luy ont depuis apporté autorité sur ses troupes. Et neantmoins ne pensez pas que le Prince qui estoit genereux, magnanime, & dont les actions

residoient principalement au cœur, condescendit en tout & par tout aux volonteze de l'Admiral. Tellement que c'estoit paraenture vne espine au pied de luy, qui l'empeschoit le plus du temps d'aller où il destinoit: Laquelle luy estant maintenant ostee, il vsera deormais de ses conseils absolument sous le nom des ieunes Princes, qui pour l'impuissance de leurs aages ne le pourront controuler. Vous iugerez par là si par ceste nouuelle mort, nous en demourôs grandement aduantagez. Et pour vous dire en vn mot, fil y a chose pour laquelle ie m'en doieue resioiir, c'est que ie remarque en l'Admiral vne fortune trauersiere, laquelle depuis tous ces troubles, estoit soustenue de celle de monsieur le Prince. Et y a grande apparence qu'avecques la fortune de l'un, celle de l'autre ne commence d'ores en auant à decliner: encores peult estre que par ceste mort il pense donner plus prompte ressource à ses opinions. A Dieu.

A monsieur de Marillhac seigneur de Ferrieres controulleur general de l'Espargne.

NE balançois entre l'ouy & le nenny: non que ie ne fusse asseuré de nostre victoire, mais ie craignois que la renommee venant pardeça ne luy eust augmenté les esles, quand vos lettres m'en ont rendu du tout certain. Comment? que chacun soit venu aux prises, ait combatu de main à main, de rang en rang, soit

*lournee de
Monsiour,
où la fortune
ne tourne
visage aux
huguenots.*

demouré en ceruelle, & qu'il y ait eu telle defaite de l'ennemy, & si peu de perte des nostres? Qui est celuy qui ne voye que Dieu s'est mis pour nous de la partie? C'est doncques à nous maintenāt de le louer & magnifier en ses œuvres, si par le passé nous auons esté paresseux de ce faire: & sur tout bannir de nos esprits l'insolence, ie veux dire apprendre à ne contemner nostre ennemy: estant cela cause que des grandes victoires procedent, puis apres les grandes routes. Or de ma part ie me promets que tout ira de bien en mieux, non seulement pour en voir desia voler les esclats à bonnes enseignes, mais aussi que ie fais estat, que tout ainsi que le desir de guerroyer se iourne ordinairement plus en vn esprit ieune & gaillard, aussi plus sommes nous vieux, & plus l'heur & fortune de la guerre s'eslongne de nous, ores que pensions estre plus pratics & experimentez en ce subyet. Tellement que ie ne voy gueres de vieillesse, quoy qu'elle ait esté longuement aguerrie, qui en telles affaires ne se trouue en fin supplantée par vne ieunesse gaillarde. Ainsi se veit cest heureux Crœsus, maistre de tant de victoires, mené à la raison par vn ieune Roy Cyrus. Ainsi le vieil Darius, par Alexandre, n'ayant encores vingt & huit ou vingt & neuf ans. Et si vous plaist que sans mandier exemples estrangers, nous demourions dans les bornes de nostre Royaume, & de nostre temps: en ceste façon veismes nous ce grad empereur Charles cinquiesme sur son vieil aage auoir en tout cedé la place à la fortune

*Que les
vieux capi-
taines qui
ont couru
grande for-
tune, doiuent
craindre de
s'abouter
aux ieunes.*

tune du Roy Henry deuxiesme, pere de nostre Roy:
 & le marquis du Gast, ancien capitaine, defait à la
 journée de Cerizoles par Monsieur Danghien ieune
 Prince. Voire que si sans nous flater nous voulons
 mettre en ligne de compte noz pertes, ainsi furent
 Monsieur le Connestable à la journée de saint Lau-
 rent, & apres luy Monsieur le Marechal de Termes,
 tous deux tref-anciens capitaines, defaits par vn ieune
 Prince de Sauoye. Brief c'estoit ce que disoit Pom-
 pée encores ieune à ce grand & vieil dictateur Sylla,
 qui estoit venu à fin de tant d'affaires, que plus de
 nations adoroient le Soleil leuant, que le couchant.
 Et c'est ce que luy-mesme esprouua depuis, enflé d'vne
 infinité de victoires, quand il voulut heurter sa
 vieille, contre la nouuelle fortune de Iules Cesar: &
 de mesme façon Marc-Antoine vieux & experimé-
 té capitaine contre le ieune Octauien. Ceste propo-
 sition a tant d'exemples particuliers, que ie ne dou-
 teray iamais d'alambiquer de toutes ces particulari-
 tez vne proposition vniuerselle, pour soustenir qu'il
 n'y a chose que le vieil guerrier doiuue tant craindre
 que de s'attacher à celuy auquel la fortune commen-
 ce de poindre. Je vous escrirs cecy nommément, par
 ce qu'il n'y en a point plus bel exemple que du sujet
 que nous traitons. Nostre France auoit produit qua-
 tre grands chefs & capitaines, Monsieur de Guise,
 Monsieur le Connestable, Mōsieur le Prince, & l'A-
 miral: les deux premiers qui auoient esté employez

*Heureuse
fortune qui
s'est rencon-
trée en no-
stre Roi por-
tant lors le
titre de Duc
d'Anjou.*

en grandes charges souz le defunct Roy Henry, & les deux autres qui s'authoriserent & feirent grands par le remuement de la religion. Nous auons eu aussi quatre grandes iournées les vns encōtre les autres: celles de Dreux; de sainct Denis, de Chasteau-neuf, & encores celle de Moncontour dont m'escruez. La premiere souz la conduite des seigneurs de Guise & Conneftable: la seconde, souz celle du Conneftable seulement. Et combien que nous-nous feissions accroire que la victoire estoit nostre en l'une & l'autre de ces iournées, & que pour ceste cause nous feissions plusieurs demonstrations d'allegresse au milieu d'une ruine & calamité publique, si est-ce que ceux de la religion n'en faisoient pas moins de leur costé: donnans à entendre à chacun, que si en la premiere bataille le Prince de Condé leur chef auoit esté pris, le semblable estoit-il aduenü à Monsieur le Conneftable, & qu'outre ce y auoit esté tué Monsieur le Marechal de saint André, qui n'estoit pas vn petit arc-boutant de nostre party: & quant à la seconde, que le mesme Conneftable en auoit esté rapporté tellement nauré, qu'il en auoit rédu quelques iours apres l'ame à Dieu. Mais depuis que Monseigneur frere du Roy est entré en jeu, la chance s'est tournée de tout point. Car en la iournée de Chasteau-neuf, non seulement les autres ont esté mis en route, mais qui plus est Monsieur le Prince y est demeuré sur le champ: & en celle de Montcontour y a eu vne si grāde bouche-

rie des leur, & si peu de perte des nostres, comme m'escriuez, que quelque hipocrisie que l'on apporte en telles affaires de guerre, l'Amiral est contraint, & de parole, & d'effect, de recognoistre que la victoire nous est plainemēt acquise. Je ne puis presque mieux comparer ceste histoire, qu'aux guerres de ce braue Carthaginien Annibal, lequel s'estant dès son enfance opiniastré à la ruine de Rome, se feit quelques années voye par toute l'Italie, sans trouuer resistance à propos: & combien qu'on luy eut diuersement opposé, tantost vn Marcellus grand guerrier, tantost vn sage Fabius, si n'en peurēt ny l'vn ny l'autre venir à chef, ains fut la grandeur de la fortune bouclée en celle du ieune Scipiō, avecques vne fin fort luctueuse & tragique. Autant en est-il pris à l'Amiral grand & signalé capitaine en son malheur. Car tout ce que les seigneurs de Guise & Connestable (deux des premiers capitaines de nostre siecle, & nostre France) n'ont peu obtenir sur luy, a esté reserué à la ieunesse de nostre ieune Duc d'Anjou, & atant ie me persuade que par luy se terminerōt tous noz troubles, tout ainsi que par l'entremise de Scipion finit le fort de la guerre des Afriquains encontre les Romains. Je m'estendrois plus amplement sur ce subiect, mais il me semble que ie voy desia autour de vous vne infinité d'importuns qui me maudissent du temps qu'ils perdent pendant que vous-vous amusez à lire la presente. Toutesfois il est aisé d'y remedier. Car tout

ainsi que ie la pouuois faire plus courte si i'eusse voulu, aussi vous pouuez-vous dispenser de la lire toute. Parquoy pour contenter vn chacun il vaut mieux que ie sonne la retraite. Toutesfois auant que de me fermer, ie vous remercieray humblement de l'honneste offre que me faites pour ma maison de Mainxe, ie voulois dire la vostre. Si vostre chemin s'y adonne vous y trouuerez vn fermier treshomme de bien, lequel à mon iugement aura eu bonne part à la calamité du temps. Si vous le garentissez de plus grande perte, ce sera vn nouuel accroissement d'obligation que i'auray en vous. D'une autre chose vous veux-je prier: dedans la ville de Cognac ma femme a vne maison bien meublée, dont les meubles luy appartiennent (c'estoit le seiour de son ayeule paternelle) ie me doute que les Huguenots auront faict vn bel inuentaire de tous les meubles. Je vous prie que souz vostre autorité le demeurant me soit conserué. Je suis grandement ioyeux du contentement que vous rend vostre fils aîné, mais marry que ne m'ayez faict part de l'anagramme qu'il a faict. Celà vous doibt occasionner de tenir, vn peu plus que ne faites, vostre corps & esprit en espargne, pendant que maniez toutes les affaires de l'Espagne. Ces vins nouueaux dont m'escriuez; ces haïlles, ces traualx des champs, & ces veilles continuës que supportez, me font craindre de vostre personne, comme nous craignons tout en celuy que

nous aimons. Quant à voz petits mignons, ils se portent bien. Vray que Louys a eu quelque petit assaut de fiebure. Mais il a esté si bien secouru par Monsieur le Grand, que graces à Dieu il est sain & dru. A Dieu.

*A Monsieur de Querquifinen seigneur
d'Arduilliers.*

EN fin la paix a esté conclüe & publiée en nostre Cour de Parlement le dixiesme de Aoust dernier passé. C'est finir par où nous deuions cōmencer, si nous eussions esté bien sages. Mais en telles affaires il nous en prend comme des procez, ausquels il ne faut iamais parler d'accord, que nous n'ayons premierement espuisé le fonds de noz bources. Aussi en ces calamitez publiques il est impossible de nous pacifier, que lors que nous-nous voyons au dessouz de toutes affaires. A la mienne volonté que nous n'eussions les yeux esbloüiz. Vray Dieu que nous verrions de changements aduenuz par le moien de chaque troubles. Les premiers que l'on appelle d'Amboise nous apportèrent la con-
*Edit de la
Pacification
de l'ã 1570*
*Combien de
nouualitez
ont esté in-
troduites en
France à l'oc-
casion des
troubles.*

tourné en police iusques à luy, à la grande foule
 & oppression du peuple. Dauantage combien qu'au
 parauant il n'y eust quele Roy qui eust gardes au-
 tour de soy, toutesfois chaque Gouverneur general
 de Prouince pour l'asseurâce de sa personne & estat,
 commença souz l'autorité du Roy, d'auoir gardes
 aux despens de nous. Ce qui s'est continué, nonob-
 stant quelque Pacification qui ait esté faite. S'aug-
 mentants par ce moien les fraiz & leuées extraordi-
 naires, à mesure que le moyé defailloit au peuple d'y
 fournir. l'adiouste qu'apres la paix faite, le Roy eri-
 gea roques & Citadelles en quelques principales
 villes du Royaume, pour euit de là en auant aux
 surprises. Et en outre furent adoptez au conseil pri-
 ué les cinq premiers Presidents de nostre Cour. Et
 pour comble de malheur fut par autorité publique
 vendu du bien de l'Eglise. Toutes choses incognuës
 à noz ancestres. Et ces derniers troubles de lxxij. iuf-
 ques en lxx. nous apporterent vne confusion & mes-
 lange des premiers ordres de la France. Par ce que le
 Roy n'ayant argent à suffire pour recompenser tous
 les gentilshommes importuns qui se presentoiēt de-
 uant lui, on trouua double expediēt de les recognoi-
 stre en parade. Estants les aucuns faits Conseillers au
 conseil priué, aux honneurs tant seulement : & aux
 autres donné l'ordre de saint Michel. A maniere que
 pour le nombre effrené des vns & autres qui furent
 lors créés, ces deux colleges tomberent presque au
 mespris & contemnemēt d'vn chacun. Le remarque

encores vn point, que pendât que nous faisons con-
tenance de combatre pour l'Eglise de Dieu, on s'est
accoustumé de recompenser les capitaines & gen-
tilshommes en Eueschez & Abbayes qu'ils tiennent
souz le nom de leurs custodinos & depositaires. Et
qui est encores vne chose pleine de pitié (qui mon-
stre vn grand changement & renuersement de l'e-
stat) au lieu où par les paix precedantes ou se con-
rentoit de la foy publique du Roy & de l'emolo-
gation faite aux Cours souueraines de France; en
ces derniers troubles comme si on eust negocié
auec vn Prince estranger, on demanda certaines vil-
les par forme d'ostage & depost. C'est le fruit que
nous apporta la petite paix de soixante huit. Or en
quelque façon que les choses se soiēt passées, ie louë
Dieu de nous auoir renuoyé le repos. I'aime mieux
vne siebure intermittente, que continuë. Et quant à
moy ie prieray tousiours Dieu auec l'Eglise, qu'il luy
plaïse nous donner sa paix *In diebus nostris*. Noz çen-
sans prieront, pour eux en leur saison. A Dieu.

A Monsieur Loisel Aduocat.



ROYEZ que la partie est mal faite, toutes &
quante-fois que nous-nous ioïions à noz
Maistres. Ie ne voy point que tost ou tard il
ne nous en prenne mal. Telsmoin ce grâd Connësta-
ble de Luxembourg du temps du Roy Louys xj.
Vous souuient-il que quand l'Amiral arriua en ceste

*Mort de
l'Amiral
de Chastillon*

ville avec vn si grād appareil, receu & bienueigné de
 to⁹, ie vous diz lors qu'il eut esté tresheureux s'il fust
 mort en ce periode, le voyant, apres tant de trauer-
 ses, embrassé d'vn si fauorable accueil, de son Prince.
 Il semboit que ie preueisse ce qui luy est depuis ad-
 uenu. Mais voyez ie vous prie comme quand nostre
 heure est venuë, nous ne la pouuons eiter. Sur le cō-
 mancement des troubles de lxvij, Monsieur de To-
 ré ayant esté enuoié par deuers luy de la part du Roi,
 pour l'attirer en Cour, on dit qu'il lui respondit, qu'il
 n'y auoit point de Comte d'Aiguemont en France.
 Voulāt dire qu'il dōneroit si bonne police à son fait,
 qu'il ne seroit point surpris cōme le Comte d'Aigue-
 mont, pour en faire vn exemple public. Depuis ayāt
 passé tāt de destours, apres que la paix de lxx. fut fai-
 te, il fut proposē en vn conseil solemnel tenu à la Ro-
 chelle, sçauoir si luy & les siens se deuoient acheminer
 pardeça avec le Roy de Nauarre, à la solēnization de
 son mariage. Auquel lieu il fut soustenu par toute la
 cōpaignie, que nul des principaux de la ligue ne s'y
 deuoit trouuer, pour vne infinité de raisons qui fu-
 rent lors amplement deduites. Toutes-fois luy seul,
 las parauenture & recreu des longues guerres ciuiles,
 fut de contraire opinion: disant que si n'estants en
 bon mesnage avec le Roy, ils auoient eu de grands
 aduātages sur leurs ennemis, il ne failloit point dou-
 ter, qu'estants pres de luy avec vne estincelle de sa fa-
 ueur, ils viendroient aisément à fin de tous leurs pro-
 jets. Les priant pour ceste cause tres-Instantment, que
 tout

*Cōme nous
 ne pouuons
 fuir à nostre
 malheur,
 quand no-
 stre heure
 est venuë.*

tout ainsi que plusieurs fois il estoit passé par leurs opinions, ores que son aduis fust autre, aussi maintenant, vne fois pour toutes, ils luy rendissent la pareille, & le voulussent croire, iagoit qu'ils feussent de contraire opinion: Je sçay d'homme de marque qui estoit lors de la partie, que pour luy faire plaisir il fut suiuy. Vous sçavez ce qui luy est depuis aduenu, & comme le tout s'est passé. Grande chose, & qui monstre bien, qu'il y a vn merueilleux & espouuentable iugement de Dieu, qui court contre nous, que tous les premiers chefs de nos premiers troubles s'ot decedez de morts violentes. Du costé des Catholics, le Roy de Nauarre premierement, puis le Marechal de saint André, apres luy monsieur de Guise, & finalement monsieur le Connestable. Du costé des Huguenots, monsieur le Prince de Condé, & fraichement l'Admiral: car quant au Comte de la Rochefoucault & infinité d'autres capitaines de nom, ie les escoule de propos deliberé sous silence, parce que vous en auez le registre en vostre memoire, aussi prompt & fidelle que moy. Mais sur tout ie m'estonne d'vne chose en ceste derniere execution, comme le cœur ait failly à tant de braues guerriers, qui auoiēt veu tomber tāt de fois vne gresle de coups de pistoles deuant eux, sans ciller les yeux, & qu'en ce general desarroy, il n'y en ait eu vn tout seul qui ait fait contenance de se defendre, pour arrester quelque peu, ou amuser le cours du marché. Vn homme de robbe longue seulement, nommé Tauerny lieute-

*Fatalité
qui s'est
trouuee en
nos troubles*

*Braue resolu-
tion de
Tauerny
homme de
robbe longue.*

nant de la Mareſchauce à la table de marbre au Palais, accompagné d'un ſien ſeruiteur, a aculé la populace deuant ſa maiſon l'eſpace de huit ou neuf heures : Ayant ceſte ferme reſolution en ſoy, apres que les baſles luy furent faillies, d'uſer de poix. Juſques à ce qu'eſtant deſtitué de tout aide, il feut tué, combattant vaillamment, apres auoir fait ſentir à vns & autres, combien ſon bras eſtoit peſant. Exemple certes digne d'eſtre engraué ſur le front de la poſterité, afin que l'on cognoiſſe que la prouèſſe prouiét de noſtre fonds, & que l'habit ne fait pas le moine. Deux iours apres ceſte grande execution le Roy eſt venu au Parlement, & là ſeant en ſon lit de Juſtice, a aduoüé tout ce qui ſ'eſtoit paſſé, comme fait par ſon expreſ commandement. Il m'entre au cœur de faire icy vne ſaillic, pour philoſopher vn peu ſur la vie de l'Admiral, puis que ie vous en eſcrits la mort : car ſur moindre ſubjet prendrions nous bien le loilir de diſcourir. De ma part i'eſtime qu'on ne luy peut oſter qu'il n'ait eſté grand capitaine, treſſeuere obſeruateur de la diſcipline militaire dès ſa ieuneſſe encontre le ſoldat malgiſant, dont encores ne ſ'eſlongna il pendant les troubles, combien qu'il fuſt lors malaiſé de la maintenir: perſonnage bien emparlé, & qui meſmes donna vogue à quelques beaux traits François, qui eſtoiēt ſiens; comme nous en veîſmes pluſieurs dans le Maniſte qu'il ſeit courir, apres la priſe de Saint Quentin, luy eſtant priſonnier aux pays bas : Au demourant ſeigneur de ſage conduire & de grand ſens, aux

*Sommaire
diſcours ſur
la vie &
deportemēt
de l'Ad-
miral.*

entreprises qu'il brasloit (ie n'entre point en cognoissance du merite ou demerite d'icelles) mais nous le pouuons recognoistre en ce que nous l'auõs veu surprendre tant de grandes villes, puis les rendre selon les occurrences des edicts de pacification, & rendues, les reprendre sans coup ferir, à la moindre rumeur de nouueaux troubles. Dauantage qui est celuy qui n'estime grand en luy d'auoir deux fois combatu en bataille rangee, ioüant l'artillerie contre luy, & neantmoins que les victoires tombassent en balance, comme celles de Dreux & de Saint Denis? Que luy avec vne poignée de gens ait fait teste à la force d'un Roy de France, assisté d'un Pape, & d'un Roy Catholic? Le vous puis adiouster la prudence dont il vfa en l'an 1567. quand au iour saint Michel il fit souleuer toute la France à point nommé, ayant esté son entreprise presque plustost veüe, que sceüe. Et quand encores apres la paix de soixante huit, estât (ce sembloit) reduit au dessous de routes affaires, il trauersa de la Champagne, toute la France, nonobstant les gardes que l'on auoit establiz, aux ponts pour luy barrer le passage des riuieres. Mesmes qu'il auoit ceste belle resolutiõ en soy, que combien que la fortune luy eust esté rebource en la decisiõ d'une bataille, si ne perdoit-il le cœur pour celà, ains estoit aussi prest & prompt de combattre le lendemain, cõme le iour precedant: Soit ou que sa deliberation fust telle, ou que ne l'estant, il se voulut par ce moien maintenir en reputation avecques les siens. Qui ne

font point vraiment traits de petit capitaine. Mais toutes ces particularitez qui semblent l'auoir rendu recômandable, furēt obscurcies d'un seul point. Car quand il fut question de les mettre en œuvre à bonnes enseignes pour la defense de son Roy, iamais riēs ne luy revssit à propos, ainsi que mesmes nous veismes par la prise de S. Quentin où il commâdoit; qui sont le fondemēt & source de nostre ruine; & commença lors principalement à reluire quand en vne guerre ciuile il fut question de s'armer encontre son Roy. Au demourant qu'il n'ait commis de tressourdes faultes, il n'en fault faire nulle double, quelque sage cōduite quel'on die auoir hebergé en luy. Je ne parleray point de la querelle qu'il soulttenoit: car cōme bon Chrestien, ie seray tousiours pour la religion Catholique, Apostolique, Romaine: & comme bon citoyen i'abhorreray le changement de l'estat, qui aduient ordinairement par le changemēt des religiōs. Mais puis qu'il s'estoit rendu chef du party cōtraire à nous, i'ay tousiours estimé qu'il feist deux tressgrâdes faultes dès le cōmencement des troubles: L'une d'auoir desemparé Paris, l'autre, la presence du Roy. Celui qui pendant vne guerre ciuile cōmande ou dans la ville metropolitaine d'un Royaume, ou qui est assisté de la Majesté de son Prince, n'a pas de petits aduanrages sur son ennemy. Cōme Jean Duc de Bourgogne le feist bien sentir aux Orleannois & Armignacs sous le regne de Charles vi. ores que sa querelle fust la pire, & que le Roy, duquel il se pretextoit,

sembloit estre sans cōmandemēt, pour estre lors mal ordōné de son bon sens. Et n'estoit que ie crains que vous ne pēsiez que ie iuge de cecy cōme vn aueugle des couleurs, ie vous dirois volontiers que combien que le bon succez des affaires des Huguenots doie beaucoup à la conduite de l'Admiral, si est-ce que la bonne fortune de monsieur le Prince s'en attribue la plus grande part, cōme l'euenement l'a monstré. Car tant que le Prince vesquit, il y eut quelque obscurité aux victoires, pour sçauoir qui auoit eu du meilleur: mais soudain apres qu'il fut mort, quelque entrepri- se que tramast l'Admiral, elle se resolut en rien, voire se tourna à sa perte & confusiō. Tesmoin le siege de Poitiers, tesmoin la bataille de Moncōtour, où deux ieunes Princes l'acculerēt. En la bataille de Moncon- tour, nostre grand Duc d'Anjou: & au siege de Poi- tiers, mōsieur de Guise fils: l'un & l'autre n'ayants lors attaints à peine l'aage de 17. ans. Et pour m'estancher en peu de paroles, s'il eut quelque heur en ses entre- prises, il prouenoit seulemēt d'un malheur, s'estāt rē- du protecteur d'un peuple affligé, lequel pēsoit qu'ō le voulut exterminer de la Frâce. Qui est vne pointe laquelle ne produit de petits effects en faueur de ce- luy qui en entrepréd la querelle & protectiō. Brief sō malheur ne peut porter qu'il fust lors de sa mort en bō mesnage avecques son Roy & maistre, ores qu'il fait demonstratiō de ne desirer autre chose. Ny pour tout celà ie ne veux ny ne puis dire, qu'il n'ait esté grād guerrier. Nostre Frâce pēdāt nostroubles porta

deux grands chefs de party : Feu monsieur de Guise pour le Catholic, & l'Admiral, dōt nous parlons pour le Huguenot. Tous deux ennemis iurez l'un de l'autre, soit ou que leur naturel, ou la diuersité de leurs religions les y conuiait ; tous deux toutesfois diuement accomplis de grandes parties. Monsieur de Guise capitaine genereux & sans crainte, & neantmoins si retenu que iamais la temerité ne luy seruit de guide en ses actions : l'Admiral non si preux & hardy, mais si aduisé qu'il faisoit paroistre en ses deportemens n'auoir nulle peur : Celuy là qui choisissoit ses apoints, & ne laissoit passer les auantages que les occasions luy presentoiēt, feut en temps de guerre ou de paix : Sous laquelle resolution il se donna de grandes prerogatiues, tant sur ses amis, que ses ennemis : Cetuy-cy lequel les ayant laissé escouler, scauoit toutesfois radoubler ses fautes si à propos, qu'il sembloit n'auoir riens perdu de l'occasion : Celuy-là qui eut vne fortune fauorable pendant toute la teneur & cours de sa vie : Cetuy-cy qui par vne dextérité d'esprit couuroit son ieu si apoint, qu'il sembloit commander à son defaistre : L'un grand Prince, l'autre entre les gentilshommes grand seigneur. L'un se targea du commencement de l'autorité du Roy de Nauarre, l'autre de celle du Prince de Condé son frere. L'un de la ville de Paris, l'autre de celle d'Orleans, Celle là ville capitale, cette-cy non de si grande marque, mais, qui sous la premiere lignee de nos Rois au partage des enfans de France, auoit son Roy particu-

*Voiez vne
epistre du
troisieme
liure, où il
discourt la
vie & la
mort de
monsieur de
Guise.*

lier, aussi bien que nostre Paris; D'ailleurs ville qui est exposée à l'emboucheure de la Celtique & de l'Aquitaine. Le premier besongna sous la puissance ordinaire de France, sous le nom du Roy & sous son feel; qui n'estoit point vn petit aduancement pour l'exécution de ses entreprises: Le second sous vne extraordinaire, & pour vn peuple lequel comme defauoué de son Prince estimoit qu'en ceste querelle il y alloit de son bien, de sa vie, & de son honneur; & en tel accident chacun non seulement bourcille & contribué volontairement au defroy de la guerre, mais encôres comme soldat s'expose franchement aux dangers, iouiant deux personnâges tout ensemble. Tellement qu'il aduiet que le desespoir de telles gens (encôres qu'ils soyent moins en nombre) leur donne souuent le dessus. Mais comme monsieur de Guise nasquit d'une maison beaucoup plus illustre que l'autre, aussi estoit sa fortune plus grande & auguste; comme vous pouuez recueillir de toutes ces particularitez: Car il ne couchoit en ses desseins que de la manutention de la religion ancienne, de l'autorité du Roy, de celle du Roy de Nauarre lieutenant general de sa maiesté par tout son Royaume, & aîné de la maison de Bourbon, & tout d'une suite de la faueur de la ville de Paris, qui auoit apres Dieu mis toute sa fiance en luy: Et quant à l'Admiral, réduit dedans Orleâs il ne s'employoit que pour la promotion d'une nouuelle religion; sous l'assistance d'un Prince qui ne tenoit le chef lieu de sa famille,

ains puisné du Roy de Nauarre. Toutes lesquelles ré-
 contres n'ont nul assortissement avec les premieres.
 Au demourât pour n'oublier riens de ce que ie pense
 appartenir à ce sujet, il y auoit en mōsieur de Guise
 vne courtoisie & de bonnaireté admirable, dōt il sça-
 uoit captiuer & rendre à sa deuotion le cœur de ses
 gēsd'armes: Tellemēt que Poltrot mesmes douta de
 le tuer la premiere fois, pour le bon & doux accueil
 qu'il auoit receu de luy: En l'autre vne seuerité auste-
 re, telle toutesfois que pour celà le soldat ne prenoit
 à desplaisir de le suiure: Seuerité dy-ie qui luy feit cō-
 pagnie iusques au dernier soupir: De façon que Bes-
 me venant en sa chambre de propos expres pour le
 massacrer, l'ayant ouy fortement parler, feut aucune-
 mēt retenu & espris de ne passer outre, cōme il reco-
 gnut depuis en quelques endroits. Tous deux sont
 morts de morts violentes inespérément & de guet
 apens. Mais en ceste conformité de morts, il y a ceste
 difference, qu'apres le trespas de mōsieur de Guise on
 luy decerna vn anniuersaire dedās l'eglise nostre Da-
 me de Paris, cōme pour vn perpetuel trophée de ses
 merites & valeurs: & a l'Admiral ce feut tout autre
 discours. Et pour conclusiō iamais l'Admiral ne feut
 heureux qu'en son malheur, ny monsieur de Guise
 malheureux qu'en son heur. Car ie ne voy point que
 le malheur l'eut accompagné, sinon lors que Poltrot
 l'assassina traistreusement: Ce que ie mets toutesfois
 au nombre de ses plus grands heurs. C'est à sçauoir
 mourant apres vne fuite de plusieurs belles victoi-
 res,

res, & lors qu'il estoit au comble de sa fortune, sans auoir senty d'elle aucune entorce; & si puis dire que s'ils eussent changé de partiz, ie croy, veu la diuersité de leurs fortunes, que Monsieur de Guise n'eust sceu faire ce que feit l'Amiral, ny l'Amiral, ce que feit Monsieur de Guise. A Dieu.

*A Monsieur de la Bite Iuge general
de Mayenne.*

AL'ISSVE de ce piteux spectacle dont ie vous Achemine-
ment au sie-
ge de la Ro-
chelle.
ay escript par mes dernieres, on se delibere de mettre le siege deuant la Rochelle, sur le cō-
mancement de l'hyuer. Dieu vueille que l'on ne s'y morfonde. C'est vne chose fort douteuse de vouloir non seulement combatre vne ville, ains le temps. Il me souuient du siege de l'Empereur Charles cinquiesme, quand suiuy d'Espaignols & d'Allemands; qui durent plus au trauail que nous autres, il se voulut heurter contre la ville de Mets, garny de loges de bois & de cuir, pour temporiser plus longuement contre le froid. Toutesfois pour fin de jeu il fut contrainct de se retirer avecques sa courte hôte. Il y a plus à craindre en nostre entreprise que nous voulōs encommencer, non seulement l'orée de l'hyuer, ains cōtre vne ville qui est d'un costé flanquée de la mer, & presque enuironnée de marests. Puis vous sçauiez quell'est la nature du François, qui veut dès son entrée estre seruy d'une gorge chaude: autrement à la longue il se ralētit ainsi qu'une femme. Je sçay bien

qu'il y a beaucoup de circonstances qui nous semon-
nent à ce prompt voyage. La peur où les Rochelois
doiuient estre maintenant reduits, ayans perdus tous
leurs chefs de guerre, qu'il ne leur faut bailler loisir
de respirer, ny d'auoir secours de l'estranger, que les
poursuiuants à la chaulde cole & sans respit, c'est em-
porter la plus grande part de la victoire. Je conside-
re bien tout celà, mais si souhaits auoient lieu; ie de-
sirerois quel'on n'engageast point nostre ieune Duc
à ce siege, apres si beaux & heureux succez de guer-
re qu'il a eu encontre les Huguenots. Les Princes
ont à mesnager leur reputation, & pour ce faire, c'est
de n'entreprendre chose aucune dont ils ne vien-
nent à chef. A Dieu.

*A Monsieur de la Bire Iuge general
de Mayenne.*

*Siege de la
Rochelle, et
quel pro-
gres & eue-
nement il
eut.*

DIEU ne veut pas que nous soyons aubour
de noz maux. Il y a quelque peché qui
court par la France, lequel empesche que
noz entreprises ne sortent effect. Seroit-ce point
que les Huguenots ruinent seulement noz images,
& que nous qui faisons profession publique d'es-
tre Catholics, sapons l'Eglise par le pied? Commet-
tants les charges & dignitez ecclesiastiques à gens
indignes & varlets pour les garder à des femmes, à
des gentilshommes & capitaines, & autre telle sorte

de gens, & que la plus part des Euesques & Abbez font troc & marchandise des benefices qui sont en leur collation: le ne puis deuiner que c'est. Mais il est aisé de iuger que Dieu est courroucé contre nous. Iamais plus beau camp ne fut que celui qui a esté deuant la Rochelle. Les plus sages capitaines des nostres à leur partement auoient promis au Roy qu'ils se feroient voye au milieu de ceste ville pour passer en la Guienne & Languedoc. Nous-nous y sommes acharnez. L'occasion sembloit estre belle. De tant que toute la confiance qu'ils auoient en leurs grands capitaines & guerriers estoit estainte par leurs morts: Toutesfois ils nous ont fait teste. Noz principaux tueurs ont esté tuez. Et qui est chose plus admirable, c'est qu'à peine pouuons nous scauoir qui estoit le chef qui commandoit dans la ville. En fin le siege a esté leué, mais graces à Dieu souz bons gages. Par ce que les nouuelles sont venuës à nostre grand Duc, du Royaume de Polongne que l'on luy auoit deferé en l'assemblée des estats de ce pays-là. Entre les Apanages de France, celui d'Anjou a eu cest heur de produire quant & soy des Rois. Le premier qui en fut inuesti, fut Charles Comte d'Anjou frere de saint Louys: auquel le Pape Urbain quatriesme donna les Royaumes de la Pouille & Sicile, dont luy & ses descendans ioüirent par plusieurs années: iusques à ce que l'estat estât tombé és mains de la Roine Ieâne, elle adopta Louys fils du Roi Ieâ qui premier porta le nom & titre de Duc d'Anjou: le quel

*Chose fatale
le aux Ducs
d'Anjou,
d'estre Roi.*

*Le Royaume
de Pologne
deſeré à no-
ſtre Roy, e-
ſtant lors
Duc d'An-
jou.*

par le moien de ceſte aſſiliatiō s'intitula de là en auât,
 Roi de Naples, & Comte de Prouence. Le ſemblable
 eſt-il maintenant aduenue à noſtre ieune Duc d'An-
 jou, non par adoption, ains election. Et à fin que ſça-
 chiez comme toutes choſes ſe ſont paſſées; Eſtant le
 Royaume de Pologne tombé en quenoille par la
 mort du Roy Sigifmond, & pluſieurs Princes de
 toutes parts; ayans illec depeſché ambaffades pour
 paruenir à la couronne, il fut auſſi trouué bon entre
 nous d'y enuoier l'Eueſque de Valence, lequel ac-
 cucilly d'un bon œil, apres auoir dextrement exploi-
 té tout ce qui eſtoit de ſa charge, cōme perſonnage
 de grand ſens & ſuffiſance, finalement, au milieu des
 eſtats & d'une infinité de nations, noſtre Duc d'An-
 jou a eſté eſleu Roy de Pologne par la voye du S.
 Eſprit, le propre iour de la Pentecoſte, du conſente-
 ment general & vniuerſel de tous les peuples qui là
 eſtoient: N'ayant lors autre inſtigateur de ſa brigade
 que la renommée de ſes paradoxes valeurs. Iamais
 ieune Prince ne receut tant de benediſtions que ce-
 ſtuy: la crainte qu'il a de Dieu benira comme ie m'aſ-
 ſeure de plus en plus ſes actions. On dreſſe mainte-
 nant les preparatifs pour l'acheminier en ce pays-là,
 & attend on avec bonne deuotion les ſeigneurs Po-
 lonois qui viennent pour luy faire compagnie.
 A Dieu.



LE SIXIESME LIVRE
DES LETTRES D'ESTIENNE
PASQUIER.

A Monsieur de Sainte-Martre.



VSSIEZ vous iamais *il racompte quel fut le motif du plaidoir qu'il fit en l'an 1576: pour le pays d'Angoulesme.*
estimé que nostre aage eust porté vne cause toute publique, telle que l'on traitoit anciennement dedans Rome? Il est malaisé de le croire.

Nous en auons toutes-fois ces iours passez traitée vne avec vn merueilleux appareil. Et par ce que cecy vous pourra sembler tout nouveau, ie veux que vous en entendiez & le motif, & sujet, par la presente. La trefue estant concludë entre le Roy & M^{rs}ieur son frere par l'entremise de la Roine, qui a y apporté tous les bons offices que l'on peut desirer, non seulement d'une bonne mere enuers ses enfans, mais aussi d'une tres sage Princeesse pour le soulagement du pau-

ure peuple, le Roy par ceste capitulation promettoit d'ôner cinq cēt mille liures pour le payemēt des Reistres leuez par Mōsieur le Prince de Condé, pourueu qu'ils se retirassent & ne passassēt au deça du Rhin. Et pour seurté tāt de ceux de la religion, q̄ de leurs associez Catholics, il leur dohnoit en garde & depost les villes d'Angoulesme, Bourges, Nyort, Saumur, la Charité, & Mezieres. C'est vne nouuelle forme de capitulation, que les sujets ont introduit avec leur Roy depuis la petite paix de lxviij. Ce depost fait toutesfois à la charge que Monsieur & les principaux de son party iureroient rendre ces villes le temps de la trefue expiré, fut paix ou guerre, en l'estat qu'elles leurs seroient cōsignées. Aussi promettoit-il de soudoyer pour la garnison de ces villes, deux mil hommes de pied, tels que Monsieur y mettroit, cent gentilshommes, sa compagnie de gendarmes, cinquāte Suisses, & cēt harquebuziers pour sa garde. Plus que les armées seroient licentiées tant d'une part que d'autre si tost que ces villes auroient esté deliurées. Pour l'exécution de ceste trefue le Roy escrit à Monsieur de Ruffec gouverneur du pays d'Angoulmois, de consigner la ville d'Angoulesme entre les mains de Monsieur, où de ses deputez. Monsieur de Ruffec s'excuse. En fin Monsieur de Montpensier y est enuoyé par la Roine, qui se plaint d'auoir trouué les portes de la ville fermées, & de ce que l'on auoit presté l'aureille sourde à ses sommations. Le Roy depesche vn heraut d'armes en Angoulesme pour faire

commandement à Monsieur de Ruffec & aux habitants, d'obeir promptement, & à faute de ce faire de les declarer rebelles & ennemis : & par mesme moien la Cour de Parlement decerne vn adiournement personnel cōtre les habitants à la requeste de Monsieur le Procureur general. Pour l'executiō duquel fut cōmis l'Huissier Rouget, qui leur bailla assignation de comparoir en personnes à certain iour. Ce pendant Monsieur s'achemine avec son armée en la ville de Ruffec à sept lieuës d'Angoulesme. La Roine mere va à Ciuray deux lieuës pres de Ruffec. Ils parlementent à michemin. Monsieur Nesmond Lieutenant general d'Angoulmois y est enuoïé par Monsieur de Ruffec pour leur faire entendre ses excuses. Il est accordé que Monsieur luy bailleroit saufconduit pour aller à la Cour & à Paris faire ses remōstrances. Et que cepēdant les villes de Congnac & saint Jean d'Angely seroiēt consignées au lieu de celle d'Angoulesme. L'on deputē trois personages representāts les trois estas du païs, l'Eglise, la Noblesse & le Tiers estat, pour venir rēdre raison de leur fait, & entre autres le Lieutenant Nesmond. On les veut ouir au conseil priuē, cōme estant vne cause d'estat. Ils demādent estre renuoiez au Parlemēt pour la consequēce de la cause, & par ce qu'il s'agissoit icy de l'engagement du domaine du Roy. Ils y sont renuoiez. Ils me font cest honneur de me choisir pour leur Aduocat. Au iour qu'il leur est donné pour estre ouiz à huis cloz : on assemble la chambre de la Tournelle avec la grand

chambre. Chose qui se fait rarement. Là ie me presente pour estre ouy, costoyé de ces trois deputez: & comme ie me veux ouurir, Monsieur l'Aduocat de Tou pour Monsieur le Procureur general l'empesche, & soustient qu'ils sont preuenuz de crime de leze Majesté, partant qu'ils doiuent respondre par leur bouche. Monsieur Nesmond (tres-habile homme, & qui pour sa suffisance a esté dès pieça employé aux plus grâdes charges du pays) prend la parole, disant que tant s'en failloit qu'ils pensassent estre crimineux de leze Majesté, qu'au contraire ils estimoient auoir fait vn tres-signalé seruice au Roy: & que de leur part ils n'auoient charge de parler que par l'organe d'un Aduocat. Qu'apres leur declaration ils se remettoient à la prudence & religion de la Cour d'en ordonner ainsi que bon luy sembleroit. Sur celà on nous fait retirer pour en deliberer au conseil: & quelque peu apres remandez, il est ordonné que ie plaiderois. Ie suis ouy premierement, puis Monsieur le Procureur general. En fin les parties sont appointées au conseil, & ordonné que l'on verroit les chartres & priuileges de la ville. La grandeur, nouueauté, & solemnité de la cause fait que ie vous enuoie mon plaidoyer à fin d'y auoir part aussi bien que quelques autres qui me l'ont demandé, lesquels n'ont tel commandement sur moy comme vous. A Dieu.

A Monsieur

PLAIDOIE' POVR LA VILLE
D'ANGOULESME, FAICT EN PAR-
lement à Paris le 4. Feburier 1576.

MESSIEURS, Il a couru vn bruit par la France, qu'au traicté de Trefues, qui s'est passé entre le Roy & monsieur le Duc son frere, les manans & habitans d'Angoulesme estoient non seulement refractaires, à la volonté du Roy, mais rebelles. Or comme ainsi soit qu'entre les plus dangereux accidens, qui puissent aduenir à vne Republicque, il n'y en ait point tât à craindre que la des-vnion des subjects avecques leur Prince: Aussi le plus grand creue-cœur que puisse auoir vn bon subject, c'est d'encourir ceste opinion de rebellion enuers son Roy. Si iamais ville fut obeïssante à son Prince, certainement c'est celle d'Angoulesme, laquelle combien qu'elle ait esté quelquefois enuahie par ceux de la nouuelle opinion, si est-ce qu'estant depuis remise sous l'obeïssance du Roy, il ne se trouuera aucune remarque, par laquelle il apparoiſſe qu'elle ait changé, ou de religion enuers Dieu, ou de deuotion enuers le Roy. Et bien qu'elle soit hurtee de toutes parts d'ennemis, si est elle tousiours demeuree ferme & constante en son deuoir, comme vn rocher au milieu des flots. Celà vous apprestera à penser (sil vous plaist) combien il leur est grief & moleste, au milieu de tât d'obsequieux offices, de voir que ceux,

S^r

dont elle a triumpué en sa perseuerance, triumpuent pour le iourd'huy d'elle. Toutefois en ceste affliction publique ils se consolent, & estiment ce iour bien heureux, auquel ils vous peuuent rendre raison de leur faict : car en vain vous feroient ils ouuerture de leur procez, si par mesme moyen ils ne vous faisoient ouuerture de leurs cœurs. Je dis vous rendre raison de leur faict, non seulement pour l'assignation, qui leur a esté baillee à la requeste de monsieur le Procureur general du Roy: Mais pource qu'ils vous estiment les vrais iuges & naturels de ceste cause pour l'autorité, qui vous est donnée de tout temps & ancienneté par nos Rois. Autorité, en laquelle les Rois vous ont conseruez : Autorité par laquelle les Rois mesmes se sont seurement conseruez en leur grandeur. Ils vous remercient donc humblement de la favorable audience, qu'il vous plaist maintenant leur donner. Moy seul portant la parole pour eux me trouue aucunement estonné, pour la grandeur & qualité de la cause. Car m'ayans d'un costé prié de prendre leur clientelle en main, de les esconduire i'eusse aucunement failly à mon deuoir, ayant imprimé ce perpetuel aduertissement en moy de ce grand senateur de Rome Thraseas second Caton de son temps, lequel disoit qu'il y a trois sortes de causes que l'Aduocat ne peut refuser. Celle de l'amy, ou de l'affligé, ou qui appartient à l'exemple. D'un autre costé aussi si la volonté de nostre bon Roy, si celle de la Roine sa mere, à laquelle la France est tant obligée, si celle de mon-

*En quels
subiets de
causes l'adu-
ocat se doit
principale-
ment adon-
ner.*

sieur le Duc, bref si l'opinion commune du temps combat ceste. cause contre nous, ainsi qu'on faict courir le bruiet, certainement ils eussent beaucoup faict pour moy de me dispenser de ce plaidoyé. Et neantmoins sil vous plaist considerer quel est l'air general de la cause, ie le vous diray en deux mots.

Premierement ie proteste qu'en tout le discours de mon plaidoyé ie n'entends nullement toucher à monsieur le Duc. Il est fils & frere de deux bós Rois, Prince de sa nature tout bon, duquel ie ne puis me promettre que choses bonnes & correspondantes à ses predecesseurs, & ancestres. En ceste diuision publique qui court auiourd'huy par la France, il y en a les vns qui se sont eslongez du Roy sous vn pre-
texte de religion, les autres sous le pretexte du bien public. Si leur zele est excusable ou non, ie m'en rap-
porte à ce qui en est. Nous autres, pour nous vouloir inuiolablement conseruer sous la fidelité du Roy, sommes reputez rebelles, & appelez par deuant vous comme crimineux de leze Majesté. L'apporteray donc ce temperantent en ceste cause, que tout ainsi que ceste grande & magnanime Prin-
cesse la Roine mere n'a rien negocié en ce faict, qui ne soit tres-digne d'elle, c'est à dire d'vne bon-
ne mere, qui desire voir vne bonne paix, con-
corde & vnion entre messieurs ses enfans, d'vne
tres-vertueuse Princeesse, qui veult moyenner vn
bon repos à ce pauvre Royaume tant affligé:
Aussi n'auons nous rien icy faict qui ne se trouue

digne de nous, ie veux dire de bons, loyaux, & fidelles subjects à leur Roy, & dont le Roy & tous les Princes de France de quelque qualité qu'ils soient, ne doiuent receuoir contentement.

Soudain apres le partement de monsieur le Duc, tout ainsi que ce nouveau changement importoit infiniment à la France, pour le rang & lieu qu'il tient, aussi n'y eut il celuy qui n'en demourast grandement estonné. Entre autres nous receumes lettres du Roy le vingt-deuxiesme Septembre dernier, par lesquelles il nous enhortoit de demeurer enuers luy en nostre ancienne fidelité. La premiere chose que monsieur de Ruffec Gouverneur du pays d'Angoulmois eut en recommandation, apres auoir receu ces lettres, ce fut d'assembler les estats, & suiuant le mandement du Roy prendre le serment d'eux tous vnanimement, de demeurer perpetuellement en leur fidelité. Le tout fut enuoyé par deuers le Roy, lequel comme Prince debonnaire qu'il est, nous fit cest honneur de nous remercier d'une chose, que nous luy deuons naturellement.

Toute la Guyenne & le Languedoc estoient si opprimez de guerres, que plusieurs Gouverneurs diuersement firent trefues. Nous fusmes sonmez de faire le semblable. Toutesfois le Seigneur de Ruffec n'y voulut iamais entédre, disant qu'il ne luy appartenoit point de ce faire sans permission expresse du Roy. Depuis ce refus, ceux de la nouuelle opinion commencerent de faire profession plus precise.

d'inimitié contre nous, qu'ils n'auoient faict par le passé, encores qu'ils ne s'y fussent espargnez. Et de fait, nous auons receu lettres de leurs principaux partizans, par lesquelles ils se vantoient, qu'à quelque condition que ce fust, ils s'empieteroient de nous: comme estant nostre ville vn fort & bouleuert perpetuel cōtre leurs entreprinſes au milieu de la Guyenne. Or estant Monsieur le Duc party, vous-vous souuiendrez (s'il vous plaist) que pour asseurer vn chacun de son inopiné partement, il enuoia vn Manifeste par deçà, par lequel il declaroit quel estoit le motif de son absence, qui ne tendoit, comme il disoit, à autre but qu'à remettre les affaires de France en leur ancienne splendeur, faire que les Cours de Parlement, & signamment ceste-cy, iouyſſent de leur dignité, & les trois Estats de la France de leurs priuileges. Que par ce moien, il esperoit rendre les subiets du Roy tres^lcontens, dont auourd'huy la plus part prennent titre & qualité de Mal-contens. Ces protestations apportées par deçà, la Roine meres'achemine en toute diligence par deuers luy, pouſſée d'vn zele & deuotion tressainte enuers le public: comme elle est en toutes ses autres actions & deportemens. Elle entre en pourparler de paix, & pour n'y estre les affaires presentes bonnemēt disposees l'on fait ouuerture de Tresues de six mois, par la conclusion desquelles pour la ſeurté des gens de Monsieur le Duc on leur accorde Mezieres, Bourges, Nyort, Saumur, la Charité, & au bout de tout cela on y adiouſte auſſi

Angoulesme. Ces promesses & capitulations faictes ainsi, la premiere nouuelle que nous en receuons est par vn nommé la Nouë, mot qui offensa du commencement tout le peuple, soit que par hazard ou discours il nous fut enuoïé, & ce pour le lieu & degré que tient le sieur de la Nouë enuers ceux du partry contraire. Le sieur de Ruffec fit lors assemblée generale, sur ce qu'il auoit de faire sur la reddition de la ville. Et ce pour autant, que bien que la Trefue fut concludë, si n'estoit elle verifiée en ceste Cour. Il est resolu premier que de la rendre, de passer par remonstrances. Ce pendant nous sommes aduertis, que Langoran rodoit les enuirs de nostre ville, accompagné de huit cōpagniestant de gens de cheual que de pied. Au mesme instant se presentēt aux portes de la ville quelques cheuaucheurs, qui se disent estre du train de Monsieur de Montpensier. À la verité il est lors resolu de ne leur ouurir les portes, & de ce la Cour en entendra tantost les occasions. Soudain s'espend vn bruit par la France que nous auions fermé les portes à Monsieur le Duc de Montpensier. Et comme il aduiant ordinairement en telles choses, qu'à mesure que le bruit court, chacun y adioust le sien, aussi les aucuns enrichissent le compte à nostre aduantage, les autres à nostre desauantage. Pareillement comme il n'y ait celuy qui ne vueille interposer son iugement sur les affaires d'estat, aussi trouuent les vns ce reffus bon, disans qu'en vn trait de plume, on en accorderoit plus à ceux qui

vouloient reformer l'estat, qu'ils ne pourroient esperer dans dix ans avecques toute leur force & puissance. Les aurrés au contraire, soustenans que ce refus prenoit vne traite de tres-perilleuse consequence, veu le hazard des estrangers, qui estoient ja sur les frontieres de la France. Voyans ce faux bruit courir contre nous, nous proposons noz excuses, tât enuers la Roine, que M^{rsieur} de M^{otpensier}, qui les trouuér si raisonnables, qu'au lieu de la ville d'Angoulesme on baille Congnac, & S. Ieá d'Angely, dont M^{rsieur} le Duc se contente, & y a fait mettre ses garnisons au dedás. Vous aussi cognoissáns d'un autre costé, qu'en matiere d'estat le seul soupçon tient lieu de crime, ne voulans point que nostre faute (si faute y auoit) demeurast impunie, depeschez l'Huissier Ronget par deuers nous. Estans aduertis de sa venue, nous le recueillons cōme vn officier venant de vostre part: luy demandons qu'il nous communique l'arrest qu'il auoit, en vertu duquel il nous donnoit assignation. Il faict responce qu'il n'auoit qu'un simple extrait d'arrest. Et encores qu'il ne nous en bailleroit coppie. Et combié que ces voyes fussent insolites, toutesfois la premiere chose, que nous auons pensé appartenir à nostre deuoir a esté de vous obeir. Cōmettre le Lieurenant general Maistre François Nesmond, personnage qui par ces deportemens du passé, vous peut donner resmoignage quel est l'interieur de sa conscience, le sieur de la Thibaudiere ancien gentilhomme, qui commandoit n'agueres dans la ville de

Cognac, où il s'est si sagement & dextrement porté qu'il n'en est venu nul reproche; & Maistre Jean Garassus, chantre de l'Eglise d'Angoulesme, homme recommandé de plusieurs bonnes qualitez, le tout pour vous esclarcir de leur innocence.

En effect voilà l'histoire generale de nostre fait, en laquelle par ce qu'il s'agist de la reddition de nostre ville és mains de Monsieur le Duc, à ce que j'ay peu recueillir des obiections communes, qui courēt contre nous, l'on nous obiecte trois choses. En premier lieu vne irreuerence à l'endroit de Monsieur le Duc de Montpensier; & que arrogamment nous luy auons fermé les portes, venant de la part du Roy. Secondement, que quand biē ce faict seroit excusable, toutesfois ce n'est au subjer de disputer contre la volonté de son Prince. Que c'est au Roy de declarer son commandement, & à nous d'apporter nostre obeissance. Et finalement que quand bien nous serions receuables, ce neantmoins nous n'auons aucune raison, pour laquelle nous puissions particulierement nous dispenser de rendre nostre ville. Le premier point regarde le passé pour noz defences & excuses. Le second & le tiers, le futur: Sçauoir ce qu'il vous plaira ordonner sur ceste reddition apres nous auoir pleinement entenduz en nos defences.

Pour le regard du premier point, ie recognoistray que grande est l'accusation, auoir fermé les portes à Monsieur de Montpensier. Car qui doute que la seule qualité de ce bon Prince ne porte quant & soy son

son faufconduit general par la France? Non seulement pour estre Prince du sang, mais qui plus est vn Prince du sang accomply de toutes les bonnes parties, que l'on scauroit souhaiter à vn Prince. Prince (dy-ie) auquel la France est grandement redevable. D'ailleurs quand sa qualité n'y seroit, qui est celuy qui ne sçait, que venant de la part du Roy, les portes ne luy deussent estre ouueres? Et vraiment nous sommes tous d'accord, & cognoissons que si les portes luy ont esté fermées, nostre faute est inexcusable, quelque feinte & palliation, que nous puissions apporter. Mais nous denions qu'elles luy ayent esté fermées. Nous soustenons (& est vray) qu'il ne s'approcha iamais de trois quarts de lieues de la ville. Nous soustenōs auoir deu passer les choses ainsi que nous l'auons faict, & qu'elles se sont passées, sans offence du Roy, & de Monsieur de Montpensier. Je vous ay dit qu'il se presenta vn train deuant les portes de la ville, soy renōmant de Monsieur de Montpensier. Je vous ay dit que lors Langoran estoit aux enuiens de la ville avecques ses compagnies. Nous auōs fermé noz portes. A qui? Non à autre qu'à Langoran, craignans que souz vn nom emprunté de train il voulust surprēdre nostre ville. Je ne voy donc point sauf vos reuerences, de quoy l'on nous puisse accuser de tout ce fait-cy, sinon d'auoir apporté prudence, pour la conseruation de nous tous, & fidelité enuers nostre Roy. N'auons nous vne infinité d'anciennes histoires, qui nous enseignēt comme les vil-

les ont esté surprises? Au recit desquelles, si nous nous voulions amuser, le tēps nous defaudroit plutost que la parole. Il n'est point besoin fouiller dans l'ancienneté. Quelles autres histoires voulons nous que celles de ce temps? Vous-vous pouuez souuenir comme la ville d'Orleans fut prise en l'an cinq cens soixante sept par le Seigneur de la Nouë & les siens, faisans semblant de se venir loger dans la ville pour leurs affaires: comme celle de Castres puis n'agueres a esté surprise, par l'artifice d'un citoyen, qui meit le feu dans vne maison. Et ainsi que ceux de dedans s'amusoient à esteindre le feu, d'un autre costé les autres, qui auoient intelligence avec quelques-vns de la ville, eurent loisir de s'en inueltir. Mais pourquoy cherchons nous exēples si loing, veu que nous auons à noz portes, la ville de Perigueux laquelle on scait auoir esté surprise par le mesme Langoran, ayant attiré quelques siens soldats desguisez en marchands reuēdeurs, lesquels s'estans emparez de l'une des portes furent puis apres aidez de la venuē de leur Capitaine: Que pouuions nous donc moins faire, ayants cest exemple si fraiz & si proche de nous, que de nous tenir clos & couuerts, pour euitier à mesme surprise que celle qui estoit recente? De ma part, ie m'asseure que Monsieur de Montpensier est si sage Prince & tant zelateur du public, qu'entendant nostre intention, iamaïs il ne la trouuera mauuaise. Nous ne luy auons point pensé fermer noz portes, ains à celui qui fait professiō de surprēdre les villes, par ruses.

& stratagemes. C'est le sieur de Langorá. Et si le bon Prince se fust présenté, nous luy les eussions ouuertes. En voulez vous plus prôpt & euidēt tesmoignage que celui que nous auōs negocié avecques l'Huissier? Il est venu non point avecques l'espée: ains avecque la simple baguette, non point avec vn arrest en forme, ains extraict d'arrest. Luy auons nous fermé les portes? Ne l'auons nous embrassé & recueilly comme officier du Roy & Ministre de ceste grande Court? Nous les luy auons ouuertes, & nous les eussions fermées à vn Prince? Et encores à vn Monsieur de Montpensier venant de la part du Roy? Tout sens commun y resiste. S'il y fust venu en personne, nous l'eussions honoré, sinon comme la grandeur meritoit, pour le moins de tous fauorables accueils: Et à la mienne volonté, qu'il y fust venu, assuré que nous luy eussions faict remonstrances si pertinentes, que nous ne serions reduicts en la peine en laquelle nous sommes maintenant. Nous luy eussions remonstré que les choses estoient disposées en tel estat, que nullemēt nous ne deuiōs lors faire ouverture de nostre ville, telle que l'on demandoit. Qu'il estoit questiō del'executiō d'vne trefue, qui trainoit vne grande queuē quant & soy. Qu'aux autres on se contentoit d'vne mutuelle foy, & en tout euenement d'ostages: En ceste-cy on consignoit vne ville des plus importantes de la France. Quel'ancien ordre de ceste Monarchie portoit que iamais trefue de telle importance, iamais paix n'a-

uoit esté executée qu'au prealable elle ne fust verifiée & emologuée en ceste Cœur, avecque grande maturité de cōseil. Que ceste-cy ne l'ayant esté, nous auions iuste occasion de nous excuser & dispenser de l'ouuerture que l'on demandoit. Ceste exception estoit-elle bonne & vallable? Quant à moy ie n'en feray iamais nul doute. Voy Registres en font foy. L'usage est tel, & la loy generale de la France. Laissions voy Registres à part: Quel plus grand iugemēt voulez vous de cecy, que de noz Roys, & entre autres des plus sages & aduisez? Philippe de Comminc nous atteste que le Roy Louys vnzième ayant conclud la paix avecque le Duc de Bourgongne, tint toute chose en surseance sur la reddition des villes de la riuere de Sōme dont estoit question, iusques à ce que le tout eust esté emologué par la Cour. Par ce que c'estoit la coustume de France (dit-il) d'y publier tous accords, ou autrement seroient de nulle valeur.

Des trois especes de Repub. et d'une quatriesme qui participe des deux ou des trois.

Cel lieu m'admoneste, auar que de passer plus outre, de faire ce brief discours deuant vous. Ceux qui ont sagement discouru du fait de toute Repub. bien ordonnée, en ont voulu faire trois especes. La Royale, qui depend du gouuernement d'un seul Prince: la Seigneurie qui regarde l'administration de plusieurs personages d'estofe, & l'Estat populaire, quand par l'aduis & entremise du cōmun peuple les affaires publiques se maniēt. Chacune desquelles, bien que diuerfement reçoie sa perfection en son particulier, si est-ce que ceux qui à meilleures enseignes voulurent

repasser ce point, furent d'aduis qu'il y en auoit vne quatriesme espeece composée, & si ainsi me permettez de le dire, alambiquée des deux ou des trois ensemble, laquelle ils estimerent de tant plus excellēte qu'elle participoit de toutes les autres. Entre les Republiques que l'on estime mieux morigenées, l'on couche en ligne de compte, celle de Sparte: en laquelle y auoit la rencōtre de la majesté de leurs Rois, avec l'autorité des Ephores. La Republique de Rome est infiniment solemnisée par noz ancestres. Ceux qui ont voulu rendre raison de sa grandeur, la reiettent sur la conference commune de la seigneurie qui se gouuernoit par les Cōsuls, avec l'assemblée du peuple qui se manioit par les Conseruateurs du peuple qu'ils appelloient Tribuns. Voire que les heurts & dissentiōs des vns & des autres, les rendoiēt, chacun en son endroit infiniment retenuz à ce qui appartenoit au profit & vtilité du public. Celle mesme de Venise recognoissant ceste proposition pour tres-veritable, ores qu'elle soit gouuernée par vn bon nombre de gens d'honneur qu'ils appellent les Magnifiques, si voulut elle auoir aussi vn Magistrat souverain qui est le Duc, pour apporter és actions publiques ceste contre-balance qui est requise à tout bon estat. Si iamais ordre politic fut sainement & saintement obserué en quelque Repub. que ce soit, ie puis dire franchemēt, & est vray, que c'est en nostre Monarchie. Car noz anciens recognoissants que cōbien qu'entre les trois premieres espees de Republique il

*Discours
sur la Monarchie de
France.*

n'y en ait point de plus digne & excellente que la Royauté, & encores Royauté qui viét par droit successif en ligne masculine, & mesmement à l'aisné, (toutes particularitez qui se trouuēt en nostre estat) toutesfois parce qu'il peut quelquefois aduenir que la courōne tombe es mains d'un Prince foible & imbecille, ils establirent vn perpetuel & general conseil par la France que l'on appella Parlement, non pour seruir de controle à noz Rois, ains par les humbles remonstrances duquel se passoient les confirmations des affaires generales. Et l'establiret non seulement dans Paris ville capitale de France, mais qui plus est dans le Palais, seiour anciē de noz Rois, pour monstrer combien les effets de ceste compaignie estoient augustes, sacrez, & venerables : laquelle fut tāt estimée & autorisée, que quelque Roy qui viēne à deceder, au milieu des obseques Royales, tous les autres officiers estants en dueil, elle est reuestue de ses robes d'escarlata, pour monstrer que la majesté de la couronne qui reside en la iustice, ne meurt iamais, ores que noz Rois soiēt mortels. De là viēt que nous ne voyōs nulle loy auoir vogue en France, que elle ne soit emologuée par la Cour. Et biē que quelques-vns vueillēt dire que les affaires d'estat n'ayent riens de commun avec vous, toutesfois iamais paix ou traité d'importance, n'eut autorité entre nous, qu'il n'ait esté verifié par ceste Cour. Cōme mesmes nous le voyōs auoir esté obserué de fraiche memoire, lors que nostre Roy s'achemina au voyage de Po-

*L'autorité
du Parle-
ment de Pa-
ris qui a
fait regner
no^r Roy.*

logne. Non que pour cecy noz Rois ayent estimé se mettre souz la tutelle d'autrui, mais reduisans par ce moyē leur puissance absolue sous la ciuilité de la loy, ils se sont garentiz de l'enuie publique, & des importunitiez de ceux qui pour leurs faueurs particulieres abusoient de la debonnaireté de leurs Maistres: Se rendants par ce moyen aimez de leurs sujets sur tous les Princes de l'Europe. Chose qui a conserué leur grandeur successiuement depuis vnze cens ans iusques à huy. Et a produit celà tel fruit, que tout ainsi qu'il n'y a eu peuple au monde tant obeissant à son Roy que le François par le passé, aussi ne se trouuerent iamais Princes tant debonnaires & fauorables enuers leurs sujets que noz Rois. N'y ayant chose qui les ait tant vniz en cest entrelas de volonte, que ce lien general de la France, ce grand & general Parlement: ainsi cōme mesmes sont cōtraints de confesser les estrangers discourât sur nostre Estat. A quel propos donc tout cecy? Pour vous mōstrer que ce n'est point sans grande occasiō que ce peuple d'Angoulesme est entré en quelque scrupule, ne voyant ce traité de Trefues verifié en ceste Cour. Et si l'on me dit que c'est vne chose nouuelle de verifier vne Trefue qui est passagere, & que la Cour n'interpose ses parties qu'és choses qui semblēt prendre trait à perpetuité: A ceci ie vous respōds en vn mot, qu'ils ont pélé (si biē ou mal, vous le iugerez s'il vous plait) que ceste Trefue n'estoit de moindre cōsequēce, qu'un tres ample traité de paix. Car par icelle il est permis pendant le temps de la

*La religion,
fondement
de toute Re-
pub. bien or-
donnée.*

Trefue à ceux de la pretendue religion nouuelle, d'exercer leur religion à huis ouuert es villes qui leur seront consignées. Quand il n'y auroit que ce seul point; puis qu'il est questtion d'apporter nouuelle face de religion en vne ville, (quelque peu de temps que ce soit) ce fait est de telle importance que vous ny sçauriez assez apporter d'autorité publique. Si tant est que la religion soit (comme ell'est) fondement de toute Repub. bien ordonnée. Et de fait qu'estoient tous voz Edits de Pacificatiō, qui furent passez depuis l'an mil cinq cens soixante, sinon temporels & prouisionaux? Et neantmoins l'on n'a iamais reuoké en doute que ceste prouision temporelle ne deust passer par l'emologation de la Cour. Et ce, à mon iugemēt, pour autant que vous ne sçauriez si peu heurter au fait de la religiō, soit pour le regard d'une ville, soit pour si peu de tēps que vouldrez; que ce ne soit le haut point, pour lequel il faut l'interposition de vostre autorité, ou du tout oster de noz testes, en toutes autres choses, telles verifications. Et toutesfois quand nous lairriōns ce discours à part, & que nous-nous attacherions seulement au mesnage general de ceste Frāce, qui ne voit que par ceste Trefue on aliene les villes du Roy? Alienatiō qui ne peut estre faite qu'elle ne soit autorisée par la Cour. Mais il y a grande difference (me dira l'on) d'aliener les villes à iamais, ou bien de les bailler en ostage pour certain temps. A quoy ie responds, que toute chose qui se met en main forte pour quelque temps, n'est pas de moins

de moins redoubté effect, que celle que l'on aliene perpetuellement en main foible; quand d'ailleurs ce-
 luy qui entre pour certain temps en vne possession,
 se peut faire croire puis apres si bon luy semble. Da-
 uantage en matiere d'alienation du domaine de la
 couronne, soit qu'elle soit perpetuelle ou temporel-
 le, noz loix (mesmes les demieres & modernes) y re-
 quierēt cognoissance de cause en ce lieu. Car par l'E-
 dit qui fut fait en l'an 1565. à Moulins où estoient tous
 les Princes & grâds seigneurs assemblez, avec vne in-
 finité de Presidens & Conseillers de Cours souue-
 raines, il est porté par expres, que toutes alienations
 faites ou à faire du domaine seront nulles sinon en
 deux cas, sçauoir est, pour apanage des puisnez de
 noz Rois, & pour vendition necessaire à deniers cō-
 tens pour la necessité de la guerre: & qu'en ces deux
 cas lettres patentes seront decernées & publiées es
 Cours de Parlement: leur estat tres-expressement de-
 fendu d'auoir aucun esgard à telles lettres pour quel-
 que autre cause & tēps que ce soit, encore, que ce ne
 fust que pour vn an. Ce sont les propres mots de l'E-
 dit, qui monstrēt assez quel'on doit faire pareil iuge-
 ment de l'alienatiō du domaine qui ne se fait qu'à vn
 an ou demi an, cōme de celle qui se fait à perpetuité,
 laquelle ainsi que nous sçauons quelque perpetuité
 qu'il y ait, est toutesfois subiette à vn rachapt perpe-
 tuel. Toutes ces consideratiōs doncques sont passées
 par l'esprit des citoyens d'Angoulesme; considera-
 tiōs dy-ie dont ils eussent faict remonstrances s'ils

*Domaine
de la courō-
ne de sacro-
sainct.*

eussent eu cest heur de iouyr dans leur ville de la presence de Monsieur le Duc de Montpensier.

Mais la necessité du temps peut estre ne portoit ceste exception & defence, Et comme disent les Medecins, *Acutis morbis acuta remedia*: Ou comme disoit le Poëte Lucain, *arma tenent. Omnia dat qui cuncta negat*. Au contraire iamais elle ne deust estre proposée ou c'est en cest affaire. Contre qui la proposons nous? Contre celuy qui (parauanture) veut estre instructeur & perturbateur des anciēnes loix de France? Non vrayement: ains contre Monsieur le Duc. Quelle protestation a-il faire? Que son propos & intention estoit de reduire toutes choses en leur bon train, & specialement de maintenir les Cours de Parlement en leurs dignitez & prerogatiues. C'est vn bon Prince qui n'est point menteur, & qui n'apporte nulle hypocrisie en ses actions. Y a il doncques homme ou seigneur apres le Roy qui doiue prendre plus de plaisir & contentement en ceste excuse que luy, quand avecque vne honneste liberté nous luy remonstrons qu'estants ses obeissans seruiteurs, nous le voulōs honnestement combattre de ses propres armes, & le supplier treshumblement de se souuenir de sa parole & promesse, de laquelle les Princes doiuent estre aussi religieux obseruateurs comme de leur propre couronne? Mais peut estre ces excuses bien qu'elles eussent pleu à Monsieur le Duc, n'eussent esté fauorablement acceptees par Monsieur de Montpensier. Nous nous asseurons du contraire: Il

est Prince trop amateur de la venerable ancienneté, Cōseiller, Pair en ceste Cour par le moien de son Duché. Conseiller né dés le ventre de Madame sa mere, par le moien de sa principauté du sang: Et ne scrōs iamais defauoüez de luy, quand nous dirons, qu'entre toutes les compaignies de France, il honore, & respecte la vostre.

Vous auez donc entendu iusques icy, que de ce qui s'est passé en nostre ville iusques à huy, il n'y a nulle desobeissance de nostre part, ains toute submissiōn & humilité: Et ja à Dieu ne plaise, qu'autres penchements entrent en noz esprits.

Vous me direz parauātūre, que vous excusez le passé, moiēnant que pour l'aduenir nous dōnions ordre de rendre la ville, eu esgard mesmemēt que la iustice nous estoit à presēt ouuerte en ceste Cour, il semble que le moyē nous soit clos de la verifiatiō de la trefue. Ceste difficulté comme i'ay dit depend de deux points: l'un si le sujet doit estre oui en telles matieres, s'opposant à la volōté de son Prince. L'autre, si quād bien il seroit receuable, nous auons particulièrement moiens pour empescher la redditiō de nostre ville.

Entant que touche le premier point grād est vrayement l'argument. Vostre Roi & Prince souuerain le vous cōmande. C'est dōcques à vous d'obeir. Car si vn petit escolier Pythagore auoit en son escolle apporté ceste ordonnāce sur ses escoliers, Il l'a dit, voulāt par ces mots leur dōner à entēdre, que ce n'estoit point à eux de controler son intentiō, ains seulement

*Si vn suiet
de France
peut par hō-
nestes remō-
strāces s'op-
poser quel-
quesfois aux
commande-
mens de son
Prince.*

de le croire, cōbien plus doit estre ceste proposition fichée en l'esprit d'un sujet à l'édroit de son Prince? Et c'est la cause pour laquelle Platō en ses Loix se moquoit du législateur, qui dedans ses ordōnances rend raison de sa loy, d'autant, que cōbien qu'elle ne deust estre constituée sans raison, si est-ce qu'estāt establie, le sujet ne devoit considerer si bien ou mal, elle l'estoit, ains y obeir quand elle estoit publiée: Et certes suiuant ce sage precepte de ce grand philosophe, si la trefue estoit icy publiée, nous-nous tairiōs. Mais laissons encore ceste publication en arriere. Je ne veux point ramener en memoire toutes ces longues questions des Docteurs du droit ciuil, quand ils soustiennent, que tout ainsi qu'il n'est point en la puissance du sujet de s'exēpter de l'obeissance de son seigneur, sans le consentement du seigneur, aussi n'est il en celle du seigneur de mettre son sujet en main estrange, & plus foible que la sienne sans l'expres cōsement du sujet, cōme estans choses relatives & reciproques. Si ie m'y voulois amuser, le tēps me defaudroit plustost que la parole. Ceste cause est de trop grāde importāce pour y auoir recours aux Docteurs. Mais estāt né François plaidāt pour vn peuple François au premier tribunal de la Frāce, ie dis que nous sommes receuables, non pas à nous opposer, non à disputer, non à controler la volōté de nostre Prince: ains à luy faire noz tres-humbles remonstrances en iustice. Et si pour dire cecy, ie peche, ma faute prouient de la debonnaireté de noz Rois, qui l'ont ainsi

de tout temps & ancienneté toléré. Les anciens vou-
lans nous représenter les Empereurs de Rome leur
baillent l'espée nuë au poin, à noz Rois la main de
iustice, pour nous apprendre & enseigner, que vne
bonne partie de la dignité de l'empire s'entretenoit
par la force : au contraire que la Majesté de noz
Rois s'entretenoit par la douceur & humanité de ius-
tice. L'Empereur disoit, *Pour autant que ie le veux
il est iuste.* Noz Rois d'une parole plus douce & ci-
uile, disent, *Pour ce qu'il est iuste nous le voulons.*

*Pourquoy
noz Rois
portent en
leurs ima-
ges la main
de iustice.*

Et pour ceste cause ouurent la porte à toutes
honnestes remonstrances de leurs subjects, lesquel-
les non seulement ont esté fauorablement par eux
receuies; mais quelquefois, pour auoir esté suiui-
es ont apporté vne infinité de fruiet à la France. Lors
de la guerre du bien public, le Roy Loys xi. pour la
closture & conelusion d'icelle, accorda à monsieur
son frere le duché de Normandie pour son appana-
ge. Cest accord fut executé sur quelques villes, les au-
tres s'y opposerent, & ne voulurent ouurir leurs por-
tes à leur Duc destiné par la paix, l'on les veut appel-
ler rebelles. Ouys en l'assemblée des estats, qui furent
tenus à Tours ils gaignent leur cause. Et au lieu de la
Normandie, fut Charles Monsieur contraint se con-
tenter de la Guyenne. Au traité de Madric fait pour
le repos public, le Roy François premier du nom a-
uoit accordé la restitution totale du pays de Bour-
gongne. Il estoit grand Roy, & pour ceste cause, par
commun consentement, nous l'appellons mainte-

nant le Grand. Toutes-fois sa grandeur n'empeschapas, que les estats du pays de Bourgongne ne s'opposassent à la deliurance que l'on auoit promis faire de leur pays. Et fut leur opposition trouuee bonne, iuste & raisonnable. Ces exéples sont ils veritables? Outre ce que celà s'appréh des Registres de la Cour, ceux mesmes, qui pres de la personne de Monsieur procurent & sollicitent nostre reddition, l'ont fait escrire en vn liure pareux intitulé: *Question politique. S'il est loisible aux subjets de capituler auëcque leur Prince.* Non toutefois que nous vucillions rirer ce qu'ils ont fair en exemple: mais à fin qu'ils n'ayent point d'occasion d'irriter contre nous ce bon Prince, & lui faire entendre, que nous prariquons choses nouuelles de vouloir estre ouis en nos defences. Er à fin que nous ne cherchions point exemples plus loingrains que de nostre temps: A la restitution des villes de Thurin, Chiua, Quiers, & Villeneufue d'Ast Monsieur le Marechal de Bourdillon, Gouverneur de Piedmont s'y opposa, & fut ouy en son opposition. Et tant s'en faur que pour celà il fut déclaré rebelle, qu'au contraire les villes rendues, s'estant approché de la Cour du Roy il fur infiniment chery: & en luy principalement eur le feu Roy Charles confiance des principales affaires de France. Mais tant y a que les deux premieres oppositions de Normandie & Bourgongne furent trouuees bonnes, & non seulement trouuees bonnes, mais l'opiniastreté iuste & fidele du Normand, & du Bourguignon, con-

serual vn & l'autre pays à la couronne. Ainsi ie croy que nul ne doute, que nous ne soyons parties capables pour faire noz remonstrances.

Reste donc de voir s'il plaist à la Cour, si nous auons moyens suffisants, pour empescher que nous ne tombions souz les garnisons de Monsieur le Duc. Enquoy nous pensons estre munis & fortifiez de *Bons offices* deux points. Le premier de noz priuileges. Et quand *prestés par les citoyens* nous n'aurions priuileges, si estimons nous estre *d'Angoulesme & noz* assistez d'une infinité de particularitez, pour lesquelles *Rois.* vous nous en dispenserez s'il vous plaist. Au regard de noz priuileges, ce n'est point d'aujourdhuy, que nous auons apporté zele à la couronne de France, & que pour ceste consideration nous en auons esté recompensez. Il se trouue par anciennes chartres qu'en l'an 1360. estat le Roy Iean prisonnier és mains des Anglois, son fils Charles lors Regent, qui depuis fut Charles cinquieme par le traicté de Bretigny fut contraint de leur accorder, & ceder entre autres, la ville d'Angoulesme. La paix confirmee à Calais le 24. Oëtobre le mesme an : quand il fut question de l'executer les habitans d'Angoulesme s'opposerent formellement allegant à cest effect leurs raisons & moyens entre les mains des deputez, pour l'execution de la paix : Opposition, qui prit traict d'un an, pendant lequel les choses demeurèrent en suspens, & fut enuoyé pardeuers eux messire Iacques de Bourbon, leur remonstrant que le Roy Iean ne pouuoit estre deliuré, si la ville d'Angoulesme ne passoit

condénation de cest article. Au moien dequoy ils aimerét mieux estre perdus és mains des Anglois, que de voir perdre leur Roi. Rendus toutesfois de corps, ils demurerent François de cœur. Et de fait regnant le Roy Charles cinquième en l'an 1336. voyàs que le Prince de Galles fils du Roy d'Angleterre, qui iouysoit de la Guyenne, vouloit leuer vn fouage sur les habitans d'icelle, noz ancestres furent des premiers, qui adhererét avecque les Comtes d'Armignac, Perigort, Comminges & autres seigneurs à l'appellatiō par eux interiectée des exactions & nouueaux subsides imposez sur la Guyenne. Et encores dit Froissard au chap. 246. du premier volume, que ceux des basses Marches, de Poitou, Xaintongē, & la Rochelle, s'y fussent accordez, toutes-fois tousiours mainte-
 roiet ceux d'Angoulesme que ja n'en payeroiet, ny ja en leur terre souffrir ne le pourroiet: & mettoient en auant, qu'ils auoiet ressort en la chābre du Roy de France. Le Roy demeura long temps à consulter sur la reception de cest appel: En fin fut persuadé d'ouir & enteriner leurs requestes, & remonstrances à luy faites, par les seigneurs & habitans des bonnes villes, qui requeroient aide & confort de luy, comme de leur souuerain. Et tant insisterent, qu'il fut ordonné que le Prince de Galles feroit adiourné à comparoir à Paris en la chambre des Pairs de France, pour assister à droict, & respondre aux requestes contre luy faites. Ce sont les propres parolles de l'auteur, lequel bien qu'en son histoire soit ennemi profez des François,

çois, si ne peut il oublier le deuoir, que les Angoumoisins rendirent à leur Roy. Au demeurant, du remuement des choses sùdites, s'ensuiuit le renouvellement de la guerre, en laquelle le Prince de Galles voyant qu'il n'auoit ennemis plus redoutables que nous, il establit son siege quelque temps chés nous en esperance de nous tenir plus facilement en bride: toutes-fois si ne peut-il si bien faire, que nous ne les chassissions, & nous rendissions Maistres de la ville, laquelle nous remismes depuis souz la main & obeissance du Roy, sans coup ferir. Les Roys non ingrats enuers leurs sujets, nous octroyerent pour ceste cause, tous pareils priuileges qu'à la ville de la Rochelle. Que nous ne serions tenus de receuoir garnison estrangere dans nostre ville, qu'ils ne nous pourroient aliener sans nostre consentement, & plusieurs autres de mesme marque. Nous auons noz priuileges verifiez en ceste Cour: Priuileges qui nous sont acquis, non point par vn don gratuit, si ainsi faut que le die, ains au prix de nostre sang & de noz vies. Le Roy, s'il luy plaist, nous y maintiendra. Que si l'interest de toute Republique bien ordonnee, est de chastier les mauuais pour seruir d'exemple aux autres, & honnorer les bons, pour exciter vn chacun à la vertu, pour laquelle cause fut introduite la confiscation du bien, faisant par icelle tomber la peine de la faute du pere dessus son enfant innocent: & d'un autre costé la noblesse, qui se perpetue à noz descendants, encore que par couardise ils degenerét

de la vertu de leurs deuanciers, combien plus doit on nous perpetuer en noz franchises & libertez, veu que nous sommes reputez mesmes corps par la propagation de noz ancestres en nous? Le Roy doncques encore vn coup nous les conseruera en leur entier s'il luy plaist.

Ouy, mais on nous dira en celieu, que l'intention du Roy n'est pas de nous aliener, ains de nous bailler en garde pendât vne trefue & surseance d'armes, durant lequel tēps on fera vne bonne paix. On ne veut point nous aliener? on fait pis: on nous engage en toutes choses, & specialemēt en celle où la bone foy doit exuberer. C'est vne Sophistiquerie exquise de laisser la vraye intention des parties, pour s'attacher à l'escorce & superficie des paroles. Quand l'on a disputé en droit, si celuy qui est prohibé de dōner peut vendre, ceux qui ont decidé ceste questiō n'y ont assis aucune certitude de iugement, parce qu'il se trouue par fois certains cas où celuy qui est prohibé de donner peut neantmoins vendre: & quelquefois est permis à aucuns de donner, non de vendre selon la diuersité des rencontres. Et la raison de telles diuersitez prouient, d'autant qu'en telles matieres il faut singulierement peser & considerer le fonds de l'intention de celuy qui fait telles prohibitions. Je vous laisse icy à part, quel engagement equipolle à vne alienation. Considerons seulement, quelle fut l'intention des Rois qui promirent de n'aliener nostre ville. Non autre certainement, sinon à fin que ceste

ville demeurant perpetuellement souz la puïssance de noz Rois, elle seroit vraysemblablement mieux traictée, & par mesme moien eslongnee de toutes oppressions, vexations & molestes. Quel traitement pouuons nous au cas de present esperer, qui ne soit pire, & plus fascheux que si l'õ nous alienoit de tout point? Car nous alienants à Monsieur le Duc, il nous traicteroit comme siens: mais icy nous demeurons comme espaues à la mercy du premier occupant. Celuy auquel nous appartenons par droicture ne nous possedera, & serons és mains de gens de celuy auquel nous n'appartiendrons. Qui est celuy qui ne voye que ceste occurrence de cas est de plus dange-reux effect, qu'une alienation totale? L'on ne peut doncques nous obiecter, que ceste capitulation ne porte contrauention à noz priuileges. D'auantage noz priuileges ne sont pas seulemēt de n'estre point alienez, il y a article expres de ne receuoir garnison d'estrangers contre nostre gré: le tout en la mesme forme & maniere que le Rochelois. Le traicté de la trefue qui baille nostre ville est pour y receuoir garnisons, & quitter & deposer noz armes à la deuotion de Monsieur le Duc, ainsi que nous voyons qu'il a disposé par toutes les villes qui luy ont esté accordees. Tellement que quand il n'y auroit que ce seul point, il seroit suffisant pour faire paroistre de nostre interest.

Je passeray plus outre & discourray, s'il vous plaist, ceste cause, comme si nous n'estions assistez d'au-

cuns priuileges. Tout ce que l'on nous met en auant est la necessité presente. Qu'il est besoin qu'un membre endure, pour sauuer tout le reste du corps. Si ceste cause auoit à estre traictee sur les similitudes, que l'on peut tirer des reigles de medecine, ma cause seroit aisée à gagner. Car i'ay bien souuent ouy dire, que pour sauuer vn membre sain, il faut retrancher le malade: mais que pour sauuer le malade, il faille couper ou perdre celuy qui est sain, ie ne l'ouy iamais dire. Laissons ces similitudes, & disputons politiquement. Il faut me dit-on que le particulier endure pour le general en matiere de police. Partant ce n'est point chose nouuelle ne inaccoustumee qu'une ville recoiue quelque affliction, pour garentir tout le demeurant du Royaume. l'en seray d'accord avecques tous, mais aussi faut-il que d'une mesme rondeur l'on m'accorde, qu'il faut en telles affaires apporter quelque proportion & mesure. Et se faut bien donner garde d'affliger de telle façon vne ville, que l'on la mette en opinion de desespoir. Vray Dieu n'auons nous eu nulle part aux troubles? La playe est encorcs toute sanglante. Nous auons endure le siege, rendus par composition, apres auoir souffert diuers assauts: Depuis nous rachetâmes nos vies, nos biens, & noz personnes pour quarante mille liures, qui furent promptement payees. Soudain que le payement en est fait on se faist particulièrement des principaux de la ville. Maistre Jean Arnaud Lieutenant general de la ville, homme plein d'integrité, pour n'a-

*Calamité
que la ville
d'Angou-
lesme a souf-
fertes pen-
dant nos
troubles.*

voir voulu adhérer à ceste faction, se trouue estranglé misérablement dans sa maison. La vefue du feu Lieutenant criminel aagé de soixante ans, trainée honteusement par les cheueux aux milieu des rues. Deux Cordeliers pendus, pour auoir presché la parole de Dieu. Le frere bastard du sieur de Ruffec, qui auoit esté blecé à la defense d'une breche, honteusement pendu. Bref iamais tant de violences, outrages, & inhumanitez ne futēt commis, qu'en ce lieu. Non contents de celà, ils s'attachent aux saints lieux & au tombeau de saint Iean quart aieul du Roy: Principale remarque de la maison de Vallois. Ils y logent & hebergent leurs cheuaux. Je ne veux point imputer tout cela aux chefs. Je sçay quelle est l'insolence du soldat, mesme pendāt vne guerre ciuile. Au bout de tout celà on nous veut maintenant exposer au hazard d'un pareil naufrage. S'il est question qu'une ville endure pour le demeurant, pourquoy faut-il que ce soit perpetuellement la nostre? Que ne reiette l'on part & portion de ce mal, sur les autres? Auons nous fait quelque delict pour lequel nous deuions estre couchez deux fois à ceste torture? Quand vne compaignie de gens de guerre auoit failly à son deuoir, les anciens auoiēt accoustumé la dismer, ie veux dire faite mourir le dixiesme, sur laquelle sort tomboit, bien que peut estre il fust innocent. Se trouue il quelque faute en nous, pour laquelle il faille que nous seruions non pas de la dixiesme ville, mais de la cent & deux centiesme deux fois? N'y a il point d'au-

tres villes en France, qui puissent supplier nostre défaut, & cōtribuer ainli que nous à ceste perte cōmune: D'ailleurs, faites vous tort seulement à nostre ville? Non. A qui donc? A toute la noblesse Catholique Angoumoisine, qui n'a autre ressource de toutes ses afflictions, que dans nostre ville. La moitié du plat pays est occupé par ceux de la nouuelle opinion. Rédez nostre ville, vous rendez tous les gentilhommes Catholiques vagabons. Et en ce faisant sans aucun leur demerite, les punissez de la punitiō de Cain. Ou s'ils font estat de résider en leurs maisons, lesquelles seront à la deuotion des autres, il faut qu'ils soient ou miserables, ou que pour viure en quelque seurté chez eux, ils se reduisent à la mercy & deuotion de ceux ausquels ils n'ōt nulle enuie d'adherer. La crainte de pauureté ou misere, la peur d'estre spolié de ses biens, produit de merueilleux effets de persuasion en nous à la longue, encores que du commencement nous n'apprehendions que le public. La suite doncque de ceste reddition ne va pas tant seulement à la ville, elle concerne tout le plat pays. Et iugeans ceste cause chacun par vous-mesmes en vostre particulier, vous pourrez imaginer s'il est raisonnable que facions part de l'engagement & hostage dont est a present question. D'ailleurs, quelle ville veut on maintenant que nous rendions? la ville capitale d'un pays, soit pour la religion, ou iustice, en laquelle est estably le siege episcopal, pour le fait & exercice de nostre religio Catholique: & encores le Presidial,

pour l'administration de la iustice. Tournez voz yeux, s'il vous plaist, aux choses qui se sont cy deuant passées. Au premier Edit de l'alienation du bien d'Eglise, lors que noz esprits n'estoient encores duits à la police de tel sujet, pour la nouveauté d'iceluy, encores y apporta l'on d'un commū accord ce respect, que combien que l'on exposast tous les biens de l'Eglise en vente, iusques à la concurrence des deniers, que l'on auoit enuie de tirer, sauf à regaler puis apres sur les vns & autres, si est-ce qu'il fut defendu de toucher en aucune façon aux chefs lieux.

N'y a-il point quelque apparence de l'observer au cas de present, souz meilleur titre & condition? Veu qu'aux lieux où l'on met garnisons nouvelles, on fait ouuerture des presches au preiudice de nostre religion ancienne, & prennent ceux que l'on met és villes engagees, plus de dispense & permission, qu'ils n'oserent iamais auparauant esperer. Car si nous voulons nous rameteuoir cōment toutes choses se sont passées pour ce regard. Par le premier Edit, qui fut celui de Ianuier 1561. biē qu'il leur fust permis prescher par tout, si ne leur fut-il iamais permis de ce faire dās l'enclos & enceinte des villes: ains seulement aux faux-bourgs, & encores fut ceste tolerance par le premier Edit de pacification de l'an 1562. restraite à certains bourgs & bourgades en chacun Bailliage: iusques à ce que par le dernier du mois d'Aoust 1570. ils se contenterent de deux villetes en chacun gouuernement. Mais que iamais il entraist en opiniō à tous

les Capitaines de ce party là, de demander villes episcopales pour y exercer leur religion, vous ne le trouverez nullement. Comme aussi n'estoit-il raisonnable. Bien accorderay-ie que s'ils en reduisoient aucune souz leur puissance, ou par surprinse, ou par force, ils luy donnoient telle loy, que bon leur sembloit: cōme les estimants de leur conquēste, & non autrement. Comment doncques peut on maintenant comprendre, qu'on rende nostre ville: Ville, dis-ie episcopale, ville, dis-ie, Presidiale, ville chef lieu de tout païs, en laquelle soudain que l'on sera arriué, l'on fera vn meslange, & pēse-mēse de deux religions ensemble?

Je passeray encores plus outre, voyons quelle opinion, ceux qui conseillent Monsieur le Duc, ont de nous demāder nostre ville, avec vne si grāde opiniastrētē. Est elle exposée aux passages des riuieres, comme Mezieres, Saumur, & la Charité? Il n'y a celuy qui ne sçache, qu'elle est assise en croupe de mōtagne: & toutesfois c'est l'vne de leurs principales opiniōs, pour s'asseurer des passages, qui leur fait demāder villes. D'auātage ont ils faute de villes pour leur retraite, en nostre pays, & aux enuirōs? Ils tiennēt en leur possession Boutheuille, Ponts, Perigueux, Bergerac, Castillō, Sainte Foi, Talmont, Royāt, & plusieurs autres villes. Ceste consideratiō n'est pas en la ville de Bourges: car toute la noblesse mal contente ou ceux de la nouuelle opinion de Berry, ou pays circonuoisins & limitrophes n'ont aucunes villes de retraite à eux:
qui

Qui est la cause pour laquelle, ils peuuent demander peut estre ceste ville. Mais quant à nous puis qu'ils ont tant de villes, & commoditez pour se retirer, que mesmes on leur a baillé deux villes en contre-eschange de la nostre, celle de Cougnac, & Saint Iean d'Angely, esquelles ils ont ia leurs garnisons establies, pourquoy iettér-ils encores l'œil sur nous? S'ils disent, qu'il y a plus d'assurance de force dans nostre ville: Qui ne sçait, que Saint Iean d'Angely a supporté vn siege aussi fort & redouté que nostre ville? mais Saint Iean d'Angely ne s'est iamais opposé à l'execution de la trefue, quand il a esté question de la rendre, me dira l'on. La raison y est toute prompte. L'une & l'autre ville ont esté prinſes par deux diuers sieges: Celle de saint Iean d'Angely remise entre les mains du Roy, fut traictée comme de son bon & naturel seigneur, avecque toutes les douceurs & humanitez, que l'on sçauoit souhaitter. La nostre mise en puissance estrangere & non naturelle, receut apres la prinſe, toutes les indignitez que l'on sçauoit excogiter, nonobstant quelque rançon, à quoy elle se fust rachepſee.

Et c'est la cause, pour laquelle facilement l'une a ouuert ses portes, & l'autre a craint de les ouuir, estant faicte sage, à ses propres couſts & despens. Ioinct qu'en matiere de paches & conuentions, l'on s'arreste tousiours aux dernieres: & puis qu'ils se sont contentez de deux villes, qui les peut induire à que-

reler de rechef la nostre, si ce n'est vn mal talent particulier, qu'ils nous portent ou quelque garde-derriere, que chacun peut diuersement estimer: comme aussi de ce mal talent, nous en auons lettres, que nous auons presenté à la Roine mere.

Mais donnons, que toutes les considerations cy dessus deduites fussent courtes, pour paruenir à nostre proiect (combien certes que ie m'asseure qu'estans mises en la balance, elles se trouueront de grand poix contre tout ce que l'on nous peut obiecter) quand nous n'aurions que ceste particularité en nostre cause, qu'ils ont opinion, que nous leur auons faict les premiers teste, & resisté à leurs desseins, que pouuons nous esperer, quand nous serons sous leur puissance, bien qu'elle ne soit que temporelle & passagere, sinon vne ardeur de vengeance, qu'ils rongent maintenant en eux, vn cruel traictement, vne ruine generale de nos corps, de nos biens, & de nos familles? Qui est celuy, qui ne se resoluë plustost à leur faire place nette, & abandonner sa ville, que d'attendre telles inhumanitez qui se voyent estre preparees? Mais ils sont en la puissance d'un bon Duc, qui vous en garentira, direz vous. Dieu vueille que monsieur le Duc ne soit point en leur puissance. D'ailleurs combien d'insolences, de meurtres, de massacres extraordinaires, faict-on és guerres ciuilles, que les capitaines & chefs generaux ne voyent, ou que bien sou-

uent ils ne veulent voir pour le peu de discipline militaire, que contiennent telles desbauches publiques. L'on dit que Iules Cesar, lors qu'il faisoit guerre contre Pompee, permettoit toutes choses à ses soldats, voire qu'ils allassent ntusquez, moyennant que la lascheté fut dehors quand se viendroit à iouer des cousteaux. Je me tiens bien assuré, que l'intention de Monsieur le Duc n'est pas telle: Mais quand le contraire seroit aduenu, ie ne sçay quelle garentie nous pourrions auoir contre luy: La capitulation de la trefue portoit que les capitaines, qui seroient mis es villes seroient catholiques, & francs de toute suspicion. Si cela a esté obserué, tant mieux pour nous: fil ne l'a esté, tant pis. Permettez donc Messieurs que nous vñions en ceste cause non d'une exception politique, ie dis d'une exception, qui soit establie entre nous par discours humain. Permettez-nous vsér d'une exception de nature, que nous auons de nostre naissance humée avecque le laiët de nos meres, ne vous estudiez point de bannir de nous, ce que l'on ne peut nous oster. Vous auez puissance sur nos vies, & sur nos biens selon la diuersité des rencontres. Il n'est point en vostre puissance, de nous oster la crainte d'estre perduz. Crainte non imaginaire, crainte non affectée, crainte fondée sur vne infinité de iustes occasions, qui vous ont esté representees. Vous voyez en quel estat sont les affaires

de France. Anciennement tous tant que nous sommes, n'estions qu'un peuple vivant unanimement

*Diuisions
de la trâce,
sous diuers
sicé de noms
partians.*

sous l'obeissance de nostre Roy. Depuis quinze ou seize ans en ça d'un peuple, on en a fait deux:

De deux on en a fait trois: de trois maintenant on en veut faire quatre. Nous estions vnis en un

Roy, une foy, une loy: on nous vient battre premierement d'une liberté de conscience, & avecque celle liberté, l'esprit de diuision se met de la partie. Dès lors nous commençâmes à estre diuisez en deux, par une estrange malediction, & de deux noms miserables de faction, partialité, & diuision, les uns appelez Papistes, & les autres Huguenots, combien que nous n'ayons autre qualité que celle de Chrestien, qui nous est empreinte par le saint sacrement, & caractère de Baptême. En ce malheur nous auons vescu plusieurs ans: Depuis il en est venu un tiers de Mal-contens, qui meslent en leur querelle l'estat. Restoit une pongnee de subjects deuots sans dissimulation ou hypocrisie à leur Roy, il en faut faire une quatriesme espece, il les faut declarer rebelles, parce qu'ils sont trop religieusement affectionnez à leur Prince. Quel nom leur donnerons-nous? Ils seront les Desesperez: Helas il n'y a que trop d'ennemis volontaires, pour Dieu n'en faisons de nouueaux par force. Que nous peut-on imputer en tout ce fait cy? D'auoir requis suspension de la trefue pour nostre regard,

iusqu'à ce qu'elle fust verifiée en ceste court, avec
 cognoissance de cause, & nous ouys. Que deman-
 dons nous? d'estre maintenus en nos priuileges:
 Mais peut estre sont nos priuileges irreguliers, &
 apprehendent vne licence effrenee contre l'estat.
 Au contraire, de ne sortir de l'obeïssance de nostre
 seigneur naturel, & legitime. Quoy plus? de ne
 tomber en la misericorde de ceux que nous sça-
 uons nous estre ennemis: de ceux de la nouuelle
 opinion. Mais peut-estre à tord le craignons nous.
 Leurs lettres, leurs menaces, leurs deportements du
 passé, nous rendent assurez de l'aduenir. Que si
 toutes ces circonstances ne vous esmeuuent, en
 nostre faict, à compassion & pitié: si vous esti-
 mez nos remonstrances de peu d'effect, pour le
 moins representez vous, que de nostre ville est issüe
 ceste grande, & heureuse lignee de Valois, qui re-
 gne auiourd'huy en la France. Je ne suis point si
 superstitieux, que ie vueille aisément tirer à reli-
 gion les accidents extérieurs. Aussi ne suis-je si ir-
 religieux, que ie les vueille mettre en non-chaloir.
 Il me souuient auoir leu, que la femme d'Auguste
 recueillit, des serres d'un Aigle, vne branche de
 Laurier, de laquelle (par elle plantee) en sourdit au
 long aller vne pepiniere de Lauriers, dont les Em-
 pereurs prenoient leurs couronnes, quand ils triom-
 phoient. Ce bois fut de telle nature, qu'à mesure,
 que l'un de la lignee d'Auguste mourroit, aussi mou-

*Laurier qui
 estoit dans
 Rome pro-
 gnostice de la
 grandeur et
 ruine de la
 posterité
 d'Auguste.*

roit vne parcelle de ce bois, iusques à ce que Néron mourant, qui fut le dernier de ceste famille, mourut aussi tout le boccege. Tant que Angoulême a prospéré, aussi a par mesme moyen prospéré ceste grande & heureuse lignee. Et maintenant de l'affliger par ceux mesme qui en sont issus & extraicts, ce seroit vne chose de tres sinistre presage. Si ce subiect ne vous contente, iettez vostre veüe plus hault, & vous souuenez de ce grand Sainct, que nous auons en nostre ville, quart ayeul de nostre bon Roy, & de Monsieur le Duc. Ne permettez point que pour la seconde fois, il soit mis à l'abandon, & en proye du soldat indiscret. C'est nostre saint tutelaire, c'est l'heur & honneur de la maison de Valois. Nous vous prions, suppliõs, & si voulez, adiurons, par les os & reliques de ce grand saint, qui reposent chez nous, qu'il vous plaise nous conseruer, & nous affranchir des miseres, que nous voyons nous estre preparees, si nostre ville est renduë. Et si apres toutes ces remonstrances que nous vous faisons, avecque toute humilité, vous trouuez, que nous deuions nous rendre, apres auoir veuz nos priuileges, nous ferons tout ce qu'il vous plaira nous commander, assurez qu'en ceste cause toute publicque, vous nous garderez la iustice, quel on garde aux moindres de la France.

*La ville
d'Angou-
lême rece-
pitacle des
ancestres de
nostre Roy.*

A Monsieur Chopin Aduocat au Parlement de Paris.

EDICT de Blois a esté en fin paracheué De quel dâ-
gerrux es-
sèil sont les
Euocations
du propre
mouuement
des Princes,
et cōme el-
les ont pris
leur ply par
la France.
sur les doleances des trois estats, contenant
pluseurs articles plains de religion & iusti-
ce. Mais entre autres il n'y en a point qui me plaîse
tant que celuy par lequel le Roy d'une magnanimi-
té Royale & digne de luy, borne sa puissance abso-
luë en matiere d'euocations, & ne veult que l'on
obeisse à celles qui seront de son propre mouue-
ment. Vray Dieu que ce Quadrain de monsieur Pi-
brac me plaist!

Je hay ces mots de puissance absoluë,

De plain pouuoir, de propre mouuement.

Aux saints Decrets ils ont premierement,

Puis à nos loix, la puissance tolluë.

Les Euocations anciennement d'un Parlement à au-
tre, estoient du tout incognues à la France: Et les
premieres que vous trouuerez aux anciens Registres
de la Cour, furent du temps de Charles vi. lors qu'un
Duc de Bourgongne, qui commādoit à la France, au
milieu des diuisions ciuiles, pour gratifier à ses parti-
sans, feit euoquer quelques causes au grand Cōseil,
qui estoit adonc comme celuy que nous appellons
auourd'huy le Conseil priué. La necessité depuis
nous aprit qu'il les failloit par fois obtenir, pour ob-
uiet aux ports, fauteurs, parentelles, inimizies & ran-
cunes d'un Parlement: & pour ceste cause furent

faits les Edicts de la Bordeſiere, & de Chantelou. Mais quant aux Euocations du propre mouuement, elles nous eſtoient du tout incognues: Et du commencement que ie vins au Palais, i'ay veu que ſi quelqu'un eut eſté ſi ozé de demander la retention d'une cauſe, en vertu de telles lettres, il en euſt eſté deboutté, & condamné en vne amende telle que du fol appel. Les troubles qui depuis ſuruiurent y ouurirent la porte. Qui fut cauſe que par l'edict de Moulins, il fut defendu par expres d'y auoir eſgard, ſi elles n'eſtoient ſignées d'un ſecretaire d'eſtat. Mais maintenant par vne conſideration trop plus ciuile & politique, on les extermine tout à fait. Et certainement non ſans cauſe. Car toutes & quantes fois que ſous le propre mouuement du Roy on fait changer d'air à vne cauſe, il aduiet tout le contraire de ce que pratiquent les bons medecins en matiere de longues maladies, eſquelles ils font changer d'air au patient pour le guerir. Au contraire remuez vne bonne cauſe d'un Parlement à autre, vous la perdez. La diuerſité des contrees, & par conſequent des Parlements, produit diuerſité de maximes. Il me ſouuient auoir leu que les Grecs, tout ainſi comme les Romains, auoient accouſtumé, pour toute ſepulture, de brulſer les corps des morts: Et les Indiens eſtimoient ne pouuoir trouuer plus honorable tombeau à leurs peres & meres, qu'en eux-mesmes: & pour ceſte cauſe les mangeoient quand ils eſtoient decedez. Darius Roy de Perſe voulant faire eſſay combien les couſtumes de

Quelles tyrannies produiſſent les couſtumes en nos eſprits.

de chafque pays tyrannifoient fur nos efprits, voulut
confronter vn Grec à vn Indien. Si luy demanda fil
voudroit mangèr fon pere & fa mere morts : Chofe
que le Grec abhorra comme eflongnee de toute hu-
manité. De là il adreffa fa parole à l'Indien, luy de-
mandant fil voudroit brufler le corps de fon pere
mort : Il respondit que pour rien il ne l'entrepren-
droit, comme chofe trop impiteufe & abominable.
Ie ne m'eflongneray des bornes de nostre France, al-
lez en Daulphiné, Prouence, & Bretagne, vous trou-
uerez que le regres en matiere benefciale a lieu. Es
autres contrees non. Les premiers penferoient com-
mettre heresie fils le reiettoient, comme eftants en
pays d'obeiffance: les autres simonie, comme viuâts
fous les priuileges & libertez de l'Eglife Gallicane.
Euoquez du Parlement de Daulphiné à celuy de Pa-
ris vne caufe qui foit fondée en regres, elle fy perdra,
Renuoyez là de Paris à Grenoble, elle fy gaignera. Ie
fçay bien que vous me direz que les Iuges qui iugent
en ceste façon ont grand tort : Car combien que la
caufe change de lieu, fi doit elle eftre terminee felon
les propositions du territoire dont elle eft tiree. Mais
à cecy ie vous responds, que quand ils auroient en-
trepris de ce faire, ils ne le pourroient. Parce que tout
ainfi que l'Ourse donne la forme à fcs petits à la lon-
gue en les lefchans, auffi les loix qui font quelque-
fois brusquement propofees au peuple, reçoient
auec le temps polliffure, à mefure qu'elles font mises
en œuvre. Et c'est pourquoy l'on a dit que le vray

*Les loix re-
çoient pol-
liffure par le
temps.*

truchemēt de la loy c'estoit l'vsage. Le testament est fauorable, & pour ceste cause familier en la ville de Thoulouze. Sur ceste proposition l'vsage a entré vne infinité de maximes que nous ne recognoissons à Paris, cōme n'y faislants pas tel estat des testaments. Au contraire les succeſſions ab intestat nous estants recommandees, le long vsage nous appréd que plusieurs choses degenerent en pays coustumier contre les testaments. Je vous en representeray icy vn exēple dōt ie vous puis porter certain tesmoignage: Par la coustume de Paris il est loisible à tout homme & femme d'entendement, de pouuoir tester de tous ses biens meubles, acquests immeubles, & quint de ses propres: La damoiselle de Chambourcy ayant leguē à la damoiselle de Longueil sa fille vne bonne partie de ses meubles & acquests, la legataire demandant deliurance de son legs, à tout le moins par prouision en baillant caution, elle luy est denieē par les autres enfans. Je plaidois pour elle, & vous assure que ie n'y oubliay rien de ce que ie pensois seruir à la faueur de ma cause. D'un autre costé les autres, apres auoir remonstré combien il estoit fauorable que les enfans partageassent egaleement aux biens de la mere, finalement par arrest nous feusmes appointez au conseil. J'auois la coustume, avec la volōté enixe de la mere: mais ie n'auois pas l'air general des Iuges pour moy, lesquels pardeça inclinent naturellement plus à vne pieté naturelle, qu'ils estiment deuoir auoir lieu en faueur d'une egalité arithmetique pour

les enfans, qu'à vn iugement d'une mere qui auoit voulu particulièrement gratifier l'une de ses filles plus que les autres. Si on a baillé cest arrest en la cause d'un Parisien au milieu de sa coustume, qu'est-ce qu'un Tholosan deura esperer quand sur la dispute & controuerſe d'un testament on euoquera la cause à vn Parlement de Paris? Nous deuons aider nostre Roy de nos biens, selon les occurrences de ses affaires: mais en contr'eschange il nous est debiteur de la Iustice, & nous la doit administrer es lieux où nous residons, ou là où nos biens sont assis: C'est vne charge fonciere qui est annexee, à la couronne: Et ce n'est pas proprement nous la rendre, quand on interuertit nostre bon droit par vn changement de Iuges, & Parlements. A la mienne volonté que voulussiez vous esbaucher sur ce sujet, comme auez fait sur la matiere du Domaine de France, sur la Police ecclesiastique, sur les Privilèges des laboureurs. Assuré que nous enseigneriez plusieurs belles choses, non encores remarquées, mesme dont sont procedees ces lettres que nous appellons *Du propre mouuement*. Qui est, si ie ne m'abuse, non vne inuention Françoisse, ains Italienne, que nous deuons aux courtizans de Rome, lors qu'ils se vindrent habituer en la ville d'Auignon, & qu'ils commencerent à miettre toutes les affaires de nostre discipline Ecclesiastique en desordre & confusion. A Dieu.

Les Rois sont obligés envers Dieu de rendre la iustice à leurs sujets.

Dont nous auons empruntees les euocations du propre mouuement.

*A Monsieur Buisson seigneur de Vaillebresay, Aduocat
en la cour de Parlement.*

*Il se voit icy
auecques
monsieur
Buisson en
seramente-
ment de quel-
ques Epi-
stres amou-
reuses qu'il
auoit fait
imprimer
en sa ieun-
nesse sans
l'inscriptio
de son nom.*



E vraiment vous auez raison de m'impro-
perer maintenant qu'en ma ieunesse, à la sui-
te de mon Monophile, i'aye mis en lumiere,
vn liure d'Epistres amoureuses : ce qui n'auoit enco-
res esté attenté par nul des nostres. Comme si vous
ne sçauiez pas bien que tout ainsi que chaque saison
de l'annee, aussi faut-il que chaque aage ait ses fon-
ctions particulieres. J'aimerois tout autant que vous
vous plaignissiez du Printemps qui ne nous produit
que des fleurs, & requissiez en luy des fruits tels que
raporte l'Automne. L'on dit que le Printemps estant
doux, l'Esté chaud, l'Automne entre-deux, & l'Hiuer
froid & humide, il est malaisé que l'annee ne soit bõ-
ne & plantureuse. Ainsi est il de nos aages : Car si vn
ieune homme par quelque prerogatiue ou arrogan-
ce particuliere de sa nature, pensoit anticiper sur sa
ieunesse, & se donner beaucoup d'auantages en sa-
gesse pardessus ses compagnons, croyez qu'au iuge-
ment des plus sages, il ne seroit gueres sage. Iamais
bonne farce ne feut iouee sur vn eschafault, que ce-
luy qui represente le fol ne face la premiere entree.
Iamais vie d'hõme ne feut belle & accomplie, qu'elle
n'ait produit en nous quelques traits de gaillardise
sur nos premiers auenements. Le priuilege de nos
ieunes ans nous en dispense. Mais laissons la conside-

*Qu'il est bie-
seant que
selon la di-
uersité de
nos aages
nous repre-
sentions di-
uers person-
nages.*

ration du priuilege de la ieunesse à part, Ie ne voy point que fil est permis aux poëtes avec honneur, voire en vn aage bien meur, de couücher leurs conceptions amoureuses en vers, pourquoy il ne doiuue estre aussi loisible aux autres de faire le semblable en prose. Ny l'un ny l'autre n'est bien seant, dites vous: & souhaiterois que l'emploie de vos escrits eut esté faite en œuvre plus meritoire. Comme fil n'estoit bié seant au paintre de représenter que la Vieillesse sur vn tableau entre les aages, & l'Hiuer entre les saisons. Au contraire il aduiendra qu'ayant pourtrait d'un costé la Jeunesse verte, gaye, gaillarde, & assortie de toutes les couleurs à ce requises; & d'un autre costé la Vieillesse passe, morne, melancolique & ridee, ie m'assure qu'il n'y a celuy qui ne prenne beaucoup plus de plaisir à repaistre ses yeux du premier tableau, que du second. Partant ie ne voy point qu'il y ait eu matiere d'accuser en cecy le temps que j'ay employé en ce sujet, eu esgard à l'aage auquel ie dressay ces lettres. Et ores qu'il y en eut eu, ie pensois que la faute eut esté couuerte par vn long laps de temps, & prescription de plus de trente ans. Or pour le vous dire en vn mot, ie ne sçay si j'ay en cecy failli, mais fil y a de ma faulte, elle est double. L'une d'auoir failly, l'autre de ne m'en pouuoir repentir. A Dieu.

A Monsieur Buisson, Aduocat en Parlement.

*Suite du
mesme pro-
pos qu'en la
lettre pre-
cedente.*

ET bien: pour vous faire plaisir ie vous ac-
corde que ces lettres estoient vne vraye fo-
lie. Mais pour me rendre la pareille, ie veux
aussi que vous m'accordiez que c'estoit vne belle fo-
lie dont oiseux ie trompois l'oisiueté de ma ieunesse,
par faulte de meilleur sujet. Et afin que ie vous des-
couure librement ce qui en est, lors que ie les feis im-
primer, ie ne mis mon nom sur le frontispice du li-
ure, pour sonder, avecq' moins de hazard de ma re-
putation, quel en seroit le iugement du peuple. Et
de fait i'ay long temps depuis estimé que la memoire
en feut perdue, toutesfois puis nagueres fucilletât
quelques liures en la boutique de l'Angelier, ie trou-
uay qu'on les auoit fait reimprimer avec celles de
Parabosco Italien, & qui plus est que l'on y auoit
mis contre ma volonté, mon nom. Qui me fait pen-
ser qu'elles auoient eu meilleur succes que ie ne
m'estois promis. Je repasse lors sur aucunes: Je voy
là, tantost vn amour, tantost vn desdain, puis tous
les deux pellemeslez ensemblement, ores vn amant
reblandir gayement sa dame, ores s'en mesconten-
ter: En fin vn hōme peu resolu se resouldre de quit-
ter l'amour, avec vn profond repentir d'auoir aimé.
Je commēçay adonc à me moquer de moy-mesme,
& faire ce iugement, que quād ie detestois l'amour,
ie n'estois pas moins amoureux que quand ie le re-
blandissois. Car à bien dire si i'ay encores quelque

*Discours
gaillard sur
les passions
de l'amour.*

ronge & resentiment de ce mestier là, & que le long temps ne m'en ait du tout osté la memoire, ie suis d'aduis que le desdain fait part & portio de l'amour, & que l'amour ne préd fin & conclusio en nous, que lors que nous tournons sur l'indifferent les opinions que nous auions en noz maistresses. L'on dit que Pline ne lisoit iamais liure si meschant fut-il; qu'il n'en tiraist quelque profit: Aussi ne ly-ie iamais mes ieunes folastries que ie n'en raporte vn grand fruit. Mais sçauous quel? C'est qu'en l'Automne auquel ie suis, il me souuient d'auoir esté autrefois ieune. Qui n'est pas vn petit secret pour apprendre à excuser les ieunesses de ceux qui nous appartiennent. Ce que plusieurs peres ne font, pour auoir perdu ce beau souvenir. A Dieu.

*Le desdain
fait part de
l'amour.*

A monsieur Nesmond lieutenant general au siege Presidial d'Angoulmois.

QE n'est point chose nouuelle qu'il y ait quelques mois ou iours fatalement heureux ou malheureux à vns & autres. Le bon homme Chassanee dit en ses Commentaires sur la coustume de Bourgogne, que le mois d'Aoult luy auoit esté heureux, comme celuy auquel il estoit né, auoit eu tōsurs, esté fait docteur és droitz, Cōseiller en nostre Cour de Parlement, & finalement President au Parlement de Prouéece. Et sans m'ellongner de nostre tēps, ny de nostre France, l'on ne peut dire qu'il n'y ait eu quelque fatalité au mois de Mars pour nos troubles:

*Dequelques
iours &
mois qui
ont esté fa-
talement
heureux ou
malheu-
reux à vns
& autres.*

Car dans cetuy feut descouuert en l'an cinq cent soixante la coniuration de la Renaudie à Amboise, & en l'annee ensuiuante furent prises les armes pour la religion; & en lxiij. & lxviij. deux edicts de pacification publiez. En cas semblable pour les troubles qui se renouuellerent en lxxvij. se trouue le mois d'Aoust auoir esté grandement fatal, auquel en l'an cinq cent soixante neuf le Roy Charles seant en son lit de iustice declara ceux de la religion nouvelle rebelles & crimineux de leze Majesté diuine & humaine; & l'annee ensuiuant, au mesme mois, fut verifié autre edict de pacification, & en l'an c lxxij. fut faite l'execution generale telle que chacun sçait. Car quant aux iours les Romains remarquoient en leurs Annales, qu'à mesme iour que les trois cent Fabiens estoient passez au fil de l'espee, à vn pres, aussi furent ils depuis deconfits par les Gaulois, apres plusieurs reuolutions d'annees. Au contraire les Thebains solelnnizoient le troisieme iour de Iuing, auquel à deux diuerfes fois, ils auoient obtenu deux victoires; par lesquelles la Grece auoit esté restablie en ses anciennes franchises & libertez. Nous pourrions de mesme façon celebrer le xxvij. de Mars, auquel és annees lxiij. & lxviij. casuellement & sans y penser furent publiees au Parlement de Paris deux paix entre les subjets du Roy. Il n'y a celuy de nous qui ne sache que le iour saint Mathias fut fauorable à l'Empereur Charles cinquiesme, comme celuy auquel il fut couronné Roy des Romains, sacré Empereur, & obtint

obtint victoire de nous en la iournee de Pauie, où nostre grand Roy François fut pris. Tout celà, ce sont remarques dont les historiographes se peuuent diuersement iouïr, non toutesfois malaisées à se rencontrer pour les mois: & quant aux iours il ne fault point trop s'esbahir qu'entre plusieurs suites d'annees, ils se trouuent quelques iours qui se conformēt en heurs ou malheurs. Mais sur tout en ce sujet y a vne chose digne d'estre recommandee à la posterité par ceux qui d'une plume bien taillee voudront entreprendre l'histoire de nostre temps. Parce que nous trouuons le iour de la Pentecouste auoir esté deux fois fatal à nostre Roy. Car tout ainsi qu'il fut esleu Roy de Polongne ce iour là en l'an cinq cens lxxiij. aussi l'an d'apres, à mesme iour, recueillit-il ce Roiaume de France, par le decez du Roy Charles son frere. Luy ayant ceste grande feste, apporté deux grandes couronnes, l'une par le moyen de sa vertu, l'autre par vn droit de nature. Repassez toutes les histoires qu'il vous plaira, vous ne trouuerez vn iour si grand & solennel que cetuy auoir par double succez bien-heuré la fortune d'un Prince. Ce priuilege a esté particulierement reserué à nostre Roy, & encores d'un an immediat à l'autre. Celà a esté cause qu'estant de retour de deça, apres auoir appaisé avec vne pouruoyance admirable les troubles, il a voulu particulierement honorer la memoire de ceste benediction par vn nouuel ordre de Cheualerie qu'il a voüé au saint Esprit, l'accompagnant de plusieurs belles &

*Jour de la
Pentecoste
fatal à nos-
tre Roy.*

*Institution
de l'ordre
des Cheua-
liers du S.
Esprit.*

saintes ordonnances en l'honneur de l'Eglise Catholique, Apostolique, Romaine. Et vrayment tout ainsi qu'en la particularité des iours qui nous sont fauorables, il a le dessus de tous autres Princes, aussi puis-je dire que iamais nul ordre de Prince ne se trouua de telle recommandation & merite que cettuy-cy. Car la pluspart des autres furent fondez, les aucuns sur amourettes, les autres sur vne vaine ambition, mais cetuy sur vné foy & homage qu'il a voulu rendre à Dieu des faueurs qu'il auoit receües de luy. En quoy l'on ne peult que l'on ne louë, outre sa deuotion, infiniment sa prudence. Pourautant que voyant son Royaume partializé en ligues pour la diuersité des Religions, & cognoissant qu'il n'y a plus bel objet sur lequel le peuple desire de mouler ses actions, que fut les mœurs de son Roy & des seigneurs qui luy assistent, il a voulu non seulement demourer ferme & stable en la foy de ses ancestres, comme vn roch entre les vagues, mais aussi a institué ce beau vœu au milieu de sa noblesse, qui est vn grand lien pour la contenir en Religion ancienne. Il y a plusieurs priuileges qui sont donnez aux Cheualiers de cest ordre, & plusieurs belles & saintes ordonnances, faites par le Roy. Soudain qu'elles courront par nos mains, ie ne faudray de vous en faire part. Je vous prie me mander de vos nouuelles, & me tenir tousiours au nombre de vos meilleuts amis. A Dieu.

A Madame de Ferrieres, veufue de messire Guillaume de Marillhac en son viuant Conseiller d'estat, & intendant & controlleur general des finances.

NE ne voy point d'occasion pour laquelle il feut besoing de me remercier par vos lettres des plaisirs que dites auoir receuz de moy, sinon pour m'exciter à bié faire pour l'aduenir, si i'ay peu fait par le passé. Telle commemoration pour bien dire ne procede d'aucun mien merite, ains d'une honnesteté née avecq' vous, qui vous fera compagnie tant que viurez. N'estimant de ma part que l'on acquiere obligation sur autrui, quand l'on s'acquite de son deuoir. Vous mettrez doncques sil vous plaist desormais tels remerciements hors ligne de compte, & les tournerez en commandements sur moy, qui ne me laisseray iamais de m'employer pour vous & les vostres: Induit à ce faire tant par l'ancienne amitié & obligatiō que i'auois à feu Monsieur de Ferrieres, vostre mary, duquel ie faisois fonds & estat, comme de moy-mesme, que pour dix mille autres particularitez, au recit desquelles i'abuserois, & du temps, & du papier. Et parce que me mandez (en riant comme ie croy) que craignez m'estre ennuieuse, veues grandes occupations, car ainsi le dites vous: le plus grand empeschement que i'auray, sera quand ie ne seray empesché pour vous, si l'occasion se presente

Ceste lettre ne gist qu'en curialité.

qu'en ayez affaire, & que ne me commandiez. Desirant de vous combattre en cest endroit sinõ de courtoisie, pour le moins de bonne volonté. De laquelle ie vous prie, Madame, vous asseurer de la part de celuy, qui desire infiniment demourer en vos bonnes graces. A Dieu.

A Monsieur Pitbou sieur de Saouye, Aduocat en la cour de Parlement de Paris.

Il escrit à monsieur Pitbou quel a esté le motif de faire le Poeme de la Pulce, auquel plusieurs nobles esprits semployerent en l'an 1579. les grands iours seants à Poitiers.

LE changement d'air, m'a fait presque redeuenir ieune, comme i'estois il y a vingt & quatre & vingt & cinq ans, mais d'une fort belle ieunesse, & dont ie vous veux faire part pour recueillir vos esprits, pendant que remuez les vieux liures pour en rapporter quelque noble ancienneté, & la departir à la France. A peine estions-nous arrivez, Monsieur Loisel & moy à Poitiers, que ie luy donnay aduis, pour ne demourer oiseux (car nos grands Iours n'estoient encores ouuerts) d'aller voir mes dames des Roches mere & fille, honneurs vraiment, & de la ville de Poitiers, & de nostre siecle. Ce conseil trouué bon par luy, nous nous acheminames en leur maison. Oû apres auoir fait entendre que i'estois à la porte, parce qu'elles auoient quelque cognoissance de mon nom, elles viennent au deuant de nous, & seroit impossible de vous dire avec combien de courtoisie l'une & l'autre nous accueillit. De ce pas entrons dans la sale, où monsieur Loisel com-

mèce de gouverner la mere, moy la fille, que ie vous puis dire estre l'une des plus accomplies, tât de corps que d'esprit, que ie vey iamais. Car afin que ie vous die cecy en passant, la mere pour auoir esté studieuse a beaucoup leu de bons liures, qu'elle sçait fort bien mesnager avec ceux qui la gouernent, mais la fille est les liures mesmes, elle a vn esprit si naïf & abôdât de belles fleurs, qu'il ne fault point qu'elle aille mandler des auteurs anciens leurs authoritez & sentences pour supplier le default de ses propos. Estant doncques là avecques elles, ie commençay à m'en escrimer au moins mal qu'il me fut possible. Et croyez qu'à beau ieu, beau retour. Celà s'appelle vne heure & demie pour le moins. Et cōme nous estions en ces discours, mon bon heur voulut que i'apperceussie vne Pulce qui s'estoit parquée au beau milieu de son sein: le vous dy par expres mon bon heur: car peut estre eusse-ie esté bien empesché à poursuiure ma premiere route, apres vn si long entretien, sans ce nouueau subiet. Tellement que ie m'en sens fort redeuable à ceste petite bestiole. Ayant doncq' ce nouuel objet deuant moy, ie dis à madame des Roches, par forme de coq à l'asne, que i'estimois ceste Pulce la plus prudente & hardie que l'on eut sceu desirer: Prudēte d'auoir entre toutes les parties de ceste dame choisi ce bel hebergement, & tres hardie de s'estre mise en vn si beau iour. Parce que si ie me mutinois, ie me donneroie assez tost la loy de l'oster, & en estre le meurtrier pour la voir prendre la hardiesse

de se loger en si hault lieu. Et comme ce propos fut reietté d'une bouche à aurre, par vne contention mignarde, finalement ie luy dis que puis que ceste Pulce auoit receu tant d'honneur de se repaistre du sang d'elle, & d'estre aussi honoree de nos propos, elle meriroit encores d'estre enchassée dans nos papiers, & que volontiers ie m'y emploirois, si ceste dame vouloit faire le semblable. Ce qu'elle m'accorda liberalement. I'auois du commencement proferé ceste parole à coup perdu, toutes fois songneusement recueillie par nous deux, nous meismes la main à la plume en mesme temps, pensant chacun à part nous, que son compagnon eut mis en oubly ou nonchaloir sa promesse, paracheuâmes nostre desseing en mesme heure, tombants mesmement en quelques rencontres de mots les plus signalez, pour le sujet; & outre ce, pensants nous surprendre l'un l'autre, nous entreuenoiasmes ce que nous auions composé. Mais en cecy ie feus surpris: parce qu'en vn mesme instant, luy ayant enuoyé d'une main, ce qui estoit de ma façon, ie feus d'une autre main salué par ceste dame, de ce qui estoit de la sienne. Heureuse certes rencontre & iouissance de deux esprits, & qui passe d'un long entrejet toutes ces autres opinions vulgaires & folastres d'amour. Or voyez ie vous prie quel fruit nous a produit ceste belle cōtention, ou pour mieux dire honneste symbolization de deux ames. Ces deux petirs ieux ont cōmencé à courir par les mains de plusieurs, & se sont trouuez si agreables, qu'à

l'exemple de ceux-cy, quelques autres personnages se sont voulu mettre de la partie, & s'employer sur ce mesme sujet à qui mieux mieux, les vns en Latin, les autres en François, quelques vns en l'une & en l'autre langue, ayant chacun si bien exploité en son endroit, qu'à chacun, si i'en estois iuge, i'en ordonnerois la victoire. Le premier qui comme vaillant guerrier entra en lisse fut monsieur l'Aduocat Brisson, lequel se donna le loisir d'affaisonner ses grandes & serieuses occupations de ceste gayeté: Ayant par ses doctes vers Latins grandement honoré les nostres. Le pas estant par luy ouuert, quelques-vns de nostre college ont aussi voulu, cōme luy, rompre leurs bois, Mesmement messieurs Chopin, Loisel, Mangor, Tournebu, & Binet. Il n'est pas que monsieur de Lescale n'ait pareillement voulu faire voler des esclats, & avec luy les seigneurs Rapin, la Couldroye, Macefer, & plusieurs autres. On dira que nous sommes de grand loisir, au contraire nous ne feusmes iamaïs plus empeschés. Et parce que mōsieur l'Aduocat Brisson (auquel riens n'est impossible es choses qui dependent de son esprit) a preueu que quelques vns, qui pour ne pouuoir riens faire de bon, ne seruent d'autre chose que de mesdire, pourroient mal faire leur profit de nos Poëmes, il les a voulu preuenir par cest Epigramme.

Nauole non dubito quin nostra hæc dente maligno

Carmina mordebis, ceu minus apta foro.

Hæc nugæ fingi, Picta ridebis in vrbe,

Deesseque clamabis Causidicis quod agant.

*Hæc sibi qui scribunt, aliis scribuntque, cauētque,
 Voce reos trepidos, consiliōque inuant.
 Contrà, muta foro lingua est tibi, denique habes nil
 Quod scribas, dicas, Næuole, nec quod agas.*

Vous pourrez receuoir à nostre retour ce qui a esté fait par les autres. Cependant pour vous apprestez à rire, ie vous enuoye les deux Pulces, celle de madame des Roches, & la mienne: Esquelles si me permettez d'interposer mon iugement, ie croy qu'en l'une vous trouuerez les discours d'une sage fille, en l'autre, d'un homme qui n'est pas trop sot. Ayât chacun de nous par une bienfiance de nos sexes iouié tels roolles que nous deuions. A Dieu.

La Pulce de Catherine des Roches.

PETITE Pulce fretillarde,
 Qui d'une bouchette mignarde,
 Succotéz le sang incarnat .
 Qui colore un sein delicat,
 Vous pourroit-on dire friande
 Pour desirer telle viande?
 Vraiment nenny: car ce n'est point
 La friandise qui vous poingt:
 Et si n'allez à l'auenture
 Pour chercher vostre nourriture,
 Ains pleine de discretion,
 D'une plus sage affection
 Vous choisissiez, place honorable

Pour

Pour prendre vn repas agreable.
Ce repas seulement est pris
Du sang, le siege des esprits.
Car desirant estre subtile,
Viue, gaye, prompte & agile,
Vous prenez d'un seul aliment,
Nourriture & enseignement.
On le voit par vostre allegresse,
Et vos petits tours de finesse,
Quand vous sautelez en vn sein,
Fuyant la rigueur d'une main.

Quelquefois vous faites la morte,
Puis d'une ruse plus accorte,
Vous fraudez le doigt poursuivant,
Qui pour vous ne prend que du vent.
O mon Dieu de quelle maniere
Vous fuiiez ceste main meurtriere,
Et vous cachez aux cheueux longs,
Comme Syringue entre les iongs.
Ah que ie crains pour vous, Mignonn.
Ceste main cruelle & felonne.
He pourquoy ne veult-elle pas
Que vous preniez vostre repas?
Vostre blessure n'est cruelle,
Vostre morture n'est mortelle:
Car en blessant, pour vous guerir,
Vous ne tuez pour vous nourrir.
Vous estes de petite vie,
Mais aimant la geometrie,

VI. LIVRE DES LETTRES.

En ceux que vous auez espoint,
 Vous tracez seulement un point,
 Où les lignes se viennent rendre.

Encor auez vous sceu apprendre,
 Comment en Sparte les plus fins
 Ne se laissoient prendre aux larcins;
 Vous ne voulez estre surprise:
 Quand vous auez fait quelque prise
 Vous vous cachez subtilement
 Aux repliz de l'accoustrement.

Pulce, si ma plume estoit digne
 Je descrirois vostre origine,
 Et comment le plus grand des Dieux,
 Pour la terre, quittant les cieux,
 Vous fait naistre, comme il me semble,
 Orion & vous tout ensemble.
 Mais il faudra que tel escrit
 Vienne d'un plus gentil esprit.
 De moy ie veux seulement dire
 Voſ beautez, & le grand martyre
 Que Pan souffrit en vous aymant,
 Auant qu'on veit ce changement,
 Et que vostre face diuine
 Prit ceste couleur ebenine,
 Et que voſ blancs pieds de Thetis
 Feussent si gresles & petits.

Pulce quand vous estiez pucelle,
 Gentille, sage, douce, & belle,
 Vous monuant d'un pied si leger.

A sauter & à voltiger,
Que vous eussiez peu d'Atalante
Deuancer la course trop lente,
Pan voyant voz perfections,
Sentit vn feu d'affections,
Desirant vostre mariage.
Mais quoy? vostre vierge courage
Aima mieux vous faire changer
En Pulce, afin de l'estranger,
Et que perdant toute esperance,
Il perdit sa perseuerance,
Diane sceut vostre souhait,
Vous le voulutes, il feut fait,
Elle voila vostre figure
Sous vne noire couuerture.
Depuis fuiant tousiours ce Dieu,
Petite vous cherchez vn lieu
Qui vous serue de sauuegarde,
Et craigneZ que Pan vous regarde.
Bien souuent la timidité,
Fait voir vostre dexterité.
Vous sauteleZ à l'impourueü,
Quand vous soupconnez d'estre veü,
Et de vous ne reste sinon
La crainte, l'adresse, & le nom.

La Pulce de Estienne Pa'

PULCE qui te viens percher
 Dessus ceste tendre chair;
 Au milieu de deux mammelles
 De la plus belle des belles,
 Qui la picques, qui la poings,
 Qui la mords à tes bñs poinçts,
 Qui t'enjurant sous son voile,
 Du sang, ains du Nectar d'elle,
 Chancelles, & fais maint sault
 Du hault embas, puis en hault:
 O que ie porte d'enuie
 A l'heur fatal de ta vie!
 Ainsi que dedans le pré
 D'un verd esmail diapré,
 On voit que la blonde Aurette
 Sur les belles fleurs volette,
 Pillant la manne du ciel;
 Dont elle forme son miel:
 Ainsi petite Pucette,
 Ainsi Pulce Pucellere,
 Tu volettes à taton
 Sur l'un & l'autre teton;
 Puis tout à coup te recelles
 Sous l'abri de ses aisselles:
 Or panchee sur son flanc,
 Humes à longs traicçts son sang,

Or' ayant pris ta pasture,
Tu t'en viens à l'adventure
Soudain apres heberger
Au milieu d'un beau verger,
Ains d'un Paradis terrestre,
D'un Paradis qui fait naistre
Mille fleurs en mes esprits,
Dont elle emporte le prix,
Paradis qui me resueille
Lors que plus elle sommeille:
Là, prenant ton doux esbat,
Tu luy liures un combat,
Combat qui aussi l'esueille
Lors que plus elle sommeille.

Las voulut Dieu que pour moy
Elle feut en tel esmoy,
Toy seule par ton approche
Fais esmouuoir ceste Roche,
Que mes pleurs, ains mes ruisseaux,
Que mes sonspirs à monceaux,
Quelque vœu que ie remuë
N'ont iamais en elle meüë.

Ha meschante, bien ie voy
Que t'ay ce malheur par toy;
Car quand, fole, tu te ioïes
Maintenant dessus ses ioïes,
Puis par un nouveau dessein.
Tu furetes en son sein,
Et que tu la tiens en transe,

Madame en toy seule pense,
 Et luy ostes le loisir
 De soigner à son plaisir.
 Ou cette mesaventure,
 Pour laquelle tant i'endure,
 Ce mal ou suis confiné,
 Vient d'un astre infortuné
 Qui est entre toy & elle,
 Entre la Pulce & Pucelle:
 Ayants par un mesme accord,
 Toutes deux iuré ma mort.
 En toy seule elle se fie
 Comme garde de sa vie:
 Car si en faisant tes ieux
 Tu la picques, & ie veux
 Tetuer fascheuse Pulce
 Au lieu où tu fais tu mussé,
 Ell' crainct, pour ne riens celer,
 Que c'est la depuceler,
 Et bannir à iamais d'elle
 Ce cruel nom de Pucelle.
 Ainsi par commun concours
 Vous ioüez en moy voſ tours,
 Et faut que pour un tel vice,
 Mon ame à iamais languisse.
 Mais toy Pulce cependant
 Te vas, grasse, respendant
 Dessus le ciel de Madame,
 Et de là tirant ton ame,

Tout autant que tu la poings,
Autant tu luy fais de poincts,
Ains graues autant d'estoilles
En la plus belle des belles.

Je ne veux ny du Taureau,
Ny du Cigne blanc-oiseau,
Ny d'Amphytrion la forme,
Ny qu'en pluie on me transforme.
Puis que ma Dame se paist.
Sans plus de ce qu'il te plaist,
Pleust or à Dieu que peusse
Seulment deuenir Pulce.

Tantost ie prendrois mon vol
Tout au plus beau de ton col,
Ou d'une douce rapine
Je succerois ta poitrine,
Ou lentement pas à pas
Je me glisserois plus bas,
Là d'un muselin folastre
Je serois Pulce idolastre
Pinçotant ie ne scay quoy,
Que i'aime trop plus que moy..

Mais las malheureux Poëte
Que faut-il que ie souhaite,
Cest eschange affiert à ceux
Qui font leur seiour aux cieux..
Et partant Pulce, Pucette,
Je veux Pulce pucelette,
Petite Pulce ie veux.

*Adresser vers toy mes vœux,
 Quelque chose que ie chante,
 Mignonne tu n'es meschante,
 Et moins fascheuse, & ie veux
 Pourtant t'adresser mes vœux.
 Si tu picques les plus belles,
 Si tu as aussi des esles,
 Tout ainsi que Cupidon,
 Je te requiers vn seul don,
 Pour ma pauvre ame alteree,
 O Pulce, ô ma Cytheree;
 C'est que ma Dame par toy
 Se puisse esueiller pour moy,
 Que pour moy elle s'esueille,
 Et ait la Pulce en l'aureille.*

*A Monsieur Pithou seigneur de Sauoye, Aduocat en la
 Cour de Parlement de Paris.*

*Il louë mes
 dames des
 Roches me-
 re & fille.*

EN C O R' ne nous pouuons nous estancher.
 C'est vne Roche inexpugnable que celle
 que ie cōbats par mes vers. Car ie ne la sçau-
 rois si bien assaillir qu'elle ne se defende trop micux,
 d'vne plume si hardie que ie douteray desormais de
 luy escrire. Non seulement elle ne veult riens deuoir,
 mais qui plus est paye ses debtes auec vn interest ex-
 cessif, ny ne demãde point de delay pour s'en acqui-
 ter. Ie ne veis iamais esprit si prompt ny si rassis que le
 sien. C'est vne dame qui ne m'aque point de respōse;
 Et

Et neantmoins il ne sort d'elle aucun propos qui ne soit digne d'une sage fille. Brief ie vous pleuuis sa maison pour vne vraye escole d'honneur. Le matin vous trouuerez la mere & la fille, apres auoir donné ordre à leur mesnage, se mettre sur les liures, puis tantost faire vn sage vers, tãtost vne epistre bien dictée. Les apres disnées & soupées, la porte est ouuerte à tout hõnest homme. Là l'on traite diuers discours, ores de philosophie, ores d'histoire, ou du temps, ou bien quelques propos gaillards. Et nul n'y entre qui n'en sorte, ou plus sçauant, ou mieux edifié: Il n'y a qu'une chose qui me desplaise en ceste maison, qu'estant la fille belle en perfectiõ tant de corps que d'esprit, riche de biens, comme celle qui doit estre vniue heritiere de sa mere, requise en mariage par vne infinité de personages d'honneur, toutes-fois elle met toutes ces requestes souz pieds: resoluë de viure & mourir avec sa mere. Ne considerant pas qu'elle par vn priuilege de son aage doit demeurer la derniere, & celà aduenant elle se trouuera toute seule. Tellement que lors pressée de l'aage peut estre souhaitera-elle ce qu'en vain ell'a tant de fois contemnè. Mais luy ayant fait ceste remonstrance, encores n'est-elle demeurée sans responce: me disant qu'elle ne pourra iamais estre seule, ayant ses liures & papiers qui luy feront perpetuelle compagnie. Et puis dites que nostre France ne produit point de Philosophes, puis que les femmes le sont. A Dieu.

A Madame de Ferrieres.

*Il s'excuse
de n'auoir
escriit à la
Dame de
Ferrieres.*

QOMBIEN que ie sçache assez qu'ayez tref-
iuste occasion de m'accuser par voz lettres,
du peché de paresse qui m'est assez familier,
si est-ce que ie suis tant obstiné en ma faute, que ie
ne m'en puis repentir. Non que les moindres offen-
ces que ie commetray contre vous, ne me soient grâ-
des, ains parce que le fruit de ma faute est si beau, que
ie serois vn grand lourdault de m'en repentir, ayant
eu ce bien en ne vous escriuant de vous occasionner
à m'escrire, & ne fut-ce que pour m'accuser. En quoy
ie recognoistray franchement prendre l'air de voz
lettres à plus grand plaisir en quelque sujet que ce
soit, que de n'auoir de voz nouuelles. D'un cas me
suis-ie donné peine voyant que vous-vous en don-
niez, de la rouverte du pourparler qui fut encom-
mencé de deçà: mais au mesme instant consolé, sça-
chant que iamais vous ne iettates l'œil sur ce party-là
dés le commencement qu'on vous en parla. Voire
que vous ne vous y peutes induire, q̃ par vne semon-
ce forcée de voz amis. C'est pourquoy il me semble
que n'avez nulle occasion de vous en affliger. Il n'y a
riens qui presse de la part de Mademoiselle vostre fil-
le, de l'age & nourriture dont ell'est, sinon vne
amitié interieure que lui portez, à laquelle j'ajoit que
l'on ne puisse mettre frain, si est-ce que la sçaurez sa-
gement composer en attendant les apoints & com-

moditez sortablez, qui se pourront entre cy & quel-
que temps rencontrer. Et à la mienne volonté que
toutes les actiōs de quelqu'un de voz meilleurs amis
se peussent ainsi composer : duquel ie croy qu'aurez
receu des nouuelles de tous ses depōtements, & en-
tre autres comme ayant laissé ses premieres amours,
il s'est maintenāt mis autre sujet en bute. Lequel veri-
tablement m'agrée plus que le premier pour l'alian-
ce & les biens, moyennant que la fille soit telle qu'il
dit en toutes les autres parties. Et par ce que ie pense
que voudrez auoir part à ce nouveau dessein, remet-
tant celà à vostre prochain retour, ie ne vous en par-
leray plus amplement, pour me recommander en ce
lieu à voz bonnes graces. A Dieu.

A Madame de Ferrieres.



SI VNE longue possession ne s'estoit en
vous tournée en coustume, ie vous accu-
serois d'auoir laissé venir l'un de vos gens
pardeça les mains vuides. Bien vous di-
ray-ie qu'encores que ie sois marry de n'auoir receu
de voz lettres, si n'en suis-ie point tant marry pour
ce defaut, que pour autant que ce m'est vn certain
prognostic que ne projettez encor riens de vostre
retour pardeça. D'autant que nous ne receuons ia-
mais de voz lettres, que quand estes sur le point de
vostre partement pour nous venir reuoir. Or Madam-
e à fin que ie le vous tranche bien court, ny voz

*Il accuse la
Dame de
Ferrieres de
ce qu'elle ne
luy escrit.*

lettres n'augmenterôt riens, ny le defaut d'icelles ne diminuera chose aucune de mon deuoir en vostre endroit. Ayant fait ceste resolution stable en moy de vous estre tousiours d'une mesme teneur & façon, ie veux dire vostre bien humble seruiteur & amy. A Dieu.

Lettres de la Dame de Ferrieres à Pasquier.

*Elles'excuſe
avec vn bel
artifice de
n'auoir eſ-
crit.*

NE SVIS d'accord que le papier ne rougit iamais; mais que l'on ne rougiſſe ſur le papier, ie dis que ſi. I'en ay l'experience maintenant que i'ay mis la main à la plume, & que ie conſidere qu'il y a deux mois que ie ſuis pardeça, & vn que m'avez fait teſte faueur de m'eſcrire, & moy par trop pareſſeuſe à mon deuoir, ay encore à ſalüer voz bonnes graces. Ie vous dirois, ſi i'oſois, les occasions, mais elles ſont friuoles & impertinentes aux grands eſprits, comme le voſtre, qui n'aprehendent que le public. Toutesfois ie me ſouuiens de quelques-vns de voz traits enuers voz enfans, qui m'enhardira de le vous dire. C'a eſté que ayant trouué à mon arriüée deux des miens, ce me ſemble ſuffiſamment accomplis, pour gagner le cœur d'une mere ſote comme moy, i'ay voulu iouir du plaſir dont ie m'eſtois priuée long temps, pour leur bien & proſir, & les ay voulu amener avec moy contre l'opinion, & quaſi contre la volonté de ma

mere: où si tost que ie les ay euz, mon petit Benjamin & sa nourrice sont deuenuz malades, de façon que i'ay esté contrainte de le seurer, & implorer l'aide de celle qui se cognoist mieux que moy à le gouverner: le luy ramenant à plus grand haste que ie ne lui auois osté. Et croi que sàs ce secours ie fusse moy-mesme enseuelie. Car pour auoir esté mon fils dix ou douze nuits sans dormir, & moy aussi peu, ie suis au bout de celà deuenue malade, qui ne sera riens si Dieu plaist: au moins ie me trouue mieux que ie n'ay faict, graces à Dieu. Voilà la plus grand part de mes excuses. Que si elles ne sont suffisantes pour couvrir ma faute, ie vous supplie au moins de les auoir pour agreables, & me tenir en voz bonnes graces que ie saluë de mes plus humbles & affectionnées recommandations. A Dieu.

A Madame de Ferrieres.



Vous estes si bonne Rhetoricienne, & auez tant de traits de persuasion quand vous l'auiez entrepris, que lisant vostre lettre, non seulement i'ay pris vos excuses en payement (s'il vous plaist que i'vse de la liberté de ce mot) mais qui plus est, suis entré en compassion d'une mere affligée, de mesme balance, tantost d'un aise infiny de la presence de ses enfans, tantost du meschef qui est adueni au petit. Car l'une

*Il respond
aux excuses
de la prece-
dente lettre.*

& l'autre appelle-ic affliction. Mais ce qui m'a picqué dauâtage, c'est la maladie, en laquelle estes tombée pour auoir esté trop ententiue à secourir vostre enfant. Si i'estois assez sage pour vous cōseiller, ie dirois que ce n'est pas ainli qu'il en faut vsér. Pour autāt que si voulez cōseruer ce qui vous est si cher, c'est de vous cōseruer vous mēmes; n'y ayant plus grand & seur depost de leur santé que la vostre. Toutesfois ie louë Dieu que vostre maladie ait esté courte. Quoy que soit qu'elle n'ait de riens alteré en vous la beauté de vostre esprit, laquelle se descouure si à propos par vostre lettre, que tāt s'en faut que l'on la puisse dire proceder d'un malade, qu'au contraire en un besoin elle seruiroit de recepte pour faire guerir les malades. Ceste-cy sera doncques Madame non pour receuoir voz excuses, ores qu'il vous plaise que ie les reçoie, ains pour vous remercier humblement de la bonne souuenance qu'auuez eüe de nous. En laquelle ie vous supplie vouloir continuer celuy qui est prest de receuoir vos commandements, d'aussi bon cœur, qu'il vous baise humblement les mains. A Dieu.

*A Monsieur de Boileuesque seigneur de
sainct Liger.*

*Il promet
toute bōs of-
fices au sei-
gneur de
Saint Liger.*



L N'A pas esté dit sans cause que la temperie du ciel produit les esprits de mēme. Je le diz, parce que faifāt vostre seiour en un terroier fertile & abondant qui paye son laboureur avec vne

vsure centesimo, le semblable ay-ie esprouué de vostre part par voz lettres. Car vous ayant assaillay par cinq ou six lignes, qui estoit le moins que ie deuois faire, vous vous en estes reuangé par tant d'honnesteté & de courtoisie, que ie me recognois franchement vaincu. Si aurez vous ceste nouuelle recharge, nō de propos d'en rapporter le dessus, ains pour vous asseurer que ce dont vous me priez par la fin de vostre lettre, m'est chose trop recommandée. Ie diz à Madame vostre fille auant qu'elle fust mariée auéc feu Monsieur de Ferrieres, quand estoit question d'accorder leurs conuentions matrimoniales, que i'estois lors du tout à celuy qu'elle deuoit espouser, mais que soudain qu'ils seroient mariez ie diuiserōis mon amitié par egalité de partage entr'eux. I'entre-tiendray ma promesse, & luy garderay vne moitié de ceste amitié, & l'autre aux enfans du defunct, la memoire duquel ie respecteray tant que ie viuray. C'est pourquoy, encores qu'en ce qui se presente i'y apporte plus de bon vouloir que de pouuoir, si ne faudray-ie à entretenir la paix entre les vns & autres. A laquelle grace à Dieu ie les voy tous bien disposer. Et ne faiz nulle doute que les choses ne se passent au contentement d'eux tous & de leurs amis communs. Vous asseurant que de ma part ie ne m'y esparagneray, & sur ce ie salueray vos bonnes graces. A Dieu.

*A Madame de Ferrieres.**Ceste lettre
gist en re-
merciement.*

E serois trop & trop ingrat si ie ne vous remerciois mille fois de l'honneste cōmemoration qu'il vous a pleu fairè de moy en la compagnie que sçauetz. Prenez garde seulement que ne vous rendiez mal à propos caution pour celuy qui pourra faire faillite. Ce n'est pas la premiere obligation que i'ay en vous, ny la derniere que i'en espere. S'il y a ce que vous dites, croyez que cest pour vous faire bien humble seruice, voulant demeurer à tous les autres par emprunt & à vous en propriété. A Dieu.

LE



LE SEPTIESME LIVRE
DES LETTRES D'ESTIENNE
PASQUIER.

*A Monseigneur de Foix Conseiller du Roy au Conseil
d'estat, & Ambassadeur au saint siege.*



O vs ayant tousiours honoré & respecté entre tous les seigneurs de la France, non seulement pour vos vertus, ains pour ie ne sçay quelle obligation de nature qui m'y conuie, ie me faiz aussi acroire que deuez auoir quelque instinct & inclinatio naturelle de me bien vouloir. Celà est cause que plus hardiment ie me suis ingeré de vous faire vne requeste que ie vous prie m'enteriner. Je suis pere. Quand ie vous diz pere, vous pouuez tout d'une suite iuger la tyrânie que nature exerce sur moy en faueur de mes enfans. Il a pleu à Dieu de m'en donner cinq masles, dont ie destinois le troisieme à suiure la cour: mais comme il aduient ordinairement que les peres proposent de la fortune de leurs enfans, & que les enfans en dispo-

*Il reco mande un sien
fils à Mon-
sieur de Foix
estant l'ors à
Rome.*

*Les peres
proposent de
leurs enfans,
& leurs
enfans en
disposent.*

D d d

sent contre l'opinion de leurs peres, aussi est il aduen-
 nu, que celuy dont ie vous parle, a mis la plume au
 vent à mon desceu, prenant son vol en Italie depuis
 six mois en ça, & est finalement arriué à Rome. Où
 luy defaillant le moyen, il est reuenu à son mieux
 penser, & commence de représenter la parabole de
 l'enfant prodigue enuers son pere: Laquelle ie suis
 trefaïse d'accomplir. Il m'a demandé pardon par let-
 tres, & y a par mesme moyen fait interposer l'autho-
 rité d'un mien parent nommé monsieur Morin, per-
 sonnage d'honneur qui s'est habitué dans Rome de-
 puis vingt ans passez. I'entends qu'il vous a fait la re-
 uerence, & que l'avez humainement receu, ayant en-
 tendu qu'il estoit mon fils. Et certes puis que sa for-
 tune l'a conduit en ce lieu là, ie seray trefaïse, non
 qu'il voye ces antiquailles de Rome, qui ne me sem-
 blent de grande edification, sinon pour enseigner
 l'incertitude des choses humaines, mais bien qu'il
 considere les images vifues, dont il pourra raporter
 vn exemple & modèle de biē viure à l'aduenir. C'est
 la raison pour laquelle ie vous supplie mē faire tant
 de faueur de le prendre à vostre seruice entre vos do-
 mestiques, sans qu'il recoiue de vous aucū priuilege,
 sinō comme le plus petit. Ce faisant vous acquerrez
 deux seruiteurs tout ensemble, l'un pres de vous de-
 dans Rome, & l'autre dedans Paris pour receuoir vos
 commandements. Et s'il vous plaist me faire ce bien,
 ie souhaiterois qu'il pensast que ce fust sans aucune
 mienne priere, ains seulement de vostre debonnaire:

ré pour le voir aujourdhuy réduit en l'extremité en laquelle à mon iugement il est, quelque bone mine qu'il face. Il n'y a remede, vous permettrez s'il vous plaist à vn pere faire vn trait de comedie. I'espere q̄ si luy faites cest honneur qu'il lie sa fortune à vostre suite, estant en vne si bonne escole, sa desbauche luy retournera à bon-heur. Et neantmoins quelque chose que ie vous en prie, c'est avecq̄ ce formulaire ancien de Ciceron, *Quod commodo tuo facere possis*. Ie ne fais point de doute qu'il n'y en ait d'autres qui vous font pareilles requestes, mais non qui ayent tant d'enuie de vous faire seruice que moy. A Dieu.

A Monsieur d'Offat, en la maison de Monsieur de Foix.

L'OBLIGATION nouuelle qu'auetz acquise sur moy, est de tel effect & merite, que ie ne seray iamais à mon aise que ie ne m'en sois reuangé. Et suis honteux qu'ayez maintenant sur les bras ce mien fils: Auquel ie commâde de vous obeir en tout & par tout côme à moy. Vous priant me faire ce bien d'auoir l'œil sur luy, comme si estiez son pere. Ie vous mercie bien fort des habillemens que luy auetz fait faire, & de ce qu'auetz payé pour luy. Vous l'accommoderez s'il vous plaist du reste de l'argent, ainsi que trouuerez estre bon. Car quât à moy ie vous en donne toute bride, puis qu'il vous plaist en prendre la peine. Dieu me feta la grace de le recognoistre. A Dieu.

*Il recom-
mande à
m. de Foix
d'offat son
fils.*

A Monsieur Morin.

*Suite de
mesme pro-
pos.*

E vous remercie infiniment des bons offices qu'il vous a pleu faire à mon fils. Ce n'est pas le premier bien que j'ay receu de vous & des vostres. Le compaignon ne meritoit pas de recevoir ceste faueur pour la faulte qu'il auoit commise. Toutesfois vous luy auez esté comme vn Pharos au milieu des tenebres pour le garentir d'un naufrage auquel il falloit, sans vous, submerger. Je ne sçay quelle en sera l'issüe. Dieu vueille que vostre prognostic sorte effect. J'ay prié monsieur de Plimpie de communiquer auecq vous, & suppleer ensemblement le default de ma presence en exhortations. En quoy ie vous prie le vouloir seconder, ou pour mieux dire, tenir le ieu, pour le priuilege que deuez auoir en cest endroit sur luy. Je luy ay aussi baillé argent pour remettre vostre cousin en bon equipage. J'ay prié par lettres monsieur de Foix, de le prendre en sa maison: ie croy qu'il ne m'esconduira de ma requeste. Je vous puis dire auoir receu vne fascherie tresgrande de la forme de ce voyage. Dieu peut estre permettra que le tout retournera à bien. Mais pour vous dire ce qui en est, ie trouue qu'il n'y a riens plus veritable que ce que dit Tertulian escriuant à sa femme, que le plaisir que nous prenons de nos enfans est plain d'amertume: & que ce n'a point esté sans cause que saint Ierosme a discouru en vne epistre, sans pré-

*Quelle suite
porte auecq
soy l'amour
des peres en-
uers leurs
enfans.*

dre pied & resolution certaine, lequel des deux estoit le plus expediant de soy marier, ou non marier. Quāt à moy i'estime que ceste question se peult clorre par ceste sentence de Martial.

*Ne mets trop ton amour, ou ton cœur sur autruy,
Tu en auras moins d'aïse, & aussi moins d'ennuy.*

Je croy que celuy qui n'a point d'enfans, ne reçoit tant de plaisir que celuy qui en a; mais aussi ne sent il pas tant de trauerses & pointures en son esprit, comme l'autre. A Dieu.

*A Monseigneur de Foix, Ambassadeur pour le
Roy à Rome.*



E loüe Dieu que soyez paruenü à chef de vos affaires, & vous remercie humblement qu'il vous ait pleu me faire part de ces bonnes nouuelles, encorres que ne les ayez estalees qu'en gros.

Mais la commune renommee nous les auoit debitees par le menu. Estant chose que nous tenons pour tresasseuree, qu'avez esté receu & promu à vostre Archeuesché de Tholose, par ce grand & saint Consistoire, avec tous les fauorables eloges que vous pouuez souhaiter. En quoy i'estime vostre promotion de tant plus, que d'estre Archeuesque, ce vous est chose cōmunē, avecq' plusieurs Prelats, mais d'y auoir esté appellé avecq' tant de prefases d'honneur, mesme par nostre saint pere le Pape, cela ne se com-

munique à nul autre. Cecy m'est vn prognostic tres certain del'acheminement au Chapeau. Feu monsieur de la Borderiere & apres luy monsieur de Rambouillet, tenâts le mesme rang que vous tenez maintenant dans Rome, rapportèrent de leur legation ceste recompense, qui ne vous est pas moins deuë qu'à eux. Et celà me fait souhaiter que vostre nouvelle dignité ne vous donne point d'enuie de retourner si tost en France, ains que supersediez quelque temps de delà: Assuré que ferez plus dorenauant en vn mois, qu'auparauant en vn an. Chose que ie vous escriis, non pour vous donner aduis, sçachant bien que n'en auez affaire, ains seulement pour vous faire paroistre, que iamais ne ferez si grand que ie desire, & que le meritez. A Dieu.

*A Monseigneur de Tou conseiller au Conseil d'Etat,
& Aduocat du Roy en sa cour de Parlement
de Paris.*

*Il rit par
cette lettre
auecq' mon-
sieur le pre-
sident de
Tou lors
Aduocat du
Roy.*

EN CORES que ie sçache bien, veu les grandes affaires esquelles estés maintenant plongé, que ce soit grandement pecher contre le public de vous en distraire, si est-ce que par vn priuilege qui est familier, non à ceux qui sont extraits de Paris, ains à vn Parisien, tel que ie suis, d'estre naturellement mal apris, ie vous prie ne trouuer estrange si ayant plus de consideration & esgard à l'estat de mes affaires, que des vostres, ie me donne maintenant carriere: Je dy par expres à l'estat de mes affaires.

Car estant en plaines vacations, pour estre les affaires de nostre Palais, sinon du tout taries, pour le moins diminuees grandement à l'occasion de vos grands Iours de Clairmont, ie penserois faire plus de faulte en me taisant, que rompant mon long silence, vous diuertir de vos plus serieuses pensees. Et toutesfois ne pensez pas que receuant la presente, vous y trouviez de grandes nouuelles: Le cognois auourd'huy par effect, ce que la seule imagination me faisoit par cy deuant acroire, que les nouuelles naissent dedans nostre Palais avecq la pratique, & qu'elles prennent leur naissance, augmentation, progres & desfinemēt selon le croist ou descroist d'icelle. Vous penserez parauenture que ie me mocque, mais il est vray. Et n'est pas peult-estre malaisé d'en rendre la raison, si vous considerez que l'affluence des affaires cause la multitude du peuple, laquelle est non seulement mere des nouuelles, mais outre ce, comme l'Ourse, en les lechant, ou pour mieux dire doreloutant, les accommode de toutes les façons que l'on y scauroit desirer. Delà vient que sur vn Change de Lyon, à la Realte de Venise, à *i banchi* de Rome, on ne manque iamais de ce sujet. De là que dans nostre Palais on n'en demeure non plus court, que des causes. Voire que ie puis dire, car il est vray, que ce sont choses correlatiues. Et que quand le Palais, demeure sans causes, il demeure aussi sans nouuelles, & que plus asseuré pied vous ne scauriez prendre, pour dire qu'il y a peu de causes,

Les nouuelles croissent en la sale du Palais, & pourquoy.

si l'on vous y manque de nouvelles. Je voy bien que
 iusques icy vous vous estiez gardé de rire, mais que
 maintenant la patience vous eschapera, & que tout
 en vn coup esclaterez, quand considererez que celuy
 qui vous escrit est d'un pauvre malotru aduocar, de-
 uenu inopinément philosophe. Et toutesfois ce ne
 me seroit pas petit aduantage: encores que ie sçache
 que tous ces philosophes contemplatifs soyent or-
 dinairement baguenaudiers. Mais ma condition est
 bien pire, estant depuis vostre partement deuenue vn
 oisif, faitneant, poltron, *La medesima dapocagine*, &
 à peu dire homme qui ne craint & haïst riens tant
 que vos grands Iours. Craignant qu'à vn besoing ie
 feusse maintenant vray sujet & proye d'un Preuost
 des Marechaux. Et n'y a qu'un cas qui m'en garen-
 tist, c'est que ie ne suis vagabond, ains reduit en la
 solitude de ma maison, hormis quelques deux heu-
 res dont ie me dispense tous les matins au Palais. Je
 vous en compterois dauantage, & me lairrois pres-
 que aller à la mercy de ma plume, n'estoit que ie ne
 suis pas si esperdu ny esgaré en mon priuilege Pari-
 sien, que ie ne me resouuienne assez, vous auoir ia
 trop fait perdre du temps: toutesfois si ie fais fau-
 te, vous l'imputerez à vostre debonnaireté. Vous
 priant prendre iusques icy ce que ie vous ay es-
 crit comme vn aiguillon pour vous destourner
 de vos empeschements, & fascheries. Quant à
 ce que i'ay à vous escrire cy apres, tous tant de
 seruiteurs & amis que vous tous Messieurs auez en
 ceste

ceste ville, qui ne sont pas en petit nombre, non seulement vous souhaitent, ains se promettent vn bon & heureux succez de vostre legation. Vous auez vn grand Achilles avec vous (accompagné de plusieurs braues capitaines) és actions duquel i'ay dés pieça obserué, que quelque difficulté qui se presente sur son aduenement, la fin luy en est tousiours bonne & agreable. Au regard des affaires de nostre Palais pour vous en parler à bon esciant, encores que le temps des vacations, & distraction des affaires que soustenez maintenant sur les espauls, comme vn Atlas, le rend plus solitaire que de coustume, si est-ce que les egousts font paroistre combien est grand ce Parlement. Aussi que la plus grande partie de noz compagnons estants dehors, fait ioiir ceux qui sont demeurez d'vn certain droit d'accroissement. Ce pendant nous attendons vostre retour avec bonne deuotion, & à la charge qu'estant de deça vous serez bien empesché de reccuoir les bonnetades & caresses de ceux qui vous accueilleront.

A Dieu.

*A Monsieur Mole seigneur de saint Remy,
Conseiller en la Cour de Parlement de Paris.*

IA Y veu les lettres qu'auuez enuoiées à quelques-vns de voz amis de deça, qui m'ont remis en memoire la forme quel'on obseruoit anciennement, lors que l'on ordonnoit des mede-

*Il discours
en ceste let-
tre combien
il estoit mal
aise lors des
grands iours
de Clair-
mont de re-
dire toutes
choses en bñ
train, &
rend les rai-
sons.*

Ecc

cines aux malades, esquelles on auoit accoustumé de froter les bords du gobelet de liqueurs douces & soüiefues, pour faire trouuer le breuuage moins facheux à prendre: ainsi les bords de voz missiues m'ont semblé infiniment doux & plaisans, ie veux dire le commencement plein d'une bienvueillance admirable, & la fin ou i'ay veu vostre nom que ie respecte entre les autres. Mais à mesure que ie suis entré en matiere i'ay pensé prendre, non vne medecine, ains vne poison qui m'a frappé iusques au cœur. Et ce encores de tant plus que la maladie dont escriuez semble hors d'esperance de guerison. Car quant à la ville où faites vostre seiour, ie n'y trouue riens de nouueau. Elle ressemble propremēt à ceux qui pour estre sans leurs merites montez à haults degrez, se mecognoissent fort aisément, ainsi ayant ceste ville receu vn honneur inespéré, vous ne deuez trouuer estrange si elle s'oublie pareillemēt. Mais au regard du desordre qu'avez trouué au pays, i'ay tous les regrets du monde que ie ne suis mainrenant des vostres, non pour vous y seruir d'autre chose, que de contribuer à la iuste douleur avec vous, que ie vous y voy apporter. Je ne pensois pas que les affaires fussent en tel desordre, toutes-fois ie ne desesperes en riens de mon premier prognostic, qui est que la fin vous donera plus de contentemēt que le commencement. Or combien que ie ne puisse bonnement digerer ce fait, comme ceux qui sont presents, si est-ce que puis que le mal court par tout le pays, il me semble que

nous deuõs au cas qui s'offre ressembler au bon medecin, & considerer la cause de la maladie, puis quelles sont les occasiõs pour lesquelles les remedes semblent estre difficiles & obscurs. Si i'ay bien recueilly de voz lettres, le principal desordre qu'auetz trouuë au pais, prouient de deux sources. L'une, de l'insolence desordonnée des gentilshommes, l'autre de la conuiuence des Iuges. Qui sont deux maux qui fraternisent ensemblement. Car la conuiuence des Iuges peut auoir apporté le desordre qui est en la noblesse: comme aussi le mesme desordre peut auoir esté cause de la conuiuence des Iuges, qui n'ont peu resister à la force. De ma part il faut que ie vous die libremẽt, que ie ne trouue point estrange (ore que i'en sois tref-marry) les deportements de ceste noblesse, quand ie considere la nature du lieu où elle seiourne, qui est en pays montaignart, eslongné tant de la lumiere du Roy, que de la Cour de Parlemẽt, ioint leur desbaux qu'ont apporté noz guerres ciuiles depuis xxij. ans en ça, pendant lesquelles les gentilshõmes ont tousiours eu les armes aux poings, sans aucune discipline militaire. L'habitude de l'air produit quant & soy les esprits plus doux, ou plus hagarde. Et ne voiez les bestes sauuages s'habituier aux câpaignes, ains aux montaignes ou forests. Dauantage on dit que la presençe ou absence d'un maistre rend le champ plus gras ou plus maigre. Voulant dire qu'il n'y a point de plus seur controle de nos actions que la veüe de celuy qui a toute intendance sur nous. Et finalement il n'y eut

*L'insolence
des gentils-
homme. &
conuiuence
des Iuges
fraternisent*

*Pourquoy il
estoit fort
aisé à la no-
blesse d'au-
uerger de se-
licentier ex-
traordinaire-
ment.*

*chacun veut
estre mai-
stre pendat
une guerre
ciuile.*

iamaïs guerre ciuile qui n'ait produit vn Chaos, mes-
 lange & dissolution generale de toutes choses. C'est
 pour bien dire rai en paille: chacun y est maistre. Et
 c'est la cause pour laquelle, les plus grands Empe-
 reurs furent contraints, en tel desarroy, caller la
 voile à la tempeste. De sorte que ce grand Auguste
 harenguant au milieu de son camp ceux qui estoient
 à sa suite, il les appelloit pendant les guerres ciuiles,
 ses compagnons, mais quand il en fut dehors, & l'e-
 stat luy estant assésuré, il les nommoit ses soldats. Et
 tout ainsi qu'un sage Senateur de Rome nommé Al-
 phenus Varus disoit que durant les troubles, les gen-
 darmes se donnoient plus de loy & autorité que
 leurs capitaines, aussi veulent faire le semblable les
 gentilshommes au preiudice des Rois, Princes, &
 grands seigneurs. Vn Prince iuste n'a pas lors assés
 de quoy pour fournir à tant d'insatiabables cupiditez
 qui sont en armes. Toutes ces considerations ont (si
 ie ne m'abuse) causé le desordre de la noblesse du païs
 où vous estes. Et si me permettez de le dire, i'eusse
 trouué plus esmerueillable qu'en tant d'occurrences
 de desbauches ils se fussent contenus en leur ancien
 deuoir. Ceste presuppositiō estant faite, il faut enco-
 res trouuer moins estrange le peu d'ordre que l'on y
 peut apporter maintenant. Car c'est vne proposition
 generale de nature, qui se tourne en reigle de droit,
*Toutes choses prennent
fin selon la
proportiō de
leurs pro-
gres.*
 que toutes choses prennent leur fin par mesme pro-
 portion, qu'elles ont pris leur accroissement & pro-
 gres. Le champignon croist, & se ternit en vne nuit,

les Ormes qui croissent avec vne grande suite d'années, prennent aussi fin de mesme balance. Passez en la sensitiue; celuy qui se colere aisément, est fort aisé a appaiser. Au contraire le melancolic qui est d'une humeur lente & froide, tout ainsi que tardiuement il entre en ces alteres, aussi s'estant coléré, tardiuement bānit-il le courroux de sa fantasie. Cōsiderez les maladies du corps qui se sont acharnées sur nous à petits traits, si vous les pensez guerir tout à coup, c'est perdre par un mesme moien, & le patient, & la maladie. Vous pouuez presque recueillir à quel propos ie vous faiz ceste inductiō. C'est pour vous dire que ce seroit un grād miracle, qu'une seule seance des grāds Iours, qui sont, si ainsi voulez que ie le die, passagers & transitoires, put exterminer tout à fait le desordre, qui a pris ses racines depuis le commencement de nos troubles. Tout ainsi que petit à petit ce mal s'est insinué là où vous estes, aussi faut-il avec quelque traite de temps le resfoudre. Pareillement ny plus ny moins qu'en la medecine, és maladies desesperées & croniques, il y a certains mois que l'on ordōne pour les baings, comme en May & Septenibre, & qui les ordōneroit en autre saison, ce seroit perte de temps, aussi vous puis-ie dire qu'à la guerison de ce mal qui se presente deuant vous, tout autre temps sembloit estre plus propre que cestuy-cy. Les troupes qui courent aujourdhuy par la France au voyage de Flādres pour Monsieur le Duc, seruēt à tous les malgisants de fort, comme le rousse de bois au cerf mauméné des

*Certains
mois ordon-
né pour les
baings na-
turels.*

Veneurs. l'adiouste que l'on leur a baillé tēps & loisir de penser à leurs consciēces depuis l'an passé q'il fut bruit que l'on alloit à Clairmont : & ne les prenez à l'impourueu comme l'on feir aux grands iours de Poitiers de l'an mil cinq cens soixāte dix-neuf. L'italien qui faict profession de vengeance, & qui est maistre ouurier en ce sujer, a vn proverbe qui luy est forr familier : *Che le minaccie sono gli armi di nimici.* Plus grand ennemis n'auoient ces Messieurs dont escriuez que la iustice, contre laquelle ils se sont armez en discours, & ont fait leurs preparatifs pour se garentir. Si en telle affaire que ceste-cy i'auois quelque voix en chapitre, iamais on ne feroit ouuerture de grands iours en temps de guerre : la iustice ne peut estre bonnement ouie au milieu des sons des clairons & trompettes : & mesme contre vne noblesse qui a les armes aux poings. Je ne dispute pas si elles sont aduouiées, ou non, par le Roy, il me suffit que la seconde personne de France les aduouë, pour auoir par cy apres vne abolitiō generalē en faueur de ceux qui seront cōtumacez. Tout le discours que ie vous ay fait, regarde le general de l'affaire : ce que i'en tends vous escrire par cy apres, ira s'il vous plaist de vous a moy. Je crains que le zele que vous tous auiez sur vostre aduenement, apporté à la punition de crimes ait nuit à vostre intention : ie veux dire qu'ayants des memoires & instructions des fautes commises par les plus grands, ayez fait demonstration trop ouuerte de vous vouloir atacher a eux. A la verité c'est vn

remede souuerain en iustice, voire en toute affaire d'estat, des'atacher aux plus grands quand ils le meritent. Car vn seul de ceux-là punis, apporte plus de crainte & terreur à tout le demeurât du peuple qu'une infinité de petits. La punition d'un seigneur que ie ne nomme point, estonna plus aux grands Iours de lxxix. tout le Poitou, Anjou & Touraine, que tous les autres qui furent executez à mort. Mais ceste reigle ne doit pas estre perpetuellement mise en vſage, ains seulement lors que nous tenons ces grands dans noz rets, & qu'ils ne nous peuuent eschapper. Que si nous ne les tenons, c'est vne chose tref-dangereuse de vouloir mettre en œuvre ceste proposition. D'autant qu'ils ont telle suite & vasselage, que non seulement nous ne pouuons mettre à effect encontre eux ce que nous-nous estions promis, mais qui plus est par conseils sombres & couuerts, ils prennent la cause des plus foibles en-main, les accommodent de leurs maisons fortes pour leur seruir de retraites : & ainſi le grand y apportant le poix & auctorité, & les moindres le nombre, & faillants vne ligue mutuelle entre eux pour se fortifier contre la iustice, il aduient que noz entreprises ne reüssissent à telle fin que nous nous estions projettez. Qui eust passé pour quelque tēps par quelque dissimulation le fait des plus grāds, peut estre eussent ils aidé à faire exemple des plus petits. Je ſçay bien que vous me direz, qu'en ce faisant c'est exercer vne iustice courtisane, & non celle que vous-vous estes tous proposez allants pardelà. Que

*En quelle
façon on doit
chastier les
grands.*

S'il est expedient en abondance de vices rechercher les anciens pechez.

c'est rendre la loy semblable aux filets de l'araigne, & faire ce que dit Porus au Roy Alexandre estant pris de lui, que l'on pardõnoit aux grâds coursfaires, pour prendre punition des petits : mais en vn mot ie vous responds que quand en telles affaires, on ne peut ce que l'on veut, il faut vouloir ce que l'õ peut. Ie crains encores vne autre chose qui me semble estre de grâde consideration. Qui est qu'en telle frequence de delits qui s'estoient tourne par long vsage en nature (ayants fait de vice vertu, ou pour le moins chose indifferente) l'on ait voulu rechercher les anciens pechez de ceux qui depuis auoient vescu quoyement en leurs maisons. Ie le vous représenteray par exemple. Il se trouuera peut estre gentilhomme qui auoit mesfait selon la licence du temps il y a dix ou douze ans; depuis il a vescu en sa maison sãs estre recherché, au veu & sceu de tout le monde accõpaignant toute la teneur de sa vie de preud'homme; certes encores que ie sçache bien que par le formulaire de noz loix, tous delits ne se prescriuent & effacent que par vingt ans, si est-ce qu'en vne consideration generale du repos de tout vn pays, nous deuons apporter de tresgrâds regards, auant que de vouloir reslâcer ces vieux pechez. De là vindrent les Amnisties & cõiuences du Magistrat aux fautes passées, quand elles se trouuēt generales. Ceste propositiõ frappe à l'Estat, direz-vous. Et celà mesme qui se presëte à voz yeux y frappe pareillement, puisque le desordre est tel qu'escruez. Mesmement qu'en ces vieilles recherches, il aduient ordinai-

ordinairement que pendant que le bon Magistrat poullé d'un zele de iustice, pèse faire ce qui est de son deuoir, la vengeance de quelques ennemis cachez se met souuent de la partie. Se vangeants par ce moien souz le masque du public de leurs inimitiez priuées. Les parties ciuiles seront parauenture tombées d'accord, long tēps auparauant le bruit des grands Iours. On suscitera souz main vn Procureur du Roi, par deuers lequel reside l'effect de la vindicte publique: cōtre laquelle patrocinoit & la transaction des parties, & la longueur du tēps passé, & la preud'homme dōt depuis s'estoit comporté celuy que l'on veut preuenir en iustice. Je diray librement ce que j'en pense: la religion des Iuges qui vous enuoient les instructiōs de cecy, m'est grandement suspecte. Le mal qui aduiēt presque en matiere des grāds Iours, qui n'y préd garde de prez, est que *ut antea flagitiis, ita tum legibus laboramus.* Je ne dy pas que ces vieilles fautes vous ayēt esté ramentuës, mais si celà est aduenü, ne faites doute qu'il n'ait fait tenir beaucoup de gens sur leurs gardes, qui sentoient y auoir del'ordure en leur fait, veu quel ō vouloit faire le procez sur vne vieille faute à celuy qui estoit en reputation d'homme de bien parmy le peuple. Si Dieu m'eut fait ce bié d'estre des vostres (chose que ie regrette infinimēt) & que tels objets se fussent presentez, i'eussē volōtiers fait comme le nouice, lequel estant au derriere la chaize d'un grand prescheur qu'il seconde, quand il le voit par vne iuste douleur s'exclamer encontre les vices, le

*Qu'il faut
en tous
grāds Iours
craindre sur
toute chose
la calomnie.*

*Connuëes
des Iuges
du pays.*

tire par le bord de sa robbe, à ce qu'il ne se mette à l'effor, aussi me fusse-ic enhardy de vous prier d'apporter quelque moderation à la iuste rigueur de iustice, & ne mettre point vn espouuantemēt general au pays, à fin que chacun fust doucemēt demeuré en haleine. Voilā à mon iugemēt les obstacles qui nais-
sent dans le corps mesmes de la noblesse. Celuy que vous cortez par voz lettres n'est pas moins grand, qui est la connuëe des Iuges inferieurs. Car quel remede pouuez-vous apporter par voz ordonnances & inionctions, si vous ne trouuez ceux qui vous doiuent assister, disposez à vous obeir? Parauenture que la crainte, aussi tost que la faueur, nous a procuré ce mal. Par ce qu'estants les Iuges (aussi bien que le cōmun peuple) asservis souz la tyrānie des plus forts, ils craignent le retour de matines, lors que vous aurez deslemparé le pays. l'adiouste encores ie ne sçay quoy qui a peu induire ces Iuges à ne se rendre si souples & disposés à receuoir voz commandemens. Vous sçauuez que l'ancien seiour des grands Iours au pays d'Auuergne, & de Bourbonnois estoit en la ville de Ryon, ou de Moulins. On les a laissées, pour vous loger en vn siege qui lors de la publication de voz grands Iours n'estoit encores mis entre les Royaux. Il n'y a riens qui apporte tant de despit en noz esprits que le mespris. Il y a bien plus. Car pour le regard de Ryon, non seulement il estime estre mesprisé, ains offensé, par le desmembrement que l'on a faict de son siege, pour en accommoder ce-

luy de Clairmont. Et en ceste opinion, ie ne ne trouue pas trop estrange qu'ils se rendent aucunement lents & refroidis, (specialement en ces deux Provinces) à ce qui est de leur deuoir. Le Roy aux grands Iours de Poitiers sevrà sa puissance de toutes abolitions & euocations : Ie ne sçay si en ceulx-cy il a fait le semblable : bien sçay - ie que l'ouuerture d'une seule euocation ou interdiction de cognoissance à vous autres Messieurs est vne grande planche & port d'assurance pour les autres. Le plus fort & assuré rempart pour la conseruation de l'autorité des grands Iours, est quand en ce commun cours de iustice, la misericorde du Prince, ou sa puissance absolue n'entre-en jeu. Ie me veux doncques maintenant estancher, & faire mon profit si ie puis de tout ce que j'ay deduit cy dessus : vous auez d'un costé trouué la iustice en defaut, soit ou par crainte, ou par faueur : d'un autre costé, la noblesse non seulement disposée à ne vous donner nul confort & aide, ains estre celle sur laquelle deuoit tomber le principal exemple de voz grands Iours : Et vrayement il est impossible que vous rapportiez tel contentement de vostre entreprise, que souhaitez. La Republicque est comme vn horloge, auquel il ne faut que le dereglement d'une seule rouë, pour desbaucher tout le demeurant ; 'ou bien comme vn bateau auquel il y en a qui ne seruent que de iouer des mains, comme ceulx qui titent les aui-rôs & les autres sont destinez à manier le gouuernail,

Qu'en matiere de grands Iours il faut craindre sur toutes les euocations & abolitions.

côme le maistre marinier. Et faut que ces deux parties s'entendent ensemblement, qui voudra faire voguer le vaisseau. Aussi en vain vous autres Messieurs qui tenez le premier gouvernail de nostre iustice pouuez vous venir à chef de vostre intèction, si vous n'estes secondez par les autres. Et neantmoins quelques discours que nous faisiôs, encores q̃ pour quelque temps voz desseins demeurent en friche, si est-ce que ie m'asseure que vous estâts affermis, vous aurez vn meilleur succez que n'esperez. Le semblable en est il aduenu à Mōsieur le Presidēt de Harlay aux grâds Iours de Poitiers, desquels toutes-fois il sortit avec vne fin si heureuse, qu'il est impossible de plus: lequel estant maintenāt encores vostre chef, ne pensez pas que sa fortune luy vueille estre maintenāt marastre: la sçachât accompagner de tout ce que l'on peut desirer de vertu & de conseil en vn homme de bien & bon Iuge. A Dieu.

A Monseigneur de Harlay Conseiller d'Estat & premier President en la Cour de Parlement de Paris.

*il congratule
le aduancement
le premier
Presidēt de
sa promotiō
en cest estat*

NE NE faiz nulle doute que n'ayez esté d'une mesme voie aduertty, & de la mort de feu Monsieur le premier President, & de vostre promotion en son estat. Qui a causé douleur & deuil tout ensemble. Par ce que d'auoir perdu vn si grand personnage comme le defunct, si aduantageux pour le repos du public, si zela-

teur des choses bonnes, il n'y a homme de bien qui n'en ait porté vn tref-grād regret dedans sa poitrine. Mesmes que toures mutations inopinées telles que celle-là, apportēt ordinairement de grandes craintes & ^{tristesses} fiances aux esprits des hōmes. Mais vous n'avez pas si tost esté nōmé en cest estat par le Roi, que tout ainsi que par les rayōs du Soleil nous voyōs les nuées chassées; aussi chacū à l'instant mesmes a tourné son dueil en vne extreme resioiſsance. Ne pensez point ie vous prie que ie vueille donner cecy à la seruitude que i'ay en vous: si vous avez esté nōmé prōptement par le Prince, vous auiez aussi la voix cōmune de tout le peuple pour vous, en ce peu d'entrejer de tēps que nous auōs souffert eclipse de cest estat, chacū vous y souhaitoir, & tout aussi roſt a esté le souhair du peuple accōply. Chose qui de tant plus vous doit apporter de contentemēt, que les autres pour le iourd'huy poursuient ambitieusement les offices, & encores à gresse d'argēt, sans y pouuoir quelquefois attaindre: vous non seulement ne le poursuuant, mais qui plus est absent & ne le sçachār, avez esté appellé à ce haut degré. Et vrayemēt vous auiez interest tref-grand d'estre enuoié en ceste legation où vous estes (ie dirois presque relegation pour les trauerſes qu'y avez receuës, & mauuais offices que l'on vous y a faits du cōmancemēt) & importoit à vostre dignité que fusliez hors de ce païs en ce tēps cy, pour recueillir de vostre absence vn si noble fruit. Car à fin que ie laisse à part l'estoſe, ie veux dire la grādeur de cest estat, la façon

*Belle &
heureuse
promotion à
l'estat de
premier Pre-
sident.*

m'en plaist cent & cēt fois dauātage. Parce que quād ie remets deuant mes yeux la bonne volonté du Roi en vostre endroit, la souuenance qu'il a eu de vous, brief que cōbien que n'ayez iamais fait profession de courtoiser qu'auēc dignité, toutesfois vous seul^{ment} ayez esté par luy choisi par dessus plusieurs abayants, & mesmes sans autre plus grāde deliberatiō que d'un demy iour : quand avec ce ie considere la cōgratulation commune non seulemēt des bons, ains generalement de tout le peuple, il me semble que iamais hōme n'eut tant d'occalion de se contēter que vous. Mais encores le plus beau que i'y voye, c'est que vostre fortune symbolise en cecy grandemēt avec celle de feu Mōsieur vostre pere, lequel fut salüé de son estat de President à l'impourueu, & lors que moins il y pensoit: Luy dy-ie par le Roy Henry secōd, & vous par Henry iij. son fils. Cen'est pas peu que Dieu vous face successeur de ses bonnes auentures, ainsi que de ses loüables vertus. Qui ne cognoistroit l'hōneste liberté dōt i'accompaigne toute la teneur de ma vie, il pēseroit lisant tout cecy que ie me sois proposé faire acte de flaterie: tant s'en faut que mon intention soit telle, qu'au cōtraire ie ne vous ay ramentu toutes ces particularitez, sinon pour vous faire aussi souuenir que se trouuans tant de benedictions de Dieu auoir à coup conflué, comme vn grand torrēt de fortune en vostre faueur, si oncques par le passé vous feustes retenu en vos actions, vous deuez maintenāt plus que iamais apporter de crainte & circonspectiō en voz

affaires, pour la grande obligation dont toutes ces belles rencontres vous rendent redeuable au public. La memoire des vertueux deportements de feu Mōsieur, vostre pere, est encores empreinte au cœur de plusieurs gens de biē: on sçait de quelle preud'hōmie vous-vous estes armé iusques à huy: l'on voit la nouvelle recherche & election qui a esté faite de vostre personne: he vrayemēt (ie le vous diray cōme vostre seruiteur treshumble, laissant toute hypocrisie en arriere) la reputatiō qu'avez acquise par le passé, cōiointe avecques l'expectation que l'on s'est imprimée de vous pour l'aduenir, vous doiuent à mon iugement aprestier plus à penser qu'à nul qui se soit présenté de uāt vous. Ceux qui discourent exterieuremēt des affaires de nostre France; mettent l'estat du Chancelier au premier rang, & certainemēt non sans cause. Mais quant à moy, ores que le vostre ne soit si grand, si ne l'estimē-ie pas moins beau; pour estre plus stable & arresté, par ce que le premier est exposé à la mercy des vagues de la Cour du Roy, & n'a autre garend de l'enuie que les grands peuuent cōcevoir contre luy, que soy-mesmes. Mais vn premier President d'vne Cour de Parlement de Paris, tenant tel rang que chacun sçait, peut sagement reietter toutes ses excuses, & par consequent l'enuie, sur yn corps qui ne meurt iamais, comme estant le principal nerf & retenail de nostre Royaume. Et de là vient qu'vn premier President subsiste tousiours iusques à ce qu'il ait pleu à Dieu l'appeller à soy. Vous viurez dōcques

*De quel es-
tose et grā-
deur est l'e-
stat de pre-
mier Presi-
dent de Paris.*

en cest honnesté contentement, & nous au vostre: vous assureât que n'estes pas moins content en vous mesmes, que tous voz seruiteurs & amis sont pour vous, entre lesquels ie vous supplie humblement me garder vn petit coing en voz bonnes graces. A Dieu.

*A Monsieur l'Archer Conseiller au Parlement
de Paris.*

*Combien il
est bien seürs
à vn homme
de ne s'este-
uer plus
haut pour
auoir esté
appelé à vn
grad estat.*

*Combien il
est malaisé
de ne se per-
dre aux pre-
mieres nou-
uelles d'une
bonne for-
tune.*

*Qu'en tēps
calamiteux
vn homme
de bien doit
enuer les
grands estats*

LE bruit cōmun de ceste ville, dōt aussi i'ay eu quelque sentimēt par vos lettres, est que Monsieur le premier President ne s'est esleu plus haut pour les nouuelles qu'il a receyēs de sa promotiō, & qui plus est qu'il fait plusieurs cōsultatiōs avec ses amis, sçauoir s'il doit accepter ceste charge. Quāt au premier point ie vous assure que ie faiz maintenant plus d'estat de son bon iugement que ie n'auois fait par le passé, ores que i'eussesse assuré. Car il n'y a riens si aisé à nous perdre qu'un grand flot de bōne fortune, & toutes & quantes fois qu'en telles occurrences d'affaires, nous ne sortons point hors de nous, c'est vn miracle, & chose qui outrepasse non seulement les bornes du commun vulgaire, ains de ceux mesmes qui sont en reputation d'estre les plus sages. Et pour le regard du second, ie vous puis dire que s'il veut mettre en balance les contentements de luy seul, ie ne faiz nulle doubte, qu'il ne fait beaucoup plus pour luy en s'excusant de ceste charge, que l'acceptant: Voire qu'en repudiant cest honneur, il ne s'en procuraist vn autre infiny non seulement

enuers

enuers les viuants, ains enuers la posterité, que luy seul au milieu de ce siecle peruers eut mis l'ambition sous pieds. Toutesfois ayant ce perpetuel but en moy, que tout bon citoyen n'est né pour soy, ains pour sa patrie, & que pour l'accommoder en son général, il se doit incommoder en son particulier, ie le vous trancheray bien court, comme à l'un de ses bons amis, mon opinion est qu'il feroit vne faulte infinie s'il ne l'acceptoit. Cest estat desire vn homme de bien en tout temps, & specialement en cettuy. Vous sçauiez la belle ambition de Caton Vticense, lequel estat aux champs ayant eu aduertissement qu'un homme corrompu vouloit briguer l'estat de Preteur de Rome, soudain rebroussa chemin en la ville, & se rendit son competeur, n'espargnant nulles sortes de brigues, encontre son naturel. En quoy les choses luy succederent si apoint, qu'estant fait Preteur, il seroit impossible de dire quel bien il apporta au public. Si pour s'opposer à vn homme corrompu, à plus forte raison pour faire teste à vn siecle corrompu, tout preud'homme doit souhaiter d'estre appellé à l'administration de la chose publique. Il ne fault point qu'il apprehende d'estre successeur d'un grand homme : c'est en ceux-là quelquesfois, auxquels sont les plus signalees faultes : Balançants le plus souuent les affaires aux poix sans plus de leurs opinions, ne se souuenants pas qu'ils sont hommes, c'est à dire fautifs, comme tous les autres, & que la plus sage proposition qu'un chef puisse auoir, c'est de deférer à

*Les grands
hommes font
les grandes
faultes.*

certaines heures, comme sont ceux qui sont appellez aux estats: le croy que vous pouuez pèser pourquoy ie vous escrips cecy. Pauvre malheureux que vous estes, quelle opinion nouuelle d'ambicion est ce qui vous a surpris, de vouloir quitter ceste belle qualité d'Aduocat en laquelle vous estes Roy en vostre ville, pour entrer sous vn nouueau ioug de seruitude de Iuge? Il y a trente ans & plus que vous tenez l'un des prentiers lieux entre ceux de nostre ordre en vostre pays: estant chery & aimé des grands, respecté du commun peuple, viuât en vne honnesteliberté sans alteration de vostre cōscience; & maintenant qu'estes arriué sur l'aage, desirez, ainçois ambicieusement poursuiuez d'estre lieutenant de Prouince. C'est pour procurer à ma vieillesse vn repos (dites vous) & aduancer ma famille. O imaginaires discours dōt nous nous trompons aisément, quand nous chatouillons nos pensees de quelque vaine ambition! Que vous pensiez que voguant au milieu des flots, vous soyiez arriué au port: Estant Aduocat du commun, vostre fortune depend de vous, & de vostre fonds: estant appellé à cest estat, vous dependrez deormais des grands, qui le vous auront octroyé. Et si ne satisfaites à leurs opiniōs, vous perdez à vn instant toutes leurs bonnes graces, ainsi que nous voyons vn estourbillon estre enleué par le vent. Quand ie vous voy tenir ce party, vous me faites souuenir du Roy d'Egypte Ptolomee, lequel estat aucunemēt en mauuais mesnage avecq' ses subjets, desira d'aller à Rome deman-

der secours: Estimât auoir plusieurs intelligēces avec les grāds & Potentats, par le moyē desquelles il viendroit au dessus de ses aduersaires. Lequel se trouuant dans Chypre avec Caton, il fut par luy dissuadé de ce faire. Luy remōstrant que quand il seroit dans la ville, tel qui le cherissoit par lettres, ne feroit pas semblāt de le cognoistre, & qu'il y trouueroit tāt d'espinnes qu'en fin il voudroit n'y estre arriué. Luy conseil-
lant pour ces causes, sans aller à Rome, de se reconcilier avec ses subjets. Toutesfois n'ayant voulu croire à ce grand personnage, il prit la route de Rome, où il trouua, mais à tard, que ce qui luy auoit esté predict, luy estoit aduenü. Je ne suis point vn Caton, mais ie preuoy que si vous sortez de vostre Roiaume, il vous aduiedra le semblable. Pour ceste cause ie seray tousiours d'aduis que vous vous reconciliez avec vous mesmes, & repreniez vostre vieille route. Et sur tout estimiez que si vostre estat estoit venal, il y a tel qui en voudroit bailler trois & quatre fois plus d'argent que de l'office que souhaitiez. I'adiousterois volōtiers que c'est vn estat nouveau, introduit au mesconten-
temēt de tous vos iuges de Rion, & plusieurs autres particularitez, si ma lettre les pouuoit porter, mais ie me suis leuē tard, & le messāger me presse. Et toutes-
fois pour vous cōtenter, i'ay parlé à ceux que ie pensois pouuoir faire pour vous, & dont m'auēz elcrit, entre lesquels l'vn des premiers seigneurs de nostre Cour, vous y fait de bien bons offices. Quel sera l'euēnement, ie ne le puis dire, voyāt les obstacles qu'y

auetz. D'une chose me consolé-ie, parce que de quelque façon que ceste affaire tourne, vous demeurerez le victorieux. Car si vous obtenez selô vostre intention, vous aurez victoire de ce que desirez. Si au contraire vous en estes esconduit, vous rapporterez vne autre victoire de ce que deuez desirer. Aduertissemēt que ie vous prie prendre de moy vostre ancien amy, cōme fait le malade vne medecine, qui luy est amere en la prenant, & luy cause quelque temps des trencées, mais en apres produit de beaux effects de guarison. Je seray non seulement vostre medecin, mais encores passant plus outre, ie seray icy l'Astrologue. Car voyāt que l'on tire les choses en lōgueur, ie prognostique quel'on trouuera tant d'obscuritez en ce nouuel establissemēt de siege Presidial de Clairmōt, que ceux qui en ont esté les premiers autheurs & promoteurs, trouueront à la longue plus expediant de laisser (comme l'on dit) le moustier où il estoit. Le partage estoit beau entre les trois principales villes de vostre pays. Que la ville de Clairmont reluisit par son Eglise pour y estre estably le siege de l'Euesché, celle de Rion par le siege Presidial, & qu'à la ville de Montferrant on eust attribué le nresnage & charge des tailles. Au demourant ie suis tresaise de la bonne part qu'auetz eu en nos grands iours de Clairmont, & n'en ay esté de riens trompé. Vous remerciant aussi des deniers qu'auetz presté à mon fils, qui l'ay remplacé suiuant vostre mandement, pour vostre. A Dieu.

A Monsieur de la Bite, Iuge general de Mayenne.

*Il fait icy
recit de la
belle vie &
belle mort
de monsieur
le premier
president de
Tou.*

VOUS me demandez quelle a esté la vie & la fin de feu Monsieur le premier presidēt de Tou. Je vous responds, belle, heureuse & honorable: tant en particulier que public, depuis le bers iusques au tombeau, & telle que malaisément pourrez vous trouuer sa semblable. Il estoit fils de maistre Augustin de Tou, qui estoit l'un des quatre presidēts de la Cour, lequel vesquit dās nostre Palais en tresgrande reputatiō de preud'homme. Et combien que la coustume des plus riches familles de Paris, soit de ne donner le loisir à leurs enfans de se cognoistre, mais dēs leur premier retour des Vniuersitez les proumouuoir par argent aux offices, spécialement de iudicature, toutesfois cest homme de bien ne permet que cetuy sien fils ny son second (qui tiēt aujourd'huy lieu de premier Aduocat du Roy entre nous) paruinssent par ceste voye, ains par les degrez de vertu, qui sont fondez sur vne longue patience: & voulut que l'un & l'autre suiuit le barreau, & signamment son fils aîné y arriua si ieune qu'à peine auoit il passé l'aage de dix & huit ans, lors que comme vn autre Iuriconsulte Nerua, il respondit du droit & plaïda sa premiere cause. Auquel estat il cōtinua par plusieurs annees chery & honoré grandement de tous, mesmes de monsieur Liset lors premier president, lequel en propos communs l'appelloit ordi-

naïremēt son fils pour vne amitié speciale qu'il auoit en luy entre tous les autres Aduocats. Qui ne luy donna pas petite vogue au Palais, outre ce que de soy-mesmes il estoit assez disposé à se faire grand. Aduocat, il fut fait preuost des Marchands de Paris, auquel estat il donna le premier aduis & dessëing des fortifications de la ville, & encores embellit le port de la Tournelle S: Bernard d'un quay, afin que l'oree de la riuere de Seine fust de toutes parts semblable. Quelque temps apres, la cour de Parlement prenant nouvelle forme par l'introduction du Semestre qui fut fait vers l'an 1553. il fut crée par le Roy Henry second lors regnant l'un des huit presidents de la grand chambre, car il y en auoit quatre à chasque Semestre. Ce temps-là auoit porté quatre fameux Aduocats, Maistres Pierre Segquier, Christofle de Tou, Jacques Aubery, Denis Riant. Letquels en moins de trois ans furent diuersement appelez aux grands estats. Segquier & Riant faits Aduocats du Roy, puis presidents; Aubery lieutenant ciuil de ceste ville, mais sur tout est chose digne d'estre remarquee que de Tou, de l'estat d'Aduocat priué fut de plain faulx fait president de la chambre. Ce qui n'estoit encores aduenu à nul autre que luy. Vous diriez que la fortune fut lors grosse de toutes ces dignitez pour en faire vne si ample & seconde portee, que depuis (comme si elle en eut esté receuë) le passage en a esté presque clos aux autres. L'on introduist vers l'an 1553. le Semestre en nostre Parlement. L'esprit de cettuy que ie

*Quatre
grands Ad-
uocats ap-
pellez avec
grands estats
pour leurs
vertus.*

*Reduction
des coustumes
par mō
sieur le pre-
mier presi-
dēt de Tou.*

*Representa-
tio en ligne
directe &
collaterale.*

*Diligence
admirable
en ce presi-
dent.*

vous pourrais maintenant, estoit tellement né & duit à l'actiō, que voyant qu'il y auoit six mois de l'annee qui le confinoient à sa maison, il s'aduisa d'un beau subject, pour ne demourer oiseux au public, qui fut de reformer les Coustumes; Dont il obtint la cōmission, & avec deux notables cōseillers Faye & Viole qu'il agregea avec soy, il entreprit la reformation de la plus grand partie d'icelles, aufquelles il feit inserer plusieurs articles nouveaux extraits du droit commun des Romains. Mesmes la representation en ligne collaterale iusques aux enfans des freres & sœurs. Ceux qui reformerent les coustumes en l'an cinq cens & sept, & autres annees ensuiuantes bannirent de la France cest article barbare, qui vouloit que representation n'eust point de lieu en ligne directe: Cetuy-cy apporta police en la collaterale fort à propos. Et au regard du temps destiné à l'exercice de son estat, il estoit dernier president de son Semestre, & pour ceste cause dedié au iugement du criminel. En quoy il apporta tant de diligence à la vuidange des procez, que deslors du premier Semestre, les prisons de la conieirgerie se trouuerent vuides de prisonniers. Qui fut cause que le geolier feut contraint de demander prouisiō à la cour de Parlement, pour nourrir ses seruiteurs & payer leurs gages; parce que ses pensionnaires luy failloient. L'edit du Semestre estant rompu & anichilé, & les deux compagnies revnies en vne: pendant les troubles premiers mourut Monsieur le premier president le Maistre.

Cest

Cest estat eſt conſeré à monsieur de Tou. De vous en raconter les moyens, ie ne l'ay icy entrepris. Bien vous diray-ie qu'il eſtoit ſi nouueau & eſcolier à faire brigues & menees (ie me diſpenſeray de ce mot) qu'il ne ſ'en meſla que bien peu, ains vn ſien ſeruiteur domeſtique, qui depuis eſt paruenue à grands biens tant en ſpirituel que temporel, ſceut ſi dextrement & fidellement conduire ceſte oſne, qu'il emporta le deſſus de tous les autres pretendans. Quand il fut pourueu de ceſt estat, les troubles eſtoient lors grâds par tout le Royaume de France, & par eſpecial dans Paris: auſquels l'on n'apportoit pas tant de police que peut eſtre l'on euſt deſiré contre ceux que l'on appelloit Huguenots, pour vn zeſe chault & ardent que les cheſs portoient à la Religion Catholique: & combien que celuy dont ie parle ne l'eueſt pas moindre, ſi y meſla il dès ſon auenement ie ne ſçay quoy de modeſtie & atrempâce, par laquelle les maſſacres commencerent de ſaſſopir. Choſe qu'il executa fort aiſément: car ſ'il eſtoit fauoriſé du Roy, de la Roine ſa mere & des Princes qui leur aſſiſtoient, encores auoit-il meilleure part en la bonne grâce du peuple. Qui fut parauérure l'vne des premieres raiſons pourquoy l'eſtat de premier Preſident ſe trouuant adonc vacquer, il y fut appellé plus facilement pour la neceſſité que l'on auoit d'vn homme qui maniaſt le cœur du peuple. Ainſi dès ſon arriuée ſous ceſte belle creance il oſta doucement des mains de la populace ceſte licéce effrenece, dont elle abuſoit impunément

*Police que
monſieur le
premier pre-
ſident ap-
porta aux
audiences.*

contre la vie d'vns & autres, reiettant le tout ſagement à l'autorité & diſcretion du Magiſtrat, pour en pré- dre tel ſupplique qu'il trouueroit bon de faire : Voilà pour le regard du dehors. Quant à ce qui appartient à l'enclos du Palais, la premiere choſe qu'il eut en re- commandation fut d'y apporter reformation tant au chef que membres. Au chef, parce qu'il ſimpoſa vne loy à luy-meſme de n'appeller cauſes extraor- dinairement aux Lundiz & Mardiz, voulant que les rolles ordinaires euſſent lors leur cours ſans aucun deſtoubrier ou empeschement: reſeruant les placets, que l'on appelle cauſes des parties preſentes aux leu- diz: loy qu'il obſerua inuiolablement. Aux mem- bres, d'autant que il oſta les excuſes de maladies des Aduocats, ſi elles ne ſe trouuoient fort bien atteſtees. La liberté du temps auoit apporté qu'un Aduocat trouuant ſa cauſe mauuaife ſe faiſoit excuſer de ma- ladie pour gagner le tour du rolle: C'eſtoit la cauſe qui eſtoit malade & non luy: Ce preſident ſe roi- dit & rendit ſi rigoureux contre ces excuſes affe- ctees, qu'en peu de temps il en feit perdre la couſtu- me. Au moyen dequoy faiſant tenir vn chacun ſur pieds, par l'expedition des cauſes, dont les vnes eſtoient plaidees, & les autres iugees rigoureufe- ment par defaux encontre les contumax, nous com- mençâmes de voir plus de cauſes vuidees & termi- nees en vn an, qu' auparauant en deux ny trois. Il feit encores vn trait hardy & notable: Car eſtant au pre- cedant loiſible à l'Aduocat apres auoir fait ſa pre-

miere proposition, d'entrer en Repliques & Dupliques, par lesquelles il consommoit vne bonne partie de l'heure, à la retardation de la iustice, il les bannit & extermina. Voulant que l'Aduocat ordonnast de telle façon son premier plaidoyer qu'il se feist entendre tout au long en son fait. Estimât que s'il oublioit quelque chose du droit, il seroit facilement suppléé par les Iuges. Ceste façon de faire du commencement ne se pouuoit bonnement digerer, & de fait l'Aduocat du Roy du Mesnil à quelques ouuertes de Parlement en ayant fait remonstrances, il n'y peut riens gagner sinon pour les causes de poix. En fin le long vsage en feist oublier le mal talét. Et parce qu'il estoit homme nourry non seulement en la loy, ains aux bonnes lettres esquelles il prenoit grand plaisir, aussi l'on commença sous luy à entremesler les plaidoiries de l'un & de l'autre: Ce qui ne se faisoit auparavant, demourant la commune des Aduocats dedans les bornes du droit escrit. Pour le regard des Procureurs, il n'exerça iamais vne grande seuerité contre eux, mais au lieu de ce les feist assembler par certains iours du mois, & que là chascun proposast les surprises des vns & des autres pour estre vſé d'une forme de mercuriale & censure encontre celuy qui en auroit abusé, & en vn besoing en estre fait raport & plainte à la Cour. Quant à ses mœurs, il estoit homme qui commençoit la premiere entree du Palais par les prieres à Dieu: car au lieu que tous ses predecesseurs Presidents se reseruoient à la Messe

*Repliques et
Dupliques
des plai-
doyers, re-
sponses par
le premier
president de
l'au.*

*Les lettres
humaines
jointes avec
la loy.*

*Sindicat en-
tre les pro-
cureurs.*

*Mœurs de
monsieur le
premier pre-
sident de
l'au.*

generale de dix heures, luy par vne coustume qui luy fut propre & peculiere, soudain qu'il enroit au Palais oyoit sa Messe. Qui est la vraye Messe des Presidents, & ainsi appelée par nos ancestres. Et de là accommodoit le reste du iour à l'expedition des affaires. Il estoit homme qui ne sceut oncq' faire desplaisir à son esciant, tresprompt à faire plaisir à ceux qu'il voyoit que l'on vouloit

Douce nature de ce President.

affliger induëment: Colere de sa nature, mais qui ne vouloit point que sa colere nuisit, qu'à soy-mesme: car s'il c'estoit casuellement courroucé contre vn Aduocat, à la premiere audience d'apres s'il se presentoit pour plaider, tout son soing & estude estoit de faire paroistre par quelque douce contenance qu'il ne nourrissoit aucune amertume contre luy. Et à ce propos vous veux-ic raconter en passant vne chose qui m'aduint autrefois en l'an mil cinq cens soixante six, Ma belle mere estant decedee, & m'estant transporté vers la Pentecouste à Amboise pour recueillir sa succession, le Ieudy d'apres les festes (que nous appellions le Ieudy des desconfitures, parce que lors la plupart des Aduocats n'estants retournez des champs, il ne laissoit toutesfois de tenir l'audience, sans pardonner aisément aux absents.) Ce Ieudy dy-ie, vne cause estant appelée dont i'estois chargé, l'on m'excusa de maladie: Il prit lors contre sa coustume ceste excuse en payement. Les autres Procureurs voyant que ceste excuse estoit, ce leur sembloit,

pour ce coup passée en forme de chose iugée, commencent tous à me reclaimer pour leur Aduocat (ie dy ceux qui n'auoient point le leur.) Celà le fait courroucer de telle sorte qu'il enioignit publiquement & par expres au premier huissier de sçauoir en ma maison si i'estois malade, & d'en faire son rapport à la Cour: L'huissier n'y fault, & trouua que ie n'estois vrayement malade, mais que i'estois absent de ceste ville pour iuste cause: Ce qu'il rapporta à la Cour. Le Lundy ensuiuant on appelle vne autre cause dont i'estois encores chargé. Le Procureur n'eut pas si tost ouuert la bouche pour dire que i'estois l'Aduocat, que ce bon personnage luy coupa la parole tout court, & dist tout hault qu'il sçauoit bien que i'estois malade. Et atant luy mesme m'excusa. Je vous pourrois reciter vne infinité d'autres exemples de mesme estoffe, mais ma plume me semond à plus hault sujet, pour vous dire que comme il estoit naturellement humain & qu'il accompagnoit en sa maison toutes ses actions d'une si grande douceur & humanité, que nul ne s'en alloit iamais mal content de luy, aussi estoit-il tresprompt à se reconcilier à ceux qui l'auoient offensé quand ils le venoient reblandir, & de ce en puis-je porter fidelle témoignage pour l'auoir veu. I'adiousteray que ie pense mesprendre quand ie diz reconcilier: Car il ne sçauoit que c'estoit de haïr, estant si ainsi voulez que ie le die sans fiel. Au commencement

*Monsieur le
premier Pre-
sident de Tou-
ne sçauoit
que c'estoit
de haïr.*

*Monsieur le
Chancelier
de l'Hospi-
tal, & mō-
sieur le pre-
mier presi-
dēt de Tou,
deux grāds
personnages
diuers en
propositions
politiques.*

qu'il arriua à cest estat, il y auoit deux grands hom-
mes qui luy sembloiēt faire teste, & luy à eux; Parce
qu'en vne volonté commune que tous trois appor-
toient au bien & repos du public, si ne symboli-
soient-ils en propositions. L'on peut dire que celà
estoit tout ainsi que dans Athenes de Themistocles
& Aristides. Or de vous dire quels estoient les plus
saincts aduis, celà n'est de ma iurisdiction ny co-
gnoissance: Il y auoit à discourir & pour & contre
de chasque costé. Les deux dont ie parle estoient
messieurs le Chancelier de l'Hospital & Mareschal
de Montmorency. Chascun estimoit que monsieur
le premier President nourrissoit quelques rancunes
sourdes en son cœur encontre eux: toutesfois sou-
dain qu'il les veit deffauorizez, iamaïs homme ne
leur feit de meilleurs offices que luy. Estimant que
leurs afflictions prouenoient, à l'un de la misere des
troubles, à l'autre de la colere d'un Roy, à laquelle
tout homme sage doit caller la voile, quand il tom-
be en un tel orage. Homme au demourant studieux
le possible: car estant en sa maison il se donnoit tous
les iours certaines heures pour son estude particu-
liere sans exception, s'il n'en estoit distrait par les Prin-
ces & grands seigneurs qui luy venoient recomman-
der quelque affaire. Un an auparauant son decez,
comme i estois de sa grace veu de bon œil par luy,
ie le surpris lisant ententiuement les oraisons de
Citeron contre Verres, ayant d'un costé le liure,
& de l'autre ses brouillats, dans lesquels il recueil-

*Estude de
Monsieur le
premier Pre-
sident.*

loit sommairement les passages dont il se vouloit aider. Vne autrefois il me pria de luy donner les trois Tomes des Aduersaires de Tournibus: Parce qu'il ne sçauoit qu'estoient deuenuz ceux que ie luy auois fait autrefois presenter par les enfans de l'autheur, qui luy auoient à mon instigation dedié le troisieme. Ce que ie feis. Mais il ne les eut pas si tost, qu'il les leut tous (comme s'il n'eust eu que vingt & cinq ans) en moins de trois semaines ou vn mois. Chose certainement tresmerueillable, qu'au milieu de tant d'affaires publiques, il se peut desfrôber ce loisir. Et combien que ceste estude domestique luy fust tresagreable, si n'auoit-il riens tant en recommandation que le Palais. Il y entroit le premier & en sortoit des derniers, tousiours aussi frais à l'issuë des audiences comme à l'entree. Celà faisoit qu'il aimoit grandement ceux qu'il voyoit exercer avecq' quelque dignité leurs estats, tant d'Aduocat, que de Procureur: & comme, il estoit du tout bon, aussi fait-il plusieurs clerks, procureurs. Trouuant mauuais qu'apres auoir vlé leurs ieunesses avecq' leurs maistres, & passé par tous les degrez de clerks, on leur voulust fermer la porte à l'estat de Procureur. Finalement il eut deux choses en quoy il se rendit admirable: L'vne à bien dresser & prononcer sur le champ vn arrest: Ne s'estant trouué President deuant luy qui eust vn plus beau formulaire d'arrests: L'autre en ses opinions. I'ay au-

Esprit infatigable aux affaires du Palais.

Formulaire d'arrest.

En sens.

trefois apris de feu Monsieur le President de Pibrac, personnage qui se cognoissoit fort bien en hommes, que combien qu'il n'eut pas vne eloquence si persuasive comme quelques-vns qui le secundoient & tierçoient, toutesfois il estoit accompagné de tel heur, ou bien de telle facilité d'esprit pour sortir d'un mauuais passage, qu'aux affaires de consequence il estoit ordinairement suivi. Iusques icy vous auez peu entendre quels ont esté ses auancements, progres, & deportements au public: entendez maintenant ce qui concerne son particulier. Il espousa vne damoiselle nommee Iaqueline Tulieu fille vnique, qui luy apporta de grands biens: femme qui se disposa sagement aux volontez de son mary, lesquelles elle sceut avec telle douceur reboucher qu'elle gaigna par vne longue obeïssance ce poinct sur luy, qu'il ne croyoit tant en nul autre qu'à elle. Et non sans cause: Car comme ainsi fust qu'il eust seulement le cœur, ou au Palais, ou à ses liures, ceste bonne dame prit tout le fait du menage en main, mais avec vne telle bonté qu'elle ne changea iamais de fermiers ny ne leur apretia grain: estans par ce moyen tous deuenus riches avec elle. Lesquels aux obseques du defunt monstrent assez combien ils regretoient sa mort. D'autant qu'ils se presenterent tous deuant le corps habillee en ducil avec les seruiteurs domestiques. Sa table & conuersation ordinaire estoit de gens mediocres avec lesquels il rioit familieremēt, despouillant soudain qu'il estoit

*Mefnage
heureux.*

estoit dedans sa maison avec eux tout ce qui estoit de la grandeur de son estat : ayant tant qu'il a vescu apporté ceste reigle de ne souper hors sa maison , & de se coucher à neuf heures, & se leuer assez matin, le plus du temps sans seruiteur, ains n'ayant autre homme de chambre que soy-mesme , ainsi que j'ay appris de sa bonne partie. Ce qui n'est pas malaisé de croire. Car il estoit si peu fastueux que ie l'ay veu quelque fois retourner seul en sa maison; quand il sortoit du Palais deuant l'heure. Il ne fut iamais conuié ou de nopces , ou de funerailles de ses amis , encores qu'ils ne fussent de condition grande , que luy ou sa femme n'y allassent , pour n'estre veu les desdaigner ou defaillir à son deuoit. De son mariage il eut six enfans: le seigneur de Bonneil fils aîné Maistre des Requestes, le sieur de saint Germain l'un des grands Maistres & reformateurs generaux des eaux & forrests de la France, & puis Bailly de Melun; le seigneur d'Emery Conseiller en nostre Cour de Parlement. Des filles trois, dont l'aînée fut mariée avec Monsieur le Viconte de Cheuerny Chancelier de France, la seconde à Monsieur de Harlay à present premier President, & la troisieme qui fut rendue nonnain voilée, à laquelle il deuoit vne veuë tous les ans par forme de vœu, le iour & feste saint Louys, patron du monastere de Poissy où elle reside. Il a veu en vn mesme temps deux siens gendres, l'un Chancelier de France, l'autre troisieme President, l'un de ses freres Aduocat general du Roi, & l'autre Euesque de Char-

tres, & l'autre Maistre des Requestes. Et ses deux derniers masses promeuuz aux dignitez que j'ay dit : car quant à son aîné il deceda deuant le pere, & neantmoins il mourut Maistre des Requestes. Et combien qu'il ne fut brigueur, si est-ce que les dignitez le suiuoient sans qu'il les enuiaist. Car laissant apart toutes autres particularitez, ie me contenteray de vous dire que cinq ans auparauant que deceder, Monsieur le Duc d'Alençon second Prince de France le pourueut de l'estat de Chancelier de sa maison, auquel il est mort. Ceux qui luy estoient plus seurs amis, eussent souhaité qu'il n'eust accepté ceste charge. Il a vesceu soixante & quinze ans sans vser de lunettes, veiete de corps & d'esprit, homme qui apprehendoit de telle façon les affaires, qu'il ne se heurtoit point contre les torrents, qui luy a augmenté ses iours. Son mariage fut son premier & dernier, auquel il vesquit l'espace de quarante neuf ans, vingt & neuf ans President, dont il y en a vingt complets en l'estat de premier. Sans que iamais pendât cest entrejet de temps nous l'ayons veu malade quatre iours, qu'il ait volontairement discontinué le Palais trois iours. En fin il mourut le premier iour de Nouembre, mil cinq cés quatre vingt & deux, iour que ie veux annombrer à vne partie de son heur : par ce que c'estoit le iour de la Toussaint dont vne partie de l'apresdinée estoit dediée à la commemoration solennelle des morts, regreté generalement de tous, & par especial de son Roy, lequel voulant faire paroistre combien il l'a-

uoit aimé en sa vie, lui ordonna des obseques les plus celebres qui oncques eussent esté veües à vn homme de robbe longue: Dont luy-mesme à face ouuerte se voulut rendre spectateur, avec la Roine sa mere & autres grands Princes & Princesses, en l'hôtel du Preuost de Paris. L'on prit le chemin des Cordeliers, & delà de la ruë de la Harpe on descendit sur le quay iusque en la ruë des Augustins pour rendre le corps à l'Eglise saint André des arts, où est le sepulchre ancien de ses ancestres. La suite & procession fut telle qu'il y en auoit encores presque en la maison, quand les autres entroient en l'Eglise, & iamais ne voit-on les fenestres & boutiques des maisons tapissées de tant de peuple tout exploré. Le ciel mesme sembla lamenter son decez par plusieurs pluyes qui furent lors: & le Palais auoir célébré ses funeraillies. Car comme si avec luy le Parlement fust mort, le hazard du temps voulut qu'il y eut intermissiõ des audiences quatre mois entiers, pour la difficulté que la Cour faisoit de publier quelques ordonnances: & dauantage vne belle liste de gens de nom tant de la France, qu'Italie, pour derniere closture voulurent rendre son tóbeau immortel par plusieurs vers François, Latins, & Grecs. Vne chose me plaist-il remarquer de luy qui est digne d'estre recitée: c'est que tout ainsi que de tous les grands Aduocats de sa volée, dont i'ay parlé au commencement de ma lettre, qui tous monterent aux hõneurs, il attaignit au premier degré: aussi par vn priuilege special de sa fortune

*Obseques de
monseigneur
le premier
President.*

*Le Palais
comme par
hazard lors
de la mort
du premier
President.*

Epitaphes.

*Chose remarquable
particulie-
remēt en la
fortune de
ce seigneur.*

ne demeura-il le dernier, les ayants tous surueſcu. Repassez toutes les fortunes des hommes illustres, vous n'en trouuerez point vne autre qui ait esté accompagnée de tant de benedictions de Dieu comme ceste-cy, ne qui luy ait faict si longue & fidele compagnie. Les vns montent par leur vertu aux grands honneurs, mais ils sont extraits de bas lieux, qui est vne tare en l'opinion de ceux qui ne balancent noz actions au poix de la seule vertu: comme les Romains veirent vn Ciceron, auquel ses ennemis obiectoient à chasque bout de champ, qu'il estoit vn homme nouveau, encores qu'il s'en sceust fort bien defendre. Les autres paruiennent, mais c'est par meschanceté, comme en la Sicile Agatocle. Autres qui ont bel aduenement & progres, mais qui se tourne par succez de temps en vne mort honteuse & tragique, comme fut celle de Policrates Samien, qui se disoit l'heureux des heureux: & d'Anquerrad de Marigny entre nous: autres qui ont vne fin belle, mais le commencement treshonteux, cōme en Turquie autrefois Barberousse, & depuis Dragut Reis, qui de la cadene où il passa tout le réps de sa ieunesse au milieu des forçats, deuint general des Galeres du grand Seigneur. Autres qui eurent beau commencement & pareille fin, mais le milieu de leur fortune fut trauersier, comme les Romains veirent vn Furius Camillus, & nous vn Anne de Montmorency Connestable de France. Autres qui pour auoir esté heureux ne receurent iamais si grand heur que d'estre morts ieux.

Belle & admirable fortune de Monsieur le premier President de tous sens.

Diversité des fortunes des hommes illustres.

nes, pour ne donner le loisir à fortune par ce moyen de leur tourner le visage, comme Alexandre: aussi ne sentirent iamais plus grand malheur, & Annibal, & Scipion l'Africain, & Pompée, (tous trois tresgrands & heureux capitaines en leur ieunesse) que par la longueur de leur vie. Autres au maniement des affaires publiques eurent des succez tres-heureux, mais en leurs domestiques, vn ver qui leur rongnonnoit interieurement la poitrine, comme ce grand Empereur Auguste. Brief il n'y a eu homme si grád & heureux ait-il esté, qui ait eu prix pour prix vne fortune si accomplie en son tout comme cestuy-cy. Estre extrait d'une noble famille, paruenir par les degrez honorables aux honneurs premierement populaires, puis Royaux, aimé succesliuement de tous les Rois qu'il seruit, honoré de tout le peuple, s'estre maintenu en son estat au milieu des troubles aigus qui ont couru par la France, sans auoir receu aucune algarade des vns ny des autres: avec tout celà auoir en sa maison vne femme sage & honneste, miroüer de chasteté à toutes les matrones, vne posterité si grande & illustre, vn aage si long sans maladie, vnes funeraillles telles que i'ay recitées pour catastrophe de ceste heureuse comédie: He vrayement ie le diz encor vn coup, il n'y eut iamais vne si heureuse vie tant en public que priué, ne qui se trouuaist aconsuiue d'une si heureuse mort. Ie luy dediay deux ans deuant qu'il mourust mes Epigrammes Latins, maintenant qu'il a pleu à Dieu de faire

sa volonté de luy, ie lui consacre d'abondant à sa memoire entre voz doctes mains cest eloge au bout duquel ie veux que l'on appende ce beau vers du poëte Ausone.

Talis vita illi, qualia vota tibi.

*Les fautes
qu'on im-
pute au de-
funct.*

Ceux qui detraçtent à ses loüanges, luy imputent les fortifications de Paris qui se sont depuis tournées en vne forme de taille. Mais c'est inconsiderement iuger des affaires du monde par les euenemets, & non par les conseils. Quelques autres pour ne demeurer muets dient que sa diligence estoit plus nuisible que profitable au Palais, comme celuy qui vuidoit les roolles, non les causes. Il vuidoit & les roolles & les causes ensemble. Mais on ne peut apporter si bonne police au public, que les bons n'en patissent de fois à autre avec les mauuais. Et le medecin donnant air à la veine du malade pour le guarir, ne peut tirer du mauuais sang qu'il n'y en passe aussi du bon. La rigueur qu'il apporta en ce fait-cy, fait de telles operations contre les tergiuerisations des fuiards, qui est vne tref-dāgereuse maladie en iustice, que nous apri- mes à faire plus diligemniēt raison aux pāuures parties languissantes que l'on n'auoit iamais fait par le passé. Autres arguent en la facilité de ses mœurs la multitude effrenée de Procureurs à laquelle il ouurit la porte. A quoy ie passe condēnation fort volōtaire: car ie seray tousiours du party du peu contre le trop en telles matieres, aussi bien que l'Empereur de Rome qui mourant disoit que la multitude des mede-

*Multiplie-
si de procu-
reurs nuisi-
ble au pu-
blic.*

cins qu'il auoit appelez pour sa guarison, l'auoit mis au lit de la mort. La trop grâde multiplité produit la confusio & desordre, qu'il est malaisé de policer puis apres, mesmes en cest estat de Procureur. Toutesfois quand ie considere sur quel fondement fut appuyé ce defaut, ie le compare à ces erreurs dont fut autrefois censuré Tertullian, que i'appelle belles erreurs. Car il n'y eut autre chose qu'un zeile ardent enuers Dieu & son Eglise qui l'y conduisit. Aussi veux-je nommer ceste faute au milieu des vertus de nostre President, vne belle faute, qui ne prenoit son origine que d'une humanité née avec luy, qui l'induisoit d'auoir compassion de tout ce petit peuple. Les derniers iettans leurs pensées plus haut luy impropèrèt, que ceste mesme facilité le feit tomber en un accessoire de plus dangereuse consequence. Par ce qu'il promettoit aisément (cōme ils dient) plusieurs choses au Roy, dont se trouuant puis apres mauuais garrend, il vouloit aucunement violenter les opinions de sa cōpagnie, pour ne faillir de promesse. Si celà est

qu'il n'y a que ceux qui sont appelez en tel estat que le sien, qui se trouuent empeschez, en la diuersité des propositions qui sont au mesnagemēt de la Repub. entre les seigneurs de la Cour du Roy & de la Cour de Parlement. Car pendant que les vns semblent estre vn peu trop souples, les autres trop roides, ce sage seigneur qui par vn long vsage cognoissoit où les choses pouuoient tomber selon la necessité du tēps,

Diuersité de propositions entre les seigneurs de la Cour du Roy, & du Parlement.

taschoit entre les deux extremitez d'y apporter vne voye moyenne. Sçachant bien que quelquefois en voulant conseruer le ciel par opiniaistreté, nous perdons ensemblemēt le ciel & la terre. Somme le fruit que ie rapporte de ces obiections est que ie tourne ma pensée sur la misere de nostre vie, qui est de telle condition qu'il n'y a si homme de bien, qui ne soit sujet au controle, i'ay cuidé dire à la calomnie des langues. Celà fera que pour m'estancher d'un long discours & mettre fin à la presente, vous celebrant ce grand personnage, ie ne le vous pleuiray pas pour le plus parfait (car ce bas estre n'est capable d'aucune perfectiō) ains pour le moins imparfait de tous ceux que nous ayons veu de nostre aage. A Dieu.

*Qu'il n'y a
homme si
parfait qui
n'ait des im-
perfections.*

*A Monsieur de Basmaison Aduocat au siege
Presidial de Ryon.*

*Il se rend
Aduocat
enuers le
sieur de Bas-
maison, de
son fils.*

L'ANCIENNE amitié que i'ay en vous dés noz premiers ans & consequemment aux vostres, me commande de vous escrire la presente; pour vous aduertir que Basmaison vostre fils a repris & repréd de iour à autre de biē en mieux letrain que desirez de ses estudes. Il se fait beau & grand, non seulement de corps, ains d'esprit. Il n'en ay pas voulu croire ce qui m'en a esté rapporté par mes enfans, ains moy-mesme l'ay voulu sonder au vif de sa leçon à l'impourueu. Et si le dire des veneurs est vray, qu'on recognoist le cerf par les voyes,
ie vous

ie vous promets qu'en aurez vn contentement tel que souhairez. C'a esté vn bon vin qui du commencement pour sa force rompoit les cercles de son vaisseau : & maintenant qu'il est rassis, il sera des plus soüiefs & delicats. C'est pourquoy ie vous conseille que dorefnauant (oubliant le passé) vous embrassiez ses actions, comme bon pere. Ce dont ie me suis faiët fort , & d'estre caurion enuers vous deux : enuers vous qu'il sera si bon fils, qu'il aura le dessus au bien faire sur ses autres freres & sœurs, comme il a l'aduentage de l'aage, enuers luy que le fauorisez deormais non seulement comme vostre aîné, ains comme le mieux aimé. Ce n'est pas petite victoire à vous de l'auoir domté, & reduit selon vostre volonté aux estudes, apres auoir quelque temps suiuy les armes esquelles il sembloit estre naturellement enclin : aussi n'est-ce autre petite victoire à luy, de s'estre vaincu soy-mesmes pour vous obeir. Et certes vous auiez notable interest qu'il feit ceste faute, pour cognoistre maintenant combien il vous est bon fils. Ceux qui dedans la sainte Escriture ont esté pecheurs, & sont reuenus à vne bonne repentance, n'ont pas esté moins recommandez enuers Dieu, ains quelquefois dauantage que ceux qui n'auoient point pethé. A Dieu.

*A Monsieur Loysel Aduocat du Roy en la Cham-
bre de iustice de Guienne.*

*Que pendāt
que nous
mettōs tou-
te nostre e-
stude de pa-
raistre scia-
uants dans
nos plai-
ders ou
harenques;
nous corrō-
pōs la nais-
sance de l'e-
laquēce Frā-
çoise.*

IA Y receu les remonstrances qu'auetz faites
à l'ouuerture de vostre seance d'Agen, & par
mesme moien voz lettres du vingt-deuxies-
me de Nouëbre, escriptes non de vostre main, ains de
celle de vostre cler. Chose qui ne m'a point tāt esba-
hy (encores que par vne courtoisie qui vous est pro-
pre, vous-vous en soiez excusé) que de la cause de ce
changemēt: Ayant entēdu que c'est pour vn mal des
yeux qui vous est de nouveau suruenu. Car ie crains
que pendant que vous mettez toute vostre estude à
la conseruation de vostre honneur, en la charge, en
laquelle estes maintenant appellé, vous mettiez en
oubly le soing de vostre corps & de vostre santé. Et
ce qui me fait craindre dauantage, sont ces belles re-
monstrāces à la lecture desquelles i'employay deuāt
hier vne bonne heure. Remonstrances, dy-ie, pleines
de doctrine, images d'vne longue estude, & par espe-
cial contenants vn discours du tout cōuenable, & au
tēps & au personnage que representez: & telles que ie
m'assure qu'elles produiront en moy effect du tout
cōtraire à vostre intention. D'autant que ie ne doute
point que ne les ayez basties, à fin de pourchasser vn
repos entre les sujets du Roy, & encores pour les ren-
dre gēs de bien. Et quāt à moi ie vous puis dire qu'el-
les ont apporté vne inquietude en mon esprit, voyāt.

que pendant que faites de si beaux discours, il faut que ie me taïse. Vous sçavez ce que disoit Aristote, quand Isocrate estoit suiuy d'un grād & assidu auditoire. D'ailleurs ie me doute que cōtre mon naturel, elles me feront faulsaire ou larron. Parce qu'ayant es- crit lettres à Mōsieur de Montelon Conseiller, & me chargeant de les luy enuoier avecques vos remon- strances, il y a grand danger que craignant de perdre l'un, ie ne soustraye vos lettres, ne me voulāt fruster du fruit de vostre beau labeur. Ne pēsez point que ie preste cecy à nostre amitiē, ie suis de vostre opinion, qu'il n'y a riens de cōparaison de vostre premiere harangue, avec ceste seconde. Et toutesfois ie vous prie prendre de bonne part ce que ie vous veux mander maintenant. Vos remonstrāces seront cause que i'en enteray d'autres sur elles. Ce que vous estimez le plus riche en icelles, est à mon iugement le plus pauvre. Je veux dire tant de passages Grecs & Latins, tant d'allegations d'autheurs, dont vous reparez vostre discours. Je desire que tenāt le lieu auquel estes appellé, nous habillions vn orateur à la Françoisē si proprement & à propos, que nos actiōs s'elōgnēt le plus qu'elles pourrōt de la poulsiere des escoles, puis qu'il nous les faut représenter en ceste grande lumiere du Soleil. Et vous puis dire de nos remonstrances, plaidoyers, & harangues, que nous faisons aujourd'huy ce que l'ō dit de l'architecture, en laquelle vous trouuez tous les grands bastimēts beaux & riches qui furent faits depuis la venue de noz Rois, comme vous

pourriez dire dans Paris, vne grande Eglise de nostre Dame, vne sainte Chapelle, le Palais, lesquels le commun peuple estime faits à l'antique: & neantmoins au iugement des braues architectes, il n'y a riens d'antique en eux, ains sont bastis à la moderne, pour n'auoir riens de tous ces rares traits, dont les anciens Grecs & Romains vsoient en leurs architectures. Ains peut-on dire vrayement vn Louure auoir esté faict par feu Monsieur de Claigny à l'antique, encores qu'il soit nouveau, dans lequel il a exprimé tout ce qui estoit de beau & digne de l'ancienneré. Je ne sçay comment s'est insinué entre nous ce nouveau genre d'eloquence, par lequel il faut non seulement que nous nommions les auteurs dont nous empruntons noz embellissemens, mais qui plus est que nous couchions tout au long leurs passages: & ne penserions estre veuz sçauoir ny bien dire, si nous n'accompaignons toute la teneur de noz discours de ceste curiosité. Les Grecs, ny les Romains, lors qu'ils furent en vogue de bien dire, n'en vserent de ceste façon. Ny ceux-mesmes qui vindrent sur le declin de leur eloquence, entre les Latins, comme nous voyons par leurs Panegyricz. Brief nous seuls entre toutes les autres nations faisons profession de rapiecer, ou pour mieux dire raperasser nostre eloquence de diuers passages. Rendants (si ainsi le faut dire) les morceaux comme vn estomach cacochime & mal affecté, aiasi que nous les auons pris. Quoy faisants nous

ne considerons pas qu'un corps bien sain tourne ses aliments en nature. Aussi sans rendre les passages comme nous les apprenons, nous pourrions estre veuz sçauoir assez, en recitant les histoires, & les appropriants à nostre sujet, par forme de marquerie, au fil commun de nostre langue; tout ainsi que feirent ceux dont nous espuisons l'éloquence, qui furent en reputation non seulement de bien dire, ains de bien sçauoir. Ceste nouvelle forme de plaider, si ie ne m'abuse, est venue d'une opinion que nous eusmes de contenter feu Monsieur le premier President de Tou, deuant lequel ayans à parler, & voyants son sçauoir estre disposé à telles allegations, nous voulumes nous accommoder à l'aureille de celui qui auoit à nous escouter. Tout ainsi comme l'on dit que le bon cuisinier doit appareiller ses viandes au goust de son maistre. Or puis qu'il a pleu à Dieu l'appeller à l'oy, ie desire aussi qu'avec luy soit enseuclie ceste nouvelle maniere d'éloquence, en laquelle pendant que nous nous amusons à alleguer les anciens, nous ne faisons rien d'ancien. Ie m'assure que si par les premieres remonstrances qu'aurez à faire vous obseruez ceste leçon, vous receurez vne infinité de contentements: & que tout ainsi que ces secondes passent d'un long entrejet les premieres, aussi les troisiemes auront de grands aduantages sur les deux autres. Ie nedy pas que par fois au milieu d'un long discours on ne puisse citer vne autorité ou passage, mais il

*Dont vient
cette nouuel
le forme d'e-
loquence qui
gist en alle-
gations.*

faut que celà ne soit affecté, & que soyons si necessitez de le faire, que l'obmettant nous aurions perdu vne bonne partie des nerfs de nostre intention. Et quant à ceste pluralité d'allegations il me semble que nous la deuons craindre & fuir, comme le nautonnier, vn escueil. Je sçay bien que vous me direz que Monsieur le President de Pibrac, l'vne des lumieres de nostre siecle, en a vsé comme vous faites, estant Aduocat du Roy: ie le vous accorde. Mais en cecy il s'est laissé allet à la mercy de l'infelicité de nostre aage, & de ce que l'on a trouué le plus beau, ores qu'il soit tresslaid. Suffise vous que luy Tholosain, ait exercé ceste eloquence en nostre ville de Paris, & que vous Parisien ayez fait le semblable sur les lizieres de son pays. En ce faisant, c'est quitte à quitte. De ma part ie seray tousiours du nombre de ceux qui embrasseront ce que ils verront auoir esté approuué d'vne bien longue ancienneté, ie veux dire les œuures de ceux qui pour leur bien-seance se sont perpetuez iusques à nous. Ne pensez pas que ie ne sois quelque-fois tombé sur ce mesme discours avec Monsieur de Pibrac, non pas si ample que cestuy. Lequel pour toute responce me coucha d'vn Plutarque, qui semble faire le semblable. Mais il y a bien grande difference, entre celuy qui enseigne par liures, ou qui harangue en public: entre celuy qui traite la philosophie, & en baille les preceptes, & celuy qui parle deuant vn Senat: entre celuy (dy-ie) qui veut paroïr

lettré deuant le monde, & l'autte qui veut estre veu orateur. Et neantmoins encores ne trouuerez vous Plutarque si prodigue en ses allegations, comme nous. Ce que ie vous escrits, est par forme de deuils, & non que ie vueille estre creu. Vray que ie souhaiterois qu'en voulussiez faire l'essay. Vous priant me pardonner l'honneste liberté que j'apporte en vostre endroit : vsant de vous comme d'un autre moy-mesme. Car tout ainsi qu'estant avec vous, ie ne me lasse iamais, aussi absent auez-vous ceste puissance sur moy que vous escriuant ie ne me lasse de vous escire (ores que ie sois fort paresseux en ce sujet, enuers les autres) voire iusques à vous escire non vne lettre, ains vn liure si le sujet s'y presentoit. Mais à propos de liure il me faut changer de chance. On a depuis vostre partement imprimé nostre Puce de Poitiers; avec tant de diligence qu'il ne fut riens fait de gaillard à noz grands Iours de Poitiers que l'on ne l'y ait compris : & en a l'on faict deux liures. L'un où l'on comprend seulement les blasons faits sur la Puce, qui nous portera à ce que ie voy sur ses esles iusques par dessus les nuës : & en l'autre la diuersité des autres poësies qui furent faictes à mesure que ceste Puce picquoit diuersement noz esprits. Ie ne sçay qui en a esté l'ordinateur (car le Libraire ne me l'a voulu dire) mais ie croy que celà vient de la boutique de mes Dames des Roches. Tant y a que vous ne croiriez pas que cest œuure est bien recueilly pour auoir esté façonné de tant de no-

*Le Poëme
fait à Poi-
tiers sur la
Puce.*

*Edit des consignations des procez que l'on venoit renou-
ueller.*

bles entendements. Quant aux nouuelles de nostre Palais, il est aduenu maintenant le contraire de quelques années passées, esquelles nous auons veu continuation de Parlement pendant les vacations : & maintenant nous auons eu depuis la sainct Martin continuation des vacations iusques à huy. Cecy s'est fait par le moien des l'Edit de consignations des procez que l'on a renouuellé avec clause expresse, que là où vn Procureur aura occupé pour vne partie sans auoir consigné, il sera condamné sans deport en son propre & priué nom par emprisonnement de sa personne de payer la somme de vingt & deux escus vn tiers. Les Procureurs estimants que ceste clause alloit du tout à leur ruine, ont faict protestation publique en pleine audience de ne vouloir occuper souz ceste charge. La Cour ordonna que les plaidoiries fussent ouuertes dès le lendemain, & qu'elle en feroit remonstrances au Roy. Nul Procureur ne s'y est voulu trouuer, jaçoit que le premier Huissier ait esté de banc en banc aduertir les Procureurs que si aucun d'eux vouloit audience, il l'auroir. Le Roy d'un autre costé demeure fiché en son opinion, & dict que les amendes luy sont acquises: Voire depuis quel'Edit fut publié, qui fut lors que il vint en personne au Palais. Vray qu'il n'auoit esté executé à faulte de partisans, lesquels se sont trouuez depuis ces dernieres vacations. Vous diriez proprement qu'avec la mort de feu Monsieur
le pre-

Les Procureurs protestent de ne vouloir occuper.

le premier President, soyent aussi mortes les plaidoiries, & que nous en celebrions maintenant les obsèques. Aux derniers grands arrests qui fermerent le Parlement, on publia l'erection du siege *Erection des* Presdial de Clairmont en Auvergne: Aux premiers grands arrests qui ont esté publiez en robe *sièges pres-* rouge au Parlemēt où nous sommes, qui fut à Noël *diaux de* Clairmont *en Beau-* *mois 1582.* dernier, on a verifié vne autre erection d'un autre siege presdial dedans la ville de Beauuois. Il y a plusieurs autres edicts qui sont en branle sur le bureau, mesme celuy des xvij. mil sergents par tout ce Royaume. Je ne pense pas qu'il doive passer: car si l'auoit lieu, il effaceroit la memoire des vnze mille diables dont on parloit du temps de nos bons vieux peres. Ce temps pendant nous attendons avecques grande deuotion Monsieur le premier President & Monsieur l'Aduocat de Tou, ce iourd'huy ou demain pour le plus tard. Je croy que leur opinion est d'arriuer precisément aux festes de Noël. Et demeure chascun grandement suspenct quelle mutation apportera leur retour. Monsieur le Procureur general a esté surrogé en l'estat de Presidēt par la promotion de Monsieur le President de Harlay au premier: & d'une mesme suite Monsieur de la Chault son fils entre en l'exercice actuel de celuy de Procureur general. Le bruit commun court que Monsieur le President de Pibrac se veult demettre du sien és mains de Monsieur l'Aduocat de Tou. Je croy que vous

VII. LIVRE DES LETTRES

contenterez de toutes ces nouuelles pour le present, desirant mettre fin à la presente, par vne rencontre toute autre que celle qui est au bout de vos lettres; D'autant que m'escriuez que l'audience du lendemain vous les fait clorre: Et quant à moy le loisir où ie suis plongé, fait que ie ne me puis estancher. A Dieu.



LE HVITIESME LIVRE
DES LETTRES DESTIENNE
PASQUIER.

A Monsieur Pitou seigneur de Sauoye, Procureur general du Roy en la chambre de Iustice de Guienne.



Vrs que la pierre en est ictee, Parceste lettre il dis-
sourila forme qu'il a
tenue tant
au commun
cours de ses
estudes, que
exercice de
son estat.
 elle ne se peut reuoker. Et
 quand i'aurois à le refaire, enco-
 res ferois-ic le semblable. Non
 que ie ne sçache bié que n'estes
 pas seul qui pouuez trouuer mal
 seant que i'employe quelques
 heures à faire des Epigrammes Latins. Car aussi l'a-
 uoy-ic dès pieça presenty. Et de fait par l'Epistre li-
 minaire que i'adressay à feu Monsieur le premier
 President, ie touchay nommément ceste corde, par
 forme de preoccupation. Ny pour celà ie n'ay peu
 oncques me diuertir d'en composer, & moins de les
 mettre en lumiere, quand i'ay estimé que le liure le
 meritoit. Ne me prenez pas du nombre de ceux qui
 avec l'aage vueille changer ce naïf que le ciel a influé
 dans moy. Tout ainsi que les ans ne m'ont, graces à
 Dieu, apporté surot ny malendre au corps iusques à

*Les faulces
de la veit-
le.*

huy, aussi ne m'ont-ils non plus apporté ce chagrin qui nous accompagne ordinairement sur le declin de nostre aage. Je ne suis encores de ceux qui se voient du tout à louer le temps de leur ieunesse, au desauantage du present. I'excuse fort aisément tout ce qui se fait par les ieunes gens, me souuenant auoit esté autrefois tel qu'ils sont. Je dirois volontiers l'estre encor, mais ma barbe m'en dementiroit. Et quand ces melancoliques discours me viendront assieger l'esprit, pensez que ie seray lors sur le point de trousser bagage, ores que ie me trouuasse bien disposé de tous mes membres. Car i'estimeray adonc mon esprit s'affaiblir, & par mesme moyen, mon corps, pour la correspondance qu'il y a de l'un à l'autre. Mais pourquoy ie vous prie, peult-on trouuer mauuais que sur mon Automne ie represente des fleurs, la pluspart desquelles sont nées dans mon Printemps. Nature ne le permet-elle point? Au cōtraire c'est en quoy les fleurs de nos esprits surpassent celles des saisons de l'annee. Car fil y auoit des fleurs qui creussent dās nos iardins sur la Primevere, & qu'elles peussent cōseruer leur naïfue odeur, iusques en l'Automne ou l'Hiuer, vray Dieu qui seroit celuy qui ne les cueillit avec grand soing d'une main mignarde? Quant aux fleurs qui naissent de nos esprits, plus elles sont gardees, & plus elles se rēdent recōmandables, cōme celles esquelles de iour en iour nous y apportōs quelque odeur. Ce mot de iardin me fait icy resouuenir quelle fut ma premiere deliberatiō lors que i'arriuai au Palais. Car tout ainsi que nous diuersifions nos iardins, de ce costé là d'un

*Le fleurs de
nos esprits
surpassent
celles des
saisons.*

*Conseil que
Pasquier a
suivy en ses
actions.*

patterre & cōpattimēt de fleurs soüefues & odoriférâtes, icy d'un plant d'arbres qui raportēt des fruits, là d'une potagerie qui regarde la necessité du mesnage, mellâts par ce moiē le plaisir avec le profit: aussi ay ie voulu mesnager mes actiōs, tātost en ce qui appartenoit à la necessité de mō estat, pour subuenir à moy & aux miēs, tātost d'estude serieuse, puis de ioyeuse, me iouant diuersement de mō esprit: sans q̄ le plaisir m'ait iamais fait mettre en oubly ce qui estoit de mō estat, ny que l'exercice de mō estat m'ait fait oublier riēs du cōtētement que ie prends à ces gētillesses & gaillardises d'esprit. Lors q̄ i'arriuai au Palais ne trouuāt qui me meit en besongne, & n'estāt né pour estre oïseux, ie me mis à faire des liures, mais liutes cōfortmes à mon aage, & à l'hōneste liberté que ie portois sur le frōt. Ce furent des dialogues de l'Amour sous le nom du Monophile, lequel ie ne voy point estre vicilly en l'opinion des nostres. Car encores court-il auiourd'huy entre les mains de beaux esprits de la France, cōme sur son premier auenemēt. De là meurissant mes conceptions avec l'aage ie me mis à rechercher les anciennētez de nostre Frāce, en quoy ie me fais acroire auoir fait quelque auancement, puis que vous mesmes en auez porté tesmoignage pour moy en vostre itaicté des Cointes de Chāpagne. Biē puis ie dire que plusieurs à ma suite se sont mis à faire le semblable: & croy q̄ vous serez d'accord qu'il y en a peu qui n'ait pris quelque chose de moy à face ouuerte. Ce que ie n'euie point à ceux qui liberalement

Le Monophile fait par Pasquier estant fort ieune.

Recherches de la Frāce.

ment le recognoissent, mais quant aux autres qui le
 raissent ie le leur dōne sur leur cōscience, l'impurant à
 vn vray larcin. Et à vray dire celà a esté causé que des
 six liures que i'auois promis, ie n'en ay mis en lumie-
 re que deux. Non que ie n'aye satisfait à ma promes-
 se: car i'ay les quatre derniers pardeuers moy, que ie
 vous ay communiquez, mesmes celuy qui concerne
 la discipline ecclesiastique de France, & les priuile-
 ges de nostre Eglise Gallicane, auquel ie pense auoir
 employé tout ce qui estoit de bon & de beau pour
 ce subjer. Le temps peu à peu m'apresta tel lieu &
 auancement entre mes compagnons que ie puis
 maintenant tenir; Ny pour toutes ces estudes parti-
 culieres, ie n'ay laissé de m'employer aux plus belles
 causes, quand les occasions s'y sont presentees. Tes-
 moin celle des Iesuites que ie plaiday pour l'Vniuer-
 sité de Paris: tescmoin celle d'Arconville: tescmoin cel-
 le de Martigue: tescmoin celle d'Angoulesme de l'an
 cinq cens septante six. Et encores celle que nous plai-
 dames par quatre diuers iours pour les Paracelsites
 encontre la faculté de medecine. A fin que ie vous en
 laisse plusieurs autres que ie n'e me suis icy proposé
 de vous bailler par inuētaire. Et neantmoins ie vous
 puis dire, qu'au milieu tāt de ces causes, que de l'estu-
 de que i'ay mise aux anciennetez de nōstre France,
 ie n'ay laissé de faire vn vers, tantost François, tantost
 Latin, selon que l'objet m'en presentoit l'inuention.
 Ces vers m'estoient ce qu'aux autres, vn ieu de pri-
 me, de flus, de glic, de renette, de triquetrac, ou de

*Quelques
 causes so-
 lemnelles et
 toutes pu-
 bliques
 plaidees par
 Pasquier.*

lourche. Voire que lors que l'aage me commanda de m'efflongner aucunement des plaidoiries, ie commençay à donner dedans mon lit vne & deux heures de nuit à composer des Epigrammes Latins, qui me seruoient de resueilmatin au lieu de mes caufes. Tellement que si c'est folie de m'estre adonné à ce sub-^{Vers quels temps il se met à faire des Epigrammes Latins.} jet, encores m'estimerez-vous plus fol quand vous entendrez depuis quel temps. Iamais n'auoit esté depuis mon retour des Vniuersitez que ie n'eussé aucunement aimé la Poësie. Le premier qui m'y inuita, fut Monsieur Sibiler, nous estants en Italie, quelque temps apres qu'il eut mis en lumiere son liure de l'art Poëtique François. Toutesfois les occupations & affaires qui se presentoint en mon estat, ne me permettoient pas d'y vacquer à telles enseignes que i'ay depuis fait. En l'an mil cinq cens soixante quatorze, i'auois en mon logis feu Monsieur de Marillhac ieune homme (depuis Conseiller en nostre cour de Parlement) des estudes duquel i'auois esté controuleurdés sa ieunesse, pour l'amitié qui estoit entre son pere & moy. Parce que luy estant au college ie donois ordre de l'auoir à disner de fois à autre chez moy, comme vn mien enfant, & luy faisois rendre raison de sa leçon & de ses compositions. Quoy faisant i'acquis à la longue vn tel respect de luy à moy, qu'il m'honoroit comme son pere, & tenoit mes exhortations & remonstrances, pour commandemens. Dés lors de ses ieunes ans ie luy conseillay de s'adonner sur tout autre poëte, à la lecture d'Horace, com-

Monsieur Sibiler donna les premieres instructions de la Poësie Française à Pasquier.

me le plus moüelleux & sententieux. Ce qui ne tomba pas en oreille sourde : car ie vous puis dire qu'il le sçauoit & entendoit autant que nul autre de nostre aage. Quand il fut de retour des Vniuersitez, pour telmoignage plus grand d'amitié que i'auois à sa famille, ie le pris de main souueraine avec moy, encores que M^{rs}ieur de Ferriere son pere y resistast. Craignant que celà ne me retournast à importunité, cōme il estoit homme respectueux le possible enuers ses amis. Il seroit malaisé de dire combien ce bel esprit apporta de resueillement au mien. Il n'y auoit iour qu'il ne me saluast de quelque belle question, ores de droit, ores d'histoire, ou de quelque noble inuentiō, tantost en vers, tantost en prose, mais vers du tout Horatiens. M'ostant par ce moyen vne partie du roüille que la longue habitude du Palais m'auoit apporté en tel subjer. Sur le moule de son esprit, ie veux patronner le mien. Le malheur voulut que le seigneur de la Mole fust executé à mort en l'an 1574. Lequel auoit employé vne bonne partie de sa vie, aux delicatesses de la Cour, pres des Princes & grandes Dames; Je donne aduis à ce ieune homme de faire vn Epitaphe Latin de luy, & de se iouer sur son nom, qui se rapportoit aucunement à ses mœurs, & qu'il le feit en vers d'vnze syllabes (à la Catullienne) qui sont les plus mols. Il met les mains à l'œuure, fait des vers tels que ie luy auois dit, mais d'vn stile d'Horace, qui n'a rien de rencontre avec celuy de Catulle. Au moyen dequoy ie m'aduisay, de faire
moy-mesme

moy-mesme ce que ie luy auois conseillé. Et de fait ie dressay cest Epitaphe, qui est Imprimé avecques mes autres Epigrammes. I'en fais present à M^osieur de Voulze Maistre des Requestes, qui le donna à feu Monsieur le premier President, lequel se delectoit de toutes choses d'esprit. Il passe d'une main à autre, chacun y trouue dequoy se contenter. Il n'est pas qu'il ne fust enuoyé à Monsieur de Pibrac à Polongne. Lequel à son retour me le loüa grandement, ne sçachant que ie l'eusse fait. Je commençay lors à me chatoüiller, puis que tant de gens d'honneur me flatoient. Pour le vous faire court, il renaist en moy vn nouveau desir de faire des vers Latins; le n'é auois encores perdu la veine. Le cœur aiguise mon esprit, l'esprit ma main, la main ma plume: S'il foffroit le iour quelque nouuelle inuention, la nuit ie la mettois en œuvre, & le matin ie la redigeois par escrit. I'en fais vn recueil & amas avecq' d'autres de ma ieu-
 nesse. Qui est en somme ce dont i'ay fait present au public. Dont vrayement ie ne me repens. Car pour-
 quoy m'en repentirois-ie, si ce gentil Orateur Pline
 second seruit les siens de telles gaillardes inuentions?
 Ce siecle là, & celuy de deuant, & long temps apres,
 portoit que les Epigrammes feussent plus lascifs,
 que nous ne les faisons maintenant. Comme nous
 recueillons de plusieurs poëmes de Catulle, Virgile,
 Martial, Aufone. C'est pourquoy ils eurent tous
 grande peine d'excuser, chacun en son endroit, les
 pudeurs & hontes de leurs vers:

*Pline second
 grand Ora-
 teur de son
 temps, fait
 des Epigra-
 mes.*

*Les anciens
 Romains
 estoient plus
 lascifs en
 leurs Epi-
 grammes,
 que n'ont
 esté ceux
 qui leur ont
 succédé.*

M m m

Nam castum esse decet pium Poëtam

Ipsum, (disoit Catulle) versiculos nihil necesse est.

Et Martial:

Innocuos censura potest permittere lusus:

Lasctua est nobis pagina, vita proba.

Lequel dernier vers auoit esté premierement trouué par Pline, comme nous atteste Aufone en ses Ediles. En quoy l'on voit qu'il ne s'y espargna non plus que les autres. Pareille excuse trouuez vous dans le mesme Aufone:

Nostra simul certant variis Epigrammata nugis,

Stoicus has partes, has Epicurus agit.

Salua mihi veterum maneat dum regula morum,

Ludat permissis sobria Musa iocis.

Vray qu'en cecy il s'abusoit: car quelque sage & grãd personnage qu'il fust, si luy eschaperent de la plume plusieurs traits qui eussent esté aussi bõs, & meilleurs teuz, qu'escrits. La posterité plus modeste quitta tels Epigrammes plains d'ordure. Mais en leur lieu les Poëtes se mirent en bute des dames qu'ils loüioient & solemnizoient par leurs vers. Tels furent Marulle, Politian, Pontan, Sannazar, Iean Secõd, Beze, Buccanan, Scaliger & autres. Et pour ceste cause Marulle au premier liure de ses Epigrammes disoit:

Sit procul à nostris obscæna licentia scriptis,

Ludimus innocuæ carmina mentis opus.

Utque nec arma virum, nec magni orientia cali

Signa, nec immensum mundi aperimus opus,

Quid pluat, unde homines, quæ vis maria inficit alia.

*An Deus, an manes, an Phlegetontis aquæ:
Sic iuuat in tenui, legem seruare pudoris,
Et quæ non facimus, dicere facta, pudet.
Sit satis auratis crineis laudare Neera,
Sit satis in duram, multa queri, dominam,
Et facere iratum sauo conuitia amoris,
Nec nisi de Scythica credere rupe satum:*



Ie me suis composé à l'imitation de ces derniers, m'estant donné vne maistresse, pour seruir d'assortissement au demeurât de mes Epigrammes. En quoy ie ne pense auoir fait folie, non plus que ce grand Petrarque, & Bembe Italiens, & entre les nostres Ronfard, Bellay & infinité d'autres gens de nom. Au contraire ie me persuade d'estre d'icy en auant conté pour le huitiesme sage: Car il est certain que Solon ce grand legistateur d'Athenes que l'on met entre les sept sages de Grece, escriuit liures d'amourettes, en vers: & apres luy ce grand Philosophe Platon, en prose. Avec lesquels i'aimeray mieux estre mis au rang des fols, qu'estre en opinion de sage au milieu de la populace. A Dieu.

*Selon en
Platon ont
escrie des li-
ures d'a-
mour.*

*A Monsieur Bigot seigneur de Tibermeril President
au Parlement de Roüen.*

*il desire
d'entendre
d'où vient
l'ancienneté
de la sierre
de saint
Romain à
Roüen.*

QUAND ie vous escriuis dernièrement pour le seigneur que sçauiez, & ses beaux freres, ie ne feis iamais de doute que ma requeste ne fust par vous enterinee: non seulement pour l'amitié

M m m ij

qui est des pieça contractee entre nous, & en l'aage (si ainsi voulez que ie le die) de nostre innocence, qui me semble surpasser d'un long entrejet toutes celles que nous auons depuis embrassees, mais aussi pour la iustice de la cause q se presentoit deuant vous. Car encores que le fait de loy fust irremissible, pour auoir esté commis de guet apens, à port d'armes, & assemblée illicite, & autres telles circonstances qui regregeoiēt grandemēt le meordre, si est-ce q puis que le priuilege de vostre Fiertre, est introduit pour acquerir pardō & oubliance de tels actes, ie croy qu'entre ceux qui se presentent en vostre ville, il n'y en eut iamais vn plus excusable que cetuy entre les inexcusables. Parce que selō les loix de la noblesse de Frāce, il sembloit que ceux dont ie vous escriuy, deuoient vne iuste vengeance à la memoire de leur pere, qui auoit esté homicidé par celuy que depuis ils tuerent. Mais pour vous dire en vn mot encores que i'aye tracé ceste lettre pour vous remercier de la faueur que leur auez faite en ma faueur, si ne receurez vous de moy vne action de graces planiere & absoluë, que ne m'ayez auparauant esclarcy dont procede ce priuilege, & quelle en a esté l'ancienneté & continuation. Ne me pouuant bonnement resouldre comment il se peult faire, qu'un si homme de bien, comme fut vostre Saint Romain, produise vn effect contraire à sa saincteté, ie veux dire que sa saincteté soit comme vne franchise des meurdres les plus detestables. S'il vous plaist me mander comme celà

est arriué en vostre ville, & l'ordre que vous y tenez, i'en feray vn embleme en quelque endroit de mes Recherches. Et avec ce, ie souhaiterois aussi grandement de sçauoir dont viennent vos ieux de l'Annonciade, esquels i'entends que faites vn ieu de prix en faueur de ceux qui ont mieux versifié. Voyez ie vous prie de quelle façon ie trafique avecques vous. C'est pis qu'en la maniere des marchands, lesquels acquitants leur vieilles obligations, prennent nouuelles marchandises à credit: Car sans m'acquiter des anciennes, ie veux que m'en acroissiez de nouuelles. Ce n'est pas par vn priuilege de vostre Fiertre, que i'en vse de ceste façon, ains par celuy de nostre ville de Paris, qui est d'estre mal à propos importun. Je sçay bien que la multitude des affaires dont estes acablé ne vous baillera peut-estre le loisir de me l'escire, mais ce sera fait ceuvre grandement meritoire, & digne d'un bon Chrestien, de leuer ce scrupule de ma conscience. A Dieu.

*Il remercie
la damoiselle
de la Her-
baudiere de
quelques
vers qu'elle
luy auoit
enuoyez,
eux estants
aux grands
iours de
Troye 1583.*

A Madamoiselle de la Herbaudiere.

NE ne me sçauois assez reuanger de l'honneste obligation que i'ay en vous: prenant la peine à exciter par vos vers, vn cerueau alengoury. En quoy pour vous dire la difference qu'il y a entre vos belles inuentions & les miennes, ie recognois les vostres prouenant d'un esprit gay, & qui est en sa

*Toutes les
lettres pro-
que qui sont
au present
liure cōcer-
nent les no-
bles inuen-
tiōs que l'on
auoit fait
sur le ta-
bleau de
Pasquier.*

M m m iij

Primevere, ressembler à ces fleurs diaprees du Printemps, & les miénes aux fleurs Autoimnales fennees. Parquoy si en ce que ie vous enuoye vous trouuez dequoy contenter vostre esprit, vous ne me l'imputerez, ains à vous, qui sçauiez remuer en moy des humeurs sourdes & acroupies, lesquelles me commandent dés pieça, mesmes depuis que ie suis arriué en ceste ville de Troye. Et fil y a chose mal faite, vous la reietterez aussi sur vous, pour auoir micux aimé mal faire en vous obeissant, que du tout ne satisfaire à vos commandements. A Dieu.

*A Monsieur de Taiſ Abbé de Bassfontaine, &
Doyen de l'Eglise de Troye.*

*Il se gausse
avec Mon-
sieur de
Taiſ tres-
dócte hóm,
auquel il
enuoye quel-
ques vers
qu'il auoit
faits.*

E suis Aduocat le iour, & poëte la nuit: C'est pourquoy ayant ceste nuit produit vn champignon, ie le vous enuoye, non pas pour ledigerer (car l'vsage des champignons est defendu par les medecins) ains pour le voir tant seuloment. Vous y adiousterez telle polissure que merite vne chose brusque. Mais à la charge que ie veux en contr'eschange d'une mesme main vos deux vers, & comme l'on dit, en baillant, baillant: ou ie vous feray paroistre que n'avez pas affaire avec vn petit creancier, qui fait l'Aduocat & le Poëte tout ensemble. A Dieu.

*A Monsieur de Pincé Aduocat au Parlement
de Paris.*



I ce n'est vn Enigme, & bien dy moy de grace,
Dy moy Pincé que c'est, d'autant que tout ainsi
Comme tu le voudras, ie le voudray aussi,
Et gay ie te suiuray pas à pas à la trace:

Le Peintre voirement d'une meilleure grace
Counant dans ses desseins quelque plus hault soucy,
Nous feit, non vn Enigme, ains vn miracle icy,
Que la posterité bruiira de race en race.
C'estoit vn Dieu caché qui guidoit son pinceau,
Quand il cacha les mains de Pasquier au tableau,
Pour esclorre de vous ceste celeste enuie,
Qui par vos mains fait viure vne main qui n'est pas,
Qui fait que ceste main, tout d'un mesme compas,
La recenant de vous, donne aux vostres, la vie.

En ce mot esclorre, ie vous enuoye ce Sonnet que
i'ay esclos ceste nuict, pour respondre à celuy qu'il
vous auoit pleu de faire, & par lequel respondrez à vn
autre que i'auois fait auparauant, où ie parle de la Ve-
nus qui auoit esté painte par Apelle. Ie recognoistray
que ma response deuoit estre plus promptemēt fai-
te. Mais pour ne me faire plus braue que ie ne suis, ie
vous aduise que ie ne suis pas maistre de mon esprit,
il est mon maistre, & ne fais que ce qui luy plaist, &
quand les opinions luy en prennent. Aussi que ie
sçay que vous estes du nombre de ceux qui vous

Pasquier
ayāt fait le
premier des
sonnets des-
susdits, et le
sieur de Pin-
cé, le second,
Pasquier re-
chargea de
ce troisieme
& de l'e-
pistre qui le
suit.

payez de ceste ancienne monnoye, *Sat citò, si sat bene.* Iusques icy vous & moy auons besongné par demande, defences, & repliche. Ie m'asseure que ne faudrez de m'enuoyer bié tost vos dupliques, estât d'un esprit fertile, & abondant en mille belles inuentions, plus que nul que i'aye iamais veu de vostre aage. Mais ie vous declare dès à present que ie n'y feray nulle response. Parce qu'en termes de pratique on ne permet pas aux parties de fournir de Tripliques. Ie vous donne le bon iour, & me recommande à vos bonnes graces. A Dieu.

*Lettres de Monsieur Neuelet seigneur d'Osch à
Pasquier.*

IA y transcrit les Phaleuces que ie vous monstroy hier. C'est vn mien enfant que ie vous enuoye plus pour satisfaire à vostre volonté, qu'à la mienne. S'il offense vostre veüe, prenez vous en à vous seul. Ie n'ozerois vous prier de l'agenfer plus proprement, & au lieu de sa lourdisse luy apprendre son entregent, craignant que celà fust toucher à l'impossible. Toutesfois s'il vous plaist ietter seulement l'œil sur luy, i'espere qu'ayant honte de ses imperfections, il apprendra vne contenance plus modeste, & plus assuree. Mais si vous y mettez tant soit peu la main, ie suis seur que reuenant vers moy ie le mescognoistray. Tout tel qu'il est, ie le vous presente, ne me souciant pas beaucoup du traitement qu'il pourra auoir de vous. Car ie sçay qu'il sera trop haultement

rement recompensé de s'estre offert à vous, si vous daignez seulement le recevoir. L'esprouue que ferez de luy, si tant est qu'en preniez la peine, se trouuera plus certaine, que celle que les habitans au long du Rhin, faisoient de leurs enfans, si tost qu'ils estoient venus au monde. Je ne m'ose promettre que cestuy soit pour endurer la froideur de l'eau, & remonter au dessus, s'il n'est plongé dans la vostre, c'est à dire de celle qu'avez puisé dans la fontaine des Muses.

A Dieu.

*A Monsieur Neuelet seigneur d'Osche Aduocat en
la Cour de Parlement de Paris.*

P V I S que m'avez permis de ce faire, ie vous renuoie voz Phaleuces aucunement acoustrez de ma liurée. La pauureté est fort supportable quand elle ne procede que d'une trop grande abondance. Aussi disent les medecins, que la maladie est beaucoup plus aisée à guerir, qui procede de nostre trop grande repletion, qu'exinanition & vuidange. Toutesfois voyez si le defaut que i'y ay trouué ne procede plustost de moy, que de vous: & que aiant l'estomach trop foible pour les digerer tout en coup, i'en aye voulu faire trois plats. Quant au premier, i'y ay adiousté quelques traits, qui passeront de rechef par vostre lime: pour le regard du secôd, ie n'y ay riens du tout changé: mais quant au tiers ie pense auoir fait non seulement acte d'un bon Poëte, ains

En respondant à l'autre lettre il louë la bonté de l'esprit de Monsieur Neuelet.

Nnn

d'un bon Aduocat: d'auoir non seulement empesché le procez qui s'alloit encommencer entre l'un des chefs de nostre ordre, & vous: mais de vous auoir fait rencôtrer, & si ainsi voulez que ie le die, fait toucher à la main l'un de l'autre. Je vous prie me pardonner ce que i'en ay fait & le rejeter sur vous; car ie ne prends pas grand plaisir d'estre ingenieux sur les œuvres d'autrui. Et ne l'eusse entrepris, si ne m'eussiez semonds de ce faire. A Dieu.

Lettres de Monsieur de Taix Abbé de Bassesfontaine à Pasquier.

*Il s'excuse
de ce que
ayant esté
conuie par
Pasquier à
dîner, il ne
pouuoit s'y
trouuer.*

LA religion dont i'vse en l'obseruation de la foy que ie donne à ceux qui m'honorent de leur amitié, est cause que ie ne puis ce matin assister à vostre festin. Vous m'en excuserez s'il vous plaist, & croirez que c'est bien à mon grand regret. Car par la lettre qu'il vous pleut hier m'escire, ie iuge aisément que ce banquet sera accompli de toutes les parties. Vous auez ja encommencé par le choix & nôbre des cōuiues, que vous auez fait passer de trois iusques à neuf: & ne faiz doute que les bons propos & viandes ne suiuent de mesme. Si routes-fois il faut que *sibi omneis sint* *Βιωφιλεις* *καὶ ἀφ' ἀρεμῶν*, vous pourrez estre taxé de seruir des aureilles & pieds de porceau. Mais vn medecin Iuif qui se fait Chrestien, pour manger du lard, vous en pourra faire dispenser aisément. Car il se donna au feu Pape Pie iij. & croy

qu'il vit encores. S'il ne le fait, mes deux bouteilles de vin blanc vous en lauerôt. Je prie Dieu q' le trouuiez bon & meilleur que le petit Distique que ie vous enuoie. Quât au vers Grec ie sçai bien qu'il ne vaut riës, mais ie suis bien aise de gazouiller ainsi: à fin de vous faire croire que ie parlerois & chanterois volontiers mieux en vostre loüange, si ie pouuois. Mais vous prendrez en cecy la volonté pour l'effect. A Dieu.

*Debita Paschasium si quis sibi munera cogat
Sumere, eum centum cogat habere manus.*

*A Monsieur de Taix, Abbé de Basse-fontaine,
Doyen de l'Eglise de Troye.*

Vous n'en ferez pas quitte à si bon marché, il respond à la precedante lettre par forme de gaufferie. que deux bouteilles de vin puissent iamais lauer la faute par vous cômise. Nous sommes en vn temps des grands Iours, où l'on chastie aigrement les vrais cõtumax, & mesmement par saisie & annotatiõ de leurs biens. Je sçay bien que voudrez vous preualoir du priuilege ancien des clercs, qui defendoit de saisir leurs meubles, mais ceste loy est des pieça enseuelie dans le cercueil d'oubliance. Attendu mesmement que vostre cõtumace est tant affectée, que *ne ipsa quidem salus, saluum te faciat*. Ce n'est point vn Procureur general qui vous attachera: ce sôt ceux mesmes sur lesquels establisiez plus grand fonds d'amitié. Comment: faillir en vn besoin à son amy, luy denier son assistance, & puis masquer ce defaut d'vne

religion, dont on se vante vser en l'obseruation de sa foy: Vray Dieu quelle impieté, de voiler vne si grande faute du masque de religion? Et vraiment il y a aurât & plus de faute en proposant les faits que pensez seruir à vostre iustification, comme en la faute mesme. Et qui rengrege dauantage ce mal, c'est que pensez me charmer par deux carmes qu'avez faits en mal loüange. Et dauantage, cuidant vous garentir par corruptions, vous m'avez enuoié du vin. Estimant que par ceste boisson, côme par vn nouveau poison, vous lierez ma langue, estouperez mes oreilles, assopirez, côme vne autre Circé, tous mes sens, pour me faire mettre en oubly, & souz pieds, le tort que vous me tenez: Mais il en aduiédra tout au rebours de vostre opinion. Car de ma part ie ne dy iamais micux, qu'à la suite du bõ pere qui cultiua premier la vigne,

Fœcundi calices quem non fecere disertum?

Ie vous escriis maintenant vn peu froidement. Mais par ce seul eschantillon vous pourrez vous rendre capable, de quelle force seront mes esprits pour vous assaillir, quand ie les auray rechaufez de ceste sainte vegetatiue qui fait viure nostre sensitiue. La seule apprehensio que i'ē ay, dōne presque carriere à ma plume, pour taxer iustement vn Taxeus, ou pour micux dire Saxeus. Toutes-fois ie me contenteray maintenant d'vn *Quos ego? sed motos, &c.* Quāt au surplus n'attendez aucun remerciement, & moins encores salutation de celui qui a iuré vne vengeance contre vous: iusques à ce qu'ayez expié la faute. A Dieu.

*A Monsieur Binet Aduocat en la Cour
de Parlement.*

VESSIEZ vous iamais estimé que ma main
eust deu seruir de si belle bute, sur laquelle
tant de nobles mains eussent voulu deco-
cher leurs fleches? On raconte que Domitian, pour
faire paroistre combien il estoit bon archer, se feit
mettre vne main deuant soy, & les doigts estants
ouuerts sceut tirer si apoint entre deux, que la main
ne fut offensée. Le contraire m'est icy aduenu: Car
il n'y a celuy qui n'ait dextrement donné attainte à
ma main, & neantmoins non seulement elle n'en
est demeurée offensée, ains grandement ennoblie.
Et d'autant que ie sçay que par vne beauté d'esprit
qui est née avecques-vous, prenez plaisir aux cho-
ses belles, i'espere vous enuoier par le premier vne
bonne partie de tout ce qui en a esté fait. Ce pendāt
vous receurez par le present porteur mon Ode, en-
semble l'Apologie que i'ay faite de la Main. Mais à la
charge que la lisant vous ne vous mocquerez; si souz
le personnage d'un tiers, ie me donne plus beau jeu
que ie ne deurois: Parce que lors que ie l'ay tracée, i'a-
uois l'esprit espris d'une verue poëtique. Et vous, qui
faites profession de Poësie, sçauiez combien les Poë-
tes s'en font accroire quand il est question de se hau-
louier. Au fort si ie ne suis tel que ie dis, vous penserez
que ie le voudrois bien estre. A Dieu.

*Il enuoie à
Monsieur Bi-
net tāt l'A-
pologie que
l'Ode qu'il
auoit faites
sur sa Main*

AVX INGENIEVSES MAINS QVI
ONT HONORE' LA MAIN DE P A S-
quier de leurs vers.

LE PEINTRE qui dans son tableau
Cacha mes mains souz le rideau,
Trassant seulement mon visage,
Bien qu'il ait apresté à maints

Subjet de parler de mes mains
Ne fit onc un si bel ouvrage.

Il ne m'a pas ainsi retrait,
Pour ne pouvoir par ce pourtrait
Figurer une main trop rare
(Comme aucuns ont voulu toucher)
Moins encor voulut-il cacher
La pudeur d'une main auare.

Tout celà ce sont vains escrits
Dont se paissent les beaux esprits
Aux despens de ma pourtraiture:
A l'un attaindre ie ne puis,
L'autre noblement ie le fuis
Comme une detestable ordure.

Mais bien d'un braue iugement
Ce peintre voila sagement
Mes mains flouëttes & non dignes,
Ne les voulant représenter
A fin de ne les confronter
Encontre tant de mains diuines.

Ou bien peut estre le hazard
Mille fois plus sage que l'art
Le reduisit en ceste faute,
Pour sur le tableau de voꝝ vers
Faire courir par l'univers
Quelque pourtraiture plus haute.

C'est pourquoy tant de bons esprits
Ainsi comme en vn jeu de prix
Poinçonnez d'une sainte flame,
Voulurent par leurs beaux desseins
Donner à mon pourtrait des mains,
Ainçois à mon pourtrait vne ame.

Ainsi l'un se donna la loy
De louer la fleur à part soy:
Et l'autre d'une plume riche
Peut estre prendra le loisir
De trompeter à son plaisir
Quelques-fois vne face chiche:

L'autre d'un carme triomphant
Fait d'une mouche un elephant:
Si premier auteur ie ne fusse,
Je vous raconterois qu'ainsi
Aux grands Iours de Poitiers aussi
On voulut celebrer la Puce.

Ainsi d'un rauissant discours
Voulez honorer noꝝ grands Iours
(De Troye la sainte seance)
Ayant seulement pris en main
Par un non-visité chemin.

*A mille mains auez recours,
Pour former d'une Main l'Idée.*

*Ce n'est point sans plus mon pourtrait
Qui à ce sujet vous attrait,
C'est le Dieu, c'est le Dieu Cynthie,
Peres des esprits les mieux nez,
Qui vous a vers moy retournez,
Souz le nom de la loy Cincie.*

*Heureux vrayment, heureux troupeau
Qui au mont a double coupeau
Puisates ceste belle enuie,
Pour puis au giron de Themis
Faire teste à ses ennemis
Et à la mal-gisante vie.*

*De Phœbus genereux guerriers
Vous ceigneZ voz fronts de lauriers,
Terrassans souz voz pieds le vice,
Monstrans que le braue Aduocat
Ne fait point de l'argent estat,
Ains d'une plus noble auarice.*

*Que de soy-mesme guerdonneur
Il est ciche de son honneur,
Qu'à ce but riens ne le conuie
Sinon l'amour qu'il a de soy,
Et non ceste fantasque loy
Que l'on appelloit la Cincie.*

*Peindre ainsi comme tu me peints,
L'aduocat doit estre sans mains,
Non pas pour du tout riens ne prendre,*

*Mais bien par honnestes moiens
En bien defendant ses cliens-
De la pauvreté se défendre.*

*APOLOGIE DE LA
MAIN.*

Au Lecteur.

L'O N disoit anciennement que l'Afrique produisoit tousiours quelque chose de nouveau : quant à moy, il me plaist de dire que ce sont les grands Iours : Tesmoins ceux de Poitiers de l'an 1579. tesmoins ceux de Troye n'agueres passez en l'an 1583. Ceux-là ayàs produit vne infinité de belles inuentions sur le sujet d'une Puce, ceux-cy sur vn objet qui n'estoit point, ie veux dire sur vne main non peinte : & l'un & l'autre d'un mesme motif. Au regard de la Puce ell'a pris son vol par la France: quât au Tableau dont est question l'histoire merite d'estre racôtée. La fortune a voulu que M. Pasquier Advocat au Parlement de Paris estant aux grands Iours de Troye, souz la conduite de Monsieur le President de Morfan, personnage de tel merite & recommandation que chacun sçait, ayant rencontré vn excellent Peintre Flamen, delibera de se faire pourtraire par luy. Et comme il dresseoit le premier crayon, Pasquier ne sçachant comme il estoit peint, dit au Peintre qu'il lui feit tenir vn liure en ses mains, & non des gands. A quoy luy fut respondu par le Peintre qu'il

y venoit à tard, & que le coup estoit ja frapé: d'autant qu'il l'auoit représenté sans mains. Et cōme l'esprit de celuy qu'on pourtrayoit n'est gueres oiseux, mais né pour faire son profit de tous arguments qui luy viennent à gré, il dist lors à ceux qui estoient presens que ce defaut luy auoit sur le champ apporté l'inuentio d'un Distique: & de fait dès l'instant mesmes, le Peintre le tenant encores arresté, il feit ces deux vers, qu'il pensa deuoir faire compagnie à son tableau.

*Nulla hic Paschasio manus est, lex Cincia quippe
Caussidicos nullas sanxit habere manus.*

Tellement qu'il representa aussi tost la naïfueté de son esprit, comme le Peintre celle de son visage. Là quelques-vns ayâts veu ce crayon représenter au vif celuy que l'on auoit pourtrait, dirent au Peintre qu'il auoit si heureusement rencontré, que si ce tableau estoit mis en mōstre, il y en auroit plusieurs autres auxquels il prendroit aussi enuie d'estre peints. Luy soucieux de son gaing & de son honneur tout ensemble, ayant adiousté la dernière main à ce Tableau, l'expose vn iour à sa boutique aux yeux de tous. Ce pourtrait est veu par quelques passants: On y recognoist Pasquier au visage, & son esprit par ses deux vers. Il se fait (si ainsi voulez que ie le die) vne procession l'espace de vingt-quatre heures: Aux vns agreant le visage, aux autres, le Distique. Et comme les esprits des hommes sont diuers, tout ainsi que Pasquier s'estoit dispensé de se iouer sur son pourtrait,

mencerent à qui mieux mieux de iouer des mains pour Pasquier. Il n'est pas que le mesme Mornac ne s'y soit aussi enroulé, comme les autres, ayant fait vne belle monstre de son esprit tant en vers Latins que Grecs. Tellemét qu'il semble qu'en la ville de Troye se soit retrouvué le Cheual Troyen, non pour produire des capitaines à sa desolation & ruine, mais plusieurs braues Poëtes à son exaltation & honneur, lesquels il semble qu'Apollon qui fauorisa tousiours le party Troyen, eut couué iusques à huy, pour les esclorre à poinct nommé. Et qui est chose esmerueillable & qui ne doit estre escoulée souz silence, c'est qu'entre six ou sept vingts qu'Epigrammes, que Sonnets, Odes, & Elegies, vous y en trouuez bien peu qui symbolisent en inuention, ores que leurs auteurs ne se soient mis en bute qu'une main. Que si peut estre vous y en trouuez, ne pensez pas pour celà que ceux qui ont escrit les derniers, ayent riens emprunté des autres, dont ils n'auoient veu les ouurages: N'ayans les premiers sur eux autre auantage que d'un certain droit de preuention. A maniere que les derniers peuuent icy faire le souhait qu'a fait autrefois le mesme Pasquier au cinquiesme de ses Epigrammes sur vn propos sinon en tout & par tout semblable, pour le moins non du tout dissemblable, parlant des anciens avec lesquels de fois à autres il s'estoit peu rencontrer en quelques pointes,

Dij male perdant

Antiquos, mea qui præripuere mihi.

Je ſçay biẽ que quelques eſprits ſombres & viſqueux
 trouveront icy aſſez du ſubjet pour ſe iouer ſur la
 main d'un Aduocat : & me ſemble deſia veoir quel-
 que ſot qui voudra contre-faire l'habile homme, le-
 quel dira qu'il ne faut point trouver eſtrange que
 toute ceſte compagnie ſe ſoit liguée pour blaſon-
 ner vne main , comme eſtant matiere qui luy eſt aſ-
 ſez familiere & dont elle ſe ſçait mieux aider : Et que
 encores ceux qui ont icy eſcrit ne tomberont iamais
 en l'acceſſoire du Cordónier, lequel apres auoir con-
 troulé les ſouliers repreſentez dans vn tableau d'A-
 pelle, voulant outrepaſſer ce qui eſtoit de ſon art, fut
 arreſté tout court par ce grand Peintre, luy diſant
 qu'il ne failloit point qu'un Cordonnier iugeaſt
 d'autre choſe que du ſoulier: Car au contraire les Ad-
 uocats ſçachants combien vaut la main , auront peu
 rendre certain iugement du Tableau , ſi la main y a
 eſté à bonne raiſon oubliée. Mais à ces Miſanthro-
 pes & Lutons ſ'ils eſtoient dignes de noſtre colere,
 ie reſpondrois volontiers qu'il n'y a riens qu'ils doi-
 uent tant craindre que la colere d'un Aduocat : d'au-
 tant qu'il a comme l'on dit en commun prouerbe,
 bec & ongles pour ſe defendre. Et combien que tel-
 les taupes cachées ne le meritent , ſi eſt-ce que par
 vne charité Chreſtienne, ie les veux exhorter de pré-
 dre conſeil de Platon, lequel aduertifſoit tout hom-
 me de ne ſ'atacher aiſément à celuy qui auoit l'eſprit
 en main pour ſe reſſentir d'un outrage. Diſant que
 ce fut la cauſe pour laquelle Minos Roy de Crete fut

apres sa mort representé pour iuge des enfers à la posterité. Par ce que comme ainsi fut que de son viuant il eut affligé par guerres continuelles la ville d'Athenes qui abondoit en grands Orateurs & Poëtes, aussi les Atheniens ne pouuans recognoistre de mieux l'obligation qu'ils auoient à luy que par leurs plumes, soudain qu'il fut decedé, ne le peurent honorer de plus beau titre que de le faire iuge des ames damnées. Et le semblable feirent presque noz Ecclesiasticks, contre la memoire de ce grād Aduocat du Roy Maistre Pierre, de Congneres, qu'ils logerent en vn petit recoin de leur Eglise, souz le nom de Maistre Pierre du Coignet : pour auoir esté le premier auteur de reduire leurs iurisdiccions au petit pied. A quel propos tout cecy ? Pour apprendre à ceux qui pour ne pouuoir riens faire de bien, ne sçauent autre mestier que de mal patler, qu'ils examinent trois & quatre fois leurs consciences auant que de s'aheurter mal à propos contre la main des Aduocats. Le Poëte a la main seulement pour rediger ses cōceptions par escrit : Le Prescheur a pour son lot & partage la langue : mais l'Aduocat par vne prerogatiue speciale a l'vne & l'autre pour s'en preualoir. C'est pourquoy il faut apporter de grandes circonspectiōs & regards, auant que de le vouloir atacher. Au demeurāt apres auoir remué toutes sortes d'aduis à part-moy, ie ne voy nul en nul estat qui ne soit bien aise d'exercer sa main à son aduantage. Soyez pres des Rois, Princes & grands seigneurs, soyez gendarme, treso-

puis tout à coup que l'Homme estoit à l'homme vn loup. Aussi ne faut-il point trouuer estrange que la Main soit en nous vn outil qui produise du bien & du mal en extremité, puis que ses operations sont extremes. Et neantmoins si faut-il que l'on m'accorde qu'entre tous les membres de l'homme, il n'y en a point de tant vtile & necessaire que cettuy. La main est celle qui prend les armes offensiuës & defensiuës pour nous, celle qui est archer des gardes de nostre corps, & que nous opposons deuant le chef pour le garder de mesprendre, quand dans les tenebres de la nuit nous allons à taton, celle qui enseigne à l'aveugle les chemins à l'aide d'un baston. Par elle l'on bastit les maisons, par elle on cultiue les champs & les vignes: elle nous fournit de vestemens tant en estoës que façons, nous administre le boire & manger pendant nostre santé, & en nos maladies les medecines. Sans elle les loix & les sciëces liberales demeureroient enseuelies dans le cercueil d'oubliance. Par le seul objet de la main, nous trouuâmes la premiere cognoissance des nombres: & sur ce meisme modelle nous apprenons les premiers rudiments de la Musique. Et si l nous fault ietter l'œil sur la Medecine, il n'y a partie en nous de laquelle on descouure tant le temperament ou intemperament de nos corps, que de la paulme de la main. Afin ce pendant que ie ne face estat de ceux qui pensent que dans nostre main comme dans vn miroüer nous pouuons considerer nos fortunes tant passées qu'à venir. Dont s'est insi-

nué entre nous cest art de Chitomanchie. Le Preſcheur ou Orateur ſeroit vne peinture releuee en boſſe ſeulement, ſi avec le fredon de ſa langue il ne ioüoit auſſi des mains. Et certainemēt non ſans cauſe. Car la main a ie ne ſçay quels geſtes par leſquels elle repreſente toutes les paſſiōs de nos ames, ores vne afflictio & douleur, ores vn aise & contentemēt, tantost vne menace & colere, tantost vne ſoubmiffion & obeiffance: brief elle ſeule en nous parle ſans parler. C'eſt à mon iugement pourquoy ce grand Orateur Ciceron ſe reputoit à grand honneur de pouuoir rendre en autant de façons de bien dire, tout ce qui eſtoit diuerſement repreſenté par ce grand Comedien Roſcius: Cettuy là vſant de ſa langue, & cettuy principalement de ſes mains. C'eſt auſſi pourquoy Demoſthene attribuoit les premieres, ſecondes & troiſieſmes parties de l'Orateur à l'actiō, comme ſi le principal air de l'oratoire deſpendoit ſingulierement des mains. Je n'ay pas preſentement dit ſans cauſe qu'elles parloient ſans parler. Car ſil vous plaiſt conſiderer ce qui tombe en commun vſage, ſans fouïller ſi auant dedans l'art de ceux qui haranguent au public, vous trouuerez que par le miniſtere d'elles nous pouuons appeller ſans mot dire, ceux que voulōs venir à nous: & au contraire faire arreſter tout quoy, celay qui ſ'y acheminoit. Par le meſme aide, l'hōme qui a quelque aſſurance de foy, ſe ſent eſtre loüé, & celuy qui en a deſiance, vituperé, le tout ſans l'vſage & entremiſe de la langue, lors que l'on le mon-

stre au doigt. Et les anciens par l'aplaudissement de leurs mains donnoient à cognoistre le contentement qu'ils auoient receu des ieux representez deuant eux. Quoy plus? Le muet ne se rend pas moins entendible par les signes de ses deux mains, que celuy qui par vn caquet affilé nous rompt la teste & les oreilles. I'adiousteray à tout cecy que non seulement es choses temporelles la main produit effects esmerueillables, mais aussi aux spirituelles: esquelles nous requerons l'imposition de la main pour la promotion à la dignité Episcopale. D'elle nous receuons interieurement les benedictions exterieures de nos Prelats. Et encores que la seule parolle de Dieu fust suffisante, pour effectuer ses miracles, si y voulut il apporter à plusieurs, l'atouchement de la main. Il n'y a celuy de nous qui ne sçache de quelle puissance est le cœur, es prieres qui se font en l'Eglise. Et neantmoins encores y auons nous voulu apporter les mains iointes. Voire que sans icelles il sembleroit que nos prieres fussent de peu de merite, comme nous aprenons de ce grand amy de Dieu, Moyse, lors qu'au milieu des afflictions publiques de son peuple, il luy failloit soustenir ses bras las, afin de les tenir tousiours esleuez au ciel, pour ne rendre l'oraison qu'il faisoit à Dieu, sans effect. Et en ceste miraculeuse guarison des escroüelles, octroyee par Dieu de tout temps & ancienneté, par vne singuliere prerogative, à nos Rois, qui est celuy qui ne voye que l'interposition de la main y fait la principale operation?

Dont fest insinué ce commun parler entre nous, par lequel nous disons nos Rois deuoir toucher les malades, lors qu'ils se voüent à les guerir. Il faut vraiment que nous tous vnanimement confessions que la langue est de grande efficace en nous, mais non de telle, que la main. Car ses effects sont passagers, & se passent (si ainsi le faut dire) autour de l'oreille. Mais quant à la main c'est le vray instrument par lequel nous enchassons nos œuures au temple del'immortalité. Aussi a elle telle symbolization avec l'esprit, qu'ordinairement nous confondons les fonctions de l'une & l'autre ensemblement. Voire qu'il seroit fort mal-aisé de iuger lequel des deux est plus redevable, ou de la main à l'esprit, ou de l'esprit à la main : s'entretenās d'une telle liaison ensemble cōme les roües d'un horloge avec les contrepoids de plomb. Et qui est vne chose qu'il ne faut passer sous silence, c'est que la main a esté trouuee de telle recommandation, qu'en nos plus belles actions, nous les y auons de toute ancienneté employees. De là viēt que pour asseurer de nostre foy celuy avec lequel nous contractons, nous mettons nostre main dans la sienne. Aussi trouuons nous aux plus anciennes histoires de Rome, que le Roy Numa ayant basti vn temple de la Foy, voulut que les ministres de ce lieu officiasent les mains toutes enveloppees iusques aux extremitez des doigts. Denotās par là (si nous croyons à Tite Liue) que la foy se deuoit tres-estroitement garder, & que son vray siege estoit estably en la main. De là que les an-

ciés en leurs gonfanôs par l'entrelas des deux mains signifioient la concorde: & auourd'huy les amants, l'amour qu'ils ont à leurs maistresses: de là qu'en la solemnization du mariage l'on met l'anneau coniu- gal en l'un des doigts de son espouse: de là a peu dire que quand le iuge veut assermêter vne partie ou tes- moin, pour tirer d'eux vne verité, il leur fait leuer la main, & ailleurs que l'on la fait mettre sur les Euan- giles. De sorte que (si tout ainsi que l'Egyptien) il nous estoit permis de mettre en vñage quelques let- tres Hieroglifiques, ie pense qu'il n'y en eut iamais de plus celebre que la main, par laquelle on peut re- figurer la Foy, la Cōcorde, l'Amour, la Verité, & en- cores la Liberalité tout ensemble. Chose que nos an- cestres cognoissans, & specialement combien elle estoit necessaire à l'vsage commune, tout ainsi que ie vous ay presentement discouru en combien de manieres se diuersifioit sa vertu, aussi la diuersifierent ils en vne infinité de formulaires de parler. De là est venu que nous disons tenir la main à vne entreprise pour la fauoriser: auoir les mains nettes, pour, estre homme de bien: faire sa main, pour, s'enrichir: lauer ses mains de quelque faute, pour, s'en excuser: venir aux mains, pour, venir aux prises: ioïer des mains, pour se battre: donner confortemain, pour aider: ad- iouster la derniere main, pour, perfection d'un œu- ure: tenir vne chose sous main, pour, cachee: estre en la main de quelqu'un, pour, en la puissance: mainmi- se, pour faillie: manumission, pour affranchissement:

gens mainmortables, pour, serfs & esclaves: & encores gens de mainmorte condition, comme sont les Ecclesiastiques, qui ne peuuent prendre immeubles sans le congé de leur Prince, ny les rendre sans l'autorité de leur supérieur: mettre la main à l'œuvre, pour s'employer: aller contre vn ennemy à main forte, pour, à grande puissance: mettre la main sur le coler d'un homme, pour le constituer prisonnier: tout d'une main, pour, tout d'une suite: baiser la main, pour, saluer. Le temps mesmes ne s'est peu passer sans emprunter d'elle quelque chose, lors que nous disons, de longuemain, & encoires tenir vne chose de main en main, c'est à dire, d'une longue traite de temps ores qu'elle ne soit escrite, comme sont les anciennes traditions de l'Eglise. Et s'il faut passer plus auant, les chemins luy sont redevables, quand nous les enseignons par la main droite ou la gauche. Brief le Ciel mesmes y a voulu auoir part lors que nous recognoissons quelques-vns sentir la main de Dieu, voulans exprimer son courroux. Adiousteray-ie que les trois parts de tout le monde, dont les quatre font le tout, mandiet leurs exercices des mains, quand nous appellons les artizans, Manœuvres, & ce qui est sorty de leur art, Manufactures: voire que la Medecine qui fait part & portion des arts liberaux ne s'en est peu exempter: D'autant que nous appellons vne partie d'icelle, Chirurgie, parce qu'elle giste en l'operation de la main. Brief il n'y a riens qui soit destiné à exercer entre nous, tant de liberalitez, soit

à bien faire, ou bien dire comme la main. Qui fait que nul ne doit trouuer de mauuaïse grace que tant de personnages d'esprit se soient ingerez à celebrer vne main. Je ne diray point si celle pour laquelle on fest employé le meritoit ou non : car il y a trente ans passez que la France a peu cognoistre ce qu'elle peut faire en diuers subjets. Bien vous diray-ie que toutes ces nobles inuentions estans tombees entre mes mains, i'ay pensé de vous en faire part: non tant pour fauoriser la main pour laquelle on a escrit, que pour ne faire tort à toutes ces braues mains qui l'ont voulu honorer. Et atant tu estimeras (Lecteur) que ie te les represente en ce lieu non selon le rang & degré des personnes (n'estant entré en nulle cognoissance de cause de leurs grades & qualitez) mais selon l'ordre que ces gayetez ont esté donnees, ou que i'en ay fait le recueil. T'aduisant au surplus que ie n'entends te les presenter sinon de tant & entant qu'il te viendra à gré de les lire.

*A Monseigneur de Morfan Conseiller au conseil
d'Estat, Et/ President au Parlement
de Paris.*



VOYEZ ie vous prie quelle autorité vous vous estes donné en peu de temps sans y pēser, outre ceste qui vous estoit ia acquise. Le Roy vo^o auoit enuoyé pour presider aux grāds Iours de Troye, avec vne limitation certaine de territoire,

toutesfois par vne puissance absolüe, vous auez esté du vostre iurisdiction iusques dans la ville de Paris, qui ne fut iamais des grands Iours. Sça'vous comment? La courtoisie dont vſates en mon endroit à mon partemēt a esté de tel effect & merite sur moy, qu'au lieu du congé que me donnates pour m'en reuenir, ie deuins deslors tout à fait vostre prisonnier. Tellement qu'il m'a semblé en m'en revenant que ie tenois les chemins pour prison: Prison que ie tiens encores aujourd'huy dans ceste ville de Paris, & dōt ie ne veux sortir, ores que me voulussiez bailler plainne mainleuee de ma personne. Mais entendez ce qui vous en est auenu: vne chose dont ne vous douteriez nullement. Car au lieu que faites le procez aux autres, tout prisonnier que ie suis, ie fais le vostre pardeça. Mesmes enuers Monseigneur le Chancelier, auquel i'ay fait vn ample discours, de tous vos beaux deportements: dont il est demouré si satisfait & content, que ie croy qu'auuez occasion de vous en contenter grandement. Il en estoit ia assez amplement informé par les bruits qui luy en auoient esté apportez, & vous seruira de bonne & fidelle trompette enuers le Roy, tant que seiournerez pardelà. Cependant vous aduiserez sil vous plaist de conseruer en vos bonnes graces, celuy qui desire vous demourer seruiteur, & qui ne se lassera iamais de receuoir vos commandements. A Dieu.

A Mon-

A Monsieur Tabourot Procureur du Roy au balliage de Dijon.

E croy que tout ainsi que nous sommes conformes en noms (car vous & moy auons ce beau nom d'Estienne) aussi symbolisons nous en penſers : Parce que comme ie receu le iour d'hier vos lettres, i'estois ſur le poinct de vous aſſailir par les miennes. Mais vous m'avez preuenu fort à propos, pour celebrer vne forme d'anniuersaire de ma Main. Car mon pourtrait qui a tant fait parler de ſoy, & mes deux vers de la loy Cincie, ſur leſquels on en a prouigné tant d'autres, furent tracez la veille de ſainct Michell l'an paſſé que l'on comptoit 1583. & c'eſt le iour auquel ie vous ay eſbauché la preſente : Par laquelle auant tout œuvre vous receurez de moy vne action de graces de l'honneur que me faites, en me remerciant de vous auoir inſeré dans les gayetez que l'on a faites ſur ma main. Voſtre Epi-gramme plain de courtoisie & d'eſprit ne meritoit rien moins que d'y eſtre enchaſſé. Deſlors que vous me l'enuoyates par monsieur Minos, ie ſeis la reſpoſe telle que vous avez veu audessous, laquelle vous ne receutes, parce que ie ſeus aduertty par le meſme Minos qu'eſtiez party de ceſte ville. Car quant aux vers par leſquels avez de nouveau remué le meſme ſubjet de ma Main, ie feray comme font les ioiueurs de dez qui ne veulent hazarder toutes leurs fortunes

*Il racontre en
ceſte lettre
plusieurs
gayetez dont
il ſeſt di-
uerſement
eſgayé, quand
les occaſions
ſy ſont pre-
ſentees.*

en vn coup, quand on leur couche trop grand ieu: Je vous quitteray la main. Vous acablez avec trop d'vfures vne bonne volonté que ie vous dedie, d'aussi bon cœur, que j'accepte celle que me presentez. Au regard de ceux de monsieur Iuret, filles a faits à bon esciant, il a de tresmauuais espies de mes deportements, n'ayant iamais eu autre but en mon estat que l'auarice de mon honneur. Si pour se ioïier, & cōme l'on dit à petit semblant, il pouuoit à mon iugemēt trouuer sujet plus sortable, que de ma main, laquelle ne sçait pas si bien prendre, que rendre à ceux qui luy veulent prester monnoye de mauuais alloy. C'est pourquoy pour ne demourer longuement en arretages enuers luy, ie le payerois volontiers de ces deux vers qui me viennent de tomber en la plume.

Dum loculos, oculos, toties in carmine versas,

Omnibus ecce refert Echo tua carmina, Culos:

Il ne sera non plus offensé des miens, que ie suis des siens. Tout celà s'appelle ieu sans vilennie. Voilà entant que touche vos lettres: Je viendray maintenant

*Le liure de
monsieur Ta-
bourot inti-
tulé les Bi-
garrures.*

à celles que ie voulois vous enuoyer. J'ay leu vos belles Bigarrures, & les ay leües de bien bon cœur, non seulement pour l'amitié que ie vous porte, mais aussi pour vne gentillesse & naïfucté d'esprit dont elles sont plaines, ou pour mieux dire pour estre bigarrees & diuersifiées d'une infinité de beaux traits. J'eusse souhaité qu'à la seconde impression on n'y eust rien augmenté: S'il m'est loisible de deuiner, il me semble que l'on y a adiousté plusieurs choses qui ne ressentent en riens de vostre naïf, & croirois fort

aisément que c'eût esté quelque autre qui vous eust mal à propos, presté ceste nouuelle charité. Il faut en tels subjects que l'on pense que ce soit vn ieu, non vn vœu, auquel fichions toutes nos pensees. Vous cognoistrez par là que ie vous aime & honore, puis que pour la premiere fois ie vous parle si librement. Au demourant ie trouue qu'en ceste seconde impression, vous appropriiez à Iacques Pelletier les facettes de Bonauenture du Perier: Vous me le pardonnerez, mais ie croy qu'en ayez de mauuais memoires. I'estois l'vn des plus grâds amis qu'eust Pelletier, & dans le sein duquel il desployoit plus volontiers l'escrain de ses pensees. Je sçay les liures qu'il m'a dit auoir faits. I'amaï il ne me feit mention de cettuy. Il estoit vrayemēt Poëte, & fort ialoux de son nom, & vous assure qu'il ne me l'eust pas caché: Estant le liure si recōmandable en son sujet, qu'il merite biē de n'estre non plus defauoüé par son autheur, q̄ les facettes Latines de Poge Florētin: Du Perier est celuy qui les a cōposees, & encores vn autre liure intitulé *Cimbalum mūdi*: Qui est vn Lucianisme, qui merite d'estre ietté au feu avec l'autheur s'il estoit viuāt. I'adiousteray à la suite de cecy q̄ les deux vers François, que vous attribuez à monsieur l'Official Taborot, sont miens.

*Les facettes
de Bonauenture
du Perier.*

*Vers retro-
grades François.*

Bienfait, non dol, loz, non faueur,

Fait t'a gaigné tresgrand honneur.

Lefquels estants retournez, vous y trouuez,

Honneur tresgrand gaigner t'a fait

Faueur, non loz, dol, non bienfait.

Qqq ij

Il y a plus de quinze ans qu'il les eut de moy, & en prit la copie chez feu monsieur d'Ampierre maistre des comptes sien parent & mon voisin: & croy qu'il ne le deniera pas quand vous luy en parlerez. Il les trouua admirables non seulement pour estre traduits vers pour vers du Latin de Philelphe, mais aussi que nostre langue n'en est pas bonnement capable, à cause des articles que nous lions & mettons ordinairement deuant les noms François, ne nous estant pas permis de les postposer. Et de fait i'en ay autresfois voulu faire vn autre coup d'essay tel qui s'ensuit, mais ie n'ay peu attaindre à la facilité qui sy trouue en Latin.

*Ton riZ, non ton caquet, ta beauté, non ton fard,
 Ton œil, non ton venin, tes traits, non tes apas,
 Ton accueil, non ton art, ta faueur, non tes las,
 Surpris, & nauré m'ont le cœur de part en part:
 Cuisans, ains doux atraits, port lourd, ains gracieux,
 Mon malheur, ains mon bien, mon glas, ains ó ma flame,
 De mon cœur, de mon tout, de moy, & de mon ame,
 Vn present ie veux faire à toy & non aux cieux.
 S'il vous plait retourner ces huit vers, vous y trouue-
 rez le contraire, mais avec vne contrainte telle que
 ie pense toute autre chose qui se trouue au Latin.
 pouuoir entrer en nostre langue, fors ceste sorte de
 vers, comme vous le pourrez sentir aisément.
 Aux cieux, & non à toy, ie veux faire vn present,
 De mon ame & de moy, de mon tout, de mon cœur,
 Ó ma flame, ains mon glaZ, mon bien, ains mon malheur,*

Gracieux, ains lourd port, attrait doux, ains cuisant.
 De part en part l'esprit, m'ont nauré & surpris
 Tes las, non ta faueur, ton art, non ton accueil,
 Tes apaꝝ, non tes traits, ton venin, non ton œil,
 Ton fard non ta beauté, ton caquet, non ton ris.

Vous appelez telle sorte de vers fort à propos Retrogrades. Et parce que ie sçay que vous tachez par vostre liure de non seulement rire, ains de rire doctement, ie vous donneray en passant ce petit aduis, que le premier qui a parlé de tels vers (au moins dont la cognoissâce soit arriuee iusques à nous) fut Sidonius Apollinaris au neufiesme de ses Epistres, là où il les appelle *Versus recurrentes*. Et dans luy vous trouuerez ces deux qu'avez cotez *Roma tibi subito &c. Si bene te tua laus &c.* Et se vante encores d'auoir fait ces deux autres que vous avez mis dans vostre œuvre,
Præcipiti modò quod decurrit tramite flumen,

Tempore consumptum iam citò deficiet.

Vous ne serez pas marry que ie vous serue de ce mets cōme faisant grandemēt à vostre intention. Depuis cōme les inuentiōs premieres reçoient augmentation avec le temps, on y apporta cest embellissemēt de leur faire cōtenir deux sens cōtraires, l'un en les lisant de leur plain, & l'autre à l'enuers. De quelle marque sont ceux de Philephe que vous avez fort bien cotez. Chose qui depuis s'est trouuee fort familiere, & de fait moy-mesme qui me recognois le moindre des moindres en ay fait huit de ceste trēpe au second de mes Epigrammes, contre vne paix sainte & courte.

Qui est l'unique d'entre les Latins qui fait mention des vers retrogrades.

VIII. LIVRE DES LETTRES

*Mens bona, non noua fraus, pietas, non aulica fecit
Curia, id edictum, Rex bone, pacificum:
Plebs pia, non fera lex, poterit nunc viuere tecum,
Crescere, non labi vis, puto, sordidule.
Imperium, Deus, hoc seruas, non perdis, amore
Feruida fit, nec pax hæc tegit insidias.
Magnificè tibi, Rex, succedant optima, nunquam
Prælia sint, immò pax tibi perpetuò.*

Plus hardy est cettuy que i'ay mis au sixiesme liure
en vn vers, qui fait vn exhametre & pentametre sous
diuers sens, où sous le nom de la Gaule ie fais parler
le Catholique & le Huguenot.

Patrum dicta probò, nec sacris belligerabo.
C'est le Catholique q parle. Tournez ce carme à l'en-
uers vo⁹ y verrez vn Pétametre, où le Huguenot dit,

Belligerabo sacris, nec probò dicta patrum.

Et comme ainsi soit que tant en Latin que François
ie me sois voulu dōner carriere en plusieurs sortes de
ieux, aussi vous puis-ie dire auoir fait vn Echo au se-
cond liure, qui n'est pas peult estre de moindre gra-
ce que celuy qu'auetz remarqué.

Forme de
vers esquels
l'Echo est
representee.

*Hic ego dum solus meditans longa auia sector,
En age dic Echo domina quis maior honos! Nos.
Ergo Fabulla sonis, poterit me perdere multa?
V L T A. Sed heu fodes recita quæ causa mali huius?
I V S. An quod me etiam volui sacrare Sabina?
N Æ. Is fructus binis est inseruire puellis?
I s. Sic sum ipse meæ sortis miseranda lues? E s.
Quæ Venus inde meis haret male-sana medullis?*

LIS. *Saltem vt valeam meme ablegabo peregrè?*

ÆGRE. *Tandem igitur spes est gaudere Fabulla?*

BVLLA. *Vah pereas, abs te discedimus.* IMVS.

Aux œuures quel'on a fait imprimer sur ma Main, ie me suis aussi voulu esgayer en nostre langue sur vne autre Echo en ceste maniere.

Pendant que seul dans ces bois ie me plains,

Dy moy Echo qui celebre mes mains? MAINTS.

Y a il point quelque autre gentille ame,

Qui à loier autres mains les enflame? AME.

Si moy viuant de mon loz ie iouy,

Ay-ie argument d'en estre resiouy? OUY.

Et si ma Main est iusqu'au ciel ranie,

Que me vaudra ce bruit contre l'enuie? -VIE.

N'y aura-il nul homme de renom,

Qui en cecy soit ialoux de mon nom? NON.

Mais si quelqu'un mal apris en veult rire,

Que produira dans mes os ce mesdire? IRE.

Contre ce sot, contre ce mal apris,

Ne rongeray-ie en moy que des despits? PIS.

O sot honneur d'une main mal bastie!

Quel humeur doncq' vainement me manie? MANIE.

Las pour le moins Echo si tu peux rien,

Fais que les bons, demes mains parlent bien. BIEN.

Si t'le fais, riens plus ie ne demande,

Or sus, à Dieu, va, ie me recommande. COMMANDE.

Le premier que ie pense entre les Poëtes Latins en auoir vsé, est Ioannes Secūdus, en vn Epitaphie qu'il infere en son boccage qui commence:

*O que Diua cauos colis recessus,
Syluarúmque regis domos opacas, &c.*

Vous pourrez auoir recours au passage qui est long,
& pour ceste cause ie me contenteray de le vous
monstrer au doigt seulement. Le premier parauentu-
ture entre nos Poëtes François est du Bellay, par l'E-
pigramme que vous mesmes auez çotté. Au moins
ne me souuient il point en auoir leu dans autre Poë-
re de nostre temps. L'on doit au mesme du Bel-
lay le premier sonnet en vers que vous appelez
Rapportez, qui est le dix & neufiesme de son
Oliue.

*Vers rap-
portez.*

Face le Ciel quand il vouldra reuiure

*Lyssippe, Apelle, Homere, qui le prix
Ont emporté sur tous humains esprits,
En la statue, au tableau, & au liure:*

*Pour engrauer, tirer, escrire, en cuiure,
Painture, & vers, ce qu'en vous est compris,
Si ne pourroient leur ouurage entrepris,
Cizeau, pinceau, ou la plume, bien suiure.*

*Voilà pourquoy ne fault que ie souhete
De l'engraueur, du Paintre, ou du Poëte,
Marteau, couleur, ny ancre, ô ma Deesse.*

*L'art peult errer, la main fault, l'œil se scarte,
De vos beautez, mon cœur soit doncq' sans cesse,
Le marbre seul, & la table, & la carte.*

Sonnet toutesfois que ie vous puis dire auoir esté
desrobé d'un Italien, & rendu fort fidèlement en
nostre langue. Depuis Iodelle se feit grand maistre

en ce sujet, & croy que si vous auez ses œuvres vous y en trouuerez d'admirables. Je viendray à voz Rebus, & pareillemēt à voz equiuoques, eîquels si vous me permettez de souhaïter, ie desîre ie ne sçay quoy de moins lōg que ce que vous y auez mis par vostre derniere impression: mesmes que tant de figures qui y sont adioustées en forme de demonstrations de Geometrie ne me plaissent gueres. Celuy qui dès premiers a fait entre nous ouuerture aux Rebus est Geofroy de Thory en son liure du Champ fleury, que ie vous souhaite non seulement pour cest argument, ains pour tout le discours de vostre œuvre. D'autant que vous en pourriez recueillir plusieurs belles instructions non ellongnées de vostre but: Encores vous veux-ie faire present de deux Epitaphes qui peut estre meriterōt de trouuer lieu avec les vostres.

*Cygist Guillaume Departy,
Qui d'un Duc estoit secretaire,
Et est de ce monde party,
Sans sçauoir qu'il y venoit faire.*

*Antoine de Saumur nasquit 1529.
Des biens de ce monde il acquit. O
En ce bas terroir il vesquit. 30.
A nature il paya l'acquit. 1559.*

Vous prendrez ma lettre pour vn coq à l'asne, en laquelle il n'y a autre ordre, que le desordre. I auis

Rrr

oublié de vous faire part de l'anagramme de Ruiner & Reünir, que ie feiz en la congratulation de la paix del'an 1570. que i'adressay au Roy Charles, pour mōstrer combien les guerres ciuiles estoiet detestables, & que ce n'estoit tousiours que ruine, voire en reünissant les villes qui folement s'estoient distraites de son obeissance.

*Qui vouldra REVNIR, avec RVINER mettre,
Il verra qu'il n'y a transport que d'une lettre,
Et qu'en reünissant voſ villes ruiniez,
Et en les ruinant vous les reüniffiez:
Car dans vn REVNIR le RVINER se treuve,
Dont voſ pauvres ſujets ont fait derniere eſpreuve.*

Ie vous pourrois encores dire qu'en l'an cinq cens lx. iij. deüstant avec l'un de mes amis, qui me disoit que tout alloit bien, & que le Roy auoit voulu pacifier toutes choses, ie lui feiz responce à l'impourueu, qu'il ne failloit pas s'y fier. Entre tous les Anagrammes vous deuez à mon iugement faire estat de celuy d'Estienne Iodelle, *Io le Delien est né*, sur lequel Tahureau feit vne belle Ode, dont le refrain au bout de chaque huitain ou dixain estoit celui-là. Parauenture ne trouuerez vous pas cestuy trop descouſu; mon fils aîné Theodore Pasquier estât escolier, m'enuoie au bout d'une epistre *Theſauros pacis ſudo*. Ie descouure soudain que c'estoit l'anagramme de son nom, qui est en Latin, *Theodorus Pascasius*. Au moien de quoy ie le réüe d'un autre, pris de cestuy-là: *Theſauro pacis duos*. Et d'un meſme main feiz cest Epigramme.

THESAUVROS PACIS, *verso mihi nomine*, SYDO,

Dicis dum libris, mi Theodore, vacas.

Sinon mentiris, iam te Theodore, patrémque,

Atque ita THESAUVRO PASCIS, amice, DVOS.

Et puis que j'ay franchy le pas de m'alleguer icy
pour autheur, ie ne douteray de vous faire parr d'une
gayeté que ie feiz autrefois sur le nom tantost de Re-
my Bebeau, tâtost de Remy de Bebeau, pour gage de
l'amitié immortelle que ie luy portois, faisant ores
vn Rebus, ores diuers Anagrammes de son nom.

Lors que mon Bebeau nasquit;

Toute la troupe celeste,

Pour solemniser sa feste

Vers Helicon se rendit.

L'à fut chanté à l'enuy,

Vn Sol, vn Fa, vn RE, MI,

L'à fut fait maint ~~Et~~ maint tour

Gaillardement à l'entour

De ceste sainte BELLEAV.

Pour cela fut ordonné

Que cest enfant nouveau né,

Seroit dit REMI BELEAV.

Les Dieux ayants baptizé

L'enfant de ceste eau sacrée,

Dont ce grand Poète Aferée,

Fut en la Grece arrouzé,

Eux tous d'un commun concours
 Voulurent sonder son cours,
 Et quel estoit le butin
 Que luy forgeoit son destin.
 Adonc dit l'un du troupeau;
 Je voy que dès son enfance
 Par eternelle ordonnance,
 Cest enfant MIRE LE BEAU.

C'est peu d'avoir tout le cours
 De l'univers dans sa teste,
 Si on ne le manifeste
 Par elabourez discours.
 Qu'est-ce (respondit l'un d'eux)
 De voltiger iusqu'aux cieus,
 D'aprofondir chacun art,
 Si à tous tu n'en fais part?
 Pour le bannir du tombeau
 Il faut qu'en prose ou en rime,
 Ce beau, ce bon il exprime,
 Il faut qu'il RIME LE BEAU.

Cest arrest estant donné,
 L'on feit d'une mesme estoife,
 Vn Poète & Philosophes,
 Puis soudain fut estrené
 Des Graces qui à grands pas
 S'estoient lancées la bas,
 D'elles fut l'enfant laué,

D'elles DE MIEL ABREVÉE.

Puisque (font elles) du ciel
Tant de bien en toy confluë,
Il faut que de par nous fluë
De ta bouche LE BEAU MIEL.

Ainsi des le bers Platon
Fut succé par les Abeilles:
Ainsi par ses doctes veilles
S'affranchit-il de Pluton.
Ainsi mon gentil Belleau
De l'ignorance le fleau,
S'est façonné vn renom
Sur le moule de son nom.
Ainsi par ses doctes vers,
Malgré le temps & l'enuie,
S'est-il ouuert vne vie
A tousiours par l'univers.

Je feray encores le sot à bonnes enseignes, puis que iusques ici ie me suis laissé aller à la merci de mes opinions, ou pour mieux dire à vne folle amitié que nous portons à nos œuvres. Tout ainsi que defunct Peltier voulut autrefois représenter par ses vers le chant de l'alloüette, que vous auez sceu fort bien corré, en quoy il rencontra si heureusement qu'il est impossible de mieux, aussi me suis-je étudié de faire le semblable tant en Latin que François pour le degoüement du Rossignol.

Au 5. des mes Epigrammes vous y trouuerez cestuy-cy:

Rrr iij

Ver reduit glomerantur aues, concentibus auras

Mulcent, Et miris tu Philomela modis.

Tv tv, tot, toto modularis gutture voces,

Vt Philomela aliis, sis Philomusa mihi.

Et en vne chanson que ie feiz malade, il y a enuiron trois ans, oyant le Rossignol desgoiser à pleine gorge son ramage, pour tromper mon mal il m'aduint de faire vne comparaisson de ma sieure avec le chaud amour de ce gentil oiseau, & pour conclusion de ma chanson, ie meis ce couplet:

*Ie requiers sans plus vn don,
Tu' tu' m' tu' moy Cupidon,
Toft, toft, toft, Et que ie m'en aille,
Il vaut mieux vne fois mourir,
Qu'en vn desespoir me nourrir,
Qui iournellement me tenaille.*

Ie desire encores vous adiouster le jeu de ce vers, où vn seul point transposé diuersifie le sens:

Porta patens esto nulli claudaris honesto.

Mettez la virgule apres le mot de, *Esto*, il n'y a nul vers plus courtois; mettez le apres *Nulli*, il n'y a riens si discourtois. Et c'est pourquoy Alciat (si ie ne m'abuse) dit que l'on fait cest autre carme:

Ob solum punctum caruit Martinus Asello.

Disant que c'estoit vn Abbé nommé Martin, qui pour auoir mis ce vers sur le portail de son monastere, avec le point au dessouz de *Nulli*, fut pour sa vile-

nie priué de son Abbaye nommée *Asellus*. Dôt aussi est venu entre nous ce proverbe François: pour vn point Martin perdit son asne. Je vous puis dire que ie me suis encores voulu iouier dans mes Epigrammes sur mesme sujet en ces deux vers que i'escris à vne Damoiselle que ie me represente pour Maistresse.

*Dont viens
ce proverbe,
pour vn
point Mar-
tin perdis
son asne.*

*Ecce maritus adest malus explorator amoris,
Virgula felicem me facit, aut miserum.*

Mettez la virgule apres le mot de *Adest*, voilà tout qui se porte bien pour l'amoureux, mettez-la au dessous de *Malus*, tout va mal. Ce sont en somme de mes bigarrures dont ie vous ay voulu faire part. Je sçay bien que quelque mal habile homme qui voudra faire le Stoique, ou pour mieux dire trancher du sot, estimera la plus grande partie de ce que dessus, bouffonneries, pour n'auoir esté pratiquées par l'ancienneté. Mais vn autre qui sera mieux né, les estimera belles fleurs. Aussi sçaez vous que la posterité qui suruesquit Virgile, Horace, Ouide, & tous ces braues Poëtes qui florirent souz l'empire d'Auguste, apporterét certaines récontres en vers qui ne furent pas reiettees, comme est entre autres celle de ce Distique, qui fut fait en l'honneur des œuvres de Virgile, & sur le moule duquel nous auons formé en France tous noz vers rapportez:

*Pastor, arator, eques, paui, colui, superauui,
Capras, rus, hosteis, fronde, ligone, manu.*

Il n'est pas dit qu'il faille tousiours mettre la main à

œuvres graues & serieuses. Tout ainsi que le corps s'alimente & nourrit de viandes solides, & neantmoins reprend quelque-fois goust par des salades & herbages qui sont de peu de substance; ainsi est il de noz esprits, lesquels il est bien seant d'assortir de fois à autre d'un doux entremets de gayetez & gaillardises, pour leur estre puis apres un acheminement à discours bons & serieux. Nous auons l'un de nos compaignons nommé maistre Martin Mesnart personnage qui sçait bien faire le Palais autant que nul autre, & accompagné de toutes les bonnes parties tant de l'ame que de l'esprit, que vous sçauriez desirer en homme, lequel se ioie en ceste façon de son esprit quand il peut, & le peut toutes & quantes-fois qu'il le veut. Lors que les Huguenots chargerent les armes en l'an 1561. pour la defense de leur religion, il feit ces deux vers commençant chaque mot par R.

*Rem, regem, regimen, regionem, religionem,
Restaurocrimus religionicolæ.*

Et par ce qu'il appelle ces vers ascendants, d'autant que par forme de degré il fait monter chaque mot d'une syllabe, il a voulu encores représenter la beauté de ceste gaillardise par ces six notes, ut, Re, Mi, Fa, Sol, La, esquelles on va tousiours en montant.

*Vt Regi minime faueamus, sollicitamur
Lamentabilibus solitudinibus.*

Vous ne croiriez pas combien il a de pareilles gayetez, dont ie souhaiterois qu'il vous eust fait part. Par ce que

ce que vostre liure n'en seroit que plus embelly. Mais sur tout ie vous veux aduiser de deux carmes, dont ie ne puis sçauoir l'auteur, qui me semblent peser en valeur vn liure gros & accomply.

*Quos anguis dirus tristi mulcedine pauit,
Hos sanguis mirus Christi dulcedine lauit.*

Voilà en deux lignes tout le vieil & nouveau Testament, portant nostre condamnation, & sauueement, presque souz mesmes mots rapportez. Qui est à mon iugement vn chef d'œuvre d'homme qui n'estoit point apprenti en telles beautez d'esprit. Croyez que le souuenir de toutes ces grotesques (appelez-les ainsi s'il vous plaist) m'a tellement regaillardy, qu'au partir de ceste lettre, ie m'en vois reprendre mes saes. Vous direz; que c'est retourner à ma pasture: peut estre ne mentirez vous pas. Vous priant au demeurant remercier de ma part Monsieur le Presidēt Iannin du bon souuenir qu'il a eu de moy, & luy dire qu'il se peut asseurer auoir vn bon amy & seruiteur en moy. Si en recompense de ce qu'il vous a communiqué mes Epigrammes Latins, & le Poëme fait pour ma Main, vous luy voulez faire part de la presente, vous ne sctez par moy desauoüé; toutes-fois puis qu'ell'est vostre desormais, vous en ferez ce qu'il vous plaira, tout ainsi comme del'auteur qui desire se perpetuer en vos bonnes graces. A Dieu.

*A Monsieur Iuret Chanoine en l'Eglise
de Langres.*

QOMBIEN que ien'aye iamais eu cest heur de vous cognoistre de face, si pensé-ie vous auoir veu ces iours passez plus à propos. Vous sçauiez ce que dit Socrates à vn ieune homme qu'on luy presentoit: Mon enfant parle, à fin que ie re voye. Les beaux vers Larins & François qu'auiez faits sur mon pourtrait, & lesquels j'ay receuz par les mains de Monsieur le Conseiller Gillot, m'ont fait cognoistre qui vous estiez: ie veux dire vn bel esprit doiué de toutes les graces, genrilleſſes, courtoisies & rondeurs, que l'on peut souhaiter. Vray qu'en la lecture d'iceux vous m'auiez fait reuenir en memoire ce que feit autrefois le Philosophe Carneades, lequel estant enuoyé des Atheniens Ambassadeur en la ville de Rome, auât que d'auoir audience du Senat voulant faire monstre publicque de son esprit, loüa vn iour la iustice, & le lendemain la vitupera si apoint, que l'on ne sçauoit auquel des deux iours donner l'auâtage. Qui fut cause que Caton le vieux le feit renuoyer comme il estoit venu sans estre ouy, côme celui qui se ioüoit de son esprit ainsi qu'il vouloit, & qui par vne parole persuasue eust peu surprendre le Senat s'il luy eust donné audience. Ainsi vous en est il presque pris. Car representant fort dextrement & hardiment sur vn mesme subiet deux personnages

cōtraires, l'un en haut-loüant ma main en son particulier, l'autre en la blasonnât sur le general de nostre profession, le malheur a voulu qu'ayez esté chastié comme celuy-là: pour le moins que voz beaux vers n'ayent esté enchaslez avec les autres, pour estre ja le liure cloz & exposé dés pieça en lumiere, avec vne vente assez plausible. Or quant à ce qu'il vous a pleu de me célébrer, ie vous en remercie: ce n'est pas tant me trompeter que vous tromper. Et quât au demeurant de voz vers, par lesquels vous estes plus voulu esgayer sur la main d'un Aduocat en general, que particulièrement sur la mienne, & dont vous excusez par voz lettres, il ne faut plus vous excuser, puis qu'on ne vous accuse plus. Je mets quelque-fois la main à l'œuvre, & sçay cōbien il est fâcheux à vne main plâtureuse telle que la vostre, de la vouloir retrancher, quand quelque belle conception se presente. C'est pourquoy ie vous supplie en cas semblable ne trouuer mauuais les deux carmes que ie feiz & escriuis sur le champ à Monsieur Tabourot vostre cousin, lesquels ie condamne comme champignons. Voulant que leur mort soit aussi prompte, que leur naissance. A quelque chose malheur est bon, & auions vous & moy interest que ceste sottie inuention tombast de ma plume. Car autrement n'eussé-ie iouy de toutes les belles fleurs de vostre iardin, que vous m'auiez enuoiées. Lesquelles ie transplanteray dedans le mien, & à la charge de leur donner air avecques les autres, si on les imprime pour la seconde fois. Et ce

Il est malaisé de supprimer ses inuentions.

Il s'excuse enuers Monsieur Iuret des deux vers qu'il auoit enuoiés à Monsieur Tabourot.

pendant vous ferez estat de moy s'il vous plaist, cōme de celuy qui desire estre enregistré au nombre de voz bons seruiteurs & amis. A Dieu.

Lettres de Monseigneur le grand Prieur de France à Pasquier.

*Monseigneur le
grā Prieur
fait cest
honneur à
Pasquier de
celebrer sa
Main com-
me plusieurs
autres a-
voient fait.*

ENCORES que vous n'ayez plus de souuenance de voz meilleurs amis, tel que ie pèse vous estre de long téps, si est-ce qu'ayant icy trouué vostre liure de la Main, ie l'ay caressé de tout le bō accueil qu'il m'a esté possible: estimant tout ce qui procede de son autheur digne de louiange & d'estime. Et moy & quelques-vns qui en sont pres, auons contribué quelques fruits de nostre Parnasse, à fin de luy rendre l'honneur que tous bons iugemens recognoissent meriter. Si vous me faisiez quelquefois part de voz œuvres, ie me tiendrois plus assuré de l'affectiō que m'avez tousiours promise: & n'en scauriez faire distribution à personnes de qui elles soient mieux receuës & prisées. Je vous en prieray dōcques, & de faire estat de mon amitié, cōme vous en pourrez faire preuue en toutes occasiōs. Suppliāt en cest endroit, Monsieur Pasquier, le Createur vous auoix en sa sainte & digne garde. d'Aix ce viij. Iuillet 1585.

Monseigneur le grand Prieur.

*Ceste immortelle main qui bastit l'uniuers,
Se cachant à noz yeux, en ses œuvres se monstre;*

*Ta Main qui ne se voit, d'une mesme rencontre,
Se fait plus dignement apparoir en tes vers.*

Le Seigneur de Malherbe.

*Il ne faut qu'avec le visage,
L'on tire tes mains au pinceau:
Tu les monstres en ton ouvrage,
Et les caches dans le tableau:*

M. Mazzei gran Vicario del Serenissimo Signore gran Prior de Francia.

*L'accorto Depintor a voi ben notté
Gran lopere Pasquier, de la man vostra,
Al arte anzi l'asconse, & quindi mostra
Quanto più che belta, la virtù puote.*

A Monseigneur le grand Prieur de France, Lieutenant general du Roy au pays de Prouence.

A Y receu les lettres qu'il vous a pleu m'en-
uoier, & voz beaux vers, dont ie vous remer-
cie treshumblement. Celà s'appelle tyrânisier
par courtoisie vos anciës seruiteurs. Ie ne pensois pas
q'on deust d'ôner de si fortes esles à ma main, qu'el-
le eust peu prendre son vol iusques à vous, ny que
vous luy en voulussiez donner d'autres pour la faire
voler iusques au ciel. Ce n'est pas peu, disoit vn ancië

*Respoce aux
precedantes
lettres.
Combien il
est bien scâit
d'estre loüé
d'un grand
seigneur.*

Romain, d'estre loiié, d'un homme loüé; mais c'est chose sans comparaison de plus grande recommandation & mérite d'estre honoré par un grand Prince tel que vous, accompagné de toutes les vertus & bonnes parties que l'on peut desirer en ceux qui tiennent les grands & premiers lieux pres des Rois. Vous me faites cest honneur de vous plaindre que ie ne vous fais part de mes œuvres: Je ne les pensois pas dignes de vous, mais puis que ie m'aperçoy que les souhaitez, ie donneray ordre d'amender la faute pour l'aduenir: & pour premier trait de l'amendement, ie vous enuoie mes Epigrammes Latins, que i'exposay pour la premiere fois en lumiere il y a environ deux ans & demy, & que l'on a reimprimez depuis cinq ou six mois en ça. C'est enquoy ie passe le temps, quand ie me veux donner relasche de mes serieuses heures. Si i'ay le moindre sentiment qu'ils vous ayent pleu, ie n'estimeray le temps que i'y ay mis, pour mal employé: & me seruirez d'un autre Phœbus ou Soleil pour reschauffer mes esprits qui commençoient à se refroidir en ce sujet. Vous sçavez Monseigneur que despieça ie suis couché au nombre de voz bōs & anciens seruiteurs, ie vous prie m'y continuer, comme celuy qui s'estimera tousiours tres-heureux de vous faire treshumble seruice. A Dieu.



LE NEVFIESME LIVRE
DES LETTRES D'ESTIENNE
PASQUIER.

*A Monseigneur Brissou Conseiller au conseil d'estat,
& President en la Cour de Parlement de Paris.*

LE L'AVOIS bien entendu de quelques-vns, mais ie n'eusse iamais pensé qu'y eussiez apporté vne si exacte diligēce cōme celle que i'y ay trouuée līsāt vostre œuure. Non que ie ne fusse asseuré que viendriez aisément à chef de toutes choses où vous voudriez donner atainte par vostre plume: mais parce que ie n'estimois que les grandes affaires du Palais esquelles estes plōgē pour le rang & lieu qu'y tenez, vous eussent peu dispenser de ce beau loisir. Et certes quand ie considere à partmoy ce que ie vous ay veu faire par le passé estant Aduocat simple, & depuis Aduocat du Roi, & ce que faites maintenāt en la charge de President, ie ne veux pas dire de vous, ce qu'on disoit d'un

Il discourt la différence qu'il y a entre le droit de France & des Romains

Il entend du Code Henry, contenant les ordonnances de France que Monsieur le President Brissou a eu charge du Roy de mettre par ordre,

ancien Romain, que c'estoit chose esmerueillable, comme ayât presque passé tout le cours de sa vie à la lecture d'une infinité de liures, il eust eu temps suffisant pour tant escrire, ou comme ayant tant escrit il eust peu deuorer tant de liures, comme il auoit fait. Mais bien diray-ie que ie m'estonne comme ayant si bien fait au Palais & avec telle diligence, il ait esté en vostre puissance de tant lire & escrire, ou come ayant tât leu & escrit, vous ayez peu embrasser si dignement & d'une telle continue le Palais. Et qui me rend plus esbahy, c'est que la memoire que ie voy en vous admirable, n'ostusque de riens la charité de vostre iugement, ny la grandeur du iugement ne fait nul tort à la memoire. Combien que quand l'un & l'autre se trouuent extremes en nous, ils ne se facent pas aisément fidelle compagnie ensemble. I'ay leu autrefois les doctes liures de droit que faites dès vostre ieunesse, & depuis quelques mois en ça ce beau recueil des Formules des Romains qu'avez de fraische memoire mis en lumiere: Oeuures certainement dignes de vous & du public. Mais ie n'en trouue nul tant meritoire que ce dernier que vous nommez Code Henry, par lequel vous François, & President au premier Parlement de la France, nous enseignez à n'estre plus aulbains en nostre pays. Mettant (si ainsi le faut dire) en campagne d'une si belle ordonnance noz ordonnances, qu'elles peuuent maintenant faire teste à toutes celles de Rome. Voilà comme toutes choses prennent avec le temps leur

*Le grãd iugement & la grande memoire ne s'accompagnent pas
souuent.*

leur façon. Ainsi veirent les Romains vn Sextus Papirius rediger en vn brief estat toutes les constitutions des Rois de Rome, esparces auparauant ça & là. Et depuis sous les Empereurs les ordonnances Imperiales s'estants augmentees & prouignées en extremité, plusieurs s'estudierent diuerfement de les mettre en vn abregé. De là vindrent les Codes Gregorian, Hermogenien, & Theodosien: Les deux premiers faits par hommes qui de leur propre instinct & mouuement se mirent à ceste entreprise, & le dernier par commandement expres de l'Empereur Theodose. Et tout ainsi qu'aux Romains, aussi ce mesme dessein est tombé entre nous pour le regard de nos ordonnances: Car le bon homme Rebuffy fut le premier des nostres qui les reduisit en quelque ordre. Auquel long temps apres est succédé Maistre Antoine Fontanon Aduocat en nostre cour, lequel avec vne diligence admirable y apporta vn grand supplement, & depuis peu de iours en ça Maistre Pierre Guenois, en ordre vn peu plus racourcy. Iusques à ce que vous maintenant par l'autorité & commandement expres de nostre grand Theodose y apportez la derniere closture, d'une main si industrieuse, que ie ne fais nulle doubte que ne fermiez le pas à tous autres qui se voudroient à l'aduenir exercer sur mesme sujet. Il est deormais temps qu'ostions ceste folle apprehension qui occupe nos esprits, par laquelle mettants sous pieds ce qui est du vray & naïf droit de la France, reduisons tous nos iugemens,

*Sommaire
discours de
quelques
Romains
qui abrege-
rent les
droits des
Rois et Em-
pereurs de
Rome.*

*La folle re-
solution de
ceux qui re-
duisent l'air
de la France
à celuy des
Romains.*

aux iugemens des Romains. Ne nous aduifans pas que tout ainsi que Dieu nous voulut separer de l'Italie par vn hault entrejet de montagnes, aussi nous separa-il presque en toutes choses, de mœurs, de loix, de nature & complexions. Il me plaist me donner maintenant carriere sur ce discours, puis que l'occasion s'y presente, à la charge d'estre en vostre endroit ce que fut autresfois Phormion enuers ce grand capitaine Hannibal. Repassez par toutes les principales propositions des loix, tant de la France que de Rome, & les confrontez les vnes aux autres, vous n'y trouuerez aucun assortissement. Les choses les plus communes & familiares d'entre les hommes, sont les mariages, & successions: Les successions introduites par la mort, qui nous talonne de iour à autre, laissant à ceux qui sont nostres, le peu de bien que nous auions: Et les mariages pour nous perpetuer de l'un à l'autre par vne surrogation en ce bas & mortel estre. A Rome quand l'on s'y marioit, on ne permettoit ny d'instituer vn heritier, ny de renoncer à vne succession par vn contract de mariage. Le mary & la femme se pouoient aduantager par leurs testamets. On ne sçauoit que c'estoit de douiaire, & signamment du coustumier, moins auoit on de cognoissance de la communaulté d'entre le mary & la femme. En France nous fauorisons infiniment les aduantages qui sont faits par les peres & meres à leurs enfans, quand ils les mariét, & aux enfans qui naistrôt d'eux, & sur tout embrassons avec vn tresfaorable

*La diuersité
qu'il y a de
nous aux
Romains
pour le fait
des maria-
ges.*

accueil les renonciations qui sont faites dans vn cō-
 tract de mariage par nos filles à nos successions fu-
 tures en faueur & contemplation de leurs freres. Ne
 permettons ny au mary ny à la femme de s'aduantager
 en aucune sorte par leurs testaments. Auons intro-
 duit le dotiaire comme guerdon & recompense
 de ceste belle fleur de virginité que nous cueillons
 en nos femmes lors qu'elles sont vierges, & quant
 aux veufues, pour tesmoignage & recognoissance
 de leur chasteté. Voire qu'en plusieurs coustumes
 dès le iour de la benediction nuptiale nous les ren-
 dons propres aux enfans, de telle façon que les peres
 n'en peuuent delà en auant disposer à leur preiudi-
 ce. Faisons les maris & femmes communs en tous
 leurs meubles & conquests immeubles. Et apres la
 dissolution du mariage continuons ceste mesme
 communauté en faueur des enfans mineurs, quand
 le pere ou mere suruiuant n'a fait bon & deu inuen-
 taire. Iacoit que la disposition du droit commun des
 Romains n'admette aucune continuation de socie-
 té en la personne d'un mineur, ores qu'ell'eust esté
 stipulée. Iene vous adiousté la Garde noble & bour-
 geoise du tout incogneüe aux Romains. Il n'est pas
 iusques aux tutelles & curatelles introduites pour les
 enfans mineurs apres le decez des peres & meres que
 nous ne soyons diuers. Car dans la ville de Rome, la
 tutelle testamentaire estoit preferee à toute autre, &
 la Datiue mise au dernier lieu: En France nous n'auos
 autorisé que la Datiue, qui se fait par le iuge des

*Forme, de
 tutelles, di-
 uersa.*

*Diuerfité des
testaments
& successions.*

lieux sous l'autorité de nostre Prince, & bannissons toutes les autres. Iettons l'œil sur les successions que nous recueillons, ou par testament, ou abintestat. Il n'y auoit riens plus fauorable dans Rome que le testament. Que le testateur dispose (disoient ils) & ce sera vne loy. Le fondement radical & essentiel de tout testament estoit l'institution d'heritier: L'on pouuoit estre heritier & legataire ensemblement. Par le testamēt vn pere pouuoit prohiber le rapport d'vn aduantage par luy fait à l'vn de ses enfans. En France nous restraignons tresestroitement les dernieres volontez, ne donnans plaine bride aux testateurs en pays coustumier, ains seulement permission de disposer iusques à certaine part & portio de leurs biens, selon la diuersité des coustumes. Et nommément il y a peu de coustumes qui ne portent que l'institution d'heritier n'est necessaire pour la validité des testaments. D'auantage l'on ne peut estre heritier & legataire. Et finalement vn pere ne peut faire par son testament que son enfant ne soit tenu de rapporter ce dont il a esté aduantage par luy, voulant venir à sa succession. Examinons les successions abintestat, ie crains que la multiplicité des anritheses que ie vous proposeray ne vous offense. Dans Rome representation auoir lieu en ligne directe *in infinitum*, & en la collaterale iusques aux enfans des freres: En France anciennement l'on ne scauoit que c'estoit de representation non plus en l'vne qu'en l'autre ligne. Chose que ie recognoistray auoir esté

depuis par nous reformee. Dans Rome pour n'estre reputé heritier il suffisoit de ne s'estre immiscé aux biens du defunct. A nous, non seulement il ne suffit de ne sy estre immiscé, mais il y fault avec celà vne renonciation expresse. A Rome il n'y auoit qu'un seul patrimoine, & c'est ce que l'on dit *Vnius unicum esse patrimonium*, excepté entré gens de guerre. A nous il y en a trois especes, les propres, les acquests, & les meubles. A Rome on consideroit les successions par la proximité des degrez, sans considerer de quel estoc & ligne venoient les biens: En France nous destinons le bien paternel pour les heritiers paternels, & le maternel pour les maternels. A Rome les peres & meres pouuoient succeder aux propres de leurs enfans par le Tertullian. A nous les propres ne remontent point. Mais au lieu de ce les peres & meres succedent si bon leur semble aux meubles, acquests & conquests de leurs enfans. A Rome on distribuoit de mesme balance le bien des peres & meres tant aux femelles comme aux masles: En France il y a certains biens, comme les fiefs, esquels en ligne collaterale le masle exclud la femelle: Et encores entre les masles en ligne directe, bien que les filles y ayent part, si est-ce que nous adiugeons à nostre premier fils vn preciput par dessus tous les autres enfans pour son droit d'ainesse. Dedans Rome il y auoit quatre manieres pour legitimer nos enfans: Par testaments & ordonnances de dernieres

*Diversité
pour les con-
traits.*

volontez, *Per oblationem curia*, par vn subſequent mariage, & par le benefice du Prince. En Frâce nous auons ſeulement les deux dernieres. Tournons nos penſees aux contractz: Le Retrait lignager incognu à Rome, infiniment receu & authorizé de nous. En donations entre viſs, Donner & retenir ne vault entre nous: Dedans Rome iaçoit que le donateur n'eut fait tradition de la choſe donnee, le donataire pouuoit puis apres intenter la perſonnelle cõtre luy, afin de luy faire deliurance de ce qu'il luy auoit donné. Encores ne vous veux-ie mettre en jeu pluſieurs particularitez, qui deſpendent de nos edicts, Comme d'auoir borné le temps des Reſtitutions en entier contre les contractz à dix ans, d'auoir oſté la preuue par teſmoings des promeſſes qui excederoient cent liures pour vne fois: Que les contractz & teſtaments ſeroient ſignez tant des notaires, que des parties cõtractantes, & teſmoings instrumentaires ſils ſçauoient ſigner, & ſils ne le ſçauoient, qu'il ſeroit faite mention de ce: Le tout ſur peine de nullité: Que par la conteſtation, l'ac̃tion n'eſt perpetuee à quarante ans, au contraire que la peremption d'instance produit effect de preſcriptiõ. Tout cecy a eſté ordonné par nos ordonnances modernes, quoy que ſoit depuis le regne du Roy Louys douziẽſme. Ce que ie me ſuis propoſé de deduire en ce lieu, eſt du fonds de noſtre vieux droit de la France. Et puis au bout de tout celà nous alleguons en vn barreau pour le ſouſtenement de nos cauſes vn eſchãtillon de loy des Iuriſcõſultes

*Fauſe que
les aduocats
commettent
au barreau,
meſlant les
deux droits
enſemble.*

de Rome. Si l'on parle d'un Retrait lignager, il est odieux & restrictible: Si des testaments, ils sont favorables dit-on: Parce qu'ainsi il estoit déterminé par le droit commun des Romains. Mon Dieu que j'ay de honte que pour sauuer nos causes, nous perdions le droit de la France. Au contraire les Retraits lignagers sont tresfavorables, & les Testamēts tresodieux entre nous. D'autant que sur deux diuers fondemēts le Romain & le François semblent auoir estably leurs loix. Celuy-là sur vne consideration plus æconomique pour la conseruation des volontez de chacun en son particulier: Certuy sur vne plus politique, pour l'entretenement des familles en leur entier. De là viennent les coustumes en faueur des masses, (c'est à dire de ceux qui portent le nom & les armes d'une famille) De là les preciputs donnez aux aînez entre les masses, De là les renonciations que l'on fait faire aux filles en les mariants en faueur de leurs freres à tout droit successif tant paternel que maternel auenir. Et à peu dire sur ce mesme fonds fut enté le Retrait lignager, & par mesme moyen la prohibition de tester sinon iusques à certaine portio de nos biens. Et en ceste diuersité de fondemens du droit des Romains au nostre, il y a eu aussi diuersité de maximes qui sont venues à la suite des premiers principes. Donnez en vne Republique qu'il faille sur toute chose s'estudier de conseruer les volontez de chaque particulier en ce qui regarde ses biens & facultez, tout ce qui delà dira ceste propositio, sera odieux.

*Dont vient
la diuersité
de nos an-
ciennes loix
avec le droit
des Ro-
mains.*

Accordez que la conseruation des familles en leur entier soit de plus grande recommandation & priuilege que nos volontez, vous trouuerez que toutes les regles qui inclinent à ce party là sont fauorables. Le dy doncques que c'est grandement errer de vouloir deuant la face de nos Iuges confirmer ou infirmer indistinctement le droit de nostre France par celuy des Romains, en vne telle, si non contrarieté, pour le moins diuersité de propositions generales. Et ce qui m'excite encores plus le courroux, est que fil y a quelque cas indecis pas nos coustumes, soudain nous sommes d'aduis qu'il faut auoir recours au droit commun, entendants par ce droit commun, le droit ciuil des Romains. Ceste reigle est tresveritable, si ell'estoit bien entendue. Toutes les Prouinces anciennement qui estoient subiectes à l'Empire auoient, comme il est vraisemblable, diuersement leurs loix municipales. En quoy si elles manquoiet en quelque cas qui n'eust esté definy, c'estoit bien la raison que les Prouinciaux eussent recours en l'obmission de tels cas au droit commun de l'Empire sous lequel ils estoient assubjettis. Mais de nous chaulser à ce mesme poinct, ce seroit faire tort à nostre patrie. Nous ne recognoissons en riens le droit des Romains sinon de tant & entant que leurs loix se conforment à vn sens commun dont nous pouuons faire nostre profit. Comment doncques pouuons nous mettre en œuvre ceste regle, qui veut que quand nos coustumes nous defaillent en quelques

Quelle impertinence prouiet d'auoir recours au droit commun des Romains quand les coustumes particulières nous defaillent.

ques particularitez nous recourions au droit ancien de Rome. Il est fort aisé de ce faire sans aucune sophistiquerie, moyennant que nous voulions nous affranchir sagement de ceste superstitieuse servitude dont nous captiuons nos esprits à la suite de ce droit ancien. Il n'y a Prouince en France qui n'ait ses coustumes, & celà nous le tenons d'une bien longue ancienneté, comme nous apprenons des Memoires de Iules Cesar. Sous plusieurs de ces Prouinces il y a des coustumes que nous appellons locales en vnes & autres villes. S'il y a quelque cas obmis en ces coustumes locales, qui doute qu'il ne faille auoir recours à la coustume generale de la Prouince, qui est le vray droit commun d'icelle? Et si en ceste coustume generale il y a encores quelque obscurité ou omission de cas, quelle raison y a il de l'aller plustost mendier à Rome, qu'aux coustumes circonuoisines? Veu que les Romains mesmes estoient d'aduis qu'en telles occurrences d'affaires il failloit recourir de proche en proche. Aduis qui fut par eux baillé non sans granderaison: Car si les coustumes se forment en chasque pays petit à petit de la diuersité de nos mœurs, & nos mœurs de la diuersité de nos esprits; il y a beaucoup plus d'apparence en telles obscuritez ou defaults d'auoir recours aux peuples qui nous atouchent de plus pres, lesquels pour le voisinage symbolisent vraisemblablement plus, de mœurs & d'esprits, & par consequent plus, de coustumes, avecques nous. Qui est celuy qui puisse reuoker en

Que le meilleur seroit en default de coustume d'auoir recours à celles qui sont les plus proches.

doubte que les Romains ne feussent dès leur enfance plus retenus, aduisez & resoluz, en leurs opinions que nous autres. Recherchez en France vn autre Caton, qui en son enfance, voyant les cruauitez de Sylla demanda à son gouuerneur vn glaiue pour exterminer & le tyran & la tyrannie de Rome. Recherchez vn autre Papirius, lequel en vn tresbas aage ayât esté mené au Senat pour apprendre à se façonner, ainsi qu'estoit la commune vñance des ieunes seigneurs, à son retour importuné violement par sa mere de luy reueler ce que l'on y auoit decreté, non seulement ne le descourrit, mais qui plus est luy donna la muse par vne noble méterie. Malaisément que vous trouviez telles resolutions en la ieunesse Françoisse. Nous auons quelques autres proprieté & adresses qui ne nous rendent pas moins recommandables, que ceux de la ville de Rome. Je veux d'ocques qu'il y ait quelque coustume entre nous par laquelle l'aage de pouuoir tester n'ait esté déterminé, aurons nous en cecy recours aux xiiij. ans des Romains? Quant à moy ie pense que ce seroit errer en sens communs. Et de fait comme ainsi fust que par la coustume de Paris redigee en l'an v. c. & vii. nos ancestres se ressentants encores de la pouldriere des Vniuersitez & escoles eussent estably cest aage de quatorze ans pour les masses, & de douze pour les femelles conformément au droit des Romains, la necessité fille du long vsage nous ayant appris que c'estoit mal pratiquer ce vieux droit, & qu'il failloit rapporter les coustumes à

*Tester à
xiiij. ans.*

nostre naturel, nous auons par la coustume nouuellement reformee mis, que pour tester des meubles, acquests & conquests il faillloit auoir accomply l'aage de vingt ans, & pour tester du quint de nos propres, l'aage de vingt & cinq ans. Je ne fais nulle doute que si quelque autre que vous m'oyoit tenir tels discours, il ne les trouuaſt paradoxes & contre la cōmune de nostre barreau, mais discourant avec vous, qui pardeſſus tous les Iuriconsultes François sçauiez mēſnager à propos non seulement tout ce qui est du droit de Rome, mais aussi des lettres humaines, & qui ne iugez des affaires par vne superficie & escorce, ains par vne vraye & pure ſaive, ie m'assure que fort aisément condescendrez à mon opinion.

Je ne veux pas cependant nier qu'en ceste bigarrure de droits il n'y ait quelques particularitez entre nous, esquelles ie souhaiterois quelque bonne reformation. Ny le mary, ny la femme ne se peuuent faire aucun aduantage par donation entre vifs pendant & constant leur mariage. Loy qui est commune tant au Romain comme au François. Mais en cecy ie recognoistray franchement que nous cedons au Romain. De tant qu'en ses contractes de mariage il estoit sobre distributeur de son bien, & reseruoit ceste liberalité à vn testament, lors que le mary par vnelongue & mutuelle conuerſation ſeſtoit rendu assuré des bons ou mauuais offices de la femme: & elle en cas ſemblable de fauorables traittemens de son mary. Nous au rebours ſommes prodigues par

*Quelques
d'aux qui
se peuuent
remarquer
en nostre
droit de
France,*

*Que le Ro-
main nous
deſuance en
quelques
particulari-
tez,*

*Doüaire
coustumier,
propre aux
enfans.*

nos contractz de mariage en faueur de ceux ou celles qu'à peine nous cognoissons, & lors que nous scauons de quels merites ils ont esté en nostre endroit, & que voulons rendre l'ame à nature, l'on nous ferme les mains, n'estant en nostre liberté d'auantager par nos testaments nos femmes, ny aux femmes de faire riens pour leurs maris. Je louë grandement le doüaire coustumier : Mais quand ie voy qu'en plusieurs coustumes on l'a rendu propre aux enfans, & que pour le regard des biens de la femme on les laisse en sa plaine disposition apres le decez de son mary, il me semble que nos deuanciers par vn iugement bizarre & mal ordonné, se desierent par trop, ou de la prudence, ou de la preud'hommeie des hommes. Au contraire qu'ils se rendirent mal à propos trop assurez de la suffisance des femmes, lesquelles d'ailleurs nous publions estre beaucoup plus fragiles que nous, & pour ceste cause dans Rome estoient en la perpetuelle tutelle des hommes. Au contraire nous mettons les hommes sous la tutelle de leurs femmes & de leurs enfans auant qu'ils soyent nez, du iour de la solemnization du mariage. S'il y fault quelque reformation ie l'attends principalement de vous, qui outre ce beau Code Henry que bastissez, couuez encores en vostre esprit vn recueil de toutes les belles decisions que pensez pouoir appartenir au Palais. En quoy ie vous veux sans plus prier d'une chose, qu'en voulant conseruer nostre droit de France, aduisiez à vous conseruer vous mes-

mes. Bien que l'exercitation & assiduité tantost de lire, tantost d'escrire, augmente de iour à autre les forces de nos esprits, si diminue elle celles du corps, Et vous sçavez combien l'esprit vif à d'intérest d'estre logé dans vn corps sain, comme vn bon vin dans vn fort vaisseau. A Dieu.

A Monsieur de Tolet Abbé de Plimpie.

QUOBIEN que i'aye esté grandement aisé *il remercie*
du retour de mon second fils, si ne l'ay-*l'Abbé de*
point tant esté, que d'auoir cognu par vos *Plimpie des*
lettres, & la bonne volonté que luy auez portee, & *bons offices*
les bons offices que faites en ma faueur à l'autre qui *qu'il faisoit*
est demouré dans Rome, pres de Monsieur l'Am- *dans Rome*
bassadeur. Me trouuant en cecy constitué entre *à deux de*
deux extremitez: Car si ie ne souhaite de m'en ressen- *ses enfans.*
tir par effect, ie me fais tort: Si au contraire ie le
souhaite, ie vous fais tort. Parce que le plus beau
souhait que ie puisse faire pour vous, est que viuant
en vn perpetuel repos d'esprit, n'ayez iamais affaire
de moy en mon estat. Et neantmoins en quelque
forte que se puisse estre, ie vous presente tout ce qui
est de ma puissance. Au demourant quant à ce que
me repaissez de plusieurs belles esperances pour ce-
luy qui est encores de delà, me mandant qu'il s'adon-
ne à tous nobles exercices dignes de l'homme qui
veult faire profession des armes, ie le prends de vous
comme d'un amy, qui veult aucunement flater vn

pere sot, lequel se laisse fort aisément tromper de ses enfans. Mais si femonds de la verité, vous me l'avez figuré pour tel, ie louë Dieu, & l'en remercie. Il est en l'escole d'un sage seigneur, que l'on peut dire le miroüier de vertu. Vos belles exhortations luy serviront encores d'esperon. S'il fait ce que vous me dites, il sen trouuera tant mieux lors qu'il sera de retour, pour en faire present à quelque Prince ou grand Seigneur. A Dieu.

A Monsieur Taucan Procureur au siege Presidial de Sens.

Il prie Monsieur Taucan sien amy d'apporter quelque diligence à l'expedition d'un procès.

ESTE-CY est la cinq ou sixiesme que ie vous ay escrite pour ma seruante sans auoir response. Vous me le pardonnerez, mais il me semble que sans lettres, la longueur du temps, & la pitié qu'il y a en ceste pauvre femme, deuoïent suffire pour vous servir d'interpellation bonne & valable. Vous auez esté bon guerrier du commencement, & obtenu belle victoire, mais il me semble qu'avez esté un autre Hannibal, ne l'ayant pas poursuiuie d'une mesme pointe. On imputoit anciennement aux Gaulois, que sur leur premiere arriuee ils estoient plus forts que des hommes, mais à la lōgue plus foibles que femmes. Je vous prie me faire ce bien de vous dispenser de ce default, & que vos liures & estudes, que scauez meller avec la pratique, ne vous fassent oublier vos meilleurs amis. Monsieur le lieutenant general m'assura dernièrement qu'il ne te-

noit à luy ny aux Iuges que n'eussions la vuidange
du procez: Je m'asseure que si le voulez, nous en au-
rons la fin au premier iour. Tout ne depend que
d'un poinct de droit. Le present porteur m'a pro-
mis de vous en solliciter, & m'en rapporter responce.
Si vous n'enterinez à ce coup ma requeste, ie reco-
gnoistray librement que ie seray au bout de mon
rollet. A Dieu.

*A Monsieur de LuZarche cheualier de l'ordre & lieu-
tenant de la compagnie de monseigneur de la
Chapelle des Vrsins.*



E pensez pas que ie vous quite pour celà. *Il se gausse avec le sei-
gneur de LuZarche sur sa loigne
absence.*
C'est la Rhetorique des mauuais debteurs,
de payer leurs debtes en gibier. Vous me de-
uez vingt escus il y a six moix passez, c'est à dire de-
puis vostre absence, lesquels i'eusse gaigné avec vous
à la Premiere ou au Glic si eussiez esté pardeça. Cest
argent m'est deu de bonne guerre, & n'en rabatray
pas vne maille, toutesfois par vos fuites & lōguezurs,
ie suis contrainct de les mettre au chapitre des de-
niers comptez, non receuz. Parquoy aduisez ou de
vous venir acquiter en personne au premier iour,
ou bien n'attendez pas de moy vn sergent pour
vous executer. Mais bien, tout ainsi qu'aux em-
prunts de ville, quand on ne paye à iour nommé ce
à quoy l'on est cottizé, l'on enuoye aux maisons, des
garnisons d'hōmes, que l'on appelle Mangeurs, aussi
sommes nous cinq ou six qui deliberons d'aller vous.

prendre d'assault à Luzarche: & Dieu sçait quelle bonne chere nous ferons, & aux despens de qui. Ma debte est priuilegiee: C'est argent de ieu. Je sçay bien que pour vous excuser, vous me coucherez cecy, d'une maladie de madame vostre belle mere, d'une grossesse de vostre bonne partie, d'un pourparler de mariage de mademoiselle de Beaugarnier, & mille autres telles defaites. Mais tout cela n'est que vent, que ie ne prends pour argent content. Suffise vous une fois pour toutes, que ie veux estre payé, sans esperance d'aucuns respit. A Dieu.

A Monsieur Maillart seigneur de Sourche, conseiller & maistre des Requestes ordinaire de l'hostel du Roy.

Il descript la calamité de ceux qui plaident en leur nom.

NON: Je n'eusse iamais pensé que le plaider en son nom apportast tant de benedictions de Dieu, cōme il fait. Croyez que ce n'estoit pas sans raison que ce grand plaideur d'Abbé desiroit que de quarante ou cinquante procez qu'il auoit, on luy en laissast deux ou trois pour passer son temps. Estes-vous homme lent & paresseux, ne faites nulle doute que ne trouuiez assez de sujet pour destourner les embusches d'oïsiueté. Il ne vous fault point plus beau refueille matin qu'un procez. Estes vous hault à la main ou desdaigneux, vous aurez assez de loisir pour apprendre à courtizer non seulement vos Iuges, ains vos Aduocats & Procureurs, voire iusques à leurs clerks. Si d'un esprit engourdy,

vous

vous trouuerez prou d'inuention pour vous garentir des surprises dont on vous voudroit preuenir. Si honteux: la necessité vous enseigne d'oster ceste taye de voz yeux, & vous rēdre plustost importun, qu'autre. Si auaricieux: mon Dieu, comme ce beau mestier vous en dispense. Car il n'y a marchandise en France qui couste tant que la iustice. Tant il faut passer par diuerſes mains, à toutes lesquelles il faut son offrande: & pour l'enuie que nous auōs d'attaindre au dessus de noz desseins, nous ne pensons pas que celà nous couste iusques à ce que nous voyons le fonds de nos bourses. J'ay fait espreuue de tout celà. Quand ie plaidois seulement pour autrui, ie ne voyois Messieurs de la Cour qu'avec dignité, ie ne sortois de mō lit qu'à mes bons points & aisances, ne remuois mon esprit qu'ainsi comme il me plaisoit. Maintenant ie suis tout autre homme: deux procez que i'ay en mō nom m'y ont inuité. Ce sont de grādes benedictiōs, ie le vous confesse, mais Dieu vous en vueille garder. C'est assez ry pour vn plaideur, il est tēps que ie vous die à bon esciāt, que ie ne pēse point qu'il y ait passiō plus aiguë que celle là, ne qui produise tant de tintoins en noz testes. Je n'en excepteray les trois bourrelles de nos esprits: l'amour, l'ambition, & l'auarice. Car en ceste-cy il y a presque vne mellange des deux dernieres ensemble, accompagnée d'un desir de vengeance, qui produit de merueilleux effets en nous. L'Italien dit que nul ne sçait quel plaisir c'est de se vanger, sinon celuy qui a receu l'iniure. A Dieu.

A Theodore Pasquier son fils.

*En exhortant icy son
fils il mon-
stre de quel-
le façon doit
estre le bon
Aduocat.*

PVIS que Dieu m'a fait tant de bien que i'aye peu vous esleuer du bas aage des escolles pour entrer maintenāt en quelque hōneste professiō, ie vous veux escrire la presente, nō par forme de lettrē missiue, ains comme vne leçon que ie desire estre empreinte en vostre cœur tout le temps de vostre vie. Deslors que ie vous mis au college, mō premier projet fut de vous destiner à l'estat d'Aduocat. Qui est celuy auquel graces à Dieu i'ay acquis quelque degré entre mes compagnons. Ne voulant en cecy ressembler plusieurs autres de nostre ville, lesquels se voyans aduancez en quelque estat, n'imaginent autre chose sinon de promouuoir leurs enfans à plus hurs estats. Quant à moi, la loy me plaist infiniment que l'on dit auoir esté obseruée tant en Egypte que Sparte, esquels lieux il y auoit certaines vacations qui se transmettoient successiuement de pere à fils. Non toutesfois que ie voulusse faire ceste reigle perpetuellement stable, sinon entant que ie trouuerois les enfans y estre enclins: car sur tout il ne faut forcer leur naturel; autrement ce seroit comme les Geants malapris vouloir guerroyer le ciel. Ie vous ay destiné à cest estat, non seulement par ce que i'y auois receu quelque benediction de Dieu, mais aussi d'autant que dés vostre enfance, vous faisant declamer, ie vous y trouuois aucunement disposé. Et aussi

qu'il me semble entre tous les estats n'y en auoir que trois, qui doiuent estre singulierement solempnisez: celui de Prescheur, de l'Aduocat du Roy en vn Parlement, & de l'Aduocat des parties, comme ceux auxquels l'hōme qui a du fōds peut faire demōstration publique de graces que Dieu a infuses en luy, plus qu'ē nuls autres. Vray que ie mets au premier rang le Prescheur, non seulement pour le sujet qu'il traite, qui est de la religiō, mais aussi qu'il n'y a celui des escoutants, de quelque estat & condition qu'il soit, qui ne vienne à son sermō avec toute submission, & pour y apporter creāce: Ie mets l'Aduocat du Roy au secōd, lequel conioignant avec son esprit, la dignité de son office, rend ses opinions beaucoup plus persuasives. Et en tiers lieu l'Aduocat simple, que ietrouue beaucoup plus penible que les deux autres, pour auoir le plus du temps non seulement à combattre l'Aduocat de sa partie aduerse, ains vn Aduocat du Roy, & encores vn President qui se peut donner permission de le rompre selon que les occasions l'admonnestent. Mais aussi quand il vient à chef de son entreprise, il se rend beaucoup plus meritoire & recommandable, que les autres. Et sur tout en ces trois especes d'estats, on a de contenter & satisfaire aux aureilles d'un grand Theatre, qui n'est pas vn petit aiguillon pour nous exciter à bien faire. La premiere recommandation doncques qu'aurez entrant au barreau, sera de vous armer de deux choses, d'une bonne volonté, & d'une continue. I'en ay veu venir au Palais avec vne

*Trou estats
qui reluiēt
principale-
ment entre
nom.*

*Quand on
viēt au bar-
reau on y
doit appor-
ter vne bō-
ne volenté
avec vne
continue.*

deliberation d'y bien faire, mais la longueur de festat se tournant en eux en langueur, leur faisoit changer de propos, & mettre leurs esprits en autre sujet. Quoy faisant, tout ce qu'ils auoient edifié, s'esuanoüissoit en fumée. l'en ay veu d'autres frequenter le Palais avec vne longue assiduité, mais d'une volonté si froide qu'ils sont du tout demeurez en friche. Je desire le mariage de l'un & de l'autre: asseuré que quiconque en vsera de ceste façon; s'il n'arriue au premier rang, pour le moins ne sera-il des derniers. Et par ce que l'estat auquel ie vous ay voué, gist part en la iurisprudence, part en l'oratoire. Au regard du premier point, encores que les anciens ayent sur tout désiré la memoire au Iurisconsulte, si est-ce que ie ne puis condescendre à leur opinion: quant à moy ie combats pour le iugement. La memoire sans le iugement n'est riens en l'Aduocat: le iugement sans la memoire est beaucoup. Nous appelons nostre estude Iurisprudence: pour monstrez qu'elle consiste plus en la prudence, & par consequent au iugement: Vray que qui peut auoir l'un & l'autre ensemble, a un bien grand aduantage sur ses compaignons. Ceste prudence ne s'acquiert que par long vſage. Partant il vous faut rendre sur vostre arriuee assiduel auditeur au barreau (où l'on digere vrayement les loix) bastir vostre estude, sur l'estude de ceux qui plaident, ne vous donner aisément loy de les controler, ains tout ainsi que le grand Plin en tout liure, aussi trouuer tousiours quelque chose

*Le iugement
est plus re-
quis au I.C.
que la me-
moire.*

*Le ieune
Aduocat
doit avec
toute sub-
mission se
rendre au-
diteur.*

dont faciez vostre profit, voire en ceux qui sont de moindre merite. L'admiration qui se loge en vn ieune homme, luy est vn grand progres pour l'aduenir. C'est la mere des sciences. Et ie ne veiz iamais homme sur lequel il n'y eust beaucoup à redire; qui trouue beaucoup à redire aux autres. Je sçay bien qu'après auoir quelque temps presté l'aureille, vous aurez part, avec l'aide de Dieu, comme les autres, aux plaidoiries. Et d'autant que ce noble exercice a plus de participation avec l'ancien Orateur de Rome, que Iurisconsulte, ie vous diray deux mots de ce qu'il m'en semble. N'attendez point icy que ie vous enseigne tous ces masques d'oraison qui nous furent representez en ce subyet par les anciens Grecs & Romains, en eombien de façons il faut diuersifier son bien dire, la maniere de remuer les passions de ceux qui escoutent, la closture agreable d'une clausule, & vne infinité de belles fleurèttes dont leurs liures & enseignements sont farciz. Tout l'artifice que i'entends icy vous dōner, est de n'vser point d'artifice: ie veux que vous soiez preud'hōme: quand ie dis ce mot, ie di tout. Et ce que Demosthene disoit que la premiere, seconde, & troisieme partie de l'Orateur gisoit en vne belle ordōnance de son corps & de son parler, ie l'approprie à la preud'hōmie. Le but où vise l'Aduocat par ses plaidoiries est de persuader ses Iuges: & on se laisse aisémēt mener par la bouche de celuy que l'on estime homme de bien: au cōtraire soiez en reputation de meschāt, apportez tāt d'elegā.

*De quel est
est l'ad-
miration au
ieune hōme*

*Quel dois
estre l'Ad-
uocat.*

*La premie-
re piece de
l'Aduocat
est d'estre
preud'hōme.*

ces & hypocrisies de Rhetorique qu'il vous plaira, vous delecterez dauantage les aureilles de ceux qui vous escoutent, mais les persuaderez beaucoup moins; parce que chacun se tiendra sur ses gardes pour l'opinion qu'il aura de vous. Ne vous chargez point de cause que ne la pensiez bonne : car en vain penserez vous persuader vos Iuges, si vous n'estes le premier persuadé de vostre cause. Combatez pour la verité, & non point pour la victoire. Mais ces deux derniers preceptes sont inutiles; par ce que la preud'hómie les apporte tout d'une suite quant & soy. Au demeurant ie ne desire pas que soiez seulement preud'homnie; ie souhaite que ceste preud'homnie soit armée d'une vifue force, pour terrasser le vice, soutenir vertueusement le pauvre affligé, faire pavois de vostre conscience cõtre les efforts des plus puissants, qui veulent abuser de leur autorité & grandeur à la ruine des plus foibles. Otez de vostre teste ceste courtizanie que ie voy estre pratiquée par quelques vns, qui ne se veulent charger de causes contre les grands, pour ne leur desplaire. Encores que sur le champ vous leur desplaisiez, si est-ce qu'à une autre occasion, reuenants à leur mieux penser, ils vous prendront pour leur Aduocat, voyant qu'aurez bien & fidelement seruy voz parties encontre eux. Ces propositions estants imprimées dans vous, il me semble qu'il y a deux choses que devez aussi songneusement obseruer: l'une de contenter au moins mal qu'il vous sera possible ceux qui vous choisiront pour leur Ad-

*L'Aduocat
doit estre
courtis.*

uocat : l'autre de ne mescontéter trop rudement voz parties aduerses. Vous deuez entretenir voz cliens d'vne douce chere, ne les rudoyer, supporter de leurs importunitéz : faisant ce perpetuel iugemēt en vous, qu'il n'y a maladie d'esprit plus poignante, que de ceux qui plaidēt en leurs noms. Non toutesfois que ie vueille que liez voz opinions à leurs passions ; si vous pensez pouuoir apporter honnestes remedes à leurs causes, il ne les faut oublier. Sinon, c'est pecher contre le saint Esprit, de les repaistre de vaines esperances, en leur administrant ie ne sçay quels moiens, plus familiers au Palais que ie ne voudrois, pour tenir les choses en longueur. Ce sont autant d'artifices de la ruine des pauvres gens. En vsant de la façō que ie vous dy, vous abonderez moins en pratique, mais elle sera plus solide, & honorable. Entāt que touche vos parties aduerses, donnez ordre s'il est possible d'atrēper vos plaidoyers de modestie : iamais la modestie ne fut malseante à nul, & par especial au ieune homme. Non toutes-fois que ie vueille qu'elle se tourne en preuarication. Celā depend de la prudence de l'Aduocat, de peser ce qui est nécessaire de taire ou de dire en sa cause. L'on dit que Philippe Roy de Macedone ayāt à sa suite vn seigneur qui auoit trahy son païs en sa faueur & le gratifiant de pēsons pour le bien qu'il auoit receu de luy : ce seigneur se plaignit à luy de ce que quelques gentils-hommes Macedoniens l'auoient appellé traistre, dont il esperoit auoir bien grande reparation : ce sage Roy sans s'en

*Celuy qui
plaide est
aucunement
excusable
en ses pas-
sions.*

*L'Aduocat
doit estre
modeste, &
comment.*

aigrir autrement, luy respondit: que les Macedoniens estoient de leur nature gens rustiques, qui ne pouuoient représenter les choses, qu'avec la naïfueté de leurs paroles. S'il y a de la malefaçon exemplaire, ie ne pense point qu'il la faille dissimuler:és autres choses ie seray bien d'aduis que l'on pardône à la pudeur des personnes. Vous ne deuez vous presenter au public que bien préparé de vos causes: le seul objet de ce grand tribunal vous doit en cecy seruir de leçon. Vos plaidoyers ne serôt, ny trop briefs, ny trop lōgs, la briefueté cause souuent l'obscurité: & la longueur attedie ordinairement les Iuges. Mais on ne peut dire riens estre trop long, quand l'on dit ce qui sert necessairemēt à la cause. Encores vous diray-ie ce mot:

*Qu'il faut
estre auari-
cieux de son
honneur.*

Je sçay que nous choisissons diuerses vacations pour passer avec quelque commodité nostre vie. Je veux que soiez auaritieux, mais d'vne noble auarice, de l'auarice de vostre honneur, & non de l'argent. Les anciens colloquerent le temple d'Honneur ioignāt celui de Vertu, pour nous enseigner que l'honneur nous est vn taisible acheminemēt à la vertu. Exerçant vostre estat de ceste façon, ie remets le demeurant de vostre fortune entre les mains de Dieu, lequel vous deuez implorer en toutes vos actions, avec vne ferme assurance qu'il ne laisse iamais ceux qui de cœur deuot le reclamation. De ma part ie n'oubliera rien de ce que ie pēseray faire à vostre promotion & aduancement, comme bon pere: mais au conseil que ie vous donne, ie ne seray iamais marry que vous oubliez

bliez d'estre mon fils : ie veux dire que vous pensiez estre fils d'un pere qui n'a moien de vous pouller, & que conduisiez vostre fortune comme si elle commençoit de prendre ses racines en vous, sans mon aide & ministere. Il n'y a riens qui perde tant le Parisien, que l'opinion qu'il a d'estre fils d'un pere qui a quelques biens & moiens. A Dieu.

A Monsieur Chandon Secretaire du Roy.

ME meurs'il ne failloit faire mourir Machiauel & son liure dedans un feu, lors que dans son institution du Prince il fut si impudent de nous faire un chapitre de la Sceleratesse (ainsi le dit-il) par lequel il enseigne comme le Prince peut paruenir à vne principauté, & s'y maintenir par mechanceté. Mon Dieu se peut-il faire que ceste proposition monstrueuse soit entrée en la teste d'un qui se disoit Chrestien, & que les Ethniques qui n'eurent cognoissance de la lumiere de Dieu qu'à taton, nous ayent appris qu'il ne failloit en nulle affaire separer l'utilité d'avecques l'honneur, entendants par ce mot d'honneur tout ce qui concernoit la vertu ? Le vous laisse que le mot de Sceleratesse de soy est hôteux, & qu'il n'y a putain si descheuelée en particulier, qui ne soit bien aise en public de cōtrefaire la preude femme. Et toutesfois cest homme de bien dōné à ce chapitre le frontispice de mechanceté. Le ne pense point qu'il y ait au monde dis-

*il combat
Machiauel
qui a fait
un chap. de
la Scelera-
tesse, par le-
quel il mō-
stre comme
un Prince
se peut
maintenir
en son estat
par mechā-
ceté.*

Y y

cours qui contienne plus d'impiété, d'enseigner à ce-
 luy qui doit estre la vraye image de Dieu en ce bas
 estre, d'acquérir vne souueraineté par mal faire, & de
 luy vouloir faire accroire par exēple qu'ils y pourra
 conseruer. Ie dy que c'est errer en l'histoire, ie dy que
 c'est se fouruoier non seulement en discours, ains en
 sens commun. Ie ne nie pas que Dieu quelque-fois
 par vn iugement caché ne permette que le Prince ne
 paruienne à vn grand estat par ces, moiens extraor-
 dinaires, & qu'il n'abuse de sa puissance absoluë au
 preiudice de ses sujets. Mais apres qu'il s'est ainsi vou-
 lu iouïr, ie ne voy point que la fin n'en ait esté touf-
 iours tragique, & à peu dire que Dieu ne jette les ver-
 ges au feu dont il auoit voulu chastier, ou le peuple,
 ou quelques particulieres familles. Et ce qui me rend
 encores plus courroucé contre ce grand Machiauel,
 c'est q'iamais hōme ne fut plus nourry en la lecture
 de Tite-Liue que luy, resmoins les trois liures de dis-
 cours qu'il fait sur la premiere Decade, de laquelle cō-
 bien qu'il peut tirer vne leçon telle que ie soustiens,
 voire dès l'étrée de l'œuure, toutesfois il estoit tom-
 bé en sens si reprouué, qu'elle lui passa deuāt les yeux,
 sans y donner aucune atainte, s'amusant à tirer vne
 quinte essence d'autres histoires, & laissant celle qui
 seruoit à l'edification des Rois & Princes souuerains.
 Ie repasseray sommairement ce que i'en ay leu. Vous
 trouuerez qu'Amulius Roy d'Albe fut tué par Ro-
 mulus & Remus ses nepueuz: Romulus par les patric-
 ces & senateurs qu'il auoit instituez: Tarquin le vicil

*Qu'apres
 que Dieu a
 puny les su-
 jets par la
 Sceleratesse
 d'un Prin-
 ce, il punit
 puis apres le
 Prince.*

*Les premiers
 liures de Ti-
 te-Liue sur
 lesquels on a
 chascun
 fait des Dis-
 cours con-
 damner son
 opinio de la
 Sceleratesse,
 sans qu'il s'e
 soit aduise.*

*Il discours
 sur les pre-
 miers Rois
 de Rome,
 qui paruin-
 drēt à leurs
 estats par
 malangin.*

par deux pastres qui faisoient contenance de s'entre-
batre: Seruius Tullus, par Tarquin l'orgueilleux: &
cestuy finalement expulsé de son Royaume, avec tou-
te sa famille sans esperance de regres par Iunius Bru-
tus son cousin germain. Voilà vn piteux fondement
d'une si grande principauté. Mais qui considerera
quels sont les iugemens de Dieu, il verra que tous
ces Princes estoient paruenuz à leurs estats par scele-
ratesse, ou que par la mesme voye ils s'estoient vou-
luz maintenir: & neantmoins que quelque sage dis-
cours humain qu'ils eussent apporté pour s'y conser-
uer, Dieu en fin par l'iniustice des hommes exerça en
eux sa iustice. Je commēceray par Amulius: à Numi-
tor son frere aîné appartenoit l'estat d'Albe par vne
prerogatiue de son aage, toutesfois Amulius lui osta
le sceptre des mains, luy conseruāt seulement la vie,
pour l'estimer homme de peu. Mais craignant que sa
posterité prit à l'aduenir argumēt de remuer contre
luy nouveau dessein, il tua toute la lignée masculine
de Numitor; & quāt à Rhea sa fille, la feit rendre Nō-
nain voilée: estimant que le vœu de chasteté où elle
entroit, & la seure & estroite garde en laquelle elle se-
roit, luy osteroit, & l'enuie, & le moien d'auoir enfās.
Toutesfois tout au rebours de sō intentiō, Rhea cō-
met vn inceste, par lequel elle eut d'une vêtrete deux
enfans, ce furent Romulus & Remus. Dont Amulius
son oncle aduerti ioüe à ce coup-cy à quire ou à dou-
ble, & cōmande qu'ils fussent submergez. Celuy qui
en eut la charge obeit, & non obeit tout ensēble. Par

ce qu'il les exposa à la miséricorde du Tibre dans vne aulge. Et cōme le ciel les preparoit à vne iuste végeance du tort qui auoit esté fait à leur ayeul, leurs oncles, & leur mere, comme si le Tibre eust eu quelque sentiment, il eut pitié d'eux & les chassa à bord: encores leur faillloit-il nourrisse pour les fustanter. Vne Louue naturellement impiteuse les allaite toutesfois humainement, de ses mammelles. En fin estants nourris entre les pastres, & ayās sceu leur conditiō, ils font vn amas de gens perdus & desesperez, & avec cest aide despoillēt Amulius leur oncle tant de sa vie, que de son Royaume, auquel ils reſtablissent le bon Numitor leur ayeul en la ville d'Albe. Et quāt à eux, vōt fonder la ville de Rome avec leurs adherants où Romulus commēça de regner. Voiez avec combien de mēchacetez Amulius s'estoit pensé faire grand selō. le sens humain, & toutesfois en vn instant lors qu'il pensoit estre plus assēuré, il veit sa grandeur, & son assēurāces'esuanoīir en fumée. Le semblable aduint il à Romulus, & souz mesmes gages. Car voyant que Remus son frere estoit vne espine à son pied, il le tua malheureusement souz vne querelle d'Alemant à fin d'oster ce corriual de sa pēſée. Il s'estoit par ce moien estably seul en sa royauté, & ne voyoit plus qu'il y en eust aucū qui luy peust faire teste. Vray qu'il n'auoit atteint au dessus de son intētion. Par ce q̄ nulle fēme ne vouloit prédre alliance de mariage avec ses patricies qui estoīēt gens cōposez de toutes pieces, les vns bānits, les autres fuitifs de leur païs pour la crainte du

magistrat, comme ceux qui auoient suiuy la fortune d'un ieune Prince desespéré: Parquoy pour fonder sa principauté de tout point il fait encores deux traits tres-meschants. Pour le premier il bastit vn temple qu'il dedie à vn Dieu imaginaire nommé Afille pour seruir de retraite à tous les meschants, sans que l'on leur peust mal faire à l'aduenir, apres qu'ils y seroient entrez & rédus citoyens de Rome. Et à fin de trouuer mariage aux siés, il fait puis apres publier par tous les enuiron de la ville qu'il vouloit faire iouïr des jeux magnifiques & solempnels, ausquels il conuia tous les peuples voisins, mesmes les Sabins par vne hospitalité qu'ils auoient ensemble: lesquels s'y estants transportez avec leur femmes, enfans & familles, à peine furent les jeux ouuerts, que les Romains se iettent pesse-messe au milieu des pauures Dames Sabines, lesquelles ils se donnent en proye, & enleue chacun sa chacune qu'il espouse bon gré mal gré peres & meres. Si iamais infidelité fut commise, si iamais on viola le droit diuin & humain tout d'un coup, ce fut lors: aussi apporra celà plusieurs guerres entre le Sabin & Romain: pour ausquelles mettre fin, mesme par l'intercession des fēmes qui estoïēt possedées par leurs nouueaux maris, fut faite vne conclusion generale de paix, par laquelle il fut aduisé q̄ tout ainli que par le lien & vniō de tels mariages les deux peuples se trouuoient estre incorporez & vnis ensēble, aussi viuroiēt-ils de là en auāt souz la puissance vnie de deux Rois. Et deslors de deux Republiques on en feit vne

qui fut regie par l'etremise de Romulus Roi des Romains & Tatius Roi des Sabins; vrai que l'un & l'autre auoient leur Senat separé, dont ils prenoient aduis, & puis par commune cōference le rapporroient ensemblemēt pour suiure ce qui seroit plus expedient. Cest establissemēt passa quelque temps par dissimulation & conuiuēce de la part de Romulus, mais cōme il estoit impatient de corruial; aussi dōna-il ordre de faire mourir Tatius, quoi que soit iamais il ne prit punition des meurtriers. Qui monstre assez qu'il y auoit consenty. Et depuis se voyant auoir atteint au sommet de ses desirs, commēça deslors à empieter la tyrānie sur les patrices, & de les vilipēder. Qui les occasionna en fin de le tuer. Ainsi vous voyez vne punition exercée encōtre lui sur vne querelle nouuelle, mais à mon iugement prouenue d'une vraye iustice de Dieu pour le chastier des meschācetez qu'il auoit exercées pour regner, cōtre Remus, les Sabins, & Tatius. Ce que i'ay maintenāt à vous escrire cōtient vne plus grāde & longue chaisne de vengeance que Dieu permet, pour seruir d'exēple à to^r Rois de ne gagner leurs estats par scelerateſſes. Tarquin le vieil estrāger, hōme riche & opulent, pour se garētir de l'enuie des siens quita par le conseil de Tanaquil sa fēme le pays d'Hetrurie où il residoit, & se vint habiter dedās Rome; où il sceut si biē dissimuler son naturel par beaux ſēblans, que non seulement il gagna la bonne grace du Roi Ancus Martius, mais qui plus est entra en opinion enuers luy d'une tref-grande preud'hōmie. Qui

fut cause que mourant il luy recōmanda son Royaume, & le crea tuteur de ses enfans mineurs, estimant qu'il n'y auoit meilleur moien de leur conseruer son estat qu'en le depofant és mains d'un si homme de bien. Mais il n'eut pas les yeux si tost cloz, que par foudres pratiques & menées il se feit proclamer Roy de Rome, tant par le peuple, que le Senat. Cestuy ſça-
chant que par voyes indirectes il estoit paruenue à ce-
ſte grandeur, estima que pour s'y conseruer, il y de-
uoit apporter de l'artifice, crea cent autres Senateurs,
pour eſtre de ſa faction; estimant qu'autant de nou-
uelles creatures de ſa main, lui ſeroient autant de ſup-
port contre les conſpirations & embuſches que l'on
pourroit faire cōtre luy: il amuſe le peuple par diuer-
ſité de jeux annuels qu'il introduiſit, donne police
de ſeance en iceux à vns & autres magiſtrats pour
les contenter, faiſt vne infinité d'ouurages public-
ques pour ſeruir d'amuſoir au peuple: Toutes-fois
pour fin de la tragedie, apres auoir regné pluſieurs
ans, les deux enfans d'Ancus Martius le font aſſaſſiner
par deux paſtres, feignant de luy demander iuſtice
d'une querelle qu'ils auoient enſemble. Ny pour ce-
là ne furent ils reſtablis en l'ancienne dignité de leur
pere: Car le ciel couuoit vne plus notable vengean-
ce contre la memoire de Tarquin le vieil. Auſſi n'e-
ſtoit ce pas vne petite perfidie, d'auoir oſté la courō-
ne aux pauures pupils qui luy auoient eſté dōnez en
depoſt, cōme ceux que nous deuons auoir en pareil-
le, ainçois plus grande recōmandation que noz pro-

pres enfâs, lesquels nous acquerôs aux despës de nostre vegetatiue seulement, & ceux-cy souz vne reputation de preud'hômie que nous auôs acquise parmy le peuple. Tanaquil femme de Tarquin ayât dès sa jeunesse esté nourrie en la sciëce de deuiner fort familiere aux Hetruriens, imagina que Seruius Tullus estoit né pour estre grâd Roy, ores qu'il fust né d'une femme esclauë, & qu'il fust vn enfant bastard qui n'auoit cognoissance de son pere. Et ce d'autât que en son dormant on auoit veu reluire vn grand feu sur son chef. Celà fut cause qu'elle mesme procura le mariage d'une sienne fille & de luy. Côme donques Tarquin le vieil eut esté blecé & retiré par la Roine sa femme en vne chambre où il mourut tost apres, ceste Dame sollicita à l'instât mesme Seruius son gendre de s'éparer des forces, & pour y apporter quelque fucille, dône à entédre au peuple que le Roi son mary estoit vif, & qu'il auoit cômmandé à son gendre de prédre la charge des affaires en main, pédant qu'il reuiendrait en conualescëce. Ce qu'il fait, & si dextremët, que sans attëdre, ny l'autorité du peuple, ny du Senat, lui mesme par vne puissance absoluë s'instale Roy. Ce qui n'auoit iamais esté fait: & pour fôder à meilleures enseignes sô estat, d'un costé il baille en mariage ses deux filles à ses deux beaux freres Tarquin & Aruns, d'un autre costé apres auoir radoubé la premiere faute, & s'estre fait confirmé en sa royauté par le Senat & le peuple, il publia vne infinité de loix politiques, obtint plusieurs victoires cõtre les peuples estrangers, &

regne

regne quarante quatre ans. Toutesfois lors qu'il pé-
soit son estat estre cloué à clous de diamant, & que
le long laps de temps eust enseuely sous le cercueil
d'oubliance, la memoire du tort qu'il tenoit à ses
beaux freres & gendres, le temps suscite sa fille mes-
me, qui exhorte son mary Tarquin à recouurer l'estat
sur son pere, & de le tuer. Chose qu'il entreprit, &
executa vigoureusement, n'ayant autre instigateur,
& promoteur de ceste entreprise, que la fille contre
le pere: Laquelle mesme voyant le corps de son
pere mort sur la place, passa avec son char dessus luy.
Voyez ie vous prie quelle est la piteuse fin de ceste
histoire. Tarquin le vieil homme nouuellement
adopté dans Rome se fait couronner Roy: Seruius
Tullius naturellement esclaué apres son decez obtiēt
pareil titre: Cettuy-là au defauantage de ses pupilles,
Cettuy au prejudice des enfans mesmes de Tarquin,
n'ayant autre plus prompt conseil pour ce faire, que
la mere-mesmes de ceux auxquels appartenoit en
droite ligne la courōne: & qui est le comble de ceste
miserable histoire, cettuy-là fut tué par deux pastres
à l'instigatiō des enfans du Roy Martius: Cettuy par
son gendre à la suscitation de sa propre fille. Et vraie-
ment voilà l'execution d'un grand & celebre arrest,
qui doit enseigner à tout Prince de n'entrer point
par meschâceté à vne principauté. Ce meurtrier Tar-
quin dernier regna depuis avec vne façon si estran-
ge qu'il fut surnommé l'Orgueilleux, desdaignant le
conseil des Peres, tyrannisant à outrance le peuple,

voire iusques à violer la femme d'un sien parent & Sénateur. Aussi Dieu permet pour closture de ce ieu qu'il perdit entierement son estat sans esperance de ressource pour luy & les siens. Et ce mesmement par le moyen de Iunius Brutus son cousin germain : Lequel de la corruption d'une Monarchie bastit un estat enremeslé de l'autorité des Potentats & du peuple. Qui a esté l'un des plus grands qui iamais ait esté au monde. En effect voilà la fin des premiers Rois de Rome qui voulurent, ou paruenir, ou se maintenir par sceleratesse en leurs Royautez. Au contraire vous trouuerez un Numa, un Hostilius, un Martius auoir eus fins doulces, calmes & tranquilles, telles qu'auoient esté leurs dignitez, ausquelles ils estoient arriuez, & sy estoient maintenuz par les voyes ordinaires qui font regner les bons Rois. Pleust or à Dieu que Machiauel au lieu de plusieurs autres discours, nous eut seruy de ce premier mets, comme fait ce grand Tite Liue. Je croy que ceste seule leçon eut mieux valu pour l'instruction de nos

*L'exemple de
Cesar Bor-
gia dont Ma-
chiauel fait
estat entre
les Princes
qui se sont
voulu main-
tenir par
meschaceté,
condamne le
mesme Ma-
chiauel.*

Rois, que tout ce qu'il a deduit dedans ses trois liures; Ou pour le moins celà luy eut seruy de bride pour ne faire point dans son Prince un chapitre de la meschanceté. Mais que m'amuse-je à vous solemniser ces exemples? Je ne veux que le Machiauel mesmes pour le condamner. Les sages auteurs voulants bailler quelques instructions & memoires aux Rois de bien regner, leurs représenterent des Rois preud'hommes & guerriers pour leur seruir de mi-

roïer & exemple. Ainſi Xenophon dreſſa ſa Cyropædie ſur le modelle du Roy Cyrus : Ainſi l'auteur de Marc Aurelle nous propoſa ce grand Empereur, afin que ſur ce patron les autres Princes formaſſent leurs deportements. Machiauel au contraire nous baille pour exemple d'un tresgrand Prince, le plus meſchât qui fut oncques, ſi vous croyez à tous ceux qui eſcriurent de ſon temps apres ſa mort : Ce fut Caſar Borgia. Or au meſme chapitre où il raconte les fruits que la ſclerateſſe apporte aux Princes (ie ſuis contraint d'uſer ſouuent de ce mot, cōme eſtant celuy qu'il employe, en cẽ lieu-là) il recite l'hiſtoire de Borgia qui auoit entrepris durant vn ſouper, faire mourir quelques Cardinaux, perſonnages d'hōneur qui n'eſtoient de ſa faction, ny du Pape Alexandre ſon pere : & pour y paruenir auoit donné charge au ſommellier de leur donner à boire du vin qui eſtoit en quelques bouteilles qu'il auoit empoisonnees, eſtimant qu'ayant la fin de ceux-cy, il viendroit puis apres aiſément à chef de ſon deſſein, qui eſtoit de ſe faire Roy de la Toſcane. Grand conſeil (ce dit) ce grand precepteur des Princes, mais il ne voit pas que lors que Borgia pẽſoit auoir attaiñt au deſſus de ſon entrepriſe, Dieu diſſipe en vn inſtant ſes conſeils, & veult que le ſommellier meſprenant donne du vin empoisonné à Borgia & à ſon pere qui en moururent quelque temps apres, & les autres deſignez par ceſte malheureuſe trahiſon à la mort ſ'en retournent ſains & ſauues. Parlez à vn Machiaueliſte, il

*Dieu fait le
proces aux
Rois.*

vous dira que c'estoit vn braue projet bien tramé: Mais vn homme de bien rapportera sagement ceste mort à vne grâde prouidence de Dieu, qui veult que les meschans Princes prennent vne fin malheureuse. Nous sommes les iouets des Rois; les Rois sont les iouets de Dieu. Ils font les procez au peuple: le peuple à eux au semblable par les benedictions ou maledictions qu'il leurs dōne selon leurs merites ou demerites: Sur lesquels Dieu le grand iuge de nous, interpose puis apres ses parties. Tel prince pēse estre biē assure en sens humain, lequel a vn çil d'œil voit toutes ses opinions renuersées, & se trouue si malheureux que le plus grand heur qu'il ait, est de trouuer de l'eau pour boire dedans le creux de sa main pour estancher sa soif, comme Darius Roy de Perse, apres la victoire d'Alexandre: ou bien de rencontrer homme qui le vueille massacrer, pour mettre fin à ses miseres: Ce que le cruel & impiteux Neron ne put trouuer apres auoir exercé toutes sortes de tyrannies contre son peuple. Je souhaiterois que tous ceux qui approchèt les Princes eussent ces miroüiers deuant eux pour les leur représenter, & non ce malheureux autheur que ie voy estre chery & honoré presque de tous les courtizans, dont la condition est telle, que tout ainsi qu'ils sont nez pour estre esclaves, aussi ne projectent ils riens que de rendre les autres esclaves. Estimant que c'est vn grand secret de nourrir leurs maistres en ces propolitions extravagantes & miserables. Vous approuuez doncques.

l'autheur de l'Antimachiauel, direz vous. Il y a des extremitez en luy, comme en l'autre. En ce qu'il se conformera à la iustice & au repos du bien public, ie seray volontiers des siens: Mais si par propositions erronees, il veult exciter à murmure les subjects encontre leur souuerain magistrat, ie le condamneray tout à fait. A Dieu.

A Monsieur Chandon secretaire du Roy.

E discours que ie vous escriuy dernierement sur les vengeancez que Dieu voulut estre exercees contre les premiers Rois de Rome, qui voulurent appuyer leur grandeur sur voyes extraordinaires & meschantes, m'en a remis vn autre en memoire, sur vne querelle qu'vn ie ne sçay quel courtizan me dressa ces iours passez en vostre presence, quand il m'auint d'appeller, vn esprit Romain, celuy que l'on appelle maintenant en Cour, homme determiné. Mais aduisez ie vous prie qui m'a semé à ceste metaphore. Je n'ay iamais veu histoire, ou i'aye veu l'esprit d'vn homme si resolu au bien ou mal comme du Romain. Je vous repasserois volontiers tous ces premiers Rois, mais ce ne seroit qu'vne redite: Toutesfois sil vous plaist vous en ramenteuoir, vous trouuerez que iamais resolution ne fut telle en meschanceté comme celle que la pluspart d'eux eurent pour regner. Aussi sil vous plaist tourner le fucillet, vous les trouuerez

Combien le Romain auoit l'esprit resolu à exécuter ce qu'il projettoit.

Mot inepte qui s'est aujourd'huy insinué entre les Courtisans.

*Admira-
bles resolu-
tions des
Romains.*

*Deux adul-
teres, l'un
cōmu, l'au-
tre qu'on
voulait cō-
mettre, fu-
rent cause
de perdre
l'estat de
Rome à ceux
qui le pos-
sèdoient.*

tout autant determinez à bien faire (i'vseray de ce mot avec nos courtizans) lors que sous la Dimocratie ils entreprendrent non seulement la protection de leur liberté commune, mais aussi de la discipline publique. En ceste façon lisons nous vne resolution admirable en Brutus, quand apres auoir exterminé les Rois de la ville il iugea non seulement son fils à mort, ains fut spectateur du supplice pour auoir avec quelques autres ieunes gentilshommes Romains conspiré cōtre la Republique en faueur de Tarquin l'Orgueilleux. En ceste mesme façon veit-on vn Virginus tuer en plaine place sa fille innocente, Virginia, afin qu'elle ne fust violée par Appius Claudius; Lequel abusant de son autorité Decenvirale, exerçoit la tyrannie dans Rome avec ses autres compaignons. Quoy faisant tout ainsi que la mort de Lucresse fut cause de l'extirpation de la tyrannie des Rois, aussi la mort de Virginia reestablit ceste belle liberté qui auoit esté emblee par l'autorité extraordinaire de ces nouueaux Decenvirs. C'est vne chose detestable deuât Dieu & deuant les hommes qu'un enfant tue son pere, ou soit autheur de le tuer, ny que le pere tue son fils. Le premier fut executé par Seruius contre le Roy Seruius son pere pour faire regner Tarquin son mary: Le second par Brutus & Virginus pour la manutention de l'estat de la chose publique. Le premier fut abhominé de tous, parce que l'occasion en estoit sinistre: Le second honoré & embrassé de chascun, d'autant que c'estoit pour vne

fin honorable. Le semblable en aduint-il pour la conseruation de la discipline, en laquelle nous voyons vn Manlius auoir condamné son fils à mort pour auoir esté si temeraire de combattre sans son commandement, ores qu'il eust eu tresheureux succez & victoire de ses ennemis : mais pour la dangereuse consequence que ce pere rigoureux, mais tres sage capitaine, voyoit en pouuoir aduenir à l'estat si eut passé par conuience tel fait. Afin ce pendant que ie vous escoule sous silence vn Horacius, vn Sciuola, vn Decius, qui de propos deliberé s'exposerent à vne mort volontaire pour garentir leur pays de l'estranger, n'estants pas les deux premiers de moindre merite & recommandation sans mourir, que le dernier en mourant. Mille autres nous auons de ceste mesme impression. Et voilà en peu de paroles pourquoy i'appelle vn Esprit Romain celuy que le Courtizan du iourd'huy appelle Determiné. Mot auquel ie ne trouue pas grand fondement pour luy donner vogue, encores que ie le voye authorisé par les bouches de plusieurs gens de Cour, que ie n'establi ray iamais pour iuges du bien parler, combien que le commun peuple se persuade le contraire. A Dieu,

Combien la discipline publique fut en recommandation dans Rome.

*il exhorte le
seigneur de
la Croix du
Mans, qu'il
se garde
d'estre sur-
pris par les
recommen-
dations d'uns
Et autres
qui desire-
ront d'estre
couchés com-
me autheurs
en sa Biblio-
theque des
autheurs de
la France.*

*Pierre Pas-
cal homme
qui se fai-
soit valoir
par les plu-
mes d'au-
truy.*

A Monsieur de la Croix du Mans.

ENTENDS que batissez vn liure qu'intitu-
lez la Bibliotheque, qui est vn catalogue ge-
neral de toutes sortes d'autheurs qui ont es-
crit en François, avec vn recit de leurs compositions
tant imprimees, qu'à imprimer. Oeuure certes labo-
rieux & digne de celuy qui a beaucoup veu & leu.
Mais auquel auez à vous garder de plusieurs embus-
ches de ceux, qui pour ne pouuoir parauenture riens
de soy, tascheront de sauantager en reputation, aux
despens, non de leurs plumes, ains de la vostre. Car
ne pensez pas que la fosse de Pierre Paschal, n'ait pro-
duit plusieurs rejettons. Quand ie vous diz Pierre
Pascal, vous sçauiez ce que ie veux dire. Et neâtmoins
puis que ie suis maintenant de loisir, encores vous en
feray-ie le compte par maniere de passer temps. Pierre
Pascal estoit vn Gascon qui sur son premier auene-
ment se feit amy & compagnon de la pluspart des
Poëtes de nom qui florissoient sous le regne du Roy
Henry second. Cettuy voyant tant de nobles esprits
mettre la main à l'œuure, & qu'il luy eust esté mal
seant au milieu d'eux de se taire, commença de nous
repaiſtre de belles promesses. Se vantant de faire l'hi-
stoire de son temps, & pareillement le sommaire des
vies des gens de marque qui lors estoient, à l'imita-
tion de Paul Ioue. Sous ces faux gages, il sollicitoit
impudemment vns & autres Poëtes de le trompeter
par

par leurs écrits. Leur promettant vne pareille, & de les arranger entre les Hommes Illustres. Ses importunitéz & prieres porterent tel coup, qu'estant hault loüé par Monsieur de Ronfard & quelques autres, le bruit de son nom en vint iusques aux oreilles du Roy Henry. Ce n'est pas vn petit secret és affaires du mode, d'enuoyer vn bon bruit de nous, pour auant-coureur de nos actions. Le Roy au son de sa renommee le feit son historiographe, aux gages des douze cent liures par an. Toutesfois apres son decez on ne trouua rien si froid que son estude. Car aussi pour en dire le vray, il ne scauoit parler ny Latin, ny François, & le peu de Latin qu'il redigeoit par écrit, estoit tiré piece à piece des commentaires de Nizolius; pour dire qu'il estoit Ciceronien. De ce vous en puis-je assureur, comme celuy qui l'ay veu de pres. Et qui est le plus beau de ce compte, c'est qu'au mariage de la Roine d'Escoffe avecques le Roy Dauphin il fit imprimer vne longue harengue fort mal bastie, dans laquelle il faisoit parler au Roy ceste Princesse fort ieune quád elle arriua en la France, tout ainsi q si ell'eust eu trente ans sur la teste. Et portoit le tiltre que ceste harengue auoit esté extraite du quatre ou cinquiesme liure de son Histoire, dont il n'auoit encores commencé le premier. Celuy qui halena premièrement son fard, fut ce grád & docte Adrian de Tournebu, personnage aussi aigu & violent en Satyres cōtre ceux qui le meritoient, comme doux en mœurs & conuersation avecques les gens d'honneur & de

lettres. Lequel luy feit vne plaisante epistre sous ceste intitulation *Ego tibi*, laquelle fut depuis mise en François par du Bellay, & à leut suite, Rôfard q l'auoit tât de fois célébré par ses escrits, chantât vne palinodie, feit vn eloge Latin de luy, que ie traduisi en François, & ay encores entre mes broüillats. Je vous dirois volontiers que Guillaume Cretin fut presque de ceste mesme trempe sous le regne du grand Roy François: Car ie le voy solemnizé par Marot & quelques autres qui florirent de ce temps-là, comme grâd Historiographe du Roy, & neantmoins nous ne lisons rié de ses escrits. A quel propos tout cecy? Pour vous dire que soudain que l'on aura le vent de vostre liure, ie ne fais nulle doubte que ne soyez courtizé de plusieurs, afin qu'y enchasliez leurs noms. Auez vous iamais leu les deux epistres de Ciceron & Pline, par lesquelles ils se recômandoient à face ouuerte, cetuy-là à Luceius, cetuy-cy à Cornelliū Tacitus, afin d'auoir quelque lieu dedans leurs histoires? Le semblable fera l'on en vostre endroit. Et neantmoins il me semble que ne deuez vous laisser emporter à telles importunitez. Les liures muets doiuent parler pour ceux qui ont escrit: A tous autres, il faut auoir l'aureille sourde. Tout ainsi comme l'on dit qu'il n'est point en la puissance d'un Roy de faire des Princes artificiels, parce qu'ils se font tels dés leur naissance: aussi ne pouuez-vous faire des auteurs, il faut qu'ils se facent d'eux-mesmes. Et en cecy si ie vous pouuois seruir de quelques instructions, il me semble que

Guillaume
Cretin.

Quelle or-
donnance
doibt tenir
le sieur de
la Croix dâs
son liure.

deuez apporter double consideration à vostre entreprisc: L'une pour ceux qui par cy deuât ont escript, lesquels ont payé le tribut commun à nature: L'autre pour ceux qui sont viuans. Quant aux premiers, vous en auez plusieurs qui ont fait des œuures qui ne courent par les mains de tous, pour n'auoir iamais esté imprimez, ains sont és grandes Bibliothèques, ou en autres particulieres. Aufquels ie suis d'aduis que donniez leur place, comme aux autres. Vous auez Monsieur Fauchet premier President aux monnoyes, personnage qui sans fard & hypocrisie, s'estu-
die à ces vieilles recherches, lequel vous y pourra ser-
uir d'un bon guide, comme celuy qui en son Recueil
de l'origine de la langue & Poësie Françoisie a amassé
les noms & sommaire des œuures de cent xxvij. poë-
tes François viuans auparauant l'an mille trois cent.
Mais sur tout ie desire aussi que lors qu'en ferez estat,
vous recognoissiez celuy qui vous aura soulagé de
peine. Car en matiere de liures ie hay mortellement
l'homme qui trāsforme son emprunt en larcin. Au re-
gard des autres qui courent par les impressions, ie
m'assure tant de vostre suffisance, que n'en oublierez
vn tout seul: Sçachant que vous vous estes songneu-
sement ataché à ceste estude. Voilà pour ce qui con-
cerne les morts: & pour le regard des viuans, ie sou-
haite que soyez vn peu plus retenu: Il y a des hom-
mes fort doctes qui ne s'amusent à recommander
par escripts leurs noms à la posterité, encores qu'ils le
peussent faire: Je croy que ceux-là n'attendent de

*Monsieur
Fauchet do-
cteur honnre
en nostre
siecle.*

vous nul elege pour le subiet que traitez. Quant aux autres, les aucuns ont escrit, & sont leurs escrits publiez, auxquels vous feriez tort & à vous, si vous n'en faissiez honneste commemoration Et neantmoins entores y conuient-il apporter quelque attempan-
ce: Car pour auoir fait courir quelque chanson, son-
net, ou epigramme, celà ne me semble digne d'en
faire grand compte, sil n'estoit superlatif en son
espece. Parce qu'il y a bien difference entre bien fai-
re vn epigramme ou vn liure: & toutesfois il peult
auenir qu'un epigramme bien fait tel que celuy de
Vitalis pour la ville de Rome, se parangonnera à vn
liure. Au demourant quant à ceux qui se vantent
auoir fait des liures qu'ils gardent dans leurs mai-
sons, ou qui promettent d'en faire, ie louë l'inten-
tion des premiers qui veulent soubmettre leurs œu-
res à leur censure de neuf ans: & pour le regard des
seconds, nous deuons leur sçauoir bon gré de bien
vouloir à leur patrie: Mais d'autant qu'ils ne me sem-
blent en l'un & l'autre de ces cas estre auteurs qu'en
herbe, & non en gerbe, certes si vous les y mettez,
ie les coucheray au chapitre; (que l'on appelle en la
chambre des Comptes) de Reprise & deniers com-
ptez non receuz. Je seray tousiours de l'aduis de
Martial, quand il dit:

Non scribit, cuius carmina nemo legit.

Aussi n'estimé-ie nul homme deuoir estre mis au
calendrier des auteurs, sinon pour le regard des li-
ures qu'il aura exposez en lumiere. Quand ie vous

en parle en ceste façon, ie ne me pardonne à moy
mesme. I'auois au premier de mes Recherches de la
France promis six liures, dont ie n'ay fait imprimer
que les deux premiers. I'ay les quatre autres sous ma
clef, que ie communique particulièrement à tous
mes amis, qui me font cest honneur de me visiter.
Cependant puis que ie leur ay ordonné vn silence,
pour quelque raison qui m'induit à ce faire, aussi
ne seray-ie iamais marry que vous n'en faciez d'estat.
Ie ne veux pas seulement que vous croyez que ie les
aye faits, pour la consequence, & afin que ne soyez
trompé des autres qui vous pourroient dire le sem-
blable de leurs compositions, qui se tourneroient
apres en fumee. Brief si avec ceux qui ont escrit, vous
enregistrez les autres qui peuuent, ou qui promet-
tent d'escire, & ceux qui se pourront vanter auoir
de beaux & grands subjects pardeuers eux, vous trou-
uerez par vostre liure, qu'il y a aujourd'huy plus d'au-
rheurs vivans par la Frâce, qu'il n'y eut oncques par le
passé. Qui seroit vne chose du tout inepte & ridicule.
C'est pourquoy vous y devez apporter vne grâde cir-
conspectiō. Autremēt ie seray biē empesché de iuger
si vous leur ferez plus de tort en les inserāt dās vostre
liure, ou eux à vous. Et crains qu'en leur cōscience, ils
ne se moquēt de vous, ou ne pēsent estre moquez par
vous. Dauātage prenez garde qu'en voulāt gratifier
à ceux qui ne le meriteront pas, ne faciez tort aux au-
tres qui serōt de quelque merite. Il y a autāt & plus de
faute de cōfeter aux indignes les offices ou benefices,

*Les six li-
ures des Re-
cherches de
la France.*

comme d'en frustrer ceux qui en sont dignes. Je suis seur qu'y apporterez telle prudence que l'on scauroit desirer de vous. Si le faites, vostre Bibliotheque en sera moins enflée, mais plus solide: & i'aimeray tousiours mieux vn homme fort & nerueux, que bour-soufflé de gresse. Je vous escriis cecy comme à celuy que i'aime, & desire estre honoré. Qui me fait penser que prendrez cest aduertissement de bonne part. A Dieu.

*A Monsieur Mornac, Aduocat au Parlement
de Paris.*

*Cambien les
Romains
s'oublierent
en la guerre
que les Gau-
lois leur fi-
rent sous la
conduite de
Brennus, et
cōme depuis
ils eschererēt
de couvrir
leurs fautes
par leurs
historiogra-
phies.*

E ne vous passeray iamais condamnation que la guerre que firent les Gaulois aux Romains lors qu'ils prindrent la ville de Rome, fut telle qu'ils la baptiserent, ie veux dire vn tumulte Gaulois, pour tirer ce mot à nostre desauantage, & faire croire que ce fut vn estourbillon sans discours. Si le mot Latin de *Tumultus* est composé de *Timor multus*, comme leurs grammairiens nous enseignēt, on le pouuoit sous meilleurs gages appeller Tumulte Romain. Car iamais il n'y eut guerre en laquelle les Romains se trouuerent si esperduz, & où ils ayent perdu tout à vn coup tant de cœur, de conseil & de reputation, comme en ceste-cy, soit que vous consideriez le commencement, progres, ou la fin. Au contraire il ne se trouuera point entreprise plus gaillarde,

ny plus sagement executée que celle de Brennus sous la conduite duquel les Gaulois traufferent les monts pour faire nouuelles conquestes. C'estoit vne *Colomesqui estoient enuoyees par les Gaulois à la conqueste de nouveaux pays.* coustume familiere aux nostres quand ils se trouuoient trop abonder en peuples d'en descharger le pays, & prendre leur vol la part où ils pensoient y auoir plus de moyen de conquerir. Les Clusins au pays d'Italie possedoient vn grand terroier dont ils n'en cultiuoient que la moitié, laissant le reste en landes. Les Gaulois de ce aduisez prennent leur route celle part. Dont les Clusins aduertis, appellent à leur secours les Romains, comme leurs confederez, lesquels enuoyerent trois gentilshommes de Rome de la famille des Fabiens pour s'informer quel estoit le motif de leur venuë. Ausquels les Gaulois firent response qu'ils demandoient seulement le peu de terres, dont les Clusins auoient trop. Et comme ces ambassadeurs eussent voulu par viues raisons leur faire entendre que ce n'estoit la raison d'occuper le bien d'autrui, encores qu'il luy fust oiseux & inutile, les Gaulois d'une response gaillarde leur respondirent, que le droit gisoit à la pointe de leurs espees. Chose dont les Romains irritez mettent à l'impourueu la main aux armes, & en cest estour tuent l'un des capitaines Gaulois. Que le Romain n'eust en cecy fait vn tour de sot, il n'en fault faire nulle doubte: Aussi leurs historiographes mesmes ne peuuent excuser ceste faulte, qu'eux venants en qualité d'Ambassades, ils offensassent ceux avec lesquels ils capituloient.

*Les Romains
faisant de
prendre en
main le fait
de leurs al-
liez, s'en
faisoient
maistres.*

Et quant à l'entreprise des Gaulois contre les Clusins, ie ne la trouue pas moins iuste, que celles des Romains, lesquels faisans semblant de prendre le fait de leurs alliez en protection, apres les auoir defendus, les asseruissent eux-mesmes perir à petit sous leur seigneurie & domination. Mais pour ne m'eslongner de mon but, l'iniure qui auoit esté faite aux Gaulois estoit grande, & telle que tout ainsi que l'un de leurs chefs auoit esté assassiné à l'impourueu, aussi pouuoient-ils à la chaulde-cole rendre la pareille aux Romains, toutesfois par commune deliberation il fut aduisé d'enuoyer ambassades à Rome pour demander reparation de l'iniure qui leur auoit esté faite. Toutesfois les Romains non seulement mirent à nonchaloir ceste ambassade, ains firent capitaines generaux de leur armee, les trois qui auoient commis la faulte. Icy vous desirerez & iustice, & conseil aux Romains: Iustice, de n'auoir reparé le tort: Conseil, d'auoir commis leur armee à ceux dont ils auoient ia esprouué vne insolente temerité. Mesmes que les opposans aux Gaulois, c'estoit leur donner occasion de n'estaindre le feu qui estoit allumé dedans leurs poitrines. Les Romains en ce temps-là aux moindres rumeurs de guerres qui se presentoient encontre eux, eslisoient les plus dignes personnages de leur Republique en l'estat de Dictateur, auxquels ils donnoient vne puissance absolue pour le repos commun de l'estat. En ceste-cy ils se trouuerent si esgarez de leur bon sens, qu'ils donnerent

donnerent la charge de ceste grande guerre qui leur tomboit sur les bras, à ces trois gentilshommes petulans & qui pour premier trait de leurs deportemens auoient fait vne demõstration tref-certaine que l'on ne deuoit riens esperer de bon de leur part. Comme aussi le succez les en rendit sages : par ce que les deux armées venants à se ioindre, les Romains se trouuerent dès le premier à bord surpris d'une telle frayeur, que presque sans coup ferir ils se meirent d'eux-mesmes à vauderoute, choisissans pour lieu de plus seur retraite non la ville de Rome pour y apporter les nouuelles de leur defaite, ains celle des Veiens qu'ils auoient peu auparauāt conquise. Tellement que les Gaulois par leur arriuée és enuirs de la ville de Rome en furent presque les premiers messagers. Qui redoubla encores vne telle crainte au Senat & autres citoyēs, qu'ils delibererēt ouurir les portes à leur ennemy, & mettre la ieunesse dans le Capitole, avec les reliques de leurs dieux, leurs femmes & enfans : & quant aux plus vieux resolurent de demeurer sur le seuil de leurs portes, avec leurs habits de parade, pour receuoir la vie ou la mort telle qui leur seroit octroyée par les nostres. Les Gaulois esmerueillez du peu de deuoir que l'on apportoit à la defense de la ville, mesmes voyants les portes leur estre ouuertes, doubterent trois & quatre fois d'y entrer : & ce avec vne sagesse bien grande : craignants que ce fust pour les allecher, & que dās l'enclos de la ville on leur eust dressé quelque embusche; toutesfois apres auoir esté

esclarciz de la verité de ce qui estoit, ils y entrèrent: & pour dire le vray en prenant la ville, ils y entrèrent en trionfe. Car c'estoit vrayemēt trionfer, de prédre vne telle & si ample cité sans perdre vn tout seul des leur, & mesmes que les seigenurs se tendoiēt à la miricorde de nous avec leurs habillements signalez. Le malheur voulut toutes-fois qu'un soldat voyant vn vieux gentilhomme Romain assis sur son huis avec vn baston & sa longue barbe, luy ayant mis doucement la main à la barbe comme le voulant flater (car ainsi le recite l'histoire) le Romain tirant celà à iniure le frappa de son baston, dont le Gaulois indigné tua l'autre: & de là, cōme vn feu de paille de peu s'espand à vn instant bien loing, aussi commença tout le demeurant de l'armée à s'eschauffer, & de iouier des cousteaux: faisant passer en moins de riens par le fil de l'espée tous ceux qu'ils trouuerent en place. Discourez encores sur ce point, iamais crainte ne fut si forte que celle là d'abandonner leur ville à la mercy de celuy qui estoit enflé d'une nouuelle victoire, & qu'ils auoient deux fois irrité; l'une par l'outrage qu'il auoit receu des Ambassadeurs de Rome, l'autre pour n'en auoir fait, non seulement la punitiō exemplaire, mais gratifié les delinquants de l'enseigne colonnelle de leur armée. Et neantmoins toutes choses se passoient par douceur sans la temerité du vieillard, qui pour defendre sa barbe, alluma vn feu dans nostre ost, luy qui d'ailleurs n'auoit ozé prendre les armes pour la deféce de sa patrie. Passons plus

oultre & venons au Capitole, dans lequel ils auoient enclos tous leurs plus precieux ioyaux, mesmes la fleur de leur noblesse: encores faillit-il d'estre surpris de nuit par les nostres, n'eust esté qu'au bruit des Oyes & battement de leurs ailles, les Romains furēt refueillez. Et vrayement il faillloit bien qu'ils eussent les sēs assōpiz; voire qu'ils fussent oisons, veu qu'ayāt esté leur armée mise en route, leur ville prise & saccagée, leur ennemy au pied de leur roque, ils furent refueillez par des Oyes. En fin le plus beau fut de renuoier sur vn pont d'or ceux qui estoient arriuez sur vn pont de fer. C'est pourquoy on brasse vne paix avec le Gaulois, laquelle estant concludē & arrestée comme l'on comptoit les deniers, Camille banny prenant qualité de Dictateur leur donne à doz & les desconfit. Ceste victoire ne peut estre recitée qu'à la honte & confusion des Romains. Qu'au milieu d'vne paix iurée, vn hōme banny de la ville, soit aduoiué de courre contre celuy qui auoit mis les armes bas. Et neantmoins ie ne sçay quelle fut ceste victoire. Par ce que quelque palliation & hypocrisie dont le Romain masque ceste histoire, la rongnure de l'armée des Gaulois fut telle, qu'ayant receu partie de ce qui luy estoit promis, ils se feirent voye au trauers de l'Italie, & de là percerent iusques à la Grece, se faisans croire par tout où ils passoient, iusques à ce qu'en fin ils establirent leur demeure en la Natolie, qui fut appelée d'vn mot miparty Gallogrece. Ie ne trouue doncques point guerre plus heureusement, ny plus

Combien les
Romains re-
doutoient la
descente des
Gaulois en
Italie.

dextremement conduite, que celle que feirent lors les Gaulois. Ny guerre plus sinistrement, malheureusement & honneusement maniée que celle de la part des Romains, ny où ils apportèrent iamais tant de crainte & frayeur, qui leur feit perdre l'entendement au besoin. Frayeur qui en cest endroit leur feit compaignie iusques au dernier soupir de la Republ. Car soudain qu'ils estoient aduertis de la descēte des Gaulois en Italie, encor que ce ne fust qu'un faux bruit, toutes-fois chacū couroit lors aux armes sans acceptiō de personnes. Vray que comme ils estoient industrieux à deprimer noz victoires, pour donner lustre aux leurs, ils appellerent telles descentes *Tumultus Gallicos*, mot certainement fort mal propre, n'estoit qu'ils voulussent dire que telles descentes Gauloises, *Inicibant in animos eorum timores multos*. Et en effect voilà ce que j'auois à vous en mander: surquoy ie vous prie m'escire ce qu'en estimerez apres auoir leu la presente. A Dieu.

*A Monsieur Seue seigneur du Pré, President au
siege Presidial de Melun.*

Il se gausse
auec Mon-
sieur le Pre-
sident de
Melun qui
l'auoit con-
uié à dîner
en sa mai-
son du Pré.



NE pensez pas que ie fois à moy, ie suis voüé à mes vendanges, mais non telles que les communes dont ie laisse le meſnageement à ma femme. Depuis que ie suis arriué en ma maison du Chastelet, ie me suis cōfiné en ma chambre, auec vn contentement plus grand de la cueillette que ie faiz, que de la pleine vinée que ie voy estre en ce pais.

C'est pourquoy vous aurez grande iurisdiction sur moy si vous m'en pouuez distraire. Toutesfois estât dans vostre ressort, ie serois vn vray contumax si ie ne comparoissois à l'assignation que me donnez en vostre belle maison du Pré. Moy-mesme sans sommariõ deliberois de m'y trouuer. Mais vous receurez s'il vous plaist pour ce iourd'huy mon exoine, puis que voulez auoir mary, femme & enfãs tout ensemble. Ma femme n'a encores fait qu'une moitié de son mefnage: ses vins sont aux cuues sur le point d'estre pressurez: les miens cuuent dãs ma teste: ie crains seulement que ie ne m'en enyure, tant est le plaisir doux que ie prends à nourrir icy mes pensées, dont ie vous feray plus amplement part à nostre premiere veuë. A Dieu.

A Monsieur de.

NA y leu ie ne sçay combien de fueillets il conseille à
 du liure qu'avez encommencé contre vn sçauant
 celuy qui a mis fraichement en lumiere homme de
 l'histoire de ce temps de & l'ay leu de tant n'escrire
 plus ententiuement que m'avez fait cest honneur de point contre
 me l'euoyer pour vous en dire mō aduis. En vn mot: vn autre
 Je le trouue beau en ses membres, ie le trouue laid en qui auoit
 son tout. Voilà vn enigme ce semble. Riens moins. mis en lu-
 Quand ie l'ay leu parcellle à parcellle, il n'y a riens miere une
 qui ne soit escrit doctement, nettement, religieu- histoire que
 sement & selon la foy historique, ainsi que vous fai- il ne trou-
 tes toutes choses. Car si j'ay quelque sentiment aux uoit vraye.

Bbbb iij

anciennetez de la France, comme quelques-vns me le font accroire, ie vous donneray ce nom d'auoir autant bien entendu que nul autre, ce qui appartient à nostre histoire; ie ne veux pas dire mieux pour n'exciter aucune enuie, & contre vous, & contre moy. Mais quand ie viens à l'œconomie generale de vostre nouveau subyet, ie vous ay en telle reputation, que celà ne me semble digne de vous. Sç'a vous pourquoy? I'estime que nous deuõs laisser prendre le vol aux plumes d'autrui tel que le temps leur donnera, sans nous heurter contre les autheurs. Bien les pouuons nous aduertir amiablement par lettres de ce qu'il nous semble (combien que ne les cognoissions de face) pour vn mutuel trafic & commerce que les nobles esprits ont de l'vn à l'autre: nous pouuons encores les desdire modestement par nos œures quād l'occasion se presente: Mais de le faire par vn guet apens, ie veux dire par liure à ce expressément dedié, ie l'estime vn assassinat. Monsieur Vignier m'a faict cest honneur, ne me cognoissant que par mes liures, de m'alleguer en quelques endroits de son histoire de Frâce, & en quelques autres il m'a desdit; signamment au chapitre où il parle des Bretons. Autant en a fait Monsieur Pitou en son traité des Comtes de Champagne, où il fait plus honorable mention de moy que ie ne merite, & neantmoins sans me nommer il est de cōtraire opinion à la mienne, tant pour l'institution de noz Pairs, que de noz Bailliz. Et ie vous puis dire que ie ne me sens pas moins satis-fait

*Que c'est
une chose
pedatesque
d'escrire par
liures expres
cōtre les œu-
ures d'au-
truy.*

d'auoir esté repris en ceste façon, que quād i'ay esté hautement loüé d'eux. Car en ce faisant nous tous contribuons à vne bonne volonté, qui est de profiter aux nostres. Voire quand il seroit aduenü que par liure expres on se seroit voulu formaliser contre mes Recherches, encores n'y vouldroy-ie respôdre. Il faut laisser telles manieres de faire à ceux, qui habitez en la pouldriere des escoles, nourrissent vne ambition pedantesque, ou aux autres, qui n'ayans autre objet que les Cohues, se repaissent de demandes, defenses, repliques, & dupliques. La posterité nous lisant sera Iuge competant de noz œuures, sans que nous forcions les iugemens des vns ny des autres. Quant à celuy qui a fait ceste nouuelle histoire on ne luy peut oster ce nom de docte, comme celuy qui est versé en plusieurs liures anciens: mais aussi ne peut on dire qu'il ne soit aucunement partial en ce qui regarde l'honneur & exaltation de son pais. C'est vn vice qui est fort familier à chacun, quand il est question de parler des siens. Cependant ie suis d'aduis si trouuez quelque chose en luy ou à redire, ou à desdire, que vous l'en aduertissiez fraternellemēt par lettres: m'asseurant qu'estant nourry aux bons liures, non seulement il ne le prendra de mauuaise part, ains vous en remerciera liberalement. Autrement ie crain si vous passez outre, que n'apprestiez entre vous deux la farce de Clement Marot & Sagon. A Dieu.

*A Monsieur Seue Docteur en Medecine
demeurant à Melun.*

*Il a'escrit à
Monsieur
Seue Mede
cin quel est
son naturel,
à fin que sur
sceluy il ad
uise quelle
medecine il
luy pourra
ordonner.*

MESTANT par expres retiré pendant les
vacations de la ville de Paris en ma maison
du Chastelet, en deliberatiō de trouuer quel-
que relasche aux flots & reflots d'affaires qui nous
environnent au Palais, apres m'estre reconcilié neuf
ou dix iours avec mes liures, ie me suis trouué assailly
d'un flux de ventre fort aigu, que ie n'oze encores ap-
peller disenterie: Mal que ie croy m'estre aduenü d'une
crudité d'estomach. N'y ayant eu iour que mes
papiers ne m'ayent possédé l'espace de huit ou neuf
heures, mesme soudain apres le past, sans auoir es-
gard à mon aage, ny par consequēt à ma santé. L'hu-
meur est acré & picquant, & pour ceste cause pec-
cant, qui exerce en moy de grandes & extraordinai-
res espraintes. Toutes-fois ie me sens graces à Dieu
sans fiebure & inquietude de membres; qui me fait
esperer que ie n'auray que le mal present & non pis.
Mais par ce que vostre medecine nous enseigne que
les disenteries *que abatra bile fluunt, lethales sunt*, &
que ie ne sçay bonnemēt de quelle fontaine & sour-
ce me peut prouenir ce mal cy; ie recognoistray fran-
chement qu'au milieu de mon esperance ie nourry
vne crainte. Celà me fait vous enuoyer ce porteur
pour auoir de vous quelque ordonnance, & ensem-
ble que me prescriuiez le regime que ie dois tenir;
à fin

à fin que ce mal ne prouigne. I'ay vne apprehension prompte & vifue, & pour ceste cause ie fuis fort facile à esmouuoir. Ioint que i'abhorre naturellement les medicamēts, voire que la feule apreheñfiō opere quelque-fois en moy autant qu'aux autres la prise. Vous aduiferez s'il vous plaist d'y apporter de vostre art selon le fujet que ie vous prefente. Ie me fusse volontiers de moy-mefme ordonné vne reubarbe, que nous apprenons dans voz liures, auoir vne vertu reſtraignante, & neātmoins expulſiue des malignes humeurs: mais tout ainſi que noz loix ciuiles nous prohibent d'eſtre Iuges & parties en noz cauſes, auſſi les vostres de medecine defendent de n'eſtre le Medecin & le malade tout enſemble. A Dieu.

*A Monsieur du Port ſeigneur de Roſiers Conſeiller
au ſiege Preſidial d'Angoulmois.*

IL EST ainſi comme ie vous ay eſcrit: ceste année eſt vrayement de biſſexte, & luētueuſe pour les gens de noſtre robbe, s'eſtant li-guée avec la mort contre les plus ſignalez. Nous l'a-uons cogneu par effect en la perſonne de ce grand Chancelier de France Renē de Virague, en celle de cest autre grand perſonnage Paul de Foix Ambaſſa-deur pour le Roy à Rome, & en ces deux celebres Medecins de noſtre ville le Grand & Pietre. Mais ſur tout elle s'eſt aheurtee encōtre noſtre Parlemēt, dōt elle nous a rauy ce braue Preſident de Pibrac & ſix

*Il raconte
des morts de
quelques ſei-
gneurs de
robbe lōgue
qui aduin-
drēt en l'an
1584.*

Cccc

*En l'année
cinq cēs lvi.
plusieurs gēs
demarque
moururent.*

Conseillers de la grand Chambre, du Puis, le Sueur, Vignole, Anjorant, Viole, & du Val. Je laisse le seigneur de Villemor des enquestes. Celà me remet en memoire l'année cinq cens lvi. où nous veismes pareil rauage. En laquelle no⁹ perdismes deux vertueux Presidents, Meigret & Lignery, trois grands Conseillers Potier, Tiraqueau, Alligret; au Chastellet Aubery Lieutenant ciuil; au college des Aduocats, ces deux doctes hōmes Trouillart & Boucherat le ieune: entre les Theologiens ce grand predicateur Picart, hōneur de la faculté de Theologie: entre les Medecins Burgenfis, qui par quarante ans & plus auoit rendu le lieu de premier Medecin tant du grād Roy François que du Roy Henry son fils: & finalement entre les professeurs du Roy Maignen homme des premiers de son tēps, tant en medecine, que mathematiques. Voilā vne piteuse obseruation que ie vous rameine en memoire. Le commencement de ceste lettre vous sera vn peu fascheux, mais la fin en sera plus belle. L'ō doit deux iournées aux Conseillers de la Cour: l'vne à leur entrée pour cognoistre de leurs sens & suffisances: l'autre à l'issuē pour semondre la Cour au conuoy: Et tout ainsi qu'aux tournois solēnels il y a ordinairement deux ou trois Cheualiers qui ouurent le pas à tous venans, aussi en ce dernier acte y a-il l'vn des Presidents lequel assiste des parens & amis fait en chaque chambre diuerses harengues dediées à l'honneur & commemoration du defunct. Et pour general refrain les conuie de se trouuer aux obseques. La 2.

Des harangues mortuaires que l'on fait au Parlement lors qu'un conseiller est decedé.

bien assailly, bien defendu: Par ce que chaque President respond avec telle parade dont il s'est peu aduifer. Il seroit impossible de vous dire avec quelle dexterité d'esprit, avec quel flux de doctrine, Monsieur le premier President de Harlay a cōtrenté tous les escoutants, combien de belles fleurs il a espandu pour ces sept. Mais par especial pour Monsieur de Pibrac, pour lequel il prit vn sujet fort à propos, tant sur la facilité que felicité (ce sont les mots dōt il vfa) de son esprit, de ses meurs, & de son bien dire. Combien il loüa hautement en Monsieur d'Aigremont son la-
 beur conioint avec vne preud'homme, industrie, & iugemēt admirable, luy donnant vne encyclopedie de toutes belles choses dont les autres reluisoient diuerfement par parcelles: Mais en l'eloge du vij. qui fut Mōsieur du Val, il se vainquit soy-mesmes au iugemēt de ceux qui l'ouirent. Cestuy estoit le septiesme de la grād Chambre qui estoit mort, & auoit suiuy de quelques iours Monsieur d'Aigremont. Il ramentu les sept nobles citoyens que les Atheniens deuoiēt tous les ans au Roi Minos pour le meurdre cōmis en sō fils Androgée, lesquels on exposoit au Minotaure dans le labyrinthe. Que ceste année nous auions payé de tribut à la mort, sept des premiers Cōseillers de la Cour. Que la mort des Atheniens estoit preparée dās vn labyrinthe inextricable; que celle de ceux-cy prouenoit des secrets de Dieu qui sont du tout inexplicables. Et apres plusieurs beaux discours il prioit Dieu que tout ainli qu'en la fabrique de ce

Harlayus de Mōsieur le premier President en la cōsēration des seigneurs qui estoient morts.

Harague de Monsieur le premier President pour Mōsieur du Val.

grand Vniuers il s'estoit reposé le septiesme iour, aussi que son plaisir fust de s'estancher en ce septiesme Conseiller. La closture fut encores belle, en ce qu'il rencôtra ingenieusement sur le nom de du Val. Disant que s'il luy estoit permis en ce luctueux sujet mesler quelque chose de la Poësie ancienne, il s'asseuroit que du Val estoit au val Elisië, quelà il seroit accucilly par le seigneur Viole tout ainsi qu'Ouide promettoit le semblable à Tibulle qui estoit decedé quelque temps apres le docte Catulle:

*Si tamen è nobis, aliquid nisi nomen & umbra
 Restat, in Elisia valle Tibullus erit.
 Obuius huic venies hedera, iuuenilia cinctus
 Tempora, cum Caluo, docte Catulle, tuo.*

Le vous escriis par expres tous les plus hardiz traits de ceste belle harangue, laquelle ayant esté solemnisée par les nostres dans nostre Palais, merite d'estre sceuë par vous en vostre pays d'Angoulmois. Tous ceux que j'ay cy dessus nommez, estoient gens d'honneur, qui meritoient vne commemoration honorable de leur vie. Mais à la mienne volonté que laissans toutes ces fleurettes & flateries en arriere, l'on vst de noz Conseillers, tout en la mesme façon que l'on faisoit des Rois d'Egypte, desquels on exposoit apres leur mort au public, & permettoit on au peuple d'honorer ou accuser leur memoire selon leurs merites ou demerites. Autrefois fait on presque le semblable en France, où nous voyons que l'ancienneté donna tels

Que les harangues funebres faites en l'honneur de ceux qui ne l'ont merité, perdent le Palais.

Sobriquets que nos anciens donnoient à nos Rois, s'ils avoient mal fait durant leurs vies.

epithetes à noz Rois qu'auoit esté le cours de leurs vies : iusques à en appeller l'un Faitneant, l'autre le Simple. Qui n'estoit pas vne petite bride pour les contenir dans les bornes de leur deuoir. Ciceron & apres lui Tite-Liue disoient, que les flateries & mensonges que l'on auoit introduit és harangues funebres des grands, auoit fait esgarer la plus grande partie de la verité historiale de la Republique de Rome. Certes ce seroit vn grand esperon à tous Conseillers pour bien faire, s'ils auoient ceste opinion qu'apres leurs decez on ne les espargneroit non plus à trompeter leurs vices, qu'à soléniser leurs vertus. Ce seroit vrayement les exposer tous nuds au public apres leur mort. Il n'y eut riens (disent les anciens) qui empescha les morts volontaires des vierges Milesiennes, que la loy par laquelle il fut ordonné que celle qui se seroit tuée, seroit monstrée toute nuë au peuple : & la seule apprehension qu'elles eurent de ne descouvrir apres leurs decez leurs parties honteuses, fut cause que nulle de là en auant ne fut homicide de soy-mesme. Au demeurant estants aujourd'huy les bons & mauuais loüiez indifferemment & presque d'une mesme balance, c'est apprendre aux viuants d'estre indifferemment & d'une mesme balance aussi mauuais, comme bons. A Dieu.

*A Monsieur Seue seigneur du Pré, President au
siege Presidial de Melun.*

*Il s'esgaye
avec le Pre-
sident de
Melun, &
le second à
disner. Ce-
ste lettre se
rapporte à
vne prece-
dante ois il
auoit vſe
des termes
de pratique*

*En matiere
de duels à
qui appar-
tiēt le choix
du chāp &
des armes.*

L NE faut plus que nous vſions de ces ter-
mes, d'assignation, sommation, comparu-
tion, contumace, exoine. Quant à moy ie
veux que ſçachiez que depuis mes dernieres, ie me
ſuis fait nouueau guerrier: Mais ſça' vous quel? Vn
Fierrabras, vn Rodomont, vn taillant, fendant, man-
geur de charretes ferrées, duquel vous receurez la
preſente, nō comme vne lettre miſſiue, ains comme
vn cartel de defy, de la part de celuy qui vous veut
combatre à outrance. Et par ce qu'à moy appartient
le choix du champ, comme aſſaillant: & à vous celuy
des armes, ie vo' aduiſe que me trouuerez tout preſt
Lundy prochain au village du Chaſtellet. Oū i'auray
pour mes confidents les ſeigneurs de Bobigny & de
Valence, qui deliberent reſolument me ſeconder en
ceſte querelle. Aduiſez de ne faillir à vous y trouuer,
& d'amener qui vous plaira à voſtre aide. Le pas ſera
ouuert à tous. Le meurdre ne ſera petit. Car il y a ja
vn grand abatiz, mais c'eſt de perdreaux, leuraux, la-
pereaux, coqs d'Inde, chapons, pigeons, & poulets,
dont la table ſera iouchée. Ie ne la vous feray plus
longue, eſtimant que telles affaires ne giſent pas
tant en vne piaſe de paroles, qu'en vne prompte &
viſue execution. Les mains commencent de me de-
manger, & n'attēds plus que le cry du herault: Laiſſez

aller les vaillants combatants. Aſſeuré qu'il n'y a ce-
luy de nous qui ne ioüe fort bien des couſteaux,
quand ſe viendra au fait & au ioindre. A Dieu.

*A Monsieur du Port ſeigneur des RoZiers Conſeiller
au ſiege Preſidial d'Angoulmois.*

IL EST ainſi comme le dites, l'amour de no-
ſtre patrie, ne nous ſolicite point tant d'un re-
tour quand nous en ſommes eſlongnez, cõ-
me la reueuë de noz bons amis. Et quelque choſe
que l'õ vucille dire d'Vlixè, i'eſtime que le plus grãd
eſperõ qu'il euſt pour retourner en ſa maiſõ, n'eſtoit
point tant pour le deſir qu'il euſt de reuoir ſon pays,
que ſa femme & ſon fils, pour vne amitië viſcerale
qu'il auoit en eux. Vous ſçauéz les anciennes rencon-
tres de tous ces grãds Philoſophes: de Socrates quãd
il reſpondit qu'il eſtoit du mõde; de Diogene le Cy-
nice, qu'il eſtoit Coſmopolite & citoyen de ce grãd
Vniuers; celui du Lacedemonien, que noſtre pays
eſtoit par tout où nous eſtions à noſtre aiſe: Et ſi
voulez que ie vous adioulte ce vers,

Omne ſolum forti patria eſt, vt piſcibus aquor.

Bien ſeray-ie d'accord que ſi pendant noſtre abſence
nous voyons noſtre pays en danger, & que luy puis-
ſions donner ſecours, ce ſeroit le fait d'un homme
trop laſche & indigne de ceſte commune ſociété,
ſ'il preferoit ſa cõmodité particulière à la publique,
& qu'il ne quittaſt tout autre ſciour, pour ſecourir ce-

*Que l'a-
mour de no-
ſtre pays ne
nous retient
point tant
que des ug-
ſtres.*

*Tout le mõ-
de ſert de
pays aux
ſages.*

luy de sa naissance. C'est vn office que nous luy deuons naturellement. Ainsi le feit Camille, ainsi plusieurs autres, encores qu'ils eussent receu de grandes indignitez & ingrattitudes de leurs cōcitoyens. Mais quand il ne seiourne en nous que la vaine opinion du pays, sans qu'autre expresse necessité nous inuite à nostre retour, croyez que cestuy-là est encor d'un cœur plus lasche & fetard, qui se laisse mener à telles sortes imaginations. Quant à ce que m'honorez tant par voz lettres, ie ne le veux ny puis recognoistre. Je n'ay pas si peu vescu avec moy, que ie ne me sente leger de plus de grains que ne dites. Mais c'est l'amitié que me portez qui vous aueugle. Le fruit que ie rapporteray de ces loüanges, est de donner ordre si ie puis, de ne vous faire point menteur. Au regard de mon fils le Lieutenant que mandez n'auoir faict responce à voz lettres, ie croy que vous l'excuserez aisément, quand vous entédrez que c'est vne maladie qui luy tient de pere à fils. Son pere n'en fait pas moins quelquefois. Il amendera sa faute avec vsure s'il m'en croit. A Dieu.

LE





LE DIXIESME LIVRE
DES LETTRES D'ESTIENNE
PASQUIER.

*A Monsieur de Tournebu Conseiller en la cour de Par-
lement de Paris.*

N'ESTIMEZ pas que ie me mo- Lettres en
forme de
Paradoxe
pour les
bestes bru-
tes.
que : Car quant à moy ie suis du
nombre de ceux qui pésent que
nature ait esté trop indulgente
mere enuers les autres animaux,
au regard de nous. Ie vous laisse
à part que sans pleurs & gemis-
sements ils entrent au monde, que la plus grâde par-
tie d'eux, soudain qu'ils sont nez, cognoissent, qui la
mammelle, qui les esles dés leurs meres, sous lesquelles
ils se nourrissent d'eux-mesmes. Qu'ils naissent
chaulsez & vestus, & que se faisants grands ils sçauēt
se maçonner & façonner leurs maisons, qu'estier leur
vie & pasture, sans autre chef d'œuure de leurs ap-
prentissages, que leurs propres instincts. Tout celà,
ce sont les vieilles querelles des anciens, iustes tou-

Dddd

*Discours
sur la Rai-
son dont
l'homme s'a-
uantage sur
les bestes.*

*L'ame de
l'homme est
comme le
mirouer.*

*Les passions
sont du corps
que de l'es-
prit trou-
blent nostre
raison.*

tesfois & tresraisonnables: D'autât que nous n'aque-
rons que par bien longues fatigues, tout ce qui leur
est octroyé en leurs espèces, par vne grande facilité
& debonnaireté de nature. Le plus grand default
qu'on leur baille, est que Dieu les ayans accompa-
gnez de toutes ces commoditez, leur a osté ceste
grande Dame Raison, dont il a pour recompense
voulu bienheurer les hommes. C'est le premier
point de presumption qui nous perdit dès le com-
mencement de ce monde, quand nostre premier pe-
re Adam, non content de demourer dans les bornes
d'Innocence, en laquelle Dieu l'auoit estably, & qui
le rendoit tresheureux, voulut par vn orgueil trop
hardy gouster du fruit de l'arbre de science. Qui fut
cause de la perdition de luy & de toute sa posterité.
S'il vous plaist de me le permettre, ie compareray l'a-
me de l'homme avec le mirouer luisant & poly, pri-
ué de toute autre couleur, fors de sa pureté, splendeur,
& netteté, toutesfois qui semble emprunter diuerses
couleurs selon la varieté des objets que l'on luy pre-
sente. Telles sont nos ames, lesquelles n'estans, autre
chose qu'un feu & lumiere celeste, claires, luisantes,
sans macule & tache, venans s'unir avec nos corps
mornes, sombres & terrestres, commencent lors
d'estre diuersement affectees, selon la diuersité de
nos humeurs. Chose que nous descouurons à l'œil:
Car qui ne voit que l'yuerse & la maladie, passions
de nos corps, n'elgarent en nous nos esprits? Qui ne
voit lors combien nos ames semblent patir. & en-

durcy? Ainsi ne faut-il point douter que la passion brusque ne produise de merueilleux effects en nous, qui troublent les vrayes fonctions de nos ames. C'est pourquoy Platon disoit que leurs operations gisoient en deux choses: En la raisonnable qui herbergeoit au cerueau: & l'irraisonnable au cœur & es parties basses: entendant par celà, les passions. Toutesfois il y a telle correspondance de ces deux en nous, que ie fais grande doute si nous deuons colloquer ceste raison aux parties haultes ou basses. Pour le moins celuy qui souhaitoit que nous eussions vne fenestre au cœur, pour manifester l'interieur de nos pensees, estimoit que là estoit la resseance de nostre esprit: comme aussi les passages de l'escriture qui dient, *In corde cogitationes*, semblent nous enseigner le semblable. Et quand les Latins vsèrent de ce mot *Recordari* qui vient de *Cor*, & nos François dirent, Apprédre les choses par cœur, ils ne furent pas grandement eslongnez de ceste opinion. Car en ce disant, ils sembloient establir le siege de la memoire au cœur. Je ne veux pas bonnement dire qu'il soit ainsi. Bien diray-ie qu'il y a telle fraternité entre le cerueau où repose la raison, & le cœur seiour de la passion, qu'ils ne peuuent presque operer l'un sans l'autre. Ce que nous auons de nostre temps peu recognoistre par des exemples oculaires. Nous auons eu vn Villemanoche en cour sous le grand Roy François, & vn Tulenus puis n'aguères qui ne pechoient en autre sujet del'esprit, sinon quand vous mettiez

*Sçauoir si
l'esprit gist
au cœur ou
au cerueau.*

*Dont vient
ce mot,
Apprendre
les choses
par cœur.*

*La correspon-
dence qu'il
y a de nostre
raison avec-
ques nos
passions.*

celuy-là sur les mariages des Princesses, & cettuy sur l'Euesché de Cambray & amour de la grande Roine de Nauarre. Es autres choses vous trouuiez en l'un & l'autre, discretion, sans vous apperceuoir vn seul brin de l'alteration de leurs cerueaux. Et ce que l'on obserua en ces deux cy, nous le pouuons retrouver és autres plus ou moins, selon le plus ou le moins que les passions les transportent. La composition de nos humeurs produit en nous des passions plus ou moins picquantes, qui corrompent l'habitude de nostre cerueau, que nous appellons la Raison, qui fait qu'elle ne peult estre nette: Car de ces deux, (i'entends la Raison & la Passion) qui font vn pellemelle ensemble, s'engendre vne fille bastarde que nous

*Opinio fille
bastarde de
la raison et
passion*

*Diuers prin
cipes entre
les philoso
phes.*

*La folle rai
son de l'hô
me cause de
tous nos
malheurs.*

*La verité
cachée par
l'ignorance
de nostre
raison*

appelons Opinion, vague, fluctuante, & plaine d'incertitude. De là vint que ceux qui comme plus sages firent planche & voye à nouuelles sectes, se donnerent tous diuers Principes, l'un les Atomes, l'autre les Idees, & l'autre l'Endelechie. Qui a perdu soy & toute sa posterité? qui a introduit l'idolatrie: fait les hommes dieux? colloqué les bestes brutes en ce mesme trône? qui a produit l'heresie? qui est le motif de toutes guerres, diuorces, & dissensions? L'homme, avec sa folle Raison: Celà fut cause que quelques sage-mondains cognoissants, les infirmitez qui naissent, & dans & de nos cerueaux, confesserent franchement qu'ils n'auoient cognoissances d'autre chose, sinon de leur ignorance: Les aucuns, que la verité estoit submergée aux fonds & abismes.

de la terre: Les autres qu'ils cognoissoient mieux ce qui n'estoit point, que ce qui estoit: & les derniers plus hardis, qu'il n'y auoit riens si certain entre nous que l'incertitude. Voire iusques à n'attribuer aucune certaineté à nos propres sens. Je ne veux point vous raconter les mescontentemens que nous apporte ceste Raïson cerebrine. Car ayans la cognoissance du passé par la memoire, du present par nos sens, du furur par l'apprehension & fantasie, il fault par necessité que nous soyons fustigez par trois grands bourreaux, le Desir, la Crainte, & l'Espérance, qui engendrēt en nous la Ioye, Douleur, Amour, Ambirion, Auarice, Ialousie, Vengeance, & autres mille tels estourbillons qui ne laissent nostre ame en repos. Si toutes ces sagefolles apprehensions ne passoient par l'alanbicde nos esprits, nous supporterions aisément le mal present sans esperance du mieux, & crainte du pis, & sans nous soucier que bien apoint du lēdemain. I'adiousteray que plus l'homme est grād d'esprit, & moins il trouue à s'assouuir. Et puis au bout de rour celà direz maintenāt que nous sommes grandemēr aduantagez par dessus tous les autres animaux par ceste grande Raïson qui produit en nous des effectz si miserables? Mais à quel propos dirons nous que les autres animaux en soient delgarnis? He vraiment c'est en quoy ie puis dire q̄ nous sommes tous sans raïson, quand nous disons qu'il n'en ont point. Ils ont esprit pourueu chacun en leur endroit de l'imaginatiue, iudicatiue, & memoire: Ayez fait

*Scavoir si les
autres ani-
maux sont
participārs
de la Raïson*

quelque bon traitement vne & deux fois à vne beste en quelque lieu, ell'en sçaura fort bien tetroouuer le chemin: qu'elle y ait esté battue, autant de fois, elle doutera d'y retourner. Prenez vn foüet auquel soit attachee vne sonnette & qu'un chat ou vn chien approchant du feu, pour corbiner sur vn plat, en ayét esté quelquefois battuz, ne faites doute qu'au premier son de la sonnette sans les toucher ils ne s'enfuyent fort viftement, comme se souuenants pourquoy ils ont esté battuz, & iugeâts que s'ils y retournent, la mesme peine les attend. Mais pourquoy douterons nous de dire qu'ils ayent quelque estincelle de la Raison, si les arbres, & vegetatiues semblent auoit quelque estincelle de sens en ce qui appartient à leur conseruation, pour cognoistre & discerner ce qui leur est bon ou mauuais: voire auoir quelque ressentimēt de volupté, & se reparer sur le printemps de leurs habits neufs, aussi bien que les oiseaux de leurs chants, & en ce mesme temps s'estudiet à leur propagation tout ainsi comme tous les autres animaux? Mais parce que vous pourriez estimer que ie me moque ou que pour exercer mon esprit ie voulusse entrer en vn nouveau Paradoxe, & aussi que cellà n'est de mō sujet, ie vous dy que vous ne pouuez, presque rechercher particularité en nous qui prouienne de la raison, dont vous n'ayez de grandes apparence diuersement és autres animaux. Je ne toucheray point à la Religiō qui est le hault poinct, qui semble auoir esté donnee à l'homme & non aux

*Sçauoir si
les arbres
ont quelque
estincelle de
sens.*

bestes : & neantmoins encores dit on que l'Elefant, ^{Que l'Elefant & le coq semblent auoir quelque instinct de Religion.} comme ayant quelque ressentiment de la grandeur du ciel, adore tous les matins le Soleil. Comme semblablement le Coq qui se leue & couche avec luy & luy fait la foy & homage aux principales heures du iour. Et l'Elefant estant malade se met quelque fois à la renuerse, & iette des herbes au ciel, comme s'il luy vouloit faire offrande des biens de la tetre, pour obtenir guerison. Il me desplaist de m'amuser longuement sur ce subiet: car ie ne m'y puis arrester, que ie ne descouure pat mesme moië la brutalité de quelques anciens qui furent si aueuglez de constituer ^{La bestise de quelques peuples qui mirent des bestes au rang de leurs dieux.} quelques animaux au rāg & nombre de leurs dieux: Comme les Egyptiens, leut Beuf qu'ils appelloient Apis, par le moyen duquel ils se faisoient acroire de presagir les choses qui leurs estoient à venir, selon qu'il prenoit sa pasture ou non, par les mains de ceux qui la luy presentoient. Et dans Rome mesmes, l'un ^{Les augures de Rome.} des principaux articles de leur Religion estoit de ne riens entreprendre sans auoir premierement recours à leurs Augures: qui estoit vn college de leurs Pontifes, qui donnoient aduis du bon ou mauuais succez des affaires de la republique pat certains signes qu'ils tiroient des oiseaux. Il me souuiët auoir leu en quelque passage que l'on tenoit dans Rome la maniere de deuiner par oiseaux pour science trescertaine que l'on auoit dresseë en art & methode. Il n'est pas que ^{Que la charité est entre quelques animaux.} quelques animaux n'exercent vne charité entre eux, tat à l'endroit de leurs malades que des motts: Parce

que ceux qui ont descrit la Republique des Abeilles, nous enseignent que les aucunes estans malades & couchees deuant la porte de leur ruche, sont secourues par leurs compaignes qui leur administrēt le manger. Et si quelques autres sont mortes dedans, on les transporte dehors, & leur fait-on compaignie comme nous aux funerailles de nos voisins, parés & amis. Et particulierement entre toutes les bestes l'on voit la Fourmy enterrer celle qui est morte, comme vn dernier obsequē qu'elle luy doit. Je ne vous parle point icy de la charité que nature nous enseigne de porter à ceux qui sont issus de nous : Celle que ie vous ay figuree est vniuerselle par vn droit commun de bourgeoisie. Car quant à l'autre, le Pellican se fait mourir pour donner guerison à ses petis : les Cicongneaux nourrissent leurs peres & meres assez de vieillesse. Et la Tigresse, que nous mettons entre les animaux les plus dangereux & sauages, fait assez ample demonstratiō de cest amour & charité, quād luy estans ses petis soustraits, elle avec vne vitesse extreme & inimitable poursuiuant le larron à la piste, cettuy-cy n'a autre moyen de sauuer son larcin, & se garentir de la fureur de celle qui est, à tref-iuste occasion vlceree, que luy donner la muse, en luy iettant vn de ses petis en voye, que la pauvre beste recueille songneusement, & reporte en son repaire : puis avec mesme vitesse retournant, on luy en rejette vn autre, qu'elle reprend & rapporte, pendant lequel temps le larron gagnant tousiours le deuant, & la mere

retournant

retournant sur ses brisées, en fin ne peult rataindre ce trompeur qui se fait riche du demourant de sa despouille par la tromperie dont il a escorné ceste pauvre mere : laquelle toute esperdue n'a lors recours qu'aux gemissements & regrets. Repassons toutes les autres vertus : les autres animaux sont-ils sans magnanimité ? ie ne vous allegueray que le Lyon, lequel ores qu'il ronge vne colere perpetuelle dans soy, & que nature l'ait assorty sur tous les autres d'une grád force, toutesfois iamaís il n'offense celuy qui se couche & humilie deuant luy, & bleßera plustost vn homme, qu'une femme, comme subiet flouiet & non digne de sa colere : & si entre plusieurs chasseurs il en remarque quelqu'un qui l'ait blecé, il abandonne librement les autres pour auoir sa revange encontre cettuy-là seulement. Que si l'un d'entr'eux a failly de le blecer, & qu'il tombe sous la mercy de ceste furieuse beste, elle se contente de le bouleverser sans plus. Ne sortons point de nos maisons, quelle plus grande magnanimité voulez-vous que celle d'un chien, lequel quelque rogue & mauuais qu'il soit, ores qu'il grongne, abbaie & morde les estrangers, toutesfois s'humilie & prosterne enuers tous ceux de la maison ? Et à la mienne volonté que de ceste generosité fussent tous nos gensdarmes munis, lesquels tout au contraire ne font la guerre qu'à leurs concitoyens, pendant qu'ils s'arment à petit semblant contre l'estranger, lequel ils ne voyent que le moins qu'ils peu-

Magnanimité de certaines bestes

Eccc

*Les bestes
non ingra-
tes.*

*Discipline
guerriere
entre les
bestes.*

*Police entre
les abeilles
contre les
sacmeantes.*

uent. Au regard de la liberalité, ie ne sçay pas si les bestes l'exercent entr'elles, en ce qui est de leur pecule, si est-ce qu'en ce que le hazard leur a permis de negocier avecq' nous, vray Dieu y ail aucun entre nous qui ne se rende plus ingrat enuers son bienfaicteur qu'ils ne font. Le Lyon, auquel Androcles Esclaue fuitif auoit osté l'espine du pied dans sa grote nous en rend asseuré tesmoignage, quand en recognoissance de ce bienfait, il le nourrit de la venaison qu'il prenoit tant & si longuement qu'il fut en ceste cachette. Et depuis estant repris par son maistre, & exposé en vn theatre public avec d'autres, pour combattre avec des Lyons, entre lesquels par fortune se trouua pareillement cettuy-cy, non seulement il n'offensa ce pauvre esclaue, ains le defendit encontre tout autre, se souuenant du plaisir qu'il auoit receu de luy. Voulez-vous considerer la iustice guerriere entre eux? souuenez-vous de ce que l'on recite des Cicaignes, lesquelles ayans vn signal entr'elles, comme vn mot du guet entre nous, de se trouuer à iour prefix ensemblement, celle qui par sa paresse y arriue la derriere, est exposee à mort par les autres. Le tout en la mesme façon que l'on faisoit anciennement en la Gaule à la publication de leurs Bans & arrierebans. La voulez vous plus ciuile & politique? en la Republique des mouches à miel, chacune estant diuersement ententue à sa besongne, les vnes à se forger vne cellule, les autres à la replastrer, les au-

cunes à seruir de manœuvres, & les autres à quester leurs viâdes: Et sur tout elles punissēt trefrudemēt les paresseuses. Ne s'eslongnans pas en cecy grandemēt de la loy que le Roy Amasis feit en Ægypte, par laquelle il vouloit que chacun rendist raison au magistrat de sa besongne tous les iours. Chastiant tref-
Justice contre les autres animaux.
 estroitement les faitneants. Celà se fait par vne iustice qui naist avecques elles. Car quant à celle que l'on peult apporter aux bestes par artifice, il n'en fault faire de doubte. Qu'ainsi ne soit ayez plusieurs Chiens en vostre maison, les vns grands & forts, les autres petits, si vous voulez, il ne fault faire nulle doubte, que vous ne les accoustumiez de sorte que le plus fort n'ostera point au plus foible ce qui luy aura esté donné. Il n'est pas que la honte & pudeur
Les bestes capables de honte & pudeur.
 ne se loge en l'esprit de quelques animaux és necessitez naturelles: Car l'on tient pour tout assuré qu'entre les Elefans le male ne s'aparie iamais avec la femelle qu'en lieux sombres & hors la veuë des autres. Que sil vous plaist repasser sur la prudence qui est l'une des principales veines de nostre raison, certainement tous les autres animaux en leurs especes ont
Combien les autres animaux abondent en prudence.
 de grands aduantages & prerogatiues sur nous, soit pour trouuer leur pasture, soit pour se preseruer des aguets ausquels il se voyent exposez, tantost par la subtilité des hommes, tantost par les autres animaux qui nourrissent vne raisible antipatie encontre eux: La Fourmy va en queste l'esté & fait sa prouisiō pour son hiuer, pendant lequel l'intemperie du ciel ne luy

permet de sortir de sa formiliere. Et parce qu'elle fait son reservoir dedās terre, elle rognōne le grain qu'elle y veult cacher, afin qu'il ne germe point. L'abeille fait le semblable sur les fleurs dōt elle fait amas en pareil temps comme l'autre. Le cheual d'eau estāt venu paistre en vn blé, s'en retourne à reculōs, craignāt que l'ō ne le suiue à la trace. Le renard pour n'estre recherché & surpris, se dōne biē garde de faire la guerre aux poules de son voisin. Quelle plus belle & sage chasse voulez-vous que celle de l'Araigne, laquelle apres auoir rendu ses rets aux mouches, se fabrique à l'escart vne maisonnette, qui luy est cōme vne eschauguette, dont elle voit toute la proye qui est tombee dans ses filets? Voulez-vous plus grande sagesse que celle du Castor, lequel se voyant pourfuiuy par les veneurs, se coupe de ses propres dents les genitoires, recognoissant par vn taisible instinct de sa nature, que l'on ne luy fait la guerre que pour ces pieces là? Ainsi font les sages financiers qui ont fait quelques superbes bastiments quād ils en font presents aux princes & grāds seigneurs, afin que l'on ne les recherche. Voulez vous autre plus grande sagesse que celle de la Seche, qui iette vne humeur noire de soy, cōme de l'ancre, afin que les pescheurs puissent perdre la cognoissance d'elle? Ou bien que de la Dormilleuse, nommee par les anciens la Torpille, laquelle se trouuant prise par l'ameçon, sans se remuer, vomit vne poison de soy, le long du filet, laquelle à vn instant endort & engourdit de telle façon le bras du pescheur, qu'il est

contraint quitter avecques sa ligne, sa prise? Ou du poisson qu'on nomme l'Amie lequel tenant à l'ameçon, a ceste industrie en soy de rompre le filet de ses dents, & par ce moyen euader? Ou de l'Elephant, lequel estant pris dedans vne trape, tous ses compagnons venants au secours iettent bois, pierres & fucilles, pour en faire vn montioye, par le moyen duquel il puisse gagner le dessus? Je vous laisse les habiletez que le Daulphin apporte contre le Crocodile dont il est ennemy iuré: celles du Rhinocerot encontre l'Elephant, les adresses du Dragon & de l'Elephant pour auoir le dessus l'un de l'autre, celles des oiseaux de proye encontre les autres oiseaux ou poissons, & les subtilitez dont ce petit peuple s'arme pour ne tomber en la mercy de celuy qui n'a pitié de luy, & infinité d'autres choses esquelles le papier me defaudroit plustost que la matiere. Il n'est pas que la Lionnesse mesme pour couvrir son impudicité, n'apporte des ruses aussi promptes, que la femme impudique enuers son mary: Car ayant esté saillie par vn Liepard elle se sçait fort bien baiguer, afin que son masse ne s'en apperçoie. Lequel d'ailleurs s'en apperceuant n'apporte pas moins de cohertion contre sa femelle, que le mary homme de bien, quand il sçait que sa femme a forfait contre son honneur. Mais sur tout l'on ne peult assez admirer la preuoyance des rats & souris, lesquels delaisent & abandonnent à grands colonies vne maison qu'ils sentent estre caduque &

*Subtilité de
la Lionnesse
pour cou-
vrir son
impudicité
enuers le
Lion.*

Lieu d'amitié entre les bestes.

Tous autres animaux naturellement plus continents que l'homme.

preste de tomber. Voire qu'il n'y a point de plus asseuré prognostic de sa ruine, que quand on s'aperçoit d'un bannissement volontaire de ceste vermine. Demandéz vous vn lien d'amitié non pareil entre le masle & la femelle, iettez l'œil sur les Tourtres & Tourtorelles ? L'on dit qu'en vn certain pays des Indes les femmes auoient fait ce vœu solennel, que soudain que leurs maris estoient morts, elles se iettoient toutes viues dans leurs sepulchres où elles terminoient leurs iours. Ceste mesme deuotion se trouue en certains poissons. Quand entre les poissons que l'on appelle Muges, le masle est pris, attachez-le à vne cordelle & le tirez le long de la mer, tout aussi tost toutes les femelles qu'il a frayees voulans mourir avec luy se laissent prendre. Je recognoistray que toutes ces vertus ne sont point généralement esparces entre tous les animaux, ains diuersément distribuées à vns & autres, selon qu'il a pleu à nature les en gratifier. Mais il y a vne vertu generale entr'eux tous, dont ils nous passent & surmontent sans comparaison : Qui est la Continence que l'on doit apporter à la procreation de ses semblables. Dieu veult que nous nous perpetuions en nos especes, & pour nous y allecher a mis vne opiniō violente de plaisir en nous : Laquelle ne se peult estācher en l'homme, non plus qu'en la femme encores qu'elle soit grosse, ie veux dire combien qu'elle ait atteint par sa grosseſſe au point pour lequel ceste cupidité de conionction mutuelle deuoit estre empreinte en

elle. Considerez ie vous prie combien nature a apporté plus d'atrempance à toutes autres especes d'animaux, desquels soudain que la femelle est pleine, elle ne souhaite ny le masle, ny n'est souhaitée par luy. Certainement quand ils n'auroient que cest advantage sur nous, il est d'assez grand efficace, pour monstrier que nous n'auons nulle occasion de nous enorgueillir dessus eux. Au milieu de toutes les particularitez que ie vous ay discourties, par lesquelles vous cognoissez combien nature a rendu les autres animaux bien avertis en ce qui despendoit de leur conservation lors qu'ils sont en plaine santé: encores ne les a elle destituez de medecines quand ils sont malades. Le Cerf nauré d'une fleche n'a-il son Dictam, & offensé par vne beste venimeuse ne sçait-il pas trouuer des Cancre de riuieres, remede formel pour ce mal? La Tortue ferüe du serpent mange de la farriette. La Bellete voulant guerroyer les Rats se munir auparauant par forme de preseruatif, de la Rue. La Cicongne a Lorigan, le Sanglier le lierre, le Chié, le lechemét de sa langue pour les playes, & le vomissement pour les maladies intericures, le Lyon, la diette, ou bien il deuore vn Cinge pour s'exciter au mesme vomissement. Et pour tout cecy il ne leur faut point escolles de medecines: Ils sont passez maistres & docteurs en cest art du iour de leurs naissances. Leur medecine s'exerce aux seuls despens de la nature, à laquelle ils portēt toute obeissance. Ils ne veulent point estre plus sages qu'elle, cōme nous, qui estimans que

Les medecines que nature a diuersement apprises aux autres animaux.

L'homme se sçait plus sage que la nature, en la medecine

*L'homme a
emprunté
des autres
animaux
plusieurs
poincts de
la medecine.*

ceste mere cōmune nous ait māké en cest endroit, ne nous contentons des simples qui naissent dās son sein, ains faisons ie ne sçay quelles compositions: Par le moyē desquelles apres auoir longuemēt raisonné sur la medecine, nous sommes cōtraints de confesser que c'est vne tresbonne & salutaire medecine de n'y fer point de medecines. Quoy? si nous mesmes auōs emprunté des autres animaux les poincts ordinaires de nostre medecine? Car nous deuons les clysteres à certains oiseaux d'Ægypte, nōmez Ibis, le vomissement aux chiēs en cas de trop grāde repletiō, pour leq̃l les Paracelsites ont de nouueau ramené en vsage l'antimoine, au cheual d'eau la saignée, à l'arōdelle l'esclere, pour le mal des yeux. Mais pourquoy douterōs nous de recognoistre d'eux ces traits de la medecine, si les anciens Ethniques leur deurent les premiers & principaux fondemēts de leur Religiō? D'autant que voyās que l'Elefant & le Coq adoroient naturellemēt le Soleil, duquel ils aperceuoient d'ailleurs les effects admirables tāt sur les corps que les esprits, ils se mirēt soudain en teste qu'il n'y auoit autre Dieu au ciel, q̃ ce luisant astre, par lequel estoit eschaufé & illuminé ce grād vniuers. Car il est certain, cōme nous apprenōs de Macrobe, qu'en leur Theologie anciēne sous les noms de Iupiter, Phœbus, Mars, Bacchus, Venus & autres de telle farine, ils n'adoroient q̃ le Soleil: Pour l'image duquel mesmemēt les Chaldees introduirēt le feu en leurs temples, cōme ne le pouuans plus propremēt représenter q̃ par cest elemēt chaud & clair.

Vous

*Qu'il sem-
ble que les
Ethniques
eussent appris
des bestes les
premiers ru-
diments de la
Religion.*

Vous me pourrez peut estre dire que pour le moins les passions nous, de tant que l'Homme est vn animal sociable; les bestes, non. Iamais ie ne vous passe-
 ray condemnation de cest article. Tout ainsi com-
 me tous les animaux sont instruits & informez na-
 turellemēt de leurs portées, & qu'ils recognoissent en
 quoy gist leur force, l'un aux cornes, l'autre à la dent,
 l'autre aux griffes, l'autre aux pieds, & qu'ils sçauēt cō-
 ment ils se doiuent defendre, & par où assaillir leurs
 ennemis, que le Rhinocetots voulant cōbatre l'Ele-
 fant aiguise sa corne à vn roch, le D'auphin se sçait
 mettre souz le Crocodile plus grand & plus fort que
 luy, pour luy fendre par son harest la plus tēdre par-
 tie de luy, qui est le ventre: que le Loup pour se gar-
 der des cornes du Taureau ne l'assaut que par le train
 de derriere, & vers les parties plus sensibles, qui sont
 les genitoires. Aussi sont ils tous sociables en leurs es-
 peces, & sçauent les moiens par lesquels ils peuuent
 maintenir en leur commune societé. Or qu'ils
 soient tels que ie vous pleuiz, ie le vous represente-
 ray au doigt & à l'œil. Mettez quantité de toutes for-
 tes d'animaux en vn parc, n'ayez peur qu'ils deme-
 rent pesse-messe ensemble: Icy vous verrez les oüail-
 les prendre leur quanton à part, là vn esquadron de
 bestes cheualines; en vn autre endroit les bouines, les
 Oyes d'un autre costé s'assortir avecques les Oyes, les
 Poules avecques les Poules, il n'est pas que les Poules
 d'Indes ne se separent d'elles pour faire leur troupeau
 ensemble. Ne sont ce pas toutes remarques tref- cer-

Ffff

taines de leur societé? Mais ils n'ont point de loix, cōme nous. Vrayement c'est là où ie vous attendois. Il n'y a riens que nous estimions tant que la loy commune, comme estant espuisée de la moielle de la raison generale d'un pays: ne qui tant descouure nostre infirmité. Dites moy ie vous supplie, y a-il chose tant bigarrée entre les hommes que la loy? Icy vous verrez le larcin auoir esté defendu sur peine de la hard: en vn autre lieu estre permis, & loüé, comme habilité d'esprit. Icy l'adultere rigoureusement chastié: ailleurs (comme aux Massageres) permis. En certains lieux les diuorces tres-estroitement prohibez: és autres mis à l'abandon comme vne chose indifferente. A la suite de cecy les aucuns permettre de se marier apres le diuorce: les autres, le defendre. Les vns fauoriser sur toutes choses les mariages: les autres la vie celibé. Quelques legistateurs auoir approuué la communauté des biens au preiudice de ces mots, Mien & Tien, desquels depend le trouble & le repos presque de toutes nations: Et encores en ce Mien & Tié, quelques-vns auoir voulu que les biens fussent esgalement partiz & distribuez entre leurs citoyens, par vne proportion Arithmetique, sans acceptiō de personnes, ny de leurs qualitez. Il n'est pas qu'en chaque pays, les loix ne se diuersifient selon la diuersité des saisons: se trouuant en vn temps vne loy bonne, laquelle puis apres est auichilée. Tant est l'esprit de l'Homme composé de diuerses pieces, qu'il est malaisé de dire si noz loix prennent leur fonds de ce que

Les loix descouurent l'infirmité de nostre raison.

Diuersité de loix entre les hommes.

Que les loix mesmes se changent en vn mesme pays.

nous appellōs Raison, ou d'une vague & fluctuante opinion. Non toutesfois que ie trouue mauuais ces changements, selon que la necessité nous y semond: Mais par là vous voyez combien l'Homme est fort en bride; veu que selon l'instabilité de ses mœurs, il faut que le Magistrat change ses loix; qui deussent estre, vnes, stables & perpetuelles à iamais. Mais laissons toutes ces cōsiderations apart. Les bestes n'ont point de loix, dites vous. Aussi n'en ont elles que faire, non plus qu'aux Republiques bien morigenées. Grande chose, qu'en tous les œuures d'Homere il ne se trouue point qu'il ait fait mētion de la Loy, ny que ce mot luy soit tombé de la plume, comme pensant représenter peut estre vn temps auquel il estimoit l'innocēce auoir esté plus en regne. La multitude des loix en toute Republique est vne demonstration tref-certaine de la corruption, ou du peuple, ou du Magistrat souuerain. Et toutes-fois vous ne pouuez dire que plusieurs autres animaux n'ayēt, & leurs Republiques, & leurs loix, dont les vnes se manifestent dauātage à nos yeux, les autres, moins. Si nous croiōs aux anciens, les Elefans marchent tousiours en troupe, & font passer pour premier le plus vieux d'entre eux comme leur chef & conducteur, & celuy qui le suit d'aage, est à la queue. Ditez vous que les Elefans n'ont point de loy? Je le nie. Veue que l'auant-garde & arriere-garde de leurs troupes est cōmise à ceux qui par la prerogatiue & ancienneté de leurs aages doiuent estre estimez les plus sages. Nous aprenants en-

*La multitude
de des loix
signifie la
corruption
d'une Repu-
blique.*

*Plusieurs
bestes ont
leurs Repub.*

*Republ. des
Elefans.*

cores par celà non seulement qu'ils ont vne forme de chose publique, mais qui plus est que nous à leur imitation ne deussions point appeller aux grands & premiers Magistrats que ceux auxquels l'ancienneté de l'aage a peu apporter quelque maturité & sagesse.

*s'il y a de
l'ambition
aux bestes.*

Or qu'il y ait de l'ambition en eux, le seul exemple que l'on recite du Roy Antiochus y est admirable.

Car ayant vne grâde troupe d'Elefans en son camp, qui tous auoient leur nom (comme nous donnons à à noz chiens) & voulant passer son armée par vne riuere, il commanda au capitaine de tous les autres Elefans nommé Ajax, de sonder le gué: A quoy se monstrant retif, le Roy promet la capitainerie à celuy qui l'entreprendroit. Au moien dequoy l'un d'entr'eux nommé Patroclus sous ceste promesse se meit à trauerfer la riuere. Et de retour ayant esté honoré & caparassonné de haut appareil; comme capitaine

*Republ. des
Grues.*

de la troupe, l'autre en mourut de desplaisir. Au regard des Grues tous ceux qui en escriuent demeurēt d'accord, qu'elles se choisissent vn Roy pour les conduire & passēt d'un pays à autre. Et à chaque troupe son capitaine, au cry duquel toutes les autres obeissent pour se mettre en rang. Au demeurāt quand elles font alre de nuit. Elles font la sentinelle par tour, ayans vn pied sur terre ferme, & dans la serre de l'autre qui est en l'air, elles tiennent vne pierre à fin de s'empescher de dormir, & quelà où ils se trouueroiēt surpris du sommeil, la pierre leur eschapāt, les resueillaist. L'on dit qu'Aristote ce grād Philosophe fai-

soit presque le semblable quand il tenoit vne plote d'Airin sur vn bassin en l'vne de ses mains, à fin q̄ s'il lui aduenoit de dormir, la plote tōbant le fait reuillier. Qui ne recognoist encores aux Oyes sauua-^{Republ. des} ges le semblable qu'aux Grues, lesquelles nous voyons ar-^{Oyes que} rriuer en troupe, dresser leurs bataillons en pointe, cō-^{nous appel-} me l'esperō d'vn nauire, & les dernieres reposer leurs^{lons sauua-} ges. testtes sur les premieres, & quand la guide se lasse elle laisse sa place à celle qui la suit, & se met la dernière, à fin que chacune par vne entresuite exerce la mesme charge. Voulez-vous plus belle monarchie que celle^{Monarchie} que nous voyons iournallemēt en noz mailons sans^{du Coq.} nous en apercevoir, en noz Coqs & Poules? Là nous voyons monsieur le Coq portāt la crestē sur sa teste en forme de courōne, marchand & piafant à grands pas au milieu de ses Poules qui luy seruēt de femmes & sujets tout ensemble. Iettez quelque grain deuant ceste troupe, tāt s'en faut que comme leur chef il en prenne les premieres bequēes, qu'au contraire vous le verrez faire vn ou deux tours entr'elles, cōme pour les vouloir mettre en ordre & apporter quelque police, puis prendre sa part quand il les voit en bōne ordonnance. Mettez vn autre Coq avec luy, vous cognoistrez fort aisēment combien toute Royauté est impatiēte de compaignon. Et qui est vne chose fort remarquable, s'il y a quelques paqures chapons qui soient de la troupe, ils ne s'osent qu'avec toute crainte approcher des Poules; le Coq non seulement les guerroye, ains les Poules mesmes, cōme vn rebut de

leur Repub. & membres inutiles, qui ne peuuēt profiter à la propagation de leurs semblables, pour leur en auoir esté ostez les outils. Mais pourquoy douterons nous de recognoistre des Republ. entre les bestes, si c'est en quoy les insectes se rendent vn miracle de nature entre nous? Quand ie voy dans vn bois vn mont-ioye de fourmis de la hauteur d'vn homme & plus, & les chemins tous semez de ces petites bestioles, les vnes aller en queste à vuide, les autres chargées de leurs prouisions retourner, puis toutes se rendre en leur generale retraite, où il y a vne infinité de formis, ne serois-ie despourueu de tout sens commun, si ie ne croyois qu'il y a quelque police entr'elles, par laquelle chacune d'elles recognoist ce qui est sien, & qu'il faut qu'il y ait quelques superieurs qui commandent aux autres, ou bien vne iustice naturelle empreinte en elles, qui les fait mutuellement contenir en leurs deuoirs les vnes à l'endroit des autres? Car quant au Royaume des mouches à miel il n'y en a point de tel ne si stable entre les hommes que cestuy-là. Et c'est en quoy nature semble auoir voulu dresser vn chef d'œuvre ou pour mieux dire, vn trophée pour nous rabaisser nostre orgueil, leur ayant donné tant d'aduis, tant de conduite & prudence à leur manutention, & neantmoins qu'il ne peut tomber en l'imagination de nous tous, quelle part peuuent resider tous leurs sens. Noz Medecins sont bien empeschez de sçauoir où resident les parties imaginatiue, iudiciaire, & memoriale; & si elles

*Republ. des
Fourmis.*

*Royaume
des Abeil-
les.*

ont leurs sieges separez ou cōfuz en nostre cerueau. Ces petites bestes ont tout celà brauemēt, & toutes-fois vous ne sçauriez discourir en quoi. Premieremēt il n'y a ietton d'Abeilles qui n'ait son Roy : Elles viuent dedans vne Ruche bien cloſe comme nous dedans noz villes, chaque mouche a sa cellule où elle heberge, cōme nous auons noz maisons. Aleur Roy, elles en edifient vne plus haute exhaulsée que les autres en forme de Palais. Chacune s'employe diuerſement à la besongne, l'une à bastir, ou replastrer sa cellule, comme i'ay dit cy dessus; l'autre à former sa cire ou ſon miel; l'autre à se mettre en queſte pour le pourchas de ses prouiſions. Ce pendant le Roy fait sa reueüe parmy sa ville, pour recognoiſtre ceux qui demeurent en leur deuoir. S'il y en trouue d'aneanties, il en fait vne punition exemplaire iusques à les exposer quelque-fois à mort. Elles viuent & mangent en commun, à fin qu'apres leur repas pris, elles retournent enſemblement à leur besongne. Quand la nuit s'aproche, vous les orrez marmonner vn petit bruit, comme si auant que de reposer elles vouloient rendre en leur lāgage bourdonnesque quelque actiō de graces au ciel, iusques à ce que leur trompette sonne la retraite, leur donnant ſigne de repos. Il n'est pas qu'ils n'ayent ſoing de leurs malades, & de ietter les corps morts hors de leur ſeiour & en outre leurs excremēt, pour euitier à corruption. Quant à leur Roy

*Le Roy des
Abeilles
n'a point
d'aiguillon.*

par celà que tout Roy se maintient plus par sa majesté, que par ses forces. Il a neantmoins autour de luy des autres mouches plus anciennes qui luy assistent, comme pour son conseil, & ne le desemparent que bien peu. S'il sort, soudain tout le ietton se met à sa suite, & comme s'il fust lors question d'une entreprise, il donne assez à cognoître quelques iours auparavant par son bruit & bourdonnement que l'on dresse quelque expédition pour faire vne faillie. Estât en campagne, toutes lui font la Cour pour captiuer sa bonne grace, & s'il se trouue recueu, il y en a les aucunes qui le portent. Où le Roy se pose, tout le camp fait le semblable. Et qui est vne deuotion admirable qu'elles ont enuers leur Prince, tout aussi tost qu'il est pris, vous estes assuré d'auoir tout l'essein; ou s'il se trouue perdu, le camp se rompt, & cherche chacun sa fortune (comme enfans perdus & aduenturiers) és autres iettons. Et quand il meurt de maladie, tout le ietton porte le dueil, que l'on descouure par son silence, commençant d'auoir leur vie en horreur. Et qui ne les feroit sortir de la Ruche pour les prier de la presence de leur Roy mort, elles mourroient toutes avec luy. Vne chose me semble tresdigne d'estre considerée en elles. Par ce que nous voyons bien les autres animaux par vne certaine antipatie se guerroyer quelquefois, voire en troupe, mais c'est entre bestes de diuerses especes: Cestes cy par vne ambition particuliere se font quelquefois la guerre de ietton à ietton, de ruche à ruche selon que leurs nece-

sitez

sitez les pressent. Car quand leurs munitions sont faillies, elles escarmouchent leurs voisins, en deliberation de leur rauir leurs prouisions, & les autres se sçauēt fort bien arranger en bataille & tenir sur leurs gardes. Et puis soustenez maintenant qu'elles soient destituées d'entendements, en ceste generale police qui a esté obseruée en elles depuis tāt de milliers d'années? l'auois oublié vn point qui me sēble ne deuoir estre escoulé souz silence, que tout ainsi que nature a baillé à toutes les bestes de l'esprit à suffisance, pour leur manutention, comme à nous, aussi les a elle vouluz rēdre dociles & susceptibles de plusieurs choses que nous estimons estre propres seulement à l'homme. Nous auons veu vn certain boufon nommé Constantin, qui contrefaisoit tantost le chant du Rosignol, tātost la voix d'un Asne, puis du Chien & de quelques autres. Chose que nous tenōs pour tres-emerueillable, & nous ne tournerons en admiration de voir vn Perroquet ou vne Pie représenter la parole de l'homme, contrefaire le chien chassant, & le Veneur mesme? Ny l'Elefant qui anciennement auoit appris d'escrire en Grec? Et par ce que l'on se fait accroire qu'ils n'entendent pas ce qu'ils dient, l'histoire est trop commune & rechantée du temps de l'Empereur Tibere, d'un Corbeau lequel nourry priuement en la boutique d'un Cordonier de Rome aprit si bien à parler, que non seulement il sçauoit les noms des grands Princes & seigneurs de Rome, mais qui plus est, alloit tous les matins au Palais, où il saluoit

*Admirable histoire
d'un Corbeau.*

l'Empereur Tibere & tous les autres par leurs nōms & surnoms à mesure qu'ils passoient, & apres ces bōs iours ainsi par luy donnez s'en retournoit en la maison de sō maistre. Pline recite en cas semblable auoir veu vne Corneille, qui disoit des propos entiers, apprenant rous les iours quelque chose de nouveau: Je vous laisse que ce fut vne chose fort familiere & cōmune aux anciēs de faire dancier des Elefants sur des cordes, les faire escrimer aux theatres publics, & que la mesme beste a le bruit de recorder sa leçon de nuit de ce qu'on luy aprend le iour à fin de n'estre battuē par sō maistre. Je vous laisse encores que nous voyōs noz bastleurs faire danfer les chiens au son de leur trompe, & qu'en ma ieunesse i'en ay veu vn auoir autant apris à vn cheual. Mais laissans ces bastelleries à part, ceste prompte docilité qui se trouue en ces animaux a quelques-fois surpris la simplicité de plusieurs peuples. Cōme quand Sertorius pour se maintenir en sa grandeur faisoit accroire qu'il parloit aux Dieux souz la figure d'une Biche qu'il auoit apriuoisée: Et Mahomet en cas semblable quand il faisoit que son pigeon venoit becqueter dans sa bouche, disant que c'estoit l'esprit de Dieu qui souz la forme de cest oiseau luy communiquoit les secrets. Qui monstre que leurs esprits sont capables de docilité, sinon tant comme les nostres, aussi ont ils d'autres particularitez, dont nature les recompense par dessus nous. Reste vn point que l'on peur desirer en eux: qui est la parole que nature nous a baillée particulièrement.

*Les bestes de
font la pa-
role, qui est
cause de leur
neux maux.*

Chose que ie prendrois à tresgrande prerogatiue & priuilege, si ie ne voyois la parole nous apporter autant de dommage que de bien. Car dont viennent tant de meurdres, sinon pour nous vanger des paroles mal digerées que l'on nous a dites, ou proferées en noz absences encōtre nous? Qui entretient les heresies, qui nourrit les procez, qui rend vn homme adultere de la femme de son voisin, sinon la mesme parole? Ce fut la cause pour laquelle Esope semonds de faire vn souper de la meilleure viāde qu'il pensoit estre en nature, presenta pour tous mets des langues; & requis d'en faire le lendemain vn autre de la pire viāde qui se pouuoit trouuer, presenta derechef d'autres langues. Nous voulants par là enseigner que la langue nous produit d'vne mesme balance autant de maux, que de fruit. Nature n'a donné aux autres animaux la parole, mais elle leur a baillé assez de quoy se faire entendre entre eux. Pensez vous que les Poules *Les bestes s'entendent assez entre elles par leurs voix.* coquetants, ou si voulez qu'ainsi ie le die, cacquetāts ensemble, les Loups avec leurs hurlemēts, les Lyons en leurs rugissemens, les Bœufs avec leurs buglemens, les Brebis par leurs beilemens, les Chiens par leurs jappemens & abois, les Chats par leurs miaulemens, les Abeilles par leurs bourdonnemens, ne donnent assez à entendre leurs conceptions les vns aux autres, entant que leur besoin & necessité le requiert? Et vrayement il est bien à croire que nature eut voulu produire en eux ces voix oiseuses & inutilles? Il n'est pas que sans la parole ils n'aient assez de si-

gnes pour se faire entendre, non des autres de leur espèce, ains de nous mesmes, quand ils en ont affaire. Telsmoin le Lyon, d'ot i'ay cy dessus parlé, à l'endroit d'Androcles, & vn autre au pays de Surie tout semblable enuers vn nommé Mentor, quand par doux accueils & semblants ils solicerent l'vn & l'autre de leur oster l'espine qu'ils auoiēt aux pieds. Iettōs l'œil sur la beste qui familiarise le plus avec nous, qui est le Chien, ne recognoissez vous en luy soit par ses signes ou par la diuersité de son aboi tout ce qu'il veut & desire? l'ay vn petit Chien qui me donne mille passe-temps. Mais ie vous puis dire que ie sçay toutes les passios qui l'affligent, soit de ioye, dueil & courroux: & s'il me veut demander quelque chose, ie sçay son formulaire de requeste. Il me parle quelque-fois de l'œil, aussi bien que l'amoureux fait à sa maistresse. Brief ie ne l'entēds pas moins qu'un muet. Vray qu'il a cest aduantage sur luy, que le muet ne me pourroit entendre que par signes, & mon petit Chien m'entend au simple son de ma voix, selon que ie la diuersifie. Mais voyez encores en cecy cōbien nature s'est voulu mocquer de nous en vn point. Car combien qu'elle leur ait denié la parole, toutesfois encores y a il vne sorte d'animaux qu'on appelle Hyenes qui sçauent contre-faire le langage des Pastres, & qu'ayans appris le nom de l'vn d'eux, ils l'appellent pour le faire sortir de son toir, & puis en faire vne gorge chaude: Voilà d'esmerueillables & paradoxes particularitez, lesquelles ie vous ay voulu reciter tout au long, non

*Le Chien se
rend aisé-
ment intel-
ligible entre
nous.*

*Admira-
ble nature
des Hyenes.*

pour fornier vn atheisme entre nous, comme quelques esprits visqueux & mal nez se persuaderoient aisement, ains pour bannir de nous ceste outreccuidance & orgueil, par lequel nous donnans tous autres animaux en proye, cōme si nous fussions leurs Rois, nous sommes si miserables que pensons commāder aux choses celestes, voulans à l'instant mesme escheller le ciel, & luy faire la guerre, non materielle, comme les Geants, ains avec des propositions extrauagantes, & qui couurent des bestialitez, plus estrāges, que celle des bestes les plus farouches. Mais pourquoy des bestes farouches? Car quelle beste pouuez vous appeller plus farouche que l'hōme resolu à mal faire, dont il n'y a Roy ny Prince qui se peult bonnement garētir, quelques gardes qu'il ait autour de soi? Ainsi que de fraische memoire le defunct Prince d'Aurange a esprouuē par deux fois. Dont à la premiere il faillit d'estre mis à mort, & à la seconde fut tuē, par vn homme qui depuis en mourant supportā la mort avec vne patiēce plus forte, que les Stoiques n'imaginerent iamais en leurs disputes au milieu de leurs escoles. Voulez vous doncques que ie vous die à cœur ouuert, qui ie pense estre le plus grand non seulemēt par dessus les bestes, ains par dessus tous les hommes? Celuy qui estant doüē de plusieurs grādes parties d'esprit, de corps, & de biens, s'estime toutesfois le plus petit, qui n'imagineriens contre les loix communes de son pays, qui sans extrauaguer en discours particuliers porte obeissance à ses superieus,

*Orgueil &
presomptiō
de l'Hōme.*

veit selon la loy ancienne de son pays, sans remuer chose aucune contre la discipline que d'une longue-main l'on y a plantée, qui loue Dieu en toutes ses creatures; brief qui estime que combien que Dieu ait voulu gratifier l'Homme de plusieurs grandes benedictios par dessus les autres animaux, toutes-fois pour luy raualler son orgueil, a aduantage les bestes de plusieurs grands aduantages que nous tous deuons tirer à nostre edification: J'attends de vous vne belle & docte responce, soit pour ou contre, comme sujet sur lequel il y a assez à discourir. A Dieu.

A Monsieur Morin.


*Il recoman-
de Monsieur
Tournebu le
ieune allant
à Rome, à
Monsieur
Morin.*

*Qu'il faut
sobremens
voir l'Italie*

LE present porteur allant à Rome ie ne l'ay voulu laisser partir les mains vuides. Il est mien cousin, & le dernier des enfans de ce grand & docte personnage, feu Monsieur Tournebu, les pas & traces duquel il suit à bonnes enseignes. Car ie le vous pleuiz pour vn tres-sçauant ieune homme, tant en Grec, que Latin; & qui passe d'un point son pere, pour faire vn vers François aussi gentil & bien façonné qu'il est possible. Comme il a l'esprit beau, aussi luy est il tombé en teste, ce qui tombe ordinairement aux ames les plus genereuses, de vouloir voyager pour se faire sage, aux despens des nations estrangeres. Je l'ay asseuré de l'amitié que me portez, & que en ma faueur il trouueroit toute courtoisie en vous. S'il m'en croit, il se contentera de voir l'Italie en pas-

fant. Car ce que Pyrrhus Neoptolemus disoit de la Philosophie, qu'il faillloit philosopher, mais sobremment, ie le dy du voyage d'Italie, à tous noz ieunes François qui s'y acheminent par vne conuoitise de voir. Je sçay bien qu'y auez estably vostre demeure il y a vingt ans passez, & qu'il vous en est bien succédé: mais on en trouue bien peu qui ayent sceu si à propos mesnager les mœurs de l'Italien comme vous: & l'exemple d'un seul ne me permet iamais de tirer les choses en consequence. Ce pendant ie le vous recommande. C'est vne chaine d'obligations que ie contracte auecques vous, enchainât ceste-cy soudain apres le partemēt de mon fils: duquel ie vous diray en passant que ie l'ay enuoyé à Calais, pour y apprendre par quelques mois les rudiments de la discipline militaire. N'ayant nulle enuie de le rendre casanier ou train'espée de Paris. Quel qu'il puisse estre, si iamais le pere & le fils ont moien de vous faire paroïr combiē ils sont vostres, ils n'y oublieront vn seul point de leur deuoir. Je louē infiniment l'honneste liberalité qu'exercez par deçà enuers voz nepueuz pour les entretenir aux estudes; Dieu benira vos actions de bien en mieux. Je souhaiterois que l'aîné fust prez de vous, vostre seule presence luy seruiroit de double precepteur, tant pour l'instruction des bonnes lettres, que des mœurs. A Dieu.

*A Mōseigneur de Gourdan Cheualier des deux ordres du
Roy, Gouverneur de Calais & pays circonuoisins.*

 OMBIEN que pour n'auoir cognoissance de moy ie ne vous deusse importuner par lettres, toutes-fois puis que Monseigneur d'Esparnon m'a fait cest honneur de vous recommander mon fils, que ie vous dedie, i'eusse pensé faire tort à mon deuoir, si ie ne l'eusse accompagné de la presente, pour en le vous presentant, faire aussi present du pere. Ie l'ay destiné aux armes, il a demeuré dans Rome l'espace de quatre ans ou enuiron à la suite de feu Monseigneur de Foix: pendât ce tēps il s'est adonné à quelques nobles exercices bien seants à sa profession. A son retour i'ay pensé, s'il reçoit cest honneur d'estre biē venu de vous, qu'il se facilitera pour l'aduenir vne voye, que tout homme de bien & valeur se doit proposer: & par ce que ie sçay qu'estes l'exemple de vertu, non seulement au sujet des armes, ains en tout autre, ie vous prie le fauoriser, comme le fils d'un pere qui desire demeurer au rang de voz humbles & affectionnéz seruiteurs. A Dieu.

A Monsieur le Baron de Ramefort.

*il se moque
de l'hypocrisie que les
gentilshommes apportent au iour
d'huy pour
se sauuer
d'un desmentir.*



E pensez pas qu'ils combatēt, quelque beau semblant qu'ils facent d'aiguiler leurs cousteaux. Ceux qui ont enuie de cōbatre y vōt à plus basse noise. Ils se tirēt par la cape seul à seul, sans en aduer-

en aduertir leurs compaignons, & s'ils ont quelques cirons qui leurs demangent dans la ceruelle, se les ostent avec la pointe de leurs espées. Voz querelles de Cour sont ainsi comme les mines, lesquelles estâts esuentées ne produisent aucun effect. Je louhaiterois que la noblesse de France ne trompetast point tant le point d'honneur sur lequel elle fonde toutes ses actions, ou qu'elle y apportast moins d'hypocrisie à le soustenir. Il n'y a pas tant de chiquaneries aux Cohues, comme on en trouue entre les courtisans pour destourner vn desmêtir. Si vous auez dit celà, ie vous en feray mentir (dira quelque esprit hagar :) l'autre plus froid & retenu respondra, ne l'auoir dit. Les gentils-hommes arbitres de ceste querelle respondront que puis qu'il ne l'a point dit, il n'y a point de demêtir. Par ce que le desmentir estoit donné souz vne cōdition seulement. Vn autre plus hardy, & à qui les mains fertillent dauâtage, dira pour n'entrer en ceste distinction: Puis que vous l'auiez dit, vous auez menty. Encores ay-ie veu resoudre celà en vne conditiō, au conseil des Mareschaux de France, en vne querelle qui n'estoit point entre des petits seigneurs. Vous penserez que ce n'est à moy d'en parler. Que mon chaperon & mon bourlet me le defendent, & qu'il est bien seant à chacun de discourir de ce qui touche son estat: si m'en dispenseray-ie pour ce coup, à la charge, non que les plus braues, ains les plus couiards diront que i'en parle comme vn clerc d'armes. Si le point d'honneur est de telle recommandation entre

*Le point
d'honneur
dans la no-
blesse Fran-
çoise fait
estat.*

H h h h

ceux qui manient les armes, comme ils en font contenance, soudain que le desmētir est baillé, soit avecques condition ou non, on n'y peut plus apporter de fueille. La seule opinion que l'on a eu que l'homme de bien ait peu contre sa conscience dire vn mensonge, merite de venir aux mains sans exception ny réserve. Je faiz bon marché du sang, mais aussi ay-je, en ce faisant, l'honneur plus chair, qu'un tas de piafeurs de Cour, qui le publient sur toutes choses, en leurs communs deuiz à la table des Princes & grands seigneurs, & neantmoins ne craignent riens tant que de faire pavois de leurs vies pour le défendre. Et qui me semble encores plus ridicule & indigne d'un brave guerrier, c'est qu'en la plus part des querelles, il faut que nous ayons un second, pour nous affranchir du Loupgarou. Ceux qui ont peur des esprits, en vident en ceste façon; ils ne couchent iamais seuls en une maison. S'ils ont un homme qui leur face compagnie, les voilà adonc asseurez. Il n'y a point signe plus grand de couïardie que de demander viradioint pour demeurer une querelle à laquelle il n'a nulle part: ny plus grand argument de folie, que de voir un homme s'exposer à la mort de sens froid, contre celui avec lequel il n'exerçoit nulle inimitié precedente. Nos peres en usoient d'une autre façon, & croy que la posterité, ou du tout ne le croira, ou estimera cest aage infiniment fol & corrompu. A Dieu.

*La folie du
temps qui
court & pré-
dre un amy
qui nous se-
conde en nos
combats.*

*A Monsieur de la Bite Iuge general
de Mayenne.*

NAMAS ie ne ry de meilleur courage, ^{ils'excuse}
 que quand i'ay veu que par la vostre me ^{d'auoir esté}
 priez, que pōur ne me distraire de mes ^{pareilleux}
 meilleures occupations ie disse de bou- ^{d'escrire à}
 che à Monsieur Seneschal ce que souhaitiez appren- ^{Mōsieur de}
 dre par mes lettres. A ce que ie voy les mocqueurs ^{la Bite.}
 sont aussi bien aux petites villes comme aux grâdes.
 On n'accusa iamais plus à propos vn paresseux tel
 que moi, en l'excusant. Le setay à ce coup plus franc à
 la plume, pour vous dire que ie n'ay empeschement
 au monde que ie ne laisse tres-volontiers pour vous,
 quand aurez affaire de moy. Il y a trop long temps
 que nous nous cognoissons & aimons pour en vser
 autrement. Croiez que les amitez qui prennent leurs
 racines de la ieunesse, ont de grands aduantages sur
 les autres, que nous contractons quand nous com-
 mençons d'estre entachez du venin d'ambition &
 d'auarice. Le louë Dieu que soiez maintenant garen-
 ty de ceste facheuse fiebure quarte, qui s'eltoit logée
 dans vous l'espce de deux ans. Le ne l'appelle pas sans ^{dont vient}
 cause, facheuse, mesmement entre nous autres Fran- ^{qu'entre les}
 çois. Car quand nous voulons mal à vn hōme, le plus ^{François on}
 beau de noz souhaits, est de luy desirer ses fiebures ^{souhaite la}
 quattaines. Ce qui n'a pas esté mis en vsage sans rai- ^{fiébure}
 son par noz anciens. Car si l'esprit du François, est ^{quatre pour}
^{qu'à de maub}
^{diffin.}

Hhhh ij

Toutes longues maladies sont de dangereux effets aux vieilles gens.

prompt, chaut, bouillâr, & qui vueille, ou tost mourir, ou tost guerir, ce lui est vne dure prisõ, de demeurer si long temps malade. Je ne dy pas ceci pour vous. Par ce que ie sçay qu'estât né d'un esprit calme, la patience vous fait perpetuelle compaignie. Mais celà mesme estoit cause de la longueur. D'autant que ce calme, & ceste patience, sont ordinairement leur sejour aux esprits melancoliques, qui sont les vrays sujets de telles fiebures. Je craignoïs ceste maladie davantage en vous non seulement pour ce qu'elle vous estoit aduenue en temps d'Automne, mais qui plus est sur vostre automne, i'entends estant desia chargé d'ans; & vous sçavez que c'est vn ancien Aphorisme d'Hypocrat, que les fiebures quartes ne sont mortelles que quand elles s'acharnent sur les vieilles gens.

Chose que nous pouuons dire de toutes autres maladies qui de leur nature se tirent en longueur. Car la chaleur naturelle defaillât en eux, il est malaisé qu'ils trouuent ressource encontre tels accidents. Dieu sçauoit bien que vostre ville auoit affaire encores de vous; & puis qu'en estes deliuré, vous dõnez ordre de ne vous mettre desormais à tous les iours. Vous auez à vous conseruer non seulement pour les vostres, ains pour tout le public. La perte est trop grande, quand elle ne se peut aisément recouurer en vne autre personne. Le païs où administrez la iustice, desirø vn tel suruillant. La droiture nasquit avec vous, laquelle auez fort bien sceu fortifier par vne bonno doctrine, yn sens acquis, & longue experience que le

temps vous a apportée. Et quand il plaira à Dieu de vous appeller, *Tu marmoram relinques, quam lateritiā urbem inueneras.* Ne pensez point que ie preste cecy à voz aureilles : ie suis bien aise de loüer vn mien amy, voire en face, quād il s'en rend digne, à fin de luy donner esperon de faire de bien en mieux. Quant aux nouvelles de deça, il court ie ne sçay quel bruit sourd d'vne nouvelle guerre ciuile. Nous sommes tous aux escoutes: chacun en parle diuersément : les vns ne la veulent croire de la part dont on la corne, les autres la tiennent pour tres-certaine. Quelque chose qu'il en soit, si ell'est vraye, nous en verrons bien tost les esclats en ce mois de Mars où nous sommes, lequel semble auoir esté fatal à l'ouuerture & closture des guerres ciuiles de nostre France. Il sembloit au commencement de cest an, quē toutes choses fussent disposées comme en vne tresprofonde paix: & mesmes il y a long temps que l'on n'auoit fait plus d'alegresses que celles que l'on a pratiquées à la reception des Ambassadeurs d'Angleterre. Qui me fait grandemēt craindre ceste guerre inopinée, cōme venant de là main expresse de Dieu, pour moderer nos opinions. Apres luy, ie croy qu'il n'y a que la Roine mere qui y puisse donner ordre, qui n'est aprentie à faire des paix entre les subjets du Roy quand les occasions s'y sont présentées. A Dieu.

*Nouveaux
bruits de
troubles
1585.*

*A Monsieur Brulart seigneur de Chill ry, President
en la troisieme Chambre des Enquestes du Par-
lement de Paris.*

*il deplore
la calamité
destruible,
et le danger
qu'ils trai-
nent avec-
ques soy.*

A PEINE m'estois-ie retiré de la ville en ma maison d'Argentueil, pour me reconcilier par quelques iours avec mes liures & meilleures pensées, quand i'ay reçu vn paquet de vous, accompagné de deux discours composez de mains partiales, selon les passions particulieres de ceux qui les fõt courir. I'auois depuis quelques ans en ça feuilleté les Ephemerides de Leouicius & Stadius, mais ny l'vn ny l'autre, ne nous promettent tant de maux par leurs Eclipses, cōme ces cartels de deffi, que i'appelle autrement trompettes de nos calamitez. Le voy vne estrange & horrible tragedie que l'on veut représenter sur le theatre, de la Frâce. Et tout ainsi qu'anciennement en tels ieuz, le fatiste introduisoit presque d'ordinaire quelque messager ou autre telle personne qui donnoit à entendre le motif, source & occasion de la fable, aussi sont ce icy les nonces & auateurs de nos miseres. Et en ce mystere vous trouuez que les Princes & grands seigneurs iotieront diuersement leurs roolles, les vns souz le nom de la sainte ligue, les autres souz celuy de la religion. Et tout le pauvre peuple de la France seruira de Chœur pour deplorer aux entrepreneurs son malheur, & tout d'vne suite prognostiquer la subuersion de l'estat.

*Les libelles
que l'on fait
courir des
commence-
ment des
troubles sōt
les semina-
res de nos
ruines.*

Par ce que de tous les troubles qui se sont passez entre nous, ie n'en trouue nuls de plus dangereux effect & perilleuse consequence que ceux-cy. Les effects d'une guerre civile sont de produire plusieurs & diuers reiettons, iusques à ce que pour closture finale, l'estat se trouue, ou du tout changé, ou ruiné. Ainsi dedans la ville de Rome apres ceste grande diuision qui fut entre Cesar & Pompée, tât s'en faut que leurs morts y apportassent fin, qu'au contraire elles engendrèrent vne pepinierè d'autres guerres, tantost encōtre Sexte Pompée, tantost cōtrè Scipion, puis encontre Marc Antoine, iusques à ce que finalement en la fortune heureuse d'Auguste, apres plusieurs reuolutions d'années, fut la conclusion du malheur, qui apporta nouuelle face de Republique. En ceste mesme façon souz le regne de Charles vj. les diuisiōs des Bourguignōs & Orleannois prenans diuers plis: les Orleannois tantost prehans pied & racine par vn Connestable de la maison d'Armignac, puis par vn Dauphin de France: & les Bourguignons par les Anglois, noz ancestres & predecesseurs veirēt en fin nostre France occupée quelques années par les mesmes Anglois, pendant que le naturel François n'estoit occupé qu'à la ruine de soy-mesme. Ia à Dieu ne plaise que mon Prognostic soie effect. Mais remarquant de nostre temps cinq ages des troubles: le tumulte d'Amboise que ie compare à l'enfance: les armes de foixante vn que ie nomme l'adolescence: la fureur de foixāte sept iusques en lxxij. qui fut comme la fureur

*Les guerres
civiles ont
toujours de
longues
queues.*

*Cinq ages
des troubles
de la Frāce.*

& virilité de noz maux: le siege de la Rochelle & autres deportemens iusques à la Pacification de l'an cinq cens lxxvij. qui me represente vn temps qui va entre la virilité, & vieillesse: puis remettant deuant mes yeux ce qui s'est passé par la France pendant l'entrejet de la paix, maintenant en ce dernier acte, qui m'est le cinquiesme, & que i'estime estre la vieillesse, ie crains grandement, qu'il ne nous apporte vne fin, non des troubles, ains de nostre Republicque. Car pour vous dire le vray, le malheur est que voyants, nous ne voyons riens; & si comme au corps humain on voit à la longue, son commencement, progres, entretenement, & declinaison, sans que nous en apperceuions, estant en ceci nostre vie, ny plus ny moins que de l'eguille d'une Horloge, *Quam progredi non videmus, progressam autem videmus*, aussi toutes choses estants en nostre France allées de mal en pis depuis vingt-cinq ans passez, nous ne nous en apperceuons. Mais qui auroit dormy depuis la mort du Roy Henry second (que Dieu absolue) iusques à huy, certainement à son reueil il trouueroit tant de changemens, qu'il penseroit estre en vn nouveau monde. Les Republicques ont certaines propositions, par lesquelles elles se conseruent, puis se perdent. C'est pourquoy il me semble qu'il faut auoir recours à Dieu, par humbles prieres, processions, & rogations publiques: à fin qu'il luy plaise destourner son ire de nous: encores que ie sçache bien que la plus grande partie des corrompus de ce temps s'en mocqueront: laissant
à part

apart la Croix aux gens de bien : & se donnants en
 partage le baston de la Croix de frere Iean des An-
 tomeures , representé par Rabelais. Ne s'aduifans pas
 que tant que Moyse eut les mains esleuées au ciel , il
 obtint victoire encontre ses ennemis. Non que ie
 vueille que faisants celà d'un costé, nous nous endor-
 mions del'autre. Il faut vacquer à tous les deux en-
 semblement, mais beaucoup plus se remettre à l'aide
 de Dieu, que du monde. Et s'il vous plaist que ie sois
 en ce temps plein de vice & corruption, bon Chre-
 stien, & bon citoyen tout ensemble, sça'vous que ie
 souhaiterois ? En premier lieu, vne Foy & vne Loy,
 non point qui soit establie sur vn nouveau concil
 national, ains telle que l'auôs aprise de main en main
 de noz peres; ie ne voy point que nostre Christianif-
 me ait rapporté grand fruit par les concils, quand on
 y donne voix deliberatiue à ceux qui sont eslongnez
 de la foy commune & ancienne. Chacun y veut de-
 meurer le maistre, nul ceder à son compaignon. Ny
 le Cōcil de Nice qui est l'un des plus celebres qui fut
 iamais, n'extermina les Ariens, ny celuy de Constāce
 l'heresie de Iean Huz, & de Ierosme de Prague. Nous
 en auons fait l'experience de nostre temps en la ville
 de Poissy, quand nous voulumes entrer en conferen-
 ce deuant le Roy Charles neuuiesme avec les Mini-
 stres, contre l'aduis de ce sage Cardinal de Tournon,
 qui proposoit les incōueniens qui en aduiendroiēt.
 De laquelle conference nous ne rapportasmes autre
 fruit, sinon qu'au partir de là chacun demeurāt fiché

en sa religion, les Ministres se feirent de là en auant accroire, qu'ils faisoient partie de nostre Republique, veu que l'on leur auoit fait cest honneur de leur donner rang en telles disputes deuant la face du Roy, & en vn si solemnel theatre. Nostre foy est des pieça establie, tât par la sainte escriture, autorité des saints

Il faut corriger les abus, & non changer la religion ancienne.

peres, que traditiōs de l'Eglise. S'il y a quelques abus il les faut sans plus elaguer, & non deraciner tout à fait ce que nous tenons d'vne si longue ancienneté.

Il faut sur tout craindre d'entrer en disputes en matiere de religion.

Ouurez la porte aux disputes, il n'y a article de foy, qu'vn esprit mal né & visqueux ne puisse reuoker en doute. Il me souuient auoir leu dans l'histoire Ecclesiastique, que pendant que par diuers concils, les Catholics & Ariens, soustenoiēt chacun leur party, ils auoient tellement embarrassé les escritures, que l'on ne pouuoit bonnement discernier quel estoit le vray point de nostre creance. Qui occasionna l'Empereur Constantin de prohiber par loy expresse, de disputer à l'aduenir de la foy, & par especial de la Trinité. Aussi est-ce la raison, pour laquelle les Philosophes en choses sans cōparaison moins serieuses, sont d'aduis qu'il ne faut entrer en dispute avec ceux qui denient les Principes: entendās souz cē mot de Principes, les determinations arrestées en chaque science, d'vne longue ancienneté, par les grands maistres. Je ne faiz point profession de Theologie, ains me contente de croire ce que l'Eglise me commande, & que ie voy auoir esté arresté de tout tēps par mes superieurs. Je dirai seulement ce que ie pense estre de l'hi-

stoire, sans entrer en plus profond examē & cognoissance de cause. Repassez l'anciēneté, vous trouuerez que de tout temps dependoit de la chaize saint Pierre & de ses successeurs en la ville de Rome, l'union de l'Eglise generale & vniuerselle. Ainsi l'apprenōs nous de saint Irenée, Tertullian, saint Cyprian, saint Ierosme, saint Ambroise, saint Augustin, Optat, saint Iean Chrysostome. Aussi n'est-il pas fort aisé de croire que Dieu qui souffrit mort & passion pour nous sauuer, eust voulu laisser vaguer, perdre & fluctuer son Eglise, cent ou six vingt ans apres, iusques à la venue de Caluin. Car la plus grande partie des ceremonies & propositions que ceux de la Religion appellent idolastries, estoient en vogue dès le temps mesmes de Tertullian. Je veux viure & mourir en ceste foy, & à la mienne volonté que toute nostre France fust reduite souz la mesme creance. Qui est pour respondre en passant au liure intitulé l'Aduertissement. Mais aussi en contr'eschange veux-ie respōdre à l'autre liure, & vous dire que de vouloir extirper l'heresie & asseurer nostre religion par les armes, ie ne puis bonnement me resoudre s'il est expedient, ny mesmes s'il nous est permis de le faire. Car encōres qu'un Guy de Montfort ait autrefois pratiqué celà entre nous avec vn heureux succez, encōtre les Albigeois, si est-ce que tous noz voyages de Ierusalem, qui en fin ne seruirent que de tombeau à tous les nostres, me font dire que ce n'est la voye pour paruenir à vne bonne reduction. Et c'est aussi la premiere prohibi-

*De tout
temps a de-
pendu de la
chaize de
saint Pierre
l'union de
l'Eglise.*

*Si l'heresie
se doit ex-
terminer
par les ar-
mes.*

tion qui semble auoir esté faite par le grand Maistre de nostre Eglise, quand il defendit expressément à saint Pierre de prendre les armes pour sa defence & protection; qui estoit celuy toutes-fois qu'il auoit choisi entre les Apostres pour estre le fondement de son Eglise, apres luy. Et mesmes ie ne vous accorderay iamais que les armes materielles de M^{or}fort eussent peu venir à bout des Albigeois, sans les saintes exhortations & presches de saint Dominique qui lui

*Pourquoy
les Iacobins
sont Inqui-
siteurs de la
Foy, & ap-
pellez freres
Pres-
cheurs.*

assista en toute ceste expedition. Par le moyen desquelles luy, & successiuement ceux de son ordre obtindrent le priuilege d'auoir la charge de l'Inquisition de la foy. Et de là encores est venu que tous les religieux de sa famille sont appelez freres Prescheurs. Je sçay bien que vous me direz, que ne voulant ny concil, ny les armes, il sèble que ie vueille permettre que ceste nouuelle opini^on pullule de plus en plus: Et que les Medecins sont aduis d'employer pour les guerisons des maladies ou la medecine, ou la saignée, ou le cautere. La nef de saint Pierre a esté diuersement agitée de plusieurs flots & tempestes, toutesfois iamais elle ne fut submergée. Les heretiques quelquefois ont trouué de plus hardiz combatants que les Catholics. Quelques anciens nous attestent que les liures des Ariens estoient plus doctes & mieux bastiz que les nostres. Ce neantmoins leur doctrine estant faulse & mensongere se supprima d'elle-mesme, sans aucun artifice des hommes. Le semblable en aduint-il aux Pelagiens, Nouatiens, Donatistes,

& autres de mesme trempé. Et ne faiz nulle doubte qu'il n'en aduienne autant de ceste opinion Caluiniste, avec le temps : moyennant que nous y apportions quelque zele & deuotion de nostre part. Non par contentions d'esprit, telles que produisent les confertes des Catholiques & Heretiques, nō par meurdres, homicides, & assassinats, qui naissent au milieu des armes, qui produisent bien souuent l'Atheisme: Ains en reduisant l'Eglise Catholique en son ancienne dignité. Commerçant les charges d'icelle, non à femmes, non à gendarmes, non à enfans, non à varlets, qui masquez d'une longue soutane, ne portent que le tiltre d'Euesques & Abbez, sans effect: mais à gens de bien & d'honneur, qui auront bien meritē des saintes lettres, & qui en leurs bōnes mœurs pourront seruir de bon exemple, à tout le peuple. Brief, bannissez de nous la Simonie, vous bannirez, sans y penser, peu de temps apres l'heresie, & tout d'une suite assurez le Royaume au Roy & aux siens. Il me souuient auoir leu que souz deux Rois du nom de Charle, nostre Royaume fut infiniment affligé de guerres ciuiles: souz Charle le Simple, & souz Charle sixiesme. Combien que le premier fut apres son decez surnommé le Simple, par forme de sobriquet, si est-ce à la verité qu'il eut assez d'entendement & prouesse, pour faire teste à ses ennemis: & neantmoins commença en luy de s'esgarer, voire perdre la majesté qui auparauant reluisoit aux Rois de la seconde lignée. Combien que le se-

*souz Char-
les troisi-
me & vi.
le Royaume
grandemēt
affligé de
guerres ci-
uiles.*

cond n'ait esté qualifié apres son decez du surnom de fol, ains de Bienaimé, toutesfois on ne peut denier que la plus grande partie de son regne, il ne fut mal ordonné de son cerueau. Et toutesfois quelques guerres ciuiles qu'eut causé du commencement son enfance, puis l'alteration de son esprit, iusques à introduire & insinuer l'Anglois en la plus part de nostre France, ce neantmoins par vn grand mystere de Dieu le Royaume fut cōserué à Charle vij. sō fils & à sa posterité. Si vous me demãdez la cause de si diuers succez, il est aisé de la recueillir à celuy qui sera versé en l'histoire de France. Pour autant que souz cestuy-cy au milieu de toutes ces dissensions & diuorces publics, chacun toutes-fois conspiroit deuotement à la manutention de la dignité de l'Eglise, & extirpation tant des erreurs, que des abus. Souz le premier l'on faisoit des Eglises, estables aux cheuaux, distribuant les biens & charges d'icelles à capitaines & soldats. Voilà en somme ce que i'auois à respondre aux deux liures que vous m'auiez enuoiez. Quant au surplus, tout ce que ie desire entre nous est vne paix. C'est la premiere, la seconde, c'est la derniere partie de mes opinions. Si bien ou mal, ie m'en remets à la censure des plus sages. Tout ainsi que ie ne voudrois blasmer celuy qui souhait la guerre, pour estre son opinion fondée sur vn zeile de religion, qui porte son sauconduit encōtre tous les mēdisans, aussi ie croy que tout homme de bien ne trouuera mauuais si vn autre desire la paix pour la consequence, & par vn autre

discours. Tous deux sont fondez en vne bone & sincere deuotion qu'ils apportent au bien public, vray qu'en l'un il y a avec le zele, moins, en l'autre, plus de prudence & discretion. Mon Dieu combien de Princes & grands capitaines nous ont esté rauiz par les troubles premiers & seconds, lesquels estoient capables de cōquerir vne Europe, s'ils ne se fussent acharnez à la ruine les vns des autres. Le fruit d'une guerre ciuile est d'introduire vn Chaos, confusion; mellange, & desolation de toutes choses. Les chefs de party decernēt plus de commissions pour leuer gens qu'il n'y a de capitaines. A ceste semōce, chacun y acourt à l'enuy, non seulement par ce que la guerre plaist à celuy qui en a fait experience, mais aussi que les Fait-neants estiment lors la porte leur estre ouuerte à toutes impunitéz: Et souz ceste assurance se donnent loy de viure à discretion sur le bon homme, de le piller, voler, violer femmes & filles. Le paisant d'un autre costé se voyant reduit en ces extremitéz, abandonne sa maison, & se blotit dans les bois, pour net omber en la mercy du soldat impiteux; ce pendant le labour demeure en friche, la marchandise sans trafic, le Magistrat sans gages, le citoyen n'est payé ny de ses rantes de ville, ny de son reuenu des champs, & neantmoins y ayāt deschet de toutes choses, les Rois & Princes pour subuenir à la necessité des guerres, sont contraincts, voire contre leurs volonteiz, de faire des emprunts extraordinaires, leuer des oëtrois gratuits, croistre les anciens subsides, en inuēter de nou-

*Combien de
maux pro-
duisent les
guerres ci-
uiles.*

ueaux: lesquelz ores que pour le besoin du tēps ayent pris cours, si est-ce que les choses venants à se pacifier on ne sçait que c'est de les supprimer. Qui sont au long aller autant de materiaux de la ruine & subuersion de l'estat. D'ailleurs iamais telles partialitez, n'aduiennēt qu'il n'y ait tousiours vn party plus foible que l'autre: & en ce desaduentage le plus prompt remede que l'on a, c'est d'auoir recours aux estrāgers lesquelz comme estants en vn païs de conqueſte ruinent & rauagent tant ceux de l'un que de l'autre party, estants venus plus pour s'enrichir, que pour combattre. Et si mesmement il aduient qu'apres auoir esté long temps fols, nous deuenions sages par noz ruines, vray Dieu quelle leuée de deniers faut-il pour licentier ceux qui s'en retournent gras & enflés de nos despouilles? Et qui est vn point que ie trouue plus à craindre en telles affaires, c'est que combien que les estrāgers sur leur premier abord facent semblant de fauoriser celuy pour lequel ils sont appelez, toutesfoiſ il se trouue ordinairement par la cloſture du compte, qu'ils emportent tout ce qui estoit demeuré du reliqua de telles seditions. Chose qui est si familiere en exēples, que n'estoit la neceſſité du temps present, ie voudrois les vous ramenteuoir. Les Autunois & Sequanois (que nous appellons auioird'huy Bourguignons) deux Quantons anciens des Gaules, cōbatoient pour la primauté, & auoient attrait diuerſement à leurs cordelles plusieurs villes, bourgs & bourgades. La fortune sur le commencement fauorisa les

*Les guerres
ciuiles ap-
portent ou
subuersion
ou mutatio
de l'estat.*

risa les Autunois. Au moien dequoy les Sequanois sollicitèrent à leur secours Ariouist l'un des Rois de la Germanie, à l'aide duquel ils obtindrent le dessus des Autunois. Mais que leur aduint-il de ce grand bien? Ariouist voyant les forces des Sequanois affoiblies, & les siénes encores fraîches, s'empara du plus beau territoire qu'ils eussent, pour recompense de ses travaux. Il desplaisoit aux Autunois d'auoir receu ceste honte de leurs ennemis, & s'en vouloient ressentir, toutes-fois leur puissance n'estoit correspondante à leur cœur. Ils ont recours aux Romains desquels ils se disoient confederez. Iules Cesar est delegué pour ceste affaire, lequel prend leur querelle en main: mais voyant les forces des vns & des autres decliner par leurs diuisions à leur propre ruine, apres auoir remis sus les Heduens, il rendit pour fin de jeu toutes les Gaules tributaires au peuple de Rome. Le Royaume de Ierusalem auoit quelques ans prospéré dessouz les Princes Chrestiens. La fortune du temps voulut que Bauldouin le Lepreux mourût laissa pour heritier de sa couronne, vn autre Baudouin son nepueu, enfant du premier lit de Sybille sa sœur, qui lors estoit conuolée en secōdes nopces avecques Guy de Lusignan: Ce Roy decedât ordōna q̄ Raimond Comte de Tripoli eust la tutelle de son nepueu. mais il ne fut si tost decedé que Raimond trompant l'opiniō du defunt, feit mourir souz main son pupille, en intention de se faire proclamer Roy, toutesfois ses desseins furent empeschez par Guy de Lusignan, à l'occasion de sa

*Les estran-
gers que
nous appel-
lons à no-
stre secours
se font en fin
maistres de
nous.*

femme, qui atouchoit de plus pres à la couronne, par proximité de lignage. Guerre ciuile se meut entr'eux, en laquelle, Raintond estant le plus foible, appella à son secours Saladin Souldan de l'Egypte. Grãdepirié. Cest Egyptien prit sans aucune resistãce les villes d'Azoton, Ascalon, Berithe, & celle de Ierusalem, & generallyment rout le Royaume qui nous auoit cousté tant d'ames : & pour conclusion meit l'un & l'autre des contendants hors du jeu, faisant contenãce de vouloir gratifier à l'un d'eux. Les Grecs souz les Empereurs de Constantinople se trouuerēt long temps floter en dissensions populaires, pour faire tomber la couronne de l'Empire, les aucuns es mains de Iean Cantacussin, & les autres en celles de Iean Palleologue son gendre. Cestuy se trouuoit le moins fort : & pour ceste cause s'allia d'Orcan Roy des Turcs : qui passa le destroit du bras saint George que les anciens appelloient Hellespont, avec l'aide desquels il se feit sacrer Empereur. Les Turcs auparauant ce temps n'auoient iamais gousté la douceur de l'air de la Grece. Ils voyēt qu'il y faisoit bon pour les diuorces & partialitez qui y estoient : A leur retour ils s'emparent de la ville de Gallipoli, & depuis Orcan estant mort, Amurath son successeur prit celles de Philippopoli & Andrinopoli, & ne cesserēt iamais iusques à ce qu'ils se fussēt du tout emparez de l'Empire & eussēt chassé les Paleologues qu'ils y auoient du cōmancemēt instalez. Mais que faut-il aller plus loing ? Noz ancestres ne sentirent-ils presque mes-

me desarroy, en la diuision des Bourguignons & Orleannois (comme ie disois sur le commencement de ceste lettre) quand Iean Duc de Bourgongne voyāt ses ennemis estre assiste de la presence & autorité du Dauphin, attira par sourdes pratiques la nation Anglesche en France pour rendre sa cause plus forte? Qu'aduint-il en fin de cecy, sinon que parmy noz diuisions, l'Anglois vsant dextrement du temps à son aduantage, le feit maistre d'une bonne partie de la France? Mesme de nostre ville de Paris, qu'il tint en sa possession l'espace de dix-huit ans? A quel propos doncques tout cecy? Pour vous dire qu'en ces troubles que ie voy se renouueller entre nous, en vne assurance de tout, ie crains tout. Je ne faiz nulle doute que nous n'ayons recours aux Reistres, lesquels nous auons ja tant de fois adomestiquez entre nous à nostre tresgrand dommage. Ils ont depuis xxvij. ou xxviii. ans en ça cogneu l'abondance de nostre pays, tant en bleds, vins, qu'argent & richesses. Nous leurs auons non seulement enseigné les chemins de nostre Royaume, mais qui plus est les y auons conduits & menez par la main. Au bout de tout celà ie crains qu'ayans tāt de fois appris le chemin pour nous venir veoir, enyurez, & de noz vins, & de la commodité de nostre pays, ils n'oublient tout à fait le retour du leur: Brief ou que du tout ils ne se facent maistres de nous (ce que Dieu s'il luy plaist par sa sainte grace ne permettra) ou en tout euenement, qu'ils ne vueillent estre payez de leurs soldes, non en argent, ains

*Languedoc.
Langue de
got.*

en affiette de terres, ainsi qu'autrefois les Normands apres avoir halené par trois & quatre venuës l'air de France : & auparauant les Visigots, quand Stilicon pour les soudoyer les partagea du pays, qui depuis fut appellé de leur nom Langue de got & par succession de temps Languedoc, où ils establirent leurs demeures. Donnons qu'au milieu de ceste fureur publique nous soyons si sages de ne solliciter l'estranger, ou que le mesme estranger se donne la patience de voir quelle issue prendra ceste tragedie, sans se mettre de la partie, ne deuons nous point craindre que pédât que chacū se dira en son endroit garde des bōnes villes & citez souz le nom du Roy, (car en tels rauages publiques chacun tāt d'un party que d'autre ne couche que de l'autorité de son Roy, & n'y a pour bien dire que luy qui principalement y perde) ne deuons nous (dy-ie) craindre, que tous ces gardiens de villes ne s'en facent maistres par traite de temps? Non veritablemēt que ie vueille croire qu'il y ait aucū Prince ou grand seigneur, quel qu'il soit, qui projette maintenant de le faire: Mais le temps quelquefois nous licentie au milieu de telles desbauches à choses auxquelles nous n'auons du commandement pensé. Pour le moins de ceste façon, les Princes & Barōs de France vnirent à leurs familles, & feirent perpetuels les grands Duchez & Comptez, qui estoient auparauant viagers (comme les gouuernemēts des Prouinces que le Roy distribue à present.) Le tout par le moyen des guerres ciuiles qui eurent vogue en ceste

*Dōt se sont
faictz les
Ducs &
Comtes tāt
de la France
que de
l'Italie.*

France depuis la minorité de Charles le Simple, iusques à la venue de Capet. Et en cas semblable des fiefs qui despendoient, partie de la Papauté, partie de l'Empire, se feirent dans l'Italie plusieurs Ducs, Marquis & Comtes tels que nous les voyōs aujourdhuy? Et ce par les factions des Guelphes & Gibellins: ceux là portants le party du Pape, & ceux-cy de l'Empereur. Car tout estât tombé en ruine par ces diuisions, & les capitaines iouiens dans vne mesme ville à boutchors, le Papisste la tenant tantost, & peu apres l'Imperial selon la diuersité des rencontres, ces villes estants presque tenues comme espaues en faueur de celuy qui les occupoit, les Papes & les Empereurs, aimerent beaucoup mieux en gratifier à la fin leurs partisans par forme d'inféodation, que du tout en perdre & la seigneurie & la propriété tout ensemble. Je ne dy pas que tout ce que ie discours avec vous soit infallible comme l'Euangile: il n'y a reigle si generale qui ne souffre ses exceptions. Mais la deuotion que j'ay à mon Roy, à ma patrie, à tous les Princes & grands seigneurs, à la noblesse & à tout le peuple de France, me fait tenir tels propos: craignant de veoir ce que nul bon citoyen ne doit desirer, ie veux dire, l'euerfion, ou la mutation de l'estat. C'est pourquoy si de deux maux il faut choisir le moindre, ie ne douteray point de dire à pleine bouche & cœur ouuert, qu'encores que la tyrannie soit odieuse à Dieu, & au monde, & qu'à la longue elle perde son autheur, si aimeray-je tousiours mieux

*Une guerre
civile moins
tolerable
qu'une ty-
rannie en
temps de
paix.*

vne tyrannie pendant vne paix, que de tomber en la misericorde d'une guerre civile. Je souhaite vne bonne paix, si telle on la peut obtenir: & si on ne la peut obtenir, il me semble que la plus facheuse que l'on puisse proposer est plus expediente au Roy qu'une guerre civile. Les armes sôt iournalieres, les iugemens de Dieu incogneuz, & n'est pas dit que ceux qui suivent le meilleur parti doiuent tousiours vaincre. Vne victoire obtenue par celuy que l'on se donnoit en proye, emporte vn grand desarroy à l'estat. Il ne fut iamais maliceant à vn sage Pilote de caller la voile à la ré peste. Iamais vn Roi n'a tant dauantage sur ses sujets durât vne guerre civile, cōme d'une paix. Sa majesté demeure tousiours. Au cōtraire les armes mises bas, les coleres des sujets se passent, leurs forces se dissipēt d'elles-mesmes, & par mesme moyen leurs sont les occasiōs, & peut estre les volōtez de se reünir, ostées. Faites qu'un maistre desgaine à la chaudecole son es-pē contre son valet, & que le valet pour euitier le danger mette la main aux armes, le maistre portera la moitié de la peur: lequel peut toutesfois commander à la baguette luy seul à cinq ou six des seruiteurs, & s'en faire croire quād les affaires de sa famille sont calmes. Quelque chose que l'on vueille dire, iamais le Roi n'a tant gaigné sur ceux de la religiō en temps de guerre, comme il a fait par ses Edits de Pacification. A Dieu.

*A Monseigneur de Tiard seigneur de Bissy Euesque
de Chalons sur Saulne.*

L F A V T que ie vous apreste à rire: car *il se plaint de quelques cingés, qui veulent à faulx enseigner parois- tre grands au despens des œuvres d'autrui.* pourquoy ne nous charouilletons nous pour charmer aucunement noz douleurs au milieu de ceste calamité publique, à laquelle ne pouuôs donner ordre: l'estois hier en vn lieu où ie ne sçay quel Sarlatan de Cour nous vouloit enseigner les moyens de se faire paroistre fort sçauant à peu de peine. Premièrement il estoit d'aduis qu'il se faillloit rendre sobre admirateur des œuvres d'autrui, ores qu'elles fussent de grand merite: par ce disoit-il que l'homme qui estoit peu voyât quant à l'esprit, estoit contraire à celuy qui a la veüe du corps courte. Cestuy-cy estimant toutes choses petites qui sont eslongnées de luy, posé qu'elles soiēt grâdes: & l'homme de petit esprit, à l'opposite reputant toutes choses qu'il lit pour grandes, jaçoit qu'elles soient petites. Au moien de quoi pour ne tomber en cest accessoire, & à fin d'éporter le renom de grâd personnage, il trouuoit estre le plus expedient de tenir peu de compte de ceux qui escriuiuoies, & trouuer tousiours à redire, & ne fust-ce que toutes choses estants bien succedées à son auteur, & deduites selô son projer, lui imputer toutesfois qu'il se soit fait tort, ou pour l'impertinence de la matière, ou que le sujet qu'il traite ne soit correspondant à son aage, ou pro-

fession, voire quand il n'y auroit rien à controller,
 hausser cenobstant les-espaules, & secoïer la teste,
 de sorte que la compagnie congnoisse que l'on y
 trouue quelque chose à dire. Delà, comme celuy
 qui singloit en pleine mer, 'encores passa-il plus ou-
 tre, disant qu'un homme auoit bien peu de credit s'il
 n'auoit quelque Poëte amy duquel il pourroit escor-
 nifier quelque Épigramme, Sonner, ou Ode, sur le
 mariage, la mort, ou victoire d'un Prince. Chose qu'il
 feroit passer de main à autre pour sienne. D'ailleurs
 qu'il se pouuoit faire recommander par les liures de
 ceux qui sçauoient mieux escrire, & se faire estimer
 sçauant, puis qu'il accostoit les sçauants. Et cōme ce
 grād docteur se laissoit emporter du vent, aussi nous
 bailla-il plusieurs autres belles leçons dignes d'estre icy
 recordées. Il n'est pas dit (faisoit-il) que chacun puisse
 atteindre au parangon de ceux qui escriuēt le mieux:
 & toutesfois encores y a-il moien de supplier ce de-
 faut. Si les belles conceptions vous defaillent, pour-
 quoy douterez-vous de les aller mandier chez voz
 voisins, en Italie, ou en Espagne, & les rapporter en
 vostre langue comme vostres? Car pour vn qui s'a-
 perceura du larcin, il y en aura cinq cens qui ne le de-
 couvriront, enuers lesquels vous acquerrez reputatiō
 telle que desirez. Je seray encores plus hardy, par ce
 que ie ne douteray de me faire riche des plumes des
 auteurs modernes François, qui auront par leurs
 longues veilles extrait les riches treforts de l'ancien-
 neté, & neantmoins seray contenance de les auoir
 comme

comme eux puisez des vieux liures dont ie ne veiz
iamais la couuerture. Et pour autant que cecy gist
peut estre en quelque peine, qui m'empeschera de
reduire les gros œuures d'autrui en abregé, ou bien
sans les abreger, les distribuer en liures, comme au-
tresfois on feist de Philippe de Cōmines, ou en cha-
pitres, pour arrester l'œil du lecteur? Et ce pendant se
verra tousiours sur le front de l'œuvre mon nom,
comme de celuy qui aura apporté le lustre & embel-
lissement à l'auteur. A tant se teut ce grand maistre,
& nous aussi, comme luy : les aucuns se rians de ses
beaux discours, & les autres s'en colerants, comme
prouenants d'un esprit plein d'impudence trop ef-
frontée. Toutesfois rompant mon silence, ie dis lors
en l'oreille, à quelqu'un de la compagnie, ioignant
lequel i'estois : Vrayemēt nous en voicy bien : i'auois
autresfois ouy parler d'un sçauoir pedantesque, mais
maintenant en voicy un d'autre façon, que l'on peut
appeller courtisan. Comment (me dit l'autre) pensez
vous qu'il ne vous die la verité? Tout ce qu'il vous a
deduit, se pratique. La plus part de ceux qui escriuent
sont ou Copistes, ou Abreuiateurs ou (si vous me
permettez vser de ce mot) rabobelineurs de liures. Et
quant à ce qu'il vous a dit qu'il se feroit à pis prendre
recommander par les plumes des mieux escriuans,
celà estoit de la rhetorique du vieux temps, ie veux
dire du regne de Henry deuxiesme, lors que l'on se
frotoit aux robes de ces grands Poëtes qui florirent
sous ce bon Roy, pour trouuer un arrierecoing dans

leurs œuvres : mais maintenant on passe plus outre. Car ceux qui ne feirent iamais rien, se font alleguer pour auteurs, comme s'ils auoient fait quelque œuvre laborieux dont nous ne veismes iamais le premier eschantillon. Qui est vne recommandation sans comparaison plus effrontée, que celle dont vous parle ce Courtisan. Si celà est (respondy-ie à cestuy-là) ie quitte desormais la partie, & suis d'aduís que c'est grãd folie des'alambiquer le cerueau sur les liures, veu qu'à si bon marché on se fait estimer bon auteur. Sur ce mot nous nous departisines : Et ne voulant que ces propos tombassent à terre, sans estre par moy recueilliz, soudain i'ay mis la main à la plume pour vous en faire part, à la charge que nous en rirons vous & moy, mais que puis apres donnerons lieu à ce qui est du commun deuoir. Il n'y a remede, il faut que ie m'esclate à ce coup, & me pleigne à gorge desployée de la calamité de ce siecle, qui nous a produit si grande foison d'auteurs, ou putatifs, ou auortés. Il n'y a si malotru qui ne vueille que ses premieres apprehensions prennent air, craignant qu'estants trop longuement enfermées, elles ne sentent le remugle. Vray Dieu que Iodelle me semble auoir autrefois heureusement rencontré en ces six vers.

*Et tant ceux d'auourd'huy me faschent,
Qui dès lors que leurs plumes laschent
Quelque trait soit mauuais ou bon,
En lumiere le vont produire,*

*Pour souuent avec leur renom,
Les pauvres Imprimeurs destruire.*

A la mienne volonté que nous eussions, comme les Romains, quelques doctes Grammairiens qui nous seruissent de Censeurs, pour sinderiquer les liures, & trier les bons d'avec les mauuais. Tant de liures mal tissus, seruent plus de scandale, que d'edificatiō à nostre langue: laquelle me semble desia decliner contre tout ordre de nature, auant qu'elle ait attainé à sa perfection, & si ainsi le faut dire, s'en aller, auparauant qu'elle soit venue. Car les langues ne demeurent pas moins auilies, quand chacun indifferemment se donne vne liberté d'y escrire à son plaisir, que quand les esprits assopis de nonchallance, ne s'estudient de les embellir: estāts les deux extremitez vitieuses. Et tout ainsi que le non escrire fait qu'elles ne soient congneues, aussi le trop escrire, mesmes par gēs qui n'ont autre tesmoignage de leur valeur, que celui qu'ils en imaginent d'eux-mesmes, rend les langues si obscurcies en leur pensant donner quelque lustre, que l'on n'en tient compte. Ce n'est pas assez de dire, i'inuente ou traduits en mon François, ains faut que celui qui veut mettre la main à la plume, ait vn fonds de bonnes matieres, vn amas de paroles de choix, & eslite, qu'il les mesnage dextrement, & qu'empruntant quelque discours d'autrui il le rende toutesfois pour sien: ie veux dire qu'il face comme le bon estomach, lequel faisant vne bonne cuisson des viandes,

les distribue puis apres par l'aide & ministere du foye dans les veines, tout autres qu'il ne les a prises, dont se fait l'entretienement general de nostre corps. Mais c'est trop serieusement entrer en matiere pour vn homme qui sur le commencement de sa lettre auoit protesté seulement de rire. Si voz belles & saintes homelies vous dispensent de quelque loisir, ie vous prie recharger la presente de mesme sujet, à fin que ie ne sois estimé seul me plaindre de l'impudence de nostre temps. A Dieu.

*A Monsieur Hennequin seigneur de Sarmoise, Conseiller
& Maistre des Requestes ordinaire du Roy.*

*Il se gausse
avec le sei-
gneur de
Sarmoise
sur les pei-
nes qu'ont
les peres en
mariant
leurs en-
fans.*

NE NE veux plus croire qu'il n'y ait que les meres qui soient en trauail d'enfant. Les peres y ont mesme part : Les meres quand leurs enfans sortét de leurs flanes pour prendre vie. Les peres quand ils les veulent par mariages faire sortir de leurs maisons, pour entrer en vne autre vie. Vous ne m'en sçauriez dire des nouuelles pour n'y auoir iamais passé. Celà fera cause que ie vous en comteray plus librement, comme cèluy qui y est maintenant. Je ne vy iamais tant de remuement de mesnage : marchands de Soye, Orfeures, Tailleurs, Chaulletiers, Cordonniers, Rostisseurs, Patissiers, Tapissiers, Cuisiniers, Violons, Musiciens, & mille autres tels baguenaudiers. Les femmes en acouchans sentent des tranchées; & tout ce que ie viens

de vous reciter sont mes tranchées, mais trachées de saint Mathurin. Car pour le vous dire en vn mot, ce sont autāt de folies. Et le plus grād mal que i'y voye, c'est qu'au trauail des meres, on y appelle des sages femmes pour les secourir; en cestui-cy les sages n'ont voix deliberatiue au chapitre, & n'y a que les ieunes (ie n'oze dire les plus folles) qui s'en facēt croire. Chacun dit que qui moins en fait est le plus sage. Il n'y a sentence plus commune que celle là, ne qui tourne moins en vsage. Si les peres & meres y veulent apporter quelque sobriété & atrempance, soudain les enfans s'escrient, que c'est pour eux que l'on fait la feste, qu'ils n'ont qu'un ou deux iours à eux, & que nous ne nous souuenons d'auoir esté ieunes. Que feriez-vous à ceste objection? Il faut raieunir avec eux, & leur passer condamnation de leurs volontez. Croyez que i'en faiz le moins que ie puis, & neantmoins trois & quatre fois plus que ie ne veux. A Dieu..

*A Monsieur Maillard, Conseiller & Maistre
des Requestes ordinaire du Roy.*

A PRES plusieurs allées & venues, la Roine
mere en fin a si bien besogné que la paix
a esté conclud: & suiuant la capitulation le
Roy est venu le xviii. de Iuillet dernier en son Par-
lement, où il a solempnellement cassé tous les Edits
precedants qui auoient donné tolerance à l'exercice
de la nouuelle religion. Monsieur le premier Presi-
dant

*En recitant
l'Edit de
Pacification
qui fut fait
en Iuillet
1585. il de-
teste l'am-
bition des
Françoys.*

dent a s'agenêt remarqué en sa harenque que le premier Edit qui l'auoit tolerée estoit d'un mesme mois en l'an 1561. Il est dit qu'il n'y aura plus en toute la France que la religiō Apostolique, Catholique, Romaine, que les Ministres vuiderōt dedans deux mois, à peine de confiscation de corps & de biens, & les autres, dans six, s'ils ne veulent se reconcilier avec nostre Eglise. En somme ceste paix est le renouvellement d'une vieille guerre, mais au vray, la paix des financiers. Par ce que quelques iours apres on a supprimé la Chambre Royale, moyennāt deux cent mil escuz qu'ils financent au Roy pour fournir aux fraiz de la guerre. Ceste nouuelle entreprise ne se peut passer sans couster beaucoup au Roy & au peuple. Qui est cause que l'on a maintenant recours au reſtablissement de tous les estats de iudicature qui auoient esté supprimez. Il n'y a point telle espargne pour noz Rois que celle qui prouient de l'ambition de leurs sujets. C'est vn fonds inexpuisable. En cecy chacun court en poste à la pauureté. Il n'y a bonne maison dont noz Rois ne soient par ce moien heritiers. Il y a enuiron deux ans que le Roi supprima par mort tels offices, comme venās à la foule du peuple, voire avec vne tres-estroite rigueur, sans admettre les resignations de ceux qui s'en vouloient demettre auant que de mourir. La memoire de ce mesnage est en vn instant euanouye. Il n'est pas fils de bonne mere qui ne mette là son denier. Il n'y a riens tāt à craindre en vne Republique bien ordonnée, que le nom-

*L'ambition
des François
est vne es-
pargne in-
expuisable
pour noz
Rois.*

bre effrené des officiers: & neantmoins riens qui tant la soustienne es afflictions generales telles que ceste-cy, comme quelques-vns estiment. Par ce que tenâts leur grandeur d'un Roy, chacun craint la mutation de l'estat. Toutesfois apres auoir remué toutes sortes d'aduis à part moi, ie compare ceste multiplicité d'estats au lierre, lequel on estime estre le soustenement de la muraille contre laquelle ell'est collée, combien qu'interieurement ell'en soit au long aller la seule ruine. A Dieu.

*A Monsieur Regnier President en l'Election
de Soissons.*



VOUS pouuez receuoir ceste lettre de moy sans hazard, & m'en croyez. S'il y eust eu du danger en ma maison ie n'eusse esté si mal aduisé d'y seiourner, & moins me voudroy-ie maintenant oublier en vostre endroit, vous escriuant. I'ay esté visité de Dieu, mais de sa petite visitation, & non de la grande: ie veux dire, du bruit commun, & nō de l'effect. Toutesfois pour contenter l'opinion du peuple, ie me suis retiré aux champs. C'est ainsi que va ma fortune: iamais ie n'ay receu grāde allegresse, que soudain Dieu ne l'ait voulu atremper de quelque fascherie: n'y n'ay esté combatu de grand desplaisir, qu'à l'instant il ne m'ait enuoie quelque objet pour me consoler, sans quel'un ait esté estouffé par l'autre. C'est vne obseruation que

*Il raconte
comme sa
bonne for-
tune est cō-
trebalancée
par la mau-
uaise.*

i'ay faite en ma fortune, que ie vous pourrois verifier par vne infinité d'exemples, si ie l'auois entrepris. Ie me contenteray seulement de vous dire qu'il y a environ cinq sepmaines que i'ay eu ce cōtētement de marier mon fils aîné: les feries n'en estoient à peine expirées, que i'ay esté salüé de ceste nouuelle affliction. Tellement que quand ie verray toutes choses me reuenir à souhait, ou à contre-poil sans estre balancées de leurs contraires, ie penseray estre au bout, ou de ma vie, ou de ma fortune: ny pour celà ie ne

*Belle chose
de tirer cō-
modité de
ses incom-
moditez.
Qu'il faut
craindre vn
heur abso-
lut.*

m'en estime moins heureux. Car comme ce soit vn grand secret de sçauoir tirer commodité de ses incommoditez, aussi estimé-ie ce contre-poix de malheur, me tourner à tref-grand heur: n'y ayant riens à mon iugement que l'on doïue tant craindre, qu'un flux & longue suite d'un heur absolu. Lequel non seulement fait mettre noz pensées à l'essor, ains couue ordinairement souz soy vn grand precipice, qui nous procure plus de toutment, que la ioye n'auoit esté grande, pendant que nous estions en vogue. Or maintenant ie suis aux champs en pleines vacations.

*Il se gausse
sur ceste
vieille ren-
cōtre, de n'e-
stre moins
otieux que
quand l'en
est otieux.*

Ie ne sçay pas cōme l'ancien Romain entendoit ce mot que l'on a tant solemnisé: qu'il n'estoit iamais moins otieux, que quād il estoit otieux. I'en dy tout autant que luy: que ie ne me trouuay iamais tāt empesché, qu'ores que ie ne suis empesché. Et si ne le diz pas à mon aduantage, comme il faisoit. Ie vois, ie viens, ie tracasse dans ma maison, d'une chambre à autre, ie descends du haut en bas, ie remonte du bas en haut.

en haut. Brief ie faiz plus de tours de mon corps, que Diogene le Cynic ne faisoit faire à son vaisseau, lors qu'il ne vouloit estre non plus oiseux que les Corinthiens, quand ils affustoient leurs appareils, & appareilloient leurs affuts pour faire la guerre. Et ne suis pas seul empesché. Car en ne faisant riens, i'empesche toute ma famille. Je veux sçauoir comme il va de toutes choses. En vn mot ie suis vn quatiernage, ou pour me meller d'un mestier auquel ie suis neuf & appren-ty, ie suis vn gaste-mesnage. Vrayemēt si le Romain dont i'ay parlé en estoit logé là, il n'estoit pas de grād merite. Je sçay bien que vous m'objecterez les arbres ausquels ie puis prendre quelque deduit & passetemps. Je vous diray franchemēt, que pour la premiere rencontre, les champs resueillent mes esprits. Mais deux ou trois iours apres, ie retourne à mon naturel. Les arbres ne parlent point. Au moien dequoy ie veux lors auoir recours à mes liures pour leur communiquer mes pensées. Mais quel trafic pouuons nous auoir maintenant avec eux, au milieu de cest orage & tempeste publique? Tout ce que ie demande à Dieu est, ou de bien tost me depeschier, pour ne voir plus ce que ie voy, ou de m'empeschier comme auparauant, à fin qu'en yuré des affaires particulieres, i'oublie celles du public, ausquelles, quelque torment & affliction que ie m'en donne, ie ne puis apporter remede. A Dieu.

*il se marque
en parant
de soy, de
ceux qui
sont en leurs
maisons sans
rien faire.*

*Quatiernage,
gaste-
mesnage.*

*Les champs
delecter seu-
lement pour
la premiere
rencontre.*

M m m m

A Monsieur Coignet seigneur de Congy, Aduocat au Parlement.

*Il deduis
plusieurs an-
ciennetez,
priuileges,
& autres
choses de re-
marque de
la ville de
Paris.*

N PLUS beau champ ne me sçauriez vous mettre, estant Parisien comme vous, que de me demander dont vient le nom de nostre ville, quel a esté son progres, & tout ce que ie pense appartenir à sa grandeur. Si vous voulez que ie m'arreste à noz vieux rapetasseurs, ie vous diray que Paris le Troyen en fut le premier fondateur, & qu'il la nōma de son nom. Qui est vn vrai fantosme d'histoire. Moins serai-je d'accord avec vn tas d'escoliers, qui disent qu'elle fut appellée par les anciēds *Lutetia*, du mot Latin *Lutum*, pour les boïes & sâges qui y abondēt: ou bien du mot Grec *Λυμετρία*, qui signifie blâcheur, pour les plâtrieres qui se trouuent és environs. Quāt à moy ie ne serai iamais d'opinion qu'ell'eut du commencement emprunté son nom de deux nations qu'elle ne cognoissoit point. Deuant la venue de Iules Cesar és Gaules, nous ne cognoissions dans Paris, le Romain que de nom. Et ores que les Phocenses Grecs fussent fondateurs de Marseille, si ne trouuons nous qu'après qu'ils se furēt là establis, ils eussent fait aucunes conquestes en toute la Gaule, par le moyen desquelles ils eussent donné vogue à leur langue. Et au surplus d'estimer que les Gaulois parlassent Grec, comme quelques-vns se persuadent, c'est ignorer les premiers rudiments de nostre histoire: veu que nous

*Que la lan-
gue Grecque
n'estoit co-
gnue aux
Gaulois.*

trouuons dans les memoires de César, que luy voulant escrire quelque chose qui importoit à Labienus son Lieutenant, il luy escriuit en langue Grecque: A fin (dit-il) que si elle estoit surprise par ses ennemis, nul ne peust entendre ce qu'elle portoit. Et neantmoins il ne faut faire nulle doubte que nostre ville auoit eu tousiours son nom originaire, que i'estime vray-semblablement auoit esté, *Lu* ou *Leu*; sur lequel & le Romain, & le Grec, enterent selon la commodité de leurs langues, celui-là vne *Lutetia*, cestuy vne *Aexoria*. Il n'y a ville peut estre en l'Europe plus heureusement située, ny accompagnée de tant de commoditez, que ceste-cy. En toute ville que l'on desire rendre grâde, il est requis deux choses: facilité de bastir, & commodité de trafic. Paris est enuironné de toutes parts de perrieres sousterranées dont on espuise tant le moilon, que pierre de tailles: & outre ce a particulierement des plastrieres dont se fait le plastre: Qui est vne forme de ciment propre à nous autres, & qui ne se trouue point ailleurs. Par le moien desquels deux tresors vous verrez en moins de riens vne maison richement & plantureusement paracheuée de fonds en comble. Dauantage il est abreuué de ceste grande riuere de Seine qui perd son nom dans l'Ocean au dessouz de la ville de Roïen: Riuiered'y-ie dans laquelle aboutissent trois grands fleuues, Marne, Yonne, Oise, dans lesquels aussi plusieurs autres riuieres viennent fondre: & en outre les riuieres de Montargis & d'Estampes. Tellement, qu'avec

Ce qui est requis pour l'establissement d'une grâde ville.

*Pourquoy la
ville de Pa-
ris porte un
Nauire en
ses armoiries*

vne facilité admirable toutes sortes de marchandises y peuuēt aborder à peu de coust, de la Bourgongne, Champaigne, Picardie, Normandie, Lyonnois, la Beauce, & de plusieurs pays estranges. Tour ainsi qu'ell'est abreuuée de tât de riuieres, aussi nostre ville n'estoit anciennement qu'une Isle, qui est ce que nous appellōs la Cité. Laquelle si vous y prenez garde de pres, vous trouuerez auoir la forme d'un Nauire. Car si vous la considerez du costé du Palais, l'Isle va tousiours en estroilissant en forme de bec, que nous appellons la Proüe, & du costé nostre Dame en forme de Pouppe. Et c'est pourquoy à mon iugement noz predecesseurs donnerent le Nauire pour armoiries à nostre ville de Paris. La cōmodité de son assiette fut cause que les Empereurs ayants à reboucher la pointe des Allemants, qui affligeoient iournellement les Gaules, s'y habituerent de fois à autre. A maniere que commençant à se faire grande, elle prit avecques le temps le nom du pays où elle estoit située, qui estoit le Parisi, comme ville principale & metropolitaine. Car quand les anciens, & mesme Iules Cesar en parloient, ils la nommoient *Lutetiam Parisiorum*, comme si nous voulions dire Lutece en Parisi: Et depuis on laissa le mot de Lutece, & prit on seulement celui de *Parisijs* pour denoter nostre ville. Le premier dans lequel vous en verrez quelques enseignes est Amian Marcellin en plusieurs endroits, & signamment au vingtiesme liure de son histoire quand il parle de la promotion de Iulien l'Apostat à

*Quelques
Empereurs
se sont ai-
mez à Pa-
ris.*

*Dont vient
que nostre
ville porte
le nom de
Paris.*

l'Empire, & du feiour qu'il y feit. *Et cum ambigeretur diutius* (dit-il) *qua pergerent via, placuit nosario suggerente Decentio, per Parisios, homines transire ubi morabatur adhuc Caesar, nusquam motus. Et ita factum est.* Isdém-que aduentantibus in suburbanis, princeps occurrit, ex more laudans quos agnoscebat. Auquel lieu le mot de Fauxbourgs nous enseigne qu'il parle de la ville de Paris. Iulien y seiourna seulement six mois, comme il dit en son *Myfopogon*, pendant lequel temps il y prit si grand plaisir, qu'il la voulut embellir de quelques nobles bastimens, comme nous voyons par les anciens fragmens, qui sont en l'hostel de Clugny, & les Aqueducts qu'il deliberoit d'y faire venir du village d'Ercueil, dont on voit encor les reliques. Apres luy, Valentinian Empereur y demeura tant qu'il seiournâ es Gaules. Celà fut cause que quand Clouis se fut fait maistre & seigneur de la plus grande partie des Gaules, il y assieut son domicile (comme nous tesmoigne Gregoire de Tours) & apres lui sa posterité. Qui nous reüscit si à propos, que combien que par deux fois le Royaume fust party en quatre, se nommans les enfans de France diuerlemēt Rois, de Paris, Soissons, Orleans, & Mets: si est-ce que celui de Paris auoit rousiours quelque aduātage & prerogatiue par dessus les autres. Et depuis les apanages s'estans innueez entre nous souz la lignée de Hugues Capet, il semble que noz Rois aient lié leur fortune avecques celle de Paris, dont ils ont tiré vne infinité de secours fauorables quand les necessitez s'y sont presentées.

Iulien seiourna six mois à Paris

Paris seiour des Rois dès le regne de Clouis.

Les Rois de France de la troisieme lignée ont lié leur fortune avecques celle de Paris.

*Priueleges
des Bour-
geois de Pa-
ris.*

Leur ayant esté vne tref-assée retraite lors de leurs afflictions. Qui a esté cause qu'en contr'eschange ils l'honorèrent de plusieurs nobles priueleges: Car outre ce qu'ell'est franche & exempte de railles, le Parisien de condition roturiere peut posseder des fiefs sans dispence, il est frâc du ban & arriereban, ne peut en defendât estre distrait de son domicile pour quelque matiere que ce soit, & lui est permis de proceder par voye d'arrest en vertu d'une sedule non recogneüe, sur les cheuaux & biens meubles de son debteur estrangier, qu'il trouue dedâs Paris. En plus forts termes il pouuoit anciennement le contraindre par corps, mais ceste coustume s'est avecques le temps supprimée. Qui sont tous priueleges qui prouignent de l'oëtroÿ de noz Rois, mais nous en auons vn plus grand qui nous a esté ordonné par la pleine grace de Dieu. Qui est que nostre ville se peut vanter n'auoir iamais esté surmontée que par soy-mesme. L'on appella sur le declin de l'Empire, la ville de Rome, *Vrbem æternam*, si ne peut elle se garantir qu'elle ne fust prise & saccagée, premierement par les Gaulois, & depuis à trois diuerses fois par les Gots: Mais graces à Dieu, ce malheur n'aduint iamais à la nostre. Les Normands souz la lignée de Charlemaigne s'estans fait voye par la plus grâde partie de la France, & ayâs mis à sac, tantost la Bourgongne, tantost la Touraine, tantost le pays qui porte aujourd'huy leur nom, assiegerent deux & trois fois nostre ville, mais ils furent contrainsts de leuer le siege avecques leur courte

*La ville de
Paris n'a
iamais peu
estre vain-
cûe de ses
ennemis.*

honte. Le semblable feirent les Bourguignons souz Louys vnzième, & de nostre temps les Huguenots en l'an cinq cens lxi. & lxxij. Et quand nous trouuôs que souz le regne de Charles vj. elle fut prise par le capitaine l'Isleadam, celà aduint, parce que les Parisiens vouloient estre pris, côme ceux qui lors fauorisoient le party de Jean Duc de Bourgongne, contre les Armignacs qu'ils vouloient exterminer de leur ville, comme ils feirét. Qui plus est l'on peut dire, comme chose vraye, que Paris a tousiours seruy de tombeau à ses ennemis, comme nous en peuuent rendre certains, & la iournée des Armignacs en l'an 1417. & celle des Huguenots de l'an 1572. Il n'est pas qu'ils ne se soient sentiz de cest heur en vn exemple admirable. Charles vj. au retour de la iournée de Rosebec, vsa d'une punition extraordinaire contre nous, pour vne esmotion populaire aduenüe dedans Paris pendant son voyage de Flandres. Et nommément feit oster les chesnes des ruës, & dependre les huis des quatre principales portes de la ville: Le tout à l'instigation du Conestable de Clisson, qui fut executeur de rous ces rigoureux commandements. Et de fait pour l'appaiser nous feusmes contrainsts de luy faire present d'un hostel (dôt aujourd'huy iouysent Messieurs de Guise) semé diuersement d'une M. d'or qui vouloit dire Misericorde, pour laquelle cause les vns l'appelloient l'hostel de Clisson, & les autres de Misericorde. Mais voyez ie vous prie quelle fin eut ce jeu. Clisson auoit esté promoteur de ceste seuerie pu-

*Paris tom-
beau à ses
ennemis.*

*L'hostel de
Clisson.*

nition, aussi la fortune des Parisiens ne voulut laisser
 cest outrage impuny à lédroit de luy. Dix ans apres il
 fut assassiné par le seigneur de Craon, qui n'eut moyé
 d'euader que de nuit par la porte de S. Antoine, qui
 estoit l'une de celles qui auoit esté cōdamnée à estre
 tousiours ouuerte. Chose qui a esté naïfement ex-
 primée par Froissard, duquel ie vous veux icy inserer
 le passage tout de son long. Pour le temps des lors les
 quatre souveraines portes de Paris estoient toute nuit *Et*
 tout le iour ouuertes, *Et* auoit ceste ordonnance esté faite au
 retour de la bataille qui fut en Flandre, où le Roy de Fran-
 ce desconfit les Flamens à Rosebec, *Et* que les Parisiens se
 voulurent rebeller, *Et* que les maillets furent osté. Et pour
 mieux à toute heure chastier *Et* seigneurier les Parisiens,
 Messire Oliuier de Clisson auoit donné ce conseil d'oster
 toutes les chaisnes des carrefours, pour aller *Et* chenaucher
 toute nuit; par tout furent ostées hors des gonds, les souue-
 raines portes des fueilles *Et* là couchées, *Et* furent en ce-
 luy estat enuiron dix ans, *Et* entroit on à toutes heu-
 res dedans la ville de Paris. Or considerez comment les
 saisons payent : Le Connestable auoit cueilly la verge
 dont il fut battu, car si les portes de Paris eussent esté
 clausées *Et* les chaisnes leuées, iamais Messire Pierre de
 Craon n'eust ozé faire ce delit *Et* outrage qu'il feit. Car il
 n'eust peu issir hors de Paris, *Et* pour ce qu'il sçauoit qu'il
 istroit bien à toute heure, se aduisa-il de faire ce malefice.
 A tant Froissard. Exemple que ie vous ay voulu re-
 presenter, non que i'aprouuasse la iournée que noz
 ancestres appellerent des Maillotins, mais pour vous
 dire

dire qu'en vne querelle où nous auïos tort, le hazard voulut encores que celuy qui nous auoit affligez, fut chastié des verges mesmes, dont il nous auoit batuz. Ie vous laisse à part l'Vniuersité (qui est dés pieça la premiere de toute l'Europe) pour vous dire que noz Rois eurent de toute ancienneté dans Paris, trois maisons, le Palais, le Louure, & le logis de Tournelles pres saint Paul. Palais dy-ie qui contient les deux premieres Chambres de la France. Celles du Parlement, & des Comptes, l'une pour la iustice commutative, l'autre pour la distributive. Palais auquel noz Rois ne se presentent gueres à face descouuerte, que ce ne soit en haut appareil pour représenter toutes choses appartenans à leur Royauté. Le Louure dont releuent tous les fiefs qui se meuuent immediatement de la Couronne de France. Car quant aux Tournelles c'estoit vn lieu de plaissance, qui a esté deux fois malheureusement fatal en la France.

*Trois logis
de Roy dans
Paris.*

La premiere souz Charles sixiesme lequel ayant dedié l'apresdisnée d'un iour du saint Sacrement à faire ioustes & tournois, où se trouuerent tous les Princes du sang & plusieurs grands seigneurs qui auoient la meilleure part en sa bõne grace, ceste allegresse ayât continué depuis le midy iusques à la minuit, le seigneur de Craon qui estoit en embusche dedans sa maison, sur ceste occasion vint inuestir à l'imporueu le Connestable de Clisson, dõt ie vous parlois maintenant, lequel il laissa sur la place, pour mort. Ce que le ieune Roy prit tellement à contre-cœur, qu'il en

*L'hôtel des
Tournelles
fatal à la
ruine de
France.*

Nnnn

voulut pourſuiure la vengeance à outrance, contre le Duc de Bretagne, vers lequel Craon s'eſtoit retiré. Et en ceſte apprehenſion cōceut vne telle melancolie, qu'il en perdit puis apres l'eſprit: dōt ſourdirēt vne pepiniere de guerres ciuiles entre nous, qui cuidoient mettre noſtre Royaume au deſſous de toutes affaires. Car quant à l'autre infortune, nous en pouuons eſtre teſmoins pour eſtre aduenü de noſtre temps en la perſonne du bon Roy Henry. Qui fut cauſe que pour expier la memoire de ceſte meſauanture, la Roine ſa veſue, feit auſſi razer ceſt hoſtel, quoy que ſoit, il fut departy à vns & autres particuliers habitans de ceſte ville, comme nous le voyons aujourd'huy. Tant y a que la perte de l'eſprit del'un, & de la vie de l'autre, nous apporterent diuers troubles: Les premiers qui durerent pres de quarante ans,

Combien les guerres ciuiles ont fait de tort à la ville de Paris.

La ville de Paris grandement opulente ſouſ le regne de Charles v.

& les autres dont nous n'auons encores la fin. Mais par ce que ie ſouhaiterois que nous-nous feiſſions maintenant ſages par ces troubles anciens, ie vous puis dire que ſouſ le regne de Charles cinquieſme, noſtre ville fut grandement riche & peuplée. Ce Roy qui apres ſon decez fut ſurnommé des vns, le Sage, & des autres, le Riche, y faiſoit preſque ſon ordinaire demeure: & à l'imitation de luy il n'y auoit grands Prelars, ou Princes, qui n'y euſſēt auſſi leurs maiſons, & non point maiſons affamées, ains grands & magnifiques Palais. Nous ne pouuons auoir plus grand & fidele teſmoignage de ceſte richeſſe, que de la cōdemnation que nous encouruſmes pour la iournée

des Maillets, sur le cōmancement du regne de Charles vj. Par ce que Froissard nous ateste qu'il tira de nous quatre cent mille liures, qui en vaudroïent maintenant douze cent, eu esgard que la monnoye estoit trois fois plus forte qu'elle n'est aujourdhuy. L'esprit de diuision se logea à la malheure dans nostre ville, pour soustenir iniustement la querelle de Iean Duc de Bourgongne, contre les enfans de Louys Duc d'Orleans: En laquelle nous-nous esperdismes de telle façon, que tantost nous chargeames la croix Bourguignonne, sur noz chapeaux & chaperons, & feismes vne confrairie de saint André dans l'Eglise saint Eustace, de laquelle se trouuerent en vne procession xxv. ou xxx. mil Confreres, tantost nous massacraimes tous les Orleannois & Armignacs qui se trouuerent dans Paris, sans acception de personnes. Mais il nous en prit tout ainsi qu'aux malades, lesquels du cōmancement surpris & agitez d'une fièvre chaude, se font tenir à quatre dedans leurs lits, pour vne inquietude perpetuelle de corps & d'esprit qui leur cōmāde: iusques à ce que ceste fureur s'escoulant, ils cōmencent de sentir leur mal par vn affoiblissement general de tous leurs membres, lesquels il faut restaurer à la lōgue tant par douces purgations, que bonnes viandes: Aussi pendant que furieusement nostre ville s'amusa de soustenir le party Bourguignon, elle deuint sans y penser toute deserte. Et cōmencerent ces grands hostels de Flandres, Artois, Bourbon, Bourgongne, Nesles, & plusieurs

*Paris en
grāde souff-
frite par le
moyen des
guerres ci-
uiles.*

autres seruir de nids à corneilles, au lieu où au precedent c'estoient receptacles de Princes, Ducs, Marquis, & Comtes. J'ay leu dans vn liure escrit à la main **en forme de papier iournal**, que de ce temps-là, il y auoit vn loup qui tous les mois passoit au trauers de la ville, lequel ils appelloient le Courtaut, estant le peuple tant accoustumé de le voir, qu'il n'en faisoit que rire. Chose qui se faisoit, ou pour les massacres qui se commettoient dans Paris, & pour les cadauers qui y pouuoient estre (n'y ayant animal qui ait le fleur si subtil comme le loup) ou par ce que la ville estoit lors grandement deshabitée. Quoy que soit s'estant sur les troubles du Bourguignon & Orleannois entrée la guerre de l'Anglois & du François, il faut tenir pour chose tres-certaine que la ville de Paris vint en grande souffrete; veu qu'en l'histoire mesdisante du Roy Louys xj. nous trouuons que pour la repeupler, il voulut faire cōme Romulus auoit fait autrefois dans Rome, & dōner toute impunité de mesfaits precedans, & rappel de ban à tous ceux qui s'y voudroient habiter. Ce que toutes-fois ie ne trouue escrit ailleurs: & ne trouuāt ceste permission dans les registres du Parlement, ceste histoire m'est aucunement suspecte. Mais plus grande demonstration ne pouuez-vous auoir de ceste pauureté & solitude, que de l'ordonnance qui se trouue aux vieux registres du Chasteller, par laquelle il estoit permis de mettre en criées les lieux vagues de la ville: & si pendant les six semaines il ne se trouuoit nul pro-

prietaire, qui s'y opposast, le lieu demouroit à celui qui se le faisoit adiuger. Aussi quād nous lisons dans *Le bō marche qui estoit anciennement des maisons de Paris est vn argument du malheur qui estoit lors.* noz vieux titres & enseignements, quelques maisons & heritages tant en la ville, qu'és champs, vendus à nonprix, tant s'en faut que ce soit vn argument de la felicité de ce temps-là, qu'au contraire c'est vne demonstration tref-certaine du malheur qui estoit lors en regne, par la longue suite des troubles. La richesse d'vn pays cause l'abondance du peuple, qui fait que toutes choses y sont cheres. Le peu de peuple au contraire faict le nonprix, & par mesme moyen nous enseigne ou l'infelicité ou l'infertilité d'vn pays. Maintenant graces à Dieu nostre ville est abondante en maisons, peuple, & richesses, plus que iamais. N'ayant toutesfois, (non plus qu'vn malade) repris ses forces tout à coup, ains peu à peu, ie veux dire à mesure que noz Rois s'en sont approchez depuis les troubles de Charles sixiesme, & vij. Le Rōy Louys vnziesme auoit choisi pour sa principale demeure le Plessiz-lez-Tours: Charles viij. son fils, Amboise: Louys xij. la ville de Blois: non qu'ils ne vinsent souuent dans Paris selon la necessité de leurs affaires, mais chacun d'eux prenoit diuersement son plaisir en ces villes-là, s'aprouchant ce pendāt & Charles viij. & Louys xij. chacun de demy journée de la nostre. A la suite d'eux, François premier franchit le pas plus hardiment: Car il laissa tout le pays de Touraine & Blesois pour se loger és environs de Paris, tant à Fontaine-bleau que saint Ger-

Comme Paris s'est remis sus.

main en Laye. Et apres luy Henry deuxiesme son fils, s'y aima plus que nul de ses deuanciers, qui nous apporta grand lustre; & successiuenēt Charles ix. pour la necessitē des troubles fut cōtraint de s'y habiter. Mais entre tous les Rois il n'y en eut iamais vn qui s'y aimast tant que le nostre à present regnāt. Ce qui a apportē vne grandeur admirable en l'augmentation du peuple, & des bastiments, de telle façon que toutes choses semblent estre parueniēs à leur dernier essay, tant pour la vente des offices, mariages de filles, que loiiages de maisons. Qui me fait presque desier de nostre fortune à l'aduenir. Les Musiciens nous enseignent que quand nous sommes aux extremitēz de la gamē, il faut venir aux muāces. Il n'y a point plus assēuré instrument de ce changemēt que vne longue trainēe de guerres ciuiles. Et à la mienne volōtē que nous-nous puissions faire sages par l'exēple de noz ancestres, pour destourner cest orage de nous. C'est le comble de mes souhaits. Quant au surplus il me plaist de clorre ceste lettre par vne honneste commemoration que vous ne trouuerez hors de propos. Nous enuoyons noz enfans en Italie pour apprendre leur entre-gēt, & plusieurs nobles exercices qui s'y trouuent selon la diuersitē des villes: & ie veux qu'on sçache, car il est vray, que nostre Paris, est tout vn pays d'Italie racourcy au petit pied, n'y ayant exercice de corps ou d'esprit delà les monts, qui ne se pratique dedans l'encloz de nostre ville. A Dieu.

*Paris est vn
racourcis-
sēmēt de tou-
te l'Italie
au petit
pied.*

A Monsieur Loisel Aduocat au Parlement.

VELQUE chose que vous en pensiez, vous
 serez tres-mauuais garend de mon entrepri-
 se. Croyez que celuy a grand aduantage sur
 son compaignon, qui en ce temps miserable & cala-
 miteux se tient cloz & couuert dedans sa maison. Ne
 scauez-vous la diuersité d'arguments que ie traite,
 qui sont autant d'esmorches de mescontentemens
 d'vns & autres? Les opinions des hommes sont trop
 diuerses, pour se conformer en tout & par tout aux
 miennes: A l'un desplaira le seul titre, comme chose
 nouvelle & inacoustumée en la France de traiter su-
 jets de merite par lettres: L'autre m'improperera que
 ie faiz le contraire de saint Hierosme, lequel appelle
 quelque-fois liures des Epistres qui ne contiennent
 que trois fucillets, & qu'au contraire i'appelle let-
 tres, telles qui sont vraiment des liures. Ne confide-
 rant pas que saint Cyprian s'est donné le mesme pri-
 uilege: ayant fait passer souz le nom d'Epistres les
 plus beaux sermons qu'il feit iamais. Cestuy, que ie
 discours des matieres non conuenables à misliues,
 & qu'il y en a quelques-vnes qui ne serapportent,
 ny à mon estat, ny à l'aage auquel ie les escriuirois,
 estant plustost vne histoire de mes humeurs, que
 de mes aages. Et quelque sage-mondain adioustera
 que ie parle trop hardiment du temps, de l'estat, des
 maisons. Brief autant de testes, autant d'opinions.

*il discours
 la diuersité
 de iugemens
 que l'on fe-
 ra de ses
 lettres.*

Encontre tous ces controuleurs ie n'ay autres armes pour me parer, sinon de leur dire en vn mot, Mes amis ie n'ay entrepris de vous contenter tous en general, ains vns & autres en particulier, & par especial moy-mesme. Mais sur tout il me semble voir quelque Cinge qui en ses communs propos fera la mouë à mon ceuvre, lequel sera bien aise d'en faire son profit, & employer mon labeur pour sien, mettant la main à la plume. Et à cestuy ie ne puis autre chose respondre sinon que vrayement il aura victoire de moy, comme celuy qui n'apportera plus de mes-

*Combien les
opinions des
hommes sont
difficiles à
contenter.*

contentemēt que nul autre. Mais voyez ie vous prie comme les affaires vont en matiere de liures. Ayant fait imprimer mes Epigrammes Latins, ie vey peu de gens ausquels ils ne fussent agreables: toutes-fois quelque personnage mien amy qui voulut faire l'Aristarque, m'admonnesta que ie ferois beaucoup mieux pour moy, si tout ainsi que les Iardiniers ressepent & elaguent de leurs arbres, plusieurs branches superflues, pour donner plus longue vie au tige, aussi i'ostois plusieurs petits Epigrammes qui ne seruoiēt que d'estoufer les meilleurs. Encores que ie sois du nombre de ceux que l'on met quelquefois entre les Poëtes, & qui en ceste qualite deuois flater mes conceptions, si me laissay-ie lors aller à l'opinion de ce grand Censeur. Et de fait à son instigation ie commande de faire le procez à mes Epigrammes, & en condamne plusieurs à tenir prison perpetuelle dans mon cabinet quand on les reimprimeroit. Je com-

munique

munique ce mien iugement à vn autre de mes amis qui auoit l'esprit moins hagard que le premier, lequel me conseil le d'en suspendre l'execution. Me donnant nommémēt aduis de mettre deux de mes liures és mains de deux honnestes hômes, pour retrancher diuersement & à parr, ce qu'ils penseroient estre sujet à retranchement. Je pratique encores ce conseil, & prie deux de mes amis de me sinder. Mais il leur en prit comme aux trois conuiues d'Horace, qui se trouuerent chacun de diuers apetits: aussi ce que l'vn des deux trouua bon fut condamné par l'autre, & au contraire ce qui fut agreable à cestuy despleut au premier. Au moyen dequoy en ce bigarrement d'opinions, ie feiz cest arrest en moy de ne supprimer aucuns de mes Epigrammes à la seconde impression. Les foibles seruent de feuille aux plus beaux. Estant l'esprit beaucoup plus retenu en la lecture d'un liure, quād on le trouue balancer, tantost en sujets riches, tantost en moindres, que lors que toutes choses vont d'un mesme fil. Voyez vne cōpagnie de Damoiselles, qui toutes soiēt belles en perfection; vous ne sçauiez sur laquelle asseoir principalement vostre veuë. Qu'il y en ait quelques vnes moins belles, en l'assortissement du plus avecques le moins beau, vous trouuez beaucoup plus dequoy contenter, & vostre esprit, & voz yeux. Senèque ne se faict pas manier par tous, d'autant que d'une mesme teneur, il est perpetuel en sentences, ne donnant loisir au lecteur de reprendre son haleine. Au contraire

*Pour plaire
au lecteur,
il ne faut
pas estre
tousiours
rendu à
l'auersus*

*Senèque ne
se lit pas par
tant de gens
que Plutar.
que et pour
quoy.*

Plutarque pour n'estre rousiours rendu en haux sujets, se lit par toutes sortes de personnes. Ceste consideration a fait que j'ay pensé de mettre indifferemment routes mes lettres en lumiere. Et peut estre aduiendra-il que celles dont ie fais moins de compte, seront les mieux recueillies. Ainsi quel'on dit estre autrefois aduenü à Iean Boccace, duquel le Decameron a esté beaucoup plus honoré par la posterité, que son Philocope & autres œuures dont il faisoit plus d'estat. Or quel que soit mon liure, ie le vous enuoyeray soudain qu'il sera acheué d'imprimer. Je m'assieure que trouuerez plus de fautes en l'impression que ie ne voudrois. Car quel liure peut on imprimer de nouueau qui n'y soit infiniment sujer? L'on enuoie à l'Imprimeur les copies les plus correctes quel'on peut. Qui passent premierement par les mains du Compositeur. Ce seroit certes vn vray miracle, que sans faute il peust assembler toutes les lettres: C'est pourquoy on luy baille pour controleur vn homme qui prend le titre de Correcteur, auquel on presente la premiere espreuue. Cestuy pour l'opinion qu'il a de sa suffisance, se donne quelquefois iurisdiction sur les conceptions de l'auteur, & en les voulant rapporter aux siennes, les interuertit: & ores qu'il ne se done ceste loy, si est-ce que son œil se peut escartter. Qui est la cause pour laquelle on a recours pour la secõde espreuue à l'auteur, mais, ou du tout on ne le trouue point, ou si on le trouue c'est au milieu d'autres empeschemens, pour lesquels il

*Combien il
est aisé de
faire des
fautes aux
imprimeurs.*

ne peut auoir l'esprit bien rendu à ceste correction: Voire que quand il seroit en pl. mes vacations, il luy est fort aisé de mesprendre, comme celuy qui relisant ce qu'on luy apporte, pêle le lire tout ainsi qu'il l'auoit couché par escrit. Voilà pourquoy ie vous prie, ou excuser, ou supleer les fautes de l'impression. Au demeurant ie ne veux oublier de vous escrire que cinq ou six sepmaines apres que mes lettres furent sur la presse, mes Dames des Roches feirent imprimer vn petit Recueil, portant aussi le titre d'Epistres, esquelles vous voyez plusieurs belles fleurs & gentillesces d'esprit. C'est la seconde fois que Madame des Roches fille, & moy, sommes sans y penser rencontrez en mesmes pensées; la premiere, au Poëme de la Puce, & maintenant en la publication de noz lettres. Et vrayement ie ne seray iamais marry de symboliser avec celle que i'estime & honore infiniment entre les belles, honnestes, & vertueuses Dames de la France. A Dieu.

En Avril 1586.

Oooo ij

F I N.

Extrait du Priuilege.

PAR grace & Priuilege du Roy il est permis à ABEL L'ANGELIER, Libraire iuré en l'Vniuersité de Paris, d'Imprimer ou faire Imprimer vn liure intitulé, *Les Lettres d'Estienne Pasquier, Conseiller & Aduocat general du Roy en la Chambre des Comptes à Paris*: & est defendu à tous Imprimeurs & Libraires de n'imprimer lesdites Lettres sur peine de confiscation desdits liures & d'amende arbitraire, comme plus amplement est declaré és lettres. Donné à Paris le septiesme iuin mil cinq cens quatre vingt & six.

Par le CONSEIL. *Signé,*

TARON.



TABLE DES CHOSES PRINCIPALES ET PLUS ME- MORABLES TRAICTEES EN CES dix liures d'Epistres.

Le chiffre denote le fucillet, & les lettres ab;
la premiere & seconde page.

A

A ges des troubles de la France. 308. a.	il est declaré innocent de la mort de Monsieur de Guise. 127. b
selon la diuersité de noz aages il est bien scaut que nous representions diuers personages. 182. b	en quel estat il fut trouué par le seigneur de Toré. 134. a
royaume des Abeilles. 299. b	il est vaincu par nostre ieune Duc d'Anjou. 150. a
le Roy des Abeilles n'a point d'aigillon. 300. a	occu à Paris. 152. a Sa vie & deportemens. 153. 154. 155.
Accord fait entre Messieurs le Prince de Condé, & de Guise. 95. a	l'Admiration de quel effect est au ieune homme. 267. a
Acheminement au siege d'Orleans. 113. b	Aduenement du petit Roy François à la couronne. 88. a
Acheminement au siege de la Rochelle. 157. a	l'Aduocat en quels subiects de causes se doit principalement adonner. 161. b
A Dieu, mot dont nous vsons en François prenans congé de bouche. 2. b	l'estat d'Aduocat est meilleur & plus seur qu'un office de iudicature. 109. b. 210. a. b
l'Admiral se ioint à l'Anglois, duquel il reçoit argent. 113. b	le ieune Aduocat doit avec toute soumission se rendre auditeur. 266. b
ilecrit vn manifeste touchât le meurtre commis en la personne de Monsieur de Guise. 124. b	l'Aduocat quel doit estre. 267. a
	la premiere piece de l'Aduocat est d'estre proué l'homme. 267. a

T A B L E.

<i>L'Adueat doit estre courtois.</i>	167.b.	<i>Alienatib du bien de l'Eglise.</i>	125.126.
<i>Et modeste.</i>	168. a	<i>L'Allemand parlant Latin est malais-</i>	
<i>L'Adueat plaidant est aucunement ex-</i>		<i>simement entendu du François.</i>	66. a
<i>cusale en ses passions.</i>	168. a	<i>les Allemans appellerent le Roy à leur</i>	
<i>Aduecats anciens commençoient leurs</i>		<i>secours contre l'Empereur.</i>	17. b
<i>plaidoyers par quelque passage de la</i>		<i>Raphrnius l'arue sage Senateur de Ro-</i>	
<i>saincte scripture.</i>	47. b	<i>me.</i>	102. b
<i>4. grands Aduecats appelés aux grāds</i>		<i>le duc d'Albe enuoié en Flandre par le</i>	
<i>Estats pour leurs vertus.</i>	112. a	<i>Roy Catholique.</i>	132. b
<i>2. Adulteres, l'un commis, l'autre que</i>		<i>l'Amans auant la iouissance n'est ja-</i>	
<i>l'on vouloit commettre furent cause</i>		<i>mais assésuré.</i>	17. b
<i>de perdre l'estat de Rome à ceux qui</i>		<i>l'Amans ne peut estre si assésuré qu'il</i>	
<i>le possédaient.</i>	175. b	<i>reçoie vn parfait contentement.</i>	
<i>les Affranchissemens graduels, Et par</i>			19. a
<i>lesquels on fault d'un degre à l'autre</i>		<i>les points de l'Ambition plus forts que</i>	
<i>sont dangereux.</i>	98. a	<i>de l'amour.</i>	11. a
<i>L'Afrique a produit des plus grands</i>		<i>s'il y a de l'Ambition aux bestes.</i>	
<i>Docteurs de l'Eglise.</i>	10. a		298. b
<i>Agatocle paruint par sa meschanceté à</i>		<i>l'Ambition des François est vne espar-</i>	
<i>estre Ray de Sicile.</i>	218. b	<i>gne inexpuisable pour noz Rois.</i>	
<i>Agésilas Roy de Sparte fut vn iour</i>			319. b
<i>surpris faisant de l'enfant avec ses</i>		<i>l'Amour de l'homme est comme le mi-</i>	
<i>enfants.</i>	58. b	<i>roier.</i>	189. b
<i>Agnes Sorelle, c'est celle que noz Anna-</i>		<i>lien d'Amistie entre les bestes.</i>	295. b
<i>les appellent la belle Agnes.</i>	79. a	<i>L'Amour n'est iamais sans crainte.</i>	
<i>monsieur d'Angremont recommandé</i>			17. a
<i>par monsieur le premier President.</i>		<i>l'Amour des peres enuers leurs enfans,</i>	
	186. a	<i>quelle suite porte avec soy.</i>	198. b
<i>Alain Chartier contemporain de Ni-</i>		<i>Amphion Musicien excellent.</i>	34. b
<i>colas Oresme.</i>	42. b	<i>Amulius Roy d'Albe fut tué par Ro-</i>	
<i>Aleiat a escrit en Latin des Epistres.</i>	4. a	<i>mulus Et Remus ses nepueux.</i>	269. b.
<i>Alegations reprochées par l'auteur.</i>			170. a
<i>122. a. Et d'où vient ceste nouuelle</i>		<i>Amurath prit les villes de Philippo-</i>	
<i>forme d'eloquence qui gist en scolles.</i>		<i>li Et Adrinapoli.</i>	313. b
	123. a	<i>Anagrammes François.</i>	249. a
<i>Alexandre souhaitoit apres auoir sub-</i>		<i>d'Andelat delaisié à Orleans pour y</i>	
<i>ieugé vne partie de l'Vniuers, en</i>		<i>commander.</i>	119. a
<i>subiuguer d'autres.</i>	11. a	<i>Androgine fleurée par les anciens.</i>	57. b
<i>la vie d'Alexandre escrete en vers de</i>		<i>Anglois chassés de France du temps de</i>	
<i>douze syllabes.</i>	53. b	<i>Charles septiesme.</i>	13. b
<i>Alexandre receut grand heur d'estre</i>		<i>l'Anglois se feit maistre d'une par-</i>	
<i>mort icune.</i>	218. b. 219. a	<i>tie de la France.</i>	314. a

T A B L E.

bons offices prestez par les citoyens	172.4	Apollon favorisa toujours le party	219.4
d'Angoulême à nos Rois.		à Troyen.	
privileges octroyez à ceux d'Angoulême.	173.4	Apprendre les choses par cœur, dont vient ce mot.	290.4
calamitez que la ville d'Angoulême a souffertes pendant nos troubles.	173.6	sçavoir si les Arbres ont quelque estincelle de sens.	291.6
Angoulême receptacle des ancestres de nostre Roy.	279.6	le seigneur d'Arduilliers a escriit des poëtes.	31.4
Anguerant de Marigny eut une fin honteuse.	218.6	Aristote auteur Italien de grand bruit.	8.4
sçavoir si les autres Animaux sont participants de la raison.	291.4	Aristote venu au secours des Sequanois, s'empara du plus beau de leur territoire.	313.4
combien les autres Animaux abondent en prudence.	294.4	Aristides devant le peuple d'Athenes s'opposa au conseil de Themistocles.	124.4
seus les autres Animaux naturellement plus continens que l'homme.	295.6	Aristote grand personnage. 6.4. pour la plus grand part traduit en nostre vulgaire. 41.6. sa sentence.	48.6
sçavoir si les autres Animaux sont sensibles en leurs especes.	297.4	Les armes au commencement des monarchies sont plus en vogue que les lettres.	10.6
monheur le duc d'Anjou Lieutenant general de France.	144.4	Arrest donné en faveur du Prince de Condé demandeur en declaration d'innocence.	94.6
Annibal Carthaginois vaincu par le ieune Scipion.	130.4	Arrests tenuz la veille des Rois en la maison de l'auteur.	39.4
Anniba sentit grand malheur par la longueur de sa vie.	219.4	Asile basti par Romaine.	271.4
Antioche Roy de Macedone prend à sa soldes les Gallogrecs.	23.4	si l'Assassin commis en la personne de son ennemy est excusable, double opinion.	114.4
Antiquités de Rome à quoy nous devons servir.	197.6	Assemblée premiere oii fut faicte la resolution de prendre les armes pour la religion.	89.4
Antoine Carraculi extrait de la famille de Melles Evêque de Troye.	100.6	Assemblée des estats dans Orléans.	95.6
Antoine Fontanon Advocat en la Cour de Parlement.	25.4	Assemblée à Fontaine-bleau sur la police de la France.	9.6
Avril mois fatal pour nos troubles.	184.6	Assurance n'y a aucune en amour.	16.6
L'Apogee du duché d'Anjou a esté brisé de produire des Rois.	158.4	Il faut estre avareux de son bon-	
Apologie de la Main.	227.6		
Aspin Cladius abusant de son autorité communale.	275.6		

T A B L E

neur.	268. b	Bayonne ville fatale à l'estat.	117. a
monsieur Aubery Lieutenant civil de cette ville.	212. a	du Bellay poëte François excellent.	13. b
des Auenelles Aduocat descouure la censuration.	89. b	Bellovese conducteur des Gaulois en Italie.	23. a
Augures de Rome.	292. a	Bembe a escrit des lettres en Latin.	32. b.
Auguste harenquant ses soldats, les appelle ses compagnons.	102. b	Beranger Comte de Provence, poëte ex- cellent.	44. a
empesché par ses domestiques d'estre heureux.	219. a	à Bertrand Cardinal les seaux sont assez.	88. b.
S. Augustin Docteur Africain tres- sçauant. 10. a. son liure de la Cité de Dieu traduit en nostre langue vulgaire.	41. b	Bestes brutes plus fauorisées de nature quel l'homme	289. a
d'Amale porté par terre, & fort friissé.	117. a	Bestes mises au rang des Dieux par quelques peuples.	292. a
pourquoy il estoit fort aisé à la noblesse d'Auvergne de se licentier extraor- dinairement.	202. a	les Bestes non ingrates.	293. b
		les Bestes capables de honte & pu- deur.	294. a
		les Bestes s'entendent assez entre elles par leurs voix.	302. a
		la Bible traduite en nostre vulgaire.	41. b

B

la B	Arbarie par quel moien s'est logée entre nous par plusieurs centaines d'ans.	10. b	Bibliothèque de Monsieur de la Croix du Mans.	276. b
Barberousse general des Galeres du grand Seigneur.	213. b	Biens d'Eglise alienez iusques à trois millions de liures.	125. a	
les Bardes manioient la Theologie & Philosophie des Gaulois.	24. a	les Bigarrures, liure de Monsieur Ta- bourat.	245. b	
le Basly & Preuost d'Orleans mis prisonniers.	91. b	BiZance depuis appellée Constantino- ple.	24. a	
Bataille de Dreux.	116. b	Brennon conducteur des Gaulois en Ita- lie	23. a	
Baltazar de Chastillon auheur Italien celebre.	3. a	Bretaigne la grand' apprenoit à orner son langage sur nostre patron.	5. b	
le Baron des Adrés commet toutes sor- tes de cruauté contre les Catholi- ques.	115. b	le Brezil, & les mœurs des Breziliens.	63. b. 63. a	
quand on vient au Barreau, on y doit apporter vne bonne volonté avec vne continue.	266. a	Brissac Marechal de France, Lieutenant dedans Paris.	124. a	
Bataille de S. Denis donnée la veille saint Martin 1567.	139. a	monsieur Brissot à recueilly les Formu- les des Romains. 256. b. Il dresse par le commandement du Roy le Code Henry.	256. a	
		la Brosse vieux capitaine, tué.	117. b	
		Bruits		

TABLE

droits nouveaux de troubles 1585.	les vieux Capitaines qui ont eue
307. a	grande fortune, d'auant craindre de
Brillot Procureur general du Roy s'op-	s'abriter aux ieuces. 143. b
p. se aux reuerendesses des esuites. 129. a	Caprices de Jean Baptiste Gella. 7. b
Brutus ingrat son fils a mort, & fut	Carafe neveu du Pape Paul Thea-
pe. tateur de son supplice. 271. b	rin est de capitaine saint Cardinal.
Bocace auteur Italien bien renommé.	83. a
8. a	le Cardinal de Lorraine constitué souuer-
Bonamico a escrit des lettres en Latin.	rain apres le Roy. 30. a
32. b	le Cardinal de Lorraine porte la parole
Bourbon met le siege deuant Rome. 24. a	au colloque de Poissy. 98. b
Bourdillon Marechal de France, &	le Cardinal de Lorraine presche en no-
gouverneur de Piedmont. 171. b	stre Dame, & à saint Germain de
du Bourg Conseiller au Parlemēt, bruslé.	l'Auxerrois. 114. b
88. b	le Cardinal de Tournon vieux rouiller
Bourges remis en mains du Roy. 115. b	en affaire d'estat. 98. b
les Bourguignons quand & pourquoy	le Cardinal de Tournon fait que les
ils chasseroient leur Roy de leur royaume.	lesuites sont receuz en forme de so-
37. a	cieté & collegiant seulement. 129. b
Bourgogne promise à l'Empereur par	Carloman & Louys pourquoy ont esté
le traitté de Madrie. 171. a	tenus pour bastards. 58. a
Budé a escrit des epistres en Latin. 2. a	Carneades enuoié des Atheniens am-
	bassadeur en la ville de Rome. 253. b
	Cartel de deffy. 9. b
	Cassiodore a escrit des Epistres. 1. b
	Castelnau pris & executé à Amboise.
	89. b.
	Catherine Roine de France supplie le
	Roy de se deporter de la iouste. 87. b
	Caton le vieil n'apprit le Grec que sur
	son dernier age. 8. a
	Caton n'estoit moins seul, que quand il
	estoit seul. 36. b
	Caton redoutoit autant que Pompée
	vint au dessus de Cesar, comme Ce-
	sar de Pompée. 111. a. b
	Caton pourquoy erigea l'estat du pre-
	teur de Rome. 109. a
	la Cause contre l'vniuersite & les le-
	suites traitée au Parlemēt. 128. a
	la Cause, mot entre les Huguenots pour
	leur entreprise. 146. b

C

C Latin combien diuersement se pro-
nonce. 71. a
Calain reprise par Monsieur de Guise. 84. b
Calomnie est à craindre sur toute chose
en tous grands iours. 205. a
Camillus chastia la trahison du peda-
gogue des enfans des Faleriens. 124. a
Il eut le milieu de sa fortune tranuer-
siere. 218. b
fut banny prenant qualité de dictateur
donné à dōx aux Gaulois, & les
defensit. 282. a
le Canon Sufficiat comment se doit
entendre. 59. b
Capitaines & Lieutenans esleuz à Pa-
ris en chaque diuine. 114. a

PPPP

T A B L E.

Causés solennelles & toutes publiques plaidées par Pasquier.	227.b	ne d'Espagne.	127.b	
Centeniers constitués par le Roy dans la ville de Paris.	133.b	harassé de faim & de la longue traite, se retire à Paris.	134.b	
la Ceinture est quittée par celui qui fait cession de biens.	81.b. 82.a	Charles de Marillac Archeuesque de Vienne.	95.b	
Cesar Borgia & son pere empoisonnez.	274.a	Chassabee dit que le mois d'Aoust luy auoit esté heureux.	184.a	
les Champs delectent seulement pour la premiere rencontre.	321.a	Chauueau Procureur en la Cour de Par- lement.	75.b	
Changement de la volonté du Roy de Navarre contre les Huguenots, & pourquoy.	107.a	Cheualiers de l'ordre de S. Michel créés par François. 2. & la cause	90.b.	
Chapperon pour bonnet, Chapperonner pour bonnetier, & deux testes en vn Chapperon.	81.b	Cheualiers du saint Esprit institués par nostre Roy.	184.a.b	
que la Charité est entre quelques ani- maux.	292.a	le Chien se rend aisément intelligible entre nous.	302.b	
Charlemagne Empereur de Rome.	24.	Chilperic petit fils de Clouis escriuit plusieurs liures en vers Latins.	43.b	
a. Il fut fort docte.	43.b	Chirromanchie.	241.b	
Charles Monsieur contraint se conten- ter de la Guyenne, au lieu de la Normandie.	171.a	Chirurgie d'oü diste.	243.b	
Charles Empereur cinquiesme vient mettre le siege deuant Mets.	20.a	Ciceron a escrit des epistres. 1. a. Il ne fut destourné d'escrire en sa langue.	5.a. combien qu'il se fust rendu admi- rable entre les Grecs.	6.b
sur ses vieux iours choisit vne vie sa- litaire.	21.b. & 83.a	par ses vertus monta aux grāds estats.	218.b	
il fut contraint se retirer de deuant Mets avec sa courte honte.	157.a	disoit de sa langue tout ce que cōtesai- soit Roisim de ses gestes.	241.b	
il ceda à la fortune de Henry deuxies- me.	149.a	luy & Pline se recommandent pour estre celebre par les historiens.	277.b	
Charles comte d'Anjou, Roy de la Pouille & Sicile.	152.a	les Cicongneaux nourrissent leurs peres & meres affaiblis de vieillesse.	292.b	
Charles cinquiesme Roy de France pre- nost les villes en iouans de sa plume.	38.a	Cimbalum mundi composé par Bo- nauenture du Perser.	246.a	
il fit tomber l'Euesché de Lisieux à Nic. Oresmo pour recompense de ses labeurs.	42.b	Cinnat pour la diuersité aimoit la vie champestre.	35.b	
Charles huitiesme a fait trembler Ro- me.	24.a	les Cingés de Rabelais.	15.a	
Charles neuuesme visite sa sœur la Rei- ne.	24.a	Cingés, qui veulent à faulx enseignes paroistre grands aux despens des œu- res d'autrui.	316.a	
		Cimon Athenien par les instructions de Socrate paruiet au degré de Philo-		

T A B L E.

loſophie.	7.4	le Concile general clos & arreſté par la
Circe ſorciere.	234.b	diligence de Monſieur le Cardinal
Circe de Iean Baptiſte Gello.	7.b	de Lorraine.
Citadelle erigee à Orleans & Lyon.		ſçauoir ſ'il eſt bõ de venir par nouveau
127.4		Concile pour la recouſtation des
L'inuention des Citadelles eſt plus per-		deux religions qui ſont par la Fran-
nicieuſe que profitable à l'eſtat.	137.b	ce.
Clairmont ſiege Epiſcopal d'Auver-		309.4
gne.	211.4	Conneſtable de Luxembourg du temps
Claude Sceiſſel Eueſque de Marſeille a		du Roy Louys xi. 152.4. condam-
fait pluſieurs beaux liures.	76.b	né à la mort.
Cloſture de noſ lettres franuiſes.	1.b	79.4
Cloſ du Tolomei grandemēt eſtimé pour		monſieur le Conneſtable deſſaut par le
ſes epiſtres.	32.b	Duc de Sauoye.
le Code traduit en vieux langage fran-		149.4
çois.	41.b	arriué à Paris, ce qu'il y faiſt.
Code Henry, contenant les ordonnances		110.b
de France.	256.4	Chef principal de l'armée pour le Roy.
le Coleric eſt fort aiſé à appaiſer.	203.4	138. b. pris à la bataille de Dreux.
deux Coleriques ne doiuent eſtre mariés		117.4. bleſſé. 139. b. ſa mort & ob-
enſemble.	15.b	ſèques.
College des Dormans, autrement de		140.4.b
Beauuau.	26.b	il eut le milieu de ſa fortune trauer-
Colloque de Poiſſi de grand parade &		ſiere.
peu d'effect.	98.b	218.b
Colonies qui eſſaient enuoyees par les		Coniuration contre l'eſtat eſt malaiſe-
Gaulois à la conqueſte de nouveaux		ment menée à fin.
païs.	280.4	89.4
Combat de Iarnac & la Chaſſigneraye.		Conniſſance des iuges du pair.
87.4		205.b.
Commencement des lettres de noſ an-		Conſeillers de la Cour de Parlement
ceſtres.	25.b	mis en priſon.
Commencemens apres & faſcheux		87.4
prediſent vne fin deſeſpoir.	26.4	Conſeillers de Parlement deleguez par
Commencement dans Paris de la ruine		les prouinces, pour faire executer l'e-
des Huguenots.	102.4	diſt de pacification.
Commencement des troubles de la Flā-		123.4
dre.	131.b	Conſeil que l'auteur a ſuiuy en ſes a-
Commencement des troubles de l'xviij.		liens.
133.b		216.b
tirer Commodité de ſes incommodités,		Conſeils des Princes rendus illuſoires
eſt belle choſe.	320.b	en ce nouveau remuement de religio.
		107.4.
		le Conſentement des peres & meres ſil
		eſt requis aux mariages des enfans.
		56.57.
		Conſtantin le grand ce que ſit apres la
		concluſion du Concile de Nice.
		97. b
		Conſtantinople priſe par noſ Bau-
		douins Comtes de Flandre.
		24.4
		Conſtans a eſcrit des lettres en latin.
		32.b
		la Contemnemēt fait mettre à noucha-

la Discipline publique fut en grande recommandation dans Rome.	276. a	ce de la religiō nouvelle, 97. a. b. 98. a	Edict de l'annuier de l'an 1561.	104. a
Discipline guerriere entre les bestes.	293. b	Edict de Pacification de l'an 1562.		122. b
Discours gaillard sur les passions d'amour.	183. b	Edict premier sur l'alienation du bien de l'Eglise.		125. a
le Desdain fait part de l'amour.	184. a	Edict de la subuentiō des proceſſ.		126. a
Disons de l'auteur pour son tableau.	228. a. & 234. a	l'Edict de Pacification en Mars 1568.		144. a
la Diversité de nos anciens loix avec le droit des Romains, d'où vient.	260. a	Edict des consignations des proceſſ que l'on vouloit renouueller.		224. b
Divisions de la France sous diversité de noms partiels.	178. b	l'Edict de Pacification qui fut fait en Iuillet 1585.		319. a
Domaine de la couronne sacro-sainct.	169. a	l'Elefant & le Coq semblent auoir quelque instinct de religion.		292. a.
Docteur ouvrier propre aux enfans.	262. b	republique des Elefants.		298. a
Dragut Reis general des galeres du grand Seigneur.	218. b	Eliſabeth fille aînée du Roy Henry 2. mariée à Philippe par procureur.		85. b
les Druides manient la Theologie & philosophie des Gaulois.	24. a	Elze Latin & François fait de Paschal.		27. a
le Duc d'Orne & Comte d'Aiguemont decollé.	132. b	l'Empire de Rome transporté par Constantin en la ville de Bizance.		24. a
les Ducs & Comtes tant de la France que de l'Italie, dont se sont faits.	314. b	quelques Empereurs se sont aimés à Paris.		322. b
en Duels à qui appartient le bois du champ & des armes.	287. b	Enfans de Monsieur le premier President de Tois.		217. a

E

Edict des mariages, qui en fut le motif.	55. b	Enfans ne sont produits par les gens d'esprit semblables à eux, & pourquoi.		49. a
Edicts pour mettre ordre contre les heresies qui pulluloient en la France.	88. b	Ennodius a escrit des Epistres.		1. b
Edict de l'imposition des cinq sols pour mu.	96. b	Epigrammes de maistre Antoine Marin.		228. b
Edict du 25. Iuillet 1561. sur la souffrance.		Epigrammes Latins de l'auteur dediées à Monsieur le premier President.		219. a. & 226. a
		Epistres escrites par grands personna-		1. a
		ges.		1. a
		Epistres amoureuses mises en lumiere par l'auteur sans l'inscription de son nom.		182. b

Epitaphes de Monsieur le premier President.	218. a	vous.	313. a
Erasmus a escrit des Epistres en Latin.		Estude de Monsieur le premier President.	215. b
2. a. son iugement touchant les Epistres.	32. a	les Ethniques semblent auoir appris des bestes les premiers rudiments de la religion.	296. b
Erection des sieges Presidiaux de Clairmont & Beauuois 1582.	225. b	Euocations du propre mouuement des Princes de quel dangereux effect sont, & comme elles ont prû leur ply par la France.	180. a
Eschile tué au milieu des champs d'une tortue.	38. b	dont nous auons empruntées les 2. Euocations du propre mouuement.	182. a
Escoles Grecques & Latines necessaires.	8. a	les Euocations & abolitions sont à craindre en matiere de grands iours.	206. a
L'Escriture est comme l'image de la parole.	74. b	Exercice à porte ouuerte, de la nouuelle religion.	99. a
Ecrire par liures expres contre les auures d'autrui, c'est vne chose pedantesque.	283. b	Exheredation des enfans.	37. a
Esmond Auger & Maldonnat doctes Iesuites.	130. a		
Esprit infatigable de Monsieur le premier President aux affaires du Palais.	216. a		
Esprit Romain, pour celuy qu'on appelle maintenant en cour, homme déterminé.	275. a	F abricius renuoya à Pyrrhus son medecin.	124. a
Escavoir si l'Esprit gist au cœur ou au cerueau.	290. a	les Faceties de Bonauenture du Perier.	246. a
noſ Esprits sont faictz à la semblance & image de Dieu.	36. b	Fanfanes de langage propres à qui.	5. b
ce qui est requis pour l'Etablissement d'une grande ville.	322. a	Fatalité qui s'est trouuée in noſ troubles.	133. a
L'Estat de premier President de Paris de quel estoffe & grandeur.	208. a	choſe Fatale aux Ducs d'Anjou, d'estre Rois.	158. a
Estats tenus à Orleans.	95. b	monsieur Faucher doctre homme en nostre siecle.	278. a
quel fruit apporte en France l'assemblée des Estats.	95. b	Faute grande d'auoir rompu la paix de 68. ou de n'auoir mieuz executé la rouverte.	145. a
les grands Estats ne se doiuent enuier par vn homme de bien en temps calamiteux.	208. b	Faute que les Aduscats commettent au barreau messans les deux droicts ensemble.	259. b
3. Estats qui reluisent principalement entre nous.	266. a	Fautes commises par le Prince de Condé au commencement des troubles.	110. a
les Estrangers que nous appellons à nostre secours se font en fin maistres de			

T A B L E.

les grandes Fautes sont faictes par les grands hommes.	209.4	Formulaire d'arrest de Monsieur le pre- mier President.	216.4
Fautes qu'on impute à Monsieur le pre- mier President.	219.6	Formules de parler venues de la main.	243.4
les Fautes de la vieillesse.	226.6	Formules des Romains recueillies par Monsieur le President Brisson.	256.6
combien il est aisé de faire des Fautes aux impressions.	329.6	Fortifications de Paris se sont tournées en forme de taille.	219.6
la Femme doit ployer sous le mary.	15.4	Fortune heureuse qui s'est rencontrée en nostre Roy portans lors le tiltre de Duc d'Anjou.	149.4
la Femme est faible de corps & d'entē- dement.	60.6	belle & admirable Fortune de Mon- sieur le premier President de tous sens.	218.4.6
la Femme perd beaucoup plus que son douaire, quand elle fait perte de son honneur.	62.6	bonne Fortune de l'auteur contrebala- ncée par la mauuaise.	320.4.
les Femmes ont plus de commandemēts sur les princes que nuls autres.	39.6	diuersité de Fortunes des hommes illu- stres.	218.6
les Femmes à Rome en la perpetuelle tu- telle des hommes.	262.6	la Fourmy enterre celle qui est morte.	292.6. la republique des Fourmys.
Ferdinand Roy des Romains.	21.6	299.6	
Fen des troubles de lxi. allumé gene- ralement par la France.	112.4	France anciennement appelée Gaule.	5.6
Fierté de S. Remain.	230.6	François, c'est à dire franc & libre.	3.6
la Fieure quarte pourquoy souhaittee entre les François pour grande mau- dison.	306.4	le François ne se peult en beaucoup de choses rapporter au Latin.	4.4
Fleurs de Rhétorique, sont appelées par quelques-uns de mensonges de verité.	11.6	le François n'a telle variété de mots que le Romain & le Grec, & la cau- se.	4.6
les Fleurs de nos esprits surpassent celles des saisons.	226.6	le François est auioird huy appris des estraniers.	6.4
la Flandre pays fatal à n'estre remis sous l'obeissance des François.	132.6	les François s'emparent de nos Gaules.	24.4
monsieur de Foix Archeuesque de Tholose.	199.4	natrel du François.	84.4
la Folie du temps qui court de prendre un amy qui nous seconde en nos com- bats.	305.6	le François de sa nature est curieux de nouuelles.	25.6
les Forces croissent par l'obiet.	40.4	François premier du nom pieux excellent.	47.4
Forme de vers esquels l'Echo est repre- sentee.	247.6	il fut blecé en la teste par l'escuyer de l'Orges.	86.6
Forme ancienne des plaideyries de Frā- ce sur leur commencement.	47.6		

Frontispices de nos Lettres Françaises.

des Rois.

149.4

1.b

La Germanie florist à presens en toutes
forces de disciplines.

10.b

G

Gury tué a la bataille de Drcux.

117.4

En Latin prononcé diuersement

les Grammaticiens se font apres que les

72.2

langues sont paruenues a leur perfec-

Gabaston & Rougeaureille menent par
troupes-prisonniers les Catholiques.

tion.

75.4

103.4

les Grammaticiens anciens comme cen-

Galere Maximian & Constance Em-
pereur.

seurs auient la charge sur les liures

103.b

que l'on diuulguoit.

75.4

Gallogrece conquise & habitee par les
Gaulois.

Grammont remue toute la Guienne.

109.b

Gallogrecs issus de l'ancien tige des
Gaulois.

le Grand & Pietre medecins de Paris,

morts.

285.4

Gastō & Espagnols venuz au secours
des Catholiques.

les Grands en quelle façon on les doit

116.b

chastier.

204.4

le Marquis du Gast deffait par mon-
sieur d'Anguien.

des Grands iours de Clairmôt en Au-

14.4

urgne.

201.4.b

la Gaule ne fut iamais deuue de son
royaume.

és Grands iours est à craindre la calom-

5.b

nie & les cuscations & abolitions.

205.206.

Gaulle d'Espagne quelle partie est-ce
d'elle.

la Grece farcie d'une infinité de grands

23.b

auteurs.

6.4

la Gaule ne fut iamais de garnie de
scandres personages.

la Grece maintenant barbare, laquelle

24.4

anciennement estoit pleine de sçouers.

10.4

les Gaulois se subiuguerēt eux-mesmes.

les Grecs tout ainsi que les Romains

23.b

brustient les corps des morts.

180.b

choix des Gaulois faits senateurs par
Iulius Cesar.

republique des Grues.

23.b

Guillaume Cretin du regne du Roy

272.b

les Gaulois contēnerent de rediger leurs
sens & conceptions par escrit.

Guillaume de Lory florissoit souz Phi-

24.b

lippe Auguste.

42.b

Gaulois au commencement plus forts
qu'hommes, mais à la longue plus

263.b

Gueux, mot entre les facheux de Flan-

132.4

foibles que femmes.

dre.

114.4

les Gaulois souz la conduite de Bren-
nus prirent Rome.

Guerres civiles sont dangereuses, &

280.281.282.

mesmes pour la religion.

114.4

Genius archiprestre d'amour.

39.4

le royaume grandement affligé de Guer-

114.4

l'insolence de Gentils-hommes & con-
nuence des Iuges fraternisent.

201.4

res civiles souz Charles 3. & 6. 311.4

combien

Gesfroy de Thory auteur entre nous

combien de maux produisent les Guerres civiles.	312. a	le Hazard seruit de discours aux Guerriers sans y penser.	146. a
les Guerres civiles apportent la subuersion d'un estat.	312. b	Hellepont, maintenant appellé le Bras saint George.	313. b
une Guerre civile moins tolerable qu'une tyrannie en temps de paix.	315. a	les Herbes, leurs proprietés & vertus par qui descriptes.	38. a
les Guerres civiles ont tousiours de longues queues.	308. a	Hercule Gaulois celebré par nos anciens.	5. b
combien les Guerres civiles ont fait de tort à la ville de Paris.	325. b	Henry second, protecteur de la liberté Germanique.	19. b
Monsieur de Guise est destiné Lieutenant general du Roy en Italie. 83. b. il est aussi Lieutenant General à Metz.	20. a	tué par Montgommery.	86. a
beaux succès du Duc de Guise.	84. b	si l'Herésie se doit exterminer par les armes.	310. a
il retourne en cour, ligué avec la Conestable & mareschal de saint André.	109. a	l'Heretier n'a nulle reprimende ou esgard sur les mœurs de la vesue du desuné.	61. b
blecé à la mort par Poltrot.	120. a	Hierosme Cardan auoit pronostiqué au Roy Henry le malheur qui luy deuoit aduenir.	87. a
ce qui a esté loué & blasmé en luy.	120. b. 121. 122.	l'Histoire du Roy Louys vnxième appellée mesdisante.	76. a
Madame de Guise demande iustice de l'assassin commis en feu son mary.	125. b	Holoernes assassiné par Iudith.	124. a

H.

Des Harangues mortuaires que l'on fait au Parlement lors qu'un Conseiller est decédé.	285. b	l'Homme n'est si parfait qui n'ait des imperfections.	220. b
Harangues de Monsieur le premier President en la commemoration des seigneurs qui estoient morts.	286. a	l'Homme est à l'homme un Dieu.	240. b
que les Harangues funebres faites en l'honneur de ceux qui ne l'ont merité, perdent le palair.	286. b	Homme déterminé, mot inepte qui s'est aujourd'huy insinué en les courtoisians.	275. a
Monsieur de Harlay President aux grands iours de Poitiers.	206. b	l'Honneur est l'ame des bons esprits & cœurs genereux.	35. a
le Haue de grace loué aux Anglois pour gaige & assurance.	116. b	de l'Hospital Chancelier ne peut trouuer bon qu'on prenne les armes.	111. b
		luy & Monsieur le premier President de Lou, deux grands personnages diuers en propositions politiques.	225. b
		l'Hôtel de Clisson, au iourd'huy celui de Messieurs de Guise.	325. a

Huguenots appellez au commencement Huguenaux.	89.4	lean Antoine de Baif a escrit de l'Or- thographe Francoise.	63.6
il est descendu à Paris sur peine de la hart de n'appeller nul homme Hu- guenot.	91.6	lean Baptiste Gello a escrit plusieurs livres pleins de binné Philosophie.	7.6
les Huguenots portans les armes decla- rez rebelles, & crimineux de leze maiesté.	115.6	lean Clopinet dict de Mehun estoit soulz le regne de S. Louys.	42.6
aux Huguenots toutes choses rioient soudain apres la mort du Duc de Guise.	124.6	lean de Hans Minime fait teste aux Ministres.	100.6
toutes choses se tournent au desavan- tage des Huguenots contre leur opi- nion.	133.4	lean de Hans Minime mené prisonnier au Roy.	101.6
les Huguenots deuant Paris aux trou- bles de l'xviij.	137.6	lean le Maire de quels escrits il se fait riche.	53.4
lors que les Huguenots penserent estre au dessus de toutes choses, les as- saires leurs reüssirent à souhai en l'an 1568.	145.6	lean de Niuellet poëte François.	53.4
des Hyenes admirable nature.	302.6	leanne la pucelle delinra la France des Anglois.	13.4
Hymne triomphal fait par Ronsard sur la mort de la Reine de Navarre.	53.4	lesuites par qui instituez, approuvez & soustenuz.	128.129. & 130.
Hypocrat a escrit des Epistres.	1.4	Ignace gentilhomme Nauarrois le- suiue.	128.4
combien d'Hypocrisie il y a en matiere des armes.	140.4	Indiens mangerent leurs peres & me- res decedez.	180.6
		l'Inquisition cause des troubles de la Flandre.	131.6
		Institution & progres de l'ordre des Iesuites.	128.4
		Institution de l'ordre des chevaliers du S. Esprit.	185.4
		les Instrumens militaires sont aujour- d'huy changés.	3.6
		les Inuenteurs se perpetuent, non les traducteurs.	42.4
		Inuentions malaisées à supprimer.	254.4
		Inuentions diuerses & gentilles sur la main.	229.4
		Joinville tombeau ancien de Messieurs de Guise.	310.6
		le Iouial meine l'amour gayement.	17.4
		la Iouissance d'amour est accompagnée de beaucoup de tintouins.	18.4
		Jours & mois qui ont esté fatalement	

Iscobins pourquoy sont inquisiteurs
de la Foy, & appellez freres pres-
cheurs.

310.6

Jacques Cœur, sommaire discours de sa
fortune.

78.6

causes pour lesquelles il fut condamné.

79.4

l'arrest de Jacques Cœur.

80.4. ses en-
fans.80.6. la composition d'iceux
avec le Roy Charles septiesme.

80.6

Jacques Peletier a escrit de l'Orthogra-
phe Francoise.

8.6. & 63.6

TABLE.

heureux ou malheureux à uns & autres.	184. a	L
Journée de saint Quentin.	84. b	
Journée de S. Medard.	101. a	le L Abouteur traine avec sa charuë tous le malheur du temps quant & soy.
Journée de Montcantoir.	148. a	37. b
L'Italie tombeaux des François, & pourquoy.	83. b	La France Africain tres-esloquent.
L'Italie se doit voir sobrement.	303. b	10. a
L'Italien fait profession de vengeance.	203. b	Languedoc, Langue de Got.
les Italiens redeuables à nostre France de leur poesie.	44. a	314. b
le grand iugement & la grande memoire ne s'accompagnent pas souuent.	256. b	la Langue est de grande efficace en nom, mais non de telle que la main.
le iugement est plus requis au iurif. consulte que la memoire.	266. b	242. b
iugement diuers que l'on fera des lettres de l'auteur.	328. a	Langue Grecque n'estoit cogneu aux François.
Iuis qui se font Chrestien pour manger du lard.	233. b	321. b
Iules Cesar ne fut subiugateur de nos Gaules.	21. b	les Langues pourquoy s'apprennent.
comment il rendit toutes les Gaules tributaires au peuple de Rome.	313. a	6. b.
au milieu des affaires publiques est mis à mort.	86. a	L'age vulgaire propre à coucher naif. uement ses conceptions.
assassiné à l'impourueu par Cassius & Brutus.	124. a	2. b
Iulien sejourna six mois à Paris.	323. a	le Latin est cogneu & entendu par tous le monde.
monieur Iuret a escrit des vers sur la main.	245. b	4. a
Iurisdiction des peres à l'endroit de leurs enfans.	58. b	le Latin n'est prononcé d'aucune nation en son naif.
la Iustice couste plus en France que nulle autre marchandise.	265. a	71. a
Iustice entre les autres animaux.	294. a	Laurier qui estoit dans Rome prognostic de la grandeur & ruine de la posterite d'Auguste.
Iulien estoit Empereur Chrestien.	58. a	179. a
		Leçon de l'auteur à son filz.
		265. a
		Leon l'Adulsi cinge de Rabelain.
		13. a
		Lettres de gens de marque exposees au public.
		1. a
		Lettres de l'auteur de quel subiect & argument.
		3. a
		les Lettres n'ont pas tant de vogue à l'establissement des monarchies que les armes.
		10. b
		Lettres de nos anciens comment se commençaient.
		25. b
		Lettres Françaises comment seront de profit & de plaisir.
		32. a
		Lettres bien distillées en Latin.
		32. b
		Lettres d'un Iuis admonnestant le Roy Henry de se garder d'un com-
		Q q q q ij

T A B L E.

bat d'homme à homme.	87. b	86. b	
Lettres humaines de Monsieur le premier President jointes avec la loy.	214. a	Louanges de mes Dames des Roches mere & fille.	192. b
les Libelles que l'on faict courir au commencement des troubles, sont les seminaires de noz ruines.	307. b		193. a
Licurge pourquoy se bannist à iamais de son pays par un exil volontaire.	40. b	Louure basti par feu Monsieur de Claigny à l'antique.	222. b
La liberte de l'Allemagne recouuerte par le moyen du Roy.	19. b	Louys le Begue se maria sans le consentement de son pere.	58. b
Librairie du grand Roy François establie à Fontaine-bleau.	41. b	Louys le Gros par la rencontre d'un pourceau tombant de son cheual se rompit le col.	86. a
à Lyon on faisoit des declamations tous les ans.	5. b	Louys neuuesme mis au Calendrier des bien-heureux.	44. a
Lyon emboucheure de toutes nouuelles.	25. b	Louys unzeiesme, sommaire recueilli de ses mœurs.	76. a. b. 77. a. b.
subtilité de la Lionnesse pour courir son impudicité envers le Lyon.	295. a	jugement de Dieu qui courut sur le Roy Louys unzeiesme.	77. b.
La litterature n'est pas comme la tyrannie.	34. a	Louys Megeret a escrit de l'orthographe François.	8. b. & 63. b
Luciens se presentans en l'assemblée la corde au col.	90. a	Lucretie par sa mort fut cause de l'extirpation de la tyrannie des Rois.	275. b
trois Logis du Roy dans Paris.	325. a	Lutetia d'où ainsy diste la ville de Paris	321. b
Les loix reçoivent polissure par le temps.	181. a		
Loix obseruées tant en Egypte que Spar-te.	269. a		
les Loix descouurent l'infirmité de nostre raison.	297. b		
diuersité de Loix entre les hommes.	297. b		
que les Loix mesmes se changent en un mesme pays.	297. b		
la multitude des Loix signifie la corruption d'une republicque.	298. a		
Longueil a escrit des lettres en Latin.	32. b		
Longes bleça le Roy François en la teste.			

M

M Achiauel de son liure de l'institution du Prince, digne du feu. 269. a
 Magnanimité de certaines bestes. 293. a
 la Main est un ouil en nous qui produit du bien & du mal en extremité. 240. b. 241. 242.
 la Main par ses gestes nous represente toutes les passions de noz ames. 241. b
 la Main produit effets esmerueillables, mesmes aux choses spirituelles. 242. a
 Maine, Touraine & Anjou erigez en

T A B L E.

gouvernement.	92. a	les Mariages au vieil & nouveau Te-	
Maires du Palais comment s'impatro-		stament sont bornez en la volonte	
nizirent de l'estat.	138. b	bien reglee d'un pere.	57. b
Maisons anciennement à bon marché,		Mariages des François en quoy diffè-	
est un argument du malheur qui		rent à ceux des Romains.	257. b
estoit lors.	327. a	Mariages de la fille aînée du Roy avec	
chacun veut estre Maître pendant une		le Roy Philippe, & de la sœur avec le	
guerre civile.	202. b	Duc de Sauoye.	85. a
Maladies de longue guarison.	203. a	le Mary par une prerogative de son se-	
nostre Malheur ne peut estre fuy, no-		xe ne se doit raidir contre les opinions	
stre heure estant venue.	152. b	de sa femme.	15. b
longues Maladies sont de dangereux		Marseille, où on exectoient leur haute	
effets aux vieilles gens.	306. b	justice avec un vieux glaive en-	
Manufactures & manufacture prennent		rouillé.	70. a
leurs appellations de la main.	243. b	Medecines comment se prenoient ancièn-	
Manlius pourquoy condamna son fils à		nement.	201. b
mort.	276. a	l'homme pense estre plus sage que la na-	
Marc-Antoine vaincu par le ieune		ture, en la Medecine.	296. a
Offauca.	149. a	l'homme a emprunté des autres ani-	
le Marechal de S. André tué.	117. b	maux plusieurs points de la Mede-	
le Marechal de Hes amene des Rgi-		cine.	296. b
stres au Prince de Condé.	216. a	les Medecines que nature a diversif-	
la Marguerite des marguerites compo-		sées par la Ruine de Navarre.	296. a
sée par la Ruine de Navarre.	47. a	Medecins de nostre temps en quoy sem-	
Marguerite sœur du Roy Henry 2. ma-		blent faillir.	54. b
riée au Duc de Sauoye.	85. a	le Melancolic tardivement bannit le	
au Marié comment est permis d'accu-		courroux de sa fantasie.	203. a
ser sa femme d'adultere.	61. a	Melphe est ostée aux parens du Pape	
Mariage quand & comment preferé		Paule Theatin.	83. b
au celibat.	14. b	la Mercuriale tenue au Parlement de-	
quel Mariage va tousiours de bien en		nant le Roy Henry sur la punition des	
mieux.	15. a	heretiques.	86. b
Mariage de la fille naturelle du Roy.		le Mescontentement de l'amour est l'a-	
24. a		laisonement du plaisir.	19. a
le Mariage quand & pourquoy est		Mescontentement des Princes & Sei-	
empesché.	59. a	gneurs Catholiques.	99. b
Mariage du ieune Rohan à Argenteuil		Mesnage heureux de Monsieur le pre-	
avec la Brabançon.	99. a	mier President.	216. b
Mari, mort fatal pour noz troubles.		Metz, Toul & Verdun mises souz la	
184. a. b		protection du Roy Henry.	19. b
maistre Martin Misnart poëte de gen-		Mimos Roy de Crete, iuge des amies	
dil estrie.	252. b		

TABLE.

damnees.	230.4	neſſable.	140.4
Macquerie contre ceux qui ſont en leurs		Morts de quelques ſeigneurs de robbe	
maifons ſans rien faire.	321.4	longue, qui aduindrent en l'an 1584.	
Maitoyer, d'où vient ce mot.	68.4	185.4	
Mœurs des coïſins par mariage.	15.4	Mors empruntez des eſtrangers, &	
Mœurs de monſieur le premier Preſidēt		ſaiſis françois.	12.4
de ſeu.	214.4	Motiſ du plaidoyer fait en l'an	
Moines & Nonnains contrainsts de re-		1576. pour le païs d'Angouleme.	
tourner en leurs monaſteres, ou vui-		1590.	
der la France.	125.b	Motiſ ſur le quels le Roy de Nauarre	
Mour certains ordonnez pour les bains		changea d'opinion contre les Hugue-	
naturels.	203.4	nois.	108.4
Monarchie de France.	167.4	Moulins baſſez vers la porte ſainct	
les Monarchies ſe ſtablirent au com-		Denis par les Huguenots.	135.4
mencement par les armes, non par les		en l'annee cinq cens lxx. pluſieurs gens	
lettres.	10.b	de marque Moururent.	285.b
aux Monarchies les ſubiectz ſe com-		Moyſe prie Dieu les bras eſtenez au	
poſent à la volenté de leur Roy.	11.4	ciel.	242.4
la Mole executé à mort en l'an 1574.			
228.b			
Monophile, liure de l'auteur. 8.b. fait			
luy eſtant ſort ieune.	227.4		
Monſieuran quatrieſme fils du Conne-			
ſtable, tué.	117.4		
Monſieuran & Mouuant ſont pluſieurs			
grands exploits d'armes en Dauphi-			
nié.	115.b		
Monſieuran ſiege des ſcilles.	211.4		
Montgomery capitaine des gardes ſua-			
le Roy Henry. 86.4. il remuē toute la			
Normandie.	109.b		
Monſieur de Morſan Preſident aux			
grandes iours de ſoye.	227.b		
Mort lamentable du bon Roy Henry			
deuxieſme du nom.	85.b		
Mort du petit Roy François.	92.b		
Mort de Monſieur de Guſe.	119.4		
Mort de Monſieur le Prince de Condé.			
147.4			
Mort de l'Admiral de Châſtillon.			
152.4			
Mort honorable de Monſieur le Con-			

TABLE.

caſion des troubles,	151.4	lipoli,	313.6
les Nouvelles croiſſent en la ſale du Pa-		Ordonnances d'amour,	39.4
lais, & pourquoy.	200.4	Ordre nouuel de Cheualerie vuë au	
aux Nouvelles premieres d'une bonne		S. Eſprit,	185.4
fortune il eſt malaiſé de ne ſe perdre.		Orgueil & preſomption de l'homme,	
	208.6		303.4
Numbur ſpolié de l'eſtat d'Albo par		Orleans ville preſque expoſee au milieu	
Amulus.	270.4	du Royaume. 91.6. ſurpriſe par le Prin-	

Q

O Bit annuel de monsieur de Guise
celebré tous les ans en nostre
Dame de Paris. 120.b
Obseques du Conneftable. 140.b
Obseques de Monsieur le premier Pre-
sident. 218.a
de n'estre moins Ocieux que quand lon
est ocieux, vieille réicente. 320.b
Ode de l'auteur sur la main. 255.b
Olivier de Clisson assassiné par le sei-
gneur de Craon. 324.4.b
Olivier, ehancelier retourne en l'exer-
cice de son estat. 88.b
Opinions des hommes renuiesees insep-
rement. 93.b
opinion de Maschiaeul de la scelerate-
resse condamnée par l'Esc-Lieu. 269.b
Opinion fille bastarde de la raison &
passion. 290.b
Opinions qui doiuent entrer és esprits
de ceux qui se veulent marier. 14. b
combien les Opinions des hommes sont
difficiles à contenter. 328.b
Oprat de leur African treselaguent.
10.4
Oracles anciens trompoient les hom-
mes par un mot à deux ententes.
48.b
Poreateur du tout voué & ententif à la
surprise du peuple. 5.b
Orcaus Roy des Turcs sempara de Gal-

lipoli,	313. <i>b</i>
Ordonnances d'amour,	39. <i>a</i>
Ordre nouuel de Cheualerie voué au S. Eſprit.	185. <i>a</i>
Orqueſt & preſomption de l'homme,	
303. <i>a</i>	
Orleans ville preſque expoſee au milieu du Royaume. 91. <i>b</i> . ſurpriſe par le Prin- ce de Condé.	110. <i>b</i>
Orleans priſe en l'an 1567. par le ſei- gneur de la Nouë.	165. <i>b</i>
Orpheus muſicien excellent,	34. <i>b</i>
l'Orthographe ancienne eſt la meilleure & la plus certaine. 8. <i>a</i> 63. 64. 65. ne ſe fault eſloigner d'icelle aiſement.	
70. <i>a</i>	
republique des Oyes que nous appellons ſauuaines,	299. <i>a</i>

2

P Aix faillie avec l'Espagnol. 85. a
le Palais n'est le sejour des mieux
disans de la France. 51. b
le Palais chomme par hazard lors de
la mort du premier President. 218. a
Palladien. 13. b
Palmerin d'Oline. 13. b
Papiste & Huguenot mors de faillies
introduits entre nous. 91. a
Paradoxes plus hardis que ceux de Ci-
ceron. 30. a
Paris assiégé par le Prince de Condé.
116. a. b
Paris le Troyen n'a point esté fondateur
de la ville de Paris. 321. b
Pourquoy la ville de Paris porte un na-
uire en ses armoiries. 322. b
D'où vient que nostre ville porte le nom
de Paris. 322. b
Paris sejour des Rois dès le regne de Clo-
vis. 323. a

la ville de Paris n'a iamais peu estre vaincue de ses ennemis.	323. b	il a mandié de nous les Premiers traits de sa Poësie.	5. b
Paris sombeau à ses ennemis.	324. a	il a acqui la vogue pour auoir emprunté plusieurs paroles de diuerses contrées.	52. b
la ville de Paris grandement opulente sous le regne de Charles v.	325. b	Philippe de Macedone au milieu de ses festins fut mis à mort.	86. a
Paris en grande souffrete par le moien des guerres ciuiles.	326. a	Philippe Roy d'Espagne met le siege deuant la ville de s. Quentin.	84. b
comme Paris s'est remis sus.	327. a	Philippe de Commine a escrit la vie de Louys vn'iesme.	76. b
Paris est vn racourcissement de toute l'Italie au petit pied.	327. a	nom de Philosophe adapté maintenant aux tireurs de quinte essence.	13. b
Parlement de Paris, l'autorité duquel a fait regner nos Rois.	367. b	la Philosophie fournit plusieurs discours.	34. a
la Parole de faut es bestes, qui est cause de tous nos maux.	301. b	la Physique, Politiques & Ethiques d'Aristote traduits en François.	42. b
les Passions tant du corps que de l'esprit troublent nostre raison.	289. b	monsieur Pibrac President, l'une des lumieres de nostre siecle.	223. b. loüé par Monsieur le premier President.
Paul de Foix ambassadeur pour le Roy à Rome, mort.	285. a		286. a
Paul Theatin, introducteur de l'ordre des Theatins, est appellé à la papauté.	83. a	Picus Mirandula a escrit des Epistres en Latin.	4. a
L'Amour de nostre Pays ne nous retient point tant que des nostres.	288. a	Pierre de Congueres Aduocat du Roy.	230. a
tout le monde sert de Pays aux sages.	288. a	Pierre Guenois a mis nos ordonnances en ordre plus racourcy.	257. a
les Pecheux anciens s'il est expedient de les rechercher en abondance de vices.	204. b	Pierre Paschal homme qui se faisoit valoir par les plumes d'autrui.	276. b
le Pelican se fait mourir pour donner guerison à ses petits.	262. b	Pierre de saint Clot poëte François.	53. a
quelles Peines ont les peres en mariant leurs enfans.	318. b. 319. a	monsieur Pithou a escrit vn traité des Comtes de Champagne.	283. b
les Peres proposent de leurs enfans, & leurs enfans en disposent.	197. a	Plaidoyé pour la ville d'Angoulême, fait en Parlement à Paris le 4. Feurier 1576.	161. a
Perigueux surprise par Langorā.	165. b	pour Plaire au lecteur, il ne faut pas estre toujours tendu à haut subiect.	329. a
Permission aux Ecclesiastiques de reuendre leurs terres les moins incommodes.	126. a	les Plaisirs & desplaisirs prennent en nous leur origine d'une mesme source.	36. b
Persouerance du Parlement contre l'Edit de lxi.	105. b		
Pentecoste iour fatal à nostre Roy.	185. a		
Petrarque a escrit des Epistres.	1. b		

Platen a escrit des Epistres.	1.4	Politian a escrit des Epistres en Latin.	2. b
Pline second a escrit des Epistres.	1.4	Pullion auoit commandement sur ses heures.	31. b. Il recognoisist en Tere-Lue quelque chose de son Padoian.
grand orateur de son temps, feit des Epigrammes.	219.4		64.4
les Vlnmes seruent aux gens doctes de glaiues.	31.4	le royaume de Pologne deferé à nostre Roy, estant lors Duc d'Anjou.	158. b
Plus outre, deuise de l'Empereur.	22.4		
le Poëme faict à Poitiers sur la Pulce.	224.4	Peltrat natif d'Aubeserre.	119. b.
la Poësie Françoisse commenço de perdre son credit.	32.4	estant esserd du apres le coup sus pris.	120.4
la Poësie doit seulement voider sa plume en la celebration de ceux qui le meritent.	14.4	Pompée que fit apres auoir deffait Sertorius.	97. b. mal luy pris quand il quitta Rome pour la laisser à son ennemy.
Poëtes discourans le mieux de l'amour, sont ceux qui sont moins atteints de la maladie.	8. b	110. b. Il fut vaincu par Iules Cesar.	149.4. Il sensit grand malheur par la longueur de sa vie.
Poëtes François en nombre effrené.	12. b	219.4	Portrait de l'auteur.
Poëtes qui ont mis la main à la Pulce.	188.4	227. b	Perus pris par Alexandre, ce queluy dist.
Poëtes qui ont celebré leurs amours.	229. b. & 230.4	204. b	Prephratifs pour l'Edit du mois de Ianuier 1561.
le Point d'honneur dont la noblesse Françoisse faict estat.	305.4	103.4	Presches descouverts d'as la ville de Paris le iour S. Laurens.
Poitiers remis es mains du Roy.	115. b	1557.84. b	Presches des Ministres hors les murs de la ville de Paris.
Pole a escrit des lettres en Latin.	32. b	99. b	Presches des Huguenots commençant de prouigner impunément par la France.
Poleman adonné à ses plaisirs fut du tout conuert par Xenocrates.	7. b	100.4	Presches des Huguenots retranchés.
Police que tint le sen Duc de Guise dans la ville de Metz.	20.4. b.21.4	127.4	Pretextes diuers pris par les Princes.
Police que Monsieur le premier President apporta aux audiences.	213. b	111.4	Prevention, commun trait de rhetorique.
Police contre les Abeilles contre les faigneans.	293. b	24. b	le Prince de Condé mandé en Cour.
Polices nouvelles par la France pour asseurer l'estat du Roy.	117.4	91. b. arrivé, & constitué en prison.	92.4. déclaré innocent.
Polistrates Samien se disoit l'heureux des heurieux.	218. b	94. b	se promes de surprendre le Roy.
		134. b. Il vuid de la ville de Paris, & se retire à Meaux.	109. b. Il est tué.

147. 4. b	mains.	71. a
le Prince d'Orenge s'absente des pays bas.	Prononciation & valeur des lettres.	
132. b	71. 72. 73. &c.	
le Prince de Galles aduenné à comparaître à Paris en la chambre des Pairs de France.	selon la Proportion de leurs progres toutes choses prennent fin.	202. b
172. b	Proposition soustenue par un bachelier de Theologie.	101. a
le Prince sage reduit sa puissance absolue souz la ciuilité de la loy.	Propositions diuerses entre les Seigneurs de la Cour du Roy & du Parlement.	
40. b	220. a	
le Prince mineur doit tout craindre pendant une guerre ciuile.	Protagora par la lecture d'Antistene deuint sibre & honneste.	
111. a	7. b	
le Prince est en fin puny de Dieu pour ses meschanceté.	Prouerbe, pour un point martin perdit son asne.	252. a
269. b	Protestation des Princes & Seigneurs catholiques.	112. b. & 113. a
Principes diuers entre les Philosophes.	Ptolomée Roy d'Egypte demande secours aux Romains contre ses subiects.	210. b
290. b	Rudicité de la femme est le seul moyen par lequel elle demeure forte.	61. a
Privilège des vieilles gens.	La Pulce de Catherine des Roches.	188. b
9. b	La Pulce d'Estienne Pasquier.	190. b
Privilège de la Fierste de saint Romain à Rouen.	Pucelles affronteuses qui se firent prescher par Paris comme estans enuioies des cieux.	13. a.
230. b	Punition des grands comment se doit faire.	204. a
Privilège ancien des clercs.	La Pureté de La Langue Françoisse où il la faut chercher.	52. b
234. a	Pyrrhus Roy des Epirates tué d'une tuille.	38. b
Privilège des Bourgeois de Paris.		
323. b		
Procex encommancé à faire au Prince de Candé.		
92. a		
les Procex sont pleins de grand ennuy & fascherie.		
264. b. & 265. a		
multiplicité de Procureurs nuisible au public.		
219. b		
les Procureurs protestent de ne vouloir occuper.		
224. b		
Procreation de l'enfant.		
48. b		
Profit qui nous reuendrait, si toutes les disciplines estoient redigées en nostre langage.		
7. a		
Prognostic vray & premier des malheurs qui depuis sont aduenus en la France.		
90. b		
Promotion belle & heureuse a l'estat de premier Presidents.		
207. a		
la Prononciation ancienne est la meilleure & la plus seure.		
64. b		
Prononciation Latine n'est obseruée de nulle nation comme faisoient les Ro-		

Q Vatre-mesnage, gaste-mesnage.

321. a

Quinquaiiliers de quel artifice ils usent au soïn de leur marchandise.

30. a

R	la Religion ancienne ne doit aisément estre remuée.	104. b
	la religion fondement de toute republique bien ordonnée.	168. b
	la Religion ancienne ne doit estre changée, mais il faut corriger les abus.	309. b
	il faut sur tout craindre d'entrer en disputes en matiere de Religion.	309. b
	Remonstrances du chancelier de l'Hospital aux deputés de la Cour de Parlement.	105. 4
	Remonstrances de Monsieur Loisel à l'ouverture de la seance d'Agen.	221. b
	Remus tué par son frere.	270. b
	Renaudie est directeur de l'entreprise faite contre le Roy.	89. 4
	René de Virague chancelier de France, mort.	285. 4
	Rentes constituées sur les decimes.	139. 4
	Repliques & dupliques des plaidoyers, refrenées par le premier President de Tou.	214. 4
	Repos grand d'esprit est quand on vit en repos avec sa femme.	16. 4
	Reprendre nos anciens arreemens.	54. 4
	Representation en ligne directe & collaterale.	212. b
	3. especes de Republique, & d'une quatriesme qui participe des deux ou des trois.	166. b
	plusieurs bestes ont leurs Republiques.	298. 4
	Requête pour & au nom des protestans de France présentée par l'Admiral.	90. b
	Requête présentée au Roy à fin qu'il fust permis faire une Eglise separée	
	R E F I	
	ij	
	Abelau en falsifiant gaigna beaucoup de grace parmy le peuple.	13. 4.
	il se moque first à propos des escorcheurs de Latin.	53. 4
	Raimon Comte de Tholose, poëte excellent.	44. 4
	discours sur la Raison dont l'homme s'avantage sur les bestes.	289. b
	la correspondance qu'il y a de nostre Raison avec nos passions.	290. 4
	la folle Raison de l'homme cause de tous nos malheurs.	290. b
	Ramus a escrit une Grammaire Francoise.	63. b
	Rapt fait aux parés, quelle action c'est.	56. 4
	Rebuffi fut le premier des nostres qui reduisit nos ordonnances en quelque ordre.	257. 4
	Rebus par qui premierement mis en lumiere.	249. 4
	Recherches de la France dediées à Charles Cardinal de Lorraine.	30. 4
	les Recherches de la France, entreprise de grand labour.	43. 4. &
		227. 4
	les six livres de l'auteur des Recherches de la France.	279. 4
	Recit de l'estat des troubles de l'xviij.	137. b
	Reconciliation de la maison de Guise avec celle de l'Admiral.	127. b
	Reduction des coustumes par Monsieur le premier President de Tou.	212. b
	la Regence donnée à la Reine mere & au Roy de Navarre.	96. b
	Regrez en matiere beneficiale où a lieu.	181. 4

T A B L E.

de la noſtre.	97.4	la Roine mere bien empeſchée à paci-	
Reſolution ſolée de ceux qui reduiſent		fier les troubles.	111. b
l'air de la France à celui des Romains.		Roman de la Roſe, & ſes auteurs.	
257.4	42 b		
Reſolution admirable des Romains.		Rome ſacagée & ruinée par les Gau-	
275.4		lois.	23.4
Reſponſe de l'empire à Jlla.	149.4	Rome en un clin d'ail ſe mettoit en ar-	
Reſtriſſion ſur l'exercice de la religion		mes à la moindre rumeur de guerre de	
nouvelle.	125. b	la part des Gaulois.	23.4
Rhea rendue nonnain voilée, comme		Rome entre les autres republiques eſt	
inceſte.	270.4	inſiniment ſolemnisée par noſ an-	
monſieur Riant Aduocat du Roy.		ceſtres.	167.4
211.4		Rome priſe par les Gaulois.	279. b
Rion ou Moulins, ancien ſejour des		le Romain nous deuance en quelques	
grands lours au pays d'Auvergne		particularitez de droit.	162.4
& de Bourbonnois. 208. b. ſiege Pre-		Romains ſtudieux de l'embelliſſement	
ſidial d'Auvergne.	211.4	de leur lan-gue.	6. b
meſdames des Roches mere & fille		Romans d'Amadis ſaiſt François par	
honneurs de la ville de Poitiers.		le ſeigneur des Effars.	13.4
186. b. leurs honneſtes exercices &		les Romains n'ont eſté ſuperieurs aux	
occupations.	187.4	anciens Gaulois.	22. b. & 23.4
le Roy de Nauarre & le Prince de		les Romains n'orthographioient comme	
Condé ſont mandez en Cour. 91. b. le		ils prononçoient.	8.4. 65.4
Roy de Nauarre tué deuant Rouen		Romains deconſits par les Gaulois à un	
d'un coup de balé.	115. b	iour pres que les trois cens Fabiens e-	
Rois de France qui furent ſtudieux &		ſtoient paſſez au fil de l'eſpee.	184. b
amateurs de la poéſie.	43. b	les Romains anciens eſtoient plus laſciſ	
noſ Rois portent en leurs images la		en leurs Epigrammes que n'ont eſté	
main de juſtice, & pourquoy.	171.4	ceux qui leur ont ſuccédé.	229.4
les Rois ſont obligez enuers Dieu de		Romains qui abregèrent les droits des	
rendre la juſtice à leurs ſubieſts.		Rois & Empereurs de Rome.	257.4
183.4		les Romains ſaignans de prendre en	
Rois premiers de Rome, qui parvin-		main le ſait de leurs alliez, s'en fai-	
drent à leurs eſtats par mal-angin.		ſoient maîtres.	280. b
269. b		combien les Romains redoutoient la de-	
Rois d'Egypte, deſquels on permettoit		ſcende des Gaulois en Italie.	282. b
au peuple d'honorer ou accuſer la me-		Romulus fut tué par les patriciens &	
moire ſelon leurs merites ou deme-		ſenateurs qu'il auoit inſtituez.	
rites.	286. b		269. b
les Rois de France de la 3. lignée ont		Ronsard & Paſquier ont eſté amis de	
lié leur fortune avec celle de Paris.		leurs virements.	14.4
323.4		Roſſim Comedien à Rome du temps de	

T A B L E.

<i>Cicéron.</i>	5.b. & 241.b	il sentit grand malheur par la longueur de sa vie.	219.4
<i>Rouën prise d'assault par le conseil de Monsieur de Guise.</i>	115.b	le Scorpion par son huile garentist du mal par luy procuré.	116
<i>Monsieur de Ruffec gouverneur du pais d'Angoulmois.</i>	162.b	Scrutin des voix bruslé par le commandement de la Roine mere.	97.b
<i>Ruines publiques par la France sous le pretexte de la religion.</i>	114.b	Monsieur Seguier Advocat du Roy.	212.4

S

S Employée par les Romains pour signification de salut.	32.b	<i>Senèque ne se lit pas par tant de gens que Plutarque, & pourquoy.</i>	329.4	
<i>Sabines ravies par les Romains.</i>	271.4	bon Sens de monsieur le President de Thou.	216.4.b	
<i>Sadolet a escrit des lettres en latin.</i>	32.b	Sens dessus dessous, d'où vient ceste maniere de parler.	70.b. 71.4	
<i>Saint Denis ville prochaine de Paris surprise par les huguenots.</i>	135.4	Sepulchre & tombeau de Louis vnziesme demoli à Clerg par les Huguenots.	115.4	
<i>Saint Medard Eglise es fauxbourgs de Paris rompue par les Huguenots.</i>	102.b	le Service des Dames est la premiere planche pour paruenir aux grands lieux.	39.b	
<i>Saint Mathias iour fauorable à l'Empereur Charles cinquiesme.</i>	184.b	Seruius Tullus fut tué par Tarquin l'orgueilleux.	270.4. 272.b. & 273.4	
<i>Saint Romain deliure de prison les criminels & malfaitteurs.</i>	230.b	Sexte Pompee eut Auguste & M. Antoine en sa deuotion dedans ses nauires.	124.4	
<i>Sainte Croix, ancienne & venerable Eglise d'Orleans, raze à fleur de terre.</i>	138.4	monsieur Sibilet donna les premieres instructions de la poësie Françoisie à Pasquier.	218.4	
<i>Soladin Soudan de l'Egypte occupa tous le Royaume de Ierusalem.</i>	313.b	Sidonius a escrit des epistres.	1.b. Il est seul entre les Latins qui fait mention des vers retrogrades.	247.4
<i>le Saturnien mene l'amour avec crainte.</i>	17.4	Siege deuant Paris par les Huguenots.	116.4	
<i>Schismes & hereses quand principalement ont cours.</i>	84.4	Siege de la Rochelle, & quel progres & euement il eut.	157.b	
<i>les Sciences & disciplines changent de domicile ainsi que les monarchies.</i>	10.b	Sigebert assassiné dans saisons par la pratique de Frederic de sa belle sœur.	124.4	
<i>Scindits generaux du clergé creez.</i>	126.4.b	les Simples descrits par Plin, Dioscoride & Mathiole.	38.4	
<i>scipion mit à fin le fort de la guerre des Afriquains encontre les Romains.</i>	150.4			
<i>il fait retourner Annibal de l'Italie.</i>	84.b			

Sindicat entre les Procureurs.	plus ou moins doctes.	10.4. &
214.4	202.4	
Sobriquets que nos anciens donnoient à nos Rois, fils aient mal fait durant leurs vies.	le Temple de nostre Dame de Paris, la sainte Chapelle & le Palais, basties à la moderne.	222.6
236.6	Temple de la foy basti à Rome par le Roy Numa.	242.6
Soleil adoré des Ethniques sous divers noms de Dieux.	les Termes de Pratique sont amours d'huy changez.	3.6
296.6	le mareschal de Termes deffait par le Duc de Sauoye.	149.4
Solon & Platon ont escrit des liures d'amours.	Terres neuves pourquoy ainsi appelees.	62.6
230.4	les mœurs du peuple des Terres neuves.	62.6.63.4
Sonnet de l'auteur.	232.4	Tertullian escriivain d'Afrique tres-sçavant.
Sors Virgiliens.	48.4	10.4
Sparte republique des mieux morigenes.	167.4	pour un Zele ardent envers Dieu & son Eglise, censuré.
Soubz le commandement de la ville de Lyon sous l'autorité du Prince.	119.6	220.4
Souhait d'un ancien Philosophe.	47.6	Testaments & successions des François different de ceux des Romains.
si un Subiect de France peut par honnestes remonstrances s'opposer quelquefois aux commandemens de son Prince.	170.4	238.6
Suppression des offices reuueue, & tout estati remis sus.	138.6	Tester à quatorze ans.
Stuart Escossois blesse monsieur le Connestable.	139.6	les Thebains solennisoient le troisieme iour de luing.
Symmaque a escrit des epistres.	1.6	184.6

T

T En Latin prononcé diuersement.	72.6	les Tholoains se sont appellez mondains.	48.4
Tanaquil femme de Tarquin, nourrie en la science de deuiner.	272.6	Tibere Empereur abhorra les langues estrangeres.	6.6
Tarquin le viel assassiné par les menues d'Anous Martinus.	272.4	la Tigresse combien soigneuse & amoureuse de ses petits.	292.6
Tatius Roy des Salusins tué par Romulus.	272.6	Tienville reprise par monsieur de Guise.	84.6
Taurny homme de robbe longue tué combattant vaillamment.	153.4		
la Tempete du ciel si elle rend les gens			

TABLE.

<i>Tite-Live traduit en nostre vulgaire.</i>	<i>du Val recommandé par Monsieur le</i>
41. b	<i>premier President.</i> 286. a. b
<i>Tombeau de messire Anne de Mont-</i>	<i>Vale, mort de celuy qui en Latin prend</i>
<i>morency Pair & Conneſtable de</i>	<i>congé.</i> 2. a
<i>France.</i> 141. 142. 143.	<i>Valla a eſcrit en Latin des Epistres.</i>
<i>de Tou President mandé pour faire le</i>	4. a
<i>procès au Prince de Condé.</i> 92. a.	<i>la Veſue faiſant folie de ſon corps ne</i>
<i>ſa vie & ſa mort.</i> 212. 213.	<i>perd ſon doüaire.</i> 60. b
214. 215. &c. Il ne ſçauoit que c'e-	<i>ſtoit en quels cauſubieſtes à la peine.</i>
<i>ſtoit de haïr.</i> 215. a	62. a
<i>Tourney en la rue S. Antoine deuant</i>	<i>le Vendesmois eſt fertile en orateurs &</i>
<i>les Tournelles.</i> 85. b	<i>poëtes.</i> 11. b
<i>L'hoſtel des Tournelles fatal à la ruine</i>	<i>Venise gouuernée par un bon nombre</i>
<i>de France.</i> 325. a	<i>de gens d'honneur qu'ils appellent les</i>
<i>Tours, le Mans, Angers & Saumur re-</i>	<i>magniſiques.</i> 167. a
<i>miſ es mains du Roy.</i> 115. b	<i>la Verité cachée par l'ignorance de no-</i>
<i>la Traduction eſt laborieufe, & peu</i>	<i>ſtre raiſon.</i> 290. b
<i>honorable.</i> 42. a	<i>Vers Alexandrins d'oü ainſi dictz.</i>
<i>Trefue concluë entre le Roy & mon-</i>	53. b
<i>ſieur ſon frere par l'entremiſe de la</i>	<i>Vers retrorgrades François.</i> 246. a. b
<i>Reine.</i> 159. a	<i>Vers rapportez.</i> 248. b
<i>les Tribulations & ſaſcheries d'oü pro-</i>	<i>Vers aſcendans.</i> 252. b
<i>cedent.</i> 36. a	<i>Vers preſque ſonx meſmes mots rappor-</i>
<i>Tribuns, conſeruateurs du peuple.</i>	<i>tez.</i> 253. a
167. a	<i>Vers de monſeigneur le grand Prieur.</i>
<i>Troubles d'Amboiſe.</i> 89. a. ſuite des	254. b
<i>Troubles d'Amboiſe.</i> 90. a	<i>Virtus & vices de chaque nation,</i>
<i>Triſtan l'hermite preuſt de Louys</i>	<i>ſont hereditaires.</i> 10. a
<i>vnzième.</i> 78. b	<i>Vice propre aux François.</i> 12. b
<i>Tumultus, mot Latin, & qu'il ſigni-</i>	<i>la Viſtoire de la bataille de Dreux à</i>
<i>ſie.</i> 279. b	<i>qui doit eſtre attribüée.</i> 118. a
<i>les Turcs n'ont ceſſé qu'ils ne ſe ſoient</i>	<i>Viſtoires obtenues iadis par les Gaulois</i>
<i>emparex de tout l'Empire de Grece.</i>	<i>en Italie.</i> 23. a
313. b	<i>le Vidauſme de Chartres miſ priſonnier</i>
<i>Tutelles & curatelles des François</i>	<i>en la Baſtille.</i> 90. a
<i>differentes de celles des Romains.</i>	<i>la Vie des villes eſt à preferer à celle des</i>
258. a	<i>champs.</i> 34. b
	<i>la Vie ſolitaire eſt malheureuſe.</i> 35. a
	<i>la Vie & deportement de l'Admiral.</i>
	253. b
	<i>la Vie & deportement de miſſieur de</i>
	<i>Guiſe.</i> 154. 155. 156.

Voyelle comment ſe pronôçoit an-
ciennement dans Rome. 73. a

TABLE.

La Vie & mort treisbelles de monsieur	211. b	ciens avec g.	69. b
le premier President de Tou.	211. b	l'Vnion de l'Eglise de tout temps a de-	
monsieur Vignier a escrit l'histoire de		pendu de la chaise saint Pierre.	
France.	283. b	310. a	
les Villes en quoy elles affluent.	36. a	Voyage du seigneur de Guise en Ita-	
les villes de Piedmont & de Saouye		lie a la sermonce du Pape Paule Thea-	
rendues par la paix.	85. a	tin.	83. a. & 84. a
les Villes rendues au Roy Philippe.	85. a	Voyage du petit Roy François à Or-	
		leans en deliberation d'exterminer	
Villes prises d'elles-mesmes en faueur		l'heresie.	91. a
des Huguenots.	114. b	Voyage du Roy Charles neufiesme par	
Villes données en garde & depos à		La France.	126. b
ceux de la religion & à leurs associez		Voyes du cerf.	83. b
catholiques.	159. b	La Voix de l'homme bien organisée plus	
Villes prises & occupées par les Hugue-		plaisante que le chant des oiseaux.	
nots, voisines d'Angoulesme.	176. b	38. a	
Virgile lisoit les ouures d'Ennius pour		le Vulgaire & langage commun pro-	
s'en seruir.	43. a	pre pour exprimer nos conceptions.	3. b
Virginus tua sa fille innocente, à fin			
qu'elle ne fust violée.	275. b		
le bon visage d'un Roy combien il im-			
porte enuers la noblesse de France.			
138. a			
En, pourquoy estoit escrit par les an-			

X

X Enophon grand personnage. 6. a.
Il a escrit la vie de Cyrus pour
seruir d'exemple. 76. b

Fin de la Table.









TABLE.

damnees. 230.4
Macquerie contre ceux qui sont en leurs
maisons sans rien faire. 321.4
Mailloyer, d'où vient ce mot. 68.4
Mœurs des cōjoins par mariage. 15.4
Mœurs de monsieur le premier Président
de Lou. 214.4
Moines & Nonnains contrainsts de re-
tourner en leurs monastères, ou vi-
der la France. 125.6
Mort certains ordonnez pour les bannis
naturels. 203.4
Monarchie de France. 167.4
les Monarchies se stabilissent au com-
mencement par les armes, non par les
lettres. 10.6
aux Monarchies les subiects se com-
posent à la volenté de leur Roy. 11.4
la Male executé à mort en l'an 1574. 228.6
N
Monophile, liure de l'auteur. 8.6. fait
luy estant fort ieune. 227.4
Monibero quatreisme fils du Conne-
stable, tué. 117.4
Monsbrun & Mauuant sont plusieurs
grands exploits d'armes en Dauphi-
né. 115.6
Monsferrant siege des tailles. 211.4
Montgomery capitaine des gardes tua
le Roy Henry. 86.4. Il remuë toute la
Normandie. 109.6
Monsieur de Morvan Président aux
grands iours de France. 227.6
Mort lamentable du bon Roy Henry
deuxiesme du nom. 85.6
Mort du petit Roy François. 92.6
Mort de Monsieur de Guise. 119.4
Mort de Monsieur le Prince de Condé.
147.4
Mort de l'Admiral de Chastillon.
152.4
Mort honorable de Monsieur le Cou-
nestable. 140.4
Morts de quelques seigneurs de robbe
longue, qui aduindres en l'an 1524.
185.4
Morts empruntez des estrangiers, &
faits françois. 92.4
Motif du plaidoyer fait en l'an
1576. pour le pais d'Angouleme.
159.4
Motifs pour lesquels le Roy de Nauarre
changea d'opinion contre les Hugue-
nots. 108.4
Moulins blessez vers la porte sainte
Denu par les Huguenots. 135.4
en l'annee cinq cens lvi. plusieurs gens
de marque Moururent. 285.6
Moysé prie Dieu les bras esleuez au
ciel. 242.4
N
Nativité de Theodore fils de l'a-
theur. 48.6
Nativité du petit Roy François.
93.4
Nature nous doit estre proposee pour
seule & principale bute de nos a-
ffairs. 35.6
Nature douce de Monsieur le premier
Président. 214.6
le Naturel de l'auteur. 284.6
Neron desirer rencontrer quelqu'un qui
le massacrer pour mettre fin à ses mi-
seres. 274.6
le Duc de Nevers tué à la bataille de
Dreux. 117.4
Nicolas Oresme braue traducteur fut
du temps de Charles cinqueisme.
42.6
Naud Gardien fut coupé tout à fait
par Alexandre. 96.4
Novales introduites en France à l'oc-

T A B L E.

caſion des troubles.	151.4	lipoli.	313.b
les Nouuelles croiſſent en la ſale du Palais, & pourquoy.	100.4	Ordonnances d'amour.	39.4
aux Nouuelles premieres d'une bonne fortune il eſt malaiſe de ne ſe perdre.	108.b	Ordre nouuel de Cheualerie voué au S. Eſprit.	185.4
Numitor ſpolié de l'eſtat d'Albe par Amulius.	170.4	Orgueil & preſomption de l'homme.	303.4
		Orleans ville preſque expoſee au milien du Royaume. 91.b. ſurpriſe par le Prince de Condé.	110.b

O

Obit annuel de monſieur de Guiſe celebré tous les ans en noſtre Dame de Paris.	120.b	Orleans priſe en l'an 1567. par le ſeigneur de la Nouë.	165.b
Obſequies du Connestable.	140.b	Orpheus muſicien excellent.	34.b
Obſequies de Monſieur le premier Preſident.	218.4	L'Orthographe ancienne eſt la meilleure & la plus certaine. 8. 4 63. 64. 65.	
de noſtre moins Ocieux que quand lon eſt ocieux, vieillir cōtre.	320.b	ne ſe fault eſloigner d'icelle aſſement.	70.4
Ode de l'auteur ſur la main.	235.b	republique des Oyes que nous appellons ſauuages.	299.4
Olinier de Clifton aſſaſiné par le ſeigneur de Craon.	324.4.b		
Olinier, chancelier retourne en l'exercice de ſon eſtat.	88.b		
Opinions des hommes tenuerſes inſpectement.	93.b		
Opinion de Maſchiauel de la ſclereteſſe condamnee par l'ſie-Liue.	169.b		
Opinion fille baſtarde de la raiſon & paſſion.	290.b		
Opinions qui doiuent entrer es eſprits de ceux qui ſe veulent marier.	14.b		
combien les Opinions des hommes ſont diſſiciles à contenter.	328.b		
Oprat docteur Africain trefeloquent.	10.4		
Oracles anciens trompoient les hommes par un mot à deux ententes.	48.b		
Orateur du tout voué & ententiſ à la ſurpriſe du peuple.	5.b		
Orcan Roy des Turcs ſempara de Gal-			

P

P	Aix ſaiſte avec l'Eſpagnol.	85.4
	le Palais n'eſt le ſejour des mieux diſans de la France.	51.b
	le Palais homme par hazard lors de la mort du premier Preſident.	218.4
	Palladien.	13.b
	Palmerin d'Olie.	13.b
	Papiſte & Huguenot mots de ſaſſion introduits entre nous.	91.4
	Paradoxes plus hardis que ceux de Cicéron.	50.4
	Paris aſſiéé par le Prince de Condé.	116.4.b
	Paris le Troyen n'a point eſté ſondateur de la ville de Paris.	321.b
	Pourquoy la ville de Paris porte un nom en ſes armoiries.	312.b
	d'où vient que noſtre ville porte le nom de Paris.	312.b
	Paris ſejour des Rois dès le regne de Clovis.	323.4

la ville de Paris n'a iamais peu estre vaincue de ses ennemis.	323. b	il a mandie de nous les Premiers traits de sa Poësie.	5. b
Paris tombeau à ses ennemis.	324. a	il a acqui la vogue pour auoir emprunté plusieurs paroles de diuerses contrées.	52. b
la ville de Paris grandement opulente sous le regne de Charles v.	325. b	Philippe de Macedone au milieu de ses guerres civiles.	326. a
Paris en grande souffrete par le moyen des guerres civiles.	326. a	septim fut mis à mort.	86. a
comme Paris s'est remis sus.	327. a	Philippe Roy d'Espagne met le siege devant la ville de S. Quentin.	84. b
Paris est un racourcissement de l'Italie au petit pied.	327. a	Philippe de Commine a escrit la vie de Louis vnzeisme.	76. b
Parlement de Paris, l'autorité duquel a fait regner noz Rois.	167. b	nom de Philosophie adapté maintenant aux tireurs de quinte essence.	13. b
La Parole defaut ei bestes, qui est cause de tous noz maux.	301. b	la Philosophie fournit plusieurs discours.	34. a
les Passions tant du corps que de l'esprit troublent nostre raison.	289. b	la Physique, Politiques & Ethiques d'Aristote traduits en François.	42. b
Paul de Foix ambassadeur pour le Roy à Rome, mort.	284. a	monseigneur Pibrac President, l'une des lumieres de nostre siecle.	223. b. l'ouï par Monsieur le premier President.
Paul Theatin, introducteur de l'ordre des Theatins, est appelle à la papauté.	83. a		286. a
L'Amour de nostre Pays ne nous retient point tant que des nostres.	288. a	Picus Mirandula a escrit des Epistres en Latin.	4. a
tout le monde sert de Pays aux sages.	288. a	Pierre de Congueres Aduocat du Roy.	230. a
les Pecheurs anciens s'il est expedient de les rechercher en abondance de vices.	204. b	Pierre Guenois a mis noz ordonnances en ordre plus racourcy.	257. a
le Pelican se fait mourir pour donner guerison à ses petits.	262. b	Pierre Paschal homme qui se faisoit valoir par les plumes d'autrui.	276. b
quelles Peines ont les peres en mariant leurs enfans.	318. b. 319. a	Pierre de saint Clot poëte François.	53. a
les Peres proposent de leurs enfans, & leurs enfans en disposent.	197. a	monsieur Pichou a escrit un traite des Comtes de Champagne.	283. b
Perigieux surpris par Langorá.	165. b	Plaidoyé pour la ville d'Angoulême.	161. a
Permission aux Ecclesiastiques de vendre leurs terres les moins incommodes.	126. a	fait en Parlement a Paris le 4. Feurier 1576.	161. a
Perseuerance du Parlement contre l'Edit de lxi.	105. b	pour Plaire au lecteur, il ne faut pas estre toujours tendu à haut subiect.	329. a
Pentecoste iour fatal à nostre Roy.	185. a	les Plaisirs & desplaisirs prennent en nous leur origine d'une mesme source.	36. b
Petrarque a escrit des Epistres.	2. b		

T A B L E.

Platon a escrit des Epistres.	1. a	Politian a escrit des Epistres en Latin.	2. b
Plinie second a escrit des Epistres.	1. a	Polion auoit commandement sur ses heures.	31. b. Il recognoissoit en Titte-Liue quelque chose de son Padoüan.
grand vaseur de son temps, seïs des Epigrammes.	119. a		64. a
les Plumes seruent aux gens doctes de glaiues.	31. a	le royaume de Pologne deserré à nostre Ray, estant lors Duc d'Anjou.	158. b
Plus autre, deuise de l'Empereur.	22. a	Poltrai natif d'Aubeterre.	119. b.
le Poëme fait à Poitiers sur la Pulce.	224. a	estant esferdu apres le coup fut pris.	110. a
la Poësie Françoisse commenço de perdre son credit.	32. a	Pompee que fis apres auoir deffait Sertorius.	97. b. mal luy prit quand il quitta Rome pour la laisser à son ennemy.
la Poësie doit seulement uoier saplume en la celebration de ceux qui le meritent.	14. a	110. b. Il fut vaincu par Iules Cesar.	149. a. Il fontis grand malheur par la longueur de sa vie.
Poëtes discourans le mieux de l'amour, sont ceux qui sont moins atteints de la maladie.	8. b	Pourtrais de l'auteur.	227. b
Poëtes François en nombre effrené.	12. b	Parus pris par Alexandre, ce que luy dist.	204. b
Poëtes qui ont mis la main à la Pulce.	168. a	Preparatis pour l'Edit du mois de Ianuier 1561.	103. a
Poëtes qui ont celebré leurs amours.	219. b. & 230. a	Presches descouuerts d'as la ville de Paris le iour S. Laurent.	1557. 84. b
le Point d'honneur dont la noblesse Françoisse fait estat.	305. a	Presches des Ministres hors les murs de la ville de Paris.	99. b
Poitiers remis es mains du Roy.	115. b	Presches des Huguenots commençant de promouner impunément par la France.	100. a
Pole a escrit des lettres en Latin.	32. b	Presches des Huguenots retranchés.	127. a
Polemon adonné à ses plaisirs fut du tout conuert par Xenocrates.	7. b	Pretextes diuers pris par les Princes.	112. a
Police que tint le feu Duc de Guise dans la ville de Metz.	20. a. b. 21. a	Preuention, commun trait de rhetorique.	24. b
Police que Monsieur le premier President apporta aux audiences.	213. b	le Prince de Condé mandé en Cour.	92. b. arrivé, & constitué en prison.
Police contre les Abeilles contre les faiseurs.	193. b	92. a. déclaré innocent.	94. b
Polices nouvelles par la France pour asseurer l'estat du Roy.	127. a	se promit de surprendre le Roy.	134. b. Il vuida la ville de Paris, & se retira à Meaux.
Polirates Samien se disoient l'heureux des heureux.	218. b	109. b. Il est iné.	

147. a. b	maïns.	71. a
le Prince d'Orange s'absente des pays bas.	Prononciation & valeur des lettres.	
132. b	71. 72. 73. &c.	
le Prince de Galles adiourné à comparoir à Paris en la chambre des Pairs de France.	selon la Proportion de leurs progres toutes choses prennent fin.	202. b
172. b	Proposition soustenue par un bachelier de Theologie.	101. a
le Prince sage reduit sa puissance absolüe souz la ciuilité de la loy.	Propositions diuerses entre les Seigneurs de la Cour du Roy & du Parlement.	
40. b	220. a	
le Prince mineur doit tout craindre pendant vne guerre ciuile.	Protagora par la lecture d'Aristote ne deuint sobre & honneste.	
111. a	7. b	
le Prince est en fin puny de Dieu pour ses meschancetez.	Prouerbe, pour vn point martin perdis son asne.	252. a
269. b	Protestation des Princes & Seigneurs catholiques.	112. b. & 113. a
Principes diuers entre les Philosophes.	Ptolomée Roy d'Egypte demande secours aux Romains contre ses subiects.	
290. b	210. b	
Prinilege des vieilles gens.	Eudiciré de la femme est le seul moyen par lequel elle demeure forte.	
9. b	61. a	
Prinilege de la Fierre de saints Romain à Rouen.	la Pulce de Catherine des Roches.	
230. b	288. b	
Prinilege ancien des clerics.	la Pulce d'Estienne Pasquier.	290. b
234. a	Pucelles affronteuses qui se firent prescher par Paris comme estans enuiees des cieux.	13. a.
Prinilege des Bourgeois de Paris.	Punition des grands comment se doit faire.	204. a
323. b	la Pureté de la Langue Françoisse où il la faut chercher.	52. b
Procez encommencé à faire au Prince de Condé.	Pyrhus Roy des Epirotes tué d'une tuiile.	38. b
92. a		
les Procez sont pleins de grand ennuy & fascherie.		
264. b. & 265. a		
multiplicité de Procureurs nuisible au public.		
219. b		
les Procureurs protestent de ne vouloir occuper.		
224. b		
Procreation de l'enfant.		
48. b		
Profit qui nous reuiendrait, si toutes les disciplines estoient redigées en nostre Langage.		
7. a		
Prognostic vray & premier des malheurs qui depuis sont aduenus en la France.		
90. b		
Promotion belle & heureuse a l'estat de premier President.		
207. a		
la Prononciation ancienne est la meilleure & la plus seure.		
64. b		
Prononciation Latine n'est obseruée de nulle nation comme faisoient les Ro-		

Q

Quatre-mesnage, gaste-mesnage.

321. a

Quinquailleurs de quel artifice ils usent au soin de leur marchandise.

7. a

R

R Abelaïen folastant gaigna beau
coup de grace parmi le peuple.
13. a. il se muque sirt a propos des
escrecheurs de Latin. 53. a
Raimon Comte de Tholose, poëte excel-
lent. 44. a
discours sur la Raison dont l'homme
s'avantage sur les bestes. 289. b
la correspondance qu'il y a de nostre
Raison avec nos passions. 290. a
la folle Raison de l'homme cause de
tous nos malheurs. 290. b
Ramus a escrit vne Grammaire Fran-
çoise. 63. b
Rapt fait aux parès, quelle action c'est.
56. a
Rebuffi fut le premier des nostres qui
reduisit nos ordonnances en quel-
que ordre. 257. a
Rebus par qui premierement mu en lu-
miere. 249. a
Recherches de la France dedices à
Charles Cardinal de Lorraine.
30. a
les Recherches de la France, entreprise
de grand labeur. 43. a. &
227. a
les six livres de l'auteur des Recher-
ches de la France. 279. a
Recit de l'estat des troubles de lxxij.
137. b
Reconciliation de la maison de Guise
avec celle de l'Admiral. 127. b
Reduction des costumes par Monsieur
le premier President de Tou. 212. b
la Regence donnée à la Reine mere &
au Roy de Navarre. 96. b
Regnez en matiere beneficiale où a lieu.
181. a

la Religion ancienne ne doit aisement
estre remuée. 104. b
la religion fondement de toute republi-
que bien ordonnée. 168. b
la Religion ancienne ne doit estre chan-
gée, mais il faut corriger les abus.
309. b
il faut sur tout craindre d'entrer en dis-
putes en matiere de Religion.
309. b
Remonstrances du chancelier de l'Hos-
pital aux deputez de la Cour de Par-
lement. 105. a
Remonstrances de Monsieur Loisel à
l'ouverture de la seance d'Exen.
211. b
Remus tué par son frere. 270. b
Renaudie est directeur de l'entreprise
faicte contre le Roy. 89. a
René de Virague ebanclier de France,
mort. 285. a
Renties constituées sur les decimes.
139. a
Repliques & dupliques des plaidoyers,
refrénées par le premier President de
Tou. 214. a
Repos grand d'esprit est quand on
vit en repos avec sa femme. 16. a
Reprendre nos anciens arrehemens.
54. a
Representation en ligne directe & col-
laterale. 212. b
3. especes de Republique, & d'une qua-
triefme qui participe des deux ou des
trois. 166. b
plusieurs bestes ont leurs Republiques.
298. a
Requeste pour & au nom des prote-
stans de France présentée par l'Ad-
miral. 90. b
Requeste présentée au Roy à fin qu'il
fust permis faire vne Eglise separée

T A B L E.

de la nasse.	97.4	la Roine mere bien enpeschée à pacifier les troubles.	111.6
Resolution solle de ceux qui reduisent l'air de la France à celui des Romains.		Roman de la Rose, & ses auteurs.	42.6
157.4		Romesacagée & ruinée par les Gaulois.	23.4
Resolution admirable des Romains.		Rome en un clin d'œil se mettoit en armes à la moindre rumeur de guerre de la part des Gaulois.	23.4
275.6		Rome entre les autres republiques est infiniment solemnisée par nos ancestres.	167.4
Responce du rompie à Bla.	149.4	Rome prise par les Gaulois.	279.6
Restriction sur l'exercice de la religion nouvelle.	125.6	le Romain nous deuance en quelques particularitez de droit.	262.4
Rhea rendue nonnain voilée, comme inceste.	270.4	Romains studieux de l'embellissement de leur langue.	6.6
monsieur Riant Aduocat du Roy.		Romans d'Amadis fait François par le seigneur des Essars.	13.4
212.4		les Romains n'ont esté superieurs aux anciens Gaulois.	22.6. & 23.4
Rion ou Moulins, ancien seieur des grands lours au pays d'Auvergne & de Bourbonnois.	208.6	les Romains n'orthographioient comme ils prononçoient.	8.4. 65.4
siège Presidial d'Auvergne.	211.4	Romains deconfits par les Gaulois à un iour pres que les trois cens Fabiens estoient passez au fil de l'espee.	184.6
mesdames des Roches mere & fille honneurs de la ville de Poitiers.		les Romains anciens estoient plus lascifs en leurs Epigrammes que n'ont esté ceux qui leur ont succédé.	229.4
186.6		Romains qui abregerent les droits des Rois & Empereurs de Rome.	257.4
occupations.	187.4	les Romains saignans de prendre en main le fait de leurs allies, s'en faisoient maistres.	280.6
le Roy de Nauarre & le Prince de Condé sont mandez en Cour.	91.6	combien les Romains reduisoient la descente des Gaulois en Italie.	282.6
le Roy de Nauarre tué deuant Rouen d'un coup de balé.	115.6	Romulus fut tué par les patriciens & Senateurs qu'il auoit instituez.	269.6
Rois de France qui furent studieux & amateurs de la poésie.	43.6	Ronsard & Pasquier ont esté amis de leurs vivants.	14.4
nos Rois portent en leurs images la main de iustice, & pourquoy.	171.4	Rosim Comedien à Rome du temps de	
les Rois sont obligez enuers Dieu de rendre la iustice à leurs subiects.			
183.4			
Rois premiers de Rome, qui parvinrent à leurs estats par mal-angin.			
269.6			
Rois d'Egypte, desquels on permettoit au peuple d'honorer ou accuser la memoire selon leurs merites ou demerites.	286.6		
les Rois de France de la 3. lignée ont lié leur fortune avec celle de Paris.	323.4		

Ciceron.	5.b. & 241.b	il s'ensuit grand malheur par la longueur de sa vie.	219.4
Rouin prise d'assault par le conseil de Monsieur de Guise.	135.b	le Scorpion par son huile garentist du mal par luy procuré.	11.b
Monsieur de Ruffec gouverneur du pais d'Angoumois.	162.b	Scrutin des voix bruslé par le commandement de la Reine mere.	97.b
Ruines publiques par la France sous le pretexte de la religion.	114.b	Monsieur Seguer Advocat du Roy.	212.4

S

Employée par les Romains pour signification de salut.	32.b	Seneca ne se lit pas par tant de gens que Plutarque, & pourquoy.	329.4
Sabines ravies par les Romains.	271.4	bon Sens de monsieur le President de Thou.	216.4.b
Sadolet a escrit des lettres en Latin.	32.b	Sens dessus dessous, d'où vient ceste maniere de parler.	70.b. 71.4
Saint Denis ville prochaine de Paris surprise par les huguenots.	135.4	Sepulchre & tombeau de Louys vintisme demoli à Clercy par les Huguenots.	115.4
Saint Medard Eglise és fauxbourgs de Paris rompue par les Huguenots.	102.b	le Service des Dames est la premiere planche pour parvenir aux grands lieux.	39.b
Saint Mathias iour fauorable à l'Empereur Charles cinquiesme.	184.b	Servius Tullus fut tué par Tarquin orgueilleux.	270.4. 272.b. & 273.4
Saint Romain deliure de prison les criminels & malfaitteurs.	230.b	Sexte Pompee eut Auguste & M. Antoine en sa deuotion dedans ses nauires.	124.4
Sainte Croix, ancienne & venerable Eglise d'Orleans, razée à fleur de terre.	138.4	monsieur Sibilet donna les premieres instructions de la poësie Française à Pasquier.	228.4
Seladin Soudan de l'Egypte occupa tout le Royaume de Ierusalem.	313.b	Sidonius a escrit des epistres. 1.b. Il est seul entre les Latins qui fait mention des vers retragades.	247.4
le Saturnien mene l'amour avec crainte.	17.4	Siege deuant Paris par les Huguenots.	116.4
Schismes & heresies quand principalement ont cours.	84.4	Siege de la Rochelle, & quel progrès & euement il eut.	157.b
les Sciences & disciplines changent de domicile ainsi que les monarchies.	10.b	Siegers assassiné dans Soissons par la pratique de Fredegode sa belle sœur.	124.4
Scindici generaux du clergé creéz.	126.4.b	les Simples descrits par Plin, Dieuseconde & Marthule.	38.4
Scipion mit à fin le sort de la guerre des Afriquains encontre les Romains.	150.4		
il fait retourner Annibal de l'Italie.	84.b		

Sindicat entre les Procureurs.	plus ou moins doctes.	10. 4. &
214. 4	102. 4	
Sobriquets que noz anciens donnoient à noz Rois, fils auoient mal fait durant leurs vies.	le Temple de nostre Dame de Paris, la sainte Chapelle & le Palais, basties à la moderne.	222. b
286. b	Temple de la foy basti à Rome par le Roy Numa.	242. b
Soleil adoré des Ethniques souz diuers noms de Dieux.	les Termes de Pratique sont auoir d'huy changé.	3. b
296. b	le mareschal de Termes deffait par le Duc de sauoye.	149. 4
Selon & Platon ont escrit des liures d'amours.	Terres neufues pourquoy ainsi appellees.	62. b
230. 4	les mœurs du peuple des Terres neufues.	62. b. 63. 4
Sonnet de l'auteur.	Tertullian escriuain d'Afrique tres-sauant.	10. 4
232. 4	pour vn Zele ardent enuers Dieu & son Eglise, censuré.	220. 4
Sors Virgiliens.	Testamens & successions des François different de ceux des Romains.	258. b
48. 4	261. b	
Sparte republique des mieux morigenees.	les Thebains solenniçoient le troiesime iour de Iuing.	184. b
167. 4	Theodore de Beze propose pour son parti au colloque de Poissy.	98. b
Souhait d'un ancien Philosophe.	Theophraste grand personnage.	6. 4
47. b	Thibault Conté de Champagne excellent poëte.	44. b
si vn Subiect de France peut par honnestes remonstrances s'opposer quelquefois aux commandemens de son Prince.	les Tholoizains se sont appellez moudains.	48. 4
170. 4	Thraséas second Caton de son temps.	161. b
Suppression des offices reuocque, & tous estats remis sus.	le sieur de Tiart aggrege avec les sieurs de Rensard & du Bellay.	8. b
138. b	Tibere Empereur abhorra les langues estrangeres.	6. b
Stuart Escossois blessé monsieur le Connestable.	la Tigresse combien soigneuse & amoureuse de ses petits.	292. b
139. b	Tionville reprise par monsieur de Guise.	84. b
Symmaque a escrit des epistres.		
1. b		

T

T En Latin prononcé diuersement.

72. b
Tanaquil femme de Tarquin, nourrie en la science de deuiner.

272. b

Tarquin le viel assassiné par les menues d'Annius Martins.

272. 4
Tatius Roy des Sabins tué par Romulus.

271. b
Taverny homme de robbe longue tué combatant vaillamment.

153. 4
la Tempete du ciel si elle rend les gens

T A B L E.

<i>Tite-Live traduit en nostre vulgaire.</i>	<i>du Val recommandé par Monsieur le</i>
41. b	<i>premier President.</i> 286. a. b
<i>Tombeau de messire Anne de Mont-</i>	<i>Vale, mot de celuy qui en Latin prend</i>
<i>morency Pair & Conestable de</i>	<i>congé.</i> 2. a
<i>France.</i> 141. 142. 143.	<i>Valla a escrit en Latin des Epistres.</i>
<i>de Tou President mande pour faire le</i>	4. a
<i>procez au Prince de Condé.</i> 92. a.	<i>la Vesue faisant folie de son corps ne</i>
<i>sa vie & sa mort.</i> 212. 213.	<i>perd son doüaire.</i> 60. b
214. 215. &c. Il ne sçauoit que c'e-	<i>Vesues en quels cas subiects à la peine.</i>
<i>stoit de haïr.</i> 215. a	62. a
<i>Tournay en la rue S. Antoine deuant</i>	<i>le Vendosmois est fertile en orateurs &</i>
<i>les Tournelles.</i> 85. b	<i>poëtes.</i> 11. b
<i>L'hôtel des Tournelles sera à la ruine</i>	<i>Venise gouvernée par un bon nombre</i>
<i>de France.</i> 325. a	<i>de gens d'honneur qu'ils appellent les</i>
<i>Tours, le Mans, Angers & Saumur re-</i>	<i>magnifiques.</i> 167. a
<i>mus ci mains du Roy.</i> 115. b	<i>la Verité cachée par l'ignorance de no-</i>
<i>la Traduction est laborieuse, & peu</i>	<i>stre raison.</i> 290. b
<i>honorable.</i> 42. a	<i>Vers Alexandrins d'oü ainsi dict.</i>
<i>Trefue concludüe entre le Roy & mon-</i>	53. b
<i>seigneur son frere par l'entremise de la</i>	<i>Vers retrogrades François.</i> 246. a. b
<i>Reine.</i> 159. a	<i>Vers rapportez.</i> 248. b
<i>les Tribulations & fescheries d'oü pro-</i>	<i>Vers ascendants.</i> 252. b
<i>cedent.</i> 36. a	<i>Vers presque sonz mesmes mots rappor-</i>
<i>Tribuns, conseruateurs du peuple.</i>	<i>tez.</i> 253. a
167. a	<i>Vers de monseigneur le grand Prieur.</i>
<i>Troubles d'Amboise.</i> 89. a. suite des	254. b
<i>Troubles d'Amboise.</i> 90. a	<i>Vertus & vices de chaque nation,</i>
<i>Tristan l'hermite preuost de Louys</i>	<i>sont hereditaires.</i> 10. a
<i>vnziesme.</i> 78. b	<i>Vice propre aux François.</i> 12. b
<i>Tumultus, mot Latin, & qu'il signi-</i>	<i>la Victoire de la bataille de Dreux à</i>
<i>fie.</i> 279. b	<i>qui doit estre attribüe.</i> 118. a
<i>les Turcs n'ont cessé qu'ils ne se soient</i>	<i>Victoires obtenues iadiu par les Gaulois</i>
<i>emparez de tous l'Empire de Grece.</i>	<i>en Italie.</i> 23. a
313. b	<i>le Vidame de Chartres mis prisonnier</i>
<i>Tutelles & curatelles des François</i>	<i>en la Bastille.</i> 90. a
<i>differentes de celles des Romains.</i>	<i>la Vie des villes est à preferer à celle des</i>
258. a	<i>champs.</i> 34. b
	<i>la Vie solitaire est malheureuse.</i> 35. a
	<i>la Vie & deportemens de l'Admiral.</i>
	153. b
	<i>la Vie & deportemens de monsieur de</i>
	<i>Guise.</i> 154. 155. 156.

Voyelle comment se pronçoit an-
ciennement dans Rome. 73. a

T A B L E.

la Vie & mort tresbelles de monsieur le premier President de Tou.	211. b	ciens avec g.	69. b
monsieur Vignier a escrit l'histoire de France.	283. b	l'Union de l'Eglise de tout temps a de- pendu de la chaire saint Pierre.	310. a
les Villes en quoy elles affluent.	36. a	Voyage du seigneur de Guise en Ita- lie a la sermonee du Pape Paule Thea- tin.	83. a. & 84. a
les villes de Piedmont & de Sauoye rendues par la paix.	85. a	Voyage du petit Roy François à Or- leans en deliberation d'exterminer l'heresie.	91. a
les Villes rendues au Roy Philippe.	85. a	Voyage du Roy Charles neuuesiesme par la France.	126. b
Villes prises d'elles-mesmes en saueur des Huguenots.	114. b	Voyes du cerf.	53. b
Villes donnees en garde & depas à ceux de la religion & à leurs associez catholiques.	159. b	la Foix de l'homme bien organisee plus plaisante que le chant des oiseaux.	38. a
Villes prises & occupees par les Hugue- nots, voisines d'Angoulesme.	176. b	le Vulgaire & langage commun pro- pre pour exprimer nos conceptions.	3. b
Virgile lisoit les œuvres d'Ennium pour s'en seruir.	43. a		
Virginus tua sa fille innocente, a fin qu'elle ne fust violée.	275. b		
le bon visage d'un Roy combien il im- porte enuers la noblesse de France.	138. a		
Vn, pourquoy estoit escrit par les an-			

X

X Enophon grand personnage. 6. a.
Il a escrit la vie de Cyrus pour
seruir d'exemple. 76. b

Fin de la Table.











A Ch.

